

1554

Hic liber Lucubrationum Johannis
michi & fratri Typiano misit
die 6^{ta} 8^{bris} Anno 1554

Michi vero datus est a Reverendo
B: Patre Poplenski die 24^{ta} 8^{bris} 1554
Albatus Kulepa Caplan
Bram Notarius subscriptus

Michi vero donatus est a Genero
So Alberto Kulepa libri in
infantibus fidei omni bus
deco sapienterum huius
scriptis qui spiritu prophetico
inque lingua beata
Martini Blendeni

Biem. E. IV. 18

PHILONIS IV=

DAEI, SCRIPTORIS ELO-
quentissimi, ac Philosophi summi, lucu-

brationes quotquot haberi potuerunt, Latine
factæ per Sigismundum Gelenium.

His accessit propter argumenti similitudinem,
Athenagoras De mortuorum resurrectione, Petro
Nannio interprete: ☞

Aeneas Gazeus De immortalitate animarum; ☞
et corporum resurrectione, Ioanne Vuolphio inter-
prete: uterq; integritati restitutus: addito re-
rum memorandarum Indice.

Ad Varsoviæ



Τῆς ἐπιμελείας δὲ λαοῦ αἰτῶνται.

Cum Privilegiis Imp. Caroli V. ad quinquennium;
☞ Regis Galliarum ad sexennium.

*Benitarum samaldulens S. P. Romualdi. Ex Legato
M. D. Feliciani de Inogorow Wronicz Capici
Narcens. V. p. 20.*

Privilegium Imperatorium supe-
riore editione intima-
tum est.

HENRY par la grace de dieu, Roy de France, Aux Preuost de Paris, Bailly de Rouen, Seneschaulx de Lyon, Thoulouse & Poictou, & a tous noz autres iusticiers & officiers ou leurs lieutenant, salut. Receue auons l'humble supplication de nostre aime, & seel Nicolas l'Euesque le Jeune, marchand libraire & bourgeois de la uille de Basle, l'ung des Cartons, de noz alliez & confederex & bons comperes les Souyffes, contenāt quil' auroit recouuert ung liure non encore ueu Intitule, *Philonis Iudæi, scriptoris eloquentissimi, ac philosophi summi, lucubrationes, quotquot haberi potuerunt, Latine factæ per Sig. Gelenium, coniunctis Athenagora De mortuorum resurrectione, & Aenea Gazæo De immortalitate animarum, & corporum resurrectione, utrisq; suæ integritati restitutis.* Pour le quel liure recouurer & imprimer, il luy a conuenu & conuiendra faire grands frais & despens. Et doubte que les libraires & imprimeurs ne fassent si tost que ledict exposant aura faict publier ledict liure, Iceluy imprimer, qui seroyt luy oster tout moyen de se pouoir rembourser de ses dictz frais & mises, & de receuoir le fruit quil' espere de son labeur. A ceste cause il nous a humblemēt requis luy uouloir sur ce pourueoir de nostre remede conuenable. Pourquoy nous ce considerer uoulans fauorablement traicter ledict exposant, en cest endroict, à Icelluy auons permis et octroyé, permettons & octroyons, per ces presentes, uoulons & nous plaist, de noz grace special plaine puissance & autorite Royal qu'il puisse, & luy loise, imprimer, ou faire

imprimer, & mettre en uente, le liure dessusdict. Sans ce
que pendant & durant le temps & terme de six ans en-
suyuans, à compter du iour & datte que ledict liure se-
ra acheué d'imprimer, nul autre libraire ou imprimeur
de nosdictz Royaulme, pays, terres, & seigneuries de
nostre obeissance, puissent imprimer, ou faire impri-
mer, ne mettre ne exposer en uente, sans le congé & per-
mission dudit exposant. Et ce sur peine & confiscation
desdictz liures et d'amende arbitraire, à nous à applic-
quer. SI VOVS mandons, & à chascun de uous
se comme à luy appartiendra, que de noz presentz per-
mission, concession, & octroy, & de l'effect & contenu
en icelles: nous faictes, permettes, & souffres ledict ex-
posant iouir & user plainement & paisiblement, sans
en celuy mettre ou donner ne souffrir estre faict, mis, ou
donné aucun empeschement, au cōtraire, le quel si faict,
mis, ou donné luy estoit faictes mettre incontinent, sans
delay à plaine & entiere deliurāce & au premier estat,
& deu. Car tel est nostre plaisir, nonobstant quelz con-
ques lettres à ces contraires. Donnē à Paris XVIII.
iour de Feurier, L'an de grace Mil cincens cinquante
troys, & de nostre Regne le septiesme.

Par le Roy en son conseil.

Robillart.

GENEROSO ADO

LESCENTI DOMINO IOAN

ni à Balma Perano Re. Protono-
tario, Sigismundus Ge-
lenius s.



CIO equidem, adolescens ge-
nerose, ex quo post illos gigan-
teos conatus diuise sunt linguae
μερόπων ἀνθρώπων, earū cui-
que suam datam gratiam, ut
semper uel barbarum hominem
melius intelligamus, libentiusq;
audiamus propria lingua loquentem quàm per inter-
pretem. Vertit olim Timæum Platonis eloquentis phi-
losophi librum M. Tullius orator eloquentissimus: sed
etiamsi hoc opus extaret, nemo qui Græce scit non mal-
let illum in sua lingua legere. Fuit tamen superiorum se-
culorum, post translatum euersumq; à barbaris impe-
rium, & uastatam literarum altricem Italiam, tanta in-
felicitas, ut ne historiæ quidem Romanæ maneret series,
fœdè interrupta, mutilis & magna sui parte laceris re-
lictis præcipuis eius autoribus. ergo huic & cæteris di-
sciplinis succurrendum erat propter eos qui Latine tan-
tum sciunt, uersis sat multis per nostri seculi eruditos
uoluminibus. mihi sacris profanisq; historijs manus ad-
moliri libuit, quantum potui succisiuis & interdum fur-
tiuis

EPISTOLA

tiuis horis in hoc meo uitæ genere, quo saxū Sisyphiū,
 uel potius Plautinam molam, iam per decem ferè lustra
 uoluo reuoluoq; , lectione tumultuaria uersans Græcos
 Latinosq; codices. Pergemus igitur quando & nos ma-
 num ferulæ subduximus, inuenturi aliquos qui hæc non
 fastidiant, ut sunt uaria mortalium iudicia. quomodo au-
 tem ætatem laturi sint hi nostri partus, uiderit posteri-
 tas: mihi interim patroni eorum quærendi sunt, ne for-
 tē sint tam *αὐτοθάνατοι*, ut parentem suum relinquant
 superstitem. In eorum numero tu adolescens generose
 iam dudum designatus es animo, ut nihil hætenus præ-
 ter occasionem defuerit. non possum enim non exoscu-
 tari tuum elegantissimum ingenium, quod sub idoneo
 formatore domino Gilberto Cognato uiro doctissimo
 gnauiter excolis, nec contentus imitari uiros literatos,
 etiam epistolijs amantissimis ad mutuam inuitas bene-
 uolentiam: quæ omnia mihi optimæ frugis maturè se-
 cuturæ spem faciunt. Debeo igitur & ipse in hoc uir-
 tutis stadio anhelanti aspergere frigidam: & inuenies
 hic exempla egregia hominum, quos Christus ipse iam
 tunc ante carnem assumptam colloquio dignatus est,
 ut Abrahami Iacobi Moysisq; , & cum primis Iosephi in
 omni ætate omniq; fortuna sui similis. quamuis non de-
 sint tibi exempla domestica, quæ solent acriores adde-
 re stimulos: ut qui nobilissima Burgundiæ familia &
 cum alijs æquè nobilibus coniuncta ortus sis. in quibus
 ut proximi sic præcipui sunt, pater Philibertus à Bal-
 ma, Peræ Corgenonisq; in Segusis dominus, & ma-
 ternus auus illustris baro Digonia Ioannes à Damis:

præte=

N V N C V P A T O R I A

præterea duo auunculi, totidem uestra Burgundie si-
dera, Reuerendissimus dominus Gulielmus à Poupet,
abbas Balnæ Balernæ Goillæq; & frater huius illu-
stris dominus Ioannes à Calce, unus ex intimis aulae Ca-
sareæ, tanto monarchæ suo meritò charissimus. Vadit
igitur ad te Philo, ducens secum Mosem illum antiquis-
simum, Ogygio seculo natum, & Cadmo multo supe-
riorem, quandoquidem eius tempore illiteratam Græ-
ciam fuisse testantur Chronographi. afferunt autem hi
uiri diuina placita, & eorum interpretamenta iuxta
priscorum sententiam. non est tamen quòd te maiestas
hæc rerum absterreat, sed alliciat potius, præsertim cum
sacris functionibus destinatus, iam nunc te his parare
debeas, & ut facis, respondere spei conceptæ de tua in-
dole. inuenientur hic multa quæ sacros sensus osten-
dant certius, non tam obscuros aliqua caligine, quàm
præstringentes mentis oculos splendore nimio. lice-
bit etiam hic pleraq; agnoscere, quæ post summi theo-
logi transferenda putarunt in suos commentarios. cer-
te non debet esse ingrata huius lectio, cùm Platonem
non tam prope ad nostros accedentem, & alienio-
rem Aristotelem, Auerroemq; scriptis ac religione bar-
barum, in scholas admittant etiam theologi. haben-
da tantum est ratio temporum, simulq; cogitandum,
hæc fuisse scripta cùm nondum satis vulgata esset lux
Euangelica. habuit & pietas religioq; suam infantiam,
iuuentam, uirilitatem, & uisa est aliquando ad senium
uergere. sed nescit senium res immortalis & Deo cha-
rissima. Qualis autem quantusq; uir fuerit hic Philo,

EPIST. NVNCVP.

Docerunt subiuncta aliquot testimonia. Fuit certe inter
suos primarius, Tiberij Alexandri Alabarchæ (sic in
Aegypto Iudeorum summum magistratum uocant) fra-
ter, eius qui Romæ inter consulares Vespasiani amicos
statuam habuit, sicut Iuuenalis cum stomacho meminit,
eruditione non minus celebris, quàm germanus opibus.
unde illud uulgatum, ἢ φίλων πλατωνίσει, ἢ πλάτων
φιλωνίσει. mihi Plato potius φιλωνίσειν uidetur, id est
Mosen æmulari, cuius Philo fuit discipulus. cōstat enim
Platonem in Aegypto peregrinatum, ibi audisse non
magis Aegyptiorum quàm Iudeorum ἱερογλυμματεῖς.
Hæc apud te adolescens generose præfari libuit, quo ma-
gis accendaris ad operis uisendi cupiditatem, quod te
animi nostri erga te propensissimi admonebit.

Bene uale. Basileæ, Cal. Februarijs,

Anno M D LIIII.

TESTIMONIA

SANCTISSIMORVM VI-

rorum de Philone Iudæo,

EVSEBIVS HISTORIAE

Ecclesiasticae Libro secundo.

CAij Cæsaris temporibus, Philo magna fama ce-
lebritate apud plurimos fuit: uir sanè, qui non
nostrorum hominum solum, sed etiam Genti-
lium, qui humanitatis ac politioris literaturæ elegantia
excellebant, faciliè principem locum obtinuit. Genus au-
tem antiquitus ex Hebræorum stirpe duxit: atq; illis ui-
ris, qui Alexandria in summis honorum gradibus loca-
ti, magnum splendorem acquisiuisent, nulla ex parte
inferior putabatur. In diuinas præterea & patrias di-
sciplinas quantum & quàm magnum laborem contule-
rit, inter omnes liquidò constat. Quinetiam in studijs
philosophiæ, liberaliumq; artium cognitione qualis &
quàm excellens fuerit, non necesse habeo dicere: præser-
tim cum Platonica & Pythagorica disciplina formam
ardentiore studio imitatus, omnibus suæ memoriæ &
ætatis uiris antecelluisse prædicetur.

Acrursus de eo sic loquitur. Philo quidem uer-
bis copiosus, sententijs locuples, in diuinis scripturis
explicandis altus, & in sublime se tollens, uariam æ-

multiplicem sacri eloquij interpretationem pertexuit. Et paulò post, istum, Caio regnante, Romam profectum esse, & librum de Caij impietate ac scelere à se compositum (quem facete admodum & dissimulanter, De uirtutibus, inscripsit) postea, Claudio imperium gerente, coram uniuerso senatu recitasse memorie proditum est. Quapropter non illud opus solum, uerum etiam alia ab eo edita tantopere admirabantur Romani, ut digna existimarent, quæ in ipsorum bibliotheca, tanquam monumenta quedam reponerentur.

AUGUSTINVS CONTRA

Faustum Manichæum, libro

XII. cap. II.

Vidit hoc, inquit, Philo quidam, uir liberaliter eruditissimus, unus eorum, cuius eloquium Græci Platoni æquare non dubitant.

HIERONYMVS IN CA-

talogo Scriptorum Ecclesiasticorum.

Philo Iudæus, natione Alexandrinus, de genere sacerdotum: idcirco à nobis inter scriptores ecclesiasticos ponitur, quia librum de prima Marci Euangelistæ apud Alexandriam scribens ecclesia, in nostrorum laude uersatus est: non solū eos ibi, sed in multis

tis quoq; provincijs esse memorans, & habitacula eorum
dicens monasteria. Ex quo apparet, talem primū
Christo credentium fuisse ecclesiam, quales nunc mona-
chi esse nituntur & cupiunt, ut nihil cuiusquam pro-
priū sit, nullus pauper, patrimonia egentibus diuidun-
tur, orationi uacatur & psalmis, doctrinæ quoq; & cō-
tinentiæ: quales & Lucas refert primum Hierosolymæ
fuisse credentes. Aiunt hunc sub Caio Caligula Romæ
periclitatum, quò legatus gentis suæ missus fuerat. Cum
secunda uice uenisset ad Claudium, in eadem urbe locu-
tum esse cum apostolo Petro, eiusq; habuisse amicitias,
& ob hanc causam etiam ecclesiam Marci, discipuli Pe-
tri, apud Alexandria sectatores ornasse laudibus. Extāt
huius præclara & innumerabilia opera. In quinq; li-
bros Moysi: De confusione linguarū liber unus: De na-
tura & inuentione liber unus: De his quæ sensu preda-
mur & testamur liber unus: De eruditione liber unus:
De hærede diuinarum rerum liber unus. De diuisione
æqualium & contrariorum liber unus: De tribus uir-
tutibus liber unus: Quare quorundam in scripturis mu-
tata sint nomina liber unus: De pactis libri duo: De ui-
ta sapientis liber unus: De gigantibus liber unus: Quòd
somnia mittantur à Deo libri quinque: Quæstionum
& solutionum in Exodo libri quinq;: De tabernacu-
lo & decalogo libri quatuor: Necnō de uictimis & re-
promissionibus, siue maledictis: De prouidentia: De
Iudeis: De conuersatione uitæ: De Alexandro, dicen-
te quod propriam rationem muta animalia habeant,
& quòd omnis insipiens seruus sit: Et de uita nostro-
rum

rum librum, de quo supra diximus, id est, de apostolicis uiris, quæ & inscripsit *περὶ βίῃ θεωρητικῇ* in *ἐπὶ τῶν*, quod uidelicet coelestia contemplantur, & semper deū orent. & sub alijs indicibus: De agricultura duo: De ebrietate duo. Sunt & alia eius monumēta ingenij, quæ in nostras manus non peruenerūt. De hoc uulgo apud Græcos dicitur, ἢ *πλάτων φιλονίζει*, ἢ *φίλων πλατωνίζει*. id est, aut Plato Philonem sequitur, aut Platonem Philo: tanta est similitudo sensuum & eloquij.

R A P H A E L V O L A T E R R A -
nus Anthropologiæ Libro decimo=
octauo, ex Suida.

PHilo Iudæus, Alexandriae natus, disciplinisq; omnibus eruditus, in nostra & Græcorum philosophia facile cæteros antecellit, eloquentiæ Platonis adeo æmulator, ut prouerbum fuerit, ἢ *πλάτων φιλονίζει*, ἢ *φίλων πλατωνίζει*. id est, aut Plato Philonizet, aut Philo Platonizat. In diuinis autem legibus & patrijs institutis quantus fuerit, ex his quæ nobis librorum suorum tradidit monumentis palam est. Igitur temporibus Caij principis quanta acciderint Iudæis mala, uoluminibus absoluit: in quibus & suam legationē pro Iudæis apud ipsum Imperatorem refert: unde suggillatus nec sine periculo domum redijt. Sed & Iosephus huius legationis meminit lib. 18. his uerbis, Et quidem cum seditio apud Alexandriam fuisset inter Iudæos & Græcos, terni ab utrisque legati partibus mittuntur ad Caium,


Caium, in quibus pro parte Græcorum erat quidā Ap-
pion grammaticus, qui cum in cæteris insimularet eos,
tum quòd honores diuinos (ut mos est apud alios) Cæsa-
ri non deferrent: quapropter iratum reddidit Caium.
Philo, qui legationi præerat Iudæorum, uir in omnibus
magnificus, philosophiæ non ignarus, uehementissimè
omnia confutauit. tandem absterritus ac repulsus, Bo-
no nos, inquit, animo esse oportet, quibus est Caius infe-
stus. Neesse namq; diuinum adesse, ubi humanum ces-
set auxilium. Hæc quidem ille. Sed Philo in ipso libro,
quem de sua legatione scripsit, omnia exequitur. Iterū
ergo reuertens legatus ad Claudium in Vrbe, cum apo-
stolo Petro tunc primum congressus est, uenitq; in eius
& Marci discipuli amicitiam, ob quam causam postea
Alexandrinam ecclesiam, cui Marcus præfuit, & Chri-
stianos ea tempestate laudibus prosequitur, ut Hiero-
nymus testatur. Volumen eius ingens plures continens
libros ad nos peruenit, conuersum Sixti IIII. Pontificis
tempore, à Lilio Tiphernate meo præcepto=


re, bibliothecæq; Vaticanæ
dicatum.

CATALOGVS ET ORDO

Librorum in primo Philonis Iudæi
Tomo contentorum.

- I De mundi opificio.
- 2 Legis Allegoriarum liber I.
- 3 Legis Allegoriarum lib. II.
- 4 De Cherubim.
- 5 De sacrificijs Abelis & Caini.
- 6 Quòd deterius potiori insidiari soleat.
- 7 De Agricultura.
- 8 De plantatione Noe.
- 9 De Temulentia.
- 10 De his uerbis, resipuit Noe
- 11 De Gigantibus.
- 12 Quòd Deus sit immutabilis.
- 13 De confusione linguarum.
- 14 De Abrahamo.
- 15 De migratione Abrahami.
- 16 De congressu quærendæ eruditionis
gratia.
- 17 De Profugis.
- 18 Quis rerum diuinarum hæres sit.
- 19 De Ioseph.





PHILONIS IUDAEI, DE EA

QUAM MOSES DESCRIBIT
Mundi creatione Liber,

Sigisfrundo Gelenio interprete.



AEteri legislatores partim
nullo ornatu adhibito nu=
dum ius præscripserūt: par=
tim ad exaggerādā apud
uulgus rem; fabulosis fig=
mentis ueritatem prætexe=
runt. Moses uerò utraq; ra=
tione posthabita, altera ut
rudi ac ignaua parumq; decora philosopho: altera ut
mendace plenāq; præstigijs, perpulchrum ac honestissi=
mum legum suarum fecit initium: neq; statim quæ faciē=
da, quæ uel non, admonens: neq; quoniam formā dæ prius
erant mentes accepturorum has leges, affingens fabu=
las, aut aliorum figmenta recipiens: sed admirandum (ut
dicere cœpi) est hoc principium creationē mundi com=
plexum: utpote cum & mundus legi & lex mundo con=
ueniat, & homo legi obnoxius mox ciuis mundi eua=
dat, dirigens sua facta ad arbitrium naturæ gubernantis
hanc rerum uniuersitatem. eam sublimitatem sensuum
Phil. to. i. b quibus

quibus mundi creatio traditur, nullus poeta, nullus scriptor laudare queat pro dignitate. superat enim omnem dicendi audiēdiue facultatem, utpote sublimiores quam ut mortali quopiam uase possint conuenienter percipi. non tamen ideo cessandum est, sed studio pietatis uel ultra uires audendum: non ut priuatim asseramus aliquid proprium, sed è multis pauca quædam, ad quæ humanam mentem penetrare fas est, deductam amore ac desiderio sapientiæ. quemadmodum enim colossorum similitudines uel in exiguo exprimentur anulo: ita fortassis etiam scripturæ creationem mundi prodentis pulchritudo eximia splendore quodam percellens lectorum animos, mediocri stylo enarrabitur: si prius admoneantur, quod admoneri operæ precium fuerit. quidam enim mundum magis admirati quam eius conditorem, hunc quidem non factum æternumque, asseuerant: deum uero in alto ocio degere mentiuntur impij: cum debuissent contra, huius ut conditoris ac parentis admirari potentiam, illum non supra modum uenerari. at Moses tum philosophiæ fastigium assecutus, tum oraculo de præcipuis naturæ arcanis edoctus, animaduertit duo esse in rebus necessaria: alterum causam agentem, alterum quod ab agente afficitur. præterea agens illud esse huius uniuersæ mentem sincerissimam ingentissimamque, præstantiorem quam sit uirtus aut scientia, imò quam ipsum summum bonum & ipsum summum pulchrum. alterum autem illud passioni obnoxium, inanime & suapte natura immobile, motum, formatum animatumque, à mente illa, red ditum esse opus absolutissimum. cæterum qui mundum
factum

DE MVNDI OPIFICIO. 3

factum negant, non animaduertunt se tollere quod est in-
uita utilissimū, & ad pietatem summē necessarium, nem-
pe providentiam. nam opificium non negligi ab opifice
suo parenteq; docet ratio. etenim pater hoc agit ut per-
maneant sua progenies, cōditor item diuturnitati à se con-
ditorum consulit, arcens quicquid noxam damnūque
illaturum uideatur, contra quicquid utile commodūq;
modis omnibus prospiciens. at quod factū non est, nihil
commercij habet cum eo qui se non fecit. est autem ab-
surda opinio atq; inutilis, mundum tanquam rempub.
sine magistratu inducere, cui non præfectus, non præ-
ses, non iudex præsit, quem omnia dispensare guberna-
reque deceat. at magnus ille Moses longissimo interuallo
distare existimans rem uisibilem ab infecta: quandoqui-
dem quicquid sensui subiectum est, generationi mutatio-
niq; obnoxium nunquam eodem statu manet: inuisibili
& mente sola prehensibili naturæ æternitatem tāquam
germanam cognatamq; attribuit: de sensibili uerò gene-
rationem tanquam propriū uocabulum prædicat. quo-
niam igitur uisibilis sensibilisq; hic mundus est, factum
esse consequitur necessario. quapropter non alienū fuit
ab auctoris proposito, generationem eius scripto prode-
re, idq; admodum grauitate ac theologice. sex autem die-
bus fabricatum ait mundum, non quod temporis spacio
opus habuerit conditor: deum enim non iussu solum, ue-
rum & cogitatu operari creditur: sed quoniam opus e-
rat res creari quodam ordine, ordini autē numerus est
proprius, inter numeros uerò lege naturæ aptissimus ge-
nerationi est senarius. nam post unitatem primus occur-

rit perfectus parilibus constans partibus è quibus conficitur: è ternione scilicet sui dimidio, è binario parte tertia, & ex unione parte sexta: qui (ut ita loquar) mascula simul ac foeminea natura præditus est, & compositus ex utriusq; uiribus. masculus enim in rebus censetur impar numerus, sicut par foemina. imparium autè principium ternio, parium binarius. ex amborum uero uiribus constat senio. oportet enim mundum cum sit creaturarum omnium absolutissimus, iuxta perfectum numerum compingi, nempe senarium: & quia in seipso complexurus erat generationes è binaria copula, formari ad numerum mixtum, eum qui primus pariter impar est, ut in se contineret tum proseminantis masculi, tum foeminae genituram suscepturæ speciem. singulis autem diebus attribuit aliquam uniuersi portionem, excepto primo die, quem ne nominat quidem primum, ne connumeretur cæteris: sed unum nominans, apto utitur uocabulo, considerata unionis natura, appellationeq; eius hic conuenientissima. Differemus igitur quæ his uerbis continentur quantum fieri potest, quando impossibile est dici omnia. inest enim hic eximius ille mundus intellectu solo conspicuus, sicut procedente sermone patebit in enarratione huius diei. Deus enim ubi pro sua deitate præuidit, imitamentum pulchrum non posse absq; exemplari pulchro existere, nec sensibile quicquam citra exceptionem probari posse, quod non archetypo intelligibilis ideæ respondeat, postquã decreuit uisibilem huncce mundum cōdere, prius formauit simulacrum eius intelligibile, ut ad exemplar incorporei deoq; simillimi, corpore

corporeum absolueret mundum recentiore hunc, antiquioris effigiem, totidem complexurum sensibilia genera, quot in illo intelligibilia. mundum autem illum qui ex ideis constat, nefas est loco ullo dicendo cogitandoue circumscribere: sciemus tamē quo pacto consistat, si considerauerimus aliquam rerū nostratum similitudinem. quoties condenda est urbs cura regis alicuius aut imperatoris pro fortuna magnifici, præsto est quissiam peritus architectonica, qui contemplatus loci opportunitatem, primum intra seipsum partes futurae urbis prope modum omnes deliniat, templa, gymnasia, curias, fora, portus, naualia, uias angiportusq; mœniorum situm, et ædificiorum tam priuatorum quàm publicorum. deinde impressis uelut in ceram in suum animū singularum rerum imaginibus, effingit urbem intelligibilem: cuius effigiem innata retractans memoria, atq; ita impressis sibi magis etiam simulacris, ut bonus artifex, ad semel propositū exemplar respiciens, aggreditur designatam suam structuram è saxis et materie, representans incorporeas illas ideas singulis operis partibus. eodem ferme modo de deo sentiendum est, qui ubi decreuit ingentem hanc urbem condere, prius formas eius concepit: ex quibus postquam intelligibilem mundum constituit, ad illius exemplar sensibilem hunc condidit. Quemadmodum igitur illa in architecto præsignata urbs locum extra nullum habuit, tantum impressa artificis animo: eodem modo ne ille quidem ex ideis constans mundus alibi locum habere poterat, quàm in dei uerbo quod adorauit hæc omnia. quis enim alius possit esse locus uirtu-

tum dei, idoneus ad concipiendas non dico omnes ideas,
 sed uel unam quampiam earum simplicissimam? est au-
 tem uirtus etiam mundi effeatrix, à uero bono ceu à fon-
 te oriunda. nam si quis uellet causam huius uniuersalis
 opificij perscrutari, non aberraret opinor à scopo si di-
 ceret, quod quidam priscus sapiens: bonum esse patrem
 conditoremq;, ideoq; suapte naturæ bonitate non inui-
 disse substantiæ, nihil boni ex seipsa habenti, quæ tamen
 quiduis fieri poterat. erat enim ex seipsa expers omnis
 qualitatis, indigesta, inanimis, plena ruditate, confusio-
 ne, atq; discordia: sed capax alterationis mutationisq;
 in contrarium statum optimum, uidelicet ordinem, qua-
 litatem, animationem, similitudinem, identitatem, co-
 aptationem atq; consonantiam, cæteraq; quæ ad potio-
 rem ideam attinent. Tum deus nemine monente (quis
 enim erat alius?) suoapte consilio decreuit diuitias gra-
 tiæ suæ copiose largiterq; profundere in naturam nul-
 lius bonæ rei per se capacem sine diuina munificentia.
 attamen non pro magnitudine gratiæ suæ beneficus est,
 nimirum infinite ac incomprehensibilis: sed attempe-
 rat se ad uires eorum quos dignatur sua beneficentia.
 nec enim sicut deus ad benefaciendum natura propen-
 sus est, ita creatura ad accipienda beneficia. illius enim
 potentia longè superat, at huius infirmitas impar est
 eorum magnitudini, succumberetq; nisi deus pro cu-
 iusq; portione moderaretur suam gratiam. quod si cui
 libeat apertioribus uti uocabulis, nil aliud dixerit esse
 mundum intelligibilem, quàm uerbum dei iam mun-
 dum condentis, nec enim intelligibilis urbs est aliud
 quid

quid, quàm illa architecti ratiocinatio, cogitantis iam urbem mente conceptam condere. Mosis enim est opinio hæc, non mea. ergo hominis generationem aggressus scribere, procedēte sermone diserte fatetur, formatū eū utiq; ad dei imaginem. quod si pars imago est imaginis, patet quòd etiā tota hæc species, uidelicet uniuersus hic mundus, qui magis quàm homo refert diuinam imaginem. liquet autem quod archetypum sigillum, quem dicimus esse mūdum intelligibilem, ipse sit archetypum illud exemplar, idea idearum, uerbum dei. narrat enim quomodo in principio fecit deus cœlum et terram, principium usurpans non ut quidam putant, iuxta significationem temporis. tempus enim ante mundum non erat, sed aut una factum est, aut post eum. Cum enim tempus sit spaciū motus cœli, fieri non potest, ut motus rem motam præcesserit: sed necesse est hunc aut pòst, aut simul existere. necessario igitur colligitur, tēpus aut æquæuum esse mundo, aut recentius. affirmare aut illud esse antiquius, re uera alienum est à philosophia. quod si principium non accipitur nunc iuxta significatū temporis, conueniens fuerit id significari iuxta numerum, ut hæc uoces, IN PRINCIPIO FECIT, idem ualeāt quod PRIMVM fecit cœlum. Est enim reuera consentaneū rationi, primū in generatione illud prouenisse, cū sit præstantissimū ex his quæ facta sunt, & è purissima constet essentia: quamobrem deorū tam non apparētium, quàm sensui patentium, destinatū est domicilium sacratissimum. Nam si omnia simul & semel fecisset condita, minus ordinis fuisset in rebus tam pulchre conditis.

nec enim est quicquam pulchri in confuso ordine. Ordō uerò est consequentia seriesq; rerum præcedentium & sequentium, si non ipso opere, certe consilij opificum, si modo caueatur ut ea certa inconfusaq; sint. itaq; ante omnia conditor fecit in mundo intelligibili cælum incorporeum & terram inuisibilem, & aeris ideam & uacui. hunc uocauit tenebras, utpote atrum naturaliter. uacuum uerò abyssum. profundissimum enim est, & dehi- scit patētissime. deinceps fecit aquæ incorpoream essen- tiam, itemq; spiritus, deniq; postremam lucis septimam æque incorpoream, & exemplar solis intelligibile, om- niumq; stellarum quæ cælo lucem erant illaturæ, digna- tus priuilegio lucem & spiritum. Hunc enim nominauit dei, quia spiritus plurimum ad uitam conferat, quæ ab autore deo proficiscitur. lucē uerò appellauit ualde bo- nam: hæc enim intelligibilis uisibili tanto est lucidior ac splendidior, ut existimo, quanto sol antecellit tenebras, dies noctē, quantoq; mens totius animi imperatrix sen- sus quibus res discernimus, & oculi reliquas partes cor- poris. cæterum inuisibile illud & intelligibile diuinum uerbum & dei uerbum, imaginē dicit dei: & huius ima- ginem lucem illam intelligibilem, quæ facta est imago di- uini uerbi, suæ generationis interpretis: quæ est super- cælestis stella, fons stellarum sensibilium: quam non teme- re appellare possemus uniuersalem lucem, à quo sol, lu- na, cæteræq; stelle tam fixæ quàm erraticæ hauriunt sin- gulæ pro uiribus conuenientes sibi splendores synceræ illius & puræ lucis, quæ obscuratur quàm primum uer- git ab intelligibili ad sensibilem. Syncerum enim nihil sensu

sensu percipitur. Recte autem se habet illud quoq; dictum, quod Tenebrae erant super abyssum.) Aer enim quodammodo existit supra uacuum, quandoquidem omnem illam immensam regionem uacua desertamq; expleuit, quae ad nos usq; à lunari orbe pertinet. ceterum postquam effulsit lux illa intelligibilis sole antiquior, cesserunt aduersae tenebrae, discescente deo dirimenteq; cui perspicuae sunt contrarietates rerum, & nativae quaedam certamina. ne igitur perpetuis laborarent seditionibus, neue bellum pulsa pace praevaleret confuso in mundo ordine, non solum separavit lucem à tenebris, uerum & terminos in medijs spacijs posuit, quibus utrunq; arceatur ab extremitatibus alterius. Alioqui propter uicinitatem inductura erant confusionem contentionibus de principatu mutuis, pertinaci ambitione luctam appetentia, nisi praefixi in medio termini ad pugnam gestientia dirimerent. hi sunt uesper & mane, quorum alterum praenunciat letum aduentum solis orituri, sensim tenebras submouens. uesper autem occidentem solem subsequitur, ingruentes tenebras leniter excipiens. atq; haec ipsa, mane inquam & uesper, in ordine incorporearum intelligibiliumq; rerum ponenda sunt. nam nihil omnino sensibile est in his, sed omnia idae mensuraeq; ac loci & sigilla incorporea, ad generationem aliarum rerum corporearum. Facta autem luce & succedente tenebris, fixisq; in medio terminis uespera ac mane, necessario temporis mensura mox effecta est, quem diem nominauit opifex, eumq; non primum, sed unum: qui sic dicitur propter singularitatem intelligibilis mundi habentis na-

turam unitatis. Iamq; perfectus erat mundus ille incorporeus, situs in diuino uerbo, cum sensibilis hic ad exemplar alterius absoluebatur: & ante alias eius partes potissimam omnium faciebat cōditor, cælum uidelicet, quod aptè firmamentum appellauit, ut rem corpoream. corpus enim naturaliter firmum est solidumq; tres dimensiones habens. solidi autem & corporis quæ potest esse alia cogitatio, quàm quaqua uersum dimensio? Merito igitur supposito pro incorporeo sensibili hoc corporeoq; firmamentū id uocauit: quod mox ἔργον, id est, cælū apte ualdeq; proprie appellauit: siue quia omnium ὄρος, id est terminus, siue quia primum ὄρατῶρ, id est uisibilibus factum sit. post cuius generationem nominat diem secundum, integrum diei spaciū mensuramq; ad cælū referens, ob eius inter sensibilia dignitatē honorēq;. Post hæc quoniam uniuersa aqua in terrā totā diffusa erat, omnesq; eius partes penetrauerat, quemadmodum spongia humorem combibit, ut ceu palus quædam cœnosa ex utroq; elemento macerato confunderetur, & quodammodo fermentaretur in unam indiscretam informemq; naturam: iubet deus quicquid aquarum salsum erat ac proinde offecturum fertilitati satorum & arborum, collectum in unum confluere ex omnibus terræ foraminibus: tum aridam emergere, dulci humore in ea relicto ad eius perpetuitatem. humor enim hic moderatus pro glutine est iungendis partibus distantibus. quo fit etiam, ne omnino exsiccata terra infrugifera & sterilis reddatur: utq; tanquam mater, non solum alterum alimenti genus, cibum, sed utrunq; ceu natis suis

suis cibum ac potum præbeat. quapropter uenis māmā
 rum similibus exūdauit, quæ per cauernas editæ fluuios
 fontesq; profileret, nihilo secius tamē latentes quoq;
 humores indidit omnibus aruis & latifundijs, ad fertili
 tatem fructuum copiosissimā: his ita dispositis autor no
 mina imposuit, aridæ terram, aquæ uero inde secretæ
 mare, atq; ita ornare terram aggressus, iubet eam pro=
 ferre herbas & spicas, omnigenaq; olera producere, tūc
 prata sceno uirentia, & quicquid cessurum erat pecua=
 rijs in pabulum, aut in cibum hominibus. Eodem iussu
 & arborum species omnes sunt editæ, nulla omissa uel
 mitium uel syluestrium, eaq; omnia fructibus suis abun=
 dabant in ipso statim ortu, secus quā hodie. Nūc enim
 singula gignuntur suis uicibus, non simul omnia. Quis
 enim nescit primam esse sementem & plantationē, tum
 sequi incrementa satorum plantarumq; deorsum radi=
 ces ceu fundamenta demittentium, sursum item altas stir=
 pes attollentium? Deinde frondes foliaq; germinant, po=
 stremo fructus profertur, ac ne is quidem perfectus, sed
 uarias subinde facies recipiens, & nunc formā mutans,
 nunc magnitudinem. Nam primo tam minutus est, ut pe=
 ne uisum fugiat, similis atomis corpusculis, quæ non te=
 mere uocari possunt prima sensibilia. Post hæc paula=
 tim accedente alimento quod rigat arborem, & afflati=
 bus temperatis ac tepidis aurisq; mollibus nutritanti=
 bus augefcit & ad iustam magnitudinem peruenit, cum
 qua etiam qualitates uariat, ceu picturæ artificio iam
 his iam illis tinctus coloribus. At in prima huius uniuers=
 sitatis generatione (ut dixi) deus omnem stirpium syluā
 è ter=

ē terra produxit perfectam, fructibus non inchoatis, sed
maturis refertam, sine dilatione inuitantem ad fructum
affutura mox animalia. Terra uero ad illius iussu tan-
quam dudum pręgnans & parturiens, parit omnes sa-
torum, arborum atq; fructuum inenarrabiles species, qui
quidem fructus non solum in alimoniam facti sunt ani-
mantibus, uerum etiam in hoc pręparati, ut in perpe-
tuum propagaretur similium generatio, quippe qui cō-
tinebant uim seminariam, obscuris & incertis rationi-
bus insitam, quę se tandem proferret statis temporum
circuitibus. Voluit enim Deus naturam certis horarum
spatijs decurrere, consulēs immortalitati specierum, &
reddens eas eternitatis participes. Quapropter inchoa-
ta perduxit ad finem properē, rursumq; à fine reflexit
ad initium. ē plantis enim sit fructus tanquam ē princi-
pio finis: & ē fructu semen, intra se denuo plantam con-
tinens, tanquam ē fine principium. Quarto autē die cę-
lum picturis exornauit, non quod terrę id posthaberet,
dans inferiori naturę priuilegium, potiozem uero ac di-
uiniorem secundo loco ponens, sed ut euidentissimē im-
perij sui potentiam ostenderet. Quippe qui pręuidens
opinionēs nondum creatorum hominum, cōiecturas ue-
risimiles & credibiles libenter sequentium, quę multā
quidem rationis speciem habent, non item synceram ue-
ritatem: et quod suis oculis magis credituri essent quā
deo, admiratores sophisticę potius q̄ sapientię: quodq;
solis ac lunę cursibus, tum æstiuis, hybernis, uernis au-
tumnalibusq; mutationibus, annuorum terrę prouen-
tuum omniumq; nascentium causas acceptū laturi essent
syde=

fyderum cælestium ambitibus: ne cui creaturæ ascribere primas causas auderent, siue per impudentiā siue per ignorantiam nimiam: recurrant, inquit, mētibus ad primam huius uniuersitatis generationem, meminerintq; ante solem & lunam omnigenas stirpes, omnigenosq; fructus ē terra proditos. Atq; ita sibi persuadeant, & in posterum eam prolaturam eos ex cælestis patris arbitratu, quoties ei placuerit nō expectato cæli fauore, cui dedit quidem potētiam, sed non liberam. Nam ipse, quē admodum auriga habenas, aut gubernator clauum tenens, dirigit quā uult recto more ac lege singula, nullius ope indigēs. omnia enim deo possibilia. Atq; hæc est causa cur terra prior germinarit, & herbam protulerit: cælum uero post sit ornatum in numero perfectō quaternario, quem denarij omnium absolutissimi causam fontemq; non falso dicere licet. Quod enim actu est denarius, hoc quaternarius potētia esse uidetur. Si igitur ab unitate usq; quaternionem deinceps componantur numeri, denarium conficient: qui est immensitatis numerorum terminus, ad quem ceu metam circumaguntur & se reflectunt. Quin & musicas symphoniarum rationes idem quaternio continet, uidelicet diateffaron, diapente, diapasōn, disdiapasōn, ē quibus concentus fit absolutissimus. Nam diateffaron proportionem habet supertertiam, diapente sesquialteram, diapasōn duplam. Eas proportionēs omnes quaternio in se continet. supertertiam in quatuor ad tria. sesquialteram in tria ad duo, duplam in duo ad unum, aut quatuor ad duo. Quadruplā uerō in quatuor ad unum. est & alia uis quaternarij, di
ctus

ctu cogitatuq; miranda. Primus enim hic solidi naturam ostendit, cum precedentes numeri incorporeis rebus dicati sint. Nam in unitate censetur punctum quod uocat geometre, in binario linea. Ea est longitudo sine latitudine, quæ ubi accessit, fit superficies, ad ternarium pertinens. Hæc quo minus sit corpus natura solidum, una destituitur altitudine: qua iuncta ad ternarium, fit quaternarius. Vnde multum existimationis contigit huic numero qui ab incorporea intelligibiliq; essentia duxit nos ad considerationem corporis trifariam patentis, quod suapte natura primum sensu percipitur. Id qui parum intelligit, è lusu quodam uulgato cognoscet. Qui numeribus ludunt, solent positos prius in plano tribus, quæ tam superimponere, in formam pyramidis. Triangulus igitur ille in plano consistit intra ternarium: cui superimposita quaternarium in numero facit, in figura uero pyramidem, solidum iam corpus. Præterea nec illud ignorandum, quod primus numerorum quatuor, quadrangulus est pariter par, mensura æquabilitatis ac iustitiæ: quodq; solus ex eisdem & compositione & innata potentia consistit. Compositione ex duobus & duobus. Rursum potentia ex his duo, pulcherrimam quandam consonantiæ speciem præ se ferens, quæ nulli inest ex alijs numeris. Mox enim senarius compositus è duobus ternarijs, non amplius gignitur his per se multiplicatis, sed alius, nempe nouenarius. Alijs quoq; multis uiribus præditus est quaternio, quæ accuratius & copiosius in proprio tractatu indicandæ sunt. Nunc illud addidisse sat erit, eum totius celi mundiq; generationi dedisse initium.

Nunc

Nam quatuor elementa ex quibus uniuersum hoc conditum est, tanquam à fonte manauerunt à numero quaternario: atq; adeo hæc quatuor, quibus annus distinguitur, tempora, unde animantes plantæq; proueniunt, scilicet hyems, uer, æstas & autumnus. Cum igitur tot priuilegijs à natura honoratus sit modo dictus numerus, necessario conditor rerum ornat cælum, quarto die, adhibitis ornamentis pulcherrimis ac diuinissimis, hoc est stellis luciferis: & gnarus lucem esse omnium rerum præstantissimam, fecit eam instrumentum uisus, sensuum excellentissimi. Quod enim mens in animo est, id oculus in corpore. Videt enim uterq;: altera intelligibiles res, alter sensibiles. Vsus autem mentis in scientia ad noscenda incorporea, cæterum oculi in luce ad contemplationem corporum. quæ res & ad alia multa bona prodest hominibus, & in primis ad id quod maximum est, scilicet philosophiam. uisus enim à luce subductus in superna, considerataq; natura stellarum & motu earum tam concinno, tum fixarum ac erraticarum statis circuitibus, dum illæ eodem semper modo circumferuntur, hæc uero dissimiliter & in contrarium duplici cursu utuntur, ad hæc chorea uniuersarum modulata, & ad musicæ leges pulchre conueniente, ineffabilem delectationem uoluptatēq; in animo excitat. atq; ita inescatus alijs atq; alijs spectaculis (nam unum ex alio nascitur) nullam contemplandi satietatem consequitur. Post hæc, ut fieri solet, ulterius procedente curiositate scrutatur quæ nam sit rerum harum uisibilium essentia: & utrum generate sint, an nullum habuerint principium: quis ue modus sit
 motus

motus earum, quæ uel causæ quibus dispensantur singula. Ex huiusmodi uero disquisitionibus philosophia nata est, qua nullum perfectius bonum introiit uitam hominum. Cæterum opifex respiciens ad intelligibilis lucis ideam, de qua dictum est in mentione mundi incorporei, condidit has sensibiles stellas, simulachra diuina & pulcherrima, quas tanquam in templo inter corporeas essentias pulcherrimo collocauit in cælo multis de causis. Primum lucis inferendæ, deinde signorum, tum temporum quibus annus distinguitur, postremo dierum, mensium, annorum, quæ sunt mensuræ temporis, ex quibus nata est natura numeri. quem autem singula hæc usum, quam uel utilitatem præbeant, liquet ex eorum effectibus. Sed quo diligentius animaduertantur, non alie num fortasse fuerit etiam differendo ueritatem uestigare. Cum uniuersum tempus distributum sit in duas partes, diem & noctem, diei præfecit pater ille solem tanquam magnum regem: nocti uero lunam cum cæterarum stellarum multitudine. magnitudini autem uirtutis ac potestatis solaris præclare attestantur quæ modo dicta sunt. Vnus enim cum sit & solus, priuatum & peculiari ter dimidium totius temporis sortitus est, scilicet diem: reliquæ uero omnes stellæ unâ cum luna alterum dimidium, quod uocatum est nox. & illo exorto tot stellæ quæ apparebant, non obscurantur solum, sed euanescent etiam præ splendore diffuso. post occasum uero eius, uno momento incipiunt ostentare suas species. Factæ sunt autem, ut ipse ait, non solum ad lucem emittendâ in terras, sed etiam ut futura præsignificent. aut enim exortu earum

earum & occasu deliquio ue, aut emersione occultatio-
 ne ue, aut alijs motuum differentijs, homines de futuris
 conijciunt, & præfagiunt copiam inopiam ue fructuum,
 prouentum uel pestem animantium, serenum & nubi-
 lum, tranquillitatem aeris & procellas uentorum, inun-
 dationes & exilitates fluminum, mollicie maris & tenē
 pestatem, horarum anni uices præposterias, dum aut
 æstas hybernat, aut hyems æstuat, aut uer autumnū re-
 fert, aut contra autumnus uernam temperiem. Nec de-
 fuerunt qui concussionem terræ motumq; ex cæli obser-
 uatione prædicerent, aliāq; multa euentu certissimo: ita
 ut uerissime dictum sit, in signa esse factas stellas, atque
 etiam in tempora. tempora porro de quatuor annuis uē-
 tibus horarum intelligēda sunt. Et quidni? tempus enim
 quod aliud esse potest, quam tempus rei bene gerendæ?
 at horæ anni omnia perficiunt & ad bonum euentum
 perducunt, sationes, plantationes, genituras & incre-
 menta animalium. Factæ sunt etiam stellæ ad mensuras
 temporum. nam solis lunæq; & aliorum siderum recur-
 sus, dies & menses annosq; conficiunt. moxq; res utilissi-
 ma, numeri natura extitit, tempore illam proferēte. Ex
 una enim die fit unum, è duabus duo, è tribus tria: è men-
 se triginta, ex anno tantus numerus, quantum dierū con-
 tinetur duodecim mensibus: & ex infinito tempore infi-
 nitus numerus. Tantas & tam necessarias utilitates affe-
 runt naturæ motusq; stellarum cælestium: ne quid dicā
 de rebus nobis incognitis (nec enim mortalib. nota sunt
 omnia) attamen ad perpetuitatem mundi conferētib;,
 quas legibus à deo præfinitis haudquaquā uiolabilibus

oportet semper & ubiq; administrari. Postquam autem terra & celum suis ornamentis exculta sunt, altera tertio die, alterum (ut dictum est) quarto, mortalia genera animalium fingere aggressus est rerum opifex, exorsus ab aquatilibus die quinto, existimans nullam esse inter duo quæpiam tantam cognationem, quantam inter animalia & quinarium. Differunt enim animata ab inanimis non alia re magis quam sensu. is uero in quinque diuiditur, in uisum, auditum, gustum, odoratum & tactum: quorum singulis deus attribuit certas materias, & instrumenta propria ad subiecta iudicanda: colores uisui, uoces auditui, sapores gustui, uapores odoratui, tactui uero mollicies & duricies, tum quicquid calidum est & frigidum, leue & asperum. iussit igitur omnifaria piscium genera cetorumque suis locis existere, tum quantitate tum qualitate inter se differentia. Sunt enim in alio mari alia, interdum etiam eadem. Nec tamen ubique omnia fingebar, & fortasse merito. quedam enim amant palustre ac uadosum mare, quedam cloacas & portus, quæ nec in terram prorepere, nec longe à terra natare ualent. quedam in alio mari degentia, uitant promontoria in id procurrentia & insulas & scopulos. & alia serenitate tranquillitateque delectantur, alia fluctibus & tempestate. Nam continuis iactationibus exercita, & ui contra impetum reluctantia, firmiora euadunt, pinguescuntque amplius. mox autem etiam genera uolucrum creauit, tanquam germana aquatilium. Vtraque enim natatilia: nec ulla species per aerem meantium, ut imperfecta ommissa est. lamque aqua & aere conuenientium sibi animantium

ceū sortem adeptis, rursū prouocatur terra ad generationis partem reliquam. reliqua autem erant post stirpes animalia terrestria, & dixit: Producat terra pecudes & feras & reptilia in suo quæq; genere. Illa uero continuo emisit quæcūq; iussa est, eaq; ornata eximie, tum robore, tum innatis nocēdi iuuandi ue uiribus. Vltimus autem omnium homo creatus est. modum uero creationis eius paulo post dicam, ubi prius ostendero pulcherrimam consequentiam in creationis animalium ordine. anima enim inertissima & rudissima generi pisciū obuenit: absolutissima autem & longe optima generi hominum, ceterum inter utraq; media generi terrestriū ac uolucrum. Hæc enim acutiores sensus habet quàm illa piscibus indita, hebetiores tamen quàm humana. ideoq; primi creati sunt pisces, corporeæ plus quàm animalis essentiæ participes, quodam modo animalia & nō animalia, mobilia inanima, ad solam corporis conseruationem ui animali eis addita, sicut uulgo salem inspergunt carnibus, ne facile putresciant. post pisces uerò secuta sunt uolucra & terrestria, uidelicet acrioribus iam sensibus prædita, & animales proprietates habitu ipso præseferentia. postremus (ut dixi) homo creatus est. cui cōditor mentem eximiam donauit, quæ sit ceū animæ anima, quemadmodum pupilla in oculo. nam hanc quoq; scrutatores naturæ dicunt esse oculi oculum. tum igitur omnia simul sunt condita. in quo quidem uniuersali opificio necesse erat seruari ordinem, propter futuram generationem aliarum rerum ex alijs. in his autē quæ successiue generantur, ordo hic est, ut natura incipiens à ui-

lisimis, desinat in præstantissima omnium. id uero quid sit, dicendum apertius. semen genitale est principium animalium. hoc esse uilissimum uidemus, spuma simile. ceterum ubi in uuluum iniectum hæserit, motus mox particeps, in uesticam quædam mutatur. ea semine est melior. Et quoniam motus placidus inest foetibus tanquam artifex, uel ut magis proprie dicam, irreprehensibilis ars, fingit animal ex humida essentia, in corporis membra partesque eam distribuens: sicut spirituales essentiam in uirtutes animæ, nutritiuam et sensitiuam. nam de rationali nunc super sedendum est dicere, propter eos qui aut eam externe aduenire diuinam sempiternamque. atque ita generatio quam natura coepit à uili semine, in res præstantissimas desinit, animal et hominem. idem hoc et in uniuersi huius creatione contigit, quando enim res effingere placuit opifici, in ordine primi fuerunt, qui et uilissimi, pisces: postremi uero, qui et optimi, homines. reliqua uero inter extremitates media, potiora prioribus, deteriora posterioribus, terrestria et uolucra. Ceterum post alia omnia (ut dixi) hominem ait iuxta imaginem factum et similitudinem, ualde pulchre. nihil enim è terra genitum deo similius quam homo, hanc porro similitudinem nemo æstimet figura corporis, nam neque deus humana forma est conspicuus, neque humanum corpus refert dei speciem, sed dicitur imago iuxta mentem reatricem animæ, ad illud enim singulare ceu archetypum, in uno quoque mens effigiata est, quodammodo deus eius qui ipsam circumfert ut statuam, sicut enim se habet magnus ille imperator ad uniuersum mundum, ita se habere uide-

uidetur humana mens ad hominem, inuisibilis enim est, uidens ipsa omnes res: & ignotam habet essentiā suam, cū alienas intelligat: & instructa artibus, sciētījsq; multarījs, aperit sibi uias omnes terra mariq; utrunq; elementum perscrutans, moxq; sublimis euolās, & aerem eiusq; mutationes contemplata, profert se ad summum æthera: uagatāq; circa stellarum tum fixarum tum erraticarum cursus ac choreas iuxta musica præcepta absolutissimas, trahitur amore sapientiæ se deducētis: atq; ita emergens supra omnem sensibilem essentiā, demum intelligibilis desiderio corripitur, illic cōspicata exemplaria idearūq; rerum quas hic uidit sensibiliū, eximias illas pulchritudines, ebrietate quadam sobria capta, tanquā corybantes lymphatur, alio plena amore longe meliore, à quo ad summum fastigium adducta rerum intelligibiliū, ad ipsum magnū regem uidetur tendere, tum uerò in uidendi cupidam purissimus ac merissimus diuinae lucis radius more torrentis effunditur, ita ut ad eum splendorem caliget mētis oculus. Sed quoniam nō quæuis imago refert exemplar archetypum, suntq; multæ dissimiles, post hæc uerba IUXTA IMAGINEM, additū est significātius ET SIMILITVDINEM, ut intelligatur exactum sigillum, formam habens euidētissimā, introducit enim propheta patrem huius uersitatis dicentem hæc: *Faciāmus hominē iuxta imaginem nostram & iuxta similitudinem.*) Dicat aliquis: nunquid opus est quopiam ei, cui obediunt omnia? an cum cælum faceret, terram & maria, nullo egebat co-operatore: hominē uero tā paruum animal ac fragile facturus,

Nota

cturus, nō poterat absq; alieno adiutorio suismetipse uiribus effingere. Huius rei causam uerissimam necesse est deum solum scire; ceterum quæ per coniecturas credibiles uidetur rationi consentanea, non est celandanda. est aut hęc. Rerum quæ sunt in natura, aliæ nec uirtutis participes censentur nec uitij, ut stirpes & bruta: illæ quia in animæ, & suapte natura imaginationis expertes: hęc quia carent mente ac ratione. uitij uero ac uirtutis tanquam domiciliū uidetur mens & ratio. in quibus cōmode inhabitent. aliæ item sola uirtute præditæ, nihil omnino habēt uitij, ut stellæ. nam hæ animalia esse dicūtur, & quidē intelligētia: uel potius mētes singulares, totæ quætē probæ, nec ullius capaces uitij, rursum aliæ mixtæ ex utraq; natura, ut homo, qui contrariorū est capax, prudentiæ & imprudentiæ, tēperantiæ & incontinētia, fortitudinis & timiditatis, iustitiæ & iniustitiæ: & ut compendio dicā boni & mali, turpis & honesti, uirtutis & uitij, ergo conueniebat ut uniuersalis ille pater deus bona quidē per seipsum solū faceret, quippe sibi cognata: sicut nec indifferentiū creatio fuit aliena ab eo, quādo quidē hęc quoq; expertia sunt uitij deo inimici, ceteriū mixtorū creatio, partim erat ei propria, partim impropria. propria propter admixtā eis meliorē ideā: impropria uero, propter contrariam & deteriore. quāobrem de sola hominis generatione scriptū est: Dixit deus, Faciamus hominē: quod indicat assumptos alios tanquā cooperatores: ut irreprehensibiles tam uolūtates quā actiones hominis recte se gerentis acceptum ferantur deo rectori omnium: contrariæ uero alijs ipsi subditis.

opor=

oportebat enim patrem non esse causam malorū suis filiis. malum autem est uitium, uitio seq; actiones. Pulchre autem cum dixisset in genere hominem, mox discreuit species, dicens Marem & foeminam conditos, licet nondum sua cuiq; forma contigerat, quandoquidē extremae species continentur in genere, & tanquā in speculo apparent cernētibus acutius. Quærat hic aliquis causam, cur ultimum operum sit homo in mūdi creatione. nam post omnia alia eum conditor ac pater fecit, ut docent sacre literæ. Qui legem rimatur profundius, eamq; quam maximē fieri potest excutiunt summa diligentia, dicunt quod postquā deus hominem in suam cognationem admisit, ratione donatū dono longē optimo, ne cætera quidē ei inuidit: sed ut animali familiarissimo amicissimoq; omnia quæ mundo continentur præparauit, uolens ut recens creatus nulla re careret, quæ ad uitam, atq; adeo bene uiuendum cōferat. quorum alterum præstat copia ubertasq; rerum ad fruendum paratarum: alterum contemplatio cælestium, qua quidē percussa mens, amorem ac desiderium scientiæ rerum huiusmodi concipit: unde prognata est philosophia, per quā homo quamuis mortalis, immortalitatem adipiscitur. quemadmodū igitur conuiuatores non prius ad cœnam uocant quā instructo bene cōuiuio: & qui edūt ludos aut athletarū spectacula, priusq; spectatores uocati cōueniant in theatra uel stadia, parant copiā concertatorū, earumq; rerū quæ ad oculos aurēsue oblectandas pertinent: ita etiam mundi totius imperator, tanquam conuiuator ludorū nūe præfectus, uocaturus hominem ad conuiuium simul &

ſpectaculum, quicquid ad utrumq; pertinebat præparauit: ut ille in mundum ingreſſus mox inueniret & conuiuium & theatrum ſacraſiſſimum: alterum reſertū copioſiſ, quas terra fluuij mare aer ſuppeditant ad uſum ſimul & uoluptatem: alterum ſpectaculis, quorum tum eſſentia tum qualitates ſtupendæ ſint, nec nō motus choreæq; admiratione digniſſimæ, propter ordinem conuenientiſſimum, numerum proportionē aptiſſimum, curſus recurſusq; mire concinnos: in quibus omnibus uerā illam & exemplarem muſicam ineſſe non falſo quis dixerit: quam poſtea homines animis ſuis impreſſam prodiderunt, artem utiliſſimam uitæ ſummeq; neceſſariam. Hæc quidem prima cauſa eſt, ob quam homo rebus omnibus præpoſitus eſſe uidetur, altera quoq; non abſurda dicenda eſt. Mox ut natus eſt homo, paratū inuenit quicquid ad uitam opus erat, ut futura diſceret: tantum non diſerte clamante natura, fore ut ſi autorem ſui generis imitarentur, uitam ſine dolore & ſine labore in uberriſſimis copiis degerent, id ita futurum, ſi nec uoluptates rationi contrariæ dominationem in anima occupauerint, uentris ueneriſq; ſtudio ceu arcibus communitis in ea: nec gloriæ, honorum, pecuniarum, cupiditates in uita ſibi potentiam uſurpauerint: nec mœrores mentem depreſſam curuatamq; ſibi ſubdiderint: nec timor malus conſultor præclaros ad uirtutem impetus repreſſerit: nec imprudentia, timiditas, iniuſtitia, cæterorumq; uitiōrū turba ingruerit. nam in hæc omnia mala, quæ modo dixi, ab uentiū felicitate hominū et affectibus prauis deditōrū, effuſorūq; in cupidines, quas ne nominare quidem

dem fas est, animaduertit iustū iudiciū, de impijs studijs
 pœnas exigens. Itaq; criminum reos necessario sequitur
 inopia, egre enim proscindentes arua, & fontanos flu-
 uialesq; riuos inducētes, adhæc seminantes plātantesq;
 et agriculturæ laborē noctu atq; interdiu obeūtes, quot
 annis cōportant necessaria, eaq; interdū tenuia, nec ad-
 modū suffectura, utpote lesa ex causis uarijs. aut enim
 perpetuis imbribus abripuit inundatio, aut grando uno
 impetu delata perfregit, aut nix aduſit frigore, aut pro-
 cellæ subuerterunt radicitus, multæ enim aeris & aqua-
 rum inexpectatæ mutationes inopiā fructuū afferunt,
 quod si per temperantiam lenirētur affectus immodici,
 et iustitiæ subderetur honorū iniusti; lucri studiū, utq;
 compendio dicam, actionibus ad uirtutē compositis uti-
 tiosæ ac proinde inanes decederēt, sublato ex anima bel-
 lo uerè omnium difficillimo grauissimoq; & pace præ-
 ualente constituentē; dotes nostras cum lenitate ac mo-
 destia; sperare liceret, deum utpote boni honestiq; amā-
 tem, & insuper humani generis, affluentiam bonorum
 ultro largiturū hominibus. Liquet enim facilius esse pro-
 uentū rerum absq; agricultura largiter suggerere, q̄ res
 ipsas ex nihilo producere, atque hæc altera causa dicta
 sit: tertia uerò est hæc. Principium & finem deus uolens
 inter se coaptare, ut res necessitudine cōiunctas & ami-
 citia, principium quidem fecit cælum, finē uerò hominē:
 illud inter sensibilia & incorruptibilia perfectissimum,
 hunc inter ex terra genita & corruptibilia optimum,
 paruum (si uera dicēda sunt) cælum, multarū naturarū
 stellis similiū simulacra intra se gestantē, in quibusdam

artibus & scientijs, singulisq; celebrium uirtutum contemplationibus. nam cum cōtrarias naturas habeant, id quod est corruptibile, & id quod incorruptibile, utriusq; speciei quod pulcherrimum est, principio finiq; attribuit, principio cælū, ut dixi, fini hominē. Præter has illa etiam causa reddi solet à quibusdam. necesse erat omnium rerum creatarum postremū produci hominem, ut nouissimus repente inter alias animantes existens, terrorem eis incuteret. sic enim futurū erat ut ad primū eius conspectum obstupescerent, adorarent tanquam rectorem à natura datum & dominum. quapropter hoc uiso omnes ad unam cecurrerunt, & uel ferocissimæ primo statim intuitu māsuescebant, rabiem qua in se inuicem efferebantur, erga solum mitigantes hominem, quamobrem opifex eius & pater animal hoc naturaliter ratione præditum, non re solum, sed & uerborum autoritate regem constituit omnium sub luna terrestrium, aquatiliū, uolucrum. quicquid enim est mortale in his tribus elementis, terra, aqua, aere, totum ei subiecit, cælestia tantum excipiens, ut diuiniorē partem sortita. huius autē regni fines apparet euidentissimè, dum pecorum multitudo maxima ducatur à uulgari quopiam homine, nec armis instructo, nec ferro accincto, nec ullum telum gestante, sed mastrucam tantū habente pro uelamine, & baculū quod ea dirigat, & inter uiam lassitudine tentatus subnitatur. itaq; frequentissimos greges ouium, caprarū, boum, præ se agit opilio, caprarius, bubulcus, homines ne corporibus quidem robusti & uigentes, ut saltem habitudine bona stupendi sint suis pecudibus: sed tanta illa robora uiresq;

resq; armis instructæ (plerisq; enim instrumēta quibus se defendant à natura sunt addita) tanquã serui dominũ reuerentur, & imperata faciunt. tauri sub iugũ missi ad terræ culturam, profundos sulcos proscindunt tota die, nonnũquam etiam per longũ spaciũ, subsequente quopiam agricola. arietes ægrè sustinentes onus uellerũ, uer no tempore iussu pastoris stant quieti, & libenter se præbent tondendo, assuefacti uelut populi annuũ tributum pendere suo regi à natura imposito. quid equus animal animosissimum? hic quoq; facillè recepto freno regitur, quominus lasciuiat, utq; habenis pareat: simulq; tergũ aptè sessori accõmodat, moxq; sublimẽ fert cursu concitissimò, quocunq; ille peruenire cupit cum rectore suo properans. isq; insidens absq; labore, admodũ quietus, alieno corpore, pedibusq; alienis cursum conficit. Liceat & alia multa dicere, si liberet esse prolixum, quibus euidenter fieret, nullũ animal sibi libertatẽ usurpare detrectando obsequiũ homini debitũ. quare iam dictis exemplis contenti erimus. nec illud tamen ignorare oportet, non statim quia postremus homo factus est, esse inferiore ordine, id quod testatur aurigæ gubernatoresq;. nam alteri post quadrigas locati à tergo cursum earũ moderantur habenis utcunq; uisum fuerit, nunc laxando eas ad celeritatem, nunc reducendo, si uideatur iusto maior impetus. gubernatores itẽ in nauis postrema parte puppi consistentes, omnib. omnino præstantiores habentur uectoribus. quippe quorum in manu nauis ipsius sarcinarumq; salus sit posita. sic & hominẽ ceu aurigã quendam & gubernatorẽ conditor rebus præfecit omnibus,

ut

ut regat & gubernet quicquid terra continetur, curam gerendo stirpium animaliumq; , tanquam quidam subpræfectus illius primarij summiq; regis. Postquam autem uniuersus hic mundus perfectus est iuxta perfectam naturam numeri senarij, sequenti die septimo pater honorem addidit, quem ubi laudauit, mox sanctum appellare dignatus est, est enim festus non unius populi regionisue, sed in uniuersum omnium: quæ sola digna est ut dicatur popularis festiuitas, & mûdi natalis. Cæterû septenarij naturâ nescio an quis satis laudare queat, cû ea sit præstantior q̃ ut ulla facûdia possit exprimi. nec tamen quia mirâda quædâ de eo prædicatur, ideo silere debemus. imò audendum potius, si non omnia aut magis propria possumus, certè ea prodere, quæ mente ualemus assequi. Dupliciter septenarius dicitur. alter intra denarium, quem unitate sola septies metimur, constantem ex septem unitatibus. alter extra denarium, cuius omnino principium est unitas iuxta duplices aut triplices aut utiq; proportionales numeros, ut se habet LXXIII. & DCCXXIX. priôr ab unitate duplicando crescens, posterior triplicando. utraq; autem species non obiter consideranda est. secunda certè manifestissimum habet priuilegium. semper enim qui ab unitate componitur in duplis aut triplis aut utiq; proportionalibus septimus numerus, cubitus est simul & quadrangulus, utramq; speciem continens, tum incorporeæ tum corporalis essentiae. incorporeæ quidem planiciem, quam conficiunt quadranguli, corporalis uerò iuxta aliam dimensioem, quâ conficiunt cubi. id euidentissime patet in modò dictis numeris

numeris. mox enim ab unitate dupla ratione crescens septimus, scilicet LXIII. quadrangulus quidem est, octies octo multiplicatis; cubus autem quater quatuor quater. rursus tripla ratione crescens ab unitate septimus, uidelicet DCCXXIX. quadrangulus quidem est multiplicato per seipsum XXVII. cubus autem multiplicato nouies nouem nouies, semperq; à septimo incipiens ut prius ab unitate, & eadem proportionem augens usq; septimū, inuenies omnino eum crescere in cubum simul & quadrangulum. Ergo à LXIII. compositus dupla ratione faciet septimum MMMMXCVI. quadrangulum simul & cubū, quadrangulum quidem latus habentem ipsum LXIII. cubicum uero numerum XVI. Transcūdum iam & ad alteram septenarij speciem quæ continetur in denario, mirificam præ se ferentem naturam non minus quam prior. Septem ipsa conficiuntur ex uno & duobus & quatuor habentibus duas rationes concinnissimas, duplam uidelicet & quadruplam. alteram diapason consonantiæ: alteram uero scilicet quadruplam, consonantiam disdiapason conficientem. continet & alias diuisiones septenarius, cōstans ex quibusdam coniugationibus. diuiditur enim primum in unitatem & senionem, deinde in binarium & quinarium, postremo in ternionem & quaternionem. Est autem hæc quoq; proportio numerorum admodum musica. sex enim ad unum habent rationem sexcuplam. sexcupla autem ratio maximum inter tonos interstitium facit, quod distat grauissimus ab acutissimo, sicut demonstrabimus, cum à numeris ad harmonias sermonem traduxerimus.

ceterant

cæterum quinq; ad duo maximã in harmonia uim ostendunt, fermè æquipollentem harmoniæ diapason, quod in regulis eius artis apparet liquidissimè. quatuor autem ad tria primam harmoniam efficiunt supertertiam, quæ est diatessaron. Præterea aliam quoq; pulchritudinem suã profert septenarius, eamq; sacræ considerationis. Cum enim cõstet è ternione & quaternione, rectam in rebus & nusquam uergentem figurã naturaliter exhibet. id quomodo fiat declarandum est. rectangula forma, quandoquidem est principium qualitatum, constat ex numeris his: III. & III. & V. tria autem & quatuor, quæ quidem est essentia septenarij, rectum angulum efficiunt. nam obtusus & acutus inæqualitatem, confusio- nem & imparitatem præ se ferunt, cum sint iusto acutiores obtusioresue. at rectus collationem nõ admittit, nec fit recto rector, semper sui similis, nec unquã propriam naturam uarians. Iam si rectangulus triangulus figurarum & qualitatum est principium: in hoc autem rem maxime necessariã rectum angulũ essentia septenarij præbet, ternio simul & quaternio, merito censendus est hic fons omnis figuræ & omnis qualitatis. Huc accedit & illud, quòd III. planæ figuræ est numerus, quandoquidè iuxta unionem est punctum, linea iuxta duernionem, superficies uerò iuxta ternionẽ ordinatur. quaternio porò ad solidum corpus pertinet, per accessionem unitatis accedente ad superficiem altitudine. unde liquet essentiam septenarij geometriæ & solida metiendi esse principium, & ut compendio dicam, incorporeorum simul corporeorumq; tanta in septenario sanctitas est sita, ut præ-

præeminentiam habeat præ omnibus numeris non ex-
 dentibus denarium. nam ex illis alij gignunt non gignun-
 tur, alij gignuntur quidem non gignunt tamen. alij tum
 gignunt tum gignuntur. solus septenarius in nulla harum
 parte consideratur. id ita esse demonstratione cõfirman-
 dum est. Vnum quidem gignit omnes deinceps sequentes
 numeros, ipsum à nullo omnino genitum. octo autem gi-
 gnuntur quidem à bis quatuor, sed nullum gignunt, ex
 his qui sunt intra denarium. item III. eundem locum in-
 ter genitores et prognatos obtinet. repetitus enim VIII.
 gignit, ipse gignitur à repetito II. soli ut dixi VII. nec
 gignere natura dedit, nec gigni. quam ob causam cæteri
 quidem philosophi numerum hunc assimilant natæ sine
 matre Virgini Victoriæ, quam ex Iouis capite exortam
 narrant fabulæ: Pythagorici uerò uniuersitatis huius im-
 peratori. nam quicquid nec gignit nec gignitur, immo-
 tum manet. in motu enim generatio, quandoquidem et
 id quod gignitur, nõ caret motu. mouetur enim alterum
 ut gignat, alterum ut gignatur. solus autem nec mouet
 nec mouetur antiquus ille princeps et autor, cuius ima-
 go merito dici potest septenarius. Attestatur meis dictis
 Philolaus uerbis his: Est, inquit, autor et princeps re-
 rum omnium deus, semper unus, stabilis, immobilis, ipse
 sui similis, aliorum dissimilis. Ergo in rebus intelli-
 gibilibus immobilis et impassibilis apparet septena-
 rius. in sensibilibus quoq; declarat suam magnam latitæ-
 simeq; patentem uim, natam ad profectum omnium ter-
 restriũ, uel lunæ certis recursibus. Quo aut modo consi-
 derandũ est. Septenarius ex unitate et reliquis deinceps
 numericis

numeris compositus, gignit **XXVIII.** perfectū numerum equatum suis partibus. is ita natus numerus aptus est ad restituendam lunam in id momentum ex quo primum cœpit crescere sensibilibiter, & ad quod decrescendo solet recurrere: ea crescit à prima lunata facie usq; dimidiatam diebus septenis, moxq; totidem alijs ad plenum orbem proficit: deinde rursum à meta per eandem uiam à pleno orbe ad dimidiatum alijs septenis diebus recurrit, totidemq; ad lunatam faciem, quibus deinceps additis cōfiscitur modo dictus numerus. Vocatur autem septenarius à proprietatis uocabulorum studiosis etiam absolutorius: quia hoc absoluntur uniuersa & perficiuntur. Id inde coniectare licet, quia omne corpus actiuum tres habet dimensiones, lōgitudinem, altitudinem & latitudinem, quatuor autem fines, punctum, lineam, superficiem, solidum, ex quibus compositus cōfiscitur septenarius. Impossibile autem erat corpora septenario metiri, iuxta illam è tribus dimensionibus suisq; finibus compositionem, ni contigisset primorum numerorum ideas, uidelicet unius, duorum, trium, quatuor, in quibus fundatur denarius, in se complecti naturam septenarij. nam modo dicti numeri quatuor quidem habent terminos, primum, secundum, tertium, quartum: dimensiones uerò tres, primam ab uno ad duo, secundam à duobus ad tria, tertiam à tribus ad quatuor. Præterea clarissimè demonstrant uim perfectiuam rerum insitam septenario uel ætates ab infantia senectutem usq; quas septimanis annorū metimur. namq; primo septennio dentes proueniunt, secundo tempestiui ad genituram emittendani

tendam reddimur, tertio barbam promittimus, quarto augmentum roboris consequimur, tum quinto tempus nuptias postulat, sexto uis intelligendi maturatur, septimo tum mens seipsa melior auctiorq; euadit tum ratio, octauo utraq; plenè perficitur, nono uerò æquitas ac mansuetudo, affectib. maiore ex parte perdomitis. porro decimo finis uitæ optimus, integris etiam tū instru- mētis sensuum. solet enim longa senectus unūquenq; sup plantare & affligere. quas ætates etiam Solon Athenien- sium legislator descripsit his elegiacis.

Impubes pueri septem uoluentibus annis

Claudunt enatis dentibus eloquium.

Post alios totidem, diuorum numine dextro,

Occultum pubis nascitur indicium.

Annis ter septem prima lanugine malas

Vestiet, ætatis robore conspicuus.

Quartus id augebit iam septenarius, isq;

Optima uirtutis proferet indicia.

Adde alios totidem, festinans ocyus ætas

Coniugio monuit quærere progeniem.

Sexta ætas animo si quid deest addet, eaq;

Discēs quid deceat, quid quoq; dedecet.

At quæ succedunt per proxima ter duo lustrā,

Ornabunt linguam dulcibus eloquijs.

Nōnā ætas languet, tum frigida membra retardant

Virtutem non unquam interituram animi.

At quisquis decimam poterit contingere metam,

Iam tempestiuo funere conciderit.

Ita quidem Solon modo dictis decem septimanis humā-

Philo. to. i.

d

nam

nam uitam dinumerat. Hippocrates uerò medicus ait septem esse ætates, infantis, pueri, adolescentis, iuuenis, uiri, senioris, senis. Harum mensuram septimanas annorum, non tamen deinceps. Sic autem dicit: In hominis natura septem sunt tempora, quas ætates uocant, infans, puer, adolescens, & reliquæ. Infans est donec intra septennium dentes amittat. Puer usq; genituræ excretionem, ad geminatum septennium. Adolescens usq; barbæ hirsutiem, ad annum ter septimū. Iuuenis usq; dum cre-scit totum corpus, ad quater septimum. Vir usq; unde-quinquagesimum, ad septies septimum. Senior usq; sextum supra quinquagesimum, ad octies septimum. Quicquid uerò deinceps sequitur, ad senium pertinet. Illud quoq; ad peculiarem septenarij cōmendationem affertur, quod mirum habeat in natura ordinem, constans ex tribus & quatuor. Tertium quidem ab unitate si quis duplicet, inueniet quadrāgulum. quartum uerò cubum. ex utroq; autem compositum, cubum simul & quadrangulū. Itaq; ab unitate tertius, in dupla ratione quadrangulus est. Quartus uerò, scilicet octo, cubus, septimus autem quatuor ad septem, cubus simul & quadrangulus, ita ut omnino perfectus sit septimus numerus, ambas æqualitates promittens, & superficialem per triangulum, iuxta ternionis cognationem: & solidam per cubum iuxta familiaritatem quam habet cum quaternione. Ex ternione autem & quaternione fit septenarius. Est autem non solum perfectiuss, sed ut uerbo dicam, maxime harmonicus, & quodammodo fons pulcherri-mi diagrammatis, quod omnes harmonias, scilicet dia-
tessaron

teſſaron, diapente, diapaſon: omnes item proportionēs,
ſcilicet arithmeticam, geometricam & inſuper harmo-
nicam continet. Is laterculus conſtat ex his numeris, ſex,
oſto, nouem, duodecim. oſto quidem ad ſex ratione ſu-
pertertia, quæ eſt harmoniæ diateſſaron. Nouē uerò ad
ſex ſeſquialtera, quæ eſt diapēte. At duodecim ad ſex ra-
tione dupla, quæ eſt diapaſon. Continet autem (ut dixi)
etiā proportionēs omnes: arithmeticam quidem in his
numeris, ſex, nouem, duodecim. ſicut enim medius pri-
mus tribus ſuperat, ita totidē ſuperatur ab ultimo. Geo-
metricā uerò ex his quatuor numeris, ſcilicet ſex, oſto,
nouem, duodecim. Qua enim ratione ſe habent oſto ad
ſex, eadem duodecim ad nouem. Eſt autem ratio ſuper-
tertia. Harmonicam porrò ex his tribus, ſex, oſto, duo-
decim. eſtq; harmonicæ proportionis duplex iudiciū.
Vnum, quādo quam rationem habet ultimus ad primū,
eādem habet id quo ſuperat ultimus medium, ad id quo
primus ſuperatur à medio. Id euidentiffimum fiet ex mo-
do propoſitis numeris, qui ſunt ſex, oſto, duodecim. Ul-
timus enim primi duplus eſt, & partes quib. ſe inuicem
hi numeri ſuperant, item duplæ. Nam duodenarius oſto
narium ſuperat quatuor, & oſtonarius ſenariū duobus.
Quatuor autē duorum duplū eſt. Alterum aut iudiciū
harmonicæ proportionis, quādo medius æqua portioē
et ſuperat et ſuperatur ab extremis. oſto enim cōſiſtens
in medio, ſuperat primū portioē tertia. ſubtractis enim
ſex, reliqua duo ſunt primi tertia portio. ſuperatur quo-
que ab ultimo æqua portione. ſubtractis enim VIII. à
XII. reliqua III. fiēt ultimi portio tertia. Hæc neceſſario

dicenda habuimus de pulchritudine quā habet hoc digamma siue laterculus, siue quocunq; alio libet appellare nomine. tot ideas atq; etiam plures septenarius ostendit in rebus incorporeis & intelligibilibus. extendit autem se eius natura & in omnem uisibilem essentiam, quæ cælum ac terram, id est, huius uniuersi fines occupat. quæ enim mundi pars erga septenarium non afficitur, amore & desiderio eius domitas. Primo cælū ipsum aiunt septem cinctum circulis, quorū nomina sunt hæc, arcticus, antarcticus, tropicus solstitialis, tropicus brumalis, æquinoctialis, signifer, & insuper lacteus. nam horizon nostrum est accidens, quatenus quisq; aut acute cernit, aut contra, sensu circumquaq; protendente se ulterius aut citerius. certè erraticarum cohors aduersum fixis cursum tenens, septem distinguitur ordinibus, maximum præ se ferens affectū erga terram & aeram. nam hunc quidem quaternis quotannis temporibus uariat, per singula infinitas mutationes afferens, tranquillitatibus, serenitatibus, nubilationibus, procellarum uiolentia. Fluxuos quoq; inundant & minuunt, camposq; stagnare aut contra squalere faciunt. Quin & in mari easdem uices inducunt, accedente recedenteq;. Licet enim uidere sinus marinos ubi refugiente aestu amplum repente littus existit: & paulò post reuertente, mare se reddit altissimum, non paruis onerarijs, sed centies cētenas amphoras uehementibus nauigabile. Nec minus terrenis omnibus tum animantibus tum stirpibus largiuntur incrementa maturitatemq; fructuum, singulorū naturam fōuēdo ad cursus recursusq; indefatigabiles, ut noui flores succedant

succedant, moxq; maturescant ad præbendam indigentibus copiam. Vrsa quidem quam uocant nautarum deductrix, è septem stellis constat: quam spectando gubernatores mille uis sulcant maria, tentantes rem arduam, & maiorem quàm pro humana sapientia. hoc enim scopo usi, scrutando inuenerunt regiones ignotas maioribus, continentis quidem incolæ insulas, insulani uerò in continente sitas. oportebat enim à purissima cæli essentia animali deo charo terræ simul marisq; recessus abditos ostendi, uidelicet humano generi. Huc accedit etiam pleiadum chorus ex septem stellis absolutus, quarum emerisus & occultationes magnorum cōmodorum causa fiunt omnibus. his enim occidentib. sulci proscinduntur ad semetem. ortu uerò earū instante, letum futuræ messis nuncium afferūt. exortæ item agricolas gestientes ad comportationem rerum necessariarū excitant. illi uerò libenter recondunt cibaria, quæ mox in quotidianos usus depromant. Sol ipse diei dux, bina quotannis æquinoctia faciens, uere atq; autumnu, uernum in ariete, autumnale in libra, euidentissimā probationem exhibet diuinæ maiestatis in septenario. utrunq; enim æquinoctiū fit mense septimo: quibus temporibus etiam festa indixit lex duo maxima & celeberrima, quando quidem utroq; quicquid terra fert perficitur, uere quidem frumentum & quæcūq; seminamus alia: autumnu uerò uitis fructus & plerarumq; aliarum arborum. & quoniam à cælestibus terrena dependent iuxta quendam naturalem consensum, septenarij ratio superne orta, descendit & ad nos, ut mortales inuiseret. Iamprimū nostræ animæ, ex-

cepta mente rectrice, partes septem sunt, accedente ad
 quinque sensus organo uocis, et postrema ui genitali. quæ
 sanè omnia, sicut fit in miraculosis machinis, à mète tan-
 quam occultis quibusdà neruis trahente, nunc mouentur,
 nunc sinuntur quiescere, utcūq; motus aut quies com-
 petit. Similiter et corporis si quis internas externasue
 partes examinet, septenas inueniet. in propatulo quidē
 hæc: caput, pectus, uentrem, manus geminas et pedes:
 intestinas uerò, stomachum, cor, pulmonē, lienem, iecur,
 renes duos. item quod regnum obtinet in animante ca-
 put, maximè necessarijs instrumentis septem utitur, ge-
 minis oculis auribusq; et totidem naribus, septimoq;
 ore, per quod mortalia (ut ait Plato) intrant, exeunt im-
 mortalia. Intrant enim id cibi et potus, corruptibilis cor-
 poris alimenta corruptibilia: prodeunt autem à ratione
 immortalis animæ immortales leges, per quas rationa-
 lis uita regitur. Item quæ per uisum præstantissimū om-
 nium sensuum iudicatur, ad eundem numerū pertinent
 in genere. Septem enim sunt quæ conspiciuntur, corpus,
 distantia, figura, magnitudo, color, motus, status, præte-
 rea nihil. Vocis quoq; mutationes uniuersæ cadunt in se-
 ptenarium, acuta, grauis, circumflexa, quarto loco uox
 aspera, quinto lenis, sexto longa, breuis septimo. Quin-
 et motus septem esse animaduertitur, sursum, deorsum,
 dextrorsum, sinistrorsumq;, prorsum, retrorsumq;, et
 in orbē, sicut clarissime liquere potest ex saltationibus.
 Aiunt insuper excremēta quoq; corporis subijci modò
 dicto numero. nāq; ex oculis promanant lacrymæ, sicut
 per ambas nares purgationes capitis. per os item saliuæ
 quas

quas exspuimus. Insunt etiā geminae cloacae per quas de-
 riuatur superfluitates corporū, altera antica, postica a
 tera. Sextum est per totum corpus sudoris profluuium,
 adhuc naturalissima seminis effusio per membra genita-
 lia. Rursum mulierum fluxus menstruus ad diem ut plu-
 rimum septimū durat: & foetus intra uterum mensibus
 septem animantur naturaliter, ut quiddam ualde miran-
 dum accidat. Fiūt enim septimestres partus uitales, cum
 octimestres omnino impossibile sit uiuere. Acuti quoq;
 morbi corporum, praesertim cum ex mala temperatura
 uirū in febres cōtinuas incidimus, septimo fermē die iu-
 dicātur. Hic enim in tali de uita certamine, alijs salutem,
 alijs mortem decernit. Eiusdē numeri uis non solū in iam
 dictis, uerū etiam in optima quaq; sciētiarum uersatur,
 ut grāmatica & musica. Lyra enim septē tenta fidibus,
 proportionē respondens septem erraticarū choreae, me-
 morabiles harmonias perficit, princeps inter oīa prope
 modū instrumenta musica. inter elemēta quoq; grāmati-
 cae, uocales quae uerē sic dicuntur, septē sunt, quandoqui-
 dē & per se uidētur sonare, et alijs cōiūctae, uoces articu-
 latis efficiūt. nā in semiuocalib. supplēt quod deest, red-
 dēdo sonos integros. mutarū uerō uertūt et mutāt natu-
 ras, afflādo eis uirtutes proprias, ut ineffabiles antea, iā
 fiāt effabiles. Quāobrem mihi uidētur primi nōim impo-
 sitores, quippe sapientes, uocasse hūc numerū *ἑπτά τῶν σε-
 βασμῶν*, id est ab insita maiestate honestateq;. Romanicer
 tē addito sigma quod deest in Græco uocabulo, clarius
 etiā exprimunt uim etymologicā, SEPTEM eū appellā-
 do, à maiestate (ut dictū ē) honestateq; ipsius. Hæc aliq;

plura à philosophiæ studiosis dicuntur de septenario, propter quæ summo honore in natura superna dignatus est. nec minus honoratur apud præcipuos uel Græcos uel Barbaros, qui exercent disciplinam mathematicā: in honore est etiam apud uirtutum amātissimum Moſen, qui eius pulchritudinē inſcripſit ſacraſiſſimis legis tabulis, eandemq; animis poſteriorum cunctorum cunctis inſculpiſit, poſt ſex dies iubens feſtum agi ſeptimo, ab alijs abſtinendo operibus quæcunq; ad quærendum parandumq; uictum attinent, interim uacādo uni philoſophiæ ſtudio corrigendisq; moribus & examini conſciētiae: quod inſitum in anima, tanquam iudex obiurgare non ueretur, alijs intentādo minas uehementius, alios admonēdo modo deſtius: eos quidem qui ſponte ſua cōtumaces ſunt, minis territans, eos uerò qui peccāt inuiti per imprudentiam, ciuilitèr admonens, ne poſthac labantur ſimiliter. Dein de per epilogum creationem mundi ſummatim memorans, inquit propheta: Hic eſt liber generationis cæli & terræ, quando creata ſunt, die quo fecit deus cælum & terram, & omne uirgultum agri antequam oriretur in terra, omnemq; herbam agri prius quàm germinaret.) An non manifeſte incorporeas & intelligibiles ideas memorat, quibus tanquā anulis ſignatorijs exprimi res ſenſibiles contigit. prius enim quàm terra uirgultum proderet, ait in rerum natura uirgultum ipſum fuiſſe, & prius quàm herba in agro exiſteret, herbam fuiſſe inuiſibilem: ſubintelligēdum autem quod & ante ſingulas res alias quas ſenſus indicant, antiquiores effigies mēſuræq; quibus effigiantur & metiuntur, iam fuerant. nam etiāſi

particu-

particulariter percensuisset omnia, uir alioqui breuitatis studiosus si quis alius, nihilominus iam dicta pauca hæc essent exempla naturæ uniuerforum, quæ absq; incorporeo exemplari nihil in rebus sensibilibus perficit. deinde ordinem sequendo, & obseruando rerum consequentiam dicit: Fons autem ascendebat è terra, & irrigabat omnē superficiem eius.) Nam alij philosophi uniuerfam aquam aiunt esse elementum unum ex quatuor, ex quibus mundus creatus est. sed Moses acrioribus oculis etiam longinqua diligenter contemplari & comprehendere solitus, elementum quidem opinatur esse magnum hoc mare, partem quartam uniuerſi, quam posteriores oceanum nominātes, maria quæ nos permeamus ad illum collata habere portuum magnitudinem existimant. dulcem autem aquam & potabilem secreuit à marina, quam terræ attribuit, ratus huius partem nō illius, uel ob causam dictam superius, ut tanquam uinculo contineatur dulci qualitate pro glutine insita. arida enim relicta nullo subintrante humore, qui foramina ipsius uaria permearet, fortasse fathisceret. nunc continetur & permanet, partim ui uiuentis spiritus, partim humore qui non sinit arefactam abire in fragmenta maiora minoraq;: & hæc quidem una est causa. iam dicenda & altera, à ueritate tanquam scopo non aberrans. Nihil è terra genitum absq; humida essentia consistere natura patitur. id semina iacta indicant: quæ quidē aut humida sunt ut animalium, aut sine humiditate non germinant, qualia sunt stirpium. Vnde liquet necessario dictam humidam essentiam partem esse terræ omnia parientis, sicut

mulieres opus habent menstruīs. Aiunt enim naturæ perquisitores hanc esse foetuum essentiam in utero, nec dissimilaneum est ab his quæ diximus quod mox dicitur. Cuilibet matri tanquam partem summè necessariam natura scaturientes mammas addidit, præparans alimenta nascituris infantibus. Mater autem etiam terra esse uideatur, quapropter et priscis illis placuit ut uocaretur *ἡ μήτηρ*, composito è matre et terra nomine. non enim terra mulierem (ut dixit Plato) sed mulier terram imitatur: quam uerè poetica gens omniparentem, frugiferam, Pandoramq; nominare solita est: quippe causam generationis et perpetuitatis tam stirpium quàm animalium. Merito igitur terræ quoq; antiquissimæ matrum ac foecundissimæ natura tanquam mammas dedit, amnium fluentia fontiumq;, ut stirpes rigentur, et omnia animalia potum copiosum habeant. Post hæc autem inquit: Formauit deus hominem, humo sumpta de terra: et inspirauit in faciem eius spiritum uitæ.] Hic quoq; manifestissimè docet, plurimum differre inter eum qui nunc formatus est hominem, et eum qui ad imaginem dei factus est antea. Qui enim nunc formatur, sensibilis est, particeps qualitatis, ex corpore constans et anima, uir et mulier, natura mortalis. Ille uerò ad imaginem factus, idea quædam aut genus aut signaculum, intelligibilis, incorporeus, nec mas, nec foemina, naturaliter incorruptibilis: sensibilis autem et specialis hominis structuram compositam esse ait ex terrena essentia et diuino spiritu. Factum enim corpus quidem ex humo quam sumpsit artifex, et formam humanā inde effinxit.

anima

anima uerò ex nulla omnino re creata, sed ex patre atq;
 rectore rerum omnium. Nam quod dicit Inspirauit, ni=
 hil erat aliud quàm spiritus diuinus è beata illa & felice
 natura in coloniam hanc missus ad utilitatem nostri ge=
 neris: ut quamuis mortalis sit iuxta partem cōspiciuam,
 saltem iuxta inuisibilem immortalis reddatur. Quam=
 obrem proprie dicere licet, hominem mortalis & im=
 mortalis naturæ esse confinium, utriusq; quantū necesse
 est participem, factumq; mortalem simul & immorta=
 lem: mortalem iuxta corpus, iuxta mentem immortalē.
 Ille autem primus homo terrigena, princeps totius no=
 stri generis, utraq; parte præstantissimus & anima &
 corpore factus mihi uidetur, longeq; posteros suos an=
 tecellere utraq; præstātia. hic ipse enim erat re uera pul=
 cher atq; bonus. Coniecturam autem formositatis eius
 corporis uel ex tribus causis licet capere, quarū prima
 est hæc. Cum terra tum recens extitisset secreta ab aqua=
 rum mole, quod mare appellatum est, sequebatur ut ma=
 teria rerum syncera & infucata puraq; esset, ex qua
 quicquid conficiebatur, merito erat inculpabile. Altera
 uero, quia non ex quauis terræ parte humo sumpta ui=
 detur deus hanc humana specie statuā formare uoluisse
 summa cum diligentia: sed selecta undequaq; optima, ex
 pura materia ad id quod inerat purissimū excolasse ac=
 curate, quod maxime ad hoc opus aptum erat. Domus
 enim quædam aut templum sacratum fabricabatur ra=
 tionali animæ, quam illa diuina imago circumferre de=
 bebat. Tertia ne conferenda quidē cum iam dictis. Opi=
 fex bonus erat arte quoq; inter cætera, ut singula cor=
 poris

poris partes & priuatim conuenientibus absolueretur
 numeris, & apte in uniuersum cohererent. Ad eam per
 omnia quadrantem commensionem accessit & habitu-
 do bona & color appositissimus, ut quàm maxime fieri
 potest pulcherrimus idem qui primus homo aspicere-
 tur. Quod autem in anima quoq; par inerat præstātia,
 manifestum est, nullo enim creato exemplari in ea faciē-
 da usus uidetur, sed solo (ut diximus) suoipsius uerbo,
 ideoq; narratur effigiem & imitamentum fuisse hūc ho-
 minem inspiratum in faciem, ubi sensus locantur, quibus
 corpus animauit Opifex, deinde ratione in partē prin-
 cipalem imposita circumdedit ei satellitium, ut colores
 & sonos, itidemq; sapores atq; uapores & cetera simi-
 lia tractaret, quæ sine ope sensuum per seipsam perci-
 pere non poterat, sequitur autem necessario, omnibus
 modis pulchri exemplaris pulcherrimam esse imaginē.
 nam dei uerbum etiam eam quæ in natura est pulchritu-
 dinem superat, quippe non ornatum pulchritudine, sed
 ipsum ornamentum illius (si uera fatenda sunt) decētissi-
 mum. Talis mihi uidetur factus primus homo tum cor-
 pore tum anima, omnium quotquot sunt fuerunt uē præ-
 stantissimus. Nos enim ex hominibus gignimur, illum
 uerò deus condidit, quanto autem melior autor, tanto
 etiam opus melius: quemadmodum sane quicquid uiget
 senescente melius est, siue animal, siue planta, siue fru-
 ctus, siue aliud quid ex his quæ natura cōtinet. itaq; par
 est illum recens creatum hominem robur fuisse uniuersi
 nostri generis, posteros uerò eius non ita uiguisse, dege-
 nerantibus usque formarum & uirium successionibus:
 quod

quod quidem & in platarum & in pictorum arte uidi fieri, deteriora enim sunt quæ exprimuntur ad exemplar propositum, quod si hæc ipsa imitetur plastes pictor uel, multo magis degenerant: quippe longe remota à principio, simile quiddam in magnete spectatur. nam qui è ferreis annulis ipsum tangit, hæret tenacissime: qui uero hunc deinceps, minus. pendunt tamen & tertius à secundo, & quartus à tertio, & quintus à quarto, & alij ab alijs per longam seriem una ui trahente continētēq; sed non eodem modo. Semper enim quo longius absunt à principio laxantur, eo quod remittatur uis attractoria, nec iam pariter astringere ualeat. Tale quiddam & humano generi accidisse uidetur, per singula secula succedentibus exilioribus & corporis & animæ uiribus ac qualitatibus. Quod si principem illum nostrum, nō tantum primum hominem, sed & solum mundi ciuem dicamus, dicemus uerissime, erat enim domus ei mundus & ciuitas, haudquaquam manufacta ex modo creata saxorum lignorumq; materia, in qua tanquam in patria securissime habitabat, alienus ab omni metu, utpote dignatus dominatione rerum terrestrium, & formidandus cæteris mortalibus animantibus, ut domino doctis obedire aut coactis: pacateq; uiuebat in iucunditatibus innocens, quoniam autem omnis legitima ciuitas habet instituta sua, necesse erat mundi ciues uti institutis cum toto mundo communibus. Ea sunt recta ratio nature, quæ ratio magis proprie cognominatur ius, lex diuina, suum cuiq; ita ut debetur & conuenit tribuens, huius ciuitatis ac rei publicæ oportebat esse quosdam ante hominem

nem ciues, qui merito dici possent magnæ urbis ciues, amplissima pomœria sortiti ad habitandum, & assignati in ius ciuitatis maximæ perfectissimæq; hi uero quina alij possint esse, quàm rationales diuinæ naturæ, partim intelligibiles incorporeæq;, partim non sine corporibus, quales stellæ sunt, cum his conuiuendo & colloquendo, uerissimiliter in felicitate sincerissima degebat ille cognatus summi regis recens in lucem proditus: qui plenus largissimo spiritu diuino omnia tum dicere tum facere studebat ad placitum patris regisq; sui, sequens eius uias eisdem uestigijs, quâ uirtutes uiam publicâ mununt: per quas uias solis animabus fas est incedere, eum finem affectantibus, ut tandem reddantur genitori deo similes. Atq; ita primi hominis utraq; pulchritudo tam corporis quàm animæ, & si multo infra ueritatem, certe pro nostra uirili, quantum fieri poterat, dicta est. Posteritas autem eiusdem ideæ particeps, necessario tametsi obscuras, seruat tamen adhuc formas cognationis quæ sibi cum patre illo intercedit, cuiusnam cognationis? omnis homo iuxta mentem diuino uerbo est cognatus, beatæ illius naturæ sigillum siue particula quædam, siue splendor & quasi radius: item mundo uniuerso iuxta structuram corporis, est enim cōtemperatus ex eisdem elementis, terra, aqua, aere, igne, singulis portionē suam conferentibus ad supplementum materiæ sufficientissimæ: eam oportebat sumere opificem, ut fabricaret hanc uisibilem imaginem, præterea in omnibus modo dictis regionibus tanquam in domesticis cognatisq; uersatur, locum loco mutans, & aliàs aliò se conferens, ut
pro-

proprie dicere liceat hominē esse omnia, terrenū, aqua-
 ticum, uolucrum, cœlestem: quatenus enim habitat &
 ingreditur in terra, terrestre est animal: quatenus urina-
 tur, natat, & sæpe nauigat, aquaticum, cuius rei testes
 sunt naucleri, negociatores, purpurarū captatores, cœ-
 terorumq; conchyliorum atq; piscium, quatenus autem
 sublime in pensilibus degit cœnaculis, merito dici potest
 agricola, atq; insuper cœleste, propter principem inter
 sensus uisum, quo solem adusq; & lunam cæterarūq; stel-
 larum tum erraticarum tum fixarū singulas euadit. Per
 pulchre autem & impositio nominum assignatur pri-
 mo homini, ad sapientiam enim & regnum perimet, at
 ille sapiens est suimetipse discipulus & doctor per dei
 gratiam, & insuper rex quoq;. Decet autem rectorē ut
 appellet unumquemq; subditorum, eximiam uerò opor-
 tet fuisse imperandi uim in primo illo homine, quem ac-
 curate formatum deus secundo post honore dignatus,
 subpræfectum sibi, rectorem aliarum rerum omniū con-
 stituit, quandoquidem etiam tot seculorum posteritas
 eius, euanescente iam per tam longum spatium genere,
 nihilominus adhuc brutis dominatur, seruans tanquam
 scintillam principatus & potentiæ hereditariæ. Ait igi-
 tur scriptura, Omnes animantes à deo adductas ad ho-
 minem, ut uideret quas hic appellationes singulis inde-
 ret. non quod dubitaret, ignotum enim deo nihil, sed si
 bi conscius quod rationalem in mortali naturam fecerit
 suapte ui mobilem, ne ipse esset uitij particeps, itaq; peri-
 culum faciebat iam noti tanquam præceptor, insitum ei
 habitum excitans, & ad contemplationem operum suo-
 rum

rum prouocans, ut eis ex tempore nomina imponeret, nec impropria nec inconuenientia, sed diserte rerū proprietates exprimentia, cum enim rationalis natura etiam pura maneret in anima, nullo turbante languore, aut morbo, aut affectu, purisq; uteretur tam corporum quam rerum imaginationibus, non aberrabat à uero dū nomina eis inderet, apposite significatis applicando, ut ad primum uocabuli sonum mox natura cuiusq; intelligeretur, tātum omnigenarum uirtutum inerat homini, contendenti ad ipsum finem humanæ felicitatis. Verum quia nihil est in rebus genitis firmum, sed omnia mortalia necessarias mutationes admittunt, oportebat & primum hominem experiri aliquam infelicitatem, ut autē obnoxius uiueret, occasio fuit mulier, donec enim solus erat, similitudine referebat creatum mundum & deum, gestans utriusq; naturæ formas expressas in anima, non omnes, sed quotquot earum mortalis ipsa capere poterat, ubi uero formata est & mulier, conspicatus germanam speciem, & cognatam formam, gausus eo spectaculo, & accedens eam complexus est, at illa cum nullū animal uideret sibi similius, libenter eum resalutauit, & reuerenter, deinde superueniens amor, tanquam unius animalis duo dimidia prius distātia collecta tunc in unū coaptauit, indita utriq; cupidine gignendi similem prolem per mutuam consuetudinem, ea cupido etiam corporum uoluptatem peperit. Vnde est origo iniquitatis præuaricationumq; omniū: quando talis uoluptas mutauit mortalem & infelicem uitam beata immortalisq; Viro autem adhuc solitariam uitam degente, necdū for-

mata

inata muliere, paradysus à deo plantatus dicitur, nostris
 his nequaquam similis, nostrorum enim inanimata syl-
 ua est, arboribus plena omnigenis, alijs semper uirenti-
 bus ad amœnitatem perpetuam, alijs primo uere pube-
 scentibus ac germinantibus, rursum alijs mites fructus in-
 usum humanum ferentibus, non modo ad necessitatē, sed
 & ad superfluas uoluptates uitæ delicatioris: alijs disti-
 milem, qui necessario feris relinquitur, at dei paradysus
 animatas omnes arbores habet rationeq; præditas, qua-
 rum fructus uirtutes sunt & incorruptus intellectus atq;
 sagacitas, quid turpe sit, quid honestum, dijudicans, ad-
 hæc uita sana & incorruptibilitas, & quicquid est simi-
 le, hæc autē philosophia per similitudines magis quàm
 proprie loqui uidetur. arbores enim in terra nec unquā
 prius natæ sunt, nec nascituras est credibile, uitæ aut in-
 tellectus feraces, sed ut puto subindicatur, per paradi-
 sum quidē principalis uis animæ, quæ est plena ceu plan-
 tis, innumeris opinionibus: per arborem autem uitæ, pie-
 tas inter omnes uirtutes eminentissima, per quā immor-
 talis redditur anima: sicut per dignotionem boni maliq;
 arbitra prudentia, quæ discernit res naturaliter contra-
 rias, his ceu terminis in anima positis, deus tanquam iu-
 dex considerabat utrū esset propensior: & postquam ui-
 dit eam uergere ad calliditatē, sanctitate pietateq; post-
 habita, ex quibus immortalis uita prouenit, merito eie-
 cit pulsam ē paradiso in exilium, præcisa omni spe redi-
 tus, propter eius erratum difficile sanatu & incurabiles
 quandoquidem etiam deceptionis occasio non mediocri-
 ter fuit culpabilis, non dissimulanda hoc loco per silen-
 Philo. to. i. tium.

tium. Fertur antiquum illum ueneficum & terrigenam serpentem humana uoce usum esse, is olim conditi ante omnes uiri uxorem aggressus, approbrauit ei stupiditatem & numinis reuerentiam nimiam, quod cunctando procrastinaret carpere fructum aspectu speciosissimum omnium, gustu uero suauissimum: adhuc utilissimum, quippe cui uis insit dignoscendi bona & mala, ibi mulier propter mentis inconstantiam inconsiderate assentiens, gustatum pomum uiro communicauit, itaque ambo repente ex innocentia simplicitateque morum, in calliditatem mutati sunt. Id indigne ferens ille pater) merebatur enim iram facinus, quandoquidem neglecta uitae immortalis arbore, hoc est uirtute absolutissima, unde longaeuam ac beatam uitam carpere potuerant, breuem mortalemque, non dico uitam, sed tempus ærumnosum prætulerat) poenae merita sententiam eis intulit. Sunt autem hæc non figmenta fabulosa, qualibus poetae ludunt & sophistæ, sed figurata documenta, ad allegoriæ scrutationem inuitantia per latentes coniecturas, quas si quis sequatur ut decet, serpentem haud absurde uoluptatem subindicare interpretabitur: primum quia pedibus carens pronus uentre nititur: deinde quia terræ glebis pro cibo utitur: tertio, quia uenenum gestat in dentibus, quo solet morsos tollere. Quibus omnibus malis obnoxius est homo uoluptati deditus: quippe qui ægrè caput attollit, grauatus depressusque, subuertente supplantanteque ipsum intemperantia. Vescitur quoque non cibis cælestibus, quos sapientia uiris contemplatiuis per sermones et opiniones porrigit: sed his qui quotannis è terra proueniunt: unde

ortæ

ortæ ebrietates & cupedinarij gulosiq; appetitus uen-
 tris, postquam auctæ totum hominem dediderunt huius
 modi studio, ea quoq; quæ sub uentre sunt excitant, &
 in furores quosdam erumpere faciunt, qui enim coquo-
 rum & popinariorum laborem abliguriunt, attacti ca-
 put nidoribus ex condimentis exhalantibus, participes
 huius turpitudinis fieri cupiunt, & ubi quis sumptuo-
 sam mensam uiderit, toto corpore in apposita irruit,
 datq; operã ut expleatur omnibus, hoc solũ spectans, ut
 nihil è tanto apparatu sinat reliquum. Quamobrem nõ
 minus q̃ serpens in suis dentibus uenenum circumfert, hi
 sunt enim insatiabilitatis ministri & operarij, nihil non
 ad cibum secantes conterentesq; qui primò linguæ diu-
 dicandos sapes offerant: deinde gulæ. Est autè immo-
 derata ciborum congestio lethifera naturaliter & uene-
 fica, utpote concoctionem præ multitudine non admit-
 tentibus quæ ingesta sunt, quando adduntur alia super
 alia priusquam priora digesta sint. Vocem autem huma-
 nã serpens emisisse dicitur, quia plurimos sui studiosos
 propugnatoresq; uoluptas habet: qui defensione huius
 suscepta, nouam audent asferre doctrinam, tribuentes ei
 potetiam in rebus omnibus magnis ac paruis absq; ulla
 exceptione, quando & primi maris fœminæq; congres-
 sus sequestram habent uoluptatem, & genituræ absque
 hac non perficiuntur, tum quæ genita sunt nullius prius
 consuetudinem affectant quàm huius, quippe gauden-
 tia uoluptate, contrarium uero huic dolorem ægrese-
 rentia, quapropter plorat infans recens editus, nimirũ
 dolens propter frigus. nam è calidissimo loco uulvæ, in-

qua longo tempore habitauerat, progressus repente in aerem frigidum & inassuetum sibi, uelut ictus eo sentit, doloris ac uexationis manifestissimum fletu præbens indicium, festinat enim, ut aiunt, ad uoluptatem, tanquam ad maxime necessarium & cuncta complectentem finem omne animal, præcipue homo. Nam reliqua per solum gustum & genitalia frui hac expetunt, homo per alios quoque sensus, quicquid spectatu audituque delectare potest consecretans auribus atque oculis. Quin & alia dicuntur in laudem huius affectus plurima, & quod sit animalibus familiarissimus atque cognatissimus. Verum satis sint exempli causa iam dicta, propter quæ humanam uocem serpens emisisse uisus est. ideo, ut puto, Moses etiam in legibus quas priuatim scripsit de animalibus quæ sint cibis apta, quæ non, maxime laudat eum qui uocatur ophiomachus. Est autem reptile subnixum longis cruribus, quibus à terra pro ingenio suo proflit & sublimis fertur, quemadmodum cætera locustarum genera. nam hic ophiomachus nihil aliud mihi esse uidetur, quam temperantiæ symbolum, quæ implacabile absque ullis inducijs bellum gerit cum uoluptate atque intemperantia, altera enim frugalitatem, parsimoniam, sola necessaria, subrigidam honestamque uitam eximie complectitur: altera operositatem sumptuositatemque, quæ lautitias de liciasque afferunt animæ atque corpori, & uitam reddunt obnoxiam, morte molestiorē his qui recte sapiunt. Ceterum uoluptas suas præstigias ac fraudes uiro non audet admoliri, sed sceminæ, & per hanc illi, idque admodum apposite efficaciterque, in nobis enim quasi uir est mens, sen=

sensus quasi foemina. Voluptas uerò prius appellat per-
tentatq; sensus, per quos id quod principale est mētem
illicit. Postquam enim singuli sensus eius ueneficijs subie-
cti fuerint, adlubescētes his quæ offeruntur, coloribus
figurisq; uarijs uisus, uocum concentibus auditus, sapo-
rum suauitatibus gustus, exhalātium uaporum fragran-
tie odoratus, acceptis his donis tanquam famuli asse-
runt ea ueluti dominæ ratiocinationi, aduocatam adhi-
bendo suadela, ne repulsam ulla in re patiantur. Ra-
tio porrò inescata, iamq; ex regina facta subdita, & ser-
ua ex domina, & exul ex ciue, mortalis fit quæ immor-
talis antea fuerat. Omnino enim scire oportet, quod uo-
luptas tanquam lasciua meretricula amatorem appetit,
querens stupri conciliatores, per quos illum ceu hamo
capiat. sunt autem huius cupidinis sequestri sensus, quos
postquam inescarit, faciliē mentem subiugat: quæ res ex
ternas intrò admittat, illis internuncijs & ostentantibus
singularum formas, & ei suum affectum imprimētibus.
nam ceræ similis, recipit per sensus imaginationes, qui-
bus apprehendit corpora, quod per seipsum non ualet,
ut ante dixi. Continuo autem mercedem uoluptatis ha-
buerunt, qui primi sese in seruitutem dederunt mole-
sto huic morbo & insanabili: mulier quidem uehemen-
tes dolores parturitionis, & in reliqua uita continuas
tristitias, præsertim in gignendis educandisq; liberis, æ-
grotis sanisq; in prosperitate & aduersitate degenti-
bus, quominus libertate frueretur, uitæ socium agno-
scens pro domino, cuius mādāta exequi necesse habeat.
uiro item pro parte sua labores exantlandi sunt propa-

siti, sudoresq; continui, ut acquireret necessaria uictui.
 præterea mulctatur ubertate terræ spontanea, quæ prius
 absq; agricolæ opera arteq; fertilitatem didicerat: iam
 uerò inexhaustis laboribus succurrendum est inopiæ, ne
 fames internecionem afferat. Opinor enim quemadmo-
 dum sol & luna perpetuo lucem ministrant semel iussi
 in rerum primordio, & diuinum mandatum indefinen-
 ter faciunt, nõ ob aliam causam quàm quia malicia pro-
 cul terminis cæli exulat: eodem modo terræ quoq; lati-
 fundia frugifera sine arte curaq; agricolarum latura fu-
 isse ingentes rerum copias annuis prouentibus. nunc au-
 tem perennes illi fontes dei gratiarum retenti sunt, post-
 quam coeperunt uitia maiores quàm uirtus profectus fa-
 cere, ne in indignos profunderetur beneficentia. Itaque
 debuerat humanum genus, si pœna par culpæ luëda es-
 set, omnino deleri propter tantam erga benefactorem
 seruatoremq; deum ingratitudinem. at ille suo pte inge-
 nio clemens, miseratione uindictam moderatus est, ge-
 nus quidem manere sinens, uictum autem non æquè ut
 antea præbens, ne duobus malis accedentibus, ocio satu-
 ritateq; proni ad uim & peccatum fierent. Talis erat ui-
 ta innocenter ab initio simpliciterq; uiuentiũ: talis item
 postquam uirtutem posthabuerunt uitijs, à quibus absti-
 nendum est. Licet porro ex superiore de mundo condi-
 to narratione alia quoq; multa nos discere, præcipuè
 quinque res omnium pulcherrimas & optimas, primum
 esse & præesse numen, ne nos fallant impij: quorum alij
 dubitarunt, ambigendo an sit: alij uerò his audaciores
 perfricta fronte negauerunt esse, sed uerbis tantummodo
 celebrari

celebrari ab hominibus per figmenta fabularum ueritatem adumbrantibus. Secundo, deum unum esse, ne fallamur à multorum deorum assertoribus: quos non pudet deterrimam reip. speciem ex terra in cœlum transferre uulgi potentiam. Tertiò (sicut iam dictum est) mundum esse factum, aduersus eorum opinionem qui eum infinitum sempiternumq; esse contendunt, nihil deo tribuentes amplius. Quarto, hunc ipsum creatum mundum esse unum, quando & unus eius opifex est, qui hac unitate opus suum simile sibi reddidit, ad cuius uniuersi perfectionem usus est omni essentia. integrum enim non esset, nisi compactum & constitutum fuisset ex omnibus partibus. nam non desunt qui credant plures mundos esse, quidam etiam infinitos, ipsi carentes fine modoq; ignorantie, & ad ueritatem indociles: quos nosse cauereq; bonum est. Quintò, præesse mundo dei prouidentiam. semper enim autor curam gerit operis sui, communi ne cessariaq; lege naturæ: quemadmodum & parentes curant suam progeniem. Hæc quicumq; non tam auribus quam cogitatione maturè perceperit, & in animum suum mirandas, omniq; studio petendas, species impresserit: Esse deum præesseq; rebus, & hunc unum esse qui uerè sit, & ab ipso mundum conditum credi oportere, eumq; (ut dictum est) unicum, hac unitate autori suo similem: postremo nunquam non gubernari eum ab opifice suo: is beatam felicemq; uitam acturus est, decretis pietatis diuinis formatus.

PHILONIS IV

DAEI, SACRAE LEGIS AL-
legoriarum post sex dierum opus,
Liber primus.



T perfecti sunt celi & omnis
eorum militia.] Postquam de
mentis sensusq; generatione diu-
dum dixit, nunc ex utroq; perfe-
ctionem mādāt literis. Sed neq;
mētem indiuiduam, neq; sensum
particularem perfectū esse ait,
uerum ideas: alteram mentis, alteram sensus. Tectē qui-
dem mentē cælum, quoniam intelligibiles in eo sunt na-
turæ, uocat: sensum uerò terram, quia constitutionē cor-
pori similem & fermē terrenam sensus sortitus est. Or-
nant autem mentem quidem intelligibilia incorporeaq;
omnia: sensum uerò corporea & quæcunq; sensibilia.

Et compleuit deus die sexto opus suū quod fecerat.]
Rusticanæ simplicitatis est putare, sex diebus, aut utiq;
certo tempore mundum conditum: quia totus mundus
uicissitudo est dierum ac noctium, quam solis motus su-
per terram, sub terraq; meantis necessario conficit. Sol
autem pars celi censetur, ut fatendum sit tempus poste-
rius mundo esse, quippe quod mundi est effectus. nam
cæli motus indicauit naturam temporis. Ergo cum au-
dis: Compleuit sexto die opera, intelligere non debes de
diebus

diebus aliquot, sed de senario perfecto numero, quia primus in tres partes æquales diuiditur, dimidiam, tertiam, sextam, & ex æquilateris duobus constat, bis tribus. binarius quidem & ternarius excedunt iuxta corpus æqualitatis: alter materiæ imago, quæ diuiditur secaturq; tanquam mortalis, alter uero solidi corporis, quod iuxta triplicem dimensionem potest diuidi. quin & organicorum animalium motibus cognatus est. sic enim organicum corpus natum est ut suo apte ingenio moueri queat prorsum, retrorsum, sursum, deorsum, dextrorsum, sinistrorsum. Vult igitur indicare propheta, tum mortalia, tum incorruptibilia genera ex proprijs constituisse numeris, mortalia (ut dixi) senario metiens, beata uero & felicia septenario. Primum igitur septimo die requiescens à mortalibus operibus, alias diuiniore formationes incipit. nunquam enim deus operari desinit: sed sicut proprium ignis est urere, & niuis refrigerare: ita dei quoq; operari: idq; multo magis, eo quod ipse ælijs etiam rebus omnibus operandi autor est. Recte sanè dicitur Quiescere fecit, non Quienit. quiescunt enim quæ uidentur operari, ipsa non agentia. at factor ille non quiescit. ideo subinfertur, Quiescere fecit quæ exorsus est.] Quæcunq; enim nostris artibus fabricantur, ea semel absoluta stant manētq; . at quæ deus perficit sua scientia, mouentur denuo. fines enim eorum, aliorum sunt principia: ut diei finis, noctis initium. menses quoq; & annos desinentes, initia sequentium cogitare debemus. itidem dum alia corrumpuntur, gignuntur alia: & dum alia gignuntur, corrumpuntur alia: ut uerè dictum sit,

perire nihil eorum quæ generata sunt. sed aliud accedēs ad aliud, aliam formam repræsentat. gaudet autem natura septenario. erraticæ septem sunt, in contrarium nitentes quotidiano cæli cursui. ursa septem stellis completur, cōmerciorum, consociationis hospitalitatisq; hominum causa præcipua. mutationes quoq; lunæ singulis septimanis fiunt, sideris rebus terrestrib. familiarißimi: quod quascunq; in aere mutationes operatur, maxime iuxta suas hebdomadarias figurationes efficit. mortalia certe (ut dixi) omnia quæ diuinius principium cælitus sibi contrahunt, iuxta septenarium mouentur salutariter. Quis enim nescit infantium septimestrium felices partus: si uerò tempus uteri producat in mensem octauū, plerosq; omnes infelices? rationem quoq; aiunt in homine absolui primo septennio, quando iam idoneus est interpretres usitatorum nominum ac uerborum, rationalem habitudinem sibi comparans: item sequenti septennio ad summam perfectionem peruenire, nimirum ad potentiam progignendi sui similem: id quod accidit circiter annum ætatis quartumdecimum. tertium deinde septennium incrementi finis est. nam usq; primum supra uiginti annum augetur proceritas hominis: quod tempus à multis uocatur ætatis maturitas. animæ quidem bruta pars septisariam diuiditur, in quinque sensus, & uocis instrumentum, & genitalem uim suis membris insitam. Item corporum motus septem sunt, sex pro ratione membrorum, in orbem septimus. septem item interiora uiscera, stomachus, cor, lien, iecur, pulmo, renes gemini. totidem quoq; membra corporis, caput, ceruix, pectus, manus

manus, uenter, inguen, pedes. certè principalis pars hominis septem habet foramina, oculos duos, totidem aures naresq; os septimum. septem sunt & excrementa, lacryma, mucus, saliu, genitura, quæq; per geminas corporis cloacas deriuatur, sudorq; totius corporis. in morbis sanè septimus dies maximè iudicat: & mulieribus menstruæ purgationes usq; septimum diem protenduntur. quin & ad utilissimas artes uis huius numeri peruenit, scilicet grāmaticam & musicam: quandoquidem in grāmatica uocales optimæ elementorum potētissimæq; septem sunt: & in musica lyra chordarum septem, præstantissima est instrumentorum fermè omnium: quoniam harmoniarum ratio, quæ quidem in melico genere pulcherrima est, in hac consideratur maximè. tonorū quoque septem sunt discrimina, acutus, grauis, circumflexus, asper, tenuis, longus, breuis. & primus numerus nascitur ex perfecto, id est senario, & unitate. præterea iuxta quandam rationem qui intra denarium sunt numeri, aut gignunt eos qui sunt intra denarium, aut gignuntur ab eis, aut utrunq; at septenarius nec gignit ullum eorum nec gignitur à quoquā, quapropter in suis fabulis Pythagorici eum semper uirgini sine matre natæ assimilant, quia & illa nec partu est edita, nec unquam pariet. Itaq; quiescere fecit diē septimū ab operib. suis quæ fecit.] Id autē sic intelligēdū, mortalia genera tū deus cessat fingere, cū incipit facere diuina, & septenarij naturæ familiaria. id ad mores pertinet hoc modo: quādo in animā subintrauerit illud iuxta septenariū uerbum sanctū, compefcitur senarius, & quicquid occupatū uidetur in faciendis

faciēdis hisce rebus mortalibus. Et benedixit deus diei
septimum, & sanctificauit eum.] Mores qui iuxta se-
ptimam uereq; diuinā lucem facti sunt, benedicit deus,
moxq; sanctificat. summa enim cognatione benedictus
sancto iungitur. ideo de illo qui magnum uotum uouit
scriptura dicit, quod si mutatio repentina polluerit eius
mentem, non erit sanctus. Ceterum dies priores merito
irracionales sunt. irrationalis est enim quiuis nō sanctus
mos. ideoq; qui benedictus sanctus. Rectē igitur dictum,
quod septimum benedixit simul & sanctificauit, quia
in eo cessauit ab omnibus operibus suis quæ cœpit deus
facere.] Causa redditur ob quam benedictus sanctusq;
factus sit, qui iuxta septimam perfectamq; lucem degit,
quandoquidem in hac natura quiescit mortalium consi-
tutio. ita enim se res habet. postquam splendor uirtutis
exortus fuerit, clarus reuera diuinusq;, cessare facit ge-
nerationem naturæ contrariæ. docuimus aut quod deus
facere non cessat, sed aliarum rerum generationem ag-
greditur, quippe non opifex modo, uerum & pater re-
rum conditarum. Hic est liber generationis coeli &
terræ, quādo creata sunt.] Hæc quæ iuxta septenarium
mouetur perfecta ratio, principium est tum ordinati in-
xta ideas intellectus, tum generationis intelligibilis re-
rum iuxta ideas ordinarum: uel ut propriè loquar ad
sensum pertinetium. Librum autem uocat dei uerbum,
in quo inscriptæ insculptæq; habetur cæterarum rerum
substantiæ. Ne autem suspiceris intra certa temporis spa-
cia numen facere aliquid, sed ignota, incerta, inscrutabi-
lia, incomprehensibilia humano generi esse eius opera,
subinfert

subinfert has uoces, Quando creata sunt, non definiens disertè quandonam. Incircumscriptè enim fit quicquid ab hac causa fit, atq; ita negatur hoc uniuersum intra sex dies conditum. Die quo fecit deus cælum & terram, & omne uirens agri antequam oriretur in terra, omnemq; herbā agri prius quàm germinaret. Nō enim pluerat deus super terram, & homo non erat qui operaretur terram.] Diem hunc superius librum dixit, siquidem utroq; celi & terræ describit generationem. nam illustrissimo splēdidissimoq; suo uerbo, uno edicto deus utrunq; creat, & ideam intellectus, quam figuratè cælum uocauit, & ideam sensus, quā significauit terræ nomine. Duobus autem agris assimilat ideam intellectus et ideā sensus. intellectus enim fructus sunt quæ intelliguntur: sicut sensus ea quæ sentiuntur. Quod autem dicit tale est. sicut particulari indiuiduoq; intellectu prior est quædam idea tanquam archetypum huius exemplar: item particularis sensus alia, ad exprimendas formas uicem signaculi obtinēs: ita prius quàm fierent indiuidua intelligibilia, erat idipsum intelligibile, ob cuius participationem cætera quoq; sic nominantur. Virens quidem agri, intelligibile dixit mentis. sicut enim in agro uirentia germinant florentq; ita mentis germen est intelligibile. itaq; prius quàm indiuiduum intelligibile crearetur, illud ipsum intelligibile absolutū erat, generale iam tum uniuersaleq; quippe completum. Et omnem, inquit, herbā agri prius quàm germinaret.] Id est, prius quàm germinarent indiuidua sensibilia, iam erat generale sensibile per creatoris prouidentiam. Hic quoq; ad-

didis

didit Omnem, decenter sanè sensibile contulit cum herba, quia animæ parti brutæ sorte obuenit. alioqui eür su-
 pradixit, uirens agri & omnem herbam, ac si herba ne-
 quaquam uireret? sed uirens agri est intelligibile men-
 tis germen: herba uerò sensibile, ipsum quoq; germen
 brutæ partis animæ. Non enim pluerat deus super ter-
 ram, & homo non erat qui operaretur terram.] Valde
 naturaliter. nisi enim deus pluerit super sensum perce-
 ptiones subiectorū, ne intellectus quidem circa sensum
 operabitur & occupabitur. Cum enim ipse ex seipso,
 non sit idoneus ad irrorandos uisui colores, uoces audi-
 tui, gustui saporēs, cæterisq; sua perinde subiecta sensi-
 bus, quàm primum deus sensibilibus sensum rigare cœ-
 perit, mox intellectus tanquam uberrimæ terræ cultor
 præsto est. at idea sensus, quæ figuratè uocatur pluuia,
 nullo alimento indiget. sed alimentum sensuum sunt in-
 diuidua sensibilia, quæ utiq; corpora sunt. idea autem
 aliud quàm corpus est. cæterum prius quàm existerent
 indiuidua, non pluerat deus super ideam sensus, quæ ter-
 ra hic nominatur, hoc est nullum alimētum ei præbuit.
 nam ea nullo prorsus opus habebat sensibili. quod au-
 tem sequitur: Et homo non erat qui operaretur terram,
 idem est quod: idea intellectus ideam sensus non exerce-
 bat. mens enim eiusq; intellectus exercet sensum per sen-
 sibilia. intellectus autem idea, prius quàm ullum existat
 indiuiduum illi familiare corpus, non exercet ideam sen-
 sus. si enim exerceret, exerceret per sensibilia. nam in
 ideis nihil est sensibile. Fons autem ascendebat de ter-
 ra, & irrigabat eius faciem.] Hic intellectum dicit ter-

ræ fontem, sensus uerò faciem eius. hunc enim locum ex
 uniuerso corpore ad exercendas ideas aptissimum, na-
 tura omnia prouidens eis attribuit. Fontis autem modo
 intellectus sensum quemq; irrigat, immittens riuos con-
 uenientes singulis. & uide quomodo analytica ratione
 potentia animalis inuicem connexæ sunt. cum enim tria
 sint, intellectus, sensus & sensibile, medius est sensus, u-
 tramq; autem extremitatem occupant intellectus & sen-
 sibile. atqui ne intellectus quidem potest operari, hoc
 est exercere se per sensum. nisi autem deus pluerit & ri-
 garit sensibile, ne complutæ quidem rei sensibilis ulla
 est utilitas, ni terræ modo intellectus extendens se usq;
 sensum, mouerit eum quiescentem, & adduxerit ad sub-
 iecti sui comprehensionem. itaq; intellectus & sensibile
 semper par pari referre conantur, hoc quidem subie-
 ctum sensui tanquam materia: ille uerò mouens sensum
 ad externa tanquam artifex, ut fiat impetus. animal e-
 nim non animali præstat rebus duabus, imaginatione
 & impetu. imaginatio fit progressu intellectu per sen-
 sum ad externa: impetus uerò imaginationis germanus
 per intellectus uim intensiuam, quam intendens per sen-
 sum attingit subiectum, & accedit ad id, cupiens com-
 prehendere.

Et finxit deus hominem de humo ter-
 ræ, & inspirauit in faciem eius spiritum uitæ: & factus
 est homo in animam uiuentem.] Duplex hominum ge-
 nus. alter est cælestis, terrestris alter. cælestis quidem, ut-
 pote ad imaginem dei factus, expers corruptibilis & in-
 totum terrenæ essentia. terrestris uerò e seminali mate-
 ria, quam humu uocat, compactus est. ideo cælestem non
 fictum

fictum dicit, sed formatum ad imaginem. terrestre uero
figmentum, irrationalis progeniem esse artificis. cæte-
rum homo terreus accipiendus est intellectus qui inseri-
tur corpori. nondum ei concretus. is terrenus reuera est
& corruptibilis, nisi quod deus inspirauit illi uim ueræ
uitæ. ac tum demum fit iam, non amplius fingitur, in ani-
mam non ociosam & ignauam, sed intelligentem uereq;
uiuētem. ait enim In animam uiuētem factus est homo.
Querat aliquis, cur deus terrigenam & corpori addi-
ctam mentem spiritu diuino dignatus sit, & non potius
illam iuxta ideam factam & iuxta imaginem ipsius dei.
Secundo quid sit quod dicit Inspirauit. Tertio, quam ob-
rem in faciem inspirat. Quarto, quamobrem utatur spi-
ritus uocabulo: num ita, sicut quando dicit: Et spiritus
dei ferebatur super aquam: flatus nunc non spiritus si-
mentio. Ad primum respondendam, primo, quod beni-
gnus cum sit deus, largitur bona omnib. etiam non per-
fectis, inuitans eos ut æmulatores uirtutis atq; partici-
pes fiant, ostentansq; immensas suas diuitias, quod suffi-
ciant etiam his qui non magnam utilitatem inde capiūt.
Hoc autē etiam alijs rebus declarat manifestissimè. Quo-
ties enim pluit in mare, fontes producit in locis desertissi-
mis, tenuem & asperam sterilemq; terram rigat inun-
dans fluminibus, quid aliud exhibet quàm nimietatem
diuitiarū benignitatisq; suæ. Eadem est causa, ob quam
nullam animam sterilem boni creauit, quamuis sint que-
dam quib. hoc est inutile. Altera respoſio cōmendat diui-
nā iustitiam. Inspiratus aliquis uera uita, sed uirtutis ex-
pers, puniendus propter peccata, inique secum iniustusq;

agi diceret, quando quidem per ignorantiam boni pro-
 lapsus sit in ea. Esse autem in causa ipsum, qui nullam ei
 mentem inspirasset. & forsitan negaret omnino se pec-
 casse, si quidem quæ ab imprudentib. fiunt, ne in peccato-
 rum quidem rationē competere quidam asseuerant. hæc
 quidem uox Inspirauit, idem ualet quod afflauit anima-
 uitq; in anima. absit enim ut putemus deum oris aut na-
 rium instrumentis usum ad inspirandum. expers enim
 qualitatis deus, tantum abest à forma humana. quin &
 aliud naturæ arcanū hæc uoces proferunt. Tria enim hic
 requiruntur, quod inspirat, quod inspirationem capit,
 & quod ex inspiratione accipitur. Deus inspirat, mens
 inspirationem capit, spiritus ex inspiratione accipitur.
 quid ergo ex his colligitur? unitio fit horum trium, por-
 rigente deo à seipso manātem uim per medium spiritum
 usq; subiectū: ad quid aliud nisi ut cogitatione percipia-
 mus eum? alioqui quomodo anima deū intellexisset, nisi
 ipse inspirando attigisset eam quantum fieri potuit? nec
 enim ausa fuisset humana mens tam alte ascēdere, ut at-
 tentaret dei naturam, ni deus ipse trahendo subleuasset
 eam ad seipsum, quatenus fas erat humanū intellectum
 subleuari. Quin & formauit eum pro ipsius uiribus. Cæ-
 terum faciem inspirat naturaliter & moraliter. natura-
 liter quia in facie sensus creabat: quæ pars corporis ma-
 xime animata est & inspirata. moraliter sic: quemadmo-
 dum principalis pars corporis est facies, ita animæ pars
 principalis est mens. hanc solam inspirat deus, alias hoc
 honore non dignatur. sensum, ratiocinationem, gignen-
 diq; uim. nam hæc secundum locum obtinet. à quo igitur

Philo. to. i.

f

hæ

hæ quoq; inspirantur? Dubio procul à mēte. Quicquid
 enim hæc accipit à deo, brutis animæ partibus cōmuni-
 cat. quo fit ut mens animetur à deo, brutum uerò quod
 inest animæ, à mente. Est enim mens tanquam deus par-
 tis brutæ, & ideo Mosē quoq; scriptura non grauatur
 deum Pharaonis dicere. Nam quæ sūt, partim à deo &
 per ipsum fiunt: sicut procedente contextu legetur, Plan-
 tauit deus paradisum. inter ea mēs censetur. Bruta uerò
 pars à deo quidem facta est, nō autem per deum, sed per
 rationalem partem præsentem regnātemq; in anima.
 Spiritum porrò non flatum dixit, quasi intersit aliquid.
 Nam in spiritu intelligimus robur, tenorem, & uim: fla-
 tus tanquam aura quædam est & exhalatio lenis ac se-
 data. Quapropter mens facta ad ideam & imaginē, di-
 ci potest cōmunicare cum spiritu. robur enim hic intelli-
 gitur. procedens aut à materia leuiore, aura dicitur ex-
 halatioq; qualis fit ex aromatibus: quæ asseruata uel se-
 ne suffitu emittunt quandam fragrantiam. Et plantauit
 deus paradisum in Edem ad orientem, & posuit ibi ho-
 minem quem finxerat.] Diuinam & cælestem illam sa-
 pientiam cum nominaffet multis nominibus, & uarias
 appellationes eam habere ostendisset, ut quam princi-
 pium & imaginem & uisionem dei uocauit: nunc eius
 tanquam exemplaris imitamentum terrenam sapiētiā
 insinuat per paradisi plantationē. absit enim ut tanta ra-
 tionem nostram inuadat impietas, ut suspicemur deum
 plantare & terram colere. cur enim id faceret, statim oc-
 currit dubitatio. non enim ut amœnos secessus & uolu-
 ptates sibi quæreretur, quæ fabulositas ne in cogitationem
 quidem

quidem admittenda est. nam deo ne totus quidē mundus
dignum esset domicilium: qui sibi ipse locus est, et ipse se
ipso plenus sibiq; sufficiens, cum deus alienam indigen-
tiam, solitudinem inanitatemq; impleat & contineat,
ipse uerò à nullo alio contineatur, utpote unus & totum
ipse ens. ergo terrenam uirtutem seminat ac plātat deus
humano generi, quæ sit imago effigiesq; celestis uirtu-
tis, miseratus enim nostrum genus, & cōspicatus id plu-
rimis refertum uitij, auxiliatricem & depultricem ani-
mæ morborum uirtutem terrenā radicaui, ad imitatio-
nem formamq; celestis exemplaris, eamq; nō uno uocat
nomine. Paradisus certè figuratè dicitur uirtus, locus au-
tem proprius paradiso Edem, id est deliciæ. uirtuti autē
conuenit pax, uoluptas, gaudiū, in quibus sunt ueræ deli-
ciæ. quin et ad orientē est huius paradisi plantatio. nam
nec occidit nec exstinguitur, sed perpetuo suapte natura
lux eius oritur: & ut puto, sicut sol exortus caliginosum
aerem replet luce: sic etiam uirtus exorta in anima cali-
ginem eius illustrat, & multum tenebrarum discutit. Et
posuit, inquit, ibi hominem quem finxerat.] Cum enim
bonus sit deus, & ad uirtutem tanquam peculiare suum
opus, exerceat genus nostrum, mentem collocat in uirtu-
te, uidelicet ut nihil aliud quàm hanc colat curetq; ceu
bonus agricola. Querat hic aliquis, quare cū fas pūq;
sit imitari opera dei, ego uetor plantare lucum apud sa-
crarium, deus aut plantat paradisum? ait enim lex: Non
plātabis tibi ipse lucum, omnē arborem apud sacrarium
dei tui non facies tibi ipse. quid igitur dicendum? De-
cens esse deo plantare & edificare uirtutes in anima.

mens autem sui amans & impia, uolens uideri æqualis deo, dum se facere putat, reuera patitur. ceterum cum deus seminat & plantat in anima quicquid honestū est, mens si dicat, ego planto, impie facit. non plantabis igitur quando deus plantat. quod si et plantas in anima posueris, o anime, fructiferas planta omnes, & non lucum. In luco enim tam syluestres quàm mites sunt arbores. uirtutum autem sterile in anima cum miti fructiferaq; plantare uirtute, lepræ est biformis & confusæ proprium. si tamen ea quæ misceri non debent in unum coegeris, separa secerneq; à pura & incontaminata natura, quæ solet offerre deo res irreprehensibiles. hæc autem est sacramentum. ab hoc enim alienum est, dicere opus aliquod esse animæ, cum ad deum referantur omnia, & permiscere fructifera infructiferis. reprehendendum enim hoc: tu offer deo res irreprehensibiles. ergo siquid in his præuariicata fueris o anima, teipsa lædes, non deum. ideo dicitur, Non plantabis tibiipse. deo enim nemo operatur, præsertim uilia. moxq; additur, Non facies tibiipse. dicit autem & alibi scriptura, Non facietis mecum deos argenteos, & deos aureos non facietis uobisipsi. quisquis enim uel qualitatem putat habere deum, uel non uinum esse, uel nō ingentum & incorruptibilem, uel non immutabilem, sibiipse iniuriam facit, non deo. & quisquis aliter sentit, suam ipse animam implet opinione falsa & impia. non uides quod etiamsi nos inducat in uirtutem, & inducti plantemus, nihil quidem infructiferū, sed omnem arborem cibo utilem, iubet tamen purgare præputium? id autem est, uideri plantare, eam arrogan-
tiam

tiam abscidere præcipit. nam impura est naturaliter. Hunc recens fictum hominem posuit in paradiso,] inquit scriptura nil addēs præterea. quis igitur est de quo post dicit: Apprehēdit dominus deus hominem quem finxerat, & posuit eum in paradiso ut operaretur eum & custodiret?] Num fortè alius est hic homo iuxta imaginem & ideam factus? ut duo homines in paradysum introducantur, alter fictus, alter iuxta imaginem. ergo qui iuxta ideam factus est, non solum inter plantationes uirtutum censetur, uerum etiam operarius est earum & custos, id est memor eorum quæ audiuit & exerceuit. at fictus ille nec operatur uirtutes nec custodit, tantum introducit in decreta dei fauente ipso, mox uirtutis transfuga futurus. ideò quem tantummodo ponit in paradiso, fictum uocat: illum uerò quem operarium custodemq; constituit, non fictum, sed quem fecit. & hūc quidem apprehendit, illum uerò expellit. eum autem quem apprehendit, tribus dignatur ex quibus constitutus est, bonitate naturæ, tangendi facultate, diuturnitate memoriæ. ergo tangendi facultas, est positio in paradiso, memoria uerò custos seruatrixq; sanctorum decretorum: sicut bonitas naturæ, actio rerum honestarū & operatio. at ficta mens nec meminit honestatis, nec operatur eam, contēta facultate tangendi. ideò posita in paradiso, paulò post fugitiua expellitur. Et emisit deus è terra omnem arborem pulchram uisu, & bonam ad cibum, & arborem uitæ in medio paradisi, & arborem sciētiæ boni maliq;.] Arbores uirtutis quæ in anima nascuntur hunc describit. hæ sunt indiuiduæ uirtutes, hæ

rumq; operationes & rectè facta, & quæ dicuntur apud philosophos officia. hæ sunt stirpes paradisi huius. exprimit tamen has ipsas, docens quod bonū illud tum ad spectandum tum ad fruendum sit præstantissimū. Quædam enim artes contemplatiuæ sunt, non item actiuæ, geometria, astronomia: quædam actiuæ, at non cōtemplatiuæ, materiaria, æraria, & illiberales ceteræ. at uirtus contemplatiua simul & actiua est. habet enim cōtemplationem, quandoquidē ad hāc deducit nos philosophia per tres sui partes, rationalem, morālē, naturalemq;. habet itē actiones. est enim uirtus ars totius uitæ omnes actiones in se continentis. & quamuis contemplationē & actionem habeat, tamen in utraq; est præstantissima. est enim contemplatio uirtutis pulcherrima, usus uerò & actio sectanda omni conatu. ideoq; dicit arborē esse aspectu pulchram, quod contemplationem significat: & bonam ad cibum, quod usus & actionis signū est. Ceterum arbor uitæ est illa generalissima uirtus, quam quidā bonitatē uocant, à qua indiuiduæ uirtutes procedūt. quam obrem etiam media paradisi locatur habens regionē pacissimā, ut ab utroq; latere ceu rex stipetur satellitio. Alij dicunt cor intelligi nomine arboris uitæ, quia causa uiuendi est, mediam corporis regionem sortitū, ut princeps secundum ipsorum opinionem. uerum hi falluntur, medicam sententiam asserentes pro physica. nos autem, quemadmodū et antea dictum est, illam generalissimam uirtutem dici arborem uitæ affirmamus. hæc uerò discretē in medio paradisi esse traditur. sed altera, scilicet sciētiæ boni maliq; non declaratur intra paradisum sit an extra

extra. sed postquā dixit, & arbor scientiæ boni maliq;
 mox desit, nec declarauit ubinam erat, ne alieno à phy-
 siologiæ mysterijs moueret admirationem scientiæ suæ.
 quid ergo dicendum est? esse eam & intra paradysum et
 extra: essentia quidem intra, potētia uerò extra. quomo-
 do? principalis uis nostra omnicapax est, & sicut cera
 oēs formas uel pulchras uel turpes recipit: sicut & sup-
 plantator ille Iacob fatetur, dicens: Super me facta sunt
 hæc omnia. nam unica anima innumeras formationes re-
 rum quæ in natura sunt capit omnium: quæ quoties cha-
 racterem perfectæ uirtutis recipit, uertitur in uitæ arbo-
 rem: quoties uitij, fit arbor sciētiae boni maliq;. at uitium à
 diuino choro exulat. Ergo principalis illa uis, quæ hoc
 intra se admisit, in paradiso est iuxta suam essentiā: in-
 est enim in ea ui character ille uirtutis proprius, qui in
 paradiso est: at iuxta potentiam non est ibi, quia forma
 uitij aliena est à præceptis dei. Quod dico, uel sic potes
 discere. nunc in meo corpore principalis illa uis est iux-
 ta essentiam, potentia uerò in Italia Siciliæue, quoties
 de his regionibus cogitat: item in cælo, quoties de cæle-
 stibus speculatur. qua ratione interdum quidam in pro-
 fanis locis cōstituti iuxta essentiam, sunt in sacratissimis,
 imaginātes ea quæ ad uirtutem pertinent. Econtra con-
 stituti in sacris penetralibus, cogitatione profanantur,
 quòd ea sit ad deteriores uilioresq; formas mutabilis.
 Itaq; nec inest paradiso uitium, nec abest. potest enim
 ibi esse iuxta essentiam, potentia uerò nō potest. Flu-
 uiius autem exit ex Edem, ut irriget paradysum, qui in-
 de disternitur in quatuor capita. nomen uni Phison,

ipse est qui circuit omnem terram Euilat, ubi est aurum
 & aurum terræ illius bonum est. Ibi carbunculus inue-
 nitur & lapis prasinus. Et nomen fluuii secundo Geon,
 is circuit terram Aethiopiæ. Tertius fluuius est Tigris,
 ipse uadit contra Assyrios. Quartus fluuius ipse est Eu-
 phrates.] Per hos uult particulares uirtutes designare,
 hæ sunt numero quatuor, prudentia, temperantia, forti-
 tudo, iustitia. Cæterum maximus ille fluuius, à quo deri-
 uantur alij quatuor, generalis est uirtus, quam quidam
 bonitatem nomināt. Quatuor autem eius deriuationes,
 uirtutes totidem. Sumit igitur initia generalis uirtus ab
 Edem, nempe à dei sapientia: ab ea inquā quæ gaudet de-
 liciaturq; solius dei patris maiestate sese oblectando. Ab
 hac uniuersali quatuor hæ deriuantur, quæ quidem flu-
 minis in morem rigat benefacta singularum, inuadans ea
 largis fluentis honestarum actionum. Inspiciamus etiam
 uocabula. Fluuius, inquit, exit ex Edem ad irrigandum
 paradisum.] Fluuius est illa generalis bonitas, exit hæc
 ex dei sapientia: hoc est ex uerbo dei. iuxta hoc enim ui-
 tus uniuersalis facta est. Rigat autē paradisum hæc uni-
 uersalis uirtus, id est, particulares uirtutes irrigat. Capi-
 ta uerò accipiuntur nō localiter, sed principaliter. nam
 unaquæq; uirtus princeps reuera & regina est. Hæc au-
 tem uox Determinatur, idē ualet quod finitur terminis.
 Prudentia quid agendū determinans, fortitudo quid su-
 stinendum, temperantia quid eligendū, iustitia quid cuiq;
 tribuendum. Nomen uni Phison, ipse circuit omnē ter-
 ram Euilat, ubi est aurum: & aurū terræ illius optimum
 est. ibi carbūculus inuenitur, et lapis prasinus.] E qua-
 tuor

tuor uirtutib. una species est prudentia, quæ Phison hic nominatur, ὁ ποταμός φείδεσθαι, id est, quod parcat animæ seruans eam à peccatis. circuit aut choreæ modo terram Euilat, id est, placidam mitem propitiamq; constitutionem conseruat. sicut autem metallorum optimū probatissimūq; est aurū, ita inter animæ uirtutes prudentia habetur probatissima. hæc autem uerba, Vbi est aurum, significant: ubi est res aureo fulgore igneoq; prædita illa preciosa prudentia, inter opes diuinas citra controuersiam pulcherrima. huic uirtuti attribuuntur duæ qualitates, eius qui habet prudentiam, & eius qui utitur ea, quas carbūculo prasinoq; comparat. Et fluuiio secundo nomen Geon. is circuit omnem terram Aethiopiæ.] Figuratè hic fluuius est fortitudo. interpretatur enim Geon pectus aut cornupeta. utrunq; fortitudinem significat. nam circa pectus, ubi & cor, habet domicilium, et ad defensionem sui parata est. est enim scientia sustinendorum non sustinendorūq; & neutrorum. circuit autem & obsidet hostiliter Aethiopiam, cuius nomen si interpretetur, idem est quod humilitas. humilis autem & abiecta timiditas, cui fortitudo semper aduersatur. Tertius fluuius Tigris, qui uadit contra Assyrios.] Tertia uirtus est temperantia, resistens uoluptatib. istis quæ sibi uidentur imbecillitatem humanam corrigere. nam Assyrios in corrigētes licet uertere. confert aut concupiscentiā cum immaniſſimo animali tigride, cū qua perpetuo negocium habet temperantia. Oritur hic dubitatio, cur secunda fortitudo, tertia temperantia, prima prudentia recenseatur, omiſſa mētionē uirtutū ceterarū. animad=

uertendum igitur tripartitam esse nostram animam, habereq; partes, rationalem, irascibilem, & concupiscibilem: quarum rationalis regionem capitis inhabitat, irascibilis uero pectus, sicut concupiscibilis inguina. harum cuiq; appositam esse uirtutem propriam. rationali prudentiam. ratiocinationis enim est scientiā habere faciendorum & non faciendorū. Irascibili fortitudinem, concupiscibili temperantiā. hac enim medicamur & sanamus concupiscentias. Quemadmodū igitur caput prima summaq; pars est in animali, secunda pectus, inguen tertia: rursumq; in anima, prima pars rationalis, secūda irascibilis, tertia concupiscibilis: ita & uirtutū prima est, quæ circa præcipuum animæ quod est rationale uersatur, et circa summum caput habitat, prudentia. secunda fortitudo, quia circa secundam partem, animæ quidē iram, corporis uero pectus stabulatur. tertia tēperantia, quia circa inguem, tertiam regionē corporis, & circa uim concupiscibilem, quæ tertium locū habet in anima, occupatur. Quartus, inquit, fluius ipse est Euphrates.] Figuratē uero quarta uirtus est iustitia, reuera fructifera & mentem exhilarans. hæc ergo quādo exoritur? cum tres partes animæ inter se cōsonant. hæc consonantia fit, dum penes præstantiorem est imperiū: ut quando ambæ irascibilis concupiscibilisq; parent habenis partis rationalis, tūc sequitur iustitia. iustum enim est ut quod præstat, semper & ubiq; imperet: quod deterius est, imperata faciat. atqui rationale præcellentius est, uiliora concupiscibile & irascibile. sed ubi hæ duæ partes retrogradæ cōiunacesq; aurigā, id est, rationem impetu uehementi abstra-

abstractum superauerint, & utrauis earum momorde= rit frenum, ibi summa est iniustitia, neccssum est enim ut ignauo auriga regente ferantur in uoragines & præci= pitia: sicut contra ut uirtute huius peritiâq; seruentur. Præterea sic quoq; consideremus rem propositam. Phi= son interpretatur oris mutatio. Euilat parturiens, per quæ significatur prudentia. nam uulgus prudentem exi= stimat eum qui more sophistarum inuentione ac elocu= tione pollet plurimum. Moses uero talem agnoscit pro= studioso eloquentiæ, pro prudente nequaquam. nam in mutatione oris, hoc est eloquendi facultatis, considera= tur prudentia: quod quidem est non uerbis sapere, sed opere spectatum esse actionibusq; ad uirtutem compo= tis. Euilat uerò quasi circumscribit imprudentiâ, ne par= turiat exitium prudentiæ, est enim proprium impruden= tiæ nomen parturiens, quoniam imprudens mēs inter= dum res inconcessas parturit, itidem cum pecunias amat parturit, aut cum gloriam, uoluptatem, & id genus alia concupiscit, cæterum cum parturit, nondum parit, ideo non est apta ad gignendum quicquam perfectum igna= ua anima. Quod si quando uidetur foetus gignere, abor= tiui deprehenduntur deuorantes dimidium eius carniū, pares morti animæ. Quapropter in sacra scriptura Mo= sen amicum dei rogat Aaron, ut sanet lepram Mariæ, ne fiat in parturitione malorum eius anima, & ideo dicit: Ne fiat hæc quasi mortua, & ut abortiuum quod proij= citur de uulua matris suæ, & deuorat dimidiū eius car= niū. Vbi est aurum, inquit. In mentione auri dicit, Vbi est. nam prudentia quam assimilauit auro, metallo syn= cero,

cero, puro, pretioso, examinato igne probatoq; illuc qui dem est in dei sapientia: & cum illic sit, non possi letur à sapientia: sed ubi sapientia, ibi & ipsa est, possessio dei conditoris & opificis. Et aurum terræ illius bonum est. Ergo est aliud aurum non bonum: certe est. Nam duo sunt genera prudentiæ, alterum uniuersale, alterum particulare. Itaq; prudentia mea cum sit particularis, nō est bona. nam me pereunte simul interit. Vniuersalis autem illa quæ dei sapientiam inhabitat ceu domicilium, bona est. Incorruptibilis enim in domo incorruptibili permanet. Ibi est carbunculus & lapis prasinus. Differunt hi duo, prudens, & prudenter agens, alter ornatus prudentia, alter exercens eam. Ob hæc enim duo prudentia terri genæ homini à deo est insita, ut sapiat & bonus sit. Quæ enim eius est utilitas, nisi à ratione recipiatur, & ei formas imprimat? itaq; recte uirtus iungitur prudentiæ, & prudens cum exercet prudentiam, duo preciosi lapides. Et forte hi sunt Iudas atq; Issachar, alter enim diuine prudentiæ cultorem se confitetur, gratias agens ei à quo bonum hoc accepit largiter, alter exercet se in uirtute honestisq; actionibus. Itaq; Iudas confitentem significat, in quo Lia parere desuit. Issachar uerò bona operantem, supposuit enim suos humeros ad laborandum, & factus est uir agricola: cuius merces est (ut ait Moses) anima seminibus plantisq; confita, hoc est, non labor inutilis, sed coronatus à deo & mercedem accipiens. Hæc autem sic intelligi oportere indicatur per alia, quando de talari ueste scribitur: Et intexes in ea gemmarum ordines quatuor. Vnus ordo erit, sardius, topazius, sinarag=

dus,

dus, in quo Rubim, Simeon, Levi. Et ordo secundus, inquit, carbunculus sapphirusq;. Sapphirus autem est lapis prasinus, carbunculo Iudas insculpitur, quia quartus sapphiro Issachar. Cur igitur non dixit lapidem carbunculum, sicut lapidem prasinum? quia Iudas confessionis figura caret materia & corpore. Nam ipsum confessionis nomen declarat eam esse rem externam. Cum enim mens extra seipsam constituta, deo seipsam obtulerit, sicut ille risus Isaac, tunc confitetur ei qui solus uere est, quamdiu uero se causam rei cuiuspiam existimat, multum abest quin confiteatur cedatq; deo. nam & ipsa confessio debet intelligi non animæ opus, sed dei, qui ostendit ei hanc ingratitudinem. Caret igitur materia Iudas confitens, laboriosus autem Issachar opus habet materia corporea, alioqui quomodo lectioni dabit operam studiosus uirtutis absq; oculis? aut quomodo audiet sermones exhortatorios absq; auribus? aut quomodo cibum potumq; desiderabit absq; uentre & huius curiositates? ideoq; simulatur lapidi. Quin & colores eorum differunt. nam illi confessorio uiro conuenit color carbunculi, is enim deo gratias agens, igne quodam acceditur, & inebriatur ebrietate quadam sobria, alteri uero etiamnum laboranti, color prasini lapidis, pallent enim qui se exercent præ labore, & præ timore ne forte ad optatum finem non perueniant. Querendum etiam, cur duo flumines, Phison Geonq;, regiones quasdam circumeunt, alter Euilath, alter Aethiopiam, è reliquis uero neuter: sed Tigris dicitur meare contra Assyrios, de Euphratis meatu filetur, atqui re ipsa Euphrates, & circumfluit quasdam regio=

regiones, & ex aduerso sitas habet multas, uerum non fit hic sermo de fluuiio, sed de morum correctione. Dicendum igitur prudentiam fortitudinemq; posse murum et uallum aduersus contraria uitia ducere, imprudentiam timiditatemq; expugnareq; sic ea, infirmæ enim ambo capiuntur facile. nam imprudens non egrè in potestate prudentis redigitur, timidus itidem in fortis, at temperantia non ualet concupiscentiam uoluptatemq; circumuallare, graues enim sunt aduersariæ, nec facile expugnantur, non uides uel temperatissimos necessitate mortalis corporis ad cibos ac potus adigi? unde uentris uoluptates procedunt, satius igitur est resistere ac repugnare concupiscentiarum generi. Quapropter contra Assyrios uadit Tigris fluuius, id est contra uoluptates temperantia, porro iustitia quam nobis refert Euphrates flumen, nec oppugnat quenquam nec circumuallat nec habet aduersarium, quare? quia huius est suum cuiq; reddere, & est loco non accusatoris, sed iudicis. Quemadmodum igitur iudex, nec uincere uult quæquam nec habere aduersarium, sed lata sententia pondus addit parti iustiori: ad eundem modum iustitia quoque cum nemini aduersetur, cuiq; rei quod suum est tribuit. Apprehendit dominus deus hominem quem fecit, et posuit eum in paradiso ad colendum operando custodiendūq;. Is qui fictus est homo, differt ab eo quem deus fecit, ut dixi, ille mens est terrena magis: hic uero factus, expertior materie, & alienus ab huius corruptibili genere, cōstitutio-
ne puriore sincerioreq; præditus, hanc igitur purā mentem deus apprehendit, non sinens extra seipsam excedere:

dere: apprehensamq; collocat inter radicataſ germinantesq; uirtutes, ut operetur eas & custodiat. Multi qui se applicarunt ad uirtutis studium, circa finem deſecerunt, ſed cui deus largitur firmam ſcientiam, ei dat utrumq; operari uirtutes indefinenter, & aſſeruare has tanquã in promptuario, itaq; operari ponitur pro ſacere, cuſto dire autem pro meminiffe. Et præceptum dedit dominus Deus Adamo, dicens: Ex omni ligno paradifi comedens comede: de ligno autem ſcientiæ boni & mali ne comedatis: quocũq; enim die comederetis ex eo, morte moriemini.] Quali Adamo præcipitur? quærendum quiſnam ſit hic. Nulla enim prius eius mentione facta, nunc primum eum nominat, nũ forte uult tibi illius facti hominis nomen tradere? Appellat, inquit, eum terram, ſic enim uox hæc Adam interpretatur. Itaq; nunc cum audis nomen hoc Adam, terrenum corruptibilemq; intellige. nam ille ad imaginem factus, non terrenus eſt, ſed celeſtis. Quærendum item, cur qui omnibus reliquis impoſuit nomina, ſibi nullum impoſuit. Quid igitur dicendum: mens quæ ineſt noſtrum unicuique, cætera poteſt comprehendere, ſeipſam noſſe nõ poteſt. Quemadmodum enim oculus alia uidet ſeipſe non uidens: ſic & mēs intelligit alia, ſeipſam non comprehendit, aut dicat quæ & unde ſit, ſpiritus ne, an ſanguis, an ignis, an aer, corpus ue aliud: uel hoc ſaltem, corporea ne ſit an incorporea, & poſtea non ſunt habendi ſtulti qui de eſſentia dei diſſerunt? Qui enim animæ ſuæ neſciunt eſſentiam, quomodo huius uniuerſitatis animã exacte pernoſcere poterunt? deus enim anima huius uniuerſitatis intelligitur.

Merito

Merito igitur Adam, id est mens, alia nominans & comprehendens, sibi ipse nomen non imponit, quando seipsum ignorat naturamque propriam, huic præceptum datur, non illi factum ad ideam & imaginem, nam ille uel absque hortatu uirtutem per se ipse didicit: hic citra operam præceptoris nunquam potest prudens euadere, interest autem inter hæc tria, præceptum, interdictum, mandatum siue monitum, interdictum ad peccata pertinet, & fit uel apud nequam hominem: præceptum ad recte facta: mandatum ad medium hominem pertinet, qui neque nequam sit neque uirtute præditus. Nec enim peccat ut interdicto habeat opus, neque recte facit, ita ut recta ratio postulat: sed indiget admonitione, quæ abstinere a prauis doceat, exhortans ad desiderium uirtutum ciuiliū. Ergo homini ad imaginem perfecto nec iussis nec interdictis opus est. Perfectus enim homo nullius indiget, uilis autem homo tum præcepto tum interdicto indiget, stulto uero admonitione doctrinaque opus est. Quemadmodum perfecto grammatico musico uel nullis harum artium præceptis opus est: ei uero qui aberrauerit in harum consideratione, leges præceptaque adhibenda sunt: institutio uero recens in disciplinam tradito. Merito igitur menti terrena, nec inter uitiosas nec inter uirtute præditas censenda sed mediæ, dantur præcepta hæc & monita, sed tam præceptum quam monitum utriusque nomine adhibetur, domini deique. Præcepit enim dominus deus, ut si quidem paruerint præceptis, dignarentur diuina beneficentia: quod si contumaces fuerint, a domino tamquam heri potestatem habente pellerentur in malam rem, ideoque

dum

dum ē paradiso eicitur, eadem repetuntur uocabula, dē
 eit enim: Et emisit eum dominus deus ē delicato para-
 diso, ut operaretur terram ex qua assumptus fuerat.]
 Ut quoniam & pro potestate dominus, & pro merito
 deus praeceperat, rursus utroq; modo in contumacem
 animaduerneret, per quas enim potestates eum deduxit,
 per easdem inobedientem ablegauit, Praecepta autem
 sunt haec: Ex omni arbore paradisi comedens come-
 des.] Hortatur animam ut fruatur non una quapiā ar-
 bore, nec una quapiam uirtute, sed omnibus uirtutibus.
 Nam istud comesse alimoniam animae significat. Alitur
 autem anima tractatione rerum honestarum, & actio-
 ne bonorum operum. Conduplicauit autem rem, dicēs,
 Comedens comede, hoc est commenducatum contritiūq;
 cibum, non ut quiuis ē uulgo, sed more athletarum ad
 parandam fortitudinē. Etenim athletic praedotribae prae-
 cipiunt, ne cibos concidant dentibus, sed per otium com-
 moliant, quō ad uires proficiant: nam aliter ego, aliter
 athleta nutrimur. ego, tantum ut uiuam: athleta ut etiā
 crassescat, & robur acquirat: ideoq; unum est ex praece-
 ptis ad uirtutem se exercentium, cibum subtrahere, tale
 quiddam est comedendo comesse, representemus tamē
 id etiam diligentius. Honorare parentes, cibus & alimē-
 tum est, hos tamen aliter boni, aliter mali honorant, alte-
 ri propter uulgarem consuetudinem, qui non comedendo
 comedunt, sed tantum comedūt. Quando igitur etiā
 comedendo cum explicatis perscrutatisq; causis, sic ul-
 tro iudicant, esse hoc officium honestissimum, cause au-
 tem sunt haec: genuerunt nos illi, aluerunt, erudiuerunt,

omnium bonorum nobis causa fuerunt. Item comesse est
 summum illudens colere: comedendo uero comesse, quā
 do ad caput nostrum causamq; respicimus, & ad referē
 dam gratiam. Ex arbore autē scientiæ boni maliq; nō
 comedetis.] Ergo non est in paradiso arbor hæc: quan
 doquidem hortatur ut edant ex omni paradisi arbore:
 idq; naturaliter, est enim in eo per essentiam, ut dixi, nō
 est per potentiam, sicut enim in cera per potentiam in=
 sunt sigilla omnia, actu uero solum id quod impressum
 est: ita & in anima quæ est cæræ similis, omnes formæ
 continentur potentia: reuera autē unicus character præ
 sens eam occupat, donec aboleatur ab alio efficacius im
 presso atq; manifestius. Deinceps illud quoq; perqui
 rendum esse uidetur. Dum hortatur ut ex omni arbore
 paradisi comedat, unicum hortatur, dum uero interdi
 cit usum arboris eius quæ boni maliq; causa dicitur, ut
 plures alloquitur. Illic enim inquit: Ex omni comedes:
 hic, ne comedatis, & quocunq; die comederitis, non co
 mederis: & moriemini non morieris. Dicendum igitur:
 primò rarum esse quod bonum est, malum contrā multi
 plex, ideo sapiente uno inuento reperitur fatuorū mul
 titudo innumera, itaq; meritò unum hortatur innutrirī
 uirtutibus: multos uero ut à nimia calliditate abstineāt,
 hac enim utuntur innumeri, præterea ad uirtutem per
 cipiendam tractandamq; una solum re, uidelicet ratio
 ne opus est: corpus uero etiam impedit hanc, tantū ab
 est ut adiuuet, hæc enim ferè summa est sapientiæ, alie
 nare se à corpore, atq; eius concupiscentijs, ut autē quis
 fruatur uitio, non solum mente, sed & sensu & ratione

& corpore opus est, his enim omnibus malus opus ha-
 bet ad explendam suam malitiam, alioquin quò nam mo-
 do proditurus est arcana, si instrumento loquendi ca-
 reat? quomodo autem uoluptatibus fructur absq; uētre
 cāterisq; sensibus? Recte igitur unam solam rationē de-
 quārenda uirtute alloquitur, sola enim hac, ut dixi, ad
 eius acquisitionē opus est, contrā de uitio ad plures uer-
 ba facit, animam, rationem, sensus corporis. nam hoc ap-
 paret in his omnibus, addit tamen: Quocunq; die co-
 mederitis ex ea, morte moriemini.] Atqui post esum
 non solum non moriuntur, uerum etiam progignunt li-
 beros, & alij uiuēdi autores fiunt, quid ergo dicendū?
 duplicem esse mortem, alteram hominis alteram animæ
 propriam, hominis mors est animæ à corpore separa-
 tio: animæ uero mors, corruptio uirtutis, & assumptio
 uitij, ideoq; non contentus moriturum dicere, morte, in-
 quit, moriemini, indicans non communem hanc, sed illā
 æternam quæ per excellētiam mors dicitur: quæ est quo-
 ties anima insepelitur affectibus uitijq; omnibus, atq;
 hæc mortes sunt inter se ferè contrariæ: nam illa corpus
 animamq; quæ prius concreta fuerant, separat, hæc cō-
 trā, utrisq; conuenientibus fit, sed præpollente deterio-
 re, uidelicet corpore: subiecta uerò anima, quæ est pars
 potior hominis. Quoties autem dicit, morte mori, ob-
 seruandum pœnalem mortem, non naturalem significa-
 ri, naturalis porro est per quam anima separatur à cor-
 pore: pœnalis uero cum anima è uirtutis uita emoritur,
 & uiuit in uita uitij, quam opinionē Mosis secutus pro-
 pmodum Heraclitus ait: Viuimus illorum mortē, mor-

tui sumus illorum uitam, ac si dicat, nunc cum uiuimus, mortuam esse animam, & tãquam monumento in sepul tam corpori, quod si mortui fuerimus, tum demum animam uiuere uita propria, liberatam à malo, mortuo uin-ctoque corpore.

PHILONIS IVDÆI,
SACRAE LEGIS
Allegoriarum liber I I.



T abscondit se Adam & uxor eius à facie domini dei in medio arboris paradisi.] Hic introduci- tur dogma, quo docemur, om- nem malum esse exulem, ciui- tas enim sapietum propria, uir- tus ipsa est, in hanc quisquis ad-

mitti nequit exulat, & nemo malus unquam in eam ad- mitti potest, ergo solus malus hinc pellitur & exulat. Virtutis autem exul statim abscondit se à deo. nam si sa- pientes conspiciuntur à deo, utpote amici eius: liquet ab- scondi malos & celare se, tanquam inimicos hostesq; recte rationis, esse autem quemq; malum exulem care- req; domicilio testatur scriptura, dum de illo hirsuto & uitijs uario Esau loquitur: Erat autem Esau gnarus uenã- di, & ruri degebat, non est enim apta malitia morũ po- pulatrix ut uirtutis ciuitatem inhabitet, ex qua inclemẽ-
ter

ter fugatur rusticitas, ac ruditas, at ille sapientia plenus iacob & ciuis est, & propriam uirtutem inhabitat: de quo mox subiicitur: iacob autem uir simplex domum habitabat, ideo & obstetrices quoniam timebāt deum, fecerunt sibi domos, nam quæ scrutatur occulta dei mysteria, quod est conseruare uiuos masculos, ædificāt uirtutis opera, in quibus habitare statuerunt. atq; ita iam demonstratum est, omnem malum ciuitate carcere domoq; cum à uirtute exulet. Qui uero uirtute ornatur, ei pro ciuitate & domo obtigisse sapientiam. Nunc uideamus deinceps, quomodo dicatur aliquis absconditus à deo. Quod nisi per allegoriam accipiamus, nequaquā potest intelligi. Nam Deus implet omnia, penetrat omnia, nihil omnino relinquens seipso uacuum, & quem locum occupabis, in quo non sit deus? attestante nobis alibi propheta his uerbis: Deus in cælo supra, & in terra infra, nec est alius præter ipsum, & rursum sic: Ego iam ante constitui te, deus enim omni creatura est antiquior, & ubiq; est, itaq; nemo potest se ab eo abscondere, & quid mirum? quando etiam creaturarum capacissimas, quicquid nobis contigerit, effugere latereq; non possumus, aut effugiat quispiam terram, aquam, aerem, cælum, uel mundum hunc uniuersum, in his enim continemur necesse est, certe extra mundum nemo exulare potest, & poterit aliquis abscondi à deo, cum nec mundum nec partes eius effugere ualeat? minime gentium. Quid est igitur illud, Absconderunt se? Malus qui uis putat esse deum in loco, nec continere, sed contineri: ideoq; putat se abscondi: tanquam illa summa causa absit ab ea

parte, in quam ipse illatebrare se decreuit, id ita potest
intelligi, in malo homine opinio de deo uera obscura=
tur celaturq; est enim plena tenebris, nullam habens il=
lustrationem diuinitus, per quam res circumspiciat, ta=
lis autem à diuino choro exulat, tanquam leprosus et la=
borans profluuio seminis: alter, deum & creaturā con=
trarias naturas diuersi coloris in idem cogens ut causas,
cum unica sit causa efficiens: alter gonorroicus, ex mui=
do ducens, & in mundum omnia, adeo nihil factum exi=
stimans, Heracliti opinionis socius, satietatem indigen=
tiamq; introducens, & unum uniuersum, uicesq; rerum
omnium. Quapropter diuina lex ait: Ejciant e castris
animæ omnem leprosum, & omnem qui semine fluit,
& omnem pollutum in anima tam masculum quàm foe=
minam, eosq; quibus fracta execta; sunt animæ genita=
lia, scorta quoq; unius dominationem fugientia, quibus
diserte interdictum est ne concionem dei frequentent, at
sapientes cogitationes tantum abest ut abscondantur,
ut manifestæ esse cupiant. Non uides quòd Abraham sta=
bat adhuc in loco domini, & accedens ait, Ne perdas iu=
stum cum impio, manifestum tibi notumq;, unā cum fu=
gitiuo proripiente se abs te, hic enim est impius: iustus
autem qui stat in conspectu tuo non fugiens, te enim so=
lum domine honorari iustum est, non sic autem im=
pius ut pius eripitur, sed satis est solum iustum ser=
uari: quapropter dicit: Ne perdas iustum cum impio
satis digne enim nemo deum colit, sed iuste tantum, cum
enim ne parentibus quidem, dignam referre ualea=
mus gratiam, quando quidem non possumus eis gignēdi
uicem

uicem reddere: an non impossibile est deo uicem reponere mutuam, aut laudem illo dignam, qui omnia ex nihilo condidit? omnem enim uirtutem largitur. tribus igitur temporibus, ô anima, id est, tripartito tempore, tota coram deo semper compareas, non sœmineum ullum affectum tecum trahens, sed uirilem, fortem exercitatumq; rationem ceu suffitum offerens, tribus enim anni temporibus comparere omne masculinum coram domino Deo Israelis, sacra lex præcipit. Quamobrem Moses quoque quando manifestus deo consistit, fugit morem Pharaonis disperditorium, qui iactat se quod nesciat dominum. Secessit, inquit, Moses à facie Pharaonis, & habitauit in terra Madiam, id est iudicio naturæ operum, seditq; super puteum.] expectans quidnam boni deus ad potum ceu pluuiam immissurus esset sitienti, desiderantiq; animæ. secedit sanè à Pharaone, hoc est, ab opinione impia qua reguntur affectus, & secedit in Madiam, id est iudicium, deliberans utrum quiescere satius sit, an cum illo malo aduersario subire iudicium capitis. dispicit autem an non aggressus ualeat euincere. & indeo cunctatur, expectans, ut dixi, daturusne sit deus profunda nec leui cogitationi fontem idoneum ad inundandum impetum regis Aegyptij, hoc est ipsius affectuum. impetrat tamen gratiam. quippe uirtuti militans non cessat à bello, priusquam uideat prostratas uoluptates & defectas uiribus. quapropter non fugit Moses à Pharaone: alioqui nunquam reuerteretur: sed secedit, hoc est, inducias facit athletæ more paulum

respirantis & recolligentis spiritum, donec accitis prudentiæ cæterarumq; uirtutum auxilijs, per sermones dei cum ualidissima potentia rem aggrediatur. Iacob autem, ut supplantator, compendarijs artibus uirtutem adeptus sine puluere, alioqui non uocandus Israel mutato nomine, fugit Labanis negocia, id est, colores, figuras, et in uniuersum corpora, quorum natura est ut mentem per sensibilia uulnerent. nam quia conflictâdo non poterat ea deuincere, modo uincat mauult fugere, laudandus sanè hoc nomine. Cautos enim, ut inquit Moses, faciet filios prophetæ, non audaces, & rerum ad se minus pertinentium cupidos. Noli, inquit, aperire Iacob Labani Syro quod fugeret. & fugit tam ipse quam omnia quæ iuris sui erant, transmissaq; amne perrexit contra montem Galaad.] Naturaliter enim montes ad celandos fugitiuos sunt appositissimi, & ad non prodendos Labani pendenti à cogitationibus sensibilibus. quale est, si pulchritudine conspecta captus periclitaris ne offendas ad eam, fuge clàm ab eius inaginatione, nihil amplius menti renunciâs, hoc est, caue mediteris eam & cogitatione repetas. Nam continuæ reminiscentiæ ueras formas imprimendo ledunt mentem, & inuitam concitant. Atq; eadem est ratio sensuum omnium quicunq; nos attrahunt ad aliquid. in his enim clancularia fuga saluti esse solet. cunctatio uerò, enunciatio, dilatioq; superat rationem & in seruitutem redigit. Quapropter caue anime ne unquam rem sensibilem à qua periculum imminet tibi ipse renuncies, neue retractes eam, ne forte succumbens ei reddaris infeliciſſimus: fuge potius

tius manumittens teipſe, libertatē ferocem ſeruituti manſuetæ præferens. Sed cur nunc quaſi Iacob nesciret Labanem Syrum eſſe loquitur ſic: Noluĩt Iacob aperire Labani Syro. habet id quoq; rationem non prætereundam obiter. Syria ſublimis interpretatur. itaq; Iacob mens exercita cum uidet affectum humilem, non cedit, reputans fore ut uincat egregiè. Quando uerò uidet ſublimem & erecta ceruice tumidum, auſugit primum ipſe, mox ſingula eius exercitia, lectiones, meditationes, curationes, rerum honeſtarum memoria, continentia, officia, atq; ita traiecit rerum ſenſibilem fluuium, qui inun dat & mergit ui affectuum animam, quo traiecto pergit ad altam ac ſublimem rationem perfectæ uirtutis. perrexit enim ad montem Galaad, qui interpretatur migratio teſtimonij, poſtquam deus migrare fecit animam ab affectibus Labanicis, & autoritate ſua confirmauit eam migrationem, ut conferentem ipſi ac perutilem, ut quæ eam ab humilibus uitijſ & à terra ſe attollere non ſinentibus adducat ad celſitudinem uirtutis & præmi nentiam. ideo qui ſenſus amat Laban, eoſq; magis quàm mentem in actionibus ſuis ſequitur, indignatur, perſequitur, & increpat: Cur inſcio me fugam moliris,] ac non potius manes in delicijs corporis, opinionibusq; quæ ad corpus pertinent, & res externas dijudicantiſ: tu uerò non contentus ab eis fugere, prædatus es meã quod que prudentiam, Liam unã cum Rachele. nam hæc quan diu manſerunt in anima, prudentiam gignebant in ea: nunc poſtquam migrarunt, reliquerunt ibi ruditatem & ignorantiam. ideo addit, Cur furatus es res meas? id

est furto subtraxisti. quam autem dicat, ipse indicabit addens: & abegisti filias meas tanquam captiuas: quod si indicasses mihi, persecutus fuisset te.] Imò non fuisset persecutus cum rebus tam aduersis & pugnantibus. nam si persecutus fuisses reuera & liberasses animam, amouisses ab ea sonos omnes corporeos & sensibiles. sic enim intellectus liberatur à uitij & sensibus. nunc ais quidem te liberam eam emittere. re autem ipsa fatearis, quod detinueris eam in carcere. nam si eam cum instrumentis musicis, tympanis citharisq; , alijsq; singulorum sensuum uoluptatibus persecutus fuisses, non uerè deduxisses. nec enim te solum ò Laban corporum colorumq; socie fugimus, sed etiam tua omnia, inter quæ sensibiles quoq; uoces actionibus affectuum consonant. meditati sumus enim, siquidem uirtutem exercemus, meditationem necessariam, quam & Iacob ante nos, perdere corrumpereq; deos alienos animæ, istos inquam deos fusiles, quos Moses ne faciamus uetuit. hi sunt uirtutes ac bonorum affectuum interitus, uitij uerò malorumq; affectuum confirmatio. quod enim liquatur, semel dissolutum consistit denuo. nam sic legimus: Et dederunt ei omnes deos alienos quos habebant in suis manibus, & in aures quæ erant in auribus suis: & defodit eas Iacob subter terebinthum quæ est in Sicimis.] hi sunt dii malorum hominum. at Iacob non dicitur hos accipere, sed defodere & abolere penitus. nam homo ciuilis nihil superfluum accipiet à malicia, sed è medio tollet clam & defodiet. Sicut Abraham cum rex Sodomorum conderetur ei bruta reddere pro rationalibus, equos pro ui-

ris, negat se quicquam accepturum ex rebus illius: sed
 extensurum animæ actionem, quam figuratè manum
 nominat, ad deum altissimum. nec enim accepturum
 se quicquam suum à funiculo usq; ad corrigiam caligæ,
 ne ille diceret prophetam à se ditatum: & ne ipse uide=
 retur paupertatem cum uirtute coniunctam postha=
 buisse diuitijs. cælantur autem & asseruantur semper
 affectus in Sicimis: quæ uox interpretatur succollatio.
 nam qui laborat ob uoluptates, libenter asseruator ea=
 rum est. apud sapientem uerò corrumpuntur & per=
 eunt, non intra breue tempus, sed hodie, hoc est semper.
 nam æuum omne hodierno metimur. est enim totius
 temporis mensura diurnus ambitus. & ideo Iacob dat
 Iosepho Sicima tanquam portionem eximiam res cor=
 poreas sensibilesq; exercenti se in talibus. Iudæ autem
 confessori, non dona, sed laudes hymnosq; & cantio=
 nes quibus celebretur à suis fratribus. Cepit autem Ia=
 cob Sicima non à deo, sed arcu gladioq; suo, uerbis uim
 secandi repugnandiq; habentibus. nam etiam secunda=
 rias res sapiens sibi subijcit: sed eas non asseruat, ma=
 lens largiri natis ad talia. non uides quod nec deos ac=
 ceperit, quamuis uisus accipere, sed defodit ocul=
 tautq; & aboleuit in omnia secula? Cuinam igi=
 tur animæ contigit defodere abolereq; uitium, nisi cui
 Deus apparuit, & quam ineffabilibus arcanis digna=
 tus est? ait enim: Num cælare potero Abraham ser=
 uum meum, quæ gesturus sum? Euge seruator, quia
 tua facta ostendis desideranti res honestas animæ, & ni=
 hil clam operaris in ea, ideo ualet fugere maliciam, &
 cælare

cælare atq; tegere, & interimere semper cupiditates no-
xias. Postquam declarauimus quomodo malus omnis
exul sit, & abscondat se à deo, consideremus iam, ubi
nam abscondatur. In medio, inquit, arboris paradisi.]
Hoc est, in medio intellectu, qui & ipse est tanquam me-
dius paradisi, uidelicet totius animæ. Nam quisquis à
deo fugit, confugit ad seipsum. Cum enim duo sint intell-
lectus, alter uniuersalis, qui est deus, alter siuus cuiusq;
quisquis à proprio fugit, confugit ad uniuersalem. Talis
autem relicto intellectu proprio, fatetur, nihil esse intel-
lectum humanum, ad deum omnia referens. cōtrā quis-
quis fugit à deo, negat eum causam ullius rei, sibiipse
quid facit tribuens. Multi enim multa loquuntur, quòd
totus mundus suo pte impetu feratur sine prouidentia:
artes autem, studia, mores, leges, instituta priuata publi-
cāq;, ius commune hominum quo erga se inuicem, &
erga bruta utuntur, humanæ tantum mentis esse inueni-
ta. Sed uides ô anima harum opinionum diuersitatem.
altera relicto particulari intellectu, ut generationi ac
morti obnoxio, uerè ascribit illi uniuersali tam ingenito
quàm incorruptibili omnia. è contra altera deum reijci-
ens, eum qui ne seipsum quidem iuuare potest intelle-
ctum, per errorē trahit in auxilium. Ideoq; Moses pro-
nunciat: Si fur parietis perfossor in ipso facto ictus mori-
riatur, non imputatur cædes. quòd si exorto sole fur oc-
cisus sit, percussor quoq; morietur reus homicidij. nam
si quis incolumem sanam rectamq; rationem pertundat
dirumpatq;, quæ attestatur dei omnipotentie, & in hoc
facto deprehendatur, scilicet perfregisse concidissq;
propria

proprie menti plus autoritatis quàm deo tribuendo, is
 fur est res alienas furtim subtrahens. deus enim omnia
 possidet. itaq; quisquis sibi aliquid tribuit, aliena usur=
 pat: simulq; vulnus accipit grauiſſimum & insanabile,
 arrogantiam, cognatam ruditati & ignoratiæ. percus=
 sor autem securus sit. nec enim est alius quàm ipse per=
 cussus. sed sicut is qui seipse fricat, fricatur quoq; & qui
 seipse extendit, extenditur quoq;: quippe qui tum agen=
 tis uim. tum patientis affectionem obtinet: sic is qui su=
 ratur res dei sibi ascribens, ab impietate simul atq; arro=
 gatiâ discruciat. talis utinam percussus moriatur, hoc
 est inefficax perpetuo maneat. minus enim peccare ui=
 debitur. Nam uitium partim in habitu, partim in motu
 consideratur. Quod autem mouetur, iam ad effectum
 uergit, ideò peius quàm id, quod tantum est in habitu.
 ergo si talis cogitatio moriatur, quæ existimat se causans
 rerum, non deum, id est quiescat seq; compescat, nulla
 est cædis actio. nec enim sustulit uiuam opinionem illam
 quæ omnipotentiam deo tribuit. Quod si sol oriatur, id
 est, clarus intellectus qui nobis inest, uideatur omnia di=
 spicere præesseq; rebus omnibus, ita ut nihil ipsum la=
 teat, reus erit, & talionem mortis feret ob uiuam opinio=
 nem quam sustulit, asserentem deum causam rerum om=
 nium: cum ipse deprehēdatur inefficax uereq; mortuus,
 & mortuæ inanimis erroneæq; opinionis inuentor. I=
 deoq; sacra lex execratur eum qui ponit sculptile in ab=
 sccondito, aut fusile opus manuum artificis: nimirum pra=
 uas opiniones, quòd in deum qualitatatis expertem cadat
 qualitas sicut in sculptilia: et quòd corruptibilis sit, sicut
 fusilia

fusilia, ille incorruptibilis. Reponis ò cogitatio thesa-
 rizasq; intra te, sed grauaris in medium proferre indo-
 ctas persuasiones quas didicisti apud ueritatis aduersa-
 rios. deprehenderis tamen proculdubio in graui mor-
 bo animæ, uidelicet ignorantia, cuius curationem non
 admittis. Quòd autem homo malus in illum uulgarem
 suum intellectum abscondatur, ueritatem fugiens, testis
 erit Moses, qui percussum Aegyptium defodit in sabu-
 lo, id est, conuicit eum qui se putabat regimen habere
 corporis, animam nihili faciens, & uoluptatem finem
 expetendum iudicans. Cum enim animaduertisset labo-
 rem uidentis deum, impositum ei à rege Aegypti, hoc
 est ab affectuum duce malicia, uidit hominem Aegy-
 ptium, humanam fragilemq; affectionem, quæ pulsabat
 cadebatq; uidentem. cumq; circumspexisset totam ani-
 mam hac & illac, nec uidisset quenquam ibi stare præter
 uerum deum, cætera uerò in agitatione iactationeq;
 percussum conuictumq; uoluptatis amatorem defodit
 in intellectu uulgari & collecticio. nullam habente co-
 gnationem familiaritatēue cum honestate. hic in sei-
 psum abditur. at huic contrarius à seipso fugiens confu-
 git ad deum rerum omnium. ideo dicit scriptura: Edu-
 xit eum foras & dixit: Suspice in cælum, & dinumera
 stellas eius] quas uellemus quidem comprehendere nu-
 mero & circumspicere, quippe cum simus amatores
 uirtutis insatiabiles: sed impossibile est nobis permetiri
 Dei diuitias. Nihilominus gratias agimus largitori, qui
 sic immisit in animam semina præclara splendida, per-
 petuoq; uigentia, sicut stellas in cœlum. non temere au-
 tent

tem addit, Eduxit eum foras. quis enim intro educitur? sed fortasse quod dicit tale est. eduxit eum in extimam regionem, non in aliquem externum locum, qui potest contineri ab alio. sicut enim in aedibus intimo conclau matronali exterior est ea pars in qua uiri uersantur, item hac exterius atrium, inde uestibulum, mox ianua: sic & in anima aliud alio potest esse exterius. itaq; intelligere debemus. mentem eductam esse in extrema. Quid enim proderat, reliquisse corpus, & ad sensum confugere? quid sensui ualedicere, & rationi sese submittere? oportet enim ut qui mentem educturus est relinquat eam liberam, immunem ab omnibus corporeis necessitatibus. instrumentis sensitiuis, ratiocinationibus sophisticis persuasionibusq; denique à seipsa. quapropter alibi gloriatur, dicens: Dominus Deus celi, & Deus terræ, qui desumpsit me de patre meo. impossibile est enim habitantem in corpore & mortali genere, cum deo colloqui, sed eum solum quem deus eruit ex hoc carcere. quamobrem & Isaac ille gaudium animæ, meditaturus & priuatim acturus cum deo, egreditur relicto seipso menteq; propria. Egredius est, inquit, Isaac in campum ut meditaretur sub uestesperam. Moses quoque propheta dicit: cum egresus fuero ciuitatem, id est, animam (nam hæc quoq; est animantis ciuitas, mores legesq; præscribens) extendam manus] extēdam & explicabo meas actiones deo, testem inspectoremq; singularum inuocando, cum malicia suo pte ingenio quærat latebras. est autem explicari, uideri manifeste, cum igitur anima in omnib. sermonib.

ac operibus explicata fuerit & spectandam se præbuerit, cessant uoces sensuum, omnesq; infausti soni atq; turbulenti. inclamat enim & ad seipsum uocat, uisibile quidem uisum, uox autem auditum, & uapor odoratum, & in uniuersum sensibile quodq; suum sensum inuitat. hæc autem omnia quiescunt, cum egressa animæ ciuitatem cogitatio, meditationes actionesq; suas refert ad deum. Sunt enim manus Moysis graues. nam cum hominis mali actiones subuētaneæ leuesq; sint, merito sapientis graues habentur, immobiles inconcussæq; : ideoq; fulciuntur ab Aarone ratione, & ab Or lumine, quod nulla lux in rebus sit clarior quàm ueritas. Vult igitur scriptura figuratè docere te, sapientis actiones necessario fulciri ueritate rationeq; . & hæc est causa cur Aaron ad finem, hoc est perfectionem tendens, montem Or, id est lucem, ascendit. finis enim rationis ueritas est, quæ longius quàm ullum lumen splendorem suum emittit, in quam ratio conatur ingredi. Non uides quòd etiam acceptum à deo tabernaculum, id est sapientiam, sub cuius umbra sapiens habitat, fixit, firmauit, consolidauitq; , non in corpore, sed extra corpus? castris enim id facit simile, exercitui occupato armis & molestijs quas secum bellum trahit, cui non sit integrum pacem admittere. Et uocatum est tabernaculum testimonij] sapientia testimonium habens è deo. etenim omnis quærens dominum egrediebatur. Egregiè. nam si quæris deum animà, à te ipsa egressa illum quære. donec enim manes in molibus corporeis aut mentis opinionationibus, non es apta ad quærendas res diuinas, etiã si præ te feras quærendi studium.

an autem querendo inuenturus sis deum, incertum est: multis enim non manifestat seipsum. Dices te simplici-
ter seduloq; dare operam ut eum cognoscas. conducit sa-
ne ad fruendum rebus bonis, uel solum querendi stu-
dium. semper enim appetitio rerum honestarum etiam si
ad metam non perueniat, tamen homines studiosos a-
lacritate preoccupat. eodem modo malus fugiens uir-
tutem, & abscondens se a deo, ad infirmum auxilium
confugit mentem propriam. probus contra fugiens a se-
ipso, uertit se ad cognitionem illius unius, uincens cur-
su certamineq; omnium longe prestantissimo. Et uo-
cauit dominus deus Adamum, & dixit ei, Vbi es?

Cur solus Adam uocatur, quamuis uxor una lateat? di-
cendum igitur primum quid sibi uelit illa uox, Vbi es?
quando mens redarguitur, & ad mutationem trahi-
tur, non solum ipsa uocatur, uerum etiam omnes eius po-
tentie. nam absq; suis potentijs mens ipsa nuda nihil esse
inuenitur. ex ijs potentijs & sensus est, nimirum mu-
lier. Vocatur ergo cum Adamo mente uxor quoq; , sen-
sus scilicet: seorsum autem non uocatur. Quid ita? quia
cum sit brutus per seipsum redargui non potest. nam
nec uisus nec auditus, nec ullus alius sensus est docilis:
proinde non potest res percipere: eo quod ei sola cor-
pora discernendi facultatem opifex indidit. mens autem
ipsa est quae doctrinam admittit. qua de causa hanc, non
sensum, deus uocat. quod autem dicit, ubi es? plures in-
terpretationes recipit. unam, ut non interrogatio sit,
sed affirmatio, ac si dicat, In eo loco es, accentu graui V-
bi proferens. putabas deum in paradiso deambulare,

contineriq; ab eo, disce hoc esse tuum accidens, & audi
 sententiam uerissimam ab eo cui cuncta sunt cognita,
 deum esse nusquam. nam ipse non continetur, sed uniuer-
 sa continet. quicquid autem in loco est, id contineri;
 non continere, necessario sequitur. secundo modo di-
 ctum id perinde ualet ac si dicat, quò deuenisti ò anima,
 pro qualibus bonis qualia elegisti mala? à deo uocata ut
 fieres uirtutis particeps, uertis te ad uitium? & cum
 frui datum sit arbore uitæ, id est, sapientia, saturata es
 ignorantia corruptioneq;: quia maluisti mortis anima
 infelicitatem, quàm ueræ uitæ felicitatem. tertius modus
 est per interrogationem, ad quam responderi potest du-
 pliciter. primum si quærenti ubi es, respondeatur nus-
 quam. nullum enim locum habet mali hominis anima,
 cui uel insistat uel insadat. ideo malus Græcis dicitur
 ἀτοπος. sic enim appellant malum cuius nusquam usus
 est. talis autem est homo inciuilis, fluctuans semper &
 agitat, uagusq; in morem incerti flatus, nullius omni-
 no amicus constantis sententiæ? altera autem responsio
 talis esse potest, qua etiam Adam utitur. Vbi sim audi:
 ubi hi qui deum uidere non possunt, ubi qui deum non
 audiunt, ubi qui ab autore omnium rerum uolunt se ab-
 scondere, ubi qui uirtutem fugiunt, ubi qui exuti sunt sa-
 pientia, ubi qui metuunt tremuntq; præ infirmitate ti-
 miditateq; animæ. cum enim dicit: Vocem tuam au-
 diui in paradiso: & timui eo quod nudus essem, & ab-
 scondi me.] omnia quæ modo memorauimus dicat, sicut su-
 pra declarauimus prolixius. quamuis nudus non sit nunc
 Adam. Fecerunt sibi perizomata, paulò ante dictum est
 sed

fecerunt
 sibi perizomata

sed uult scriptura sic quoq; te docere, nuditatē nequaquam corporis hic intelligendam, sed iuxta quam mens nuda & uirtutis expers deprehenditur. Mulier, inquit, quam dedisti mecum, ipsa dedit mihi de arbore, & comedi.] Bene quod non dixit, mulier quam dedisti mihi, sed mecum. non enim mihi ut possessionem sensum dedisti, sed & ipsam siuisti solutam ac liberam, & quodammodo non subiectam decretis meis mandatisq;. Quod si uoluerit mens imperare uisui ne uideat, nihilominus is subiectum suum uidebit. itidem auditus quotiescunque uox illabetur, eam omnino percipiet, etiamsi mens contentiose interdicit ne audiat. odoratus quoq; uapores ad se uenientes olfaciet, etiamsi mens uelit obsistere. propterea deus non dedit sensum animali, sed cum animalibus cunctas autem res mens nostra cum sensu cognoscit, simulq; cum eo iudicat. Quale est quod uisus unā cum mente percipit rem uisibilem: & quamprimum oculus uidit corpus aliquod, mox mens rem uisam percipit esse nigram albā uel. aut gilū uel puniceam, aut triangulā, quadrangulā, rotundā uel. aut quouis alio colore figurā uel præditā. item mox ut auditus à uoce itatus est, mens etiam præsto fit, uel hoc argumento, quod continuo uocem eam iudicat, exilisne an grandis sit, modulātāne concinnāq;, an contra inconcinna, & aliena ab harmonicis legibus. idem licet obseruare in alijs sensibus. Quin & illud quā appositē dictum. ipse mihi dedit de ligno. id enim quod ligneum sensibileq; inest in mente, nemo nisi sensus ei dat. Quis enim ei dedit cognoscere corpus aut albedinem, nisi uisus? quis ut uoces

dignoscat, nisi auditus? quis ut uapores, nisi odoratus? quis ut sapor, nisi gustus? quis ut asperum à molli, nisi tactus? Rectè igitur & uerissimè dicit mens, ut corpora percipiam solus sensus mihi dedit. Et dixit deus mulieri, Quare hoc fecisti? quæ respondit: Serpens decepit me & comedi.] Aliud à sensu scitatur deus, aliud sensus respondet. De uiro enim interrogatus, non de hoc respondet, sed de seipso, fatendo se comessse, non comedendum præbuisse. Quid si per allegoriam soluamus quæstionem, & ostendamus mulierem rectè ad interrogationem respondisse? consequitur enim necessarium, ut postquam ipsa comedit, edat uir quoq;. Quoties enim sensus subiectum suum appetens, satiatus imaginatione fuerit, confestim & mens accedit simulq; fruatur, quodammodo explens se cibo accepto ab eo. hoc est quod ait, Inuita marito dedi. nam ille, me contrectante subiectum meum, pro ingenio suo concitabili, imaginationem impressit sibi. Obserua autem quòd uir quidem ait mulierem sibi dedisse: mulier uerò serpentem non dedisse, sed decepisse. Sensus enim proprium est dare, uoluptatis autem uariæ serpentinaeq; fraudare ac decipere. Verbi gratia, album naturaliter nigrumq;, calidum & frigidum dat sensus menti, non decipiendo, sed ueraciter. Nam talia sunt hæc subiecta, qualis & inde procedens imaginatio, sicut pleriq; aiunt, qui minus accuratè scrutantur physiologiam. At uoluptas non quale est subiectum, tale id agnoscit cogitatione: sed addit arte mendacium, rem inutilem transferens in ordinem utilem: sicut meretrices deformes uidere licet fucantes pigresq;

gentesq; faciem, ut tegant suam deformitatem: & intemperantem prouum ad uentris uoluptates. hic meri copiam & ciborum apparatus amplectitur, tanquam rem bonam, ledens interim horum abusu tam corpus quam animam. Rursum amatores uidere licet sepe insanire in mulierculas aspectu turpissimas, uoluptate decipiente & tantum non percensente, quod bona forma, bonus color, bona habitudo & membrorum proportio his insit quæ habent omnia contraria. itaq; uerè pulchras in quarum forma nihil desideres contemnunt, illas uerò quas dixi depereunt. ergo omni uoluptati decipere est proprium: dare autem sensui. Nam illa circumuenit mentem seducitq; non qualia sunt subiecta ostendens, sed qualia non sunt. at sensus planè sic offert corpora, ut sunt à natura facta, semotis technis fucisq;. Et dixit dominus deus serpenti: Quia hoc fecisti maledictus es inter omnes pecudes, & omnes bestias terræ. super pectus & uentrem tuum gradieris, & terram comedes cunctis diebus uitæ tuæ. Inimicitias ponam inter te & mulierem, & inter semen tuum & semen illius. Ipse seruabit caput tuum, tu eius calcaneum.] Quam ob causam non expectata defensione execratur serpentem, cum iubeat alibi, audiri ambos inter quos res controuertitur, non præmaturè alteri credere? atqui uidet quod Adamo non credidit prius quam mulieri, sed inuitat eam ad defensionem percontando, quare hoc fecisti? at illa errasse se fatetur, deceptam à uoluptate serpentina & uaria. Quid igitur uetabat etiam muliere

dicente, serpens me decepit, percontari ipsum decepe-
 ritne, potius quàm indicta inauditaq; causa execrari.
 Dicendum igitur quòd sensus nec inter bona nec inter
 mala censetur: cum sit medium quiddam sapienti stul-
 toq; commune, & in stulto fiat malus, sicut contrà in
 sapiente bonus. Meritò igitur quandoquidem naturam
 per se malam non habet, sed utriq; parti fauens, & ad
 bonum & ad deterius propendet, non prius damnatur
 quàm confessus secutum se deteriora. at serpens uolu-
 ptas suo pte ingenio mala est. eam ob rem in bono ne in-
 uenitur quidem omnino, sed solus malus est eius par-
 ticeps. itaque iure optimo non permissam respondere
 execratur deus, utpote nullum semen uirtutis in se ha-
 bentem, sed semper & ubiq; scelestam atq; reprehensi-
 bilem. Quapropter etiam illum Ir absq; causa manife-
 sta malum nouit deus & interficit, uidelicet corpus mo-
 lem nostram coriaceam. Ir enim coriaceus interpreta-
 tur. quem malum esse & insidiatorem animæ non igno-
 rat, & insuper cadauer semper mortuum. Quid enim
 aliud unusquisq; nostrum facit, quàm quòd corpus sua-
 pte natura cadauerosum circumfert, excitante id & si-
 ne labore gestante anima: cuius robur si libet confide-
 ra. uel robustissimus athleta non ualet breui tempore
 suam baiulare statuam: anima uerò interdum usq; cen-
 tesimum annum indefessa fert statuam hominis leuiter.
 non enim nunc eum interemit, sed iam inde à principio
 mortuum corpus factum est. Est autem suapte natura
 malum, ut dixi, & insidians animæ, sed coram solo deo,

Et si quis amicus deo. ait enim: coram domino malus
 Ir.] nam mens quando in sublimibus uersando initia-
 tur domini mysterijs, malum & inimicum corpus iu-
 dicat. Quando autem absistit à scrutandis rebus diuinis,
 amicum sibi cognatum germanumq; existimat. confugit
 igitur ad ea quæ huic cara sunt. Quapropter athlete
 anima differt ab anima philosophi. nam athleta omnia
 refert ad bonam corporis habitudinem, cui uel animam
 ipsam impenderet, utpote amator corporis. at philoso-
 phus cum sit honestatis amator, curam gerit eius quæ in
 se uiuit animæ, neglecto mortuo corpore, non aliud spe-
 ctans, quàm nequid optima anima patiatur à colligato
 sibi malo cadauere. Vides quòd hunc Ir interficit non
 dominus, sed deus? non enim quatenus imperat & re-
 gnat liberam exercens potentiam, interficit corpus: sed
 quatenus bonitate humanitateq; utitur. Nam deus bo-
 nitatis nomen est, ut scias quod etiam res inanimas non
 potentia, sed bonitate condidit, eadem qua animatas. o-
 portebat enim quo magis elucerent meliora, etiam de-
 teriora produci à potentia huius ipsius bonitatis sum-
 mæ causæ, quæ deus est. Et quando ò anima uideberis
 tibi maxime cadauer baiulare? num quando initiaberis
 & præmijs coronisq; dignaberis? tum certè amatrix
 eris dei non corporis. consequeris autem præmia, quan-
 do uxor tibi contigerit illa Iudæ sponsa Thamar, quæ
 interpretatur palma uictoriæ symbolum. argumento
 est, quòd quando eam ducit Ir, mox & malus inuenitur
 & interficitur. ait enim, Dedit Iudas uxorem primoge-
 nito suo Ir, nomine Thamar. & subdit: fuitq; Ir malus
 h 4 coram

coram domino, & interfecit eum deus.] Mens enim quando premia uirtutis accipit, mulctatur morte istius cadauerosi corporis. Viden ut & serpentem inauditum execratur uoluptas enim est. & Ir absq; causa manifesta interficit? est enim corpus. quod si consideres o bone, inuenies deum fecisse in anima quasdam naturas reprehensibiles ex se obnoxiasq;, quasdam usq; quaq; bonas & laudabiles, itidem sicut in stirpibus animalibusq;, an non uides quod stirpium alias mites, utiles, salutiferas, creauit opifex? alias solumestres, noxias, morbiferas simul & mortiferas? & animalia similiter? ut hunc ipsum serpentem de quo nunc loquimur, animal suapte natura letiferum & factum ad perniciem. hoc sic afficit hominem, ut uoluptas animam. ideoq; serpenti uoluptas assimilatur. ergo sicut uoluptatem & corpus deus nulla certa de causa odit: ita etiam naturas bonas absq; manifesta causa extulit, nihil potius aut prius habens quam ut eas laudaret. Nam si quis roget, cur Noe dicatur inuenisse gratiam coram domino deo, priusquam aliquid boni fecisset, quantum quidem nos scire possumus, rectè respōdebimus, liquere quod laudator sit creationis & generationis. Nam Noe interpretatur requies aut iustus. necesse est autem eum qui cessans à peccatis & iniquitatibus, requiescit in honestate & uiuit cum iustitia, gratiam inuenire apud deum. porro inuenire gratiam, non id tantum significatum habet quod quidam usurpant, pro placere: sed & tale quid: Iustus quærens rerum naturam in hoc inuenit inuētum optimum, quod gratia dei sint quæ sunt omnia. sibi enim creando gratifi-

gratificatus est nihil, quando illi nihil inde accessit. id
 deoq; tantum gratiam profundere propriū est ei. Quæ
 rentibus igitur principium creaturæ rectè respondebi-
 bitur. bonitas & gratia dei, quam largitus est humano
 generi. nam munus, beneficium, gratia dei sunt omnia
 quæ mundo continentur, & mundus ipse insuper. Mel-
 chisedec quoq; regem pacis, hoc est Salem (sic enim in-
 terpretatur) sacerdotem sibi constituit deus, nō expres-
 so eius aliquo merito, sed quia talem ipse fecerat, regem,
 pacatum, primum dignum suo sacerdotio. nominatur
 enim rex. rex autem aduersatur tyranno, quod ille ius
 & æquum, hic iniquitatem introducat in rempublicā.
 ergo tyrannica mens mandat mandata infesta tum ani-
 mæ tum corpori ac noxia, magnasq; molestias inferen-
 tia, uitiosas actiones, & uoluptates quæ nascuntur ex af-
 fectibus. altera uerò mens est rex: quæ non imperat tan-
 tum, sed paret etiam: quando præcepta eius talia sunt, ut
 anima his adiuta ceu nauis per totā uitam prosperè na-
 uiget, gubernante illo bono peritoq; gubernatore: qui
 non alius est quàm uera ratio. uocetur igitur tyrannus
 quidem, princeps belli: rex uerò, dux pacis Salem: offe-
 ratq; animæ alimēta plena læticiæ gaudijsq;. panes enim
 & uinum offert, quæ Ammanitæ Moabitæq; illi uiden-
 ti præbere noluerant. quam ob causam arcantur à con-
 uersione coetūq; diuino. Ammanitæ enim è genitrice sensua-
 litate nati, & Moabite ex intellectu genitore, figuræ
 duæ sunt: per quas significantur qui res istas ab uniuersi-
 tate contentas pensitant, scilicet intellectum sensumq;,
 deum autem non cogitant. Non ingredientur, inquit

Moses, concionem domini, quia non occurrerunt nobis cum panibus & aqua, exeuntibus ex afflictionib. Aegypti.] ceterum Melchisedec pro aqua uinū offerat, potetq; ac confirmet animas, ut occupentur diuina ebrietate, quæ est omni sobrietate magis sobria. sacerdos enim est ratio, sortem habens Entem ipsum, de quo sublimiter sentit & admodum magnificet: est enim sacerdos altissimi. nō quod alius sit non altissimus. nam deus cum sit uerus, tum in cælo est supra, tum in terra infra, nec est ullus præter ipsum. sed ut nō submissee humiliterq; uerū celsius sublimiusq; quā de quauis materia sentiamus de deo, adhibet appellationem altissimi. Quid porro boni fecerat Abraham, quando iussus est migrare proclia patria cognationeq; & habitare terram quam deus ipse dederit? ea uero est ciuitas bona, ampla, felicissima. nam dona dei magna preciosaq; sunt. ueruntamen hæc quoque figura fuit non contemnenda. interpretatur enim Abraham, pater sublimis, laudandus utroque nomine. Mens enim quando non herili more animam terreat, sed paterno imperat, non indulgens ei suauitas, sed uel inuite obtrudens utilia: omisissq; omnibus rebus humilibus & ad mortalia ducentibus sublimis immoratur contemplationi mundi eiusq; partium: atq; etiam altius ascendens numen ipsum scrutatur eiusq; naturam propter immensum amorem scientiæ: non potest manere in decretis pristinis, sed cupit migrare ad meliora. nonnullos autem deus uel ante natiuitatem pulchrè fingit disponiq; , destinans ad sortem optimam. an non uides quid de Isaac loquatur Abrahamo.

ne speranti quidem ex se patre talem progeniem, atque adeo ridenti promissionem dicentiq;: Itā ne gignet homo centum annos natus, & Sarra nonagenaria pariet? sed annuit asseueratq; qui dicit: profecto Sarra uxor pariet tibi filium, & uocabis nomen eius Isaac: & statuam testamentum meum cum eo testamentum sempiternum.]

Quid igitur est cur hic antequam nasceretur laudatus sit? Quædam bona representata iuuant, ut sanitas, sensuum integritas, opes si contingant, gloria, liceat enim hæc quoq; abusive bona dicere, quædam nō solum cum adsunt, sed etiam promissa oraculo, qualis est lætitia, bonus affectus animæ, hæc enim non præsens tantum lætificando uim suam exerit, sed etiam sperata hominē præoccupat, habet enim hanc prærogatiuam, alia bona priuatam uim habent, lætitia tum priuatim exultat, tū publice, lætamur sanitate, libertate, honore, cæterisq; bonis: ut proprie dicatur, nullum esse bonum non coniunctum cum lætitia, lætamur autem non præteritis solum bonis & præsentibus, sed & futuris quæ expectamus, ut quando speramus diuitias, imperium, laudem, morborum finem, uirium roborisq; accessionem, scientiam successuram in locum ignorantie, gaudemus non mediocriter, ergo quoniam lætitia non præsens solum, sed & sperata laxat exhilaratq; animā, merito Isaac prius quam nasceretur, nomine donoq; magno donatus est, per hūc enim significatur animæ risus & gaudium atq; lætitia. Rursum Iacob & Esau, illum principem, ducem & dominum, hunc obsequentem & seruum, priusquam uterum exirent pronunciauit, Deus enim animatorum operum

rum figulus egregie nouit quæ ipse facit, etiam antequam perficiat, uires quoque quibus utentur in posterum, & in uniuersum quicquid actura passura ue sunt. Cum enim anima de futuro sollicita Rebecca petit oraculum, respondet deus: Duæ gentes sunt in utero tuo, & duò populi ex eo discedent: superabitque alter alterum, & maior minori seruiet.] Sic enim Deus cõparauit, ut id quod brutum est deteriusque; potiori seruiat: quod uero ciuilitate rationeque præstat, libertate fruatur atque principatu, nec solum cum utrūque; absolutum est in anima, uerum etiam cum res adhuc est ambigua. prorsus enim uel leuissimam auram uirtutis principatum & imperium, ne dum libertatem præ se fert, e contra qualiscunque; indolis matie, rationem uel nondum adulta in seruitutem redigit. Præterea quid sibi uoluit Iacob, cum Iosepho admouente duos filios suos, natu grandiorem Manassem, minorem Ephraim: decussatis brachijs iuniori dextram imposuisse sinistram uero grandiori, moxque; Iosepho grauius id factum ferente, & putante patrem errasse imponendis manibus, dicit: Non errauit fili, sed sciens prudensque; facit quod facio, fiet hic quoque; in populum, extollendus est hic quoque; sed frater eius iunior, maior futurus est.] Quia igitur dicendum est nisi quod duæ naturæ diuinitus in anima conditæ sunt, ualde necessariae, memoria, reminiscenciaque;. Quarum altera quicquid sensibus recens impressum est retinet, ne falli possit per ignorantiam, reminiscencia uero utique; præcedit obliuio, res surda cæcæque; hic quod antiquius est apparet deterius, id est memoriæ quàm reminiscencia: utcumque; coherent nec separantur facile.

facile. nam qui primum in artes introducimur, comprehendere speculationes earum statim non possumus, itaque quicquid obliuiscimur initio, rursum reminiscimur: donec iterum atque iterum reminiscendo, atque obliuiscendo, denuo confirmetur memoria, atque ita iunior hæc, utpote serius nata, conficitur ex reminiscencia. Figurata igitur Ephraim dicitur memoria, fertilitas enim interpretatur: quia tunc animæ discendi cupidæ cōtingit sua portio, quando in memoria confirmantur eius contemplationes, at Manasses reminiscencia dicitur, quasi translatus ex obliuione, qui autem obliuionem effugit, certe reminiscitur, itaque rectissime ille supplantator affectuum et mediator uirtutum Iacob dextram porrigit Ephraimo, id est, fertili memoriæ, secundas uero partes reminiscentiæ tribuit, scilicet ipsi Manassæ. Sic et Moses ex his qui pascha sacrificant priores laudat maxime, quod tractis fluminibus Aegypti perrexerunt, nec amplius ad ea reuersi sunt: posteriores uero habet pro deterioribus. nam hi cursum suum retrorsum flexerunt, et quasi obliuati rerum agendarum, rursum se accinxerunt, ut eas aggrederentur, at illi priores cursum tenuerunt perpetuum, itaque sacrificantibus pascha posterius assimilatur Manasses obliuionis filius: prioribus autem Ephraim fertilis, ideo et Beselelem nominatim deus euocat, promittitque daturum se illi sapientiam et scientiam, et constituturum se illum opificem architectumque omnium quæ sunt in tabernaculo, hoc est animæ operum: quamuis nullum eius opus hæcenus extaret laudabile. Dicendum igitur quod hanc quoque figuram deus impressit animæ, ceu probato

bato nomismati, eam figurā quæ nam sit cognoscemus, si nominis interpretationē diligenter excusserimus. Be-
seleel interpretatur, in umbra deus, umbra uero dei uer-
bum eius est, quo tanquam instrumento assumpto mun-
dum creabat, hæc umbra & quasi effigies exemplar est
alterum, sicut enim deus exemplum imaginis, quam um-
bram nunc uocauit, sic hæc imago fit aliorum exemplū:
quemadmodum in principio legis significauit prophe-
ta, dicens: Et fecit deus hominem ad imaginem dei, quasi
imago ipsa ad effigiem dei facta sit, homo uero ad eam
imaginem quæ iam uicem exemplaris acceperat. Quis
igitur accefferit character consideremus. Quæsiuerunt
prisci, quomodo numen intelleximus, ex his qui optime
philosophari uisi sunt, dixerunt, quod ex mundo parti-
busq; eius & harum innatis uiribus, deū ut causam ani-
maduertimus. nam sicut si quis uideat domum affabre
factam instructamq; uestibulis, porticibus, aulis uiro-
rum, mulierum conclauibus & id genus cæteris, cogita-
tione percipiet artificem: nec enim sine arte opificeq; po-
tabit domum esse absolutam: quod & de ciuitate aut na-
uigio, & de quouis minore maiore ue opere sentiendum
est: ita sanè etiam quiuis ingressus ceu in maximam do-
mum aut ciuitatem hunc mundum, conspiciatus cælum
in orbem uolui cōtinereq; omnia: erraticas uero fixasq;
stellas pariter moueri modulatè summaq; cum harmo-
nia, ad utilitatem rerum uniuersarum: terrā deinde me-
ditullium sortitam, aquam aeremq; late utrunq; fusum
suisq; contentum terminis: ad hæc animalia tam morta-
lia quàm immortalia, stirpium fructuūq; uarias species:
certe

certe ratiocinabitur hæc non sine perfectissima arte cōdita, sed fuisse esseq; deum huius uniuersitatis opificem. Qui ita colligunt, per umbram deum percipiūt, animaduertentes artificē per ipsius opera. Sed est & alius perfectior pariorq; intellectus, magnis mysterijs initiatus, qui non ex operibus causam cognoscit, quasi ex umbra solidum corpus: sed emergens supra creata omnia, manifeste increatum contemplatur, ut & ipsum per se comprehendat, & umbram eius: hoc est & uerbum eius, & mundum hunc uniuersum, hic est Moses ille, qui sic loquitur: Ostende mihi teipsum, manifeste te uideam, nolo mihi te ostendas per cælum, terram, aquam, aerē, aut quidquam creatum: nec in ulla re alia tanquam in speculo contempler tuam ideam, præter quàm in te deo. nam quæ in creaturis apparentiæ sunt dissipantur: quæ autē in increato, stabiles, firmæ sempiternæq; permanent. Quamobrem Mosem uocauit, & loquutus est ei deus. Beselelem item uocauit, sed non similiter: uerum illum cognitionem dei percipientē ex ipsa summa causa: hunc autem tanquam ex umbra ex creaturis opificem ratiocinatione colligentem. Quapropter inuenies tabernaculum & uasa eius omnia prius à Mose, deinde à Beselele deliniata parataq;. Moses enim exemplariorum est artifex, cæterum Beseleel imagines eorum exprimit. Nam Moses deo monitore utitur, qui dicit: Iuxta exemplar quod ostendi tibi in monte omnia facies: Beseleel autem Mose: & merito. Quia & Aarō, id est ratio, & Maria, hoc est sensus, insurgentes contra eum diserte audiunt: Si quis fuerit inter uos propheta domini, in uisione &

in umbra apparebit ei deus, non manifeste. Mosi uero qui fidelis est in tota domo mea, ore ad os loquetur, non per ænigmata. Quoniã igitur duas naturas inuenimus creatas factas & elaboratas à deo, alteram ex seipsa noxiam, reprehensibilem, execrabilem, alteram utilem laudabileq; illam notatam falso charactere, hanc uero probato: pulchram conuenientemq; precationem unã cum Mose precabimur: ut nobis Deus aperiat suum thesaurum, sublime illud refertumq; diuina luce uerbũ, quod supra uocauit cælum, in quibus autem mala reconduntur occludat, sunt enim ut bonorum ita etiam malorum thesauri apud deũ: sicut habetur in magno cantico: Nonne ecce collecta sunt hæc apud me, & obsignata in thesauris meis, in die ultionis, quando lapsus fuerit pes eorum, uides thesauros esse malorum? Et bonorum quidẽ unicus. Quoniam enim Deus unus, etiam thesaurus bonorum unus, multi uero malorum, quia & peccatores immenso numero. Sed hic quoq; considera eius qui est bonitatem, bonorum quidem thesaurum aperit: contra malorum claudit astringitq; est enim dei proprium bona offerre & præuenire nos liberalitate: mala uero non facile immittere. Moses uero exaggerans etiam dei liberalitatem & gratificandi studium, non solum reliquo tempore ait thesauros malorum obsignatos, sed & cum anima lapsa fuerit in uia rectæ rationis, quando meritò pœna digna uideri poterat, ait enim in die ultionis obsignatos malorum thesauros: docente diuino eloquio, quòd ne in peccantes quidem cõfestim deus animaduertit, sed indulget tempus ad pœnitentiam & errati curationem.

tionem. Et dixit dominus deus serpenti: *Execratus tu inter omnes pecudes & omnes bestias terræ.*] Sicut letitia iucunde nos afficiens, fausta omīnatione digna est, ita execratione uoluptas malus affectus, quæ turbat terminos animæ, pro uirtutis studio amorem affectionum in ea generans, ait autem Moses in execrationibus, execratum esse qui trans mouet terminos proximi: terminum enim & legem deus animæ præscripsit uirtutem scilicet arborem uitæ, hunc trans mouit, qui fixit terminum malitiæ, scilicet arborem mortis. Execrabilis ille quoq; qui cæcum errare facit in uia. Facit & hoc uoluptas impia, est enim sensus naturaliter cæcus, quia brutus, quoniam quicquid rationale est, habet oculos, ideo ratione solares comprehenduntur, sensu non item, per sensum enim sola imaginamur corpora, hunc cæcū sensum uoluptas fallit, quo minus res percipiat: siquidē uetat ne se ad mentem, à qua regi poterat, recipiat regaturq; ab ea, se duces illum ad sensibilia, illiciensq; suis operibus: ut cæcus sensus sequatur cæcū ducem, rem sensibilem, ibi mens cum ambos cæcos duces sequitur, impotens sui abit in præcipitium, alioqui consentaneum erat ordini naturali, ut rationem compotem uisus sequerentur ea quæ cæca sunt, sic enim leuius ferrentur noxiæ res, nunc in eam fraudem inducitur animā, ut cogatur uti cæcis ducibus, decepta persuasq; mutare uirtutem uitio, & suo labore malum sibi querere, prohibet autem & hanc permutationem sacra lex his uerbis: *Non mutabis bonum malo.* his de causis uoluptas fit execrabilis. nunc non alienū à proposito fuerit considerare quæ sit hæc maledictio,

execratum esse ait inter omnes pecudes, ergo pecunium
 quiddam brutumq; sensus est, certe unusquisq; sensus uo-
 luptatem execratur, ut inimicissimam & insensissimā,
 est enim re uera hostis sensui, id inde colligitur, quod sa-
 turati uoluptate immodica, nec uidere, nec audire, nec
 olfacere, nec gustare, nec tangere sincere possumus, sed
 his omnibus obscure atq; debiliter afficimur, id quod
 patimur ea iam cessante: alioquin inter ipsum usum uo-
 luptatis, omnino priuamur ui sensuum, ut non magis
 agant in res sensibiles, quam si eis mulctati essemus. Et
 quā fieri potest, ut non merito sensus execretur uolupta-
 tem à qua sic mulctatur? quæ præ omnibus quoq; bestiis
 est execrabilis, præ omnibus inquam, affectibus animæ.
 His enim mens sauciatur & perditur. Cur igitur etiam
 alijs affectibus uidetur deterior? Quia propemodū om-
 nibus est obnoxia, tanquam principium eorum funda-
 mentumq;. Nam & concupiscentia nascitur ex amore
 uoluptatis, & dolor existit per eius priuationem, timor
 quoq; tum fit cum ueremur istius absentiam, itaq; liquet
 omnes affectus apud uoluptatem habere suum recepta-
 culum: & fortasse nulli usquam essent, ni uoluptate ceu
 fundamento niterentur. Super pectus & uentrem tuum
 gradieris.] Circa has enim partes stabulatur affectus
 hic, pectus uentremq;, quando præsto est copia mate-
 riæq; uoluptatis, circa uentrem & quæ sub uentre sita
 sunt, quando autem his caret, circa pectus, ubi sedes iræ
 est, amatores enim uoluptatum si his destituantur, iræ-
 scuntur & exacerbantur. Inspiciamus rem diligentius.
 Tripartitam esse animam nostrā, habereq; partes, unā
 ratio-

ratione præditam, alteram ad iram natam, tertiã ad concupiscentiam, has partes nonnulli philosophi potentijs tantummodo differre existimant, quidam locis etiam, hi rationali parti caput sedem attribuunt, reddentes causam, quod ibi sit rex, ubi satellitium, satellites autem mentis sensus collocatos in capite, proinde rex habitare ibi tanquam in arce probabiliter creditur, ijdem iram locant in pectore: aiuntq; hac de causa à natura munitam hanc partem densis ac ualidis osibus, non secus ac strenuum militem instructum thorace ac clypeo, ad repellendos aduersarios: postremus locus assignatur concupiscentiæ, circa iecur & uentrem, hic enim uis hæc habitat, appetitus ratione carens. Quando igitur quæres ô anime, quam regionem uoluptas sortita sit, ne spectes capitis locum, qui rationis est, non inuenies enim, resistit enim huic affectui ratio, nec potest unã cohabitare: quod hæc uincente uoluptas pessum eat: sicut ediuerso, dum uoluptas uincit, exulat ratio, proinde illam quære in pectore uentreq;, ubi partes brutæ domicilium habent, ira cõcupiscentiaq;: nam in his locis inuenitur & iudicium nostrum, & affectus ipsi, non uetatur tamen mens relictis suis septis dare se deteriori. id fit quando in anima bellum exoritur, tunc necesse est in potestatem aduersæ partis deuenire rationem paci non bello natam, itaq; sacra lex gnara quantum possit utriusque affectionis impetus, uel iræ, uel concupiscentiæ, compescit utrunq;, aut rigam gubernatoremq; rationem his præficiens, ac primum de ira, curaturus eam & sanaturus legislator, loquitur sic: Et impones super rationale iudiciorum, do-

Doctrinam & ueritatem: quæ erunt in pectore Aaron,
 quando ingreditur sacrarium coram domino, id ra-
 tionale est in nobis instrumentum uocis, hoc est sermo
 quo utimur, qui aut inconsiderate & improbatus emit-
 titur, aut cum iudicio probatusq; hic scriptura uult nos
 cogitare de sermone discreto. ait enim rationale, non
 inexamatum falsatumq; sed rationale iudiciorum, ac
 si dicas iudicatum examatumq; huius probati sermo-
 nis duas ait esse uirtutes summas, doctrinam & uerita-
 tem. recte sanè. nam præcipuus sermonis usus est, doce-
 re, & manifestare aliquid, cum non possimus alioquin
 affectus animi exprimere, & quales sint ostendere, quæ
 res coegit nos ad signa uocalia confugere, nomina uer-
 baq; quæ utrique nota esse oportet, ut manifeste clareq;
 percipiantur à proximo. secunda cura est ut uere enun-
 cientur, quid enim prodest planam manifestamq; elocu-
 tionem facere, si alioqui falsa sit. nam hoc modo fieri
 non potest quin auditor decipiatur cum suo magno in-
 commodo, ruditate ignorantiaq;. quid enim si monstrās
 puero A elementum, diserte clareq; dicam id esse G, aut
 E monstrans dicam O? aut musicus rudimenta eius ar-
 tis discenti harmoniam monstrans colorem dicat, aut
 colorem tonisticum dicat diatonicum: aut quæ summa
 est chorda dicat mediam, aut quæ coniuncta sunt di-
 cat disiuncta, aut hyperboleam dicat proslambanome-
 non? dicet fortasse dilucide aperteque at non uere: sed
 hac parte uitium admittet in sermone, quando autem
 utrumque, doctrinam simul & ueritatem adhibebit,
 sermonem faciet discenti utilem, usus ipse duabus eius
 uirtu-

uirtutibus quæ forsitan solæ sufficiunt, itaque propheta dicit sermonem iudicatum, habentem suas uirtutes, situm supra pectus, nimirum Aaronis, id est, supra iræ, ut sic regatur primum à ratione, ne lædatur per suam imprudentiam, deinde à doctrina, à cuius consuetudine furor libenter abstinet, ideoq; iratorum non solum cogitationes, sed & uerba, perturbatione confusioneq; plena sunt. æquum igitur erat iræ confusionem per doctrinam corrigi, & per ueritatem insuper. nam & hoc iræ proprium est, quod facile fallitur fallitq; , itaq; iracundorum fermè nemo uerax est, utpote deuictus ebrietate animæ, non corporis. Hæc remedia deus huic parati parauit, sermonem cum doctrina ueritatēque. nam hæc tria uim unam obtinent, si sermoni iungatur doctrina & ueritas, præsentanea medicina iræ, morbi animæ grauissimi. Sed cuius nam est gestamen istud rationale? non meum nec uulgaris alicuius mentis, sed sacerdotalis pure sacrificantis, qualis Aaronis erat, ac ne huius quidem semper: nam sæpe mutatur: sed quando sine mutatione degit, quando ingreditur sacrarium, quando ratio simul intrat sanctæq; sententiæ, quando his comitibus non destituitur, accidit tum plerunque ut mens penetret in sacras sanctas purasq; opiniones, sed humanas, quales sunt de officijs, de benefactis, de legibus publice receptis, de uirtute quatenus homo potest eam assequi, atqui ne sic quidem dispositus aliquis idoneus est ad Rationale gestandum in pectore cum suis uirtutibus: sed solus qui ingreditur coram domino: hoc est, qui propter deum facit omnia, nec ei præ-

fert quicquam ipso inferius, inferioribus quoque rebus tribuens quod æquum est, non tamen in eis immorans, sed recurrens ad cognitionem scientiam cultumq; illius unius. nam hominis sic dispositi uis irascibilis regitur & à ratione purgata puraq; à brutis affectibus, & à doctrina sanante obscuritatem confusionemq; & à ueritate retegente mendacium. Ergo Aaron, ut aliter Moses, exciso pectore, hoc est ira, non finit eam efferrì impetu absque iudicio, ueritus ne quando sibi ipsi permissa, in equi morem exultans, totam proculet animam: sed curat refrenatq; primum ratione, ut sub auriga optimo discat non admodum habenas contemnere: deinde & rationis uirtutibus, doctrina ueritateq; si enim sic erudiatur ira, ut & rationi cedat ac doctrinæ, & non mentiri assuescat, tum seipsam liberabit ab efferuescentia nimia, tum animam totam reddet placidam. Verum hic, ut dixi, non carens hoc affectu, conatur eum sanare iam dictis salutaribus remedijs, at Moses totam iram excidendam & rescandam censet ex anima, non moderationem affectuum, sed prorsus priuationem amans. attestatur his in eis uerbis sanctissimum oraculum. Sumptum, inquit, Moses pectusculum separauit, ut offerret coram domino, de ariete consecrationis: & obligit Mosi in portionem suam, ualde pulchre, illum enim uirtutis deiq; amatorem decebat considerata tota anima pectus desumere ex ea quod ad iracundiam pertinet, adimeretque id & abscidere, ut exacta parte bellaturiente, de cætero anima in pace degeret, aufertur autem non à quouis

quouis animali, sed ab ariete consecrationis. atqui & uictulus immolatus fuerat, sed hoc præterito, uenit ad arietem. est enim animal natura corruptum, iracundum & assultorium. quapropter & fabri machinarii plerumque inter instrumenta oppugnationis utuntur arietibus. sic & in nobis arietinū, assultorium, indomitum quiddam est, id quod contentionem appetit. contentio uero materia est iracundiæ. & ideo contentiosiores quique in differentiationibus cæterisque colloquijs ad iram mouentur. hoc igitur litigatricis contentiosæque animæ superfluum germen iracundum merito propheta execat: ut sterilis facta desinat noxias res parere. fiatque inde portio conueniens amatori uirtutis, non pectus aut ira, sed horum priuatio. hanc enim optimam portionem deus sapiēti tribuit, posse affectiones excidere. uiden quomodo perfectus perfectam immunitatem ab affectibus semper meditatur? qui autem adhuc proficit Aaron, secundus ab illo, mediocriter, ut dixi, in eis se habet. nondum enim potest pectus & iram excidere. gestat tamen supra id aurigan cum agnatis rationis uirtutibus rationale, in quo doctrina est & ueritas. hanc differētiā manifestius etiam docebit nos his uerbis, dum ait: pectusculum enim superpositionis, & brachium ablationis accepi à filiis Israel, de uictimis quæ offeruntur pro salute uestra: & dedi hæc Aaroni eiusque filiis. Vides quod hi non sunt contenti solo pectore, sed assumunt etiam brachium? Moses uero accipit id sine brachio. cur ita? quia hic cum sit perfectus, paruum et humile nihil sapit, ac ne mediocriter quidem uult indulgere affectibus, sed eos egregie omnes omni-

no excidit. at illi non admodum uehemēter ruunt ad re-
 pugnandum eis, sed fœdus & inducias cum eis faciunt,
 conditiones offerendo, quatenus cohiberi per aurigam
 debeant ab impetu nimio. est autem brachium etiam si-
 gnum laboris & afflictionis. talis uerò debet esse cura-
 tor ministerq; sanctorum, exercitijs ac labore occupa-
 tus. cæterum cui deus perfecta bona abundanter largi-
 tus est, sine labore agit. hoc autem minor reperitur atq;
 imperfectior, qui labore parat uirtutem, quam sine la-
 bore & negotio Moses accepit à deo. Nam et labor ipse
 minor & uiliior est quàm quies: sicut & imperfectum
 quàm perfectum, & à doctore quæsitum, quàm id quod
 per nos ipsi discimus. hæc causa est cur pectus accipiat
 Aaron cum brachio, Moses sine brachio. uocat autē pe-
 ctusculum superpositionis ideò, quia super uim iræ de-
 bet imponi & ei præsidere ratio, quæ aurigæ more du-
 riceruicem contumacemq; equum dirigat. brachium au-
 tem non itidem superpositionis uocatur, sed ablationis,
 ob hanc causam: quia debet uirtutis studium nō sibi ipsi
 tribuere anima, sed auferre à se, & ad deum auctorem
 referre: confitendo non suis uiribus nec potentia hone-
 statem acquisitam, sed illius munere, qui amorem eius in-
 didit. nec pectusculum autem nec brachiū sumitur, nisi
 de uictima pro salute, & merito id quidem. tunc enim
 anima seruat, quando iram domat ratio, & ex labore
 non prouenit arrogantia, sed totum imputatur dei bene-
 ficentiæ. Quod autem non solum supra pectus, sed & su-
 pra uentrem ingreditur uoluptas, iam dixi, declarauiq;
 maxime proprium eius locum esse uentrem. hic est enim
 uolu-

uoluptatum fermè omnium receptaculum. nam hoc repleto uehementes appetitus excitantur aliarum quoq; uoluptatum. rursum uacuato, quietiores illæ redduntur compositioresq; ideoq; dicit alibi: Quisquis super uentrem quadrupes graditur, & multos habet pedes, impurus est. talis autem est amator uoluptatis, semper super uentrem gradiens, & eas quæ inde nascuntur uoluptates. cum repente autem supra uentrem cōiunxit quadrupedem, non immerito. quatuor enim sunt affectus uoluptariorum, sicut egregius quidam liber docet. impurus igitur, tum qui una uoluptate fruitur, tum qui se uolutat in omnibus quatuor. his dictis uide iterum quo differat perfectus ab eo qui adhuc proficit. certè ut iam ante cōpertum est, perfectus excidit totam iram è contentiosa anima, reddens eam cicurem mansuetamq;, pacatam mitemq; per omnia tum uerbo tum opere. qui autem proficit, non ualet quidem hunc affectū excidere: gestat enim perfectus: sed erudit eum rationis iudicio, habētis duas uirtutes, doctrinam & ueritatem. ita nunc quoq; inuenietur, sapiens quidem perfectè uoluptates abijciens & excutiens Moses, qui autem proficit, non uniuersas: ut qui necessarias simplicesq; admittit, curiosas & superfluas cauens tanquam additamenta inutilia. nam de Mose sic scriptura loquitur: Et uentrem atq; pedes holocaustatis aqua abluit. Valde pulchrè. Totam enim animam dignam quæ offeratur deo, quia nihil reprehensibile nec inuita nec ultrò admisit, sapiens sacrificat. qui autem ita est dispositus, totum uentrem eiusq; uoluptates, cum alijs quæ inde nascūtur, eluit & repurgat à sordibus, non

unam aliquam partem, sed in tantum ista contemnit, ut uel necessarios cibos potusq; aspernetur, rerum diuinarum contemplatione se sustinens. Quapropter alibi de illo fertur testimonium: per quadraginta dies panem nō comedit, nec aquam bibit, quando in monte dei oracula dei legislatoris audiebat. Nec contentus uentri ualedixisse, pedes quoq; purgat à sordibus, hoc est fulcra uoluptatis. sunt autē fulcra uoluptatis, res quæ gignunt eam. de proficiente enim dicitur, quòd intestina uentris & pedes abluat, non totum uentrem. non sufficit enim ad repellendam totam uoluptatem: satis est si auersetur eius interanea, id est auctaria: quæ uoluptarij dicūt esse quædam additamenta præcedentium uoluptatum, inuenta curiosa ministrorū gulæ popinariorūq;, & affectuum irritamenta modum excedentium: quia ille ultrò totam uentris uoluptatem ablegat, hic uerò qui adhuc proficit, non nisi monitus. nam de sapiente sic scriptum est: Ventrem & pedes aqua lauat, iniussus & sua sponte. de sacrificijs uerò sic: Intestina autem & pedes, non lauerūt sed lauant: quod ualde cautè dictum est. Oportet enim perfectum quidem sua sponte moueri ad uirtutis opera: eum uerò qui etiamnum meditatur, rationem monitricem sequi. cuius præceptis parere bonum est. Nec illud ignorandum, quod Moses totum uentrem, hoc est uentris repletionem reiiciens, ceteros quoq; affectus prope modum ablegat: dum legislator per unam partem de uniuerso manifeste docet: & de eo quod cætera continet docens, eadem opera subindicat de his quæ silentio præterit: quando quidem uentris repletionem comprehenduntur

tur reliqua, ceu fundamento aliorum affectuum. nullus enim eorum potest consistere, nisi uentre subnixus, quem basim omnium natura posuit. quapropter post præcedentem Liæ bonam progeniem, quando foetus ad animam pertinentes in Iuda, id est, confessione desuerant, deus ut in posterum corporis etiam profectibus prospiceret, Ballam Rachelis ancillam uoluit uel ante heram suam parere. est autē Balla irrigatio. sciebat enim, quod nihil corporeum subsistere possit absq; uentris rigatione: sed hic esse principatum regimenq; totius corporis, curæq; tantum hoc agentis, ut uita sit incolumis. sed considerare oportet omnia uerba subtilius, quādo nihil hic non accuratè dictum esse inuenies. Moses pectusculum aufert, uentrem uerò non aufert, sed tantum lauat. cur ita? quia perfectus sapiens irascēdi uim totam potest excidere, alienatus ab ira: uētre execare nequaquam potest. Nam necessario cibo potuq; uti natura cogitur, etiam si quis paucissimo cōtentus necessarium quoq; contemnat & meditetur in mediam. lauet igitur uentrem & repurget à condimentis impuris & superuacaneis. Hoc enim donum diuinitus oblatum uirtutis auido satis est. & ideo de animæ adulteratæ suspecta dicitur: quòd si relictò recto rationaliq; sermone, qui maritus legitimus eius est, deprehensa fuerit consuetudinem habere cum affectu polluyente animam, disrumpetur eius uēter, id est inexplēbilis & insatiabilis erit uentris uoluptatibus ac cōcupiscentijs, nec unquam eis expleri poterit propter suam imprudentiam & institutionem pessimam: sed alijs super alias affluentibus, eodem affectu laborabit perpe-

tuò. nam non paucos noui adeò uentris cupiditatibus de-
ditos, ut, quamuis imminente aliquo negocio, reuocen-
tur ad meracas compotationes aliq; similia. male enim
conuenit corporeis molibus cum ingenuis animæ desi-
derijs. sed corpora tanquã uasa ad mēsuram facta, nihil
admittunt immodicum, quicquid superfluit eijcientia,
at concupiscentia nunquã expletur, semper indiga, nun-
quam non siticulosa. Et ideo ut consequens post diru-
ptum uentrem additur femoris luxatio. nam affecta hoc
pacto anima simul excidit recta ratio, cui est insita uis
feminalis gignēdi bonum aliquid. Quod si, inquit, pol-
luta non fuerit, non lædetur, & habebit liberorum libe-
ros: uidelicet si ab affectibus impolluta pudicitiam ser-
uauerit legitimo marito, qui sanam rectamq; rationem
significat: fœcundam habebit animam & fructiferam,
progenitiuam prudentiæ, iustitiæ & cuiuscunq; uirtu-
tis. ergo possumus deuincti corpore non uti necessarijs
corpori? Est aliquis modus, uide quis. Is qui nos sacris
iniciat, præcipit cuius à quo suum debitum exigit cor-
pus, ut cōtentus sit necessarijs. Ante omnia locus, inquit,
sit tibi extra castra, castra uocans uirtutem, in quibus
militat anima. nec enim in una sede morantur, pruden-
tia, & corporis curandi necessitas. mox addit: Egre die-
ris inde foras, quamobrem? quia non potest anima coha-
bitans cum prudentia, & contubernium habens cum sa-
pientia, frui delicijs corporis. tunc enim diuiniorebus a-
limentis nutritur, scilicet scientijs, propter quas carnem
negligit. egressa enim sacratis uirtuti osibus, tum demū
uertitur ad hoc corpus grauantes premētesq; materiās.

quomo-

quomodo igitur his utendum? Paxillus, inquit, in zona tibi pendeat, quo cauum fodias. hoc est, præsto sit tibi ratio quæ affectum effodiat, astringens. affectus enim potestulant nos accinctos esse, non uti cinctura laxiore. quæ propter etiam de transitu per eos, qui pascha nominantur, præceptum extat, quo monemur lumbos accingere, siue astringere concupiscentias. hic igitur paxillus, hoc est ratio, comitetur affectum, obstaturus ne se effundat. Sic enim fiet, ut solis contenti necessarijs, abstinemus à superfluis: & uel in conuiujs atq; parata rerum copia, quæ ad usum simul & luxum satis sit, rationem adhibeamus quæ nos tanquam scutum protegat: ut neq; ultra modum cibos lari more ingurgitemus, neq; nimio mero expleti, per ebrietatem in delirationem prolabamur. Nam ratio compescet refrenabitq; procliuiore talis affectionis impetum. ipse quidem sæpe hoc mihi usus uenisse memini. accedens enim ad indisciplinata conuiuia, coenasq; sumptuosas, nisi ratione mecum adduxissem, mancipabar rebus apparatis, abstractus à dominis immansuetis, uidelicet qui spectatu, auditu, odoratu gustuq; uoluptatem pariunt. Sed quoties accedo cum ratio nis delectu, iam non seruus fio sed dominus, & egregie uinco uictoriam honestissimam in certamine constantie temperantiæq; resistens opponensq; me omnibus cupiditatibus quæ solent immoderatos pessundare. Fodices, inquit, paxillo, id est, prout tibi est ingenium procliue ad cibum, potum, aut ea quæ sub uentre sunt, ratione aperies & distingues, ut ubi discreueris, uerum cognoscas. tunc enim scies in horum nulla inesse bonum, sed necessarium

cessarium tantum & utile. Mox addit: Operies turpitudinem tuam. admodum rectè. Adduc enim ô anima rationem ad omnia, qua operitur, obumbratur, occultaturq; omnis turpitudine carnis & affectuum. quicquid enim ratione caret turpe est, sicut decorum quicquid cum ratione coniunctum. itaq; uoluptatis amicus supra uentrem graditur: perfectus autem uentrem totum eluit: qui uerò proficit, intestina. at qui adhuc in rudimentis hæret, foras exit, quando ad requisita uentris afferens rationem, cohibiturus est affectum: quod figuratè paxillus significat. Rectè quoq; additur: Gradieris supra petus & supra uentrem.] Voluptas enim non est quiescentium & stantium, sed commotorum & perturbatio ne plenorum: & sicut flamma continuè mouetur, ita cuiusdam flammæ more affectus hic in anima excitus, non sinit eam quiescere. ideò reclamationem his qui aiunt sedandum inesse in eo. quies enim ligno & cuius inanimato est propria, uoluptas uerò aliena ab hoc genere. titillationem enim & conuulsionem quandam appetit: & interdum non quietem sed continuum uehementiq; exercitium postulat. Illud autem: Terram comedes omnibus diebus uite tue] appositè dictum est. nam corporalis uoluptatis alimèta terrena sunt. nec immeritò. Duo sunt ex quibus constamus, anima & corpus. hoc è terra factum, illa dei figmentum æthereum. Inspirauit enim in faciem eius spiritum uite, & factus est homo in animam uiuentem. pulchrè igitur conuenit ut factum è terra corpus cognatis alatur cibus quos terra producit: at illa æthereæ nature portio, scilicet anima, habeat alimenta di-
 uina

uina ethereaq; nam scientijs nutritur, non cibo aut potu, quibus corpus indiget. Ali porro animam non rebus terrestribus, sed caelestibus, testabitur amplius sacra scriptura: Ecce ego pluo uobis panes de caelo: egredietur populus & colligat quæ sufficiunt in diem: ut tentem eum utrū ambulet in lege mea, an non.] Viden alimentum animæ non terrena & corruptibilia, sed uerba quæ deus pluit de sublimi puraq; natura, quam nunc cælum nominauit? Egredietur sanè populus & omnis coetus animæ, incipiatq; colligere scientiam, non aceruatim, sed quātum sufficit in diem. sic enim fiet primum ut ne simul & semel exhauriatur immensæ opes gratiarum dei, sed exundent torrentis in morem. deinde ut quisq; sumpta mensura quæ sufficiat, reliquorum dispensationem permittat deo. qui uerò uult omnia colligere, desperatio nem sibi parat, & molestiam maximam. desperat enim, si nunc tantum, non etiam in posterum, sperat deum sibi pluiturum cōmoda: & infidelis est si non credit et nunc & semper gratiam copiose dandam his qui digni sunt: & demens est, si putat se posse inuito deo seruare quæ collegerit. paruo enim momento eum qui securitatem constantiamq; mentis sibi arrogat per iactantiam, infirmum reddit incertumq; custodem rerū quas seruare sibi uidebatur. collige igitur o anima quæ sufficiunt & conueniunt, ut neq; plus satis exuberent, neq; infra modum collecta inopiam asserāt: ut iusta mensura utendo, nihil inique facias. meditantem enim te migrationem ab afflictibus & pascha immolantem oportet modicos profectus nō nimios facere. Colligat, inquit, unusquisq; ex eo quantum

quantum sufficit ad uescendum. Ergo & in manna & in quolibet dono quod deus largitur nostro generi, decet contentum esse certa mensura certoq; numero, nec plura quàm pro capacitate sumere per auaritiam. colligat potius anima quàm quod quotidie sufficit, & custodiam bonorum suorum munificentissimo deo credat magis quàm sibi. id cur ita censeam, dicere nunc non alienum à proposito fuerit. Per diem lux intelligitur. Lux autem animæ est eruditio. multi igitur animæ lumina parauerunt sibi in noctem & tenebras, non in diem & lucem: quælia sunt prima rudimenta disciplinarum omnia, & encyclopædia quæ uocant, ipsaq; philosophia propter delicias expetita & auctoritatem apud principes. at homociuilis diurnum parat in diem, & lucem in lucem, & honestatem propter ipsam solam non propter quicquam aliud, ideoq; additur: ut tentem eos utrum ambulent in lege mea, an non.] hoc enim dei lex iubet, uirtutem propter ipsam colere. itaq; studiosos uirtutis tanquam nummos examinat recta ratio, utrum uitium habeant, animæ bona referendo ad res externas: an probæ moneatæ sint, conseruando ea in sola anima. hi non terrenis cibis aluntur, sed scientijs cælestibus: quod alijs etiam uerbis docet sacra scriptura, cum dicit: Mane quoq; ros iacuit per circuitum castrorum: & ecce in superficie terræ in solitudine tanquam corianum album in similitudinem pruinæ super terram. quod cum uidissent, dicebant alius ad alium, quid est hoc? ignorabāt enim quid esset. quibus ait Moses: hic est panis quem dominus dedit ad uescendum: hic est sermo quem præcepit dominus.]

Viden

Viden cibum animæ qualis sit: uerbum dei continuum,
 rori simile, per circuitum totam complectens, & nullam
 partem eius experte sui relinquens. hic sermo non ubiq;
 apparet. sed ubi desertum est uacuum uitij & affectib;
 estq; tenuis qui percipiatur et intelligatur, pellucidusq;
 ualde ac purus aspectu, & coriano similis. aiunt autem
 rei rustice periti, etiamsi semen hoc cōcidatur minutissi-
 me, singulas portiūculas & micās satas germinare, non
 secus quā corianum solidum. Huiusmodi est etiam ser-
 mo dei: qui uel integer iuuare potest, uel quacūq; sui
 particula. Quid si *λογίω*, id est pupillæ oculi, similis di-
 citur? sicut enim hæc quamuis minima particula, uidet
 hos cælestes orbes, & immensum mare, & aeris amplitu-
 dinem, præterea solis tam occidentis quā orientis ter-
 minos: pari modo sermo quoq; diuinus cernit acutissi-
 me, qui sufficit inspiciendis rebus omnibus, per quem ui-
 debuntur quæcūq; digna spectatu. ideoq; albū est mari-
 na. Quid enim fulgidius dei sermone aut radiantius? cu-
 ius participatione & aliæ res caliginem ac tenebras ex-
 cutiunt, quæ appetunt lucem animarum. huic sermoni
 quiddam peculiare accidit. nam quando animam ad se
 aduocat, gelu excitat in omnibus rebus terrenis, corpo-
 reis, ac sensibilibus. ideo dicitur, tanquam pruina super
 terram. Quoties enim homo deum uidēs fugam medita-
 tur ab affectibus, congelantur undæ, hoc est, impetus ac
 moles eorum & iactantia. concreuerunt enim undæ in
 medio mari, ut transiret affectū Israel uidens deum. Itaq;
 percontantur seinuicem animæ, quæ admiserūt quidem
 tam sermonem, sed nō possunt dicere quid nam sit. Nam

sepe perfusi dulcedine, saporem nescimus unde illa proficiscitur: & suaves odores olfaciendo, quinam sint ignoramus. Sic & anima sepe gaudens non potest indicare causam suae leticiae: sed docetur ab initiatore uateq; Mo se dicente: Hic est panis, cibus quem dedit deus animabus: ut se pascant uerbo ipsius atq; sermone. Nam hic est panis datus nobis ad uescendum, uidelicet uerbum hoc. Dicitur autem etiam in Deuteronomio: Et afflixit te presitq; fame, & cibauit te manna, quod tui patres ignorauerant, ut annunciem tibi, quod non solo pane uiuet homo, sed omni uerbo quod procedit ex ore dei.] afflictio ista propiciatio est. Nam per tales afflictiones nostris animab. ceu decimatis propicius redditur. Quoties enim spoliatur iucundis rebus, affligi uidemur: reuera autem sentimus deum propiciuum. Infligit nobis etiam esuriem, non uirtutis, sed uitiosam illam & affectibus obnoxiam. Argumento est, quod nutrit nos uerbo suo generalissimo. Interpretatur enim manna, quid hoc est, scilicet rerum generalissimū. Verbum quoq; dei superius est uniuerso mundo, antiquius generaliusq; creaturis omnibus. Eum sermonem patres ignorauerant, non illi ueri progenitores nostri, sed longaeuitate canī, qui solent dicere, Da nobis ducem, & reuertamur ad Aegypti uitia. Audiat igitur anima uocem dei: quod non solo pane uiuet homo factus ad imaginē, sed omni uerbo quod procedit ex ore dei. hoc est, & toto uerbo nutrietur, & eius partibus. per os enim sermo significatur. Porro uerbum pars sermonis est. Nutritur autem perfectiorum quidem anima toto sermone: ceterum nos contenti essemus nutrirī

nutriri uel parte eius quapiam. Et illi quidem optant nutriri à sermone dei: Iacob uerò supra ipsum sermonem exerens suum caput, ait se nutriri ab ipso deo. Sic autem loquitur: Deus qui nutrit me ab adolescentia mea usque in presentem diem, angelus qui eruit me è cunctis malis, benedicat his pueris. Pulcherrimus loquendi modus: nutritorem deum, non sermonem eius, existimat. Ceterum angelum eius, qui est sermo, tanquam morborum medicum: idque admodum naturaliter. Pronunciat enim propheta, primaria quidem bona ex persona ipsius Qui est dari: secundaria uerò per angelos & sermones eius. secundaria uerò sunt, quæ ad morborum sanationem pertinent. Proinde sic opinor: sanitatem meram quam nullus morbus præcessit in corpore, deum per semet solum largiri: liberationem autem à morbo etiam per artem & medicinam: dum sinit & à scientia & ab artifice nos iuuari in speciem, ipse sanans uel per hæc, uel citra horum operam. Ad eundem quoque modum se habet anima. bona & alimenta largitur ei per seipsum: per angelos uerò & sermones, quicquid ad sanandos morbos pertinet. Has autem preces fudit patriarcha, reprehendens Ioseph illum administratorem reipublicæ ausum dicere: Enutriam te ibi. Dixerat enim, Properantes ascendite ad patrem meum, & nunciate ei. Hæc dicit, & reliqua. Descende ad me, & nequaquam maneat, et enutriam te ibi. Durabit enim fames per quinquennium. Reprehendens igitur admonensque eum qui sibi sapiens uidebatur, inquit: O tu scito animæ cibum esse scientiam, quam non sermo sensibilis, sed deus largitur

gitur, qui nutrit à iuuentute primoq; flore usq; lucent
 extremam, ipse me replebit. Sed Iosepho idem accidit
 quod matri eius Racheli. nam & ipsa existimabat crea-
 turam posse aliquid. quapropter dicit: Da mihi liberos.
 Sed supplantator similis sui dicet: Erras errore maxi-
 mo. Nec enim ego pro deo tibi sum, qui solus potest a-
 perire uulvas animarum, & eis infeminare uirtutes, ut
 grauidæ factæ res honestas pariant. Saltem sororem
 tuam Liam considera, & comperies à nulla creatura se-
 men eam excepisse aut genituram, sed ab ipso deo. Cum
 enim uidisset dominus Liam haberi odio, aperuit uul-
 uam eius. Rachel autem erat sterilis. Ac rursum uide hic
 uirtutis exilitatem in opere. Deus uulvas aperit, bene-
 facta in eis seminans. Vulua autem quæ uirtutem exce-
 pit à deo, non parit deo: nullius enim indiget Qui est:
 sed mihi Iacobo parit filios. nam propter me seminauit
 deus in uirtute forsitan, non propter seipsum. Igitur a-
 lius quidem maritus Liæ quiescens inuenitur, alius pa-
 ter natorum ex Lia liberorum. maritus qui uuluum ape-
 rit: pater liberorū, qui hos gignere dicitur. Et inimi-
 citias ponam inter te & inter mulierē.] Reuera uolu-
 ptas inimica est sensui, quamuis sunt qui putent amicis-
 simam. Sed sicut adulatorem nemo amicū dixerit: est
 enim adulatio uitium amicitiae: sic & uoluptatem si exa-
 mines, inuenies adulterinam familiaritatem insinuan-
 tem se sensui. certè saturatis uoluptate omnes sensus lu-
 xantur. annon cōsideras istos uīni amatores ebrios, quo
 modo uidentes non uideant, audientes non audiant, im-
 potes etiam reliquorum sensuum? Fathiscit enim tūc in-
 strumen-

strumentum sensitivum, quemadmodum intenditur in sobrijs, non iam surdos externe ictus excipiens, sed sonos clarosq; , & ad mentem usq; penetrantes cum sonitu. Oportet enim ut hæc extremum ictum agnoscat, & characterem eius manifestum excipiat. Et observandum non dixisse, Inimicitias ponam tibi & mulieri: sed inter te & mulierem. Cur? Quoniam in medio & tanquam confinio uoluptatis sensusq; hoc bellum nascitur. id amborum medium, cibus & potus est, aptum ad quaecunq; sensibilia huiusmodi, facultatem uoluptatis inducendæ habentia. his quoties se uoluptas ingurgitat, præsentaneam sensui noxam afferunt. Cæterum illud, inter te & inter semen eius, ipsum quoq; ratione physica dictum est, Nam omne semen est generationis principium. principium autem uoluptatis, non affectus, sed bruta concitatio sensus quæ per mentem fit. nam à mente uelut fonte quodam manant sensitivæ potentiæ, præsertim iuxta doctrinam Moysis sanctissimi: qui ex Adamo factam narrat mulierem, ex mente sensum uidelicet. ergo sicut uoluptas se habet ad sensum, sic affectus ad mentem. unde sequitur ut quoniam illa duo inimica sunt inuicem, hæc quoq; sint hostilia. quod bellum nulli non liquet. itaq; superante mente, affectus non sustinens intelligibiles & in corporeas res, profligatur. contra quoties hic uincit malam uictoriam, cedit mens, impos sui suarumq; actionum omnium. Proinde alibi dicitur, quod attollente manus Mose, præualebat Israel: demittente autem, præuelebatur Amalec. quib; uerbis hoc docemur, quod mens quando attollit seipsam supra mortalia, & sublimis fertur,

um concipit ut deum uideat, quod est Israel. quando uero neruos suos hæc remittit relaxatq; mox affectus præualeat, scilicet Amalec, qui interpretatur populus elingens. reuera enim absomit totam animam & abligurit, ne semen quidem aut scintillam uirtutis reliquam in ea faciens. quamobrem scriptum est: Principium gentium Amalec. quoniam in miscellaneâ gentium conuenarum colluuiem consilio carentem affectus exercet dominationem atq; imperium. per hunc omne bellum excitatur in anima. Ergo quibus mentibus deus pacem largiri dignatur, in his pollicetur deleturû se sub cælo memoriam Amalecitarum. Quod autem dicitur: Ipse seruabit caput tuum, tu seruabis eius calcaneum. In uerbis barbarismum habet, in sensu bene dictum est. quomodo? reliquum reddendum est de muliere. mulier autem ipse non est, sed ipsa. Quid igitur dicendum? à sermone de muliere transitionem fecit ad semen eius & principium. principium autem sensus, intellectus, isq; masculus, de quo debet dici ipse, flectendo de cætero uocem hanc similiter. Rectè igitur ad uoluptatē inquit, Ipse intellectus seruabit tuum caput, & principale decretum: tu uerò gressus eius & uestigia placitaq; quibus insistit, quæ calcanei uocantur per similitudinem. Vox autem seruare duo significat: unum, quasi custodire, & reponere: alterû, ac si dicas obseruare ut per dolum interimas. necesse est autem mentem uel bonam uel malam esse. mala dici potest custos promaq; uoluptatis: nam hac delectatur. bona uerò inimica, expectans occasionem tollendæ e medio per insidias. e contra uoluptas, insipientis plātam seruat: sapien-
tis

tis autem basim destruere conatur & subtrahere, existi-
 mans hunc sibi moliri perniciem: insipientem uerò mo-
 dis omnibus ipsius saluti cōsultum cupere. nihilominus
 quamuis uideatur supplantare decipereq; probum ui-
 rum, ipsa supplantabitur à Iacob exercitato luctis tali-
 bus. lucta, inquam, nō corporis, sed qua luctatur anima
 cum aduersarijs moribus, ipsam per affectus uitiaq; op-
 pugnantibus. nec prius dimittet plantam affectus aduer-
 sarij, quàm ille det manus, seq; supplantatum ac bis ui-
 ctum fateatur, & in iure primogenituræ & in benedi-
 ctione. Iuste, inquit, inditum est ei nomen Iacob. iam e-
 nim iterum me supplantauit. olim ius primogenituræ
 mihi ademit, nunc interceptit meam benedictionem. anti-
 quius autem ius malus quidem putat corporis, bonus ue-
 rò animæ. sicut reuera est, non tempore sed potentia di-
 gnitateq; potius, & uerè prius, sicut & princeps in re-
 publica. principatum autem anima habet in hac copu-
 la. ergo primatum obtinuit is qui altero uirtute potior
 fuerat, qui honor ipsi debebatur. nam et benedictionem
 accepit cum perfectis precibus. uanus autem est & sua-
 met existimatione sapiens qui dicit: meas benedictiones
 & ius meæ primogenituræ accepit. non enim tuâ o tu
 accipit, sed tuis contraria. nam quæ tua, seruitio digna
 sunt, at quæ illius, dominio. tibi uerò etiam optanda a-
 pud sapientem seruitus, à quo monitus castigatusq; igno-
 rantiam ac ruditatem pestes animæ exuas. nam inter fau-
 stas apprecationes pater sic tibi dicit: Fratri tuo seruiēs.
 sed non nunc. nec enim ferret te habenas detrectantem.
 sed ubi solueris iugum à ceruice tua: nimirum abiectis

illis elatis spiritibus, quos sumpsisti postquam teipsum subiugasti affectuum uehiculo, aurigante insipientia. nunc quidem seruus es molestorum herorum & intolerabilem, qui non solent quenquam manumittere. quod si fugitiuus eos deserueris, excipiet te amator seruorum dominus cum certa spe futurae libertatis, nec unquam exhibebit heris prioribus: utpote qui didicit apud Mosē præceptum decretumq; necessarium. Non trades domino suo seruū qui ad te confugerit: habitabit tecum in loco quicunq; ei placuerit. Sed tantisper dū tibi nō libet aufugere, & mauis talium dominorum habenas perferendo indignum te seruitute sapientis facere, satis declaras mores tuos illiberales seruilesq;, cum dicis, ius meae primogeniturae & meas benedictiones. sunt enim hae uoces delapsorum in summam ignorantiam: quia soli deo competit hæc uox Meum. eius enim solius possessio est hæc rerum uniuersitas, attestante uel ipso cum dicit: Dona mea, munera mea. Obserua dona differre à muneribus. illa enim magnitudinem perfectorum bonorum præseferunt, quæ deus perfectis donat gratuita. hæc intra paruum modum contrahuntur, quorum participes sūt generosi exercitatores proficientes adhuc. ideo Abraham quoq; secutus dei uoluntatem, res suas à deo sibi concessas retinet: recusat autem equos regis Sodomorum, tanquam mercedes meretricum. Moses quoq; res maximas & controuersias tractare dignatur, minores causas demandat cognoscendas iudicibus secundarijs. ceterum qui audet dicere suum esse aliquid, sempiterna seruitute notabitur, sicut ille qui dicit: Contentus sum herō

meo, uxore mea, meisq; pueris. nō cupio liber euadere. Rectē quod seipse in seruitutem asserit. Qui enim potest esse non seruus dicendo: meus herus intellectus est dominus sui & in potestate propria: meus sensus sufficit ad discernenda corpora: mea sunt quæ ex his progignuntur, ex intellectu intelligibilia, & sensu sensibilia. in mensū est uel sentire uel intelligere. Sed non satis est ipsam suoapte damnari testimonio, quin & dei percellitur sententia, iussus certā æternamq; seruitutem sustinere, aure perforata insuper, ne sermones uirtutis percipiat; utq; in perpetuum intellectui sensibusq; seruiat, malis dominis & inclementibus. Mulieri quoq; dixit: Multiplians multiplicabo dolores tuos & gemitus tuos.] Mulieris, hoc est sensus, proprius affectus est mœstitia, quā dolorem nominat. circa idem enim subiectum uersantur delectatio & tristitia. delectamur autem per sensus, proinde necessario per eosdem contristamur. sed bona purgataq; mens minimū tristatur: quia talem sensus nō admodum impetunt. in insipiente autē affectus superfluūt, quod non habeat in anima remedium, quo pestes à sensibus rebusq; sensibilibus prouenientes arceat. sicut enim aliter pulsatur athleta quā seruus: hic nō reluctans sed præbens se flagris submittensq; athleta uerò resistens, repugnans, & illatos ictus repellens: & aliter raditur homo, aliter pellis: hæc enim nihil aliud quā pati cernitur: homo uerò & ipse uicissim agit nonnihil, eo gestu se præbendo quo radatur facilius: ita irrationalis quidem homo mancipiorum more cedit alteri, & perfert tristitias tanquam heras intolerabiles, ne obtueri quidem in

aduersas sustinens, ut qui nequit masculas ingenuasq; cogitationes sibi contrahere. quo fit ut multitudo immensa dolorum ei per sensus ingeratur. contra uir scientia præditus in modum athletæ potenter, robuste, fortiterq; gradum inferens contra cuncta tristia magnos fert spiritus, ne uulneretur ab eis, sed repellat singula. Et ut puto posset iuueniliter exclamare contra dolorem illud ex traegœdia. Combure carnem hanc, concrema, repleto te Meo cruore. nam prius uel sidera Terram subibunt, terra uel scandet polum, quàm mollis à me extorqueatur uox tibi. Sicut enim sensib. deus omnia tristia cumulate apposuit: ita probæ animæ uberrimam bonarum rerum copiam elargitus est. Quapropter de perfecto illo Abraham ad hunc modum loquitur: Per memetipsum iuravi, dicit dominus: quia fecisti uerbum hoc, & nō perpercisti filio tuo dilecto propter me, omnino benedicens benedicam te, & multiplicans multiplicabo semē tuum, sicut stellas cœli, & sicut arenam quæ est in maris litore.] Rectè iureiurando confirmauit pollicita, idq; tali quale deum decebat. uides enim quod non per alium deus iurat: nihil enim illo præstantius: sed per seipsum qui est omnium optimus. Non defuerunt tamen qui negarent conuenire deo iusiurandum. id enim ad confirmandam fidem assumitur. at deus solus fidelis est, & si quis amicus dei, sicut Moses dicitur fidelis in tota domino fuisse. & alioquin ipsa dei uerba iuramenta sunt legesq; diuinæ, & iura sacratissima. quod autem uim maximam habeant argumento est, quod effectu non caret quicquid ille dixerit: id quod iurisiuradi est proprium.

unde

unde cōsequitur, omnes dei sermones esse iuramēta per effectus suos confirmata. Aiunt sane iusiurandum testimonium esse dei de re de qua ambigitur, quod si deus iurat, sibi ipse fert testimonium, quæ res absurda uidetur, alium enim oportet esse qui testis est, alium cui perhibetur testimonium. Quid igitur dicendum? Primo non pugnare cum æquitate quod deus sibi ipsi testis est. Quis enim alius potest ei testis esse idoneus? deinde, quod ipse sibi est quicquid habetur in precio, cognatus, familiaris, amicus, uirtus, felicitas, beatitudo, scientia, intelligentia, principium, finis, totum, uniuersus, iudex, sententia, consilium, lex, actio, principatus, & alioquin etiam, modo hæc uerba Per me ipsum iuravi, accipiamus ut debemus, nullum erit à nugacitate sophistica periculum, uidendum ergo num dicat tale aliquid, nulla quantumvis sublimis creatura potest firme constanterq; de deo credere, nulli enim ostendit suam naturam, sed uoluit omnibus generibus esse inuisibilem. Quis enim potest de uniuersorum causa certò definire, sit ne incorporea, careat ne qualitate, an non careat: aut certe de essentia, qualitate, motu eius, atq; habitudine? sed solus de seipso asseuerabit, quãdo quidem solus uere suam naturam pernouit. solus igitur deus idoneus est qui primum de seipso certo pronunciet, deinde de suis etiam operibus. itaq; merito iurauit per seipsum, fidem sibi ipsi astruens, quod nullus alius poterat, ideo censendi sunt impij qui se aiunt per deum iurare, nemo enim per eū iurat ut oportet, quia nemo potest naturam eius cognoscere: imò bonum est si uel nomē eius noscimus, hoc est uerbum quo interpretante innouit.

tuit. Hoc enim nobis imperfectis deus est, sapientibus autem perfectisq; ille primus. Certe Moses admiratus illius ingeni summam excellentiam, dicit: Et per nomen eius iurabis, non per illum ipsum, satis enim est per genitum fidem astrui, & testimonium habere à uerbo dei. Ceterum deus ipse sibi fides sit, testimoniumq; certissimum. Quod autem legitur, quia fecisti uerbum hoc, pietatem significat. Rectum est enim omnia propter deum facere: quem propter nec dilecto filio parcimus, uirtuti uidelicet, felicitatem hanc cedentes ipsi auctori, dignum existimantes ut progenies nostra dei possessio fiat potius quam ullius creaturæ. Pulchre & illud dictum: Benedicens benedicam.] Multa enim benedicenda quidam faciunt, sed non in hoc ut benedicantur. nã & malus officia quædam facit, sed non officiose, & ebriosus furensq; interdum sobria loquitur facitq; sed non mète sobria, & pueri admodum infantuli non ex rationali habitudine (non enim rationem à natura didicerunt) multa tamen tum dicunt tum faciunt quæ ratione præditi. Vult autem legislator sapientem non per occasionem & facile fortuitoq; rationalem uideri, sed ex habitudine dispositio- neq; rationali, ergo quasi non satis sit infortunato sensui abundare multis doloribus, additur, & gemitibus. Est autem gemitus dolor intensus atq; uehemēs. nam sepe tristamur non gementes: sed quoties ingemiscimus, ualde moleste inmundamur obruimurq; doloribus. Est autem duplex gemitus: alter eorum qui cupientes appetentesq; iniquitatem non fiunt eius compotes: & hic malus est, alter poenitentium & grauiter ferentium anteactam uitam

uitam dicentiumq;: ô nos miseros, quantum temporis exegimus laborantes morbo insipientiæ, & occupati studiis iniustitiæ. Qui gemitus nunquam accidit nisi defuncto in anima rege Aegypti, hoc est impia uoluptuariaq; consuetudine. Nā post multos dies illos mortuus est rex Aegyptiorum, moxq; post mortuam malitiam ingemiscit uicem suam uidens deum. Ingemuerunt enim filij Israel à corporeis & Aegyptiacis operibus. Quandoquidem quā diu uiuit & regnat in nobis consuetudo amica uoluptatum, persuadet animæ ut peccatis suis delectetur ac gaudeat: quæ mox mortuo rege tali gemit: & exclamat ad dominum supplicans ne mutetur iterū, ne uead absolutam perfectionem non perueniat. Multis enim animabus poenitentiam expetentibus nō concessit deus, sed tanquam æstu refluo abreptæ sunt retrorsum: quem admodum & Lot uxor in saxum uersa est propter adamata Sodomā, & quia ad ingenium, in qualia deus animaduertat, reuersa fuit. Cæterum in presenti contextu subiūgitur: Ascendisse clamorem populi ad deū: quod gratiæ diuinæ testimonium est, nisi enim ille potētia sua supplicationem ad se attraxisset, nunquam hæc ascēdisset: hoc est non extulisset se incipiendo in altum crescere, fugiendoq; humilitatem rerum terrenarum, Ideo dicit in sequentibus: Ecce clamor filiorum Israel uenit ad me.] Egregie significat peruenisse ad deum preces supplicū: quæ non peruenissent, nisi bonus esset qui eas euocat. atq; etiam ultro inuitat quasdam animas. Veniam ad te & benedicam te. Videte quanta sit summæ illius cause gratia non expectantis nostram procrastinationem, sed

Sed insigni beneficio præoccupantis animam. nam hæc dei uox oraculum est. nam si mentem subierit cogitatio de deo, confestim accepta benedictione sanatur ab omnibus infirmitatibus. at sentiendi uis semper dolet genitq; & cum doloribus tristitijsq; parit sensum: sicut ipsa scriptura dicit: In doloribus paries filios, ex uisu enim uisio nascitur, ex auditu auditio, ex gustu gustatio, & in unum uersum ex ui sentiendi ipsa sensus actio: sed non sine magna molestia in insipiente unumquodq; horum fit. nam hic moleste uidet, audit, gustat, olfacit, & quocunq; sensu utitur. Econtra uirtutem inuenies cum ingenti gaudio gestare uterum: & bonum partum cum risu ac animi tranquillitate parere, & foetum hinc utriq; parenti hilaritatem afferre. nam quod sapiens gaudens & non dolens gignat, his uerbis testatur diuinum eloquium: Et dixit deus ad Abraham: Sarra uxor tua non uocabitur posthac Sara, sed Sarra nomen eius erit. Benedicam ei, & dabo tibi ex ea filium, mox addit: Et procidit Abraham in faciem suam, & risit sic cogitans: Num centenario nascetur filius? & Sarra exactis annis nonaginta nū pariet? Hic certe apparet quàm gaudeat rideatq;, quia geniturus est fortunatum illum Isaac, testante inibi propheta: Desierat Sarra fieri muliebria, risitq; intra se cogitans: Nunquam hactenus contigit mihi tanta felicitas. Sed dominus meus, dei uerbum, senior est: quē posse hoc necesse est, & decet nos pollicēti credere. Quin & partus ipse risus est ac gaudium, sic enim Isaac interpretatur. Doleat igitur sensus, uirtus contra perpetuo gaudeat. Postquam enim nata est felicitas, mater sibi placēs dicit:

dicit: Risum fecit mihi dominus. nam quicūq; rem audierit, mihi gratulabitur. Itaq; quotquot estis initiati, expāsis auribus accipite mysteria sacratissima. Risus est gaudium. Fecit perinde ualet ac genuit, ex quibus uerbis colligitur hęc sententia, Isaacum genuit dominus. nam ipse est perfectę naturę genitor, semen iaciens in animas, & felicitatem generans. Et ad uirum tuum, inquit, conuersio tua.] Duo sunt uiri sensuum, alter legitimus, alter adulter. nam uiri more uisibile mouet uisum, uox auditum, sapor gustum: idem de cæteris quoque intelligitur, per hęc brutus sensus conuersus attractusq; uenit in potestatem alienam, sic pulchritudo uisum in seruitutem suam redigit, sic suauis sapor gustum, sic reliqua sensibilia suum quodq; sensum. Considera liguratorem quomodo seruit condimentis coquorum atque cupediariorum: cum qui propensus est ad cantum, quomodo deuinciatur à cithara tibiaq; , uel à docto cantore. at sensus qui se uertit ad intellectum uirum suum legitimum, ingentem utilitatem ex eo percipit. Videamus igitur deinceps quid & de ipso intellectu narretur, motto præter rectam rationem. Ad Adam autem dixit deus: Quia audiisti uocem uxoris tuę, & comedisti de arbore de qua præceperam tibi ne comederes, maledicta terra in operibus tuis.] Nihil inutilius quam audiri sensum ab intellectu, & non contra potius. Debet enim semper præesse melior, subesse deterior. At intellectus sensu est melior. Ergo sicut auriga regente, & iumenta habenis qua placet flectente currus procedit: illis uerò contumaciter frenum mordentibus, &

auriga

auriga transuersus fertur, & iumenta interdum impetibus
 suo rapiuntur in cœnum, cursu prorsus aberrante: & si-
 cut nauis recte nauigat, donec gubernator clauum tenēs
 eam dirigit: periclitatur uero quando uento reflante ma-
 re totum occupatur à fluctibus: ad eundem modum quā-
 do animæ auriga gubernatorq; intellectus imperium to-
 tius animalis tenet, tanquam magistratus in ciuitate, ui-
 ta prosperatur: quando uero brutus sensus primatū oc-
 cupat, confusio uehemens sequitur, haud secus quā do-
 minis oppressis à suis seruitijs. tunc enim, si uera fatenda
 sunt, intellectus accensus deflagrat, sensibus flammā nu-
 trientibus, & sensibilia in eam congerentibus. Quale in-
 cendium per sensus excitatum. Moses quoq; indicat uer-
 bis his: Et mulieres amplius etiam accenderunt ignem
 in Moab.] Hec uox interpretatur Ex patre. Pater no-
 ster intellectus est. Tunc, inquit, dicent ænigmatistæ: ue-
 nite in Efebon, ut ædificetur & exornetur ciuitas. Seon.
 Quoniam ignis exiuit ex Efebon, flamma ē ciuitate Seon.
 & deuorauit usq; Moab, & deleuit colūnas Arnon. Ve-
 tibi Moab, perijt Chamos. Venditi sunt filij eorum ut ser-
 uirent: & filia eorum captiue adductæ sunt regi Amor-
 reorum Seon, & semen eorum peribit ab Efebon usque
 Debon, & mulieres amplius etiam accenderunt ignem
 in Moab.] Efebon interpretatur cogitationes. Hæ autē
 sunt ænigmata, plenæ obscuritate. Considera cogitatio-
 nem medici: uacuabo ægrotum, nutriam, remedijs cura-
 bo, dietaq; secabo, uram cauteribus, sed sepe natura &
 absq; his sanauit, & cum his interemit, ut medici cogita-
 tiones nihil aliud quā somnia sint inuentæ, plena ob-
 scuris

securitatis & enigmatum. Rursum agricola dicit: Semina iaciam, plantabo, crescent plantæ, ferent fructus, qui non solum ad usum proficient necessarium, sed ad copiam etiam sufficient. Post has cogitationes aut flamma repentina, aut procella, aut imber continuus, corrumpit omnia. Interdum fructus responderunt operæ, sed nihil iuuerunt eum qui sic cogitauerat, morte præuentum, & frustra sibi fructus laboris pollicitum. Proinde optimum fuerit deo credere, non incertis cogitationibus coniecturisq; fallacibus. Abraham ille deo credidit, & iustus reputatus est. Moses item præest populo, cum testimonio quod sit fidelis in tota domo. Quod si credemus proprijs cogitationibus, ædificabimus exornabimusq; ciuitatem corrumpetis ueritatem intellectus. Seon enim interpretatur corrumpens. Quamobrem experrectus qui somniauerat, inuenit quod omnes motus processusq; insipientis sint mera insomnia nihil ueritatis habentia. nam ipse intellectus somnium esse conuincitur: quia certissimum est deo credere, & fallitur qui credit uanis cogitationibus. irrationalis autem impetus exiens proficiscitur utroq; & ad cogitationes, & ad intellectum qui corrumpit ueritatē. Ideo dicit scriptura: Ignis exiuit ex Esebon, flamma è ciuitate Seon.] Alienum enim à ratione credere uel cogitationibus probabilibus, uel intellectui corrumpenti ueritatem, deuorat tamen etiā usq; Moab, id est usq; intellectum, quem enim aliū quam miserum intellectu falsa opinio decipit? Deuorat, depascitq; atq; etiam deglutit columnas quæ sunt in eo, hoc est, particulares concupiscentias, quæ tanquam in columna impressæ

impreſſe inſculptæq; ſunt. Arnon autem ſunt hæ colum-
næ, quod interpretatur lux eorum, quoniam unaquæq;
res in cogitatione illustratur, mox incipit deplorare ar-
rogantem ſuiq; amantem intellectum: Væ tibi Moab ci-
uitas.] Si enim attendis ænigmata, quæ tibi inſidiantur
ueriſimili ſpecie, amiſiſti ueritatē. populus Chamos, hoc
eſt populus tuus & potentia, inuentus eſt cæcus & or-
batus luminibus. Chamos enim interpretatur, quaſi pal-
patio: quod uiſu carentis eſt proprium, horum filij qui-
dem ſunt particulares cogitationes exules: ſententiæ ue-
ro tanquam filiæ, quæ captiue adducuntur regi Amor-
ræorum, hoc eſt doctori loquentium: quia Amorræi in-
terpretantur loquentes, qui garrulum populum ſigni-
ficant, horum imperator ſophiſta eſt, callidus ad inueni-
dum ſermonum artiſcium: cuius loquacitate decipiuntur
qui tranſcendunt ueritatis terminum. Seon igitur corri-
pens rectam ueritatis regulam interiturus eſt unā cū ſua
ſemine: & Eſebon ænigmata illa ſophiſtica uſq; Debō,
quod intelligitur iudicatio: ualde accommodate. nam ue-
riſimilia probabiliaq; non habent ueritatis ſcientiā, ſed
iudicium & controuerſiam, contentionemq; litigioſam
ac peruiacem, & reliqua his ſimilia, nec ſatis erant in-
tellectui ſuæ propriæ peſtes intelligibiles, ſed & mul-
res amplius etiam accenderunt ignem, ſcilicet ſenſus, ex-
citato in eum incendio maximo, animaduerte quale ſit
quod dicitur, plerunq; noctu ceſſantibus omnibus ſenſi-
bus, de multis uarijsq; rebus cogitationes inſiſtentes
nobis incidunt, dum anima haud quieſcens à motu per-
petuo infinitas mutationes recipit. ad eam corruppen-

dam sufficiebant uel quæ ex ipsa gignuntur: nunc etiam sensuum turba inuexit in eam morborum ingentē multitudinē, ex rebus uisibilibus, ex uocibus, ex saporibus, ex uaporibus qui odoratu percipiuntur: quæ flamma ab his rebus excitata magis animam populatur, quam ea quæ in ipsa innascitur absq; ministerio instrumentorū sensitiuorum. Ex his mulieribus una est uxor Petephrae qui culinæ Pharaonis præerat, is quomodo uxorem habeat cum sit eunuchus dispiciendum. nam si uerba legis tractentur allegorice, offeret se hic dubitationis species. Eunuchus enim iste & coquorum præfectus, uidelicet mens quæ non simplicibus tantum, sed etiam superfluis utitur uoluptatibus, eunuchus uocatur sterilis sapiētiae, cum sit eunuchus non alterius quam dissipatoris bonorum Pharaonis, quandoquidem diuersa ratione optanda res uideri potest eunuchū fieri, si queat anima nostra euitato uitio affectus dediscere. Quapropter & Ioseph figura temperantiæ, uoluptati dicenti, Dormi mecū, & cum sis homo, humano more fruiere uitæ delicijs, contradicit his uerbis: Peccarem in deum amatorem uirtutis, si uoluptatis amator fierem. Malum est hoc opus. Et hactenus quidem uelitatur, mox strenue repugnat, quādo in domū suam ingressa anima, uiribus collectis indicit bellum rebus corporeis, & sua propria ut ad animam attentione operatur opera, non in ædibus Iosephi, nec in Petephrae, sed domi. Nec additur cuius domi, ut allegoriam perspicias, eā agere sua negocia, hæc domus est anima, ad quam ille recurrit relictis rebus externis, ut quæ interne dicuntur ibi fiant, continentis autem opera an nō

per dei uoluntatem existunt: nulla enim aderat alia cogitatio ex his quæ solent uersari in anima, nec tamen desinit uoluptas iugum quassare, sed apprehenso pallio iterat illud suum Dormi mecum, Protegitur autem uita cibo potuq; sicut corpus uestimentis. Sic igitur illa loquitur: Cur recusas uoluptatem, sine qua non potes uiuere? ecce teneo quæ illam faciunt, & pernego te posse subsistere, nisi utaris rebus talibus, sed quid ad hæc respondet uir temperans? Si seruiendū est, inquit, affectui propter eius causam materiam, extra affectum me propriam. Relicto enim in manu eius pallio fugit, & egresus est foras.] Dicat aliquis, & quis intrò egreditur? Nónne multi? an non sunt quidam qui fugiendo sacrilegium furati sunt ex priuatis ædibus? qui temperantes manibus à patre, pulsarunt alios? hi egrediuntur quidem unum peccatum, sed ingrediuntur aliud. atqui oportet ut perfecte temperans peccata fugiat omnia, maiora minoraq; & in nullo prorsus deprehendatur. Sed Iosephus ut homo iuuenis, qui non posset cum Aegypto corpore, scilicet uoluptate, contendendo sperare uictoriã, maluit fugere. Phinees autem sacerdos zelo dei correptus, non fuga sibi salutem quæsiuit, sed arrepto siromaste, hoc est ratione cum zelo coniuncta, non desistit prius quàm transfigat Madianitidem, scilicet naturam occultantem se in diuino choro: idq; per uulgam ipsius, ne unquam possit inde oriri stirps aut semē malitiæ. Quapropter excisa insipientia, duplex accipit anima præmiū, pacem atq; sacerdotium, cognata germanaq; bona. Talis igitur mulier audienda non est: loquor de sensu illo
sceles


scelerato. quoniā & obstetricibus bene fecit deus, quod mandato dissipatoris Pharaonis neglecto, masculos in uita conseruabant: quos ille interemptos uolebat, amator totius sexus fœminei: summam autem illam Causam nesciens, dicendo, Non noui eum. Sed alia mulier est audienda, qualis Sarra fuit, id est princeps uirtus: cui sapiens ille Abraham paret monēti quæ monere debebat. nam antea cum is nōdum perfectus, necdum mutato nomine astrologiæ daret operam: sciens eum non posse genere ex uirtute perfecti, consulit ut quærat sobolem ex ancilla, hoc est ex encyclopædia, uidelicet Agar, quæ uox inquilinam significat. Qui enim meditatur in uirtute perfecta domicilium habere, prius quàm inter ciues eius ascribatur, inquilinum agit in disciplinis encyclis, ut his adiutus ad perfectam uirtutem sinatur euadere. deinde cum uxor uiderit eum perfectum iamq; ad gignendum idoneum, quamuis ille gratus erga disciplinas per quas uirtuti commendatus fuerat, graue putat eis remittere nuncium, oraculo diuino mitigabitur dicente: Omnia quæcunque monuerit Sarra, audi uocem eius.] Vnicuiq; nostrum lex esto, quicquid uirtuti placet. nam si omnia quæcunque monet uirtus audire uoluerimus, felices erimus. Illud autem: Et comedisti de arbore de qua præceperam tibi ne comederes:] Perinde est ac si diceret: consensisti malitiæ quam debueras totis uiribus repellere, propterea maledicta, non tu, sed terra in operibus tuis. Quæ causa? Serpens ille uoluptas, elatio bruta animæ. hæc ex seipsa maledicta, soli utiq; malo accidit, ceterum bono nemini. At Adam intellectus est consti-

tutus in medio, qui iam melior inuenitur; iam deterior: quatenus enim intellectus est, nec boni nec mali naturam habet: sed uirtute uitioq; in melius deterius uemur: uti solet. merito igitur non ipse maledictus suo pte ingenio: ut qui nec uitium est, nec uitiosa actio: sed terra maledicta est in eius operibus. nam actiones totius animæ, quam terram uocauit, reprehensibiles culpabilesq; sunt, ut quisq; agit singulas, & ideo adiungit: In doloribus comedes ex ea.] Hoc est frueris anima cū molestia. Laboriose enim quicquid malus per omnem uitam animæ suauitatur, nullam habens causam lætitiæ, ad quam gignendam nata est iustitia prudentiaq; , cæteræq; sodales harum uirtutes. Ergo spinas & tribulos producet tibi.] Quid enim aliud nascitur in anima insipientis, nisi affectus pungentes eam uulnerantesq; , quos figurate spinas uocauit, in quos brutus impetus primos incurrit, & in eorum ordinem receptus, res animæ populatur ac corrumpit incendio. Sic enim loquitur scriptura: Quod si egressus ignis inuenerit spinas, & latius uagatus exarsit aream, aut spicas, aut campū, luet is qui ignem accendit.] Viden quod ignis egressus, scilicet brutus impetus, non accendit spinas, sed inuenit. Cum enim pronus sit ad querēdos affectus, quæ desiderabat inuenit, & his inuitis exurit ista tria: uirtutem perfectam, profectū, & bonam indolem. Virtutem cōparauit aream. sicut enim huius fructus comportatur, sic res honestæ in sapientis animam. spicis autem profectum: quia utrumq; imperfectū tendens ad finem suum. denique campo bonam indolem, quod hæc capax sit uirtutis seminum. singulare autem

autē uocauit tribulos: quia terni sunt, annumeratis cau-
 sis eorum & effectibus, ut uoluptas, uolupe, delectari:
 concupiscentia, concupiscitium, ipsum concupiscere:
 molestia, molestum, ipsum molestari: timor, terribile, i-
 psum timere. Et comedes herbam agri in sudore uul-
 tus tui.] Herbam uocat panem per synonymiam, rem
 eādem. herba bruti cibus est. brutus uerò malus, cui exe-
 cta est recta ratio. bruti quoq; sensus sunt, quamuis par-
 tes animæ. at mens cupida sensibilibus, per brutos sensus
 ea non sine labore ac sudore appetit. Est enim perquam
 arumosa molestaq; insipientis uita, consecretantis abligu-
 rientisq; quicquid uoluptatem parit, & effectus quos-
 cunq; maliciæ. Et quousq; tandem? Donec reuertaris in
 terram ex qua sumptus es.] Nunc uerò an non in terre-
 nis inconsistentibusq; censetur, ex quo reliquit cælestem
 sapientiam? Considerandum est igitur quonam reuerta-
 tur. fortasse quod dicit, tale quiddam est: quod insipiens
 mēs auersatur quidem semper rectam rationem: desum-
 pta est autem non è sublimi natura, sed de humiliore ter-
 renāq; materia. Est autem eadem siue maneat siue mo-
 ueatur, & eadem appetit. Ideò addit: Terra es, & in
 terrā reuerteris.] Quod idem est cum antedictis. Præ-
 terea significat hoc quoq;: Principium tuum & finis u-
 num idemq; est. Inchoatus es ex corruptibilibus terræ
 corporibus, finies rursus in illa, peracta interim uitæ
 uia, non publica, sed aspera, sentibus tribulisq; ad pun-
 gendum lacerandumq; natis obsita.

PHILONIS IV

DAEI, DE CHERVBIM ET
 Flammeo gladio, & de Cain, qui
 primus ex homine pro-
 creatus est.



T expulit Adamum, & colloca-
 uit ante paradysum uoluptatis:
 & constituit Cherubim & flam-
 meum gladium uersatilem ad cu-
 stodiendam uiam ligni uite.]
 Nunc dicit expulsus, quem mo-
 do emissum dixerat, non temere
 ponens hæc uocabula, sed sciens quam appositè ad res
 proprièq; disponat ea. Qui emittitur, redire non ueta-
 tur: quem autem deus expellit, is æterno damnatur exi-
 lio. Nam ei qui nondum ualde tenetur à malicia, datur
 reditus tanquam in patriam, ad uirtutem unde excide-
 rat, eum uerò qui uehementer obnoxius morbo insana-
 bili premitur, necesse est ferre sua mala, in omne æuum
 sine fine damnatum in loca impiorum, ut sustineat me-
 rum continuumq; infortunium. Quandoquidem & A-
 gar, per quam indifferens disciplina encyclicas ducens
 choreas intelligitur, uidemus bis quidem exisse à princi-
 pe uirtute Sarra, sed semel tantum reuersam per eadem
 uiam. quæ primum quidem ultrò profuga, non expulsus,
 reducitur, occurrète angelo, id est dei uerbo, in domum
 herilem. Iterum autem omnino expellitur, reditura nun-
 quam

quam. Causa autem & prioris fugæ, & posterioris æterni exilij reddenda est. Priusquam nomina mutarentur, hoc est priusquam heriles animæ in meliorem figuram transformarentur, dum Abram erat adhuc pater sublimis, circa cælestes orbes occupatus sideralemq; scientiã, quæ est præstâtissima pars mathematicæ ad naturæ contemplationem pertinens: Sarra uerò principatus meus (sic enim hoc nomen interpretatur) nondum generalis uirtus euaserat: genus autem omne est incorruptibile: sed iuxta particulares specialesq; istas censebatur, ut prudentiam quæ in me est, item fortitudinem, temperantiam, iustitiam: quæ sunt corruptibiles sicut ego ipse qui sum earum domicilium: tunc Agar, illa inquam indifferens disciplina encyclica, etiam si tetricum istud uitæ genus, quam uirtutis sectatores degunt, conetur effugere, reuertitur tamen ad relictos dominos, nondum ualentes ad generale illud incorruptibileq; fastigium uirtutis perungere: cuius uel medium tenere satis est, priusquam ad summum euaditur. At cum Abraham ex naturæ scrutatore factus sapiens & amator dei, nomine quoq; mutato præ se fert patrem electum soni: sic enim interpretatur: nã clare sonat sermo, cuius pater est intellectus compos uirtutis: Sara uerò pro principatu meo fit Sarra, quæ uox significat principem: quod perinde est atq; fieri è speciali corruptibiliq; uirtutem generalem & incorruptibilem: exoritur uerò & Isaac ille felicitatis filius: desinentibusq; muliebribus, & emortuis affectibus, succedit gaudium: puer quoq; non pueriles, sed diuinos lusus sectatur non absq; uirtute: tunc expelluntur illa rudimenta

dimenta disciplinarum, quæ nomine Agaris signantur, expellitur simul sophista filius, cui nomen Ismael. exulabunt autem in æternum, ipso deo confirmante exilij sententiam, dum iubet sapientem obedire dictis Sarrae. Dicit enim dicit: Ejce ancillam cum filio. Virtuti autem parere decet, præsertim auctori talis sententiæ: quia perfectissimæ naturæ à mediocribus habitibus plurimum differunt: & sapientia alienissima est à sophistica. nam hæc circa paraturam credibilium uersatur, quibus falsas opiniones & perniciosas astruat. Sapientia uero per meditationem ueritatis, cum utilibus cogitationibus, adfert rectæ rationis scientiam. Quid igitur mirum si Adami quoque intellectum occupatum imprudentia morbo insanabili, omnino deus expulit è uirtutum regione nunquam rediturum? quando & omnem sophistam, & matrem eius disciplinam istorum rudimentorum profligat & expellit à sapientia, quibus Abraham & Sarram facit nomina. Tunc & flammæ gladius & Cherubim contra paradysum collocantur. Dicitur autem contra esse, uel quod inimicum et infestum est, uel quod iudicandum, ut reus coram iudice: uel quod cognatum, quando collationis causa & diligentioris considerationis aliud ponitur contra aliud, sicut pictores fictoresque tabulas statuasque ad exemplaria conferunt. exemplum contrarium infestorum est in Cain, quando dicitur: Exiuit à facie dei, & habitauit in terra Naid contra Edem. Interpretatur autem Naid commotio, Edem deliciæ. illud maliciæ concutientis animam signum, hoc uirtutis priuationem affectuum afferentis & delicias, non illum prurum

ritum uoluptatis affectionis brutissimæ, sed magna cum facilitate gaudium tranquillum expersq; laborum. Necessesse est autem ut ab imaginatione dei digressa cogitatio, cui bonum commodumq; erat fulciri, nauis in salo iactatæ more, uentis inter se conflictantibus, ultro citroq; feratur, patriam domumq; nacta agitationem: quod quidem maxime pugnat cum firmitate animæ, quam conciliat gaudium, Edem nominatum. Oppositionis autem quæ fit propter iudicium, exemplum habetur de muliere suspecta adulterij. Statuet, inquit, sacerdos mulierem contra dominum, & reteget caput eius.] Hæc quid sibi uelint explicabimus. Quod fieri debet, sæpe fit non ut debet: & quod non est officium, interdum fit officiose. Quale est cum depositum redditur, non bono animo, sed aut in detrimentum accipientis, aut insidiosè: ut comparata semel fide occasio captetur abnegandi maius depositum: tunc officium non officiose fit. Ediuerso quoties ægroto non dicit uera medicus, purgaturus eum aut secuturus aut uisurus propter ipsius utilitatem, ne forte metu doloris fugiat medicinam, aut ob imbecillitatem linquatur animo: item quoties sapiens mendacio fallit hominem propter salutem suæ patriæ: ueritus ne si uera prodatur, uires addat aduersarijs, inofficiosam rem facit officiose. Ideoq; præcipit Moses: Iuste iusta exequere.] Quasi etiam iniuste proferatur iusta sententia, si bonus animus non adsit iudici. Ergo quoniam quicquid dicimus aut facimus liquet omnibus, animus autem quo dicimus quæ dicimus & facimus quæ facimus ignotus est, nec compertum habetur sit ne sanus purusq; an pollutus

tus morbis uarijs: quòd nemo natus queat occultas cogitationes perspicere, sed solus deus, attestante Mose dicenteq; , Occulta domino deo, aperta creaturis, nota esse: præcipitur sacrae diuinæq; rationi, ut animam contra deum statuât reuelato capite, hoc est reiecto præcipuo decreto animi, quod quasi caput cæterorū sit, nudataq; sententia cum qua consueuimus, ut in conspectu acerri-
mo dei iudicis incorrupti examinata, aut coarguatur fa-
stuosæ simulationis tanquam nummus improbus: aut im-
munis ab omni malicia diluat obiectas calumnias, freta
teste qui solus potest nudam animam inspicere. Contra-
rium igitur quod iudiciale diximus, tale est. Illud uerò
quod attinet ad similia & quodammodo familiaria, de
sapientissimo illo Abraham dicitur: Adhuc, inquit, sta-
bat contra dominum. moxq; argumentum familiarita-
tis subiungitur: quòd accedens alloquitur eum. Nam a-
lieno abscedere semoueriq; , familiari uerò propius acce-
dere cōuenit. stare autem immutabilemq; obtinere men-
tem, propè ad diuinam potentiam accedit. quia in deum
immutabilitas, in creaturā mutabilitas naturaliter com-
petit. Si quis igitur natiuam suam procliuitatem amore
scientiæ refrenans, cogit eam stare, deo iam propinquus
agnoscat felicitatem suam. Cæterum Cherubim & igneo
gladio contra paradisum habitatio conuenienter assi-
gnatur, non tanquam hostibus locum oppugnaturis, sed
tanquam familiarissimis amicissimisq; : ut ex aspectu con-
templationeq; , mutua nunquam intermissa, innascatur
utrisq; potentijs desiderium mutuum, aspirante his uo-
lucrem caelestemq; , cupidinem deo benignissimam. Quid
autem

autem per illa Cherubim & uersatilem gladium igneum
subindicetur, iam consideremus. Quid si hic totius cæli
circumferentiam cogitari uult? nam cælestes orbis ha-
bent motus inter se contrarios: quorum alter dextror-
sum fert fixa sidera, alter sinistrorsum erratica. sed exti-
mus ille orbis fixarum stellarum unus est, qui ab oriente
ad occidentem uoluitur: interiores autem septem, erra-
ticarum uidelicet, quorum cursus simul coactus & uo-
luntarius, duos motus habet inter se contrarios. coactus
quidem qualis fixorum siderum, quæ quotidie uidemus
ab oriente in occidentem tendere: proprius autem à ue-
spertinis cæli partibus ad matutinas: qui uariat tempo-
ra circuitus, et ad idem signum reditus septem siderum,
quòd quædam ex his decurrant pariter, sol, lucifer, &
quem stilbontem nominant. Tres enim hi pari celeritate
sunt. Quædam uerò impariter, sic tamen ut certam pro-
portionem respectumq; seruent & inter se inuicem, &
ad illa tria reliqua. atq; ita intelligitur alterū ē duobus
Cherubim extrema illa uniuersi cæli circumferentia, in
qua eodem semper modo diuinas reuera choreas fixæ
stellæ agitant, nunquam deferentes ordinem, quem pa-
ter conditorq; tenere eas in mundo uoluit. Alterum ue-
rò interior orbis, quē ab initio septifidum fecit opifex,
distinctum in septem certis proportionibus inter se re-
spondentes circulos, quibus suus cuiq; planeta insertus
est: quibus tamen opifex non commisit habenas, ueritus
ne male regerent, sed uniuersas à seipso pendere uoluit,
ratus sic maxime cōcinnum motū fore. Quicquid enim
eum deo fit, merito laudandum est: sicut quicquid sine
deo

deo, uituperandum. Hic unus modus est quo Cherubim intelliguntur allegoricè. Ceterum de gladio uersatili & igneo sic intelligendum, ita significari motum eorum & uniuerſi cæli perpetuum. Quid autem ſi & aliter hæc accipiantur? ut duo Cherubim ſignificent utrumq; hemiſphærium. aiunt enim ea habere obuerſas in ſe inuicem faciès, arcam propiciatoriam utrinq; ſpectantia: quandoquidem & hemiſphæria ex aduerſo ſpectant ſe inuicem, prona in terram ſitam in uniuerſi meditullio, per quod etiam dipeſcuntur. at illa ſola omnium mundi partium firmiter ſtans, appoſitiſſime à priſcis egiptia, ſeu ueſta nominata eſt: ut circū aliquid ſtabiliter fixum utriuſq; ſeniorbis concinniſſima fieret circumuolutio. igneus uerò gladius ſolem ſignificet. nam cum ſit gladius flammeus, nihil eſt eo corrente uelocius, adeò ut una die circum totum mundum rotetur. Quin & doctius quiddā audiſſe memini à mea anima, quæ nonnunquam diuino ſpiritu correpta, ſolet ne ſibi quidem nota prodere oracula: quod, ſi reminiſci potero, dicam. Dicebat autem mihi: ſecundum unicum illum uerum deum eſſe duas ſupremas primariasq; poteſtates, bonitatem & potentiam. & bonitate quidem uniuerſa eſſe condita: potentia uerò, creaturas omnes gubernari. Tertium uerò conciliatorem amborum medium eſſe ſermonem ſiue rationem. Hoc enim ſermone deum & bonum eſſe & principem. itaq; harum duarum poteſtatum, principatus bonitatisq; hæc Cherubim eſſe ſymbola: ſermonis aut flammeum gladium. uelociſſimus enim & calidus ſermo eſt, præſertim Cauſæ illius ſummæ: quia & tēpore præuenit omnia

omnia, & ante omnia intelligitur, & elucet in rebus omnibus. Proinde utriusq; Cherubim ô mēs formam excipe non adulterinā, ut de Causæ summæ bonitate ac principatu euidenter edocta, fructum felicem capias. mox enim cognosces immortalium illarum potentiarum coniunctionem contemperationemq;: quatenus deus bonus est, elucente nihilominus maiestate: quatenus princeps, eminēte hic quoq; bonitate: ut uirtutes quæ inde nascantur acquiras, humanitatem pietatemq;: neq; prosperitate insolescens, memor illius maiestatis regie: neq; in aduersitatibus desperans, affulgente spe meliorum, per bonitatem magni benigniq; dei. Igneus autem ideò gladius dicitur, quia requiritur hic unā cum actionibus sermo feruens & igneus, qui nunquam moueri desinit, prope rans semper expetendo bona, fugiendoq; contraria. An non uides quod & sapiens ille Abraham quando incipit iuxta deum metiri omnia, nihil creaturæ tribuēs, accipit ad ignei gladij similitudinem ignem & gladium, resecare ac exurere quicquid mortale habebat cupiens, ut expedita cogitatione sublimis ad deum euolaret? At Balaam ille, id est uanus populus, inducitur inermis defertorq; militiæ, imperitus belli quo anima sibi parat scientiam. sic enim alloquitur asinam, hoc est brutum uitæ propositū, cui omnis insipiens insidet: Si gladium haberē, iam te transfixisē. Gratia maxima cōditori, qui sciēs imprudentiæ rabiem, nō dedit tanquā furenti gladium, uerborum facultatem, ne quoscūq; obuios magna clade conficeret. Sed qualis Balaā, talis unusquisq; nō perpergatus, semper inaniter culpā, negotiatoriam puta, aut
rusti-

rusticam, aut aliam quamuis facultatem uictus parandis donec fausta omnia contingunt, gaudens uestigatione hærensque iumcto, nec putans bonum commodumque interquiescere: quin et monentes ut desistat et imponat modum suis cupiditatibus, propter futuri temporis incertitudinem, inuidos appellat, negans eos monere bono animo. Vbi uero accidit inconsulta infelicitas, eosdem ipsos ut bonos uates miratur, quibus nemo melius futura conijciat: culpam autem calamitatis auertit in artes innoxias, agriculturam, negotiationem, aliaue studia, in quibus lucri causa uersatus fuerat. Ille uero quamuis uocis instrumentis careant, re ipsa erumpunt in clamorem longe clariorem quam qui per linguam fit, dicentes: Annò, ò sycophanta nos sumus illæ, quibus tanquam iumentis infidebas elata ceruice? nòsne còtumacia nostra in presentem calamitatem te coniecimus? Vide resistentem ex aduerso dei sermonem armatum, qui solet bonum malumque definire. non uides? quid igitur nunc nos culpas, quas prius dum res ex sententia succedebant, non accusasti? eramus enim eadem, ac ne tantillum quidem mutatae sumus, tu uero corrupto iudicio sine ratione turbaris atque trepidas. si enim ab initio persuasum habuisses, quod non studia quaecumque bonorum malorumque causa sint, sed qui est ad clauum gubernator rerum omnium sermo dei, facilius hos casus ferres, nosque calumniari desineres, nec ascriberes nobis quæ non sunt in nostra potestate. Ille si inimicitijs depositis, et tristibus tuis cogitationibus dispulsis, pacatam uitam tibi promiserit, hilaris gaudensque manum nobis iniiciet, quæ semper nos

stri sumus similes. Ceterum nos neq; fauore tuo infla-
mur, neq; iram tuam magnificimus. Sumus enim nobis
consciæ, quod nec bonorum nec malorum causa, sicut tu
suspicias, sumus. nisi forte mari quoq; uel prosperas na-
uigationes imputas uel fortuita naufragia, & non po-
tius uentorum diuersitatibus, nunc molliter, nunc uehe-
mentissimo impetu spirantium. Cum enim omnis aqua
suapte natura quieta sit, quoties secundus uentus à pup-
pi aspirat, omni rudente moto, plenis uelis naues in por-
tum inferuntur: quoties autem repente aduersus à pro-
ra incubuit, multam iactationem ac strepitum excitat. in-
terdum etiam subuertit nauigium: & tamen innoxio ma-
ri crimen hoc ingeritur, cum satis appareat remissione
uehementiaq; uentorum aut fluctus aut tranquillitate
fieri. Atq; ita iam satis declaratum existimo, quod natu-
ra quæ rationem auxiliatricem ualidissimam homini ad-
didit, eum qui hac potest uti, felicem merito reddidit, ut
uerè rationalem: eum uerò qui non potest, brutum atq;
miserimum. Adam uerò cognouit uxorem suam, quæ
concepit & peperit Cain illum, dicēs: Possedi hominem
per deū. & apposuit parere Abel fratrem eius.] Quo-
rum uirtuti legislator testimonium reddidit, eos non in-
ducit uxores suas cognoscere, ut Abraham, Isaac, Iacob,
Mosem, & siquis eorum similis. Quoniam enim dixi-
mus per mulierem figuratè sensum intelligi, alienatione
autem à sensu & à corpore comparatur scientia, à sa-
pientie amatorib; sensum potius improbari quàm eligi
ostendetur. & fortasse non immerito. quæ enim cum his
cōuenerūt in matrimoniū, uerbo sunt uxores, re autem
Philo. to. i. m virtutes

uirtutes. Sarra princeps & dux. Rebeca cōstantia in ho-
 nestis. Lia fatigata propter cōtinuatam exercitationem,
 quam deuitat auersaturq; omnis insipiens. Sephora ue-
 rò Mosi cōiunx, à terra sursum in cælum currens, et di-
 uinas illic felicesq; naturas considerans. uocatur autem
 auicula. Ceterum ut uirtutum cōceptus partusq; edisse-
 ramus, superstitiosi discedant obturatis auribus. diuina
 enim mysteria tradimus his qui talibus sacris digne ini-
 tiati sunt: hoc est, qui ueram & minime fucatā pietatem
 colunt cum modestia. illos autem haudquaquam ad hæc
 sacra admittimus qui tenentur morbo insanabili, fastu
 uerborum, & nominum copia, et præstigijs ethnicis, his
 tantum rebus sanctitatem metientes non alijs. Exordie-
 mur autem hæc mysteria sic. Vir cum muliere, homo ma-
 sculus cum homine scemina liberorum procreandorum
 causa iunguntur naturaliter. cum uirtutibus uerò quæ
 multa perfecta pariunt, non est fas mortalem uirum con-
 gredi: quæ tamen nisi à quopiam alio geniturā excipiant,
 ex seipsis nunquam erūt grauidæ. Quis igitur his homi-
 nibus indit semina, nisi omnium pater, ingenitus deus, ipse
 gignēs uniuersa: hic igitur seminat, moxq; genimē suum
 proprium quod seminauit, elargitur. nihil enim sibi ipse
 gignit, cum nulla re opus habeat: sed omnia in usum acci-
 pientium. nūc adducam horum testem idoneum Mosē
 illum sanctissimum. Sarram enim inducit tunc prægnan-
 tem, quando deus eam solitariam inspicit. parere autem
 hanc non ei qui ipsam inspexit, sed studioso sapientie,
 qui nominatur Abraham. id apertius docet in Lia, di-
 cens uulnam eius apertam à deo: quod uiri est pro-
 prium

prium. at illa post conceptionem peperit, non deo qui
 solus ipse sibi sufficit: sed iacob illi qui laborem propter
 honestatem suscipit. atque ita fit ut uirtus à summa illa
 Causa concipiat semina, pariat autem unicuique à suis
 amatoribus, quem sibi ex omni procorum numero se-
 legerit. Rursum sapientissimo Isaac deum rogante, ex
 rogato perseverantia quæ uocatur Rebeca concipit. at
 absq; supplicatione & precib. uolucrè illam sublimemq;
 uirtutem Sepphoram Moses assumens, inuenit ex nullo
 mortali grauidam. hæc ô mystæ purgati aures, tâquam
 uerè sacramenta animis uestris percipite, nō effutienda
 apud quenquam profanum: recondite hæc intra uos &
 tanquam thesaurum seruate, in quo non aurum argen-
 tumq; res corruptibiles sitæ sunt, sed uerarum possessio-
 num pulcherrima, nimirum de Causa illa summa, de uir-
 tute, deq; foetu ex ambobus nato scientia. quod si in ali-
 quem initiatū incideritis, urgete eum precibus, ne fortè
 uos cælet aliquod recētius mysterium, donec illud extor-
 queatis. Ego enim quamuis apud amicum dei Mosén ma-
 gnis initiatus mysterijs, tamen quia rursum Ieremia pro-
 pheta conspecto, cognoui eum non solum tenere myste-
 ria, sed posse docere quoq; nō grauatus sum scholā eius
 frequentare. ille uerò utpote diuino plenus spiritu, ora-
 culum quoddam edidit ex persona dei sic ad placidissi-
 mā uirtutem loquentis: Nonne tanquam domum me no-
 minasti, & patrem, & uirū uirginitatis tuæ? manifestū sibi
 me docens, quod deus & domus sit, incorporearū idea-
 rum incorporeus locus: & uniuerforum pater. ut qui ea
 genuit: et sapiētiae uir, semē felicitatis in usum mortalium

iaciens in bonam terram uirginem. Decet enim impol-
lutam, intactā puramq; & uerē uirginem naturam cum
deo colloqui, longē diuerso modo quā apud nos fit. ho-
mo enim quando liberos sibi querit, ex uirginibus red-
dit mulieres. at deus quando incipit cum anima habere
consuetudinem, eam quæ modo mulier fuerat, restituit
in uirginitatem pristinam: quandoquidem sublati dege-
neribus, & minime uirilibus cupiditatibus quibus effœ-
minata fuerat, generosas & integras uirtutes in earum
locum substituit. Sarræ igitur non antē consuescet, quā
illi desinant omnia muliebria, ita ut reuertatur in pristi-
num castarum uirginum ordinem. fieri tamen potest ut
& uirginis anima lasciuiis affectib. polluta deturpetur,
ideò firmū certumq; manet oraculum, quod dicit deum
uirum non uirginis, hæc enim mutabilis et mortalis est,
sed uirginitatis, scilicet idæ, quæ semper est sui similis.
cum enim generatio & corruptio naturæ ordine cadat
in res mortales, illæ archetypæ potentiæ istarum rerum
fictrices particularium, immortalitatē suā sorte adeptæ
sunt. Et non decebit deum qui est ingenuus & immuta-
bilis, uirtutum immortalium semper uirginum idæ se-
minare in uirginem transformatam ex muliere? Cur igi-
tur ô anima cū debeas in dei domo uirginitatē seruare,
& sciētia cōplecti, his neglectis sensum cōplecteris effœ-
minantem te & pollutentem? itaq; paries partū totū ui-
tiosum ac perniciosum, illum fratricidā execratū Cain,
possessionem non possidendam. uocatur enim Cain pos-
sessio. Cæterū mirari posset aliquis narrationis modum,
quo sepe in multis legislator utitur præter uulgatā con-
suetudinem

ſuetudinem. Poſtquam enim dixit de terrigenis, narraturus de primo nato ex hominibus, de quo haëtenus nihil omnino dixerat: quaſi iam ſæpe eum nominaſſet, ac non nunc primum infereret eius nomen ſuis uerbis, peperit Cain illum, inquit. Quemnam ô ſcriptor, de quo antea nihil uel paruum uel magnum ſignificaſti? atqui nō ignoras conuenientem diſpoſitionem nominum. certe procedente ſermone, de eadem perſona dicturus es: cognouit Adam Eua uxorem ſuam, & peperit filium, uocauitq; nomen eius Seth. An non igitur multo magis oportebat loquendo de primogenito, qui erat principium ſucceſſiue generationis hominum, primo ſexum recens nati declaraffe quod erat mas. deinde proprium nomen adungere, puta Cain, aut quodcunq; quoniã igitur non quaſi neſciens quomodo nomina ponēda ſint, in mētione Cain uidetur diſceſſiſſe à conſuetudine, conſiderādum quā ob cauſam ſic nominarit natos è primis parentibus, obiter magis quā modo quo ſolemus narrare impoſitionem nominum. eſt autem, quantum equidem conijcere poſſum, cauſa hæc. Reliquum uulguſ hominum nomina imponit rebus diuerſa ab ipsis rebus: ut aliud ipſæ ſint, aliud ſonēt earū uocabula: apud Moſen uerò nominum impoſitiones maniſeſtiſſime res ipſas indicant, ut res neceſſario in nomen abeat ſine ulla differentia. Quod dico diſces clariuſ ex ſubiecto exemplo. Quando intellectus (uocetur hic Adam) incidēs in ſenſum per quem uiuere uidētur animalia (uocetur hæc Eua) cupidine uictus cōgreditur: illa uerò concipit tanquam caſib. & uenatur naturaliter externa ſenſibilia, per oculos colorem, per

aures uocem, per nares uaporē, saporem per gustus instrumenta, per totum corpus quæ tanguntur: tunc prægnans facta mox parturit, paritq; maximum animæ malum arrogantia. arrogat enim sibi ceu proprias possessiones, quicquid uidit, quicquid audiuit, quicquid gustauit, quicquid olfecit, quicquid tetigit, credens se horum omnium inuentricem & artificem. id autem ei nō absq; ratione accidit. erat enim fortasse aliquando tēpus quando intellectui nihil erat cum sensu negocij, neq; habebat sensum, multum remotus à rebus istis gregalib. & unā uersari solitis, ipse similis solitarijs animalibus in secessu degentibus. tunc sanè cum seorsum censeretur, nō tangebatur corpus, ut qui careret instrumento quo externa capteret. sed erat cæcus & impotens, non sicut uulgo nominant cum uident orbatum oculis: hic enim uno sensu priuatus, reliquis abunde fruitur: ille autem omnib. sensitiuis potentijs mutilatus, reuera impotēs erat dimidio animæ mulctatus, egenus uirium quæ natæ sunt ad apprehendenda corpora, misera portio separata à sua cognata, carens sensitiuis instrumentis quibus uice scipionis uacillans sustentaretur. quapropter multis tenebris pressos habens oculos, nihil cernere poterat. carebat enim sensu per quem res dignosceret. Volens igitur deus non solum incorporearum rerum, sed et solidorum corporum comprehensionē ei præbere, expleuit totam animam, iam ante factæ portioni attexens alteram, quā nominauit appellatiue quidem mulierem. propriè uerò Euam, sensum subindicans. quæ ut primū nata est, per singulas sui partes ceu per quædam foramina magnā uim lucis

lucis infudit, quæ intellectum subintraret: atq; ita caligine depulsa effecit, ut clarè manifesteq; uideret naturas corporum tanquã dominus. ille uerò quasi post noctem solis splendore perfusus fulgido, aut è profundo somno excitus, aut quasi cæcus repẽte uisu recepto, intuebatur omnes simul creaturas, cælum, terrã, aquam, aerem, stirpes, animantes, habitus earum, qualitates, uires, sexus, affectus, motus, actiones, efficacias, mutationes, corruptiones: & quædam uidebat, quædã audiebat, quædã gustabat, quædam tãgebat: ad alia procliuior, scilicet uoluptatem afferentia, ab alijs alienior, ut dolorẽ inducentibus. Ergo cum circumspexisset circa se omnia, cõtemplatus seipsum suamq; potetiam, ausus est gloriari sicut aliquãdo Alexander rex Macedo. nam & illum aiunt, cum uellet ex Europa bellum inferre Asiæ, opportuno inter utramq; loco stantẽ, lustratis aspectu circa se omnib. dixisse, & hæc & hæc mea sunt, puerili plebeiaq; leuitate animi, nõ pro maiestate regia, sed longè ante intellectus sensitiuã uim nactus. et per eam potitus omnib. ideis corporis, repletus irrationali fastu intumuit, ut oĩa se possidere crederet, alios nihil omnino. Hunc in nobis morem exprimens Moses, addidit Cain possessionem interpretari, stultitiæ uel potius impietatis plenum. Cum enim debuisset dei possessionem omnia credere, suam existimare maluit, ne sui quidẽ satis compos, imò ne suã quidẽ sciẽs essentiam. Attamen confidit sensib. tanquam idoneis ad captanda externa sensibilia. Dicat igitur quomodo oculis, auribus, aliõue sensu nõ errare poterit. atqui necesse est his singulos nostrum labi falliq; cõtinuè, etiãsi nobis

contingant horum instrumenta absolutissima. Naturales enim noxas & errorem inuitis sese ingerentem omnino effugere difficile, atq; adeo impossibile, cum infinita falsas opiniones excitantia sint & in nobis & circa nos & extra nos, passim in uniuerso mortali genere occurrunt. Ergo insanit cum suam possessionem existimat omnia, quanquam sibi erecta ceruice placet. Sicut Iacob opinor ualde risit Labanem addictum qualitatibus, ipse magis contemplator naturæ expertis qualitatum, quando ille ausus est dicere: Filia meæ & filij mei & pecora mea, & omnia quaecunq; uides, mea sunt, & filiarum mearum. Nam iste ad singulas uoces illud meum accimēs, nō desinit de seipso loqui magnifice. Itāne filias (sunt hæ artes scientiæq; animæ) tuas ais esse filias? Dic quomodo? annon primum ab intellectu eas edoctus habes? deinde sic natus es ut eas sicut cætera possis amittere, uel propter aliarum curarum magnitudinem oblitus, uel propter diuturnas molestasq; infirmitates corporis, uel propter destinatum senibus morbum incurabilem, ipsum senium, uel propter infinita alia, quorum iniri non potest numerus. Quid filios (hi sunt particulares ratiocinationes animæ) cum tuos ais, sobriusne es an insanis cum tali opinione? certè atra bilis, deliratio, mentis alienatio, cōiecturæ incertæ, & imaginationes rerum fallaces, inanesq; quædam cogitationes somniorum similes quibus uelimus nolimus distrahimur, adhæc coalitus animæ morbus obliuio, multaq; præterea, non sinunt te esse firmum rerum dominum, & declarāt, omnia esse alterius, non tua. Quid de pecoribus? quæ sunt sensus brutum
enim

enim quiddam & pecunium sensus est. hæcine audes
 tua dicere? amabò cum secus uides, secius audis plerūq;
 interdum salios succos dulces esse iudicās, & contrā dul
 ces amaros, & per omnes sensus sæpius falleris quàm re
 ctè iudicas, non erubescis? sed tanquam nunquam erra=
 res ulla ui aut actione animæ, superbia fastuq; intume=
 scis? Quod si mutatus ad meliorem ut decet mentem re=
 dieris, dices à deo possideri omnia nō à te, cogitationes,
 scientias, artes, contemplationes, particulares ratiocina
 tiones, sensus, operationes animæ quas uel cum his ope=
 ratur uel sine his. Quod si perges absq; pædagogo magi
 stroq; uiuere, per totam ætatem feres graues dominas,
 arrogantias, concupiscentias, uoluptates, iniustitias, im=
 prudentias, falsas opinionones. Dicit enim: Si respondeat
 seruus, Contentus sum domino meo & uxore mea com
 munibusq; liberis, nolo esse posthac liber: adductus ad
 tribunal dei, iudicante ipso ferenteq; sententiam, habe=
 bit quod postulauit, perforata primum auricula, ne ex=
 audiat dei uerba de libertate animæ. Est enim hominis
 reiecti uelut è sacro certamine reprobatiq;, & planè
 puerilis cogitationis, iactare amorem domini, & intel=
 lectum habere pro hero atq; benefactore, iactare item
 amorem sensus, cumq; inter præcipua sua bona posses=
 sionesq; censere, natosq; inde pueros: ex intellectu cogi
 tationes, ratiocinationes, coniecturas, consilia: ex sensu,
 uisum, auditum, gustum, odoratum, tactumq;, & com=
 munem sentiendi uim. Neesse tamen est his adductum
 nullo teneri libertatis desiderio. nam per horum fugam
 ab alienationeq; potimur immunitate. rursus alius qui=
 m s dant

dam præter charitatis affectū etiam insaniam præ se fe-
rens sic loquitur: Quod si quis rapuerit, tanquā de pro-
prijs certabo, & per uim recipiam. Persequendo enim,
inquit, comprehendam, diuidā spolia, explebo animam
meam, & interficiam gladio meo, & praeualebit manus
mea. Hunc libenter sic compellarem: Nescis fatue, quod
quisquis natus putat se persecutorem, alium persecuto-
rem habet. morbus enim, senectus, mors, aliaq; turba uo-
lentium nolentiumq; malorum unumquemq; nostrum
exagitat, circumagit atq; persequitur: & qui se putat
prehendisse tenereq;, comprehensus tenetur. Nec deest
qui prædam sperans, & eius portiones sibi pollicens,
præda fit ipse redactus in alienam potestatem, esuriem
pro saturitate, & seruitutem pro dominatione admit-
tens in suam animam, & interemptus dum alium uult in-
terficere, & prorsus omnia passus quæ intentabat alijs.
erat enim iste reuera omnis rationis & naturæ aduersa-
rius, omnia quæ sunt agentis usurpans sibi, patiēdi pror-
sus immemor, quasi extra omnem aleam positus. Sic e-
nim insensus loquitur: Persequendo comprehendam.
Quis igitur posset esse infestior animæ hostis, quā qui
per iactantiam quæ dei sunt sibi usurpat: certē deo pro-
prium est facere, nec fas est id ulli creaturæ ascribere.
proprium autem creaturæ pati. quod quisquis ut pecu-
liare necessariumq; præceperit animo, facile feret casus
uel grauissimos. contrā si alienum à se putarit, oppressus
mole intolerabili, Sisyphiam poenam sustinebit, ne caput
quidē ualens attollere, sed ab omni occurrente aduersita-
te obtorto collo abreptus, præbēsq; se cuiq; obnoxium
propter

propter degeneres effœminatosq; affectus animæ. De-
buerat enim sufferre atq; resistere, & obfirmare mentē
communitam septamq; suis potentissimis uirtutibus, for-
titudine ac tolerantia. Quemadmodū igitur tonderi du-
plex est, alterum genus præbens se & accommodans, al-
terum tantum sustinens: pecus enim aut tergus aut uel-
lus nihil ipsum agens, sed patiens solummodo tondetur
ab alio: homo uero adiutans tonsorem gestuq; se accom-
modans, & agens simul atq; patiens: ita tundi quoq; ali-
ter uerberoni seruo accidit uapulanti meritò, aut inge-
nuo propter maleficium in rota extēso, aut in animæ rei
cuipiam: tunduntur enim lapides, ligna, aurum, argen-
tum, aliæq; materiæ, quas fabri in suis officinis aut conci-
dunt aut dilatant in laminas. Aliter autem athlete pugi-
latu certanti, aut pancratio amore coronarum & uicto-
riæ. hic enim illatas plagas utraq; manu discutit, & cer-
uice huc illuc reducta ius euitat: nonnunquam erectus in
summos pedum digitos & attollens se, aut cōtra submit-
tens atq; contrahens, eludit frustraturq; aduersariū, qua-
si cum umbra pugnantem: mancipium uero aut ferrum
nihil agens inuicem, iniuriam omnem sustinet ad uolun-
tatem alterius. talem igitur affectum nūquam in corpus
admittamus, multo minus in animam: sed potius illum
contrarium, quandoquidem mortalem pati necesse est:
ne tanquam effœminati, fracti dissolutiq; ante tēpus defi-
ciamus per imbecillitatem uirtutum animæ, sed robusti
neruos mentis, possimus impendentia mala leuiora red-
dere. Quoniam igitur satis declaratum est, neminē mor-
talem habere ullius rei stabile certumq; dominium: quos
autem

autem uulgus dominos uocat, opinione magis quàm reuera esse dominos: & necessum est ut subditum ac seruum, ita rectorem in hoc uniuerso esse ac dominum; reuera princeps ac imperator unus deus habendus est, què decet hæc uox: Omnes res meæ sunt. Videamus nunc què magnifice diuinequ; de his scriptura loquatur: Omnia, inquit, mea sunt. Hæc autem sunt dona, munera, oblationes, quas, inquit, mihi offeretis semper in meis festis diebus. Valde aperte docens, quod in rebus aliæ mediocri gratia dignæ sunt, quæ uocantur munera: aliæ maiore, quæ uocantur dona proprie: aliæ sunt eius generis, ut non solum fructus proferant uirtutum, uerumetiam totæ refertæ sunt aptis ad uestendum fructibus, quibus solis anima contemplatrix alitur. Hæc quicumqu; didicit, potestqu; conseruare in mente atqu; custodire, irreprehensibile pulcherrimumqu; sacrificium offeret deo, scilicet fidem, idqu; non in festis istis mortalium. habet enim sua festa, decreto nixus summe necessario philosophiæ solaribus. est autem hoc: Solus deus uere festum agit. solus enim gaudet, letatur, hilaritate pacequ; fruitur ab omni bello semotissima. Præterea timoris expers, nihil cum malis habens commercij, nemini cedit, non dolet, non lassatur, plenus felicitate sincerissima. ipsius natura perfectissima, imò ipse fastigium est extremaqu; linea felicitatis ac perfectio, non egens alio per quem fiat melior, sed ultro omnib. particularia bona ceu è fonte impartiens. Nam quæ in mundo sunt bona, non essent tantalia, ni ad archetypi illius uere boni, ingeniti, beati incorruptibilisqu; similitudinem facta fuissent. & ideo sabbatum,

tu, quod interpretatur quies, dei esse Moses dicit in multis legis locis, non hominum, attingens philosophiā necessariam. Quod enim in rebus quiescit, si uera fateri oportet, nihil præter deum est. Requiem autem nō oculis uoco: est enim suo pte ingenio actiua Causa illa omnium, nunquam desinens à faciendis rebus pulcherrimis: sed operationem illam quæ sine labore fationeque fit cū facilitate maxima. Solem enim & lunam & uniuersum cælum mundumque, cum non sint sui iuris & in potestate propria, & moueantur feranturque cōtinue, fas est dicere laborare: cuius laboris argumentum liquidissimū extat in annuis horarum sue temporum quatuor uicibus. Nam & ea quæ in cælo sunt amplissima suos motus uariant, iam septentrionales, iā austrinos, iam alios atque alios cursus facientia: aer quoque frigus æstus & omni modam admittens temperiem, ex suis affectionibus laborare deprehenditur: quoniam generalissima mutationis causa est fatio. Stultum autem esset de terrestribus aquaticisque; prolixius agere, memorando uniuersales particularesque horum mutationes. hæc enim uerissime est multo magis quam sublimia illa imbecillitati obnoxia, ut quæ multum ultimæ istius terrenæ essentiae habeant. Ergo quoniam quæ mutantur propter fationem mutari solent, deus autem mutari uertique non potest, naturam habet infatigabilem. quod uero non debilitatur, etiam si faciat omnia, id in æternum non desinit quiescere. Itaque soli deo maxime proprium est requiescere. Demonstravi autem, etiam festum agere ipsi conuenire. Solius igitur summæ Cause & festa sunt & sabata.

bata, hominum autem nullius omnino. I si libet contem-
plare celebritates nostras cantatissimas. omittatur quæ
apud barbaras simul & Græcas nationes per occasio-
nem figmētorum fabulorum aliæ aliàs institutæ sunt,
in nullum alium finem quàm uanitatem pomposam fa-
stuosamq; uix enim tota etas hominis suffecerit ad dili-
genter excutiendas inconsistentias quæ insunt singulis.
de præstantioribus tātum pauca pro ratione temporis
libet dicere. In omni festo nostro & celebritate quæ mi-
ramur sunt hæc: securitas, remissio, quies ab inferendis
iniurijs, ebrietas, potatio, comessatio, deliciæ, oblecta-
menta, patentes ianuæ, pernoctationes, indecentes uolu-
ptates, quotidianæ nuptiæ, insolentiæ, exercitium intem-
perantiæ, insipientiæ meditatio, studia turpitudinis, ho-
nestatis perniciēs, nocturnæ excitationes ad cupidita-
tes inexplebiles, somnus diurnus, quando uigilandi tem-
pus est, naturæ ordinis peruersio. tunc uirtus ridetur ut
noxia, uitium tanquam utile rapitur. tunc in cōtemptu
sunt quæ oportet facere: quæ uero non oportet, in pre-
cio. tunc musica, philosophia, & omnis eruditio, diui-
næ animæ diuina reuera simulacra tenent silentium. at
istæ artes quæ suis lenocinijs uentri & his quæ sub uen-
tre sunt uoluptatem conciliant, ostentant suam facun-
diam. hæc sunt festa istorum qui se felices dicunt. quorū
turpitudine quamdiu intra priuatos parietes locaq; pro-
fana continetur, minus peccare mihi uidentur: ubi uero
torrentis in morem populans omnia, uel in sacratissima
templa irrumpit, quicquid in his sanctum est sternit cō-
tinuo, faciens pro osana sacrificia, uictimas absq; litatio-

ne, preces irritas, profana itē mysteria simul & orgia,
pietatem sanctitatemq; fucatam & adulterinam, casti-
tatem impuram, ueritatem falsatam, cultum dei super-
stitiosum. adhuc corpora quidem abluuntur lauacris &
purificationibus: affectiones uero animæ quib. uita sor-
didatur, nec uolunt nec curant eluere. Et ut candidati tē-
pla subeant dant operam, diligenter emaculatis amicti-
uestibus: mentem uero maculosam in ipsa sacraria peni-
tissima inferre non uerentur. Item si quam pecudem ani-
maduertant parum integro corpore, eiiciunt extra pu-
rificatum aspersione templi spaciū, nec patiuntur ad-
duci ad altaria, quāuis inuita & per uim mulctata sint
parte aliqua corporis: ipsi consauciati animas morbis
grauibus, quos eis inflixit impotens malicia, uel potius
mutilati castratiq; membris præcipuis, prudentia, forti-
tudine, iustitia, alijsq; quarū humana natura capax est
uirtutibus, & admissis sponte noxis, tamen audēt sacris
operari, rati oculum dei tantum externa inspectare ad-
iutū luce solari, non etiam occulta æque atq; aperta con-
spicere, ut qui intra semet lucem habeat. eius enim Qui
est oculus luce aliena non eget ut res percipiat: sed cum
ipse sit splendor archetypus, infinitos emittit radios, quo-
rum nullus est sensibilis, omnes autem intelligibiles. &
ideo solus intelligibilis deus eis utitur, ex genitis uero
nemo. Quod enim genitum, id sensibile: intelligibilis ue-
ro natura sensu non percipitur. ergo quoniam inuisibi-
liter subit has nostras animas, paremus ibi locum ita ut
debet futurum dei habitaculum. quod nisi fecerimus, clā-
migrabit in aliam domum, quæ uidebitur edificata me-
lius.

lius. si enim quoties reges excipiendi sunt, magnificentius excolimus aedes proprias, nihil negligendo quod ad ornatum pertineat, sed omnia benigne ac liberaliter adhibemus ut hospitium quam iucundissimum respondeat dignitati hospitum: regi regum & huius uniuersi mundi rectori deo, comitatis atque humanitatis causa dignato suam creaturam inuifere, & à summo caelo ad terram ut generi humano beneficia sua conferret degresso, qualem tandem domum oportet instrui? Absit enim ut lapideam ligneam ue, quod uel dictu nefas est. Nam etiamsi tota terra aurum, aut siquid auro preciosius, repetere fieret, moxque per opificum artes in porticus, uestibula, aulas, areas, aedesque sacras impenderetur, ne scabellum quidem eius pedibus posset fieri. dignum tamen eo domicilium anima est, modo sit idonea. Ergo quia domum in terris animam inuisibilem inuisibilis dei dicimus, recte legitimeque loquimur. quæ ut fiat firma & ornatissima, fundamenta eius iaciantur, generosa indoles & institutio, quibus uirtutes honestæque actiones superstruantur. Eius ædificij prima ornamenta sunt præexercitationum ad encyclopædiam pertinentium tractatio. Nam bonam indolem sequitur sedulitas & memoria: institutionem uero discendi facilitas & attentio, quasi quædam radices arboris à qua mites fructus in futurum expectantur, sine quibus absolui mentem est impossibile. Cæterum ex uirtutibus earumque actionibus munimentum firmum atque securum accedit ædificio, ut quicquid animam ab hostestate dimouere alienareque conatur, nihil contra tantam munitionem ualeat efficere. à disciplinis autem encyclicis

elictis pendet totus ornatus animæ, quæ sunt quasi quædam dealbationes, picturæ, tabellæ, marmoratæ incrustationes, quibus non parietes solum, sed & pavimenta ornantur, & id genus alia, nihil ad firmitatem conferentia, sed tantum ad delectationem inhabitantium. Eodem modo & encyclopædia totam animalem domū illustrat ornamentis varijs. grammatica quidem dum poetarum scrutatur carmina, & priscorum gesta consecratur in historijs. geometria uero proportionem æqualitatem asserens: & quicquid in nobis enorme, immodicum, incōtinuum est, per rhythmos, mensuras modulusq; musicæ & ciuilis recurans. Rhetorica autem uerborum gravitatem examinans, & quibusuis rebus elocutionem accommodans, pronunciationemq; ac uim mouendorum affectuum: præterea laudationes cæterasq; uoluptates quas facunda sonoraq; lingua excitare solet adhibens. Tali domo instructa apud mortale genus, bene sperandum est terrestribus omnibus, expectandumq; fore ut in eam descendant diuinæ potentie. illæ uero celitus leges iuraq; ferentes aduenient, ut eam consecrent dedicentq; iuxta iussa atq; uoluntatem patris ipsarū. Deinde de communicata mensa uictuq; cum animabus uirtutis amatricibus, seminant in eis felicem progeniem: sicut et sapienti illi Abraham gratiam hospitij retulerunt perfectissimam, Isaac filium. nihil enim purificatam mentem maiore afficit letitia, quàm quòd dominum habet, quæ agnoscit regem rerum omnium. Nam seruire deo, maxima est gloriatio, non modo libertate maior, sed & diuinijs, & principatu, & omnibus rebus quas mortales mō

rantur preciosior. Eius autem qui Est potentiam uere testatur oraculum illud: Et terram non addices in perpetuum: mea enim est uniuersa: quoniam aduenæ & inquit uni uos estis coram me. An nō manifestissime docet, ius possessionis omnium rerum pertinere ad deum, usum uero solum ad creaturam? Nihil, inquit, in perpetuum cuiquam creaturæ uenditur, quandoquidem unus est dominus, totius creaturæ possessor proprius ac perpetuus. utendas enim concessit deus creaturas omnes omnibus, qui nullum indiuiduum perfectum fecit, quod non utique opus habeat alio: ut propter ea quæ cupit, accedat necessario ad illud quod exhibere potest, & illud uicissim ad hoc, & utrumque ad alterum. sic enim futurum erat per huiusmodi commercia, ut in lyre morem quæ constat è tonis dissimilibus, in communem conuenirent consonantiam, dum mutuum dant & accipiunt, atque ita omnia permutantur omnibus ad uniuersi mundi complementum. Conuenit enim animatis cum inaninis, brutis cum rationalibus, stirpibus cum hominibus, feris cum pecudibus, immansuetis cum cicuribus, masculo cum scemella, et uicissim cum mare scemina: & ut compendio dicam, terrenis cum aquatilibus, his cum aeriis, uolucris cum prædictis generibus. adhæc terra amat cælum, hoc uicissim terram, aer aquam, aqua uentum: mediæ naturæ se inuicem & extremas, extremæ medias & se inuicem: hyems certe æstatem, æstas hyemem, uer utramque, sicut hoc ipsum amore autumnum prosequitur, ita ut singula singulis cara sint, & (ut uerbo dicam) omnia omnibus, propter usum mutuum, ut uniuersum hoc cuius partes

tes ista sunt, absolutum opus existat, dignum mundi opificis. sic igitur his compositis sibi omnium uindicauit dominium: usum fructum uero distribuit suis subditis, ut se ipsis uterentur, & alij alijs inuicem. utimur enim & nobis ipsis, & omnibus quæ circa nos sunt. Equidem constitutus ex anima & corpore, qui mentem, rationem, sensum habere uideor, nihil horum meum peculiare inuenio. ubi enim erat meum corpus antequam nascerer? quò discessurum post obitum? ubi sunt quæ aliquid uidentur ætatum differentiæ? ubi infans, puellus, puer, ephebus, adolescentulus, uestitus prima lanugine, iuuenis, perfectus uir? Vnde uenit anima, quò discessura? quamdiu nobiscum habitatura? quænam eius essentia? possumus nec dicere, quando eam accepimus? ante natiuitatem? sed tum nondum eramus. post mortem? sed tum non erimus. Cōcreta ne sunt corporibus? at sic deuoluemur ad redituas natiuitates. an non sunt? certe nunc cum uiuimus imperata facimus magis quam imperamus, & noscitur magis quam noscimus. nouit enim nos ipsa nobis incongnita, & mandata dat quæ exequi necessum est quasi famulos dominæ: & ubi nos relinquere uoluerit ac migrare ad suum illum principem, desertum destituet hoc in quo uiuimus domicilium: & retinere si uoluerimus, elabetur. Habet enim naturam tenuium partium, ut nullam ansam præbeat corpori. Quid intellectus qui in me habitat, fallax coniector, erroneus æstimator, delirans, stultescens, demens interdum in excessu & atra bili & longo senio? At sermo mihi peculiaris adest, aut uocis instrumenta? Nōn ne ad quemuis morbum lingua deficit?

nōn ne uel eloquentissimum os obturatur? Nōn ne mul-
 ti expectatione mali alicuius attoniti nequeunt hiscere?
 Atqui ne sensus quidem dominus comperior, et bonum
 si non seruus, ab eo per uim tractus, ad colores, ad figu-
 ras, ad uoces, ad odores, ad sapores, ad cetera corpora.
 Per quæ omnia liquere satis puto, nos alienis uti posses-
 sionibus, nec gloriam possidendo, nec diuitias, nec hono-
 res, nec imperia, nec aliud quicquā uel corpori uel ani-
 mæ proprium, imò ne uitam quidem. usum fructum ha-
 bemus solum: quod si agnosceremus, curaremus tanquā
 res dei, præcogitantes morem esse domini recipere sua
 quodcumq; ipsi uisum fuerit. Sic enim ademptas ferre-
 mus leuius. Nūc pleriq; omnes dum existimant hæc sua
 esse ac propria, priuati quoque eorum & egētes mox
 opprimuntur mœstitia. Est igitur nō solum uerum, sed
 etiā ad consolationem utilissimum, credere mundum
 hunc & quæcumq; continet, esse creatoris ita possessio-
 nes sicut opera. sed hæc quoq; opera sua elargitur do-
 minus, quod his opus non habeat. qui autem his utitur,
 non possidet ea: quia herus unus omnium & dominus
 est, qui rectissime dicit: Mea est uniuersa terra: ac si di-
 ceret: omnis creatura mea est: uos autem aduenæ & in-
 quilini coram me. Collati enim omnes mortales alij ad
 alios, indigenæ censentur & patricij, æquo iure utentes
 & paribus munij. Quod si ad deum conferantur, pro
 inquilinis erunt & aduenis. nam unusquisq; nostrū tan-
 quam in nouam ciuitatem uenit in mundum hūc, cuius
 ante natiuitatem ius non habuerat: postquam autem ue-
 nit, inquilinus est, donec assignatum sibi uitæ tempus

exantlauert. Simulq; introducitur dogma sapientissimi-
mum, quod solus dominus deus ciuis est: omnis aut crea-
tura inquilina & aduena. qui uero dicuntur ciues, per
abusum nominis magis quam uere sic appellantur. do-
num autem gratuitum sufficit sapientibus uiris ad solum
ciuem deum collatis, quod in aduenarum & inquilino-
rum ordinem recepti sunt: quoniam insipientium nemo
aduena aut inquilinus in dei ciuitate inuenitur, sed om-
nes inde exulant: sicut pro sententia superius pronuncia-
tum est. Venditione, inquit, non uendetur terra: nec ad-
didit à quo non uendetur, ut hoc ipsum quod filetur, ad
scientiam proficiat initiato physiologiae mysterijs. Inue-
nies igitur, si omnes consideres, eos quoq; uendere ma-
gis quam donare, qui gratis largiri dicuntur: & quos pu-
tamus gratuito accipere, eos reuera emere. Nam qui dà-
do captant laudem aut honorem, dum querunt reddi si-
bi gratiam, specioso donationis nomine uenditione præ-
texunt: quando & uenditores suarum rerum solent ac-
cipere precium. Qui uero admittentes dona, cogitant red-
dere, & prima quaq; occasione reddunt, idem quod em-
ptores faciunt. Nam illi ut accipere norunt, ita & red-
dere. At deus non uenditor est, æquum precium rebus
suis statuens, sed donator omnium, perennes gratiarum
fontes profundens, nullam permutationem cupiens. Nā
nec ipse indiget, nec quisquam natus potest accepta re-
pendere. Ergo quandoquidem omnium confessione om-
nia dei possessio sunt, quod tum rationibus uerissimis tū
testimonijs certissimis euincitur: attestantur enim ora-
cula quæ Moses in sacras literas retulit: improbāus est

intellectus, qui quod ex coitu cum sensu natum est, suam
 peculiarem possessionem ratus, uocauit Cain, dixitq;
 Possedi hominem per deum.] Hic quoq; falsus. at quā-
 obrem falsus? Quia deus causa est non instrumentū. At
 quod nascitur, per instrumentum quidem, sed utique ex
 causa producitur. Nā ut gignatur aliquid, multa opor-
 tet concurrere: à quo, ex quo, per quod, propter quod.
 à quo causa est: ex quo, materia: per quod, instrumen-
 tū: propter quod, finis. Agendum enim, si quis roget, do-
 mus & urbs quæ uis ut condatur, quot nam res oportet
 præsto esse: nonne opificem, lapides lignaq;, & instru-
 menta? quid igitur aliud est opifex quàm causa à quo?
 quid lapides lignaq;, quàm materia ex qua fit ædificiū?
 quid instrumenta, nisi per quæ? iam propter quid nisi
 tectum & securitatem, quæ causa finalis est. transi nūc
 à priuatis ædificijs ad illam domū siue urbem maximā,
 id est mundum, & hanc quoq; similiter considera, inue-
 nies auctore eius deū, à quo factus est: materiā uero qua-
 tuor elementa ex quibus temperatus est: instrumentum
 porrò uerbū dei per quod est conditus: cæterū finalem
 causam cur cōderetur, benignitatē ipsius opificis. sic de-
 cernūt amatores ueritatis, & studiosi ueræ sanæq; sciē-
 tiæ. illi uero qui aiunt se per deū acquisiuisse aliquid, eū
 qui auctor est, instrumentū esse putant, id uero quod in-
 strumentū est, putāt esse auctore scilicet intellectu huma-
 nū. eadem sanè ratione recte Ioseph quoq; coarguitur,
 dicēs per deū contingere somniorū intelligentiā. debue-
 rat enim dixisse à deo ut auctore, explicationem obscuro-
 rū diffusionēq; conuenientē fieri. nos enim instrumenta
 sumus

sumus operationum particularium, qui iam intendi=
mur, iam remittimur. artifex uerò qui pulsat uires tum
corporis tum animæ, à quo mouentur omnia. eos igitur
qui rerum differentias non possunt discernere, ut indo=
ctos, debemus denuo docere: eos uerò qui contentiose
confundunt significatorum ordinem, tanquam litium
cupidos fugere. ceterum eos qui singulas uoces exami=
nando suum cuiq; locum conuenientem sciunt attribue=
re, laudare decet ut exercentes se in uera sinceraq; phi=
losophia. proinde Moses populum timentem ne fortè ab
illo pessimo persecutore deleteretur ad internecionem sic
alloquitur: State & uidete salutem à domino,
quam faciet uobis: docens quòd non per
deum, sed à deo ut autore salu=
tem consequimur.

PHILONIS IV

DAEI, DE SACRIFICIIS

Abelis & Caini.



T apposuit parere fratrem eius.] Appositio unius, subtractio est alterius, sicut particula- rum in arithmetica, sic ratiocinationum in anima. proinde si Abel apponi dicitur, Cain subtrahi censendus est. Ne autem uerborum nouitas multis obscuritatem afferat, philosophiam quæ hic subest diligenter quantum potero conabor excutere. Duas opiniones esse constat contrarias inter se pugnantibus. altera menti nos permittit ascribere omnia, ut auctori cogitandi, sentiendi, mouendi, sistendi, altera deum sequitur, cuius sumus opificium. prioris illius figura est Cain, qui interpretatur possessio, eo quod sibi uideatur possidere omnia: posterioris uero Abel. refertur enim ad Deum. ambas igitur opiniones partitur una anima: quas mox natas discerni separarique necessum est: quandoquidem tam insensas inter se habitare unam non est possibile. Ergo quamdiu anima pium illud dogma, scilicet Abelem non peperit, amator sui Cain cohabitabat cum ea. postquam autem illa confessionem summe illius cause peperit, mentem quæ sibi sapiens uideatur non magnificiebat amplius. id euidentius apparebit in eo quod tolerantie Rebeccæ redditum est oraculo. hæc enim

enim ubi duas inter se pugnantibus naturas boni maliq;
 concepit, & de utraq; multum diuq; cogitauit monitu
 prudentia, tandem subsultantes animaduertens, & iam
 ceu uelitantes præludentesq; futuro prælio, supplex
 deum rogabat: dignaretur docere quid hoc mali esset,
 quòdue huius remedium. Qui sic respondit: Duæ gen-
 tes in utero tuo sunt. nam accidens hoc natiuitatem bo-
 ni maliq; significat. Verum & duo populi è uentre tuo
 discedent. Hoc remedium est, ut discedant separenturq;
 ab inuicem, nec amplius simul habitent. ergo postquam
 deus bonum dogma Abelem apposuit animæ, subtraxit
 ei opinionem absurdam, scilicet, Cain. nam & Abra-
 ham relictis mortalib. apponitur ad dei populum, fruës
 immortalitate, & factus similis angelis. nam angeli ex-
 ercitus dei sunt, incorporeæ felicesq; animæ. Iacob quo-
 que ille uirtutis meditator eodem modo apponitur ad
 melius, quando reliquit deterius. at Isaac seipso præce-
 ptore scientiam adeptus relinquit quidem & ipse quic-
 quid corporale attextum fuerat eius animæ: apponitur
 autem & consors sit non, ut priores, quos dixi, populo,
 sed generi, sicut Moses ait. genus enim unū est illud sum-
 mum, populus autem multitudo nominatur. quotquot
 igitur per cognitionem disciplinarum proficiendo per-
 fecti sunt, apponuntur ad sortem plurium. nec enim par-
 uus numerus est eorum qui ex auditu & doctrina di-
 scunt, quos nominauit populum. qui uerò humana do-
 ctrina relictæ, ingenium deo doctori excolendum com-
 miserunt, sine labore scientiam affecuti, migrant ad in-
 corruptibile genus & perfectissimum, accipientes sor-

tem meliorem quam in natiuitate, in quorum Isaac censetur sodalitus. significat autem & alium talem intellectum immortalem. Sunt etiam aliqui quos deus altius promouet, & euolantes super omnes species omniaque genera prope seipsum collocat, sicut Mosi quoque dicit: Tu uero hic sta mecum. itaque moriturus non deficit nec apponitur sicut priores, utpote nec appositionem nec subtractionem admittens, sed ex uerbi illius causalis autoritate migrat, per quod uniuersus mundus est conditus: ut discas quod sapientem illum eodem quo mundum honore deus dignatus est, per uerbum quo condidit omnia, perfectum uirum ad se traducendo a terrestribus. Quin & cum in terrenis eo utebatur negocijs, non principis aut regis communem aliquam uirtutem indidit ei, per quam is exercet potestatem in affectus animae: sed deum eum constituit, totam corporis regionem ducemque eius intellectum subiiciens ei iubensque seruire. inquit enim: Do te deum Pharaoni. in deum autem nec subtractio cadit nec appositio, cum sit plenus & semper sibi ipsi par. ideoque nemo sepulchrum eius scire dicitur. quis enim est idoneus ut cogitatione comprehendat migrationem perfectae animae ad eum qui est? equidem opinor ne ipsam quidem, cui migrare contigit, scisse quanto meliora sortiretur, quippe quae tunc correpta erat numine. nam deus cum alicui benefacit, non utitur eius consilio: sed inexpectata beneficia solet porrigere liberaliter. Tale quiddam est apponere deum natiuitatem boni ad perfectam mentem. id bonum sanctitas est, cuius nomen Abel. Et factus est Abel pastor pecorum, Cain autem operabatur terram.]

Cur quamuis maiorem natu Cain dixerat, nunc transponit ordinem; iunioris prius mentionem faciens in ostendendo uitæ proposito: erat enim probabile, grandioris prius aggressum agriculturam, ac tum demum iunioris suscepisse curam pecorum. at Moses non uerisimilia credibiliq; sed meram ueritatem consecatur: & quando cum deo colloquens liberè negat se uerbis polle re, hoc fortasse dicit, nō esse sibi studium uerborum probabilium: idq; accidisse sibi heri & nudius tertius, ex quo deus incepit cum ipso colloqui tanquam cum famulo. Nam qui in huius uitæ tempestatem iactationemq; inciderunt, necesse habent rapi huc illuc, nullam firmam tenentes scientiam, sed pendentes à uerisimilibus ac probabilibus. Dei uerò cultorem decet adherere ueritati, & uerborum cōiecturalium fabulosisatibus extremum uale dicere. Quæ igitur est in præsentī quæstione ueritas & uirtutem à uitio antiquitate quidem superari, uirib. autem ac dignitate præpollere. ergo quando de amborum natiuitate agitur, Cain procurrat prior: quando uerò conferuntur, & examinantur utriusq; studia, Abel præcedat. nam à prima statim natiuitate & ab ipsis fascijs, usq; dum iuuenilis ætatis affectuum flāma deferueat extinguaturq; , anima collactaneas habet, imprudentiam, intemperantiam, iniustitiam, metum, ignauiam, aliasq; cognatas pestes, quarum singule educantur augenturq; à nutrice & uictus ratione, per mores atq; leges pietati quidem infestas, superstitionem uerò impietatis germinam adstruētes inducentesq; . ubi uerò quis pubertatem ingressus est, & affectuum cōcutientium morbus se remisit

misit, tanquam uentis cessantib. incipit in tranquillitate
 legere, uix tandem cōstabilitus in uirtutis firmitudine,
 quæ continuo sibi succedentem quassationem, grauissi-
 mū animæ morbum mitigauit. atq; ita uitium iuxta tem-
 poris prærogatiuam fit antiquius. iuxta dignitatem ue-
 rō, honorem atq; gloriam, uirtus est potior: cuius rei le-
 gislator ipse testis fide dignus est. cum enim induxisset
 Esau illum cui nomen est ab imprudentia, antiquiorem,
 natu minori, nomē habenti ab honesto exercitio tribuit
 prærogatiuam generis. at ille non prius eam statuit acci-
 pere, quā, sicut in certamine, aduersarius deuictus ma-
 nus porrigat, præmia coronamq; cedens ei qui bellum
 sine inducijs caduceatoribusq; gerit cum affectibus. Cō-
 cessit enim, inquit, ius primogenituræ Iacobo, nimirum
 fassus, quod quæ uim habent primatus & uirtutis sunt
 præmia, nullius mali sunt, sed amatoris sapientiæ: sicut
 tibia lyraq; & cætera instrumēta musica solius sunt mu-
 sici. de hoc autē dogmate extat etiam lex scripta admo-
 dū pulchrè atq; utiliter. Si habuerit homo uxores duas,
 unam dilectam, & alteram exosam, genuerintq; ei libe-
 ros tam exosa quā dilecta: & fuerit filius exosæ pri-
 mogenitus: quacunq; die uoluerit substantiam inter fra-
 tros diuidere, non poterit filium dilectæ facere primoge-
 nitum, & præferre filio exosæ: sed filium exosæ agnos-
 cet primogenitum: dabitq; ei de his quæ habuerit cūsta
 duplicia. iste est enim principium liberorum eius, et huic
 ius primogenitorum debetur.] Cognosce ô anima, &
 discite quēnam sit ista exosa, & quisnam iste filius exosæ,
 moxq; scies quod alteri nemini, sed huic soli debetur ius
 primogenitum.

primogenitorum. Nam duæ cum singulis nobis cohabitabant uxores, inimicæ infestæq; sibi inuicem, animalem domum replentes æmulationis contentionibus. Harum alteram diligimus, quam putamus mansuetam, mitem, amicissimam nobis & familiarissimam. hæc uocatur uoluptas. Alteram uerò odimus, rati essetiam, immitem immanis mansuetamq; & nobis insensissimam. hæc uirtus nominatur. sed illius formosæ, & modis omnibus expetite uoluptatis magna mysteria quis ignorat mortalium? eorum uerò thesaurorum qui penes uirtutem sunt bonitatem magnitudinemq;, quis eloqui pro dignitate ualeat? norunt qui sunt eorum iam participes, discunt etiam quibus natura est propitia, uocati ad cōuiuium, in quo non uenter expletur uoluptatibus corpus in crassantibus; sed in quo mens pasta & choreas ductans cum uirtutibus, gaudens libensq; hilaritate perfruitur. propterea quod dudum dixi, uera bona ex seipsis naturaliter uocem mittere etiam si sileant, nunc omitto, nec loquar de eis prolixius. nam nec sol nec luna opus habent interprete, qui nos doceat, ab altero interdium, ab altera nocte mundum uniuersum illustrari: sed ipso splendore fidem uel absq; teste faciunt oculis, certiorib. quàm sunt aures rerum iudicibus. Quid autē in uirtute nos maximè offendant difficultatis specie, nunc liberè proloquar. nam hoc imaginationem quandam primo congressu nobis incutit, cum metu difficultatis cōiunctam: sed assuetudo rem ostendit esse iucundam, cuius utilitatem ratio mox indicat. ceterum labor, inter præcipua bona numerandus, bellum cum uoluptate gerit perpetuum. hunc enim, si uerum dicendum

cedit est, omnis felicitatis omnisq; uirtutis principium hominibus deus declarauit, sine quo nihil honestum apud mortales esse inuenies. nam sicut sine luce uidere non possumus, quia nec colores nec oculi ad uidendum sufficiunt: hanc enim ceu uinculum natura præparauit, quo coaptaretur colori oculus: nam in tenebris neuter suam uim exerit: Eodem modo animæ oculus, nullam uirtutis actionem potest attingere, nisi à labore ceu luce adiutus. hic enim inter mentem & bonum quod mens desiderat medius, illud una ex parte, hanc ex altera trahens ad se, utraq; manu amicitiam concordiamq; conciliat, atq; ita bona perfecta efficit. opto tibi bonum quodlibet, inuenies eius possessionem labore parari confirmariq; pietas quoq; & sanctitas bona sunt, sed nisi deum colamus non possunt nobis contingere. cultus autem hic cum pertinaci labore coniunctus est. prudentia, fortitudo, iustitia, pulchra omnes & inter perfecta bona censende, non facile obueniunt. Atq; utinam uel assidua cura parari possint. Non possunt instrumenta animæ ferre familiaritatem cum uirtute & deo, ceu quandam intensam uehementemq; harmoniam: proinde remissa laxataq; sæpius, tanquam à summis artibus descendunt ad medias. Superest tamen magnus labor uel in medijs, considera studiosos omnes artium quas alij encyclias, alij liberales nominant: considera agricolas, & qui uictum quacumq; ratione queritant: hi nec interdiu nec nocturnis sunt uacui: sed semper & ubiq;, ut uulgus loquitur, manibus pedibusq; & omnibus uiribus laborare non desinunt, adeo ut immoriantur plerumq; suis nego-

cijs. Sed sicut qui animam conantur reddere sibi propriam, necessario colunt uirtutes animæ: ita qui cupiunt frui prospera ualetudine corporis, curare debent sanitatem, & id genus uires eius cæteras: quas certè curant irrequietis laboribus, qui solliciti sunt de potentijs ex quibus contemperati sunt. Vides igitur omnia bona è labore tanquam radice pullulare, quæ negligere haud unquam sustineas: alioqui non senties te cum eo cumulum bonorum negligere. Nam rector cæli mundiq; & habet & præbet bona quibuscunq; uult magna cum facilitate: & qui tantam mundi molem sine labore iam olim ab soluit, ne nunc quidem in eodem statu eam continere desinit: quippe cui non defatigari maxime conuenit. Mortali autem nemini adipisci bona sine labore datum est: ut sic quoq; eminentem dei felicitatem prædicemus. eundem existimo laboris cibiq; eandem esse uim. Nam sicut à cibo tota uita pendet una cum suis actionib. & affectionib. ita etiam à labore pendet quicquid in rebus bonum est. ergo quemadmodum qui uitam sibi prorogare cupiunt, alimenta non negligunt: ita quotquot quæ bona sunt concupiscunt, laborem magnificent. sicut enim cibis se habet ad uitam, sic labor ad honestatem: qui cum sit unicus, caue illum posthabeas, ut per eum potius bonis simul omnibus. atq; ita quamuis ætate iunior, habebis grandior, & iure primogenitorum dignior. quod si usq; proficiens ad finem perueneris, non solum quæ primogenito debentur, sed uniuersam suam substantiam pater tibi largietur, sicut Iacob illi supplantanti bases affectuum, qui accepta beneficia confitendo dicit:

Miseræ

Miseratus est mei deus, & adsunt mihi omnia, dogma nobis erudiendis proferens. omnia enim in dei miseratione sita sunt. id quod ex institutione Abraham aui sui didicit, qui sapientissimo Isaac dedit sua bona omnia, nihil ex his reliquum faciens spurij nec recta stirpe prognatis, sed ex una alteraq; concubina cogitationibus: quibus ut paruis parua dona dat. nā bona eius, scilicet perfectæ uirtutes, solius legitimi perfectiq; filij possessio sunt. medij uerò generis officia uel imperfectis conueniunt, qui usq; ad liberales disciplinas progressi sunt, quæ ad Agar & Cheturam pertinent: quarum illa inquilinam, hæc suffitum significat. nam qui soli encyclopædiæ dant operam, inquilinus non ciuis est sapientiæ, tanquam sua ueolentiam quandam aspirans animæ per hanc contemplationem. atqui cibus non odoribus ei ad sanitatem opus est. odoratus uerò minister gustui, tanquam rei prægustator, à natura datus dicitur rerum architecta omnium. atqui præpositorum maior quàm subiectorum semper ratio habenda est, & indigenarum scientiarum potius quàm inquilinarum. His auditis intellectus auersatus uoluptatem adiungit se uirtuti, ubi pulchritudinem eius non fucatam, sed genuinam & quæ sanctitatem deceat animaduertit: ac tum demum fit pastor pecorum, uidelicet brutarum uirium animæ, atq; etiam auriga gubernatorq; nō sinens eas ferri errabundas nullo ordine, carētes duce ac præposito: ne quasi in orbitate quadam destitute tutoribus & auxilio priuatis, non aberrent solum, sed & pereant. ergo excitator ille sui, conueniens uirtuti opus aggressus est, cum sustinuit pascere Laban's pecora

pecora, intenti in colores formasq; & in anima utiq; cor-
 pora, ac ne hæc quidem omnia, sed residua. id autem
 quid est? duplex brutorum genus est. alterum destitutum
 ratione iudicandi, quales demêtes uocamus. alterum in-
 totum ratione priuatum: quales brutæ animantes sunt.
 illos igitur irracionales impetus, uires, inquam, rationis
 expertes, filij Labanis iter trium dierum secedendo cu-
 rant: quæ figura est uirtutis per omnem uitâ derelictæ.
 Tripartitum enim tempus est, diuisum in præteritum,
 præsens atq; futurum. Alio modo dicuntur irrationalia,
 quæ non recta modo, sed omni prorsus ratione ca-
 rent, quo in numero sunt pecora: quæ exercitator ille
 cura sua dignabitur, sic cogitans, ea peccare non mali-
 cioso animo, sed per ignorantiam ex praua institutione
 contractam. Ergo ignorantia leue malum quod inuitis
 obrepit, facile habet remedium, disciplinam uidelicet.
 Calliditas autem morbus animæ uoluntarius, ægrè uel
 potius nunquam sanatur & repellitur. itaq; à sapien-
 tissimo patre docti filij, etiamsi in dissipatorem bono-
 rum Pharaonem inciderint, qui uidetur rex animalis
 noscentis discrimina, nihil perculsi apparatu regio, fa-
 tentur se pastores pecorum: nec tantum se, uerum pa-
 tres quoq; suos. atqui alius uix principatû potentiamq;
 ita iactaret, ut hi uiri uitam pastoriciam. Si quis tamen
 rem pro dignitate ualeat expendere, maius regno est
 hoc negocium, posse tanquam ciuitatem aut regionem,
 corpus sensusq;, & uentris uentriq; subiectarum par-
 tium uoluptates, ceterosq; affectus, & linguam aliq;
 ex quibus constamus, nunc moderari constanter atq; for-

titer, nunc æquanimiter in uiam ducere. oportet enim scicut aurigam subiugalibus nunc remittere habenas, nunc in terga retrahere, quoties plus satis efferuntur impetui & rectorem parum audiunt. proinde admiror Mosem legiferum, qui præclaram existimans artem pastorum, ipse tractauit hoc negocium. Præfuit enim Iothoris gregibus dicam an dogmatibus, abducens ea à uulgaribus reipub. studijs in solitudinem in qua nulla fit iniuria. ducebat enim pecora in desertum. unde sequitur ut omnis pastor pecorum abominatio sit Aegyptijs. Rectam enim rationem gubernare solitam ac præcipere odit omnis amator affectuum: sicut deterrimus quisq; puer odit præceptores ac pædagogos, & omnem bonum monitorem castigatoremq;. At Moses ait se abominationes Aegypti sacrificaturum deo, scilicet uirtutes immaculatas decentissimasq; hostias, quas abominatur omnis insipiens. Itaq; merito Abel quicquid optimum est refert ad Deum, pastor uocatur: Cain autem qui ad se ipsum & intellectum proprium, terræ operarius. Quid uerò sit terram operari, in præcedentibus libris declarauimus. Et factum est post aliquot dies, obtulit Cain de fructu terræ donum domino.] Duplex seipsum amantis crimen. Vnum quod post aliquot dies, non continuo gratias egit deo: alterum quod de fructu obtulit, non de primo fructu, quas uocamus primitias deriuatiuo nomine. utriusque rei causam scrutemur, prius eam quæ præcedit ordine. oportet eos qui boni aliquid faciunt prouolare ante alios, & incunctanter amoliri impedimenta omnia. Est autem optimum opus
summi

summi illius primarijꝫ; boni placatio sine cessatione dilationeꝫ; ideo præceptum extat: Si uoueris uotum, non cunctaberis id reddere. Votum igitur est petitio boni alicuius à deo: mandatum autem, ut uoti compos coram offerat deo, non sibi, idꝫ; sine mora, si fieri potest. in hac re qui peccant, alij per beneficiorum obliuionem gratiarum actione se priuant qua nihil preciosius. alij uerò per nimiam arrogantiam seipsos autores bonorum suorum existimant, non illum uerum autorem rerum omnium. Tertij leuius peccant quàm proximi, grauius tamen quàm primi. hi sua bona referunt quidem ad autorem deum, sed aiunt se suo merito ea consequi. esse enim se prudentes, fortes, temperantes, iustos, & ideo dignos censendos diuina gratia. Horum singulis resistit sacra scriptura, ac primò illum qui abolita memoria indulget obliuioni his uerbis alloquitur: Heus tu, caue ne edendo saturatus, & extructas pulchras ædes inhabitans, auctusꝫ; gregibus pecorum & armentis bouum, argentoꝫ; & auro ac cæteris bonis tibi affluentibus, exalteris corde obliuiscarisꝫ; domini dei tui. Quando igitur non obliuisceris tu? quando non obliuisceris tui ipsius. memor enim propriæ cõditionis quàm sis prorsus nihili, memineris & immensæ dei præcellentie qua uniuersa supereminet. Illum uerò qui seipsum causam suorum bonorũ putat, sic castigat scriptura: Caue dicas, inquit, robur meum, aut fortitudo manus meæ parauit mihi hanc potentiam: sed memor memineris domini dei tui, qui dedit tibi uires ad parandam potentiam, at ille seipsum dignum credens accepto beneficio,

o z

patiatur

patiat^{ur} se admoneri hoc oraculo : Non propter iustitiam tuam, nec propter sanctitatem cordis tui, intras in terram hanc ut eam sorte possideas : sed primum propter iniquitatem harum gentium inferente ijs deo perniciem : deinde ut confirmetur testamentum illud quod iuravit nostris patribus. testamentum autem dei figuratè dicuntur eius gratiæ. nec est fas ut ille quicquam imperfectum largiatur. itaq; integra absolutaq; sunt dona Ingeniti omnia. integra autem in rebus uirtus est, & buius actiones. ergo si de medio sustulerimus obliuionem, ingratitudinem, amorem sui, & horum matrem arrogantiam, nõ amplius cunctando amitteremus germanum cultum dei, sed præcurremus creaturas cæteras, & priusquam salutemus ullam rem mortalem, compellabimus dominum, parati eius imperata exequi. nam & Abraham properans celeriter & cum magna alacritate accurrens, iubet uirtutem Sarram festinare & fermentare tres mensuras simile, facereq; subcinericios, quando deus ipse comitatus duabus supremis potentijs, principatu bonitateq; ipse unus ille medius triplicem imaginationem operabatur in uisua anima, quarum singulas metiri haud licet (incircumscriptus enim deus, & incircumscriptæ eius potentiæ) sed ipsæ metiuntur omnia. bonitas eius mensura bonorum est : potentia, mensura subditorum. ipse uerò imperator mensura est omnium rerum corporearum incorporearumq;. ideò hæ potentiæ, regulæ præceptiq; rationem obtinentes erga cæteras, metiuntur & appendunt reliqua omnia. has tres mensuras bonum est fermentari quodammodo commisceriq;

fceriq; in anima, ut persuasa esse summum deum, qui sic
 per potentias suas eminet, & uel sine illis uel in illis ap-
 paret, recipiat characteres potentiae eius beneficetiaeq;
 & initietur perfectissimis mysterijs, quae ut diuina nemi-
 ni proloquatur facile: sed seruans ea recondita, & te-
 nens silentium, fruatur eis in abscondito. scriptura enim
 subcinericiorum quos encryphas uocāt meminit, quia
 celari debet sacer ac mysticus sermo de Ingenito eiusq;
 potentijs: quandoquidem diuinorum orgiorum deposti-
 tum seruare non cuiusuis est. nam incontinentis animae
 fluentia per os linguamq; emanantia, inundant aures o-
 mnium. harum quae capaciores lacunas habent, liben-
 ter seruant quod infunditur. aliae uerò propter angu-
 stias foraminum rigari nequeunt. quod autem superebul-
 lit effusum in parū capacia, passim diffluit: ut quae prius
 celabantur fluitent in superficie, & in modum uilis coe-
 ni res preciosissimae pessum abeant. quamobrem placet
 mihi consilium eorum qui ante magna mysteria initiant
 minoribus. Coxerunt enim pastam suam quam extule-
 rant ex Aegypto, ut fierent azymi subcinericij, id est, fe-
 rum crudumq; affectum subegerunt, tanquam cibum co-
 quendo maturandoq; modum autem coquendi & mu-
 tandi in melius, qui per diuinam quādam morā fit, non
 prodiderunt sermone, sed in occultis suis reposuerunt,
 non elati initiatione, sed sine iactatione submittentes se
 humiliantesq;. Accingamus igitur & expediamus nos
 ad agendas omnipotenti gratias, reddendumq; illi sine
 mora honorem debitum. praeceptum est enim transeun-
 tibus ab affectu ad uirtutum meditationem, ut accincti

lumbos pascha celebrent, expediti ad ministrandum: et induti calceamenta, quibus carneam molem ratione contineant, stentq; recti firmatis pedibus: & disciplinam habentes uirgam in manibus, ad dirigenda citra errorem omnia uite negocia: postremo iubentur properando debum edere, quia pascha, creaturæ mortalis transitus ad deum dicitur: & ualde conuenienter. nullum enim bonum est, quod non dei sit & diuinum. id igitur celeriter quære ô anima, quemadmodû ille mediator iacob: qui rogatus à patre, Quid hoc est quod cito inuenisti fili? quasi dogma respondet: Quod dedit dominus deus coram me: quippe qui longa experientia doctus norat, quod quicquid innatum est animæ, longo usu confirmatur: sicut sit cum artes earumq; præcepta traduntur discipulis. Non possunt enim præceptores, quemadmodum qui in uas infundunt, implere mentem eorum qui introducuntur. Sed quando fons sapiëntiæ deus scientias tradit humano generi, sine mora hoc facit & ex tempore. tum uerò homines discipuli facti eius qui solus est sapiens, summa celeritate quod querebant inueniunt. est autem præcipua uirtus discipulorum, dare operam ut perfectum doctorem ipsi quoq; perfectè imitètur. atqui præceptor ille omni tempore celerior est, quia ne tuum quidem ab eo adiutus est cum creabat omnia, & ipse etiam simul cum mûdo extitit. adhuc enim loquente deo facta sunt omnia, nec intercessit ulla mora tēporis. imò si licet uerius dogma attingere, dictum & factum idem est. uerbo certè etiam apud mortales nihil est mobilius. præcedentem enim mentis conceptum celeritate assequitur

tur nominum uerborumq; uolubilitas. ergo sicut riuorum perenniu fluenta cursu irrequieto feruntur, sequentibus aquis præcedentes impellentibus: ita sermonis semel coepti exundantia, mentem omnium quæ nobis in sunt mobilissimam, & uolucris naturis parem, currendo assequitur. igitur sicut ingenitus ille præuenit omnia genita: ita ingeniti sermo sermonem creaturæ præcurrit, nubila etiam præteruolans. sicut ipse libere loquitur dicens: Ecce uidebis quod apprehendet te sermo meus: quasi nihil sit quod dei sermonem possit effugere. quod si sermo præuenit, multo magis ipse qui loquitur, sicut alibi testatur, dicens sic: Ego steti ibi prius quam tu. quo significat se substituisse ante omne quod factum est: qui & hic & illic est, & aliubi & ubiq; implens quam latè patent omnia, & nihil relinquens ipso uacuum. non enim dicit, Ego steti & illic, sed nunc quoq; tibi præsens sto illic eodem tempore, non motu ambulatorio, ut alterum locum occupans relinquam alterum, sed mouendo me tenore eodem. faciunt igitur suum officiu obediens filij, qui naturam patris imitando, incunctanter cum omni festinatione quod bonum est agunt: qui nihil pulchrius facere possunt, quam quod honorant deum sine dilatione. at dissipator Pharaon, non ualens imaginatione percipere uirtutes carentes tempore, nimirum orbatus animæ oculis, quibus solis naturæ comprehenduntur incorporeæ, ne iuuari quidem ex tempore sustinuit: sed cum inanimatorum opinionibus, ranis inquam premeretur, sonum strepitumq; inanem, & omni re uacuum emittentibus, dicente Mose: Præscribe tempus

quo pro te tuisq; famulis precer ut ranæ tollantur è me-
 dio, cum debuisset in tanta necessitate constitutus dicere:
 iam nunc precare: maluit differre dicens, Cras: ut per om-
 nia retineret impietatis teneritudinem. Idem accidit
 omnibus ferme dubitatoribus, etiamsi non exprimatur
 eis confessio. nam quotiescunq; aliquid eis accidit præ-
 ter animi sententiam, homines qui ne antea quidem fir-
 miter seruatori crediderant, ad creaturas auxilij gratia
 confugiunt, medicos, herbas, pharmacorum compositi-
 ones, dietam accuratam, ceteraq; omnia mortalium au-
 xilia. Quibus si quis dicat: confugite ô miseri ad illū un-
 cum medicum morborum animæ, omisis istis quæ à cor-
 ruptibili creatura petitis falsi nominis auxilijs: rident et
 cauillantur reclamantes: In crastinum ista: quasi ne præ-
 sentaneam quidem malorum depulsionē petituri à Deo
 supplices. sed quando nihil humanæ opis proficit, et uel
 Paonia remedia officiunt: tum demum penitus destituti
 consilio, nullum aliunde sperantes auxilium, infelices uo-
 lentes nolentes, uix sero ad Deum qui solus seruare po-
 test se recipiunt. ille non ignarus parum ualere quæ ex-
 torta sunt, non omnib. pariter est facilis, sed his in quos
 bene collocatur beneficium. Ergo omnis cogitatio quæ
 sua putat esse omnia, deo se præferens (hoc enim ex his
 uerbis POST ALIQ. VOT. DIES intelligitur)
 sciat se impietatis reā apud sacras literas. Hactenus satis
 dictum sit de primæ Cami crimine. secundū tale fuit. Cur
 de fructibus, et non de primis fructib. offert primitias?
 fortasse hanc ob causam, ut primatum creaturæ det, se-
 cundarium honorē reddat numini. Sicut enim sunt qui-
 dam

dam qui animæ præferunt corpus, seruum dominæ: eodem modo sunt qui creaturam magis honorant quàm creatorem, contra mandatum legislatoris, iubentis primitias de primis fructibus terræ inferri in domum Dei, & non conuerti in usum proprium. iustum enim est, motus animæ primos uel sua ui uel ordine, deo dedicari autorem eum confitendo. Qui primi sunt ordine, sunt illi qui statim à natiuitate nobis obuenerunt, cibus, incrementum, uisus, auditus, gustus, odoratus, tactus, sermo, intellectus, partes animæ, partes corporis, uires harum, in uniuersum motus & habitus qui secundum naturam sunt, quos autem sua dignitate uiq; primos dixi, sunt benefacta, uirtutes, uirtutum actiones. ex his igitur iustum est offerri primitias. primitiæ uerò sunt, sermo ex sincero animo emissus cum gratiarum actione. is diuiditur in suas sectiones, sicut lyra diuiditur, & cætera instrumenta musica. in his enim soni & singuli per se apti sunt, & ad alium concentum maximè accommodi: sicut & in grammatica ex elementis ea quæ uocantur uocalia, quæ tum per se sonant, tum alijs coniuncta integram uocem efficiunt. cæterum natura quæ multas potētias in nobis uel sensitiuas uel intellectiuas fabricauit, & cuiq; peculiare aliquod opus assignauit: ac rursum omnes eas coaptauit per proportionem concinnitate qua respondent inter se inuicem, iure felix prædicari potest & ob uniuersas & ob singulas. quapropter cum offeres sacrificium de primis fructibus, ita diuide sicut docet sacra scriptura: primum ut sint uiuentes, inde tosti, deinde cōcisi, postremo comminuti, uiuentes recentesq; ideo: quia homines illos

antiquum fabulosumq; tempus amantes, celerem autem
 & nulli tempori obnoxiam dei potentiam non intelli-
 gentes, docet: admonens ut noua, recentia pubentiaq; si-
 mant bono animo, ne priscis innutriti fabulositatibus
 quæ multis ætatibus ad decipiendos mortales sunt co-
 per manus traditæ, imbuantur falsis opinionibus: sed
 deo nunquam senescente semperq; iuvene noua recen-
 tiaq; bona copiose accipiendo, discant credere non es-
 se quicquam uetus apud eum, aut omnino præteritum, si
 subsistens absq; tempore nascensq;: quapropter etiam
 alio in loco scriptura inquit: A facie cani surges, & ho-
 norabis faciem senioris: quasi plurimum intersit inue-
 nitrung. Canum enim dicit tempus illud ociosum, à quo
 surgere migrareq; oportet eos qui declinant opinio-
 nem istam innumeros fallentem, quod tempus habeat
 turam faciendi aliquid. Senioreem autem eum qui hono-
 re, præmio dignitateq; præfertur cæteris, cuius proba-
 tio amico dei Mosi committitur. Quos tu nosti, inquit
 hi sunt, nempe quod hic nihil iuuenile admitteret, si-
 niora & summo honore digna dogmata amare solita.
 Prodest tamen si non ad parandam perfectam uirtu-
 tem, certè ad curam reipub. nosse opiniones priscas
 Ogygiæ, audireq; antiquitatis pulcherrima facimor-
 quæ historici, & omne genus poetarum prodiderunt
 ætati suæ ad posteritatis memoriam. Sed quando
 improviso nil tale sperantibus, repentina lux affulsit
 rat sapientiæ quam per se quisq; discit, quæ patentem
 nimæ oculum penetrans ex auditoribus reddit spectata
 res scientiæ, celerrimum sensum, uisum præ tardissimum
 auditum

auditu in mētem inferens: tunc frustra fuerit sermonib.
 aures exercere. ideo dicitur: Comedetiſ uetera et uete-
 ra ueterū: ſed & uetera ex perſona iuuenū efferetiſ: qua
 ſi cana propter tempuſ diſciplinæ recuſandæ non ſint,
 dum & ſcriptiſ ſapientum damuſ operam, & narratio-
 nibuſ priſcarum rerum ſententiarumq; libenter interſu-
 muſ, & ſcitari nō grauamur de ſuperioribuſ ætatibuſ,
 quando nihil ignorare eſt reſ iucundiſſima. Cum autem
 deuſ in animam indit noua germina per ſe dociliſ ſapiē-
 tiæ, quæ ex præceptoribuſ didicimuſ contrahenda cir-
 cumſcribendaq; ſunt, ſubducentia ſe ultro & effluentia.
 ſcholarem enim dei, ſiue familiarem, ſiue diſcipulū, ſeu
 quocunq; alio libet hunc appellare nomine, impoſſibile
 eſt tolerare præceptiunculaſ mortalium. Sit præterea
 nouæ animæ maturitaſ toſta, hoc eſt tanquam aurū ſer-
 mone efficaci examinata, examinata autem probatæq;
 ſignuſ eſt ſoliditaſ. ſicut enim uirentium ſpicarum fru-
 ctuſ torretur ut deponat molliciem, quod fieri non po-
 teſt abſq; igniſ miniſterio: eodem modo nouuſ conatū
 tendentium ad maturitatem uirtutiſ oportet potente ir-
 refragibiliq; ſermone duratum ſolidumq; reddere. ſolet
 enim ſermo in anima ſpeculationeſ non ſolum ad matu-
 ritatem coquere ne ſint fluidæ, ſed & irrationaliū affe-
 ctionum impetum labefacere. ſaltem meditatorē Iacob
 coquētem aſpice, quando Eſau mox deficere inuenitur.
 fundamentuſ enim ſeiſpoſ amantium, uitium & affe-
 ctuſ eſt: quo ſulti ſi id ſibi ſubduci uiderint, non immeri-
 to neruoſ roburq; amittunt. Sit autē iſ ſermo non con-
 fuſuſ, ſed in ſua fruſta diuiſuſ. nam ſic conciſa χιδαα
 uocan=

uocantur. in omnibus enim rebus ordo melior est quam
 perturbatio, præsertim in sermone currente uelocissi-
 me. diuidendus est igitur in præcipua capita ut uocantur,
 & addendus suis apparatus singulis, exemplum bono-
 rum sagittariorum imitando, qui scopo aliquo sibi pro-
 posito, conatur omnia tela in eum defigere. scopo enim
 summarium illud capitulum, telis eius apparatus asimi-
 latur. atq; ita sermo, quo nihil præstatius discimus, apte
 concinneq; contextitur. etenim bractæas auri concidit
 gislator in fila, ad contexenda quædam sua opera fini-
 mius. Ad eundem modum sermo quouis auro pretiosior
 ex uariationibus innumerisq; ideis laudabiliter abso-
 uitur, quando usq; ad exigua capitula concisus forma
 alicuius inuenti accipit, additis demonstrationibus, tan-
 quam apte contextis staminibus. siquidem pari modo
 precipitur ut holocaustoma detracto tergore membra-
 tum cõcidatur, ut primum anima absq; tegminibus qua
 ei uana falsæq; opiniones circumdant, nuda appareat
 deinde diuisiones conuenientes recipiat. integrum enim
 quiddam & unum uirtus est, quæ in species suas diui-
 tur, prudentiam, temperantiam, iustitiam, fortitudinem
 ut cognitis singularum differentiis ultro eam colamus
 & per partes & integram. Consideremus autem quo
 modo animam assuefaciamus, ne solidis & indigestis im-
 ginationibus turbata decipiatur: sed ut diuisiones rerum
 faciendo singulas introspeciat & scrutetur cum omni
 diligentia, assumemus etiam sermonem qui non inordina-
 to impetu ruendo obscuritatem faciat, sed partitus in
 capita singulorumq; horum demonstrationes, tanquam
 anima

animal ex perfectis membris compactum pulchre congruat. oportet autem, si uolumus usum harum rerum in nobis confirmari, exercere has meditariq; assidue: quia non perseverare in coeptis scientijs, perinde est ac si gustato cibo potuq;, non detur ad satietatem edere. ergo post concisa pulchre conuenit comminuta facere, hoc est post diuisionem immorari in inuentis terendo tem-
 pus diutius. nam exercitatio continua scientiam confir-
 mat, sicut ignorantiam inexercitatio. innumeri igitur dum grauantur in certamen descendere, genuinam uim perdidērunt: quos non sunt imitati qui animam alebant prophetia, significata mannae nomine. Nam hi mole-
 bant, conterebantq; eam faciendo subcinericios, uolentes singuli caelestem illum uirtutis sermonem cōminue-
 re quo firmitus haereret in animo. ergo ubi uirentia ad maturitatem, tosta ignito irrefragibiliq; sermone, concisa diuisaq; in rerum partes, deniq; comminuta per tra-
 ctationem meditationemq; inuentorum approbaueris, ex sententia dei sacrificium primi fructus offeres, opti-
 mi & ante alios prognati ex anima. attamen etiam si ipsi tardemus, ille non cunctatur idoneos uel ante oblatio-
 nem sibi assumere. Assumam, inquit, uos mihi populum, & ero deus uester, & uos eritis mihi populus. ego sum dominus. Hæc sunt Caini crimina, post aliquot dies of-
 ferentis sacrificium. cæterum Abel obtulit ei nec eadem, nec eodem modo, sed pro inanimis animata, pro iunio-
 ribus & secundarijs grandiora & primaria, & pro de-
 terioribus integra atq; pinguiora. nam de primogeni-
 tis gregis sui, & de adipibus eorum sacrificasse dicitur,
 iuxta

iuxta præceptum sacratissimum. est autem tale. Et erit, inquit, cum introduxerit te deus Chananeorum in terram eorum, sicut iurauit patribus tuis: dabo tibi eam, et sumes omne quod aperit uuluum generis masculini de armicis & gregibus tuis, ut offeras domino. omne aperiens uuluum asini, permutabis oue. sin autem non permutaueris, redimens ipsum.] Quod aperit uuluum, donum Abelis est primogenitum, quod quando & quomodo offerendum sit quære. certe aptissimum tempus est, quando inducit te Deus in fluctuantem sermonem, terram Chananeorum, non quomocumque, sed quemadmodum iurauit ipse: non ut fluctuationem huc illuc statu, & nusquam consistens sustineas, sed ut ab ea desists in serenitate ac tranquillitate degas, & ad uirtutem tanquam in stationem tutissimam, aut portum delictus stabilis firmiter. Dum autem dicit, Deum iurare, dispiciendum an uere hoc ei conueniens pronuncietur, quoniam plurimis uidetur non esse proprium. Iusurandum enim intelligitur testimonium dei de re ambigua. deo autem nihil est incertum aut dubium, qui etiã alios in cognitionem ueritatis dignatur introducere. ipsi te nullo teste opus est. nec enim est alius deus huic honoris par. ne quid dicam de teste, quod in quantum testimonium exhibet, maior est eo cui datur testimonium. alter enim opis indiget, alter opem fert. at quod opem fert, fide dignius est eo quod hac indiget. sed nihil est præstantius summo illo rerum autore, quia ne conferendum quidem quicquam, imò neque paulo deterius, sed toto genere demissum infra deum inuenitur quicquid est. & hoc

mines ut fides ipsis habeatur ad iusiurandū confugiunt.
 deus uel simpliciter loquens fide dignus est. itaq; uerba
 eius, quantum ad certitudinē, nil à iuramento differunt.
 ita fit ut sententiæ nostræ fides ex iureiurando accedat,
 ipsi uero iuramento ex deo. non enim propter hoc deo
 creditur, sed hoc per deum confirmatur. cur igitur uati
 nostro uisum est iurantem eum introducere? ut infirmi-
 tatem creaturæ coargueret, & conuictam consolare-
 tur. non potest enim anima nostra semper in promptu
 habere præcipuam illam de deo sententiam, non esse
 eum homini similem, ut transcendamus quicquid præ-
 dicatur de homine: sed quia maxima ex parte affines
 sumus rerum mortalium, & præter eas nil cogitare pos-
 sumus, neque proprios morbos egredi: sed induti rebus
 mortalibus tanquam cochleæ, eisq; harum in morem in-
 uoluti, easdem de illo beato immortaliq; quas de nobis
 opiniones habemus, uerbis quidem negantes deum hu-
 mana forma præditum, re autem ab impietate quorun-
 dam, qui affectus ei tribuunt non alieni, utcunq; tergi-
 uersamur: ideo manus, pedes, introitum, exitum, or-
 dium, alienationem, auersationem, iram ei affingimus,
 affectus nihil ad autorem illum summum pertinentes:
 in quibus & iusiurandum est, quo subleuatur nostra in-
 firmitas. Si dederit tibi deus quæ uis, ait Moses ponens
 terminos. illo enim non dantr non habebis: quoniam
 omnia in eius potestate sunt, externa bona, corpus,
 sensus, ratio, intellectus, & omnium actiones atque
 essentiæ: nec tu solus, sed & mundus hic: à quo quic-
 quid auelles & separabis, hoc alienum inuenies. etenim
 terram,

terram, aquam, aerem, cælum, stellas animalium stirpiumque tum mortalium tum immortalium ideas omnes ut res suas possidet. itaque quicquid ex his adduxeris pro uictima, Deo suas res offeres non tuas. Et uide quam pius, qui de his, quæ acceperat sumpsit, non totum offert quantum sibi donatum est. plurimas enim res nobis natura conuenientes humano generi donauit, quarum expers est ipsa omnium: ut generationem ipsa ingenita, alimentum quo ipsa non indiget, corpus instrumentale quod ipsa non potest assumere, incessum, uisum, auditum, cibos nunc ingerere, nunc digestos egerere, uaporum discernere diuersitates, uerba promere, ridere. insunt nobis et alia permulta ad usus quotidianos necessaria. Verum hæc aliquis indifferentia dixerit, quæ uero ex confesso bona sunt, inesse naturæ. age igitur examinemus ea quoque quæ ut uera bona admiramur, quæ omnia optamus nobis obuenire suo tempore, et adepti uidemur felicissimi. Quis ignorat quod carere senio morteque habetur inter humana bona præstantissimum, quæ neutra ad naturam pertinent, quamuis expertem mortis et senij. Et quid mirum si ingenitum illud bonis uti non dignatur, quando et creatura ipsa, secundum idearum in quas diuiditur differentias, dissimiles uirtutes expetit. itaque nulla inter uiros et mulieres æmulatio est de his quæ sunt alterutris propria: sed mulieres non abstinentes studijs uirilibus, uiraginum subibunt infamiam: uiri uero androgynorum, si tractent exercitia muliebria. Quid quod nonnullas uirtutes natura ita discreuit, ut nulla cura possint communicari: et ideo seminare gignereque, quæ propria

pria uiri uirtus est, non adest mulieri. sicut fecunditas pariendi, muliebri bonum, non cadit in uirorum naturam. itaq; ne illa quæ insunt hominibus, de deo dicuntur proprie, sed per quendam abusum nominum quo infirmitati nostræ succurritur. quamobrem aufero anima, quicquid est genium, mortale, mutabile, profanum, quando de deo ingenito, incorruptibili, immutabili, sancto, soloq; beato cogitas. cæterum omne masculinum aperiens uuluum sacrificari domino, ualde naturæ est consentaneum. sicut enim mulieribus ad pariendos foetus peculiarem partem natura dedit uuluum: ita ad generationem actionum assignauit in anima uim, per quam intellectus multa concipiat, parturiat, deniq; pariatur etiam. commenta autem quæ pariuntur, partim masculula partim foemineæ sunt, sicut animalia. foemineus foetus animæ malicia est & affectio, quibus effoeminamur in omnibus studijs. masculus autem, uirtus & immunitas ab affectibus, quæ duo nos confirmant & excitant. ex his quicquid ad uirile contubernium pertinet deo cōsecrandum: quicquid ad conclaue muliebri, nobis attri buendum. & ideo præcipitur, Omne aperiens uuluum masculinum domino. addit etiam: Omne aperiens uuluum de armentis & gregibus tuis. Postquam dixi de principalis animæ partis foetibus, incipit docere de bruta partis progenie. hæc ad sensus pertinet, quos confert propheta cum armentis & gregibus, cicuribus mansuetisq; ut qui sub pastorum cura degunt. quæ enim libera finuntur, destituta cicuratore efferantur. at quæ præfectos habet caprarios, bubulcos, pastores, iuxta quodq;

genus animantium, ea mansuescunt necessario. proinde
 & sensuum genus suapte natura uel mansuetum uel im=
 mansuetum est. immansuetum quidem quando contem=
 pto regimine intellectus ceu bubulci, fertur sine ratione
 ad sensibilia. mansuetum uero, quando obsequenter ce=
 dens præstantiori animæ parti rationi, ab ea gubernatur
 & regitur. quicquid igitur uidet, audit, & in uni=
 uersum sentit, iuxta intellectus monita, totum masculū
 atq; perfectum est, quia bene se habent singula. Quic=
 quid autem sine præfecto: corpus nostrum, tanquam ci=
 uitatem magistratu carentem perducit ad interitū. Rur=
 sum ex sensibus aliquos intellectum sequentes, qui neces=
 sario potiores sunt, ad deum referre oportet: contuma=
 ces uero imputandi nobis sunt, qui temere impetu eorū
 rapimur. Nec tantum à iam dictis, sed & à fermento to=
 to præceptum est particulam desumere. Et erit quando
 comedetis de fructibus terræ, auferetis particulam sepa=
 ratam domino. De primitijs fermenti panum uestrorū,
 particulam auferetis ei. sicut partem de area, sic separa=
 bitis id. Fermentum istud proprie, si uerum fatendū est,
 nos ipsi sumus, congestis & commixtis plurimis essen=
 tijs, ut ex his absolueremur. frigidum enim cum calido,
 & aridum cum humido, potestates contrarias commi=
 xtas & temperatas animalium opifex in unum redi=
 gens, unumquemq; nostrum fecit ex ea cōgerie, quæ in=
 telligitur fermenti nomine: cuius primariæ duæ partes
 anima & corpus. primitiæ deo consecrandæ sunt. sunt
 autem primitiæ, sancti & ad uirtutem pertinentes mo=
 tus partis utriusq; ideo conferuntur cū area. ergo sicut

DE SACR. ABEL. ET CÂ. 218

in area triticum hordeūq; & id genus alia seorsum se-
parantur, aristæ uero & paleæ & huiusmodi quisqui-
liæ dissipantur aliò: ita etiam apud nos alia sunt optima,
uilia, ueros cibos præbentia, per quæ recta uita perficitur,
quæ quidem offerenda deo sunt: alia uero parum di-
uina relinquenda uelut reiectamēta mortali generi. ab
his tamen auferendæ particulae. sunt item potentiæ totæ
puræ à malicia, quas diuidendo mutilare nefas est, simi-
les non diuidēdis uictimis, scilicet holocaustis: qua-
rum manifestum exemplum Isaac, qui more uictimæ di-
ei iussus est, nulla corruptibili affectione oblectus. alibi
quoque dicitur: Munera mea, dona mea, sacrificia mea
seruabitis offerenda mihi in diebus festis, nihil adimen-
do neq; diuidendo, sed plena integra perfectaq; adducē-
do. Festum enim animæ est perfecte letari uirtutibus.
est autem perfecta leticia expers morborum humano
generi accidentium. tali festo solus sapiens fruitur, præ-
terea nemo. nam anima quæ nullum affectum aut uitium
gustarit inuenitur rarissime. Reddita igitur ratione de
partibus animæ, tum rectrice tum subdita, quid ue sit in-
utraq; masculinum aut foemininum, consequenter do-
cet de corpore. Sciens enim certo quod absq; labore &
cura non est possibile adipisci progeniem masculam, di-
cit deinceps: Omne aperiens uulua[m] asini, permutabis
oue: ac si dicat: omnem laborem permutabis profectu.
Laborem enim asinus significat animal patiens: profe-
ctum uero ouis, sicut uox Græca *ωρεόβατον* indicat. sub-
monemur autem his, ne segnes simus in studijs artium
cæterorumq; quæ meditatione discimus, sed accuratissi-

me preparata mente subsistamus fortiter aduersus omnem lassitudinem, demusq; operam ne labor coniunctus sit cum negligentia: & ut usq; proficiendo ad gloriosum finem perueniamus. propter profectum enim labor sustinendus est. quod si te tolerante laboris difficultatem, ingenium tuum nihilo reddatur melius, repugnetq; profectui, desiste & quiesce. Durum enim est aduersari naturæ. ideo additur: Quod si non permutaueris, redimes id. hoc est, si non poteris profectu mutare laborem, non li laborare. hoc enim redemptio significat, liberare animam ab inani cura & inutili. hæc autem non de uirtutibus dico, sed de his artibus quæ medijs sunt generis, deq; alijs necessarijs ad curam corporis, & ad externa bona querenda. nam labor qui propter uera bona & perfectam honestatem suscipitur, etiamsi ad scopum non perueniat, per seipsum ad sectatores suos uiuandos sufficit. uirtute autem excepta quicquid non absoluitur, nullam affert utilitatem. quemadmodum in animalibus si caput adimas, pereunt cætera omnia. Caput autem negotiorum est finis eorum: quo adhibito uiuunt quodammodo: moriuntur autem mutilata si illud præcidere uolueris. itaq; & athlete qui non possunt reportare uictoriâ semper succumbentes, ab incepto desistant: & si quis negotiator aut nauclerus maria fulcâs infortunatus est, mutata uitæ ratione quiescat: & quotquot medijs artibus studendo, propter ingenium durius non ualent eas assequi, laudem merebuntur si desinant. non enim propter exercitium exercemus talia, sed propter scopum ad quæ ea referuntur. ergo si forte ingenium in eodè uestigio hærens

hærens nolit se promouere ad meliora, ne frustra contē-
 damus, quod si ab eo inuabimur, primitijs honoribusq;
 deū colamus, quibus anima redimitur, & exempta im-
 mitium herorum dominio in libertatem afferitur. Mo-
 ses enim fatetur, Leuitas qui pro primogenitis cultores
 facti sunt eius qui solus colendus est, redemptionem esse
 cæterorum omniū. Ego, inquit, tuli Leuitas de medio fi-
 liorum Israel, ut redimerentur eis: eruntq; mihi Leuitæ.
 meum est enim omne primogenitū, ex quo percussi pri-
 mogenita in terra Aegypti: sanctificaui mihi quicquid
 primum nascitur in Israel. ratio quæ ad deum confugit
 suppliciter, nominatur Leuita. Hunc è mediotullio &
 principali animæ parte desumptum, electum & in sor-
 tem suam receptum, portione quæ maiori natu debetur
 dignatus est: ut inde satis liqueat, Rubim quidē Iacobi,
 Leui autem Israelis esse primogenitum: quorum ille tem-
 pore, hic dignitate ac potentia ius primogenitorum sibi
 vindicat. Iacob enim cum laborem & profectum signi-
 ficet, principium est bonæ indolis, quæ in Rubim intel-
 ligitur. cōtemplationis autem quæ solum sapientē deum
 intuetur, iuxta nomen Israelis, fons est illum colere pro-
 penso animo: quem cultum Leuita significat. ergo sicut
 Esau iuris primogenitorum hæres Iacob inuenitur, stu-
 dio uitiorū uicto à labore honesto: ita & bono ingenio
 præditi Rubim primatū ætatis Leui perfectæ uirtuti de-
 ditus auferet. cuius perfectionis signū manifestius, quod
 ad deū cōfugit relictis ad quæ natus fuerat negotijs. hæ-
 sunt illæ propriæ mercedes quibus anima libertatis au-
 da redimitur. quid autem si hic quoq; dogma introduci

tur ualde necessarium: quod omnis sapiens stulti est re-
demptio mercesq; ne minimo quidem tempore duratu-
ri, nisi ille misericordia sua prouidētiaq; impulsus inco-
lunitati eius prospiceret: sicut medicus ægroto, morbis
eius resistens, & aut mitiores reddens, aut omnino tol-
lens, nisi tanta sit morbi uis & contumacia, ut longe cu-
rationem superet. tunc enim pereundū est corpori, quā-
do in ea bilance immensum prægrauantib. malis, bono-
rū ediuerso nullū pondus est. ubi si inuēta esset quinquā-
genaria ratio, iuxta quā anima seruituti exēpta in totū
libera pronunciatur, aut aliquis sequentiū numerorum
quos ille sapiens Abrahā enumerat, descendens usq; de-
nariū eruditioni peculiarē numerum, non perisset mens
tam ignobiliter. conandum tamen est ut etiā certo per-
dendos à suis uitijs seruemus quantum possumus, imitā-
do bonos medicos: qui quāuis uideant haud posse ægrū
à se seruari, tamen libenter omnem curationem admo-
uent, ne per ipsorum negligentiam uideatur res non suc-
cessisse ex sententia. quod si uel minima sanitatis scintil-
la se ostenderit, ea diligentissime sicut in foco accendē-
da est. sperandum enim fore ut uita prorogata mutetur
in melius, magisq; sibi in posterum à lapsu caueat. Equi-
dem quando aliquem bonum uirum habitantem in ali-
qua domo aut urbe uideo, & domum & urbem illam
beatam prædico, ratus tum præsentem felicitatem ei mē-
suram perpetuo, tum absentem expectandam cumula-
torem, deo ultra modū mensuramq; diuitias suas in gra-
tiam dignorum etiā in indignos profundere solito. qui-
bus quia ne senescant precari mihi non licet, precor
uitam

uitam longissimam, existimans tam diuturnā felicitatem fore hominibus, quā longum illis uitæ tempus contigerit. proinde audita morte alicuius eorū, magna tristitia magnōq; dolore afficior, non tam ipsorum uicem dolēs quā superstitum. illos enim naturæ ordine necessario manet is exitus, ut post uitam feliciter exactam gloriosa mors eos excipiat. istis uerò destitutis magna potentiq; manu qua protecti antea fuerant, suorum malorum sensus imminet: nisi natura tanquam in arbore de qua maturi fructus defluunt, alios recentes substituat, quibus alantur fruunturq; quibuscunq; datū est. quemadmodum igitur ciuitatum certissimū munimentum uiri fortes sunt: ita in uniuscuiusq; nostrum ciuitate, quæ constat ex anima & corpore, pro firmissimo propugnaculo sunt cogitationes amicæ prudentiæ: quas legislator per translationem uocat mercedem redemptorum & primogenitos, ex causis iam ante dictis. propterea ciuitates quoq; Leuitarum immunes semper fore ait: quia dei cultor libertate sempiterna fruuntur, iuxta continuas mutationes animæ nunquam non mobilis, sanationes recipiens alias super alias. quod enim ait immunes nō semel, sed in perpetuum, ita intelligere debemus, semper eas mutari, uerum semper in integrum restitui: quando mutatio à natura mortali est eis indita: libertas uerò deo curante superuenit. Illud quoq; non obiter considerandum uidetur, cūnam ciuitates Leuitarum concessæ sint profugis, ut cum sacratis uiris profani omnium existimatione cohabitarent. hi sunt qui non sponte cædem fecerunt. primum igitur dicendum quod consentit cum modo dicto.

bonum uirum mali esse redemptionem. itaq; merito peccatores ad sacerdotes ueniunt, ut purificentur. deinde, & Leuitis idcō admitti profugos, quia & ipsi potētia sunt profugi. quemadmodū enim illi pellūtur procul patria: sic & isti reliquerūt liberos, parentes, germanos, quicquid familiarissimum est & charissimum, ut pro mortali sorte immortalem inuenirent. hoc tantum interest, quod illi nolentes exulant ob facinus quod nolentes admiserunt: isti uolentes profugiunt rerum optimarum amore: & quod illis Leuitæ sunt refugium, Leuitis autē praeses rerum omnium: ut imperfecti quidē legem habeant sacram scripturā, isti uerō deum cui consecrati sunt. Præterea qui non sponte eadem fecerunt, idcō easdem cum Leuitis ciuitates ad incolendum sortiti sunt, quia & isti propter eadem factam priuilegium consecuti sunt. cum enim anima parum sibi cōstans ad illum Aegyptiū deum corpus tanquam ad aurum honorandum se conuertit: tunc sacri sermones omnes sua sponte correptis telis, id est eruditis demonstrationibus, ductu imperioq; summipōtificis ac uatis amici deo Mosi quem sibi praefecerāt, bellum acerrimum pro pietate susceperūt, nec prius desisterunt, quā debellatis omnium aduersariorum dogmatib. itaq; merito idem acceperunt domicilium, qui eadem quamuis nō eodem modo fecerant. Est & alia non incelebris ut inter secreta ratio, deponenda penes aures seniorum, obturatis interim iuniorū auribus. Ex dei potentij optimis omnib. una ceteris honore par, quæ ad legumlationē pertinet (nam ipse summus legislator est, fons legum, ceterorumq; legislatorum particularium) bifariam

bifariā potest diuidi. prioris partis minister Leuita est:
 omnibus enim ritibus fungitur, qui referuntur ad perfe-
 ctum sacerdotium, per quod assurgit ad deum genus hu-
 manum, eiꝫ familiare redditur, siue per holocaustoma-
 ta, siue per sacrificia quæ pro salute fiunt, aut pro pecca-
 tis quorum pœnitet. Alterius autē partis quæ ad pœnas
 noxijs infligendas spectat, ministri fiunt, qui eadē com-
 mittunt absq; animi proposito, attestante Mose: Nolens,
 inquit, fecit, sed deus tradidit eū in manus eius. Itaq; hu-
 ius manib. pro instrumento usus est: & qui inuisibiliter
 per eas operatus est, alter est ipse quoq; inuisibilis. Co-
 habitent igitur duo famuli, executores duarum legisla-
 torie potentie partium: eius quæ ad beneficia pertinet,
 Leuita: eius quæ ad pœnarum exactionem, is qui nolens
 interfecit. quod autem ait: die qua percussi omne primo
 genitū Aegypti, sanctificaui mihi omne primogenitum
 Israelis: non debemus suspicari, illo tantummodo tempo-
 re, quo magna illa plaga Aegyptij percussi sunt, primo-
 genitorum interitu, sanctificata esse Israelis primogeni-
 ta: sed & olim & nunc & posthac & semper hoc con-
 tingere potest in anima, quando quod in ceco affectu
 præcipuum est extinguitur, deo tunc acutē discernente
 antiquiorem honoratioremq; sobolem quam sibi sancti-
 ficet. exitus enim ē uitio introitum in uirtutē efficit: sicut
 ē contra, decedente hac uitium succedit uelut ex insidijs.
 certē uix exiuerat Iacob, cum in mentem omnium capa-
 cem Esau ingressus est, pro uirtutis formulis impressu-
 rus, si ualeat, characteres malicie. uerū nō potuit hoc
 efficere: supplantabitur enim & hereditate fraudabitur

à sapiente illo nesciens, propellente iniuriam prius quam eam accipiat. Offert autem hic noster primitias non solum de primogenitis, sed & de eorū adipibus, ostendens quod quicquid in anima hilare, pingue, salubre, gratiosum, totum debeamus deo cedere. Equidem tria uideo in sacrificiorum ordinatione præcipi, ut offeratur præ cæteris uictimæ partibus adeps, renes, fibra iecoris, de quibus suo loco dicemus: nusquam cerebrum, nusquam cor, quæ ante alia consecrari oportebat, si legislator principatum agnouisset in horum altero. Quid si admodum pie considerateq; hæc in fidelem dei aram non intulit? quia principalis illa uis singulis temporis momentis uel ad melius uel ad deterius mutabilis non manet eodem loco, quandoquidem & ipsa nunc probatæ nunc damnatæ monetæ censetur. quamobrem locum rerum adeo inter se pugnantium capacem, honestatis & turpitudinis, neutram excludentem & parem honorem tribuentem utriq; non minus impurum quam purum legislator indicans, ab altari dei amouit. quod enim turpe idem profanum est: profanum uerò, omnino in consecrabile. hoc est cur principalis uis à sacris arcetur. cui si accedat certum iudicium, tum demum perpurgatis omnib. partibus, immaculata, impollutaq; tota adolebitur. hæc enim est lex holocaustum, ut præter recrementa ciborum & tergis, quæ corporalis infirmitatis non medicinaliæ sunt indicia, nihil residuum relinquatur ex creatura. cætera quæ animam reddunt omnibus membris integram, integra super altare numinis exurantur.

PHILO-

PHILONIS IV=

DAEI, DE EO QVOD DE-
terius potiori insidiari soleat.



T dixit Cain ad Abel fratrem
suum: Transeamus in campum.
Et factum est cum essent in cam-
po, insurrexit Cain cōtra Abel
fratrem suū, & occidit eum.]
Quod Cain sibi uoluit, tale est.
prouocatum Abelem ad dispu-

tationem induxit, ut uerisimilib. probabilibusq; sophis-
matibus eum expugnatum caperet. campum enim in
quem uocatur, signum certaminis ac pugnae dicimus,
ex manifestis coniecturam de incertis sumendo. uide-
mus enim pleraq; certamina tam belli quā pacis tem-
pore in campis peragi. in pace gymnici athletæ stadia
& campos quærunt adiacentes uis publicis: nec in bel-
lo mos est pedestria equestriaq; prælia in tumultis com-
mittere: sic enim propter loca impedita utrinq; maiora
detrimenta hostes acciperent inferrentq; sibi inuicem.
Huius rei argumentum est maximum mediator ille sci-
entiæ contrariam ei debellans ignorantiam, quando ir-
rationales animæ potentias quodammodo compescens
castigansq; in campo cernitur. Accersuit enim Iacob
Rachelem Liamq; in campum ubi greges erant: manife-
ste docens per campum contentionem significari. accitis
autem dixit, Video vultum patris uestri non esse erga
me

me sicut heri & nudius tertius. deus autē patris mei erat mecum.] Atqui ideo (dixerit aliquis) Laban erga te malē affectus est, quia deus tibi fauet. nam in quacunque anima externum istud sensibile honoratur tanquam bonum maximum: in ea ratio ciuilis non inuenitur: in qua autem deus obambulat, in ea bonum externum sensibile non relinquitur, quod in nomine Laban intelligimus. & quotquot rationis profectu sicut patriarcha ornantur, irracionales animę impetus per doctrinam traducunt in melius, campum ad hoc eligendo ut locum idoneum. Dicitur enim Iosepho, Nōne fratres tui pascunt oues in Sichem? ueni, mittam te ad eos. quo respondente, Præsto sum, ait. Vade & uide si sani sunt fratres tui et pecorq, & renuncia mihi. Et misit eum de ualle Chebron, & uenit in Sichem, inuenitq; eum homo errantem in campo, & interrogauit quid quereretur. at ille respondit: Fratres meos quæro, indica mihi ubi pascāt greges. Dixitq; ei homo, Recefferunt de loco hoc. audiui enim eos dicentes, Eamus in Dothaim.] Ergo quod in campo irracionales suas potentias compescant, satis liquet ex his quæ diximus. Ioseph autem mittitur ad eos, quia patris disciplinam austeriorem ferre non potest, ut discat apud indulgētiore praeceptores, quid utile, quid ue faciendum sit. Utitur enim dogmate ē diuersis contexto admodum multiplici atq; uario. ideoq; tunicam uariiegatam ei factam, dicit legislator, quæ significat labyrinthi & inexplicabilis dogmatis introductorem: qui rerumpub. instituta magis quam ueritatem respiciens inter philosophādum, tria genera bonorum, externa, corporis

poris, animæ, totis naturis inter se disiuncta, in unum contrahit: cum debuisset suum cuiq; precium reddere, & quantum uniuersa ualeant ostendere, & illud integrum uerum plenariumq; bonum ex omnibus his compositum. ista uerò ex quibus hoc compingitur, partes aut elementa honorum esse, non autem perfecta bona. Et sicut nec ignis, nec terra, nec unum aliquod ex quatuor, ex quibus constat hæc rerum uniuersitas, mundus est, sed elementorum in unum congressus & contemptoratio: pari modo felicitatem nec in externis bonis propriè, nec in corporis, nec in animæ seorsum examinari: hæc enim singula uelut partes quædam & elemēta sunt: sed in omnium simul congerie. pro hac igitur opinione, ut meliorem discat mittitur ad uiros qui solum honestum esse bonum existimant, quod animæ, in quantum animæ, est proprium: corporis uerò bona quæ uocantur, lucra tantum esse, non etiam uera bona persuasum habent. Ecce quid dicat: Fratres tui pascunt, & imperant omnibus brutis sui partibus, in Sichem: quod interpretatur humerus, laborem tolerantie significans. nam uirtutis amatores baiulant sarcinas maximas, affectum erga corpus & uoluptatem corporis, præterea certamen aduersus externa bona delectationesq; quæ inde proueniunt. Ades dum igitur, mittam te ad eos. Hoc est, accitus accede ad mentem, sponte facto impetu ad meliora discenda, hætenus certè tibi places quasi ueram illam disciplinam adeptus. quamuis enim nondum hoc apud te statueris, paratum te ais denuo discere, dicens, Præsto sum. quo uerbo mihi uideris temeritatem facilitatemq;
tuam

tuam aperire potius quàm ad disciplinas capeffendas ad
 nimi promptitudinem. argumento est, quod inueniet te
 paulò post uerus homo errantem in uia, non erraturum
 si sano proposito iuisses ad exercendum te. atqui adhor
 tatio parētis nullam necessitatem tibi imponit, ut uolun
 tarius et tuopte iussu transeas ad meliora studia. ait e
 nim, Profectus uide, dispice, considera, et accuratissime
 speculari totum negocium. oportet enim te prius scire
 quid sit illud cui laborem impensurus es, atq; ita ad eius
 studium accedere. certè postquam prospexeris, et to
 tum intuitum per omnia circumtuleris, insuper exami
 na illos quoq; qui uersantur iam in eo exercitio, sane ne
 sint dum hoc agunt an insaniant, quemadmodum uolu
 ptatis amatores arbitrantur, cauillis eos incessentes sub
 sannantesq;. Et caue ne putans te satis animaduertisse, sa
 nos hos meditatores pronuncies prius quàm patri re
 nunciaueris omnia. nam sententiæ nuper incipientium
 discere, sunt inconstantes et infirmæ: sicut eorū qui iam
 profecerunt, firmæ: quorum imitari oportet constantiā.
 hoc modo o anime si scrutaberis cogitationes sacras im
 missas diuinitus, itemq; leges deo charorum hominum,
 nunquam cogeris aliquid indignum earum celsitudine
 admittere. nam hoc ipsum de quo nunc uerba facimus,
 quomodo posset admittere quisquam rectè sapiēs? Tan
 tāmne fuisse ministrorum seruilorumue inopiam in fa
 milia Iacob possidentis opes regias, ut filium in agrum
 longinquum mitteret, renunciaturum de cæterorum li
 berorum uoletudine, atq; etiam pecorum? auis eius,
 præter captiuorum turbam quos abduxit oppressis no

uem regibus, supra trecentos uernas habuerat. ex his facultatibus eius nihil procedente tempore diminutum est: imò continuis prosperitatibus auctiora facta sunt omnia. & in tanta famulicij copia, filium charissimum mittendum duxit propter negocium quod uel uilissimum mancipium expedisset facile? sed uides quod & locus unde missus fuit curiose proditur in sacris literis, tantum non retrahens nos certissimis notis à iam dicto intellectu. è ualle Chebron, inquit, quæ figuratè corpus nostrum significat: quia comparatum, & quasi amicitia societateq; coniunctum est cum anima. hoc cauas ualles habet sensuum, magnas lacunas capaces omnium quæ sunt extra nos sensibilia. hæc certè qualitates affatim ingerunt, & per istas lacunas infundendo in mentem, inundant eam atque demergunt. quamobr in lege de lepra, quoties in domo cavitates ad luridum rufumue colorem tendentes apparuerint, decretum est: ut exemptis lapidibus in quibus tale quid extiterit, reponantur in eorum locum alij, id est, quando diuersæ qualitates, quas effecerunt uoluptates harumq; germanæ concupiscentiæ, degrauatam depressamq; animam seipsa humiliorem cauioremq; reddiderint, tollatur sermones qui causa fuere infirmitatis, & loco eorum salubres substituantur, per educationem eruditionemue rectam ac legitimam. pater igitur uidens Iosephum totum demersum in conualles cauas sensuum corporis, euocat eum ut ex his cauernis progressus attrahat liberiorè auram fortitudinis, eorum frequentans sodalitiū, qui hanc olim meditati, nūc docere possunt etiā, at ille profectū se putans

putans errare deprehēditur. Inuenit, inquit, homo eum errantem in campo: declarans quod non labor per se, uerū coniunctus cum arte res bona sit. sicut enim nec musicam iratis musis, nec grammaticam illiterate, nec (ut compendio dicam) artem quamuis ruditer aut peruerse, sed artificiose unamquamq; tractare conuenit: ita nec prudentiam callide, nec temperantiam sordide illiberate, nec fortitudinem temerarie, nec superstitiose pietatem, nec inscieniter ullam aliam uirtutis scientiam. de uia enim hæc cuncta sunt confessio omnium. Et ideo lex iubet iuste iusta exequi: ut iustitiam & quamuis uirtutem tractemus cognatis eius, non aduersis, operibus. Ergo si uideris aliquem cibos potusq; serius accipientem, aut lauacrum unctionemue recusantem, aut negligentem operimenta corporis, aut humi cubantem maloue lecto utentem, & postea sibi placentē ob hanc temperantiam, miseratus eius errorem, ostende ueram uitam temperantiæ: nam quæ hactenus exercuit, inutiles uexationes sunt, fame alijsq; afflictionibus & corpus opprimentes & animam. Item si quis aspersioibus purificationibusq; utens, mentem quidē suam sordidat, corpus uerò facit nitidius: aut si quis abundans diuitijs extruendum templum sumptu magnifico, & indefinenter hecatombas immolat, ædemq; à se dedicatam ornat preciosis donarijs, non parcens auro argentoq;, nec artibus has materias superantibus, ne is quidem piorum ascribitur numero. aberrauit enim à uia pietatis, in ceremonijs sanctitatem collocans, & dona dans ei qui his nō capitur, nec unquam talia accipit, & adulans ei cui palpari non potest

test: quia cultu uero delectatur, cum anima solum et uni
 cum sacrificium offert, nempe ueritatem: adulterinum
 autem auersatur, quales sunt ostentationes opum exter-
 narum. Ceterum hominis qui hunc in campo errantem
 inuenit, negant quidam indicatum nomen proprium;
 ipsi quodammodo errantes, quia non possunt rectam
 uiam negociorum uidere dilucide. nam nisi haberent ex-
 cecatos animæ oculos, non ignorassent, quod eius qui
 re uera est homo conuenientissimum, & maximè pro-
 prium nomen hoc ipsum est Homo, diserta & rationa-
 lis mentis familiarissima appellatio. is homo in cuiusq;
 anima habitans, aliquando princeps & rex inuenitur,
 aliquando iudex & remunerator huius uitæ certami-
 num: interdum uerò testis accusatorisq; persona assum-
 pta, occultè nos intus redarguit, ne hiscere quidem si-
 nens, sed cohibens refrenansq; conscientie habentis cur-
 sum lingue impotentem contumacemq;. Is redargutor
 percontabatur hanc animam, dum eam errare uideret:
 Quid queris? num prudentiam? cur igitur uadis ad ua-
 friciem? Num temperantiam? atqui ad parcitatem ducit
 hæc semita. num fortitudinem? hac ad audaciam iter est.
 sed forsitan pietatem adire cupis. hæc uia ducit ad super-
 stitionem. quod si dicat se scientiæ sermones querere, &
 desiderare ut germanos huius generis, non statim ei cre-
 dendum est. non enim simpliciter rogat ubi pascunt, sed
 ubi *τοιοῦτοι ὄντες*, id est, regunt, nam qui pascunt, ali-
 menta ista sensibilia omnia, præbent bruto & insatiabi-
 li sensuum pecori, per quæ fit ut impotes nostri & infor-
 tunati siamus. at qui regunt, principum & moderato-

rum utendo potentia, quicquid efferatum est mansue-
 ciunt, sedantes cupiditatum magnitudinem. proinde
 quæssisset ueros meditatores uirtutis, quæssisset apud re-
 ges, nō inter pincernas aut obsonatores coquosq; nam
 hi uoluptates instruunt, quas moderantur reguntq; illi
 alteri. ideo rectè respondet qui errorem animaduertit
 homo, Recesserunt hinc: ostendens molem istam corpo-
 ream: docensq; quod omnes qui propter uirtutem pa-
 randam laborem perferunt, relicto terrestri loco ad sub-
 limia consideranda se contulerunt, nullum secum tra-
 hentes morbum corporeum. ait enim se audisse dicen-
 tes: Eamus in Dothaim: quod interpretatur derelictio
 sufficiens: docetq; summopere, non mediocriter relin-
 quenda quæ non prosunt uirtutem affectantibus: sicut
 & Sarram deseruerunt muliebria. sunt autem affectio-
 nes naturaliter fœmininæ: quæ ut nos derelinquant, de-
 bemus operam dare masculinæ formæ delectationibus.
 Ergo in campo, id est, in contentione uerborum inueni-
 tur Ioseph errabundus, & dogmatis introductor ad re-
 rum pub. instituta respiciētis magis quàm ad ueritatem.
 sunt autē quidam certatores, qui propter eximiam cor-
 poris habitudinem tergiuersantibus aduersarijs, potius
 sunt coronis sine certamine & citra iactum pulueris
 cedentibus illis primatum ob robur incomparabile. ta-
 lem uim affectus Isaac parte sui diuinissima, mente sci-
 licet, egreditur quidem in campum, sed nullum inuenit
 rus emulum, omnibus athletis ei se submittentibus pro-
 pter ingentem naturæ eius præstantiam. uult tamen alie-
 quantum secedere, & solitarius colloqui cum deo con-
 mite

mite, in rectam uiam inducente ipsius animam. est au-
 tem manifestissimum argumentum, quod nemo morta-
 lis colloquatur cum Israel. Rebeca, hoc est patientia, u-
 num uidens & solius imaginationem concipiens, scita-
 tur ex puero: Quis est hic homo qui uenit in occursum
 nobis? anima enim in honestate perseverans potest qui-
 dem sapientiam per se docilem comprehendere, cogno-
 minatum Isaac: nondum tamen potest uidere deum au-
 torem eius sapientiæ. ideo puer confirmans non posse
 eum comprehendere sine forma uisibili colloquentem in-
 uisibiliter, ait, Ipse est dominus meus: solum Isaac osten-
 dens. nec enim decuisset si duo apparuissent unum osten-
 dere: sed nesciebat eum qui monstrari non poterat, ut
 omnibus mediocribus inuisibilem. Atq; ita satis decla-
 ratum arbitror, campum in quē Cain Abelem inuitat,
 contentionem atq; dimicationem significare. restat que-
 rendum, qua de re disceptatum sit, postquam foras pro-
 gressi sunt: an satis apparet quod de contrarijs & in-
 ter se pugnantibus opinionibus? Abelis enim ad deum
 referentis omnia, pium dogma: Cain uerò sibi attribuen-
 tis (interpretatur enim possessio) arrogans. ceterum
 qui seipsos amant, quando cum uirtutis amatoribus nu-
 dati unctiq; in certamen descendunt, non prius desinunt
 eos urgere pancratio, quàm aut herbam porrigere co-
 gant aut in totum opprimant. omnem enim (ut est in
 prouerbio) mouent lapidem, dicentes: annon domus ani-
 mæ corpus est? quin igitur hanc domum, ne collabatur,
 curamus? annon oculus & aures & reliquus iste cho-
 rus, sensuum animæ tanquam satellites & amici sunt?

ergo socios atq; amicos non æquè ac nos ipsos honorabimus? Quid uoluptates, delicias, totiusq; uitæ oblectamenta, mortuisne aut nondum natis, an potius uiuentibus natura condidit? diuitias quoq; præclaram existimationem, honores, magistratus, & id genus alia cur nõ quæramus, per quæ nõ solum securam, sed & felicem uitam acquirimus? cuius rei uita testis est: nam qui amatores uirtutis uocantur, inglorij propemodum omnes, contemptibiles, humiles, egeni, subditis uel potius seruis uiliiores, sordidati, luridi, cadauerosi, in mediam famemq; ipso uultu præ se ferentes, morbidì, mortem meditantur. è diuerso qui sui curam gerunt, celebrati, diuites, principes, laudati, honorati, sani, pingues, ualidi, delictis uictui uoluptatiq; assueti, laboris nescij, delicijs tota uita fruuntur, per omnes sensus in animam illabentibus. atq; ita prolixo isto uerborum cursu uincere uidentur non detritos in sophisticis sermonibus. in causa autè est, non fortitudo istorum qui superiores euadunt, sed aduersariorum hac parte imbecillitas. nam uirtutis cultores, partim in anima sola honestum thesaurum sibi repossunt, in actionibus laudandis uersati, ne in somnis quidem operati uerborum præstigijs: partim utroq; polterè uisi sunt, tum animi consilijs rectis, factisq; similibus, tum artificiosis sermonibus. Hos posteriores decet contentiosus istis se opponere, quibus facile est eorum petulantem loquacitatem retùdere. priores autem illi nequaquam tuto idem tentauerint. qui enim possent nudi armatis ex æquo resistere, quando etiam instructi cum eis malè comparantur? Noster igitur Abel artes eloquentiæ

non didicit, cōtentus mēte pernoſſe quæ bona ſunt: ideo debuerat recuſare in campum deſcendere, & prouocationem inimici contemnere. tergiuerſari enim præſtat quàm uinci. quam cunctationem inimici appellant timiditatem, amici uerò ſecuritatem. ſatius autē eſt neglectis aduerſarijs, fidem amicis habere ut ueridicis. Ideo uidet quòd Moſes illos in Aegypto, id eſt corpore, ueneficos: liceat enim mihi eos ſic uocare, ſicut mulieres dicimus ueneficas, & ſexui uocem accommodare: illos, inquam, in Aegypto ſophiſtas ueneficos, recuſat concertatores ſibi dari & aduerſarios: quia ſophiſmatum artibus decipuliſq; mores boni inficiuntur atq; corrumpuntur: negans ſe eloquentem: ac ſi dicat, nō eſſe ſibi ingenium docile ad orationum ueriſimilium, cōiecturaliumq; rhetoricam. deinde aſſeuerans ſe non tantum inſacundum, ſed prorſus mutum: non quemadmodum brutas animantes mutas uocare ſolemus, ſed quia dedignatus per inſtrumenta uocis uti ſonoro ſermone, contentus eſt imprefas animo habere imagines ueræ ſapientiæ, quæ eſt fallacis ſophiſticæ aduerſaria. Nec prius in Aegyptum proficiſcitur, conſlicturus cum eius regionis ſophiſtis, quam egregiè meditatus diſſerendi facultatem, omnes elocutionis ideas commonſtrante abſoluentēq; Deo, per inpoſitionem manuum Aaronis, quem Moſis fratrem, ſolet os & interpretem & prophetam appellare. Omnia enim hæc ſermoni accidunt, qui frater mentis eſt. Nam ſons ſermonum mens eſt, unde ceu ex ore fontis uerba promanant: quia omnes ſermones ex hoc, ſicut fluenta riuorum è terra, profunduntur in propatulum. idem

& interpretis est conceptorum in mente consiliorum:
 idem & uates diuinatorq; ex inuisibilibus adytis ora-
 cula prodere non desinens. Sic igitur resistendum est
 contra contentiosos assertores dogmatum. exercitatio
 enim per uarias sermonum species, non succumbemus
 per imperitiam sophisticorum luctaminum: sed insur-
 gendo in aduersos obfirmatis passibus, facile artificia-
 sas eorum petitiones eluctabimur. illi uero semel depre-
 hensi, uidebuntur ludicram digladiationem ostentare,
 non concertandi uim. nam & illi uulgo dicti sciamachi
 laudantur ob gesticulationem solitariam & agilitatem
 manuum, sed ualde improbantur in serio certamine.
 quod si quis exornatus animam uirtutibus omnibus ac-
 tes eloquentie non exercuit, quiescat. securitatem habebit
 turus silentij. premium. alioqui si ut Abel descendit in
 certamen sophisticum, priusquam se obfirmarit cona-
 det. sicut enim medicorum quidam gnari curationis et
 nium ferme uitiorum, morborum languorumq; nullam
 eorum rationem ueram aut uerisimilem possunt reddere:
 alij contra uehementer facundi, signorum & causarum
 remediorumq; ex quibus ars constat interpretum
 optimi, in tractandis egrotorum corporibus sunt igno-
 uissimi, ne minimum quidem remedium adhibere ideo
 nei: ita qui se exercent in operibus sapientie plerumque
 uerba negligunt: qui uero dicendi artes callent, nullam
 bonam disciplinam habent reconditam. hos igitur in
 ni lingua fretos insolenter efferri mirandum non est, os-
 tentantes quam semper exercuerunt insolentiam. Sed
 hos spectandos suaserim, qui tanquam medici callent ra-
 tionem

tionem sanādi morbos pestesq; animæ, donec deus etiam interpretē optimum instruxerit, imbre suo perfusis fontibus et illi sapienti indicatis. cōuenientius igitur fuisset, Abelem pietate salutari uirtute præditum domi se continere, & litigiosam contentiosamq; pugnaturientis pro uocationem contemnere, imitatum Rebecæ patientiam: quæ auditis minis Esau maliciæ sodalis, suasit uirtutis meditati Iacob ut secederet, caueretq; insidias, donec miser ille suam rabiem remiserit: est enim intolerabilis cōminatio, quam intentat fratri, dicens: Appropinquet dies luctus patris mei. Optat enim tantum ut illa creatura expers affectuum, uidelicet Isaac, qui oraculum accepit, non descēsurum se in Aegyptum, in irrationalē affectum incidat, uoluptatis puta aut doloris aut cuiuscūq; perturbationis mucrone uulnerata: significans quod alter imperfectior & laboriose proficiens, non uulnus solum, sed & interitum accipiat. attamen bonus deus nec inuulnerabile genus expugnari ab affectione sinet: nec uirtutis exercitium in potestatem furentis cædemq; spirantis tradet, & ideo quod sequitur: Insurrexit Cain in Abelem fratrem suum, & interfecit ipsum, prima quidem specie Abelem occisum subindicat: sin autem diligentius rem expēdas, ipsum Cain à seipso. proinde sic legēdum: Insurrexit Cain & occidit seipsum, non alterum. & merito quidē. anima enim quæ ex seipsa tollit dogma pium & uirtutis amicum, uirtuti est mortua. itaq; Abel, quod uix credas, interēptus uiuit. exemptus enim ex insipientis mente, uiuit in deo uitam felicissimam. attestatur nobis diuinum oraculum, quod uociferari eum ait disertē;

et clamore prodere quæ à malo socio passus est. alioquin si nõ amplius erat, quomodo loqui poterat? ita est profecto, sapiens qui uidetur uita mortali defunctus, in mortalem uiuit. malus autem uiuens in uitis, quantum ad felicem illam uitam est mortuus. nam disiuncta animalia et in uniuersum corpora, alia pati, alia agere, possibile est ac facile. quando enim pater pulsatur castigans filium, aut magister familiarem, alius est qui pulsatur, quam qui pulsatur. quæ uerò coniuncta reperiuntur ea parte quæ tum agit tum patitur, his ipsis utrunq; accidit eodem tempore. certè quando athleta seipsum fricat exercendi gratia, utiq; fricatur: sicut qui semetipsum sauciat, mutilatur atq; interficitur. Sed quorsum hæc? quod anima cum sit una nõ ex disiunctis rebus, sed ex coniunctis, necessario patitur quod uidetur agere, sicut nunc quoq; planum est. Putans enim se sustulisse dogma deo charissimum, sepsam interemit. Testis est Lamech impij Cain progenies, qui sic suas uxores alloquitur, duas inconsultas sententias: Virum occidi in uulnus mihi, et iuuenem in cicatricem mihi. Liquet enim quod si quis fortitudinis rationem occidit, seipsum contrario morbo timiditatis uulnerat: et si quis pubescentem uim in ipsa honestorum meditatione tollit, plagas et magna flagra cum non mediocri dedecore sibipse infert. Dicit tamen patientia, quod sublato profectu meditationeq; non unam solam prolem amittet, sed et alias, orbitatem in uniuersum denunciens. Sicut autem qui bonum uirum lædit, declaratus est seipsum mulctare: ita qui cedit præstantioribus, quamuis dicatur illis præstare beneficium, re uera de

de seipso bene meretur. testis est his meis dictis ipsa natura, & leges huic consentaneæ. Disertè enim præcipiūt sic: Honora patrem & matrem, ut bene tibi fiat. Non his qui honorantur, inquit, sed tibi, nam siue intellectum ut patrem huius concreti, siue sensum ut matrem honorauerimus, ipsi ab eis recipiemus beneficium. honoramus autem intellectum, non iucunda ei præbendo sed utilia. ea sunt quæcunq; à uirtute proueniunt. ceterum sensui honorem habemus, quando cohibemus eius impetum ad res sensibiles, & refrenamus per intellectum, gubernatorem aurigamq; potentiarum quæ nobis insunt irrationalium. Ergo si honor quem dixi, utriq; habeatur, sensui ac intellectui, necessum est me qui utroq; uitor, affici beneficijs. Pari modo si rationem longè ab intellectu sensuq; abducens, patrem creatorem mundi, matremq; sapientiam eius per quam condita sunt omnia, honore dignaberis, ipse beneficium accipies. nullius enim indiget, nec plenus ille deus, nec illa summa perfectissimaq; scientia. quo fit ut qui hos colunt, nō eis quippe nulla re indigentibus, sed sibi prosint maxime. nam scientia equos canesue curandi, ipsis animalibus utilis, parat eis necessaria: ni faciat, discessura ab officio. at pietas ad cuius curam pertinet deum colere, nefas est ut dicatur aliquid conferre quo iuuetur deus. nihil enim est quod eum adiuet rei nullius indigū: nec in rebus quicquam est quod se potiore iuuare queat, sed ediuerso cuncta indefinenter iuantur ab ipso. Itaq; dum pietatem dicimus esse erga deum obsequium, intelligendum est tale quoddam ministerium, quale serui præstant do-

minis, impigre iussa peragendo. sed hoc interest, quòd domini quidem indigent ministerio, deus autem non indiget. itaq; illis quidem prodest ministerium, ad hunc nihil inde redit, præter uoluntatem pietatis indicem. nihil enim in hoc domino inuenitur quod profectum ac cessionemq; recipiat, cum omnia iam inde ab initio sint optima. uerùm ipsis maxima prouenit utilitas, qui in eius familiaritatem se insinuant. hætenus dictum sit de his, qui se putant alijs bene aut male facere. compertum enim est eos utrunq; sibi ipsos facere, pergamus scrutari sequentia, uidelicet scitationem hanc: Vbi est Abel frater tuus? ad quam respondet, Nescio. num custos fratris mei sum ego?] Quærendum igitur an propriè de deo dici possit, eum scitari. nam qui percontatur, de his quæ ignorat interrogat, quærens responsum ut cognoscat quæ nesciuerat. at huic percontatori nota sunt omnia, non præsentia tantum & præterita, sed futura etiam. Quid igitur opus habet responso nihil profuturo ad ampliorem scientiam? Proinde dicendum, quæ istiusmodi sunt non habere talem naturam ut de summo autore prædicari possint propriè: sed sicut qui non mentitur potest mendacium dicere, ita qui non interrogat, potest interrogationem proloqui. Cur igitur, dixerit fortasse aliquis, produntur talia? ut anima responsura, apud seipsam pensitet, quid recte secusue pronunciet, absq; ullo alio uel suffragatore uel aduersario. nam & cum sapiëntem illum rogat: ubi habes uirtutem: Abrahamum inquã de Sarra: nõ ignarus rogat, sed ut responsum eliciat, per quod ille auferat cum laude coniunctum testimo=

testimonium. Sic enim respondisse dicitur: *Eccam in tabernaculo, hoc est in anima. Quam igitur laudem hoc responsum continet? Ecce, inquit, apud me ipsum uirtutem habeo repositam ceu rem preciosissimam, & ideo iam nunc felix sum. Quod enim ex uirtute percipimus, felicitas est. ut non frustra eam possideamus. Vti autem ea nō possum, ni tu demisso cælitus semine facias eā grauidam: atq; illa Isaac pariat, felicitatis progeniem. Intellico autem felicitatem, uirtutis perfectæ in uita perfectæ usum. Ideo propositum hoc eius approbans, promittit implenda mature quæ postulat. Huic igitur sua responsio laudem attulit, fasso ne uirtutem quidem absq; diuino fauore idoneam per se ad aliquem iuuandum. At Caino merito affert uituperium, neganti se scire ubi sit qui dolo ipsius occisus fuit. Videtur enim responso hoc uelle fallere, quasi non perspicientē omnia, ac non iam ante præuidentem decipiendi uoluntatem in eo. Nefarius autē & alienus à populo dei est, quisquis putat aliquid latere eius oculum. At iste addit etiam inuenilem uocē: Nunquid custos fratris mei sum ego? Miseram profecto uitam acturus erat, si te custodem tanti boni natura cōstituisset. An non uides quod sanctorum asseruationem ac custodiam non quibusuis legislator, sed sacratas mentes habentibus Leuitis committit? quibus nō satis digna fors terra, aqua, aer, cælum insuper & totus mundus uisa est, sed solus horum opifex: ad quem confugerunt supplices, facti eius ueri famuli, amorem erga suum dominum declarantes per continuum ministeriū, & per impigram rerum sibi creditarum custodiam. ac ne his qui*
dem

dem supplicibus licuit omnibus esse custodes rerum sacrarum, sed tantum sortitis numerum quinquagenariū, annunciantem remissionem libertatemq; & restitutionem in possessiones pristinas. Hæc est, inquit, lex Leuitarum. A uiginti quinq; annis ingreditur ut ministret in tabernaculo testimonij: & à quinquagesimo anno ministrare cessabit, succedente fratre in ministeriū. Ipse autem custodiet custodias, opera uero nō operabitur.] Ergo dimidium perfectionis habentem (perfecta enim ratio quinquagenaria, cuius dimidium uiginti quinq;) operari permittit, & sancta facere, approbantē se operibus: est autem principium, teste antiquo prouerbio, totius dimidium: cæterum perfectum, non iam laborare, sed quæ per exercitationem laboremq; acquisiuit, custodire. Absit enim ut eorum sim meditator, quæ mox seruare non liceat. Ergo exercitatio mediocritas est, nō perfectio. Fit enim non in perfectis quidem animis, sed tamen ad fastigium tendentibus. At custodiæ perfectum officium, memoriæ mandare contemplatiua exercitia sanctorum, scilicet fideli custodi pulchrum scientiæ depositum: quæ sola contemnit obliuionis casses multiplices. Itaq; memorem eorum quæ didicit, recte custodem appellat. Hic autē prius quā exerceretur, alterius docentis erat discipulus. Factus autem ad custodiam idoneus, ascitus iam in docentium dignitatem ac ordinem, fratrem ad ministeria suæ doctrinæ substituit, hoc est sermonem suum enunciatiuum. Dicitur enim quod ministrabit frater eius. Itaq; probi uiri mens, custos ac proma cōda est uirtutis dogmatum. frater uero eius sermo mini-

ministrabit, eruditionis cupidis enarrans sapientiæ contemplationes & dogmata. Ideoq; Moses benedicens Leui, post alia miranda infert hoc quoq;: Custodiuit eloquia tua, & testamentum tuum seruauit. Ac mox: Manifestabunt iustificationes tuas Iacob, & legem tuam Israel. Ergo satis docet, & eloquiorum & testamēti dei probum uirum custodem esse. quā & iustificationum legumq; interpretem ac doctorem optimum eundem indicat: quando interpretatio per cognatum instrumentum, uocale uidelicet, peragitur: custodia uero circa mētem examinatur, quæ est magnum conditorium à natura fabricatum, facile capax cogitationum omnium quibus uel corpora uel res comprehendimus. Profuisset sane amatori sui Caino, si Abelem custodisset. Si enim seruasset eum, consideratam & mediocrem uitam sibi acquisisset, non explens se mera malicia. Et dixit deus: Quid fecisti? uox sanguinis fratris tui clamat ad me de terra.] Illud quid fecisti, & indignationem præ se fert ob sceleratum facinus, & irrisiōem putantis dolo patratum homicidium. Indignatio propter malefici propositum oritur, quod bonum tollere uoluit: irrisio uerò, quia putans se insidiari potiori, sibi magis quàm illi struxit insidias. Viuit enim, ut iam ante dixi, qui mortuus existimatur, quando quidem comperitur etiā deum supplex alloqui. At is qui superstes uidetur, animæ mortē perijt, exclusus à uirtute, propter quam solam uita dignus esse potuerat. Itaq; dicere, Quid fecistis idem ualeat quod, Nihil effecisti. Nam neq; ille sophista Balaam, id est, uanum uulgus contrariarum opinionum & in-

ter se pugnantium, uolens execrari probos & lædere, quicquam ualuit, deo maledictionem uertente in benedictionem, ut & uasfriciem iniusti redargueret, & se uirtutis amicum ostenderet. Solent autem pleriq; omnes sophistæ aduersarias habere suasmetipsorum facultates, dum uerba eorum cogitationibus, & consilia uerbis resistunt, haud ullo consensu intercedente. Deliniūt enim nostras aures differendo quā socialis res sit iustitia, quantum omnibus conferat temperantia, quantopere probetur fortitudo, quā ingēs capiatur ex pietate utilitas, quā salubres uirtutes ceteræ: e contra iniustitiā esse rem impacatam, intemperantiam morbiferam, impietatem nefariam, reliquam maliciam perniciosam: & tamen contraria dictis suis sapere non desinunt. sed post decantatas laudes prudentiæ, temperantiæ, iustitiæ, pietatisq;, tum maxime desipiunt, lasciuiūt, iniuste impieq; se gerunt: & ut uerbo dicam, deprehenduntur omne fas iusq; cōfundere ac subuertere. Quos merito uerbis quibus ad Cain deus utitur, appellet quispiam: Quid fecistis? quid uobisipsis profuistis? quam utilitatem animæ uestra percepit ex tot istis de uirtute sermonibus? quid in uestra uita magnum paruū ue correxistis? an non potius ueras criminationes contra uosipsum protulistis, qui probando bona & uerbis philosophando, interpretes quidem fuistis facundissimi, & tamen conuincimini turpissime tum sapere tum uiuere? annon in animabus uestris omne bonum emortuum est, incandescētibus uitis? quamobrem nemo uestrū superstes est. Sicut enim post obitum musici cuiuspiam aut grammatici musica gram-

grammaticaq; horum cum ipsis perijt, sed ideæ manent harum artium, duraturæ unā cum mundo in perpetuū, iuxta quas præsentēs posteriq; fient musici ac grammatici: ita etiam singulorum prudentia, temperantia, fortitudo, iustitia, aut in uniuersum sapientia si tollatur, nihilominus in huius uniuersi natura immortalī prudentia immortalis & uirtus omnis incorruptibilis insculpta est, iuxta quam & nunc probi censentur, & erunt in posterum. nisi forte etiam homine aliquo particulari mortuo sequi dicemus mortem humanitatis, quam genus ne an ideam, an conceptum, an aliud quid uocare oporteat, uiderint quibus studium est proprietates nō minum perquirere. Vnus signatorius annulus sæpe post expressas innumeras formas, easq; interdum unā cū suis subiectis abolitas, tamen in sua natura illæsus perseuerat. Et non putamus uirtutes, etiamsi omnes characteres ab eis impressi in studiosorum animas, per prauam uite rationem aut aliam quamuis causam euanuerint, in perpetuum conseruaturas naturam suam incorruptibilem nulliq; unquam fato obnoxiam: ideo rudes disciplinarum, qui nesciunt differentias inter totum & partes, inter genera & species, inter ea quæ communi censentur nomine, omnia confundunt commiscuntq; cū omnibus. Proinde omnis sui amans cognominatus Cain, discat cognominem Abelis à se occisum esse, speciem, individuum, delineatam ad exemplar effigiem, non ipsum archetypum, non genus, non ideam, quæ cum sint incorruptibilia, putat commori cum animalibus. In hunc aliquis iure cauilletur: Quid fecisti infelix? nōn ne opinio.

pia, quam tibi uideris sustulisse, uiuit apud deum: tu uero
 tuus homicida factus es, occiso per insidias eo, qui so-
 lus bene uiuendi tibi autor esse poterat. Ceterum quæ se-
 quuntur multum habent uel uenustatis in elocutione,
 uel grauitatis recondite in sententia: Vox sanguinis fra-
 tris tui clamat ad me de terra. Quorum uerborum magni
 loquentia nota est omnibus initiatis eloquentiæ, intelle-
 ctum uero eorum, quantum poterimus cōsiderabimus.
 ac primum de sanguine. Multis enim in locis lex essen-
 tiam animæ pronunciat sanguinem, loquens diserte: Nā
 anima omnis carnis sanguis est. Sed quando primum ab-
 soluta celi terræq; ac mediorum elementorum fabrica
 hominem fingeat conditor animalium, dicitur inspi-
 rasse in faciem eius spiritum uitæ. eumq; factum animā
 uitæ: iam tum docente nos scriptura, spiritum esse ani-
 mæ essentiam. Solet autem illa mox ab initio argumen-
 torum diligenter memorare singula, æquum censens ut
 sequentia concinant cum præcedentibus. proinde qui
 iam spiritum essentiam animæ dixerat, non diceret nūc
 eam sanguinem eximium in corpore, ni respexisset ge-
 nerale quiddam ualde necessarium. Quid igitur dicen-
 dum? singuli nostrum, sicut ratio numerorum postulat,
 duo sumus per accidens, animal simul et homo. horum
 utrumq; cognatam uim sortitum est in anima. altera ui-
 talis est qua uiuimus: altera rationalis, per quam sumus
 rationis participes. uitalem habent et bruta, rationali
 carent. reguntur autem à deo, qui rationis fons est anti-
 quissimus. ergo uis illa quæ nobis communis cum bru-
 tis est, essentiam accepit sanguinem. at illa quæ à ratio-
 nali

nali fonte demanat, spiritus est, non aer motus, sed character quidam & effigies diuinæ potentie, quam nomine proprio Moses uocat imaginem: significans quod archetypum rationalis nature deus est, homo uero imago seu effigies: nō illud gemine nature animal, sed quod est in anima præstantissimum, quod uocatur mēs & ratio. ideo carnis quidem animam dicit sanguinem, sciens carniū naturam à mente diuersam, sed uitæ sicut totū reliquum nostrum corpus participem. hominis autem animam nominat hominem, non hoc ex utroq; concretum, ut dixi, sed illud diuinum opificium, quo ratiocinamur, cuius radices conditor in cælum usq; protēdit, & ad extremam illam fixarum quas uocant stellarum reliquit circumferentiam. solam enim in terris cælestē plātam fecit hominem, cæterarum in terra defixit capita: omnes enim humi caput habent: soli homini sublimē dedit, ut alimenta cælitus incorruptibilia quærat, non terrena ista corruptioni obnoxia. quapropter corporis nostri partem insensatissimam, longe à ratione secretā, pedes ceu radices ad terram applicuit. sensus autem mentis satellites, & hanc ipsam, longissime à terra iussit habitare, & ad ætheris cæliq; nunquam interituros alligauit ambitus. non est igitur cur nos Mosi familiares dubitemus, quomodo homo cognitionem inuisibilis dei adeptus sit: causam enim oraculo doctus ipse nobis exposuit. loquitur enim in hanc sententiam. Creator nullam animam in corpore fecit idoneā per seipsam uidere suū opificem. ceterum cum animaduerneret utilissimā creaturæ fore hanc cognitionem, si modo ei cōtingeret (hic

enim felicitatis finis est) superne inspirauit nonnihil de suo numine. quod inuisibile in inuisibilem animam suum characterem impressit, ut ne terrestris quidem regio sine dei esset imagine. Ceterum archetypum illud intantum carebat omni specie, ut ne imago quidem eius esset uisibilis: expressa tamen ad suum exemplar, non mortales, sed immortales cogitationes concipiebat. Qui enim poterat mortalis natura manere simul & peregrinari, aut huc illucque inspicere, aut mare quidem totum nauibus, terram uero usque extremos fines perlustrare itineribus, aut mores legesque aut in uniuersum res & corpora pernosceret aut praeter ista terrena sublimia quoque comprehendere, aerem cum suis mutationibus, proprietates temporum, & quae quotannis statim nouationes acciderent aut quomodo a terra in caelum subuolare per aerem, atque ibi scrutari caelestes naturas quomodo se habeant, quomodo moueantur, quis motus eorum finis quodue initium, qua cognatione sibi inuicem aut uniuerso coniunctae sunt. adhuc artes scientiasque inuenire, quae uel ad res externas, uel ad animae corporisque profectum attinent, aliaque infinita tractare quorum nec naturam nec numerum comprehendere fuerit facile. sola enim ex his quae nobis insunt mens, ut omnium ocysima, etiam tempus ipsum quo ista fieri uidentur, praecurrit & praecipuat, inuisibilibus uiribus sine tempore & uniuersum hoc & partes eius harumque causas contrectando. iam uero non solum terrae marisque, uerum & aeris caeliq; terminos attingens, ne hic quidem consistit, mundum rata indefinitis sui cursus modicum esse terminum. ulterius
etiam

etiam prouolans, incomprehensibilem dei naturam appetit, cupiens hanc quoq; si queat, comprehendere. Et quomodo credibile uidetur, tam exiguum mentem humanam, mēbranula cerebri aut corde, haud amplis spacijs inclusam, tantam celi mundiꝫ magnitudinem capere, nisi illius diuinæ felicitisꝫ animæ portiuncula esset indiuisibilis? nihil enim quod diuinum est absconditur, sed tantum protenditur. quamobrem consors eius quæ in hoc uniuerso est perfectionis, quando mūdum cogitat, extendit se quā late patet usq; eius terminos, nec tamē abrumpitur. Est enim uis ipsius extensilis & ductilis. Hæc igitur compendio de animæ essentia dicta sint: nūc consequens est ut subdamus quid sit clamare uocem sanguinis. Animæ nostræ pars quædam muta, quædam uocalis est. bruta quidem muta, uocalis uero quatenus ratione prædita, qua sola deus noscitur. reliquis enim partibus nec deum nec intelligibile quicquam comprehendere possumus. Vitalis igitur facultatis in sanguine constitutæ, præcipua quædam portio uoce sermoneq; honoris causa donata est, non hoc qui per os linguamq; profluit, sed fonte ipso, ex quo per prolationem ceu lacunæ quædam sermonum repleri possunt. Fons autē hic mens est, per quam ad illum Qui est, interpellationes & exclamationes iam sponte, iam inuiti ei acclamamus. ille uero ut bonus ac propicius non auersatur supplices, præsertim quando ingemiscētes ob Aegyptios affectus & opera, sincere ac sine fūco exclamant. tunc enim Moses ait uerba eorum ad deum ascendere: illum uero exaudientem liberare à malis instantibus. hæc autem omnia fie-

ri, quando rex Aegypti moritur, quod certe mirandum uidetur: probabile enim erat, defuncto tyranno letari gaudereq; quotquot premebantur tyrannide: qui tamen tunc dicitur gemere. nam post multos dies mortuus est rex Aegypti, & in gemuerunt filij Israel. Verba hæc ut sonant rationem non habent: quod si insitas in animabus facultates introspicias, pulchre hæc coherere inuenies. quando enim dissipator ille honestarum opinionum Pharao in nobis uigescit, & sanus uidetur, si tamē quisquam malus sanus esse recte dicitur, uoluptatem amplectimur eliminata temperantia. quando uero amissa potestate quodammodo moritur qui stulte petulanterq; uiuendi causa fuerat, à sobria uita illustrati ingemiscimus & deploramus etatem antea actā, quod uirtute uoluptati posthabita mortalem uitam immortalī anteposuiamus. tum uero lex miserata lamentationes cōtinuas, clementer admittit animas supplices, & calamitatem depellit, incussam eis ab Aegyptijs affectibus. Ceterū Caino pœnitentiam non recipienti propter immanitatem sceleris fratricidij, execrationes infliguntur conuenientissimæ. primum Nunc, inquit, maledictus es tu super terram.] Declarans quod dudum, non nunc quando cadem patrauit, scelestus & maledictus est, iam inde ex quo cepit cædis consilium, uoluntate pro facto æstimata. dum enim turpia cogitamus uel sola mentis imaginatione, iam rei sumus cogitationis. potest enim etiā inuita anima mutari. dum uero ad cōsiliū accedit facinus, reum fit & consilium. nam peccatum à nolente admissum, hac maxime ratione dignoscitur. Maledictam dicit fore

fore mentem non ab alio quàm à terra pronunciat. Gra-
uissimæ enim eius calamitates in unoquoq; à terrestri-
bus causis proueniunt. Corpus certe aut morbo corre-
ptum, accedentibus ex ipso malis alijs, languore iacta-
tioneq; occupatur: aut nimio usu uoluptatis impingua-
tū uires hebetiores reddidit. & sunt sua cuiq; sensui de-
trimenta, in quæ potest incidere. Aut enim forma con-
specta telis Cupidinis aliquis sauciatur affectus permo-
lesti: aut morte propinqui audita succumbit mœstitiæ.
Gustus quoq; nonnunquam deijcit, aut insuauibus ex-
cruciatum saporibus, aut grauatum suauium multitudi-
ne. Nam libidinis cœstrum memorare quid attinet? quæ
ciuitates integras regionesq; & magnos terræ tractus
dedit exitio, sicut testantur omnes propemodum poetæ
atq; historici. Modum autem quo mens in terra maledi-
citur, addit dicens: Quæ aperuit os suum, ut suscipe-
ret sanguinem fratris sui.] Graue est enim aperiri di-
latariq; ora sensuum, ut sensibilia more fluminis exun-
dantis infundantur, obice nullo repellente uiolentū im-
petum. Tunc enim mens tantis undis obruta in profun-
dum mergitur, ut ne innatare quidem possit, aut saltem
caput exerere. Verum oportet singulis istis uti nō quo-
modocunq;, sed ad optima quæq;. Potest uisus omnes co-
lores formasq; uidere, sed uideat quæ luce non tenebris
digna sunt. Potest & auris omnes uoces recipere, sed
nonnullas sinat præteruehi. Plurima enim homines lo-
quuntur coniuncta cum turpitudine. Nec quia gustum
natura dedit tibi, ô inflat, ideo lari more quæuis insa-
tiabiliteringere. Nam plerunq; non solum è prauis ali-

mentis, sed & è nimis, grauis morbus & cruciabilis nascitur. Nec quia membra accepisti genitalia conseruanda & uniuersitatis causa, ideo stupra & adulteria ceteriq; incesti coitus sectandi sunt: sed hi tantummodo qui legitime humanum genus profeminant. Nec quia linguam & os & instrumenta uocis sortitus es, statim effare uel secretissima. Prodest enim nonnunquam silentium. Mea certe sententia qui didicerunt loqui, etiam si loqui didicerunt, cum utrumq; eiusdem facultatis sit. at qui narrant quæ non decet, non eloquentiam ostentant, sed silendi impotentiam. Ideo studemus unumquodq; os de quibus diximus, obligare non rumpendis temperantia uinculis. Quotquot enim nullis cohibentur uinculis, ut alibi Moses ait, impura sunt: quasi causa infelicitatis sit, laxari & hiare soluiq; partes animæ. Cōtrā cōstringi easdem & in unum conduci, ad rectam uitæ rationē conferat. Merito igitur ille impius numinis contemptor Cain maledicitur: qui apertis cauernis huius cōcretirebus externis inhiauit omnibus, præ insatiabilitate petens eas accipere in perniciem Abel, id est amici deo dogmatis. Ideo terram operabitur, non agricola erit. Omnis enim agricola est artifex, quoniam ars & agricultura. multi autem è uulgo terræ operarij, sine peritia tractantes uictus causa hæc ministeria, hi operando sæpe damnum dant, ni præfectum habeant: & si quid recte operantur, fortuito non ratione bene faciunt. at quæ aguntur ex agricultura scientia, omnia necessario sunt utilia. Quamobrem legislator Noe iusto artem agriculturæ tribuit, docēs quod in morē agricolæ boni uir bonus è filius

è siluestri genere stirpes, quæcunq; noxiæ sunt ab affe-
 ctibus aut uitijis plantatæ, excidit: quæ uerò infrugifera
 quidem, possunt tamen uice maceriæ sepem animæ præ-
 stare munitissimam, eas sinit. rursus omnes quæ mites
 sunt, diuerso modo non eodem curat, alias deputans, a-
 lijs inserens, aliarum incrementum ad proceritatem ad-
 iuuans, alias in breuitatem contrahens. iam uerò uitem
 luxuriantem conspiciatus deflectit in terram propagi-
 nes, scrobes faciens, ac mox terram aggerens denuo. at
 illæ quæ modo partes fuerant, iam integræ, & è filiabus
 matres factæ, naturalem etiam matrem senectute exuunt.
 postquam enim desuit nutrimentum in plures foetus, quip-
 pe iam ad sibijpsis querendum maturos, minutatim di-
 stribuere, quæ prius hanc ob causam famelica uix satu-
 rabatur, iam ut pinguefacta repubescit. alium quendam
 uidere memini, qui mitis arboris, sed parum generosæ,
 quod supra terram extabat præsecuit, ut à radice pro-
 mineret modicum: desumptoq; ab alia generosa bono
 furculo, ad medullam eam parte una derafit. extantem
 autem illam à radice non profunde incidit: sed rima tan-
 tum facta, derafum furculum in eam inseruit. ex quibus
 ambobus unitis arboris unius natura prouenit, utraq;
 parem utilitatem reddente alteri. nam radices nutriunt
 insitum ramum nec sinūt arefcere. at ille uberes fructus
 reponit pro nutritionis gratia. Sunt & alia innume-
 ra opera artis agriculturæ, quæ nunc memorare super-
 uacaneum fuerit. hæc enim in hoc tantum prolixius di-
 ximus, ut appareat discrimen inter operarium terræ et
 agricolam. Certè quiuis malus terrenum corpus eiusq;

cognatos sensus & ista externa sensibilia operari sine arte non desinit, lædens interim animam suam miseram: quam tum lædit, cum uidetur maximè prodesse corpori suo. At bonus, ut peritus rei rusticæ, omnem materiam certa ratione tractat ex artis præscripto. & quoties indomiti sensus ad externa sensibilia contumacerunt impetu, adhibita machina quapiam in hoc artificiose parata, cohibentur facile. Cum uerò in anima crudus affectus eam concutiens exoritur, pruritus aut titillationes uoluptarias aut concupiscentias, aut è diuerso morsus tædiumq; molestiæ uel pauoris afferens, præparato remedio salutari mitigatur. atq; etiam si quod serpiginosum uitium longius producit, cancro depascenti corpora simile, id quoq; sermone scitè adhibito rescatur. & in hunc modum quicquid siluestre est ad mitiorem cultum reducit. Cæterum frugifera uirtutum plantæ primum progerminant studia, quæ mox fructus honestarum actionum sequitur. his animæ agricultura incrementum addit, & quantum in se est, immortales facit sua industria. Liquet igitur agricolam esse bonum, terræ uerò operarium malum: cui terram exercenti uitam ex illo terreno roboris aliquid accederet, ac nō deperiret aliquid ex eo quod habuerat. dicitur enim de ea, Non apponet uires suas tibi tradere. Et qualis esset homo, qui edens semper bibensq; nūquam expleretur aut eas quæ sub uentre sunt uoluptates alias super alias cumulans, tamē recentē semper libidinē afferret ad coitū: nam indigentia solet imbecillitatē inducere, sicut firmitatem satietas. Verum quādo in copia rerum coniun-

gitur

gitur satiabilitas cum magna intemperantia, id demum
 fames est. miseri uerò qui mole referti, quantum ad cupi-
 ditates sunt adhuc inanes & sitiunt. Sed de amatoribus
 scientiæ in Cantico magno uates ait: quòd eos ascendere
 fecit super uim terræ, & cibauit agrorum germina. Sci-
 licet impius finem non assequitur, ut magis doleat, dum
 uires decedunt magis quàm accedunt eius actionibus.
 Qui autem uirtuti dant operam, superiores omnib. re-
 bus terrenis ac mortalibus, è sublimi despiciunt earum po-
 tentiam, quippe in ascensu ducem secuti deum, qui etiam
 pubertatem agrorum ad usum fructum eis porrigit, uir-
 tutes agris, & illarum fructus horum fructibus assimila-
 lans. Nasclitur enim ex prudentia sapere, ex temperantia
 sobrium esse, è pietate deum colere, & ex unaquaq; ca-
 terarum uirtutum sua cuiusq; actio. Hæ sunt cibi animæ
 propriè, quæ idonea est ad sugendum, sicut legislator lo-
 quitur. Mel è petra, & oleum è solido saxo: petram soli-
 dam & infrangibilem indicans sapiëntiam dei, nutricem
 baiulam educatricemq; desiderantium uitam incorru-
 ptibilem. Hæc enim tanquam mater eorum quæ mundo
 continetur, ex seipsa cibos præbet suis foetibus. sed non
 omnia diuino alimento digna habentur: uerum ea modo
 quæ non degenerem præ se ferunt indolem. nam pleraq;
 pereunt inedia uirtutis, grauiore morbo ac miseriore
 quàm cibi potusq; inopia. Labitur autem diuinæ sapien-
 tiæ fons nunc leniore fluxu placidioreq; nunc uehemen-
 tiore cursu maioreq; impetu. Quando igitur sensim de-
 scendit, dulcescit mellis in morem: quādo uerò celeriter
 confertimq; labitur, fit tanquam oleum illustrandæ ani-

mae. Hanc petram propheta uocat alibi manna per synonymiam, antiquissimum illud dei uerbum: qua appellatione intelligitur quiddam generalissimum: unde sunt duae placentulae, condita melle altera, altera oleo, id est, educationes duae ualde similes, & studio dignae, initio dulcedinem instillantes contemplationum quae insunt scientijs: mox & lucem fulgidissimam accendentes in his qui non fastidiose degustant, sed firmiter constanterq; retinent ea quorum tenetur desiderio. Hi sunt, ut dixi, qui ascendant super uim terrae. Ceterum impio Caino ne terra quidem quicquam confert ad agilitatem, quamuis nihil praeter eam tractanti aliud. Proinde consequenter gemens tremensq; super terram inuenitur, id est moerore timoreq; confectus. Talis est infelicitas uita, cui est quatuor affectibus contigerunt qui molestiores sunt, timor & dolor, quorum synonyma sunt tremor & gemitus. Huiusmodi enim homini necessum est aut adesse aut imminere malum aliquid. Itaq; futuri expectatio timorem gignit, praesentis usus maeritiam. Sed qui uirtutem sectatur, delicijs huius conuenientibus fruitur. Aut enim acquirit bonum, aut acquirit postea. & habere quidem, affert gaudium, rem preciosissimam: expectatio uero habendi, spem quae est alimentum animarum uirtutem amantium: propter quam semouemus pigritiam, quotquot suapte promptitudine properamus ad honesta opera. Certè quaecumq; anima concipit prolem masculam, scilicet iustum propositum, ab hac excluduntur omnia tristitia. Testis erat natiuitas Noe, qui interpretatur solidus, de quo dicitur: Hic cessare faciet nos ab operibus nostris, & à laboribus manus

nuum nostrarum, & à terra cui maledixit dominus deus. Sic enim natura comparatum est, ut iustitia primum quietem pro labore inducat, quicquid est in confinio uirtutis & uitij susq; deq; faciens, diuitias, principatum, gloriam, honores, & quaecunq; horum germina sunt, circa quæ plurimum humanum genus satagit. Deinde mœrores tollat, quos nobis nostræ actiones conciliant. Moses enim non, ut impij quidam, deum autorem malorum ait, sed nostras manus, figuratè nostros conatus subindicans, & spontaneas cogitationes procliues ad deterius. Postremum est cessare à terra cui maledixit dominus deus. Hæc autem est malicia, insipientium animabus insita, cuius tanquam morbi grauissimi aberuncationem iustus inuenit, iustitiam adeptus cum tota sua familia. utiq; quando id genus mala depelluntur, homo repletur gaudio sicut Sarra. ait enim: Risum mihi fecit dominus. & addit: nam quicumq; audierit, gratulabitur mihi. Opifex est enim deus boni risus & gaudij: itaq; Isaac non uulgariter genitus, sed operante deo credendus est. Nam si risus Isaac intelligitur, risus autem factor est deus iuxta uerax Sarraë testimonium, etiam pater Isaac potest dici rectissime. Huius appellationis etiam sapiens ille Abraham sit particeps, cui gaudium proles sapientiæ, tristitiam excidens donatum est. Ergo si quis idoneus est audire poeticam, id est faciendi rationem qua deus utitur, & ipse gaudet necessario, & gratulatur his qui habuerant audiendi desiderium. In hac nullum figmentum fabulosum inuenies, sed ueritatis formas omnes, expressas integrè: imò ne metra quidem ac
rhythmos

rhythmos & carmina aures per musicam oblectantia: sed opera naturæ absolutissima, propriam quādam cōcinnitatem habentia. Sicut autem mens ad audiendum apta gaudet his dei poematis: sic & sermo concinens mentis cogitationibus & quodammodo adhærens, necessario gaudet. id docebit manifeste oraculum Moysi sapientissimo redditum in hanc sententiā: Ecce Aaron frater tuus Leuita, scio quod loquetur ipse tibi, ecce ipse egredietur in occursum tibi: uidensq; te letabitur intra seipsum. Opifex ait se scire, quod sermo, qui mentis est frater, loquetur. Fecit enim eum tanquam instrumentum totius huius ex quo concreti sumus, uocem articulatam. Hic sermo mihi, tibi, omnib; hominibus, sonat, profert, interpretatur cogitata, et prior exit occursumus his quæ mens ratio cinatur. Nam quando mens excita in aliquid sibi familiare sumit impetum, aut intus cōmota à seipsa, aut receptis à rebus externis formis aliquibus extrinsecis, concipit & parturit cogitationes: quas uolens parere non potest, donec per linguā ceteraq; instrumenta sua, uox eas excipiens, obstetricis more producat in lucem. hæc uox cogitationes elucida, nam sicut ea quæ in tenebris abdita sunt celandur, donec lux affulgēs ea indicet: ad eundem modum cogitationes mens recondit in loco inuisibili, donec uox lucis more cūctas retegat. quapropter ualde pulchre dictum est, quod egreditur sermo in occursum cogitationibus, & accurrit eas complecti cupiens, indicandi desiderio. Nam quisq; sui operis est cupidissimus. Sermonis autē proprium est dicere, ad quod suapte natura properat. Gaudet autē & letatur quando

eeu illustratus peruidet & comprehendit intellectum rei
 quæ declaratur. Tunc enim complexus eam interpreta-
 tur optime. Proinde quicumq; inter dicendum non recte
 tenet cogitata, ut uerbosus ac loquaces auersamur, quia
 longas sed inanes atq; adeo inanimes, ut propriè dicam,
 orationes consarciunt. Horum igitur sermo ut indeco-
 rus merito gemit: e contra necessario gaudet qui re bene
 considerata sufficienter instructus ad conceptus animi
 proloquēdos accedit: id quod omnibus ferme notum pu-
 to per quotidianam experientiam. quando enim probè
 cognitum tenemus de quo differimus, lætus gaudensq;
 sermo abundat dilucidis & proprijs uocabulis, quibus
 copiose, expeditè, inoffense, atq; etiam disertè ac efficaci-
 ter repræsentat quicquid docere uult. quando autem di-
 uersis cogitationib. distracti nil certi comprehendimus,
 sermo quoq; delirat, & impropriè loquitur, destitutus
 aptis uerbis & conuenientibus. Quapropter tum ipse
 tædio laborat errabundus & subinde impingens: tum
 auditoribus adeo nō persuadet, ut molestus etiam sit au-
 ribus. Attamen nec omnis sermo, nec cogitatis occurrat
 omnibus: sed perfectus Aaron perfectissimi Moysis cogi-
 tationibus. Alioquin quid opus erat postquam dixit
 Ecce Aaron frater tuus, addere Leuita, nisi ut doceret
 quod soli Leuitæ & sacerdoti & bono sermoni conue-
 nit proferre cogitata quæ sint perfectæ animæ germi-
 na. Nam mali uiri sermo nunquam interpretari potest
 diuina dogmata. pulchritudinem enim eorum suis de-
 turparet contaminationibus. e contra neq; bonus impu-
 dica turpius proferet: sed semper sanctas narrationes
 sacræ

sacri sanctiq; sermones facient. Fertur in quadam optime instituta ciuitate morem esse hunc, ut quoties aliquis impure uitæ ciuis sententiam uult proferre ad senatum aut populum, non sinatur per seipsum hoc facere, sed à magistratu cogatur. eam apud aliquē honestum uirum deponere. Qui mox assurgens promit quod audiuit, si lente interim altero: & quæ tum primum didicit quamuis aliena profert, autorem commenti uix in auditorum spectatorumue habens numero. adeò ne beneficium quidem ab iniustis quidam dignantur accipere, quod existimet hanc utilitatem corrumpi admixto dedecore. quod & Moses sacratissimus docere uidetur. nam tale quiddam est quod Aaron Leuita occurrit fratri suo Mosi, quo uiso gaudet in seipso. Illa autem uerba In seipso gaudere, præter iam dictum dogma indicant & aliud magis ad remp. pertinens, ostendente legislatore germanū & maxime proprium hominis gaudium. proprium enim nec è pecuniarum possessionumue copia, nec è splendore glorie, nec ex ullo omnino inanimato infirmoq; opere, quod per seipsum est corruptibile, potest contingere. imò nec è robore agilitateq; corporis aut cæteris id genus dotibus, quæ uel cum pessimo quoq; cōmunes sunt, & habentibus se nonnunquam perniciem attulerūt inuitabilem. quoniam igitur in solis animæ bonis pura & minime adulterina inuenitur leticia, in seipso utiq; gaudet omnis sapiens, non in his quæ circa se habet. in seipso enim habet mentis uirtutes, quas nobis placere æquum est: circa se uerò bonam habitudinem corporis & externarum rerum copiam, propter quas non est quod nobis

nobis placeamus. Ergo quoniam quantum potuimus de-
 clarauimus ueracissimi Mosis testimonio, sapientis pro-
 prium esse gaudiū, ostendemus spem quoq; in hunc ma-
 ximè competere, teste eodem. sic enim loquitur de Seth
 filio cui nomē Enos, quod interpretatur spes: hic primus
 sperauit inuocare nomen domini dei. Rectè. uero enim
 homini quid magis potest esse proprium quàm spes &
 expectatio possessionis bonorum accipiendorum à solo
 munificētissimo deo: quod genus solum, si uera fateri uo-
 lumus, propriè hominum est: tanquam hi qui non spe-
 rant in deum, extra naturā rationalem censeantur. Ideò
 cum dixisset de Enos, hic sperauit inuocare nomē domi-
 ni dei, disertè infert, Hic est liber generationis hominum
 proborum. scriptū est enim in dei libro, solum bene spe-
 rantem esse hominem. itaq; per contrarium qui despe-
 rat non est homo. ergo concretum hoc nostrum defini-
 tur, animal rationale, mortale. sed eius quem Moses cen-
 set hominem affectiones animæ sperant in eum Qui est,
 uerum deum. Proinde boni uiri felicem sortē nacti spem
 atq; gaudium, aut habeant aut certè expectēt bona. mali
 uerò, quorū Cain est sodalis, in mœrore timoreq; degen-
 tes, præsentia imminentia & mala miserrimā portionem
 possideant, gementes ob molestias quas habēt præ mani-
 bus, præ metu aut ingruentiu tremantes horrentesq;. ue-
 rū de his hætenus dictū sit, scrutemur iam sequētia. Di-
 xitq; Cain ad dominū: Maior est culpa mea q̄ ut remitta-
 tur.] hoc quale sit per similia declarabitur. Si nauē ma-
 ri lactatā gubernator deferat, an nō neceſsū est eam nauē
 gationē aberrare? itē si quadrigas auriga in Circēſibus,
 annoi

annon necessum est eas turbatas ferri cursu deuio? Quid ciuitas si destituatur magistratibus aut legibus? sunt autem & leges dubio procul pro magistratibus. nonne carens magistratibus legibusq; ciuitas illa malis opprimitur maximis? Atqui natura comparatum est, corpus absente anima, animam absente ratione, rationem destitutam uirtute, interire funditus. Quod si hæc singula rebus destitutis nocent tantopere, quantam miseriam in deo destitutis agnoscimus? quos ille auersatus tanquam desertores ordinis, exterminauit procul à sanctissimis suis legibus, indignos sua prouidentia habitos. In uniuersum enim scire oportet, quod qui præstantioris ope destituitur, sit obnoxius maximis culpis & criminibus. quando enim dices imperitum artis ledi maximè? nonne quando à scientia omnino deseritur? quādo uerò indoctum & ualde ineruditum? nonne quando à doctrina & disciplina derelinquitur? quid insipientes quādo infelices pronunciamus potissimè? nonne quando omnino repelluntur à prudentia? quādo uerò intemperantes & iniustos? nonne cum à temperantia iustitiæq; damnantur exilio perpetuo? quando uerò impios? nonne quando pietas eos à sacris suis excludit? ideò arbitror eos qui non omnino sunt inextinguibiles, optare puniri potius quàm dimitti. nam hæc missio facile subuertet eos, cum malè saburatas naues carentes gubernatoris prouidentia, animaduersio uerò ad correctionem profuerit. Aut non sunt potiores qui sub pædagogis educantur, quàm qui peccantes à nullis cohibentur castigantibus? non meliores itidem qui sub magistris discunt artes, quàm qui quoties

quoties aberrant obiurgantur à nemine? uel felicius proficiunt qui sine curatore degunt, quàm qui parètes à natura institutores sibi additos deo fortunante nacti sunt? sin minus, saltem secundarios præfectos adepti, quos orbitatis miseratio conciliare solet, in omnibus cōmoditatibus genitores minus desiderant? Ergo quicumq; peccatorum sumus nobis conscij, precemur deū ut puniat nos potius quàm incastigatos prætereat. præteritos enim nō ipse propicius in seruitutem suam uindicabit, sed inclementis genituræ seruos faciet. quod si ut benignus clementer leniterq; puniat, errata nostra corriget, sermonem suum castigatorem immittens in nostram animam, per quem pudore admissorum incusso, ipsam in sanitatem restituat. Propterea legislator ait, quicquid in animo suo precata fuerit uidua & expulsa, manere ipsam. deum enim uirum & patrem uniuersorum semen genitumq; omnibus præbentem iuste dicemus. mentem uerò eiectam deo uiduam, quæ aut geniturā diuinam non excepit, aut exceptam data opera abortum fecit. Quamobrem quicquid statuerit, cōtra seipsam statuet, idq; omnino immedicabile. Quomodo enim euitari potest malum, quod contra seipsam pronunciat creatura inconstans & ad omnē occasionem mobilis, ascribens sibi uirtutes creatoris? quarū una est quæ citra controuersiam rigideq; definit singula. Quapropter nō solum uiduabitur à scientia, sed expelletur etiam. quod sic intelligitur. Anima uidua, nondum tamen expulsa ex honestate, potest per quandam tolerantiam cum recta legitimāq; ratione redire in gratiam. quæ autem semel seiuncta fecit

dimortium, ut irreconciliabilis in omne æuū reiecta
 est, amissa potestate reuertendi ad pristinū domicilium.
 Hactenus de his uerbis, Maior est culpa mea q̄ ut remit-
 tatur: dispiciamus sequentia. Ecce eijcies me, inquit, ho-
 die à facie terræ, & à facie tua abscondar.] Quid ais bo-
 ne uir? itā ne etiam eiectus è tota terra absconderis? at
 quomodo? poteris ne uiuere? an ignoras quod animalibus
 natura, non eadem sed diuersa loca incolenda distri-
 buit: mare piscibus & omni aquatico generi, terram ter-
 restrib. omnibus. homo autem utiq; iuxta corporis tem-
 peramentum animal terrenum est. propterea quicquid
 migrat è suis regionibus, & uelut in alienas transfertur,
 exanimatur facile: terrestria si mergantur in aquam, &
 quatica si in terram expellantur. proinde si eijciaris è
 terra cū sis homo, quò te uertes? natabisne in aqua mo-
 re aquatiliū? atqui mersus mox exanimaberis. sed for-
 te sumptis alis sublimis euolans per aerem uagari cona-
 beris, è terrestri factus uolucris? fac si potes, muta cha-
 racterem quem tibi semel impressit deus. sed haudqua-
 quam poteris. Quanto enim sublimius te ipsum extule-
 ris, tanto citius grauioreq; casu ad terrā proprium tibi
 locum relaberis. Itāne homo aut ulla creatura potest se
 à deo abscondere? quoniam ab eo qui nusquam non est,
 qui prospicit usq; omnes terminos, qui uniuersa replet
 sua præsentia, à quo nihil uel minutissimū deseritur? Et
 quid mirum si nulla creatura latere potest eum Qui est,
 quando ne materialia quidem principia cuiquam licet
 effugere, sed necessum est ut euitato uno incidat in al-
 iud. Vtinā igitur opifex arte qua fecit in utroq; elemēto
 degen-

degentia, huius quoque animalis ubiubi uicturi fecisset miraculum, ut à natiua grauitate terreni aquaticique pondere in aerem ignemque se posset attollere: ac rursus post consuetudinem cum sublimibus, si migrationem inde requireret, locum loco mutaret contrario. Sed debuit utique in una aliqua mundi parte consistere, quando quidem in omnes excurrere non poterat: Et alioquin etiam opifex nihil ei præterea reliquum fecerat, absumptis in mundum quatuor elementis, ut ex perfectis partibus absolutissimum opus hoc uniuersum redderet. Ergo cum totum opus dei nemini liceat effugere, an non multo minus autorem eius et rectorem effugere poterit? nemo igitur hæc uerba non examinata facile admittens, è sua simplicitate legem æstimet: sed introspectis latentibus significationibus, discernat id quod manifestum est. Quid si uerba ista, Si eijs me hodie à facie terræ, et à facie tua abscondar, sic intelligantur: si non præbes mihi bona terræ, ne cælestia quidem accipio. si non datur frui uoluptatibus, ne uirtutem quidem desidero, si non impartiris humana bona, diuina quoque tibi habeto. nam apud nos necessaria, cara, et uerè germana bona sunt hæc: edere, bibere, uestiri, per uisum frui colorum uarietatibus, per aures oblectari omnigenis sonorum cōcentibus, per nares exhilarari suauibus uaporum fragrantijs, uētris et eorum quæ sub uentre sunt ad satietatem expleri uoluptatibus, aurum argentumque non negligere, honores principatusque et quicquid ad gloriam facit conquirere. prudentiam uerò, fortitudinem, iustitiam, res tetricas, et uitæ molestiam afferētes, missas faciamus. quod si libet eis uti, non

ut bonis perfectis utendum est, sed ut causis bonorum, & ridiculum caput. Ergo priuatus his lucris corporeis in conspectum dei non uenies? at ego tibi dico, uenies omnino, etiamsi priuatus fueris. solutus enim duris tum corporis tum rerum corporearum uinculis, imaginaberis illum sapientem Abraham. Viden ut relinques terram, cognationem, ædes paternas, sensum, rationem, incipit occurrere eius Qui est potentijs? postquam enim totam domum egressus est, ait lex uisum ei deum: docens quod manifestè apparet extricato rebus mortalibus, & recurreti ad incorpoream huius corporis animam. Ideò Moses accepto suo tabernaculo, extra castra id figit, longè semotum à corporali exercitu. hoc enim solo modo sperat se fore supplicem cultoremq; perfectum celestis numinis, & ait id uocatum tabernaculum testimonij, ualde cautè, ut tabernaculum eius Qui est sit, non uocetur tantummodo. ex uirtutib. enim ea quæ dei est uerè est, constans ex essentia. quoniam & deus solus stat in essentia: quã ob causam necessario de seipso dicit: Ego sum Qui sum: ac si quicquid post eum est, non per essentiam sit, sed sola opinione hominum. Mosi autè tabernaculum figuratè humanam uirtutem significans, appellatione non ipsa re dignabitur, cum sit imago diuini illius tabernaculi. huc accedit quod & Moses quando in deum Pharaonis constituitur, non reuera factus est deus, sed tantum existimatione creditus. Deum enim dantem quidem scio & largientem, dari uerò nō intelligo. Dicitur autem in sacris libris, Do te deum Pharaoni, patiente qui datur non agente. Is autè Qui uerè est, actiuus necessario non passiuus

passius intelligitur. Quid igitur ex his colligimus? quod sapiens dicitur quidem deus insipientis, reuera autem non est deus, sicut nec adulterinus stater est stater. idem collatus cum eo Qui uerè est, homo dei reperietur: cum insipiente uerò si conferatur, deus imaginatio-
ne existimationeq; uidebitur, non ueritate ac essentia. quid igitur nugaris dicens, Si me eijcies à terra & te, abscondar. imò si te à terreno arcuero, manifeste ostendam meam imaginem. argumento est, quod à facie dei migrabis: post migrationem autem nihilominus terrenum corpus inhabitabis. Dicit enim rursum: Exiuit Cain à facie dei, & habitauit in terra.] Itaq; non eiectus à terra abscondaris ab eo Qui est, sed eum deuotans in terram confugisti, locum mortalem, imò nec omnis qui inuenierit te occidet, quemadmodum sophisticaris. nam quicquid inuenitur, utiq; ab alterutro inuenitur, aut simili aut dissimili: simili cognatoq; iuxta communionem omnium familiaritatemq; dissimili uerò iuxta diuersitatem contrariam. simile igitur cōseruare studet sui simile: dissimile uerò perimere solet sui dissimile. Sciat ergo et Cain, & quisquis alius uaser est, quod non à quouis occurrente interficietur: sed malefactores quidem germanorum cognatorumq; uitiorum æmulatione custodes eius erunt & satellites. qui uerò prudentiam ceterasq; uirtutes exercent, tanquam insensissimum hostem tollēt si poterunt. In uniuersum enim & res & corpora à familiaribus amicisq; seruantur, ab alienis uerò & insensitis interimuntur. Quapropter oraculum cōtra fictam hanc Caini simplicitatem ferens testimonium ait: non ita

sentis ut loqueris. Ais quod quicūq; artis tuæ palæstras inuenerit, interficiet. nosti autem quod nō quiuus ex innumeris qui inter tua censentur auxilia, sed solus uirtutis amicus, tecum gerit bellum sine inducijs. Qui, inquit, occiderit Cain, septē multas dissoluet.] Id quam rationem ad dictas interpretationes habeat non uideo, quod septem multas dissoluet. nam nec dixit quæ septem, nec multæ modum, nec dissoluendi. itaq; existimandum est omnia talia figuratè latentèq; significare aliquid. Quid si tale quiddam docere uult? quod irrationale est in anima in septem partes diuiditur, uisum, odoratum, auditum, gustum, tactum, sermonem, genitiram. octauum intellectum horum ducē si quis uelut Cainum interimat, simul & illa septem dissoluet. robore enim mentis ualido confirmantur hæc omnia, & cum eiusdem imbecillitate deficiunt. perfecta autem corruptio quam inducit uitium, perfectam dissolutionem accipit. septem autem illa in sapientis animo incontaminata puraq; & proinde honore digna inueniuntur: in insipientis contrà impura pollutaq;, & ut dixi multata, hoc est multa digna & supplicio. Quando igitur aqua terram purgare statuit opifex, uoluitq; animam purgari ab ineffabilibus iniquitatibus, eluereq; & abstergere maculas per sacram purificationē, hortatur eum quem reperit iustum, qui non est oppressus à diluuiō, ut inducat in arcam, id est hoc corpus uas animæ, ex omnibus pecudibus mundis septenas, masculum & feminam: æquum censens ut bona ratio puris utatur omnibus partibus irrationalibus. Et quod hic legislator designauit, necessario

cessario contingit omnibus sapientibus. habent enim purificatum uisum, examinatum auditum & sensus ceteros. habent sermonem quoque immaculatum, & appetitus Veneris non illegitimos. singula autem horum septem, partim masculus sunt, partim foemina. Quoniam enim aut quiescunt aut mouentur, quiescunt quidem per somnium, mouentur autem uigilantia iam & agentia: quicquid habitum habens quiescit, ut passioni obnoxium uocatur foemina. quod uero praeditum motu actusque animaduertitur agere, masculum nominatur. atque ita in sapiente haec septem spectantur pura, contra in malo multa omnia. Quantam enim putas multitudinem quoti die a suis oculis, uelut a transfugis, proditam coloribus figurisque, & his quae uidere nefas est? quantam ab auribus omnes sonos consecretantibus? quantam ab odoratus gustusque instrumentis attractis per uapores uarietatesque ceteras plurimas. Taceo multitudinem eorum quos infrenis linguae fluxus irreuocabilis perdidit, aut libidines caestrosuo impotenter concitos. Plene ciuitates, plenus est orbis terrae quam late patet malis talibus, quae humano generi uel media pace acre continuumque bellum inferunt tum priuatim tum publice. propterea uidentur mihi qui non omnino rudes sunt, malle caecitatem quam uidere quae non decet: malle surditatem quam audire sermones perniciosas: linguam quoque libenter amissuri, ne proloquantur quae celanda sunt. Certè fertur quosdam sapientes, cum in rota cruciarentur ad extorquenda secreta, premordisse linguam suam, & ita grauiorem cruciatum rependisse tortoribus, dum eos uoti fecerunt

impotes. Castrari utiq; melius est, quàm trāsuerſum ab-
 rīpi libidinum illicitarum rabie. Quæ omnia in calamita-
 tates pernicioſas animam mergentia, merito extrema
 pœna ſequitur. Additur deinceps, Poſuit dominus
 deus in Cain ſignum, ut nō interficeret eum quiſquis in-
 ueniſſet.] Quod autem ſignum, non declarauit, quam-
 uis ſolitus ſingularum rerum naturam per ſigna indi-
 care: ſicut in rebus Aegyptijs dum uirgam mutat in ſer-
 pentem, & manum Moſis in niuis ſpeciem, & fluiuium
 in ſanguinem. An fortè hoc ipſum ſignum eſt appoſitum
 Caino ne interficeretur, quod nunquam interfectus eſt.
 nuſquam enim in lege de nece eius narrat, ſubindicans
 quod ſicut illa fabuloſa Scylla, immortale malum eſt in-
 ſipientia, quæ nunquam in totum emoritur, & tamen
 nunquam non moritur. Atq; utinam fieret contrarium,
 ut ſemel è medio tollerentur omnia: nunc perpetuo
 repullulantia, immortali morbo affli-
 gunt quoſcunq; aliquando
 corripuerunt.

PHILONIS IV

DAEI, DE AGRICVL- tura Liber.



OEpiq; Noe homo agricola
esse, & plantauit uineam, & bi-
bit de uino, & inebriatus est in
domo sua.] Vulgus hominum
rerum naturas ignorans, etiam
in nominib. eis imponendis er-
ret oportet. nam qui eas uelut

per anatomiam considerant, facile assequuntur appella-
tiones earum proprias: qui autem res tractant cōfusus,
non tam exquisitas. Moses uerò in tanta rerum peritia,
nominibus rectissimis aptissimisq;, & mirè perspicuis
uti consuevit: proinde sepe in libris legum diuinarum
inuenimus rebus conuenire nomina: quod uel in præsenti
capite liquet, in quo iustus ille Noe agricola induci-
tur. Et cui non ad iudicandum procliuiori uideri posset
idem agricultura, quod facultas operaria? atqui duo
hæc adeò non sunt eadem, quātumuis coniuncta, ut sint
etiam pugnantia. possunt enim & imperiti laborare in
re rustica: agricolæ autem nomen ipsum peritiæ fidem
astruit, quod uidetur ei propter artem suam inditum.
præterea cogitandum illud quoq;, terre operarium fi-
nem unicum spectare mercedem (sunt enim pleriq; mer-
cenarij) non sollicitum quàm bene operetur. agricola uē-
rò non parcat impensis, modo possit uel agellum emere,

uel ita rem administrare, ut reprehensionem peritorum
 effugiat. nullum enim aliud lucrum querit, quàm ut ex
 annuis prouentibus fructum percipiat. itaq; dat operam
 ut siluestres arbores traducat ad mitius ingenium, mi-
 tium uerò incrementum industria sua promoueat, & si
 quæ præ alimento nimio luxuriant, putatione coercent;
 alias uerò contractiones nouis stolonum accessionibus
 amplifcet. adhæc generosas plantas in multos ramos se
 diffundentes propagimet, paratis circum non admo-
 dum profundis scrobibus: parum frugiferas autem ins-
 tis in earum stirpes & unitis præstantioribus, ad melio-
 rem frugem reducat, quando quidem sic homines quoq;
 faciunt, adoptiuos filios in alienas gentes propter uir-
 tutem asciscendo, in quibus constanter perseuerent. ita
 & rusticus radicitus excidit plurimas iam effectas, quæ
 intercipiendo succos magnum damnum in proximo se-
 tis afferunt. circa huiusmodi enim negocia uersatur ar-
 curatrix stirpium è terra nascentium. Nunc ad peri-
 tiam agriculturæ, quæ excoluntur animæ, considera-
 dam nos uertamus. hæc ante omnia curat ne quid seme-
 net plantæ tue, quod sit sterile: sed omnia mitia fructif-
 raq; relatura fructum annum moderatori homini. huius
 enim natura principem animalium stirpiumq; & om-
 nium rerum mortalium constituit. homo autem in uno-
 quoq; nostrum quis alius esse potest quàm intellectus,
 qui solet satorum plantarumq; fructus colligere. Quo-
 niam autem infantibus lac nutrimentum est, adultis que
 è frumento coquuntur, animæ quoq; scæum lac debetur
 in etate tenera, uidelicet liberalis musicæ rudimenta:

sicut viros perfectum alimentum decet, ut instituantur in prudentia, tēperantia, cæterisq; uirtutibus. hæc enim sata plantataq; in mente ex præscripto artis rusticæ de qua loquimur, egregios fructus ferent, & actiones laudabiles. simulq; quotquot affectionum uitiorumq; plantæ in altum pullulant, ferentes fructus letiferos, succidantur ut nihil fiat reliquum, unde noua rursus peccatorum prorumpant germina. quod si qua nec utiles fructus feret neq; noxios, excidentur tales, non tamen absumuntur, sed uertentur in usum cui competunt, aut in uallum ad munitionem castrorum, aut ad septum oppidi, quod sit pro mœnibus. sic enim præcipitur: Omne quod non fert fructum cibo utilem excides, & facies inde uallum oppido, si quis tibi bellum inferat. Huiusmodi arbores sunt similes doctrinis contemplationem solam habentibus, inter quas recensenda est medicina ista ociosa, non coniuncta cum actionibus ægros incolumitati restituentibus: & rhetoricæ genus causidicum mercenariumq;, non in quærendo iure occupatum, sed dolo captans assensum auditorum. huc accedunt & dialecticæ geometricæq; partes quæ momenti nihil ad morum correctionem asserunt, sed intellectum solum acuunt, ne hebetior sit ad singula de quibus ambigitur: sed diuidendo distinguendoq; proprietates singulorum discernat à communibus qualitativis. certe philosophiæ rationem triplicem priscos aiunt agro assimilasse, ita ut naturalem arboribus stirpibusq; facerent similem, moralem uero fructibus, propter quos sunt arbores: deniq; rationalem sepi & macerie. Quemadmodum enim maceria fructus plantasq;

plantasq; agri conseruat, arcens irrumpendi nocendiq;
 cupidus, ita & rationalis pars philosophiæ præsidium
 munitissimum est reliquarum duarum, moralis atq; na-
 turalis. cum enim duplices & ambiguas dictiones ex-
 plicat, & sophismatum persuasibile speciem dissoluit,
 & probabilem deceptionem maximam perniciosissi-
 mamq; escam animæ tollit è medio, adhibitis sermoni-
 bus disertis & demonstrationibus indubitatis, tãquam
 ceram leuigatam intellectum parat ad excipiendos phy-
 siologiæ moralisq; disciplinæ characteres ualde pro-
 bos ac integros. Hæc sunt quæ animæ agricultura pro-
 tetur: effodiam arbores omnes imprudentiæ, intempe-
 rantie, timiditatis, iniustitiæ: excidam & uoluptatis, co-
 cupiscentiæ, iræ, furorisq; ac similium passionum stir-
 pes, etiamsi se ad cælum extulerint: aduram & radices
 earum, immisso penitus in terrã incendio, ne qua pars,
 imò ne quod uestigiũ, ne ulla umbra fiat reliqua. & hæc
 quidem auferam. inseram autẽ, primũ in puerilis æ-
 tis animas furculos, quorum fructus ipsas enutriet. sunt
 autem hi. scribendi legendiq; certa industria, eorũ quæ
 apud sapientes poetas habentur diligens scrutatio, geo-
 metria, oratoriæ facultatis meditatio, & uniuersa libera-
 ralis musica. in iuueniles uero ac uiriles iam meliores
 perfectioresq; prudentiæ plantam, fortitudinis, tempe-
 rantie, iustitiæ, omnisq; uirtutis. quod si quid ad silue-
 stem quam uocant musam pertinens nullum quidẽ ue-
 scum fructum afferat, possit tamen quæ ad cibum pro-
 sunt munire conseruareq; hoc quoq; reponam, nõ pro-
 pter ipsum, sed quia natũ est ad necessariarũ utiliumq;

rerum

rerum ministerium. ideo sapientissimus uates huic quidem iusto animæ agriculturam ut congruentē assignat, dicens: Cœpit Noe homo agricola esse: de Cain uerò ait, Erat operans terram. & paulo post quando in fratri-
 dij facinore deprehenditur, dicitur: maledictus tu à terra quæ aperuit os suum ut acciperet sanguinem fratris tui de manu tua, qua operaberis terram, & non apponet tibi dare fructus suos.] Quomodo manifestius ostēdi posset, quod terræ operarium non agricolam legislator existimat malum uirum, quàm nunc ostensum est? nec tamen suspicari debemus de homine qui manibus pedibusq; & cæteris corporis uiribus ad opus est ualidus, aut de montana planâ ue terra sermonem hic fieri, sed de uniuscuiusq; nostrum potentijs. nam mali anima circa nihil aliud occupari solet quàm circa terrenum istud corpus & cunctas eius uoluptates. proinde uul-
 gus hominum obeundo uarios tractus usq; extrema terræ, mare quoq; traijciendo, & sinus eius penetrando, nullamq; huius uniuersitatis partem imper scrutatâ relinquendo, semper & ubiq; ista colligit, quæ ad cumulâdam uoluptatem faciunt. nam sicut piscatores retia demittunt interdum lōgissima, in medio complexi magni maris spaciū, ut quamplurimos pisces inclusos ac uelut obsidione cinctos capiant: eodē modo maxima pars hominum, non in sinum aliquē maris, sed in totā aquæ, terræ, aerisq; naturam, omnicapientia ut poete loquuntur, lima extendens, omnia ubiq; ad uoluptatis usum inuincat & attrahit. etenim terræ metalla perquirunt, uasta maria traijciunt, omnia belli pacisq; exercent nego-

cia, materiam copiosam ceu reginæ uoluptati parantes
 quippe non initiati agricultura animæ, quæ seminans
 plantansq; uirtutes, fructum uitam beatam decerpit ex
 eis, qui autem exercent & tractât quæ carni grata sunt,
 lutum maceratum, fictilem statuam, animæ carcerem,
 quem illa à natiuitate ad extremum diem ceu cadauero
 sum onus circumferre cogitur, colūt magno studio. Hæc
 est differentia inter agriculturam & operationem ter-
 ræ, itemq; inter agricolam & operarium. nunc conside-
 randum ne in dictis rebus aliæ quoq; sint cognatæ spe-
 cies, quæ sub nominum communione occultent differe-
 tias, sunt autem quas querendo inuenimus duæ, de quibus
 differemus quantum poterimus. ergo sicut agricola
 & operatorem terræ, quamuis idem uidebantur,
 tamen allegorias excutiendo longe diuersos reperimus,
 ita rursus pastorem & pecuarium. legislator enim iam
 pecuariæ, iam pastoralis artis meminit: quas appellatio-
 nes lector parum curiosus fortasse putaret æquiuecas
 significantes idem studium. atqui res ipsæ multum diffi-
 runt, si spectentur singularum officia. quamuis enim pe-
 corum magistris consuetudo uulgaris utramq; uocem
 applicat, at non & intellectui curatori animæ utraq;
 conuenit, malus enim si sit, pecuarius gregis præfectus
 uocabitur: contra si bonus & uirtutis amans, pastor no-
 minabitur. id iam clarius faciam. Natura unicuique no-
 strum cognatas addidit pecudes, ex una radice animæ
 duabus uelut stirpibus pullulantibus. quarum altera in-
 tegra indiuisaq; intellectus appellatur: altera ab imo in
 septem ramos diuiditur, in quinque sensus, & duo instra-
 menta

menta uocis genituræq; quæ multitudo tota bruta comparatur pecori: & quia numerosa est, iuxta naturæ legem operam ductoris necessariam postulat. quoties igitur imperitus regendi sed diues seipsum præficit, plurimorum malorum causa fit pecori. nam ipse necessaria copiose suggerit: at illud in tanta copia ciborum nimia saturitate petulans redditur. saturitatis enim germana proles est petulantia. per eam petulantiam saltitant, & contempto rectore uagantur, soluuntq; stipatum antea gregis ordinē, atq; ita ductor desertus, ex præfecto priuatus fit, discursans satagensq; si forte possit denuo in unum compellere. & cum uidet se operam perdere, gemit ac flet, damnans suam facilitatem, & culpam in seipsum referens. Ad eundem modum pecus sensuum, quādo intellectus supinè se gerit & ignauiter, auide saturatum copia rerum sensibilibum ceruicem iactat & subsultat, impingens in omnia uisui patentia, uel quæ uidere nefas est: auribus quoq; uoces recipiens insatiabiliter, sitiendo semper ob curiositatem, interdū delectans se obtrectionibus parum liberalibus. Quid enim aliud credimus quotidie per totum orbem tot milia spectatorum in theatra contrahere? homines enim uicti spectaculorum & fabularū cupidine, infrenes tum oculis tum auribus, consecretantur citharistas citharædosq;, præterea saltatorib; cæterisq; mimis inhiant, propter gestus motusq; ac status effoeminatos: atq; ita factiones theatricas instaurant, securi cæterarum rerum priuatarum publicarumq;, totam uitam in huiusmodi spectaculis contentes miseri. Alij autem his etiam miseriores infelicioresq;

resq; sunt, qui gustum tanquam è uinculis exsoluerunt, qui mox in omnes cibos potusq; facto impetu, ex iā apparatis carpit quodlibet, immanem famem habens assensuum: ut etiam cum uentris sentinam expleuerit, concupiscentia tamen auida & inanis etiam tum circumspiciat, ne quid reliquum oculos fugerit, ut hoc quoq; more ignis omniuori abliguriat. hanc uentris diluuiem perdissequa à natura addita comitatur libido coëtus, furor ac œstro pertinaci concita, & molestissimam rabie affersens. cum enim è multis condimentis potuq; meracitate contracta crapula grauantur homines, non sunt amplius sui compotes: sed properantes ad amatorios concubitus comessabundi oberrant ianuis, donec deferuente despumatoq; affectu possint quiescere. cui rei proficiens natura uidetur uentri subiecisse instrumenta coëtus: qui saturitatem solet sequi, & tum demū agere suum negocium. Hos igitur qui tali pecori affatim prebeant quicquid desiderat, pecuarios uocabimus. ediuerso pastores dicemus illos qui delectu rerum necessariarū habito, quæ commodissimæ sunt has ei prebent, recisa & amputata inutili superfluaq; copia, quæ non minus nocet quàm inopia: quiq; modis omnib. prouident ne grex neglectus in morbos incidat: imò uota etiam faciunt ne qua externa calamitas ingruat. in primis autem curam adhibent ne grex uagabundus dispergatur, metum intando castigatorem non obtemperantibus rationi, & animaduersione utendo continua, mediocri quidem in errata sanabilia, seuera autem si his accedat contumacia. Quamuis enim abominandæ uideantur, plurimum tamen

tamen profunt pœnæ insipientibus, quemadmodum medicinæ silua corporeo morbo laborantibus. Hæc sunt pastorum studia, qui uoluptati noxiæ insuauem utilitatē præferunt. Tanta certe curæ pastoralis honestas creditur & utilitas, ut poetarum gens reges soleat uocare pastores populi: sicut legislator sapiētes dignatur hoc nomine, qui soli ueri reges sunt. introducit enim eos præfectos tanquam gregis omnium hominū qui affectu bruti rapiuntur: & ideo Iacob etiam ille meditatione perfectionem assequutus, pastor est in eius literis. pascit enim hic Labanis pecora, scilicet insipientis animæ, quæ nihil bonum arbitratur præter ea quæ uidet sentitq; coloribus umbrisq; fallacibus seruiliter dedita. Labā enim interpretatur dealbatio. Moses quoq; sapientissimus hominum censetur in pastorum numero. Hic enim pastor intelligitur mentis præferentis fastum ueritati, quæ bona uideri quàm esse mauult. Iothor enim superfluis interpretatur. superfluis autem fastus est, ad inducendum in rectā uitam errorem ascitus, qui est in causa ut aliud apud alias ciuitates ius habeatur, non apud omnes id quod iustum est. quippe qui naturale perpetuumq; ius ne in somnis quidem unquam uidit. Dicitur enim Mosem pastorem fuisse pecorum Iothor sacerdotis Madiā. Idem precatur ne cuius grex (sic uocat totū uulgus animarum) committatur: sed ut bonum pastorem habeat, cauentem ipsi ab omnibus insipientiæ, iniustitiæ, ceterorumq; uitiorum laqueis, inducentem uero in eruditionis uirtutumq; reliquarum dogmata: Dispiciat, inquit, dominus deus spirituum & omnis carnis hominē huic

cœtui. Deinde post pauca uerba subinfert: Et non erit
cœtus domini tanquam oues quibus pastor deest. San-
ctum profecto uotum, ne sine curatore præfectoq; sin-
atur unicuiq; nostrum cognatus grex: ut ne in deterrima
male reipublicæ speciem ochlocratiam, quæ ex optima
democratia deprauatur, prolapsi, tumultibus & intesti-
nis seditionibus agitemur in perpetuum. certe non sola
magistratuum penuria parit morbum ochlocratiae, sed
& exortus iniusti alicuius uolentiq; principis. tyran-
nus enim suapte natura inimicus, ciuitatibus quidem ho-
mo: corpori autem & animæ ac utriusq; negocijs, intel-
lectus ille ferox, qui arcem in unoquoq; communit. Of-
ficiunt autem non hæ solæ dominationes, uerum & ni-
mis æquanimis principatus præfecturæq;. benignitas
enim res est cōtemptibilis, utrisq; tum principibus tum
subditis noxia: illis dum contempti subiectis, nec priua-
tim nec publice ualent quicquam recte constituere, in-
terdum etiam principatu se abdicare coguntur: his ue-
ro dum ex continuo magistratuum contemptu negligē-
tiores facti, magnum morbum arrogantiam sibi contra-
hunt, ut merito hi à pecudibus, illi à pecuarijs nihil dis-
ferre iudicandi sint. nam illi sunt auctores oblectandi se
rerum copia: hi non ferendo saturitatem, uertunt se ad
petulantiam. Oportet autem sicut caprarium, aut bu-
bulcum, aut opilionem, aut in commune pastorem, intel-
lectum nostrum præesse, semper utilitatem pecoris uo-
luptati præferentem. cæterum prouidentia dei prima et
prope sola causa est, ne partes animæ rectore careant:
sed pastorem adipiscantur omnino bonum & inculpa-
bilem:

bilem, quo præposito impossibile sit dispergi quæ intellectus colligit. necessum est enim eodem omnia comparrere ordine, unius nutum spectantia: quandoquidem nihil est molestius quàm parere multis imperatoribus. at posteris officium res est tam præclara, ut non regibus solis & sapientibus uiris, & animis perfecte purificatis, sed & deo rectori omnium iuste tribuatur. id quod non aliquis è uulgo confirmabit, sed propheta cui nos decet credere, qui sacros hymnos conscripsit. Sic enim loquitur: Dominus pascit me, & nihil mihi deerit. idem pro se quisq; dicat. nam tale carmen omnem amicū dei meditari conuenit. sed præcipue mundum hunc id decet. nam sicut quendam gregem, terram, aquam, aerem, ignem, & quicquid in his continetur uel stirpium, uel animalium, mortalium diuinorumq;: adhæc cæli naturam, solis ac lunæ circuitus, reuolutiones cæterorum siderum choreasq; concinnissimas, tãquam pastor ac rex deus regit iure legeq;, præfecto his recto sermone primogenito filio, qui curam sacri huius gregis tanquàm magnus prorex in se recipiat. dictum est enim alicubi: Ecce ego sum, mittam angelum meum ante faciē tuam, ut custodiat te in uia. Dicat igitur & uniuersus mundus, maximus perfectissimusq; ueri dei grex: Dominus pascit me, et nihil mihi deerit. dicat unusquisq; priuatim idem hoc, non uoce per os linguamq; fluente, ad breue aeris pertingente spaciū: sed illo peramplo mētis sono, perueniente usq; ad extremos orbis terminos. impossibile est enim deesse commodum aliquod ubi deus præsidet, solitus plena perfectaq; bona largiri rebus omnibus.

Quin & ad æqualitatem pulcherrime hortatur modo dictum Canticum. reuera enim qui omnia cetera habere uidetur, sed grauatim fert unius dominium, inops & pauper est. quod si qua à deo pascitur anima, hoc uno soloq; contenta ex quo pendent omnia, rei nullius omnino est indiga, non cæcas diuitias respiciēs, sed quæ oportet acute cernens & magni faciens. huius omnes discipuli uehementem perpetuumq; amorem conceperunt: & ideo contempta pecuaria, excoluerunt pastorale scientiam. Argumento est Ioseph, circa corpus & nouas operationes semper occupatus: qui naturæ brutæ præesse, cui imperio nescit (seniores enim ad magistratus legitimos gerendos uocari mos est: hic autem semper ætatem bene fert etiam in annis senilibus) sed nutrire augereq; hamis solitus, putat se posse uirtutis quoq; amatores ad se pellicere, ut ad bruta inanimaq; conuersi, uacare nō possint rationalis animæ studijs. ait enim: Si rex (id est intellectus corporeæ regionis rex) percōtabitur quodnam uestrum negocium, respōdet: uiri pecuarij sumus. Hoc audito indignantur non immerito, cum sint proceres iuberi se profiteri subditorum ordinem. Nam qui sensibus per sensibilia subministrant alimentorum copiam, serui fiunt eorum quos alunt, tanquam dominis quotidie tributum pendentes necessarium. contra principes sunt qui hos regunt, & refrenant insatiabilem eorū impetum quo rapiuntur ad superuacanea. Ac primum quidem & si non libenter hoc uerbum audiant, silebunt, in tempestiuum rati apud negligentes auditores differere de differentia curæ pecuariæ pastoralisq; scientiæ. Sed

cum iterum inciderit eadem contentio, resistent totis uiribus, nec prius quàm uincant remittent contentionem, præ se ferentes liberale ingenium, atq; adeo generosum & principatu dignissimum. proinde rogâte rege, quod nam est uestrum negocium, respondebunt: pastores sumus, sicut & patres nostri. An non uidentur hac professione non minus sibi placere, quàm rex ipse cum quo loquuntur, sibi placet tanto imperio: quando non solum sibi metipsis hoc uitæ genus suo teste testimonio uindicât, sed & suis patribus, quasi omni studio curaq; dignissimum? atqui si de caprarum ouium ue cura sermo esset, poterat eos pudere uerum fateri, dum fugiunt ignominiam. nam in gloria humiliatq; uidentur hæc apud eos qui fortunatiores sunt quàm prudentiores, apud reges præcipue. Ceterum Aegyptiorum gens innatam & insignem habet iactantiam, ut uel modica felicitatis aura aspirante irrideat fastidiatq; plebeiiorum hominum in uictu parando studium & diligentiam. Quoniam autem animæ potentias tum rationales tum brutas considerare est propositum, merito se iactabunt qui sibi sunt conscij quod possint brutas compescere, ascitis in auxilium rationalibus. Quod si quis inuidus & criminator incusando eos dicat: qui sit igitur ut pastoralem artem exercentes, & cognati gregis curam ac regimen professi, in Aegyptum, corporis eiusq; affectionum regionem, appellere induxeritis animum, & nō in quamcunq; aliâ? huic respondendum est libere, Inquilini ut essemus, non inhabitatores perpetui, uenimus. re uera enim omnis sapientis anima celum habet patriam, in terra peregrina-

tur: & sapientiæ domum existimat suam, corporis uero alienam, cuius inquilina sibi uidetur. ergo quando intellectus receptum in suam administrationem gregem animæ iuxta naturæ magistræ leges constanter regit, probatum eum reddit & ualde laudabilem: uituperabilem uero, quando non legitime eum tractat, sed secure negligenterq; . ideo merito ille quidem regis nomen sustinebit, pastor appellatus, hic uero popimarij, pecuarij uocatus, & uoraci pecori cibos parare solitus. atq; ita quid agricola ab operatore terræ, quid itē pastor à pecuario differat, satis accurate demonstratum est. restat tertium quiddam modo dictis cognatum, de quo iam loquimur. equitem ab infessore multum differre arbitradum est, non solum hominem uectatum animali humilibi ab alio similiter uectato homine, sed etiam rationem à ratione. ergo qui sine equestri arte ascendit, dici debet infessor, qui se commisit iumento lasciui, à quo abripitur quocunq; ipsum detulerit impetus, & non præcauendo uoraginosos terræ hiatus, aut fossam aliquā profundiorē, uiolento cursu unā cum equo præcipitetur submergaturq; . ediuerso eques ante omnia frenum in ostendit, deinde in tergum insilit, & quamuis ferri uideatur, reuera tamen circumagit eum à quo gestatur tanquam gubernator. nam & ille uidetur ferri à naue quā gubernat, sed si uere pronuncies, ipse deducit eam ad portum optatos. cæterum quando sonipes bene iter carpit habitus obtemperans, palpum & laudem refert ab equitibus, quando autem fertur iusto concitatus, cohibetur quominus properet. quod si pergat contumacius, reducit
fren

freno cogitur ceruicē reflectere atq; gradum sistere. scuticis quoq; ac calcaribus continetur in officio ne subsellat lasciuens, & alijs modis quibus domitores utuntur contra ferociam. nec mirum uideri debet. ascendente enim equite simul ars equestris ascendit: ut iam duo periti insideant, atq; ita unum subiectum imperitum animal moderentur facile. iam omissa hinnitore uectoreq; uiam, si libet animam cōsidera. inuenies enim inter pares eius & equos & aurigam ascensorem, sicut & extra te. Equi sunt furor & concupiscentia, ille mas, hæc foemina: ideoq; illa ut mas gessit elata ceruice libertatem appetens: hæc uerò seruilior & callidior domum depascit ac deuorat, ut foemina. infessor autem & auriga unus est, nempe intellectus: sed auriga tunc, quando ascendit cum prudentia: quando autem cum imprudentia, infessor est. imprudens igitur præ imperitia non potest habenas retinere, sed patitur elabi è manibus. at iumenta habenis libera temerè discurrunt nullo ordine. fessor uerò præ imbecillitate sustinere se non ualens decedit: & la ceris genibus, manibus, facieq; malè mulctatus miser deflet suum infortunium. nonnunquam autem pedibus in curru hærens raptatur supinus, & tractum in orbita caput ceruicem humerosq; ambos consauciatur. deinde huc illucq; distractus & illisus omnibus passim obiacentibus, miserrimo genere mortis extinguitur. Et huic quidem talis exitus obuenit. currus autē iam leuior & uiolente quassatus, ubi in solū inæquale incidere facile frangitur, ut instaurari nō possit & compingi denuo. iumenta autem omni retinaculo liberata concitantur & esse-

rantur, nec prius desinunt currere quàm collabantur, aut in aliquam rupem delata ipsa quoq; intereant. atq; ita currus animæ unà cum uectore totus perit per aurigæ inscitiam. Tales igitur equos uectoresq; arte carentes tolli præstat, ut uirtus maneat incolumis. Cadente enim imprudentia, stare prudentiam necessum est. ideò Moses inter præcepta tradit: Si egressus fueris in bellū contra inimicos tuos, & uideris equum insessoremq; et maiorem multitudinem hostium, noli timere, quia dominus deus tecum est. Furorem enim & concupiscentiam, & in uniuersum affectiones omnes, atq; etiam cogitationes quæ his singulis tanquam equis insident, etiam si uideantur fretæ inexpugnabili robore, contemni oportere ab his qui proteguntur magni regis potentia, semper & ubiq; pro ipsis decertante: exercitus autem dei, uirtutes sunt, propugnatrices piarum animarum: quas ubi uiderint deuictum aduersarium, conuenit pulcherrimum decentissimumq; hymnum canere datori uictoriæ deo: ita ut duo chori, alter è uirili, alter è muliebri conclauī, è diuerso stantes alterius carminibus sibi respondere. Ducebat autem uirorum chorū Moses, intellectus perfectus: mulierum uerò Maria, sensus purificatus. Iustum enim est intelligibiliter sensibiliterq; deo hymnos laudationesq; sine dilatione dici, & utrumq; instrumentum concinne pulsari, tam intellectum quàm sensum, in solius seruatoris honorē ac gratiarum actionem. illud certè littorale carmen canunt omnes uiri, non tamen mente cæca, sed cernente acutè, Mose præcentore: canunt et mulieres ad ueritatem lectissimæ, uirtutum ciuitatē

ciuitati ascriptæ, Maria carmen præeunte. hymnus autem idem à choris ambobus canitur, epodon mirabilem habens, quem decantari bonum est. Sic autem se habet. Cantemus domino, gloriose enim magnificatus est. equum & infessorem proiecit in mare. Meliorem enim perfectioremq; uictoriam inuenire non licet, quam qua uincitur petulatum quadrupedum ceruicosorumq; agmen ualidum, hoc est uitiorum et affectuum. sunt enim uitia genere quatuor, & affectus totidem. cum quibus & insensor eorum intellectus, uirtutis osor & amans affectuum, collapsus interit, qui prius uoluptatibus, iniurijs, uasramētis, rapinis, fraudibus, similibusq; iumentis delectabatur. Pulcherrimè igitur legislator inter præcepta docet, ne princeps eligatur equorum altor, parum idoneum ratus ad principatum, quisquis in uoluptates & concupiscentias & amores impotentes insaniens, tanquam infrenis ac contumax equus cæstro suo agitur. Dicit enim sic: Non poteris constituere supra te hominem exterum, quia frater tuus non est: propterea non multiplicabit sibi ipsi equitatum, nec auertet in Aegyptum populum. Itaq; nemo altor equorum ad principatum natus est, si sacro Mosi credimus. atqui dicat aliquis, magnam esse potentiam regis in equitatu, non minorem quàm in pedestribus copijs & naualibus, nonnunquam uerò utiliorem etiam, præsertim ubi sine dilatione celeritate expedita opus est, temporibus morantibus, sed ipsum momentum occasionis urgentibus: ut cunctatio non damnum solum, sed & cladem illatura uideatur, occasione tanquã nube præteruolante.

Huic respondebimus, nullum, bone uir, praesidium legislator noster à principe submouet, neq; copias eius parte aliqua mutilat, imò quantum fieri potest augere conatur, ut robore multitudineq; freti socij, facile proficient aduersam aciem. Quis enim alius sic uel insidias collocare, uel aciem struere, uel legiones distribuere, easq; tribunis centurionibusq; assignare, ut res postulat, nunc pluribus, nunc paucioribus nouit, adhuc praeccepta rei militaris tradere praemonstrareq;, ut hic noster confirmata longo usu peritia? Sed nunc non facit uerba de isto equitatu, qualem principes solent colligere ad infestandos hostes tuendosq; socios necessarium: sed de eo qui animae inest, bruto, immoderato, inobediensq; impetu, quem refrenare utilius fuerit, ne quando populum suum uniuersum in Aegyptum corporis regionem auertat, et uoluptatum affectuumq; magis quam uirtutum deiq; amatorem reddat: quando quidem necessum est ut qui equitatu pollet, eumq; auget, uiam quae in Aegyptum fert, ut uates inquit, ingrediatur. Cum enim animam tanquam nauem ab utroq; latere, intellectu sensuq;, uiolentae procellae affectuum iniquitatumq; reluctantem inundant elatae altius: tunc credibile est fore ut intellectus obrutus subsidat mergaturq;, profundum autem in quod mergitur, corpus est, quod cum Aegypto confertur. Caue igitur ne unquam huiusmodi equis alendis studeas. nam et qui diuersum genus tractant, ipsi quoq; uituperandi sunt. et quid nisi apud quos bruta iumenta honorantur, quorum ex aedibus equorum greges semper saturi procedunt, homi-

num uerò eos deducantium nemini uel sportula succurrit inopiæ solamen, uel leue aliquod munusculum. Et tamen hi minus peccant. cursores enim equos alendo, aiunt se sacra certamina et quæ passim aguntur celebritates ornare, et uoluptati oblectamentoq; esse spectatoribus, atq; etiam multis præbere exercendi se materiam. nam qui cupiditatem uincendi animalibus indunt, propter honoris amorem et æmulationem uirtutis, indefinente adhortatione alacritateq; usi labores libenter sufferunt, nec prius desistunt ab officio, quam ad finem optatum perueniant. Verum isti prætextus quærunt. alteri ne defensionem quidem ullam habent quæ peccatum suum tueantur, qui uestari iubent in sefforem intellectum imperitum artis equestris, committentes eum uitio et affectui quadrupedi. Quod si aurigandi artem ediscas melius mediterisq; ut iam tibi uidearis ad regendos equos idoneus, tum demum ascende et habenas arripe. Sic enim nec illis salientibus excussus cum laceratione corporis mouebis risum spectatoribus alieno malo gaudentibus, nec incursum obuionum insequentiumue inimicorum capieris: hos celebritate longè à tergo relinquens, illos uerò securè uitans per scientiam. Merito igitur Moses uictoriale carmen canens ob in sefforum interitum, salutem nihilominus precatur equitibus. Nam hi possunt iniecto brutis potentijs freno, cohibere nimium cursus eorum impetum. Quid igitur prædicetur dicamus. Fiat, inquit, Dan serpens in uia insidians in semita, mordens equi calcaneum: et cadet eques retrorsum, salutem expectans à do-

a domino. Nunc uideamus quid subindicet hæc precatio. Dan interpretatur iudicium. ideò uim animæ scrutantem, examinantem, discernentem, & quodammodo iudicantem singula draconi assimilât. Est autem hoc animal agilitate uarium & cum primis callidū, paratumq; ad uim, quod se facîle possit tueri à laceffentibus: non illi uitam amanti de uitaq; consulenti simile, quod Eua propterea uulgarî lingua solet uocari: sed illi serpenti quem Moses ex ære fabricauit, quem quotquot intuebantur morfi à uenenatis bestiis, interituri alioquin, euasisse mortem dicuntur. Portentosa quidem ista uidentur, draco humana uerba proloquens, & uasframentis mores innocentissimos circumueniens, & persuasibilibus argumentis mulierem decipiens, ac rursus alijs solo aspectu salutem afferens. Verum in his quæ latētem sensum continent, quicquid fabulæ speciem præ se fert è medio tollitur, atq; ita comperitur manifestaria ueritas. Itaq; illum mulieris insidiatorem serpentem, à sensu & uita cariniam pendentem, uoluptatem esse dicimus, repentem sinuosus orbibus, non ualentem se attollere, semperq; iacentem, ad sola terrena bona pronam, foueas quærentem in corpore, uelut scrobes hiatusq; & in quouis sensu stabulantem, hominis consiliariam, meliori contradicentem, ueneficis & uix ullum doloris sensum afferentibus morfibus conantem interficere: Mosaicum uerò serpentem fortitudinem, affectionem uoluptati aduersariam: quapropter è solidiore materia, scilicet ære factus inducitur. hanc fortitudinis speciem quisquis bene considerauerit, etiamsi forte fortuna prius à ueneficijs uoluit

uoluptatis morsus fucrit, necesse est eum uiuere. nam illa quidem intentat animæ mortem ineuitabilem, at fortitudo sanitatē incolumitatemq; porrigit. Est enim praesentissimum intemperantiæ remedium temperantia. Omni autem sapienti honestas amica est, & eadem utiq; salutaris. Itaq; cum Moses precatur Dani ut serpens fiat, non similem illi Eue serpenti fieri precatur. nam praesces solent bona petere. Fortitudo certè ad honorum generis pertinet, & immortalitatem confert bonum perfectissimum: sicut uoluptatis malum affert extremum mortis supplicium. ideo dicit: Fiat Dan sicut serpens, non alibi potius quàm in uia. nam intemperantia gulaq;, & quicquid immodicæ inexplebilesq; uoluptates per externarum copiarum usum pariunt, non finit animam per latam regiamq; uiam tendere, seducens eam in barathra & uoragines, donec præcipitetur in interitum. Soli autem qui à fortitudine, temperantia, cæterisq; uirtutibus se diuelli non patiuntur, declinant deuitantq; omnia lubrica. Apertissimè igitur dixit adherere uic rectæ temperantiam, quando quidem aduersaria huius intemperantia solet in deuijs agere. Illud autem, insidens semitam, tale aliquid significat, quantum equidem intelligo. Semita siue callis est, uia hominibus, iumentis, plaustrisq; communis. hanc aiunt uoluptati esse opportunissimam: quia in ea mox à natali die senectutem extremam usq; gradiuntur inambulantq;, & per ocium securitatemq; immorantur, non tam homines quàm animalium alia genera. Nam ne unum quidem est quod non inescatum à uoluptate trahatur, & implicetur eius multiplicibus

tiplicibus casibus, quos sine noxa pertransire ingens labor est. At prudentiæ, temperantiæ, cæterorumq; uirtutum uia, si non inaccessæ, certè minimè tritæ sunt. Exiguus enim per has euntium est numerus, qui germanam philosophiæ rationem sectantur, cum sola honestate habentes consuetudinem, contemptis cæteris rebus in uniuersum omnibus. hanc igitur serpens hic non semel insidet: sed tanta est cõtentio curaq; fortitudinis, ut nullam non occasionem captet obturandi uoluptatis scaturigines, à qua ceu perenni fonte manant mala omnia. propterea serpens ille seductor Eux inducitur cædis hominum auidus: sic enim ait execratio, Ipse tuum caput seruabit, tu eius calcaneum: at serpens Dan de quo nunc loquimur, equini non humani admorsor calcanei. alter enim ille uoluptatem figuratè significans, ut iam demonstratum est, homini, hoc est uniuscuiusq; nostrum cogitationi struit insidias. corrumpit enim mentem uoluptatis usus nimius. at hic Danis serpens, cum sit imago potentissimæ uirtutis fortitudinis, equum mordebit, per quem subindicatur affectus et uitium: quibus temperantia nunquam non meditatur perniciem. his admorsis et in genu prolapsis, eques, inquit, cadet. Quod autem sub hoc ænigmate latet, tale quiddam est. huc cõtendendum esse tanquam ad rem egregiam, ut nemo nostrum patitur mentem suam uectari ab affectu aut uitio: sed si quando cogatur aliquem ascendere, det operam ut quàmprimum uel desiliat uel decidat. tales enim lapsus inclytam uictoriam asserunt. ideo quidam è priscis prouocatus ad conuitiandi certamen, In hoc quidem, inquit, nunquam descen-

descēdēro, in quo uictor uicto fit deterior. Ergo tu quoque quisquis es noli unquam cum malis contendere, & primus esse in huiusmodi certaminibus: sed ante omnia, si fieri potest, cura ut fugias. Quod si quando maiore ui coactus fueris in certamen descendere, ne te uinci pudeat. sic enim demum, si uincaris, uictor euades, quando in hoc genere uictor uincitur. Nec expectes dum ad uersarium aut præco uicisse pronunciet, aut certaminis præses coronet: sed ipse accedito palmam porrigens, atque etiam, si libet, coronas lemniscatas imponito: ipse uictorem magna intrepidaq; uoce pronunciato in hanc formulam: In hoc concupiscentiæ, furoris, intemperantiæ, insipientiæ iniustitiæq; proposito certamine, spectatores uosq; certaminis præsides, equidem uictus sum, uicit autem iste, & in tantum uicit, ut ne nos quidem inuideamus eius aduersarij. Ergo certaminum istorum haud quaquam sacrorum præmia cedenda sunt quibuslibet alijs. eorum autem quæ uerè sacra dicuntur, ipse coronas accipito. Caue autem sacra putes certamina, quæ instaurantur post triennium à quibusdam ciuitatibus, multa milia hominum in theatra ad hoc ipsum facta recipientibus. in his enim aut luctator concertatorem primum supinumue sternens, aut pancratiasta ualidus, à nulla ui sibi temperans, primam laudem occupat. nec desunt qui postquam utroq; pugno in ferri morem occaluerunt, in caput faciemq; inuadunt, & his probe contusis in cætera quoq; membra sæuiunt, aut uice uersa plagas recipiendo multantur naso uel auriculis. Et post hæc tam immania coronas præmiaq; petunt.

tunt. Nam reliqua certamina cursorum quinquertio-
numq; nemo sapiens non rideat, hoc agentium ut salius
sit quam longissimus, & spacia dimetientium, conten-
dentiumq; de pernecitate: quos non solum grandiores
animantes. ceruus aut caprea, sed uel minimus catellus
aut lepusculus, non admodum properans, ipsos absq; re-
spiratione currentes summo conatu, à tergo tamē relin-
quet. ex his certaminibus nullum prorsus sacrum est, et-
iamsi contra testentur omnes homines, mox deprehen-
dendi in falso testimonio. Nam ipsi talium admiratores,
leges tulerunt contra uiolentiam, & iniuriam inferenti
in corpus pœnam talionis sanxerunt, constitutis etiam
iudicibus, qui de talibus causis decernerent. & quomo-
do æquum uideri potest, ut qui ulciscuntur factas prius-
tim iniurias, nec impunitas sint, iidem in celebritati-
bus tantaq; spectatorum frequentia, coronas talium fa-
cinorum patratioribus & alia quædam per præconem
statuant præmia? Cum enim de eadem persona, de eoa-
dem facto, duæ diuersæ feruntur sententiæ, necessum est
iniquam esse alterutrā. Ambas enim æquas aut iniquas
haberi non est possibile. Vtrum igitur horum laudati
omnes uno consensu? annon eum puniri qui prior infer-
t iniuriam? ergo merito damnantur quicumq; dissentiant.
At ex sacris nihil improbari debet; quorum tanta est
existimatio publica. Ergo solum olympiacum certamen
iuste dicitur sacrum, non istud quod ad Elimi celebratur,
sed quod est propositum de parandis diuinis uereq; o-
lympijs uirtutibus. in hoc quibus sunt infirmissima cor-
pora, sed animæ ualidissimæ, nomen dant. Deinde exultant

undiq; agunt quicquid possunt uel arte uel uiribus, nihil sibi ad summum conatum facientes reliquum modo assequantur uictoriam. & hi quidem facile uincunt aduersarios: sed inter ipsos rursum de primatu oritur contentio. Non enim idem omnibus modus est uictoriæ: sed omnes honore digni, prostratis inimicis tam insensis, & grauib. Maximam tamen admirationem meretur inter hos præcipuus, cui non debemus inuidere prima præmia. Ceteri secundis contenti sint & tertijs. Nam de uirtute paranda hic certatur: in qua si non datur tenere fastigium, uel in medio satis utilitatis capiunt. & sunt qui hanc possessionem certiores existimant, inuidiæ celsa petenti minus obnoxiam. Proinde ualde doctè dictum est illud memoria dignum, Cadet eques: ut si quis excludat à malis, bonis innixus assurgat. sed eo quod sequitur magis etiam docemur, non prorsum, sed retrorsum esse cadendum, quia relinqui à uitij affectionibusq; semper fuit utile. in honestis enim rebus properatione, in turpibus tarditate opus est: & rursum, ad illas quidem accedere, ab his abesse quàm longissimè: quando quo quisq; remotior est à prauis affectibus, eò maneat sanior. Quamobrè ait eum sanitatem expectare à deo, ut quantum discedit ab iniustitia, tantum ad iuste agendum properet. Hactenus satis de equo inessoreq; de pastore & pecuario, de terram operante & agricola, tum quæ singulas has copulas perquirētibus inueniātur differentie. Nunc ad ea quæ deinceps sequuntur aduertamus animum. Cupidum uirtutis inducit non omnino peritum

ritum agriculturæ animæ, sed tantum rudimentis eius exercitum, dicens sic: Cœpit Noe homo agricola esse. principium autem, iuxta uetus prouerbum, dimidium totius est: & altero dimidio abest à fine, quod nisi accedat, etiam incepisse res magnas sæpe obsuit. nam & scelerasti aliquando quod non ferrent cruciatus animi, cœperunt de meliore uitæ ratione cogitare, sed nequicquam. Sic enim usu uenit, ut qui ad finem non peruenierunt, obruti occurrentium malorum cumulo, relinquant bonum illud propositum. ideò cum Cain putaret se gratias obtulisse uictimas, non litasse admonitus est oraculo, nec enim sacra perfectaq; immolasse. Est autem oraculum tale: Non si rectè obtuleris, sed si rectè diuiseris. Rectum igitur est honor dei: quod autem non diuiditur, non rectum. huius rei quæ sit ratio uideamus. Sunt qui pietatem in eo collocent, quòd deum autorem aiunt rerum omnium, bonarum atq; contrariarum: quos sic licet alloqui. hæc opinio uestra partim laudabilis est, partim uituperabilis. Laudabilis, quia miratur eum qui solus honore dignus est: uituperanda, quòd nihil distinguat aut diuidit. debueratis enim non commiscere confundereq; omnia, dum asseritis eum autorem omnium: sed cum distinctione, tantum bonarum rerum causam in eum referre. absurdum enim est, de sacerdotibus quidem sollicitum esse ut integro sint corpore, itemq; de uicinis, ut nulla prorsus ne minima quidem cōtacta sint labecula, adhibitis etiam ad hanc curam aruspiciibus, sicut à quibusdam appellantur, ut sine uitio noxaq; ad aram

gram admoueantur immolandæ pecudes: opinioniones autem de deo confusas esse in singulorum animis, nec ulla rationis discerni regula. Non uides quod camelum animal impurum esse lex pronunciat: quia ruminat quidem, sed non diuidit ungulam? atqui si causam hanc ita ut sonat consideremus, non uideo quam rationens habeat: quod si introspiciamus penitus, apparebit ratio. Quemadmodum enim quodlibet ruminans cibum semel deuoratum, & rursum sub dentes reuocatum atterit: sic anima cuiuscunq; disciplinarum studiosi postquam per aures recepit contemplatione dignum aliquid, obliuioni hoc non tradit, sed per ocium secum ipsa retractat singula, & cuncta sibi reducit in memoriam. Memoria porro non quæuis bona est, sed ea sola quæ rerum bonarum meminit. malarum enim non obliuisci nocet maximè. Quamobrem ad perfectionem requiritur diuisa ungula, ut uir reminiscendi bifariam diuisa, sermo per os, & ipsum inter cætera naturaliter diuisum, fluens, labia distinguat, simulq; damnosam memoriam ab utili. Imò ne diuisa quidem ungula sine ruminatione uidetur quicquam utilitatis afferre. Quid enim prodest naturas rerum ab ipsis exordijs diuidere, uel usq; minutissimas minutias, & non in seipso idē facere, nec sui partes diuisas habere, sicut quidam non incongrue solent nominare indiuidua. Hoc enim sagacitatis & argutissimæ solertiæ fuerit argumentum euident: cæterum nullam utilitatem ad rectam honestamq; uitam attulerit. Proinde in quotidianis disputationibus ubiq; sophistarum uulgus aures fortuito

confluentium atterit, dum magna subtilitate uoces ambiguas explicat, atq; etiam res multiplices, quæ succurrunt in memoriam, easq; dijudicat. An non alij scriptarum uocum elementa partiuntur in muta & uocalia? alij rursum orationem in tria suprema genera? scilicet nomen, uerbum, coniunctionem. item musici suam scientiam in rhythmum, in partem, in melos: rursum partem in chromaticam, enharmoniam diatonicamq; speciem, & in diatessaron, diapente, diapasen, coniunctas dissonantiasq; melodias? sic geometræ in duas maximè generales lineas, rectam & circumferentiam? sic artifices alij suam quisq; scientiam in uarias species, à primis usq; nouissimas? quibus accinit & totus chorus philosophantium, more suo differens, quòd ea quæ sunt partim sunt corporea, partim incorporea. & alia animata, alia inanimata. quædam bruta, quædam rationalia. pars mortalia, pars immortalia, ex mortalibus aliud mas, alium foemina, quæ hominis est diuisio. rursum è prædicationis quædam esse perfecta, quædam imperfecta. & ex perfectis quædam interrogationes, percontationes, preces, iuramenta, cæterasq; speciatim in his distinctionibus descriptas differentias, rursum quædam quæ dialectici solent nominare axiomata, & ex his quædam simplicia, quædam nō simplicia. rursum è non simplicibus quædam coniuncta, quædam adiuncta maius minusue, & insuper quædam disiuncta, aliaq; huiusmodi. quædam uera, & falsa, & incerta, possibilis & impossibilia: quædam corruptibilia & incorruptibilia, necessaria & non necessaria, expedita & impedita

dita, & his cognata cætera. Rursum imperfectorum ad
 lie sunt diuisiones in prædicabilia, quæ uocantur, &
 contingentia, & alia quædam his minutiora. Sed quam
 uis intellectus seipso acutior factus, tanquam medicus
 corporum, sic ipse naturarum anatomiam exerceat, ni-
 hil inde ad uirtutem lucrabitur: diuidet ille quidem un-
 gulam, distinguere discernereq; ualens singula: non ru-
 minabit tamen, ut uiuetur hoc cibo per reminiscētiam,
 deposita per commanducationem eius asperitate quam
 ex animæ peccatis contraxerat, conciliataq; esurie ad
 facilius deglutienda quæ iterum contrita sunt. proinde
 plurimi sophistæ quos uocant magnam admirationem
 consecuti apud populos, qui totum fermè orbem pera-
 grarunt, gratiosi hospites facundiam diligētiamq; suam
 ostentantes, deuicti affectibus consenuerunt & uitam in
 his contriuerunt, nihilo hac parte potiores uilissimis è
 uulgo hominibus ideo rectissimè sophistas sic uiuentes
 legislator noster confert cum suis, qui nulla re pura,
 sed turbida, cœnosa turpiq; uita se oblectant ad satura-
 tatem usq;: ait enim suam esse impurum animal, quia di-
 uidit quidem ungulam, non ruminat tamen: sicut came-
 lum propter causam contrariam, ruminantem non bi-
 fidum ungula. Cæterum quæcunq; animalia utrumq;
 hoc habent, pura pronuntiatur merito, quando utram-
 que iam dictam absurditatem effugerunt. propositum
 enim sine memoria, meditatione, iugiq; tractatione re-
 rum bonarum, bonum imperfectum est. quod si alte-
 rum accedat ad alterum, ita demum absoluitur. hanc
 perfectionem formidant hostes animæ, quibus non am-

plius insurgere contra eam ualentibus uera pax obtineatur. at quibus semiperfecta inabsolutaq; sapientia contigit, infirmiores sunt quàm ut possint se peccatorum longo tempore confirmatorum opponere cohortibus. Quamobrem quando instante bello delectus habetur, non omnis iuuentus uocatur, etiamsi ultroneam contra hostes operam alacriter offerat: sed iubentur plerique domum redire, ut exercitatione continua tantum sui roboris militaris peritiæq; comparent, quantum olim satis futurum sit ad extorquendam hostibus uictoriam. idèò quando bellum est pro foribus, in hanc formam per cornicularios edicitur: Quis est homo qui ædificauit domum nouam & non dedicauit eam? uadat & reuertatur in domum suam, ne fortè moriatur in bello, & alius homo dedicerit eam. Quis est homo qui plantauit uineam, & nondum exhilaratus est ex ea? uadat & reuertatur in domum suam, ne fortè moriatur in bello, & alius homo exhilaretur ex ea. Quis despondit uxorem & non accepit eam, uadat & reuertatur in domum suam, ne fortè moriatur in bello, & alius homo accipiat eam. Atqui dixerit aliquis: Cur, ò mirande uir, non potius hos præ ceteris in bellum emittis & aciem, qui uxores, domos, uineas habent, alijsq; possessionibus suis locupletes: pro quibus tuto retinendis pericula uel grauissima tolerabunt facillè? nam isti quibus nihil tale est, cum nullum habeant pignus uirtutis necessarium, non eadem utentur industria. An hoc te mouet, ne fortè qui nondum perceperunt fructum è suis possessionibus in posterum quidem percipiant? at quæ potest esse bello

mictis è suis prædijs utilitas? Sed non uincuntur. mul-
 tabuntur igitur ob desertam militiam. Nam his deli-
 cati domi manentibus, necesse est hostes fortes bellato-
 res, non solum sine sanguine, sed & sine puluere uin-
 cere. Sed non deerit aliorum sociorum multitudo, qui
 pro his quoq; depugnent fortiter. Atqui primo absur-
 dum est aliena industria fortunaq; niti, præsertim ubi
 de uastitate patriæ, deq; libertate populi priuatim pu-
 bliceq; periculum imminet, cum possint in laboris par-
 tem illi quoq; recipi, non ualetudine aduersa, nec æta-
 te parum integra impediti, nec ullo infortunio. Proinde
 nihil æquius aut magis decorum, quàm ut sumptis ar-
 mis progrediantur in primam aciem, obiectisq; ante
 alios socios clypeis, fortiter pugnando propulsent peri-
 culum. Alioquin nonne proditiōis atq; inhumanita-
 tis reos se declarabunt, si reliquis pugnantibus pro re-
 publica, ipsi tractabunt domestica negocia? & illis pro
 aliena salute decertantibus, isti ne pro se quidem arma
 capient: illi in mediam, dura humi cubilia, cæteraq; tum
 animi tum corporis incommoda libenter perferent cu-
 pidine uictoriæ: isti dealbando & nugis ornando sur-
 dos parietes, aut agri fructus decerpentes, canentesq;
 ad torcular, aut desponsas uirgines nunc primum de-
 ducentes in thalamum, quasi hoc tempus nuptias po-
 stulet, uiuent suauiter? bonum sanè est curare domesti-
 cos parietes, redditus colligere, conuiuari, potare, indul-
 gere genio, nouam nuptam animum (ut uulgaris iocus est)
 ducere: uerùm hæc pacis sunt negocia. Nunc integro
 bello & seruente ut cum maximè, ita ne non pater,

non frater, non gentilis ullus aut cognatus in militiam profectus est, sed una totam familiam occupauit timiditas: dices decertare cognatos innumeros. His igitur de uita periclitantibus, delicati isti ac molliculi quas non efferatissimas feras immanitate superantes dicent: durum est pati alios in nostra bona sine labore succedere. An non durius uiuos etiamnum ab hoste pelli possessionibus, quam defunctos eas amicis cognatisq; legitimis successoribus cedere: tantum inter utrumq; interest, ut scilicet sit collatio. Atqui potest fieri, ut isti detrectatores militie, non solum bona hæc amittant, sed ipsi quoq; ueniant in potestatem hostium, illis uero pro salute reipublice defunctis, etiamsi nullum adhuc fructum percepserunt è suis prædijs, solatium contingat ex reputatione heredum successorumq; quos nõ alios cuperent. In uerbis quidem legis hæc et alia multa controuersa sunt: sed ne quis peruerse callidus plura in eam inquirere coeat, recurramus ad allegoriam et dicamus: primum habere legem, ut quisquis bonorum possessionem sibi comparat, curet fructus etiam inde percipere, quando uitæ felicitas in perfecto usu consistit, per quam contingit uitæ incolumitas. deinde non de domo hic, aut uinea, aut sponsa uerba fieri, ut eam proculus abducatur, aut plantator uindemiet, expressisq; uuis mustum degustans se exhilaret, aut alius exstructam à se domum inhabitet: sed de animæ potentijs, per quas initia, profectus, perfectionesq; contingunt in actionibus laudabilibus. Harum principia ferme ad procos attinent. sicut enim proculus nondum est uir, erit tamen: eodem modo quicumq;

quicumq; bona indole præditus, generosam castamq; uirginem ducturum se sperat eruditionem, moxq; procum eius agit. profectus autem ad plantatorē possunt referri, sicut enim huius cura est incrementū stirpium: ita discendi studiosus dat operam ut prudētiae contemplationes augeantur plurimum. postremo perfectiones ad ædificium domus absolutæ, sed nondum consolidatæ. omnibus autem his tam perfectis quàm incipientibus & proficientibus conducit uitam sine contentione agere, & abstinere à sophistarum dimicationibus, turbulentam litem ad subuertendam adulterandamq; ueritatem semper meditantibus. quia ueritas pacem amat, quam isti prosequuntur odio. quòd si descenderint in hoc certamen homines simplices cum peritissimis, omnino succumbent: incipiens, quia imperitus: proficiens, quia imperfectus, perfectus autem, quia nondum exercitatus in uirtute. oportet autem sicut incrustationes paulatim herescunt & consolidantur: ita perfectorum animas confirmatas, alijs super alias meditationibus asuescere ne gradu dimoueantur. Quibus autem id non contigit, apud philosophos in sapientum nomen subrepisse dicuntur. aiunt enim esse impossibile, ut qui in sapientia plurimum promouerunt, & ad eius euaserunt fastigium, suam perfectionem nouerint. negant enim fieri posse ut qui ad finem peruenit, statim se peruenisse intelligat: sed confinium tenere ignorantiam, non illam procul remotam à scientia, uerum aliam propinquam, parum distantem à ianua. quò postquam aliquis se peruenisse intelligit, simulq; uires aduersariorum, potest

contra contentiosam sophistarum aciem subsistere. sperandum enim est de talis uiri uictoria. quisquis autem nondum prateruectus ignorantiam euasit ad lucem scientiæ, cum domi se continere consultius fuerit: hoc est non descendere in certamen de rebus nondum sibi satis cognitis: sed quiescere potius: qui uerò per arrogantiam in luctam profilit, petitiones aduersariorum caueri nesciens, ab eis præoccupabitur, & multabitur morte scientiæ, grauiore quàm est uulgaris hæc animam à corpore dirimens. sed hic exitus meritò manet deceptos à sophismatibus. cum enim non possunt solutiones inuenire, mendacijs tanquam ueritati credendo amittunt uitam scientiæ: quod accidit & his qui se sciunt decipi ab adulatoribus. nam horum anima sana & uerax, per morbidam subuertitur & expellitur amicitiam. proinde consultum est, ne huiusmodi certaminibus se committant qui discere incipiunt, cum imperiti sint: similiter & proficientes, cum imperfecti sint. nec non qui tum primum perficiuntur, quia perfectionem suam adhuc ignorant. quod si non pareant huius consilio, alijs, inquit, homo domum eius habitabit, uineam possidebit, uxore ducet. quod perinde est ac si diceret, hæc iam dictæ potentiæ, studij, profectus, perfectionis deficient nunquam, sed alijs alios homines accedendo uersabuntur cum eis, migrantes ex anima in animam, similes signaculis (nā & hæc post impressā cere formam nihilo deteriora permanent) etiā si contingat impressos characteres uobiscū interire. cū enim sint immortales, innumeris ante uos familiaritate suā pepererunt gloria

quos expertæ sunt, non sicut uos propter periculorum contemptum auersari suam cōsuetudinem, sed ultro ad se accedere, et securitati suæ prospicere. proinde si quis uirtutis amicus est, optet in se plantari bona omnia, et existere in sua anima, quemadmodū in statua tabulaq; perfectissima, quicquid ad decentem proportionem attinet: id secum reputans, esse innumerabiles qui captēt ea dem: quibus natura ipso præterito donabit omnia, felicitatem discēdi, profectum perfectionemq; sed satius fuerit ipsum ante illos elucere, et concessas sibi diuinitus gratias in tuto reponere, potius quàm obijcere hostibus audis ceu prædam paratissimam. ergo parua utilitas est principij quod iusto fine non obsignatur. sæpe tamen etiam perfecti quidam pro imperfectis sunt habiti. eo quod suapte alacritate, non dei benignitate profecisse sibi uisi sunt. qua opinione iuueniliter inflati, et in immensum elati, è sublimi delati ad infimum barathrū interierunt. Si domum, inquit, nouam edificaueris, et feceris in tecto coronulam, caue habearis autor necis in domo tua, si quis inde prolapsus deciderit. grauissimū est enim ab honore dei prolapsus decidere, sibi metipsi coronā usurpando, et ciuilem necem patrando. suam enim animam interficit, quisquis honorat quod nihil est, struens sibi stultæ eruditionis ædificium. nam eruditio non senescit. quapropter nouam uocat eius domū. nam alias res tempus absumit. hæc autem etiamsi procedat in tempus longissimum, florem ætatis non amittit, uirenti semper specie hilaris, et agilis assidua consuetudine. Aliubi quoq; inter præcepta extat hortatio, ut affluēte rerum copia,

copia, nō nobis eam ascribamus, sed memores simus dei qui largitur uim & robur ad agendum. hic igitur finis felicitatis est, illa uero principia. itaq; si quis obliuiscitur huius finis, ne partis quidem rebus bene frui poterit. Verū istī sponte per amorē sui labuntur, dum grauantur deum, qui solus amari à seipso meretur, ut perfectissimus, fateri autorem bonorum omnium. Sunt etiam qui omnem pietatis rudentem mouendo celeri navigatione conati sunt in portum eius appellere, & iam proximi, iamq; sperantes inuehi, repente ex aduerso procella coorta, tum demum à recto cursu repulsi sunt, frustra ti tot navigationis commodis. Horū iactationi quis male precaretur? quando inuitis quod remoraretur accedit. Quis igitur assimilabitur his, nisi qui magnum, ut uocant, uotum uouit? Si quis, inquit, subito corā eo mortuus fuerit, confestim polluetur caput uoti eius, & radeatur. Deinde post pauca subinfert: Dies autem priores irriti fient, quoniā pollutum est caput uoti eius. utraq; uox, subito & confestim, indicat non uoluntariam mutationem animæ. Nam in peccatis uoluntarijs opus est tempore consultandi, ubi, quando, quomodo aggredienda sint. Quæ autem inuiti admittimus. repente, ex improviso, momento (ut ita loquar) temporis ingruunt. Est enim perdifficile, ceu cursoribus, post institutum semel ad pietatem cursum inoffense & sine respiratione ad metam recta decurrere, quandoquidem innumera sunt quæ obiacent pedibus mortalium. Cæterum ante omnia, quod sola præstat beneficentia, abstinere à uoluntarijs peccatis, prodest ad repellendam etiam inuoluntario

tariorum multitudinem. Deinde si & inuoluntaria nec multa admittantur, nec diu adhæreant. Pulchre autē in uite mutationes dies dixit irritos, non solum quia ratione caret peccatum, sed quia horum quæ sunt ab imprudentibus non potest reddi ratio. ideo sæpe cum talium factorū causam reposcimus, negamus nos scire, aut posse dicere: quia nec intercedere potuerimus, nec præscire. Rarum igitur Dei donum est, à carceribus ad metam usq; stadium uite percurrere absq; offensa lapsuq; ita ut naturam utramq; peccatorum uoluntariorum inuoluntariorumq; liceat celerrimo cursu præteruolare. Hætenus de principio sineq; dictum sit per occasionē Noe iusti, qui agriculturæ prima rudimenta consecutus, ad finem eius peruenire non ualuit. ait enim scriptura, Cœpit esse agricola, non extremos eius scientiæ terminos adeptus est. quæ autem de plantatione eius dicta sunt, repetamus denuo.

PHILO=

PHILONIS IV=

DAEI, DE PLANTATIO-

ne Noe liber I I.



N primo libro de agricultura arte in genere quantum tempestivum erat, diximus: in hoc de eius specie uinitoria pro uiribus dicemus quod reliquum est. Nam iustus hic, non solum agricola, sed et proprie uinitor introduciitur, dicente sacra scriptura, Cœpit Noe homo agricola esse, et plātavit uineam.] Decet autem ut qui de singularibus stirpibus et agriculturis dicturus est, consideret primum stirpes in hoc uniuerso perfectissimas, magnumq; illum plantatorem harum præsidē. Scilicet plātator ille maximus, et arte perfectissimus, huius rerum uniuersitatis rector est: planta uerò mundus hic, non unicum stirpis genus in se continens, sed infinitos ceu palmites ex una radice progerminans. Postquam enim essentiam inordinatam suapte natura confusamq; in ordinem ex perturbatione et ex cōfusione in discretionem reducens mundi opifex formare cœpit, terram quidem et aquā radicaui in medio, aeris uero ignisq; arbores in sublime subduxit à medio. hæc autem circūquaq; muniuit æthere, extinum hunc terminū pro munimento custodiāq; statuens, unde cælum Græcis nominatum uidetur. interius terrā cum sit arida inuehi aquis

nec ab eis dilui, igni porro natura calido lungi aerē suo
pte ingenio frigidissimum non sine ingenti miraculo ius
sit. nonne enim prodigiosum uidetur, id quod dissolubi-
le est contineri à dissolutiuo, uidelicet terram ab aqua?
Et frigidissimæ rei superpositam calidissimam, non ex-
tingui tamen ignem ab aere? hæ sunt illæ perfectissimæ
plantationes huius uniuersi operis: maxima autē et om-
nium rerum feracissima stirps, mundus hic, cuius cura
mi sunt modo dicta germina. Nunc considerandum ubi
sint eius radices, et quæ basis, in qua consistit more sta-
tuæ. corpus certe nullum credere debemus extra relictū
errare, absumpta in unum dei opus omni materia. perfe-
ctissimū enim oportuit effingi maximum opus ab opifi-
ce maximo. Non fuisset autem perfectissimum, ni ex per-
fectis completum esset partibus. itaq; ex tota terra et ex
tota aqua aerēq; igneq; ne minima quidem exterius re-
licta eorum particula, mundus hic confectus est. Vnde
necessario sequitur, extra aut uacuum esse aut nihil. Si
uacuum, quomodo id quod plenum est et solidum et
omnium grauiissimum non degrauatur mole sua, sus-
tatum à nihilo? ut somnio quiddam simile uideatur, di-
cogitatio semper querit basim corpoream, quam requi-
rit quicquid mouetur, præsertim mundus, quippe maxi-
mus omnium corporum, et multitudinem aliorum cor-
porum, ut suarum partium in sinu continens. Si quis igitur
pudorem huius difficultatis non explicatæ uelit ef-
fugere, ingenue dicat, nihil esse tam forte in omni mate-
ria, ut mundum baiulare ualeat. sed æterni dei lex æter-
na firmissimum ac munitiissimum fulcrum est rerum om-
nium.

nium. hæc à modijs ad fines, & ab extremis ad media se
 extendens, decurrit per longum nature stadium cursu
 inuictissimo, in unum conducens partes omnes cōstrin-
 gensq; hanc enim pater qui ipsam genuit, uinculum fe-
 cit non rumpendum in perpetuum. merito igitur neque
 tota terra diluitur à tota aqua, quod in finibus eius acci-
 dit, neq; ab aere ignis extinguitur, neq; contrà igne in-
 flammatur aer, dei lege se interponente: sicut elementa
 uocalia mutis distinguuntur. ut uniuersum hoc tāquam
 in literata musa concinat, minaces contrariarum natu-
 rarum concursus suadela dirimente interposito suo ar-
 bitrio. ita profecto radicatur arbor feracissima, & rati-
 cata stat firmiter. particulares autem & minores sim-
 pes, partim mouentur & migrant, partim mouendo
 nihilominus semel assignatum sibi locum obtinent. quæ
 ambulatoriæ sunt, animantes ut nos uocamus, huius uer-
 uersi grādiōribus inditæ sunt partibus: terræ terrestres,
 aquæ natatiles, uolucres aeri, ignigenæ igni, quarū pro-
 uentus manifeste uideri fertur in Macedonia, sicut stelli-
 læ in cælo cernuntur. sunt enim & hæ animantes intelli-
 ctu præditæ, consensu philosophantium: aliæ per se mo-
 ge, aliæ fixæ, quæ tamen eadem cum mundo rotatæ
 cum actæq; uertigine locum mutare putātur. at quæ na-
 turam imaginatione carentem habet insitam, quas pro-
 priæ plantas dicimus, migratiuo quoq; motu carēt. duo
 autem genera in terra & aere fecit opifex. in aere quæ-
 dem uolucres sensibiles, & potestates alias sensu haud
 quaquam perceptibiles. animarum sodalitium istud, et
 incorporearum, non in eosdem digestarū ordines: alia
 enim

enim assignari ferunt mortalib. corporibus & post cer-
tos temporum circuitus liberari denuo. alias diuiniorē
habitum sortitas totam terrenam regionem contemne-
re. in summo autem prope ipsum ætherem esse purissi-
mas, quas Græcorum philosophi heroas uocant & ge-
nios, Moses ex re nomen facit eis angelis: quod bonarū
rerum internūciæ sint à summo rege ad subditos, ac rur-
sum pro horum necessitatibus legatione ad illum fungā-
tur. terræ uero animalia terrestria stirpesq; alia duo ge-
nera attribuit, iussæ ut eorum matrem simul ac nutrice
ageret. sicut enim mulieri & omni foemellæ fontes la-
tis sub partum scaturiunt, ut recentes fœtus rigetur ali-
mentis necessarijs & conueniētibus: ita & terrestrium
animalium matri terræ omnes stirpium attribuit spe-
cies, ut cognatis non alienis cibus partus eius uterentur.
stirpes tamen deorsummerso fecit capite, infixas ferti-
lissimis eius partibus. Brutorum autem capita retraxit
à terra, & summæ ceruici oblongæ aptauit, & pro sul-
cro pedes anteriores ei supposuit. solus homo eximium
ornatum sortitus est. Ceterorum enim animalium ora
deorsum flexit: quapropter ad terram prona sunt. homi-
nem contrā erexit, ut cælum spectet, cum sit non terre-
stris planta, sed cælestis, sicut à priscis accipinus. Quo-
rum alij particulam ætheræ naturæ hanc asserētes, co-
gnatione iungunt ætheri hominem. At magnus ille Mo-
ses, nullæ creaturæ rationalis animæ speciem facit simi-
lem, quam inuisibilis dei pronunciauit imaginem: hoc
ipso probam existimans, quod essentiam formamq; di-
uinitus impressam habeat, cuius character æternus ser-

mo est. Inspirauit enim (ut inquit) deus in facie eius spiritum uitæ. itaq; necessum est, ut qui eum recipit, emitte-
tis imaginem referat. ideo dicitur, ad imaginem dei factum hominem, non ad creaturæ alicuius. Consequens
erat igitur, ut quoniam humana anima exemplar suum
authoris summi sermonem reserebat, corpus etiam ere-
ctum ad purissimam partem mundi cælum os attolleret,
ut per hæc quæ in propatulo sunt intelligantur illa inui-
sibilia. ergo quoniam erat impossibile ut cogitatio per-
ueniret ad aspectum eius Qui est, nisi mentis ab ipso at-
tractæ, sicut sua cuiq; manifeste testatur cōscientia: eui-
dēs simulacrū occulti oculi corpus hoc habemus, quod
potest ad æthera suspicere. Cum enim hi ex corruptibilia
li materia compacti oculi eousq; ascendant, ut à terrena
hac regione prouolent ad cælum remotissimum, pertin-
gantq; ad eius terminos, quales existimandi sunt per om-
nia discurrentes animæ oculi: qui multo desiderio cō-
spiciendi eius Qui est uolucres facti, non solum ad extre-
mum æthera pertinent, sed à tergo relictis totius mundi
terminis, ad ingenitum illum properant. Quapropter
in oraculis dicuntur sursum uocati, qui sapientia scien-
tiq; nunquam satiantur. Fas est enim ad deum sursum
uocari eos, qui ab ipso inspirati sunt. mirum enim si tur-
bines procellæq; arbores stirpitus rapiunt in aerē, et
nauigia decem milium amphorarum capacia, mercibus
onusta, quasi leuissimum aliquid ex alto mari auferunt,
et stagna fluminaq; in sublime abeunt, in gremio ter-
ræ fluentis deficientibus, quæ exhauferunt uentorū ue-
hementes multiplicesq; uortices: omnipotentis uero dei
spiritu inferna hæc omnia superante, mens suapte natu-

ra leuis non fit leuior, & ad summam altitudinem attol-
 litur, præsertim hominis germanæ philosophiæ dediti.
 Hæc enim non uergit deorsum ad res terræ gratas &
 corpori, à quibus quàm longissime conatur discedere:
 sed sursum fertur, ut insatiabilis amatrix sacrarum felici-
 tatumq; naturarum sublimium. Quamobrè Moses præ-
 sectus custosq; orgiorum eius Qui est, sursum uocabitur.
 Legitur enim in lib. Leuit. Sursum uocauit Mosem.
 Beseleel quoq; secundo honore dignatus sursum uocabitur.
 Nam & hunc sursum Deus euocat, ad fabricam &
 curam sacrorum operum. Verùm hic secundas huius euo-
 cationis partes, Moses uero sapientissimus primas feret.
 Nam ille umbras fingit, sicut pictores, quibus nō est fas
 animatum quicquam condere. Beseleel enim in umbris
 faciens interpretatur. At Moses non umbras, sed natu-
 ras archetypas earum rerū quas fingendas sortitus est.
 & alioquin etiam summus ille autor, alijs clarius manē
 festiusq; tanquam in sole puro: alijs obscurius, tanquam
 in umbra solet res suas ostēdere. Nūc postq̃ differuimus
 de grādiōrib. mundi plantis, uideamus quomodo & in
 homine minore mūdo sapiētissimus opifex deus arbores
 quasdā cōdidit. Primū in corpore nostro quasi bono a-
 gro, sensuū scrobes præparauit: in quas unūquēq; tanq̃
 mitem utilemq; arborē indidit, auditū in aures, uisum in
 oculos, in nares odoratum, & suis quosq; locis ceteros.
 Attestatur autem huic meæ sentētiæ fatidicus uates, qui
 in suis hymnis sic loquitur. Qui plantat aurē nō audit?
 q̃ fingit oculos nō inspiciet? quin et aliæ, quæ usq; crura
 manusq; ac ceteras corporis partes externas internasq;

pertinent, facultates omnes sunt generose plantulæ. sed
 quæ præstantissimos perfectissimosq; fructus afferunt,
 penitus insitæ sunt in uim qua homo regitur. Sunt au-
 tem hæc: cogitatio, perceptio, coniectura, meditatio, me-
 moria, habitus, dispositio, artium species multifariæ, sci-
 tiæ confirmatæ, uirtutis totius contemplationum conce-
 ptus indelebilis. Horum nihil ullus homo plantare scit:
 sed uniuersorum unus ingentus est artifex, qui non so-
 lū creauit ea semel, sed et singula plantat quotidie. huic
 nostro sermoni adstipulatur etiam paradisi illius plan-
 tatio, de quo dicitur: Plantauit deus paradysum in Edem
 contra orientem, et collocauit ibi hominem quem fini-
 xerat, id si accipiatur de uitibus, et olearum, malorum,
 punicarum, similiumq; arboribus, magna et incurabi-
 lis stultitia fuerit. quæri enim posset in quem usum fi-
 ctus sit, an propter amœnam habitationem? ergo totus
 mundus non est aptius deo summo regi habitaculū? an
 non et aliæ multæ res sunt ad excipiendum tantum re-
 gem magis idoneæ? imò nefas est illi summo autori as-
 gnari locum aliquem, præsertim cum non singulis an-
 nis fructum ferant arbores. ad cuius igitur usum fructū
 paradysus hic erit fertilis? hominis certe nullius, nam pa-
 radisi nemo prorsus inducitur incola: quando et is qui
 primus è terra fictus fuerat Adam, translatus inde dici-
 tur. Deus certe sicut alijs rebus, ita et cibus non indiget,
 nam quisquis cibo utitur, necesse est ut primum indi-
 geat eo, deinde instrumenta parata habeat, per quæ et
 ingestum recipiat, et digestum foras egerat. hæc autem
 in summi autoris felicitatem non competunt impia com-
 menta

menta hominum, ad tollendam pietatem sanctitatemq;
virtutes maximas, inducentium Deum humana forma
& affectibus humanis præditum. Eundem igitur ad al-
legoriam uiris amicam perspicacibus, quando & ora-
cula sacra occasionem nobis manifestissime porrigunt.
narrant enim in paradiso stirpes esse nostris nequaquã
similes, sed uitæ, immortalitatis, scientiæ, cognitionis, in-
tellectus bonarum rerum, & malarum imaginationis.
hæ uero cum terrenæ non sint, necessario rationalis ani-
mæ plantæ sunt existimandæ: cuius iter ad uirtutem hæ-
bet finem uitam immortalitatemq;: diuersa uero uia du-
cens ad uitium, his amissis in mortem desinit. Credendū
est igitur benignissimum deum in anima, tanquam para-
disum uirtutum, & actionum quæ ex harum præscri-
pto sunt, plantare, qui ad eius perfectam felicitatē con-
ducit: quamobrem locum conuenientissimum assigna-
uit paradiso nominatum Edem, quod interpretatur de-
licie, qui significat animam recte cernentē, choreas agē-
tem, cum uirtutibus, exultantem præ nimio gaudio, unā
delectationem innumeris hominum uoluptatibus præ-
ferentē, quales solus confectatur sapiens. Hoc mero gau-
dio exhilaratus unus è Moysis præcipuis sodalibus, in hy-
mno exclamat suam mentem alloquens, Deliciare in do-
mino: hac uoce seipsum ad cælestem diuinumq; amorē
excitans, & ista quæ uulgus hominum pro delicijs ia-
stat ostentatq; fastidiens, totam mentem afflatu diuini
furoris correptus, & in deo solo hilaritatem suam totā
collocans. Illud quoq; quod contra orientem paradisi
esse narratur, declarat ea quæ modo dicta sunt. Tenebri

cosa enim uestpertina nocturnaq; res est insipientia: plena uero, fulgida, & uere orientalis prudentia: & sicut oriens sol totum cælum radijs illustrat, eodem modo etiã uirtutes habent suos radios, quibus in mentem penetrãdo totam eam reddunt lucidissimam. Et homines quidẽ ad custodiam rerum suarum adhibent feroces bestias quæ insidiatores & raptores arceant: deus autem suis rebus rationales naturas præficit. Posuit, inquit, ibi hominem quem finxerat: hoc est in solis rationalibus uirtutibus. harum enim exercitationem usumq; deus in eximias animas confert ceu munus honorariũ. ideoq; aperte dicitur, quod eum qui in nobis est uerum hominẽ, id est mentem, posuit in honestatis hortis arboribusq; sacratissimis. Qui autem mẽte carent, hos nemo possit excolere, cum non sint ingenio capaci præditi. Non est igitur dubitandum, cur in arcam illam ingentem diluuiopreparatam omnes animantium species introducãtur, nulla in paradysum. Nam arca hæc corpus significabat, quod necessario capit affectionum uitiorũq; immanes pestes & indomitas: paradysus autem solarum uirtutum est: quæ nihil immanis uetum admittunt aut quod ratione careat. Cautè etiam non hominem ad imaginem expressum, sed hominem fictum inductum ait in paradysum. nam ille ad imaginem deliniatus dei spiritu, nihil differt, ut mihi uidetur, ab arbore quæ fructum fert uitæ immortalitatem. nam utrunq; incorruptibile, portione honoratissima in medio sita dignatũ est. dicitur enim lignum uitæ esse in paradysi medio. at ille alter constans è miscellaneo terrenoq; corpore, naturæ simplicis &

non fictæ expers est: cuius exercitator solus scit habitare atrium & domum domini. Iacob enim simplex habitans domum inducitur, non eius frater uersutus & uarijs figmentis instructus animum. Conueniebat igitur, ut in paradiso, id est uniuerso hoc mundo medius radicaretur intellectus, insitas habens uires trahentes se in contraria, in discernendis eis ambiguus utrum expetenda an fugienda sequatur: ut si meliora capefferet, immortalitate frueretur ac gloria: sin deteriora, in turpē mortem incideret. Tales sunt arbores quas ille solus sapiens radicaui in animabus rationalibus. Moses autem miseratus ē paradiso uirtutum pulsos suppte arbitrio, potentiam dei clementesq; ac mites eius uirtutes precatur, ut unde terrenus intellectus Adam exulat, illuc plantetur ille acute cernens populus. dicit enim, Inductos eos plantabis in montem hereditatis tuæ, sessionem in cathedram tuam perfecisti domine: sanctuarium domine, quod collocauerunt manus tuæ. dominus regnabit in secula, in æternum & ultra. Clare igitur, si quis alius, didicit, quod deus demissis omnium rerum seminibus ac radicibus, autor fuit ut arbor maxima germinaret mundus hic: qui & nunc uidetur subindicari in modo dicto carmine, dum nominatur mons hereditatis, quia factoris nulla hereditas magis est propria quam opus ipsius. In hoc igitur nos plātari precatur, nō ut irrationales fiamus, & contumaces ingenio, sed ut sequēdo dispensationē illius perfectissimi, & imitādo eius perpetuā constantiam, inoffense uiuamus ac sobrie. nam iuxta naturā uiuere, felicitatis finem esse prisca asseuerant. idem carmen

consonat cum his quæ dudum de mundo dicta sunt, eum
esse instructissimā dei domum sensibilem, eamq; factam,
non increatam ut quidam existimant. sanctuarium au-
tem, quasi splendorem ē sanctis redditum, exemplaris im-
maginem. Nam quæ sensui pulchra sunt, intellectui pul-
chrorum imagines sunt. quod autē ait paratum dei ma-
nibus, opifices mundi potētias eius significat. Et ne quis
suspicietur eum indigere creatura quacunq; , accinit ne-
cessario, Dominus regnabit in secula, in æternum & ul-
tra. Rex autem nullo habet opus, sed sub eius iure sunt
omnia. Quidam autem aiūt hereditatem dei dici esseq;
bonum ipsum, cuius usumfructum Moses nunc in uotis
nuncupet. quasi dicat: quia nos, tanquam pueros recens
ad discendum admotos, introduxisti per sapientiæ de-
creta & contemplationes, nec sine rudimentis esse pas-
sus es, planta nos in sublimi sermone celesti. hæc enim
est hereditas paratissima, & domus commodissima ha-
bitationi, quam fecisti sanctuarium. es enim domine fa-
ctor bonorum sanctorumq;: sicut ē diuerso malorū pro-
fanorumq; creatura hæc corruptibilis. Regna per infi-
nita secula in anima supplice, ne momentum quidē eam
presidio tuo destituens. Nam tibi continū seruīre, non
solum libertati præferendum est, sed & regno uel ma-
ximo. Sed fortasse multis in mentē uenit querere, quam
rationem habeat illud, In montem hereditatis tuæ. hæ-
reditatem dare conuenit deo, accipere autem eam, for-
tasse non fuerit rationi consentaneum, cum omnia iam
antē sint ipsius possessio. Quid si hoc dicitur de illis qui
per excellentiam ad eius dominium pertinent? quemad-
modum

modum reges imperant quidem omnibus subditis, sed maxime domesticis, quorum ad corporis curam & reliquum uictum quotidianis utuntur ministerijs. Iidem quamuis totius regionis possessionū sunt domini, etiam earum quæ priuati iuris sunt, tamen sola habere putantur quæ commiserunt suis procuratoribus, à quibus annuos redditus exigunt. in eos secessus sæpe animi gratia se conferunt, grauissimis regni ac reipublicæ curis aliquantisper sepositis, & hi censentur possessionum regiarum nomine. item argentum aurumq; & cætera preciosa quæ reconduntur apud subditos, regum magis sunt, quam eorum à quibus habentur: attamen sunt qui propriè dicantur regij thesauri, in quibus ordinarij tributorum exactores totius regionis prouentus solent reponere. Ne mireris igitur si & omnipotenti rerum omnium præsidis eximia hæreditas esse dicitur sapientum animarum sodalitiū, quod acutissimè cernente, inculpabili, recentiꝫ semper mentis oculo præditum est, nunquam conuiuente, sed aperto continuè, directèꝫ intuen- te. propterea sic & in maiore cantico dicitur: Interroga patrem tuum, & annuntiabit tibi: maiores tuos, & dicent tibi. Quando diuidebat altissimus gentes, quando separabat filios Adami, constituit terminos gentium iuxta numerum angelorum dei. Et facta est portio domini populus eius Israel. Ecce iterum portionem & hæreditatem dei dixit eos à quibus germane colitur & aspici- tur. terræ autem filios, quos Adami nominat filios, dispersos dispalatosq; cateruatim, cum non possent recte rationis ductum sequi. ita est profecto, societatis coniun-

tionisq; causa est uirtus, dissolutionis uerò & separationis affectus contrarius. id satis declarat solenne sacrum, quod in diem propitiationis, ut uocant, incidit. tunc enim ex præcepto super duos hircos sors mittitur, altera domino, altera hirco emissario: scilicet super duas rationes, quorum altera domini sit, creatura altera. ergo qui summum autorem ueneratur, sibi ipsi honoris hereditatem parabit: qui creaturam, exulabit, pulsus è regione sacratissima in profana deuiatq; barathra. tanta est Moysi cum deo familiaritas, ut hac maxime fretus, uehementiora & maiora quàm pro aurium nostrarum captu proferre soleat dogmata: qui non modo heredem facit deum, sed quod incredibilius est, hereditatem. integram enim tribum quæ ad illum supplex confugit, non agro donauit sicut cæteras undecim: sed ut eximiam honorauit sacerdotio, cælesti non terrena possessione. Non erit, inquit, tribui Leui portio nec hereditas inter filios Israel: quia dominus ipse hereditas eorum est. ex persona quoq; dei canitur in eius oraculis in hunc modum, Ego portio tua & hereditas. nam perfecte purificatus, quæ se abdicauit creaturis omnibus, proculdubio nihil nouit præter illum ingenitum, ad quem accessit, & à quo recepta est. Quis enim potest dicere, Ipse mihi solus est deus, nisi qui nullam istarum inferiorum rerum amplectitur, quod institutum est Leuiticum. interpretatur enim hæc uox, Ipse mihi, quod apud alios alia sint in precio, apud hunc solum ille optimus maximus autor rerum omnium. Fertur quædam è priscis correptum in sano amore sapientiæ quasi mulieris formosissimæ, cum sumptuo=

sumptuose pōpē spectaret apparatus copiosissimum, uersum ad quosdam familiares dixisse: uidete amici, quam multis rebus opus non habeo. & tamen nihil habebat præter amictum necessarium: ne quis putet eum inflatum diuitijs, ut pleriq; solent, arroganter contra deum locutum esse. eadem legislator sapere docet eos qui non cupiunt creatis rebus ditescere, fastidientes quicquid genitum est præ ingeni familiariate, quem solum habent pro diuitiarum felicitatisq; sine perfectissimo. Eant nunc & glorientur qui condiderunt regna imperiaq; maxima: alij quia ciuitatem aut regionem aut gentem unam subiugauerunt: alij quia tractus omnes terræ adusq; eius terminos: Græcas barbarasq; gentes, flumina omnia mariaq; quàm multa quàm magna sunt, in potestatem suam redegerunt. etiamsi præter ista sublimem illam naturam, quod uel dictu nefas est, quam solam seruituti non obnoxiam opifex condidit, sibi subiecissent: tamen è plebeiorum numero censendi essent, collati cum magnis regibus, quorum hæreditas deus est. Quantò enim possessor possessa re habetur potior, & opifex opere suo, tanto magis illi accedunt ad maiestatem regiam. certè quod quidam aiunt bonorum uiuorum esse omnia, inter paradoxa refertur ab alijs, intuentibus externam copiam & inopiam, & neminem pecunijs possessionibusq; carentē inter diuites numeratibus. at Moses adeò suspiciendam expetendamq; omni studio ducit sapientiam, ut sortem eius nō solum uniuerso mundo, sed & rerum omnium regi equiparet. Quod dogma non disputatorum est pro uel contra differentium,

sed

sed hominum firma fide constabitorum. quandoquidem nunc quoque sunt quidam pietatis simulatores, qui hæc dictu quam factu procliuiora calumniantur, negantes uel pium uel tutum dicere deum hæreditatem hominis. quibus libenter dicerem: non miror, cum non germano affectu, sed suppositicio adulterinoque ad has res contemplandas ueniat. nihil enim interesse putatis inter possessiones uinetorum, oliuetorum, similiumque, et deum qui sapientum dicitur hæreditas. nec reputatis quod et pictori ars pingendi, et sua cuique artifici ars hæreditas forsue censetur, non ut terrena possessio, sed ut olympicum præmium. nam huiusmodi res quamuis non sint dominij, prosunt tamen habentibus. ergo et eum Qui est, sortem non uulgaribus istis similem intellegite sycophantæ, sed maximum autorem bonorum cultoribus suis utilissimum. Nunc postquam de primo plantatore primaque planta quod dicendum erat diximus, transeamus deinceps ad disciplinas instar huius factas. in quarum mentione primus succurrit sapiens ille Abraham, qui dicitur plantasse agrum ad puteum iuramenti, et inuocasse nomen æterni dei domini. nec indicatur plantarum proprietas, sed tantummodo regionis eius spacium. aiunt autem quibus mos est scrutari talia, quicquid in possessionem dei cecidit, diligenter descriptum, arborem, locum, fructum arboris. Arborem ipsum esse agrum, non germinibus terræ similem, sed in cari deo uiri mente radicatum: locum, ipsum iuramenti puteum: fructum uero nomen domini, pro quo æternus deus sumitur. singulis autem horum sua debetur ratio. ager cētum cubitorum

in longitudinem, totidem in latitudinem, si iuxta quadranguli naturam multiplicetur, decem milium solidorum cubitorum conficiet numerum: qui est crescentium, ab unitate maximus & perfectissimus: ut principium numerorum sit unitas, quæ per primam compositionem in decem milia desinat. quapropter nonnulli haud temerè unitatem conferunt cum carceribus, cum meta uerò decem milia: ceteros omnes numeros qui sunt in medio spacio, cum cursu certantibus. incipientes enim ab unitate tanquam à carceribus, in decem milibus finem statuunt. hinc arrepta occasione quidam aiunt per hæc significari, deum esse principium & finem rerum omnium, quæ opinio facit ad pietatem. hoc dogma plantatum in anima, pulcherrimum & cibo aptissimum fructum parit sanctitatem. cui plæ locus commodissimus est puteus, qui uocatur iuramentum, in quo ferunt aquam non inuentam. Accesserunt, inquit, pueri ad Isaac, nunciantes ei de puteo quem foderant, & dicentes, Non inuenimus aquam. & uocauit eum iuramentum. hoc quid significet consideremus. Qui rerum naturas scrutantur, & singulas in disquisitionem uocant magna cum diligentia, similes sunt puteos fodientibus. nam & illi fontes latentes inquirunt. utrisq; commune desiderium est potus inueniendi, sed alteris quo corpus, alteris quo recreatur anima. Quemadmodum igitur quidam fossores puteorum quæsitam aquam sæpe non inueniunt: ita qui ulterius progrediuntur in scientijs, & diutius in eis inambulant, non possunt finem attingere. certè admodum doctos aiunt accusare suam magnam ignorantiam. Hoc enim

enim tantum sentiunt, quam longè absint à ueritate. ex his unus olim usq; ad miraculum sapiens dicere solebat, homines meritò ipsum mirari, qui hoc tantum sciret, scire se nihil. elige si libet quacumq; artem maiorem minoremue, & aliquem in ea laudatissimum: deinde examine an præceptis artis respondeant artificis opera: uidebis hæc ab illis nō exiguo, sed magno interuallo abesse, quandoquidem fermè impossibile est in quacumq; absolutum esse, quod hæc fontis in morem undabundæ uarias cōtempationum species ebulliant. ideò iuramentum nominatur aptissimè, quod est fidei signum firmissimum, coniunctum cum dei testimonio. Nam cum iurantes in re dubia testem deum inuocent, nihil licet iurare certius, quam quod nullius scientiæ finis inueniatur apud ullum artificem. idem dicere possumus & de alijs nostris potentijs penè omnibus. Sicut enim in dicto puteo negant aquam inueniri, sic nec in oculis quicquam uisum, nec auditum in auribus, nec in naribus qdoratum esse contendunt, insumma nullum sensum in ullo instrumento sensitiuo. similiter nec in mente intelligentiam. Alioquin quomodo uisus auditus mens falleretur, si in his essent firmæ uires comprehensiuæ, & non à deo qui eas indidit confirmarentur? Iam & de loco, in quo arbor ista floret satis locuti, tandem & de fructu eius differamus: qui cuiusmodi sit, ex ipsis uerbis scripturæ patebit. inuocauit enim nomen hoc, Dominus deus æternus: quæ appellationes eius Qui est indicant potentias, dominus eam qua imperat, deus eam qua est beneficus. Quamobrem & sacer Moyses in toto mundi opificio nomen dei assumit: hoc enim

enim conueniebat potentie, qua factor suas creaturas produxit ornauitq;. Ergo quatenus imperat utrumq; potest, tum bene tum male facere, ad retributionem factorum se attemperans. Quatenus autem beneficus est, alterum solum uult, uidelicet benefacere. Est autem maximum animæ bonum, non dubitare de utrauis regis potentia, sed constanter metu ab imperij potentia dependente se exoluere, & spem fouere de propensa benignissimi numinis erga nos uoluntate, fore ut aliquando ea uti frui contingat. iam hæc uoces deus æternus, idem ualent ac si dicat, non qui aliquando largitur, aliquando non, sed semper & continuè: qui sine intermissione benefacit, qui dona donis cumulando continuat, cuius gratiæ inter se coniunctæ ac unitæ, semper in orbem redeunt: qui nullam occasionem benefaciendi finit præterfluere, cum sit dominus, & ledendi quoq; potestatem habeat. Hoc idem & meditator ille Iacob postulauit in fine precum sacratissimarum, dicens: Et erit Dominus mihi in deum: ac si dicat: iam non herili potestate libera erga me utetur, sed benefica propitia & usq; quaq; saluare potentia, sublato dominationis metu, & anima deuincta beneficijs mutuam gratiam conciliantibus. Quis hoc animo concipere ualeat, quòd dominus & dux rerum omnium, nihil de natura sua demutans, semper sui similis, continuè bonus est, & indefinenter munificus? à quo perennis bonarum rerum copia promanat, autore perfectionis omnium feliciū. huic regi fidere, qui non imperio suo superbe ad ledendos subditos abutitur, sed comiter eis succurrit suis opibus, plurimum confert ad securi-

securitatem atq; tranquillitatem animi. atq; ita quod
promissimus iam ferme representauimus, arborem acci-
pi pro deo rerum omnium autore optimo, & eius lo-
cum in nulla creatura perfectum inueniri, interdum ta-
men in eis apparere per autoris summi gratiam. fru-
ctum porro esse dei perpetuam beneficentiam, imbris
more nunquam non depluentem. Sic & uir sapiens imi-
tatus primi maximiq; plantatoris artem, suam agricul-
turam ostendat. Iubet [autem] sacra scriptura etiam nos
nōdum perfectos, qui adhuc in medijs officijs censemur,
exerceri sic in re rustica. ait enim, Quando ingressi fue-
ritis terram, quam dominus deus dabit uobis, & planta-
ueritis in ea omne lignum pomiferum, auferetis impuri-
tatem eius fructum eius. per triennium erit impurus, nec
edetis ex eo. Quarto autem anno omnis fructus eorum
sanctificabitur, laudabilis domino. Quinto autem anno
edite fructum, uobis proficiet quicquid prouenerit. Ego
sum dominus Deus uester. igitur arbores pomiferas,
prius quam in regionem à deo datam migretur, planta-
re non est possibile, dicente uate, Quando ingressi fueri-
tis terram, & plantaueritis omne lignum pomiferum,
itaq; donec extra eam moramur non possumus tales ar-
bores colere, & merito. donec enim in sapientiæ uiam
mens non progreditur, sed errabunda uagatur, silue-
stres tantummodo curat arbores, quæ uel in totum ste-
riles sunt, uel fructum ferunt ad cibos incommodum. sed
quando ingressa uiam prudētiæ, per decreta eius ascen-
dit, & incipit in his omnibus decurrere, tum mites &
mitium fructuum feraces colit pro illis siluestribus, tran-
quillitatem

quillitatem pro perturbationibus, pro ignorantia scientiam, pro malis bona. Quoniam igitur is qui in uirtutem introducit longe à fine abest, merito postquam plantauit iubetur auferre à planta impuritatem. hoc quid sit simul consideremus. ex officiis quæcunq; sunt media, uidentur mihi eandem rationem habere cum mitibus arboribus. Nam utraq; utilissimos ferunt fructus, altera corporibus, animabus altera. sed in medijs multa adnascuntur noxia, quæ necessario sunt auferenda, ne officiant melioribus. An non dicemus mitem arborem animæ, redditionem depositi? uerum hæc putatione opus habet, & curiosiore diligentia. Quenam igitur est ista putatio? nimirum hæc: depositum quod accepisti à sobrio, nec ebrio, nec prodigo, nec furenti reddideris. Nam qui sic sua recipit, ab eorum usu excluditur iniquitate temporis. neq; debitoribus aut seruis reddendum est, quibus sceleratores insidiantur & domini. Proditio enim est hæc, non redditio. Neq; ideo in paruis fidem serues, ut per occasionem maiora capias. Piscatores quidem cum paruis escis demissis, magnos pisces hamo capiunt, nemo criminatur, quia se aiunt hoc modo macellæ annonæ prospicere, & quotidie mensas instruere talibus copijs. At uilis depositi redditione, fas non est inescare quemquam, ut ab eo maius auferas, manibus paucæ porrigens, multis uerò magnisq; rebus defraudans eum animo. Ergo si ut ab arbore, ita à deposito quicquid impurum est auferas, damna, insidias, intempestiuitates, & huiusmodi omnia, mite facies quod alioquin abiturum erat in naturam siluestriam. in amicitia quoq;

planta similes stolones amputandi sunt, ut potiores eius partes conferuentur. Sunt autem hi: meretricum præstigiæ, quibus in amatores utitur, & fraudes adulatorum. Videmus enim istas quæ faciunt questum è flore corporis, magnam erga suos amatores præ se ferre beneuolentiam: quæ tamen non illos amant, sed se ipsas, & quotidianis prædis inhiant. Adulatores quoq; nonnunquam ineffabile odium cælantes apud eos, quibus obsequuntur, tamen amare lautas cœnas & gulosum ocium, quæ cupiditate inducuntur, ut colant eos, qui talia suppeditant. At illa sinceræ & non fucatæ amicitiae planta, excussis & dimissis huiusmodi rebus, fructum feret suis cultoribus utilissimum, nempe fidem nullis corrumpendam muneribus. Propositum enim eius est, amico bene uelle propter ipsum. At scorta & adultores suum agunt negociū, dum amatoribus, & quibus adulantur aliquid boni cōciliant. Resecandæ sunt igitur hæ præstigiæ simulationesq; ab amicitiae planta, ut agnatæ pestes noxiæ. illi dem sacrificia fœderaq; stirpes sunt pulcherrimæ, sed quibus adnasci solet malum superstitionis, excidendum prius quàm coalescat firmitus. Sunt enim qui putant pietatem in mactandis bubus consistere, qui ex furto, abnegato deposito, creditore fraudato, raptoq; partis prædis portiones altarib. tribuunt homines uix expiabiles, putantes se pœnas peccatorum sic redimere. Hos sic appellare libet: non corrumpitur istis, ô uos quicunq; tandem estis, dei tribunal, sed omnes male sibi conscios, etiam si quotidie centum boues imolent, auersatur: insonites uerò, etiam si nihil omnino sacrificent, amplectitur.

Gaudet

Gaudet enim deus aris nullo igne calentibus, quas cin-
 git uirtutum chorus, non istis flagrantibus flāma quam
 profanorum accenderunt profanæ uictimæ, in memo-
 riam reuocantes singulorum errata & ignorantias. Sic
 enim alicubi Moses dicit, peccati admonere sacrificium.
 Ergo oportet talia cuncta magnum damnum afferentia
 refecare ac tollere, sicut oraculū disertè iubet: aufer im-
 puritatem plantæ pomiferæ. At nos ne post disciplinam
 quidem sumus dociles. Alij uerò suoapte ingenio docti
 quicquid bonum est repurgant ab iniolucris noxijs, si-
 cut Iacob ille meditator cognomine. Hic enim uirgas
 spoliavit tenuissimis corticibus, quod uirebat detrahēs,
 ut interraso quod atrum erat, uarietate non tam artifi-
 ciosa, quam naturali, cognatus color albus eluceret.
 Quamobrè & in lege de lepra decretū est, eum in quo
 nondum uarietas colorū extitit, sed alba uutiligine à ca-
 pite ad pedes occupatur, purum esse: ut iuxta corporis
 similitudinem, uasfriciem uariā & ambiguae mentis in-
 certum affectum omittētes, certæ ueritatis sumamius co-
 lorem simplicē. Et arboris quidem purgandæ ratio cum
 ueritate congruit: de fructu uerò non satis constat. Nam
 ficus, uuas, & in uniuersum fructus agricola purgat ne-
 mo. Lex tamen dicit: Fructus eius per triennium erit incir-
 cūpurgatus, nō comedetis ex eo. Quasi mos fuerit, eum
 semper circūpurgari. Dicendum igitur, hoc quoq; unum
 esse eorū quæ latentē habent intelligentiā, cū uerba ipsa
 non quadrent admodum. Anceps enim est hæc oratio.
 Nam potest uno modo sic intelligi: fructus eius per tri-
 ennium erit, ut distincta uox à præcedentibus sequatur,

incircumpurgatus, ac mox, non comedetur. Altero sic, fructus eius per triennium erit incircumpurgatus, ac mox per se, non comedetur. Prior ille sensus talis esse potest, ut triennium accipiat pro tripartito tempore, cuius ea natura est, ut diuidatur in præteritum, præsens, atq; futurum. Proinde eruditio fructum proferet, qui durabit et saluus permanebit per omnes partes temporis, hoc est non corrumpetur in perpetuum. Nam natura boni non corrumpitur. Fructus autem incircumpurgatus non comedetur, quia purgati saniq; ciuiles sermones animam nutriunt, & menti afferunt incrementum: contrarij uerò non nutriunt, sed morbum creant & interitum. Altero modo, sicut in disputationibus dilecticorum hæc uox indemonstratus dicitur dupliciter, uel qui propter difficultatem ægrè demonstratur, uel qui propter euidentiā non habet opus demonstratione: ita incircumpurgatus fructus est uel impurus egens purificatione, uel per se purissimus. talis est eruditionis fructus, per triennium, id est tripartitum tempus, uidelicet per omnia secula purissimus nitidissimusq; , à nulla obscuratus re noxia, non lauacris aspersionebusq; aut in totum alijs ullis purificationibus unquam indigens. Anno autem, inquit, quarto omnis fructus eius sanctificabitur, laudabilis domino. Quaternarium numerum præter alios legis locos maximè in narratione de mundi creatione magnificere uidetur sermo propheticus. Nam preciosam illam lucem sensibilem, quæ & seipsam & cetera manifestissimè indicat, parentesq; huius solem ac lunam, & stellarum chorum sacratissimum, quæ no-

Atm

Item diemq; menses annosq; tum oriendo tum occiden-
do terminant, & numeri naturam demonstrant, in qui-
bus rebus maximum animæ bonum situm est, ait creata
quarto die. Nunc quoq; hunc honorauit eximiè, nō alio
tempore fructum arborum dedicans Deo, quàm anno
quarto à plātatione: id quod rationem habet naturæ mo-
ribusq; ualde consentaneam. Quoniam totius mundi ra-
dices quatuor numerantur, terra, aqua, aer, ignis, & an-
nuæ temporum uices sunt totidē, hyems, æstas, eorumq;
cōfines uer & autumnus. Antiquissimus etiam quadrā-
gulum est hic numerus, constans rectis angulis, ut li-
quet ē figura geometrica. Hi rectæ rationis sunt signifi-
catiui. Recta aut ratio perennis uirtutum fons est. Opor-
tet tamen quadranguli latera esse æqualia. Aequalitas
porrō mater est iustitiæ uirtutum reliquarum ducis ac
principis. Itaq; patet æqualitatis iustitiæ omnisq; uirtu-
tis, præter alia, signum esse hunc numerum. Is uocatur
etiam omnis, quia reliquos usq; denarium & ipsum de-
narium potentia complectitur. de unitate quidem cui-
us est perspicuum. Quod uerò et cæteros deinceps con-
tineat, ex numerorum supputatione facile colligitur. V-
num duo tria quatuor si componamus, eximetur omnis
dubitatio. Ex uno enim & quatuor constat quinquarius,
ex duobus & quatuor senarius, septenarius ē tribus &
quatuor, & triplici compositione ex uno tribus qua-
tuor octonarius, rursus ē duobus tribus quatuor noue-
narius. denarius autē ex iam dictis omnibus. nam unum
duo tria quatuor cōficiunt decē. propterea Moses dixit,
quod anno quarto erit omnis fructus eius sanctus. pa-

rem enim integram plenam, sicut & uniuerſa, ut ita lo-
 quar, habet rationem, propter denarium è quaternario
 natum, qui eſt prima meta numerorum compoſitorum
 ex unitatibus. Numerus autē denarius ac quaternarius
 dicitur omnis, ſed denarius actu, quaternarius poten-
 tia. Ceterum eruditionis fructum nō modo ſanctum, ſed
 & laudabilem ait, non immerito, ſiquidem omnis uirtus
 ſancta eſt, gratitudo uerò ſanctiſſima: quam nō legitime
 deo exhibent, quotquot putant eum placari ædificijs, do-
 narijs, ſacrificijs. Nam ne totus quidem mundus ad tem-
 plum in honorem eius ſuffecerit. ſed præſtat eum laudi-
 bus hymniſq; colere, non decantatis uoce ſonora & tin-
 nula, uerū modulatis in animo puro, quem ſolus deus
 aſpiciit: Fertur certē antiqua fabula, à ſapientibus uiris
 ad poſteros per manus tradita, quæ ad noſtras quoq; æ-
 uidiffimas diſcendi aures peruenit. Eſt autem talis olim
 cum totum mundum opifex abſolueret, quendam è pro-
 phetis rogauit nunquid deſideraret nondum creatum,
 ſiue in terra et aqua, ſiue in ſublimi aere, ſiue in coeli ex-
 tremo ambitu. Reſpondit ille, eſſe quidē perfectā & ple-
 nā ubiq; omnia, unum tamen ſe requirere, laudatorem
 horum ſermonem, qui in rebus omnibus, uel quod mini-
 mū obſcuriſſimumq; uidetur, nō tam laudet quā enar-
 ret. Ipſam enim enarrationem operum dei, laudem eſſe
 ſufficiētiſſimā, nullo egentem auctario, quando ipſa
 inſucata ueritas ſit pro laude cumulatiſſima. Hoc reſpō-
 ſum patri uniuerſorum placuiſſe fertur, nec multo poſt
 exortum genus canorum & muſicū ex una diuinarum
 potētiarum uirgine memoria, quam Mnemoſynen qui-
 dam

dam uocant detorto nomine. Hæc est priscorum fabula,
 ex cuius autoritate dicimus, nihil esse Deo magis pro-
 prium quàm benefacere, nihil item creaturæ quàm gra-
 tias agere, cum præterea nihil rependere ualeat. Nam si
 quid aliud retribuere uoluerit, id inueniet iam ante non
 ad creaturæ offerentis, sed ad ipsius omnium creatoris
 possessionem pertinere. Ergo quia didicimus unum so-
 lum opus nobis competere ad honorem dei faciens, uide
 licet gratiarum actionem, eam semper & ubiq; medite-
 mur, tum uoce tum bonis literis, nec unquam desinamus
 uel orationes laudatorias, uel poemata componere, ut
 & per carmē & sine carmine, utraq; tam prorsa, quàm
 uorsa oratione, & mundi opificem & mundum uenere-
 mur, illum, ut quidam ait, autorem optimum, hunc crea-
 turam perfectissimam. Cæterum post consecratum anno
 & numero quarto omnem fructum animæ, quinto iam
 nos utemur eo fruemurq;. Ait enim, Anno quinto fru-
 ctum eius edite. Quandoquidem naturæ lege sancitum
 est, ut post creatorem demum ratio creaturæ habeatur
 in rebus omnibus, ut pro magno æstimandum sit, si po-
 tiamur uel secundis partibus. Quin & ideo nobis anni
 quinti fructum assignat, quia numerus quinarius est sen-
 sui proprius, & si uerum fatendum est, sensus alit no-
 strum intellectum, aut per oculos colorum figurarumq;
 qualitates atrectans, aut per aures sonorum proprieta-
 tes omnigenas, aut per nares odores, aut saporos per os,
 aut mollicies cedentes, duritiesq; resistentes, & lenita-
 tes, asperitatesq; frigiditates caliditatesq; per toto cor-
 pore sparsam potentiā, quam tactum uulgo nominant.

id ita esse, ut dixi, exemplo manifesto docent Lix filij, scilicet uirtutis, non omnes, sed quartus quintusq; de quarto enim dicit Moses, quod post eum natum mater interquieuit parere. uocatur autem Iudas, qui interpretatur domino confessio. Quintum uero appellat Issachar, qui merces interpretatur. hunc quamprimum anima peperit, mox quod sibi accidit elocuta est. Vocauit, inquit, nomen eius Issachar, quod est merces. ergo Iudas intellectus benedicens deum, et gratiarum actionis hymnos indefinenter meditans, ipse reuera sanctus et laudabilis fructus erat, non è terrenis enatus arboribus, sed è natura bona rationali. Quamobrem natura quæ eum peperit dicitur destitisse parere, quando non habebat quod se uerteret, iam ad perfectionis progressa terminum. Nam inter omnia recte facta nullus partus est præstantior, quam hymnus in deum patrem omnium. Quintus autem filius quinti anni, ex quo fructum percipimus, est similis. Nam et agricola mercedem quandam ab arboribus, anno quinto accipit, et animæ partus Issachar est, qui merces uocatur. et merito, quando post gratum Iudam in lucem est editus. grato enim ipsa gratiarum actio, merces est amplissima. Et arboreorum quidem fructuum prouentus dominorum est. Prudentiæ uero eruditionisq; fructus non est hominis, sed solius, ut ait Moses, omnipotentis. Nam post hæc uerba, fructus eius, subiicit hæc: Ego sum dominus deus uester, euidentissimè docens, solum deum esse fructus ex anima prouenientis dominum. Cum ea sententia et propheta cuiusdam concinit oraculum hoc: Ex me fructus tibi inuentus est. Quis sapiens

sapiens intelliget hæc? quis intelligēs cognoscet ea? non cuiusvis enim, sed solius sapientis est, nosse mentis fructus cuius sit. Hactenus de antiquissima & sacrosancta agricultura, qua summus autor in plantanda hac feracissima planta, scilicet mundo usus est, & consequenter de ea quam bonus uir exercet, & de quadruplicib. premijs, legibusq; ac præceptis eodem tendentibus, pro uirili diximus. Nunc huius iusti Noe uinitoriam artem, quæ est agriculturæ species, consideremus. Dicitur enim, quod cœpit Noe homo agricola esse, & plantauit uineam, & bibit de uino eius, & inebriatus est.] Ergo ebrietatis plantæ arte scientiaq; iustus hic excolit, quam insipientes sine arte ac modo tractant temerè. itaq; necesse habemus de ebrietate quæ dicenda sunt, dicere. mox enim cognoscemus & uim plantæ, unde illa nascitur. Verum ea quæ de ebrietate narrat legislator, aliàs inspicimus accuratius: nunc exquiramus & aliorum sententias. Fuerunt autem multi philosophi, qui rem hanc considerarunt non mediocriter. Quæritur enim, utrum sapiens inebriabitur. Est igitur duplex ebrietas, altera uino madere significat, altera uino delirare. Qui autem hæc quæstionem tractant, alij negant uel nimio mero usum sapientem, uel deliraturum ob pocula. Alterum enim horum esse peccatum, alterum peccati causam, utrunq; alienum à boni uiri officio. Alij concedunt bono uiro indulgere poculis, sed delirare præ potu non item. Prudentiam enim eius sufficere ad resistendū si quid nociturum uideatur, ne quid secus q̄ oportet accadat animæ: quandoquidem prudentia tantam uim habet ad affectus ex-

tinguendos, siue feruenti amoris aestro inflāmatos, siue multo uino calentes, ut his euadat superior. quia & in profundo flumine aut alto mari urinantes, pars pereūt imperiti natādi, pars huius negocij gnari sine mora ena-
tant. Sic & nimium merū torrentis modo inundans ani-
mam, nunc oppressam usq; inū ignorantie fundum de-
mergit: nunc à salutarī eruditione subleuatam nō potest
ullo modo ledere. horum alteri non satis, opinor, ani-
maduertentes cum quāto malo suum sapientem compo-
nant, è sublimi eum tanquam aucupes in terram detra-
hunt, ut in calamitates quibus ipsi laborant inducant. al-
teri diuersam temperantiæ uirtutem intuentes fateri co-
gūtur, quod qui haurit uinum immoderatiū, impos sui
factus aberrabit facīle, nec manus solum sicut athletæ ui-
cti demittet, sed ceruice quoq; ac capite defluēte, genuq;
labante, & pessum eunte toto corpore procidet. de hac
re prae-mōitus non temerē in bibacitatis certamen ul-
tro descēdet, nisi propter magnam utilitatem aliquam,
puta salutem patriæ, aut honorem parentum, aut libero-
rum uel alioqui coniunctissimorum securitatem, aut in
uniuersum ob priuatū aliquod publicū uel negocium.
nunquā enim sustinebit intra se recipere uenenum mor-
tiferum, nisi admodum iniquo tempore, per quod è uita
profligetur tanquam ex patriā. nam hoc uenenum, si nō
mortem, certē creat insaniam: & quid uetat etiam insa-
niam mortē dicere, cuius accessu præcipua nostri pars
mens interit? quantum equidem intelligo, separatio cor-
poris ab anima ut leuior, præ grauiore malo alienatio-
ne mentis, si qua detur optio, eligenda est procul dubio.

Quapropter prisca Græci artem uini parandi *μαινομένην* uocarunt, & occupatas hac bacchas mænadas: quãdo quidem insanie desipientiæq; causa est uinum immoderatè ingurgitantibus, & hæc quidem huius considerationis sunt tanquam proœmia: pergamus nunc ad reliquam, bisariam, ut uidetur, diuisam, alteris sapientem admissurum ebrietatem asseuerantibus, alteris ediuerso id constanter pernegantibus. prior opinio his argumentis niti uidetur. ante omnia quasdam res homonymas esse, quasdam synonymas. homonymiam autem & synonymiam constat esse inter se contrarias. quia homonymia dicitur de multis subiectis cõmune nomen habentibus: synonymia uero de uno subiecto. canis uocabulum omnino est homonymum, cõplectens multa dissimilia, quæ per id significantur. nam & terrestre latrans animal canis dicitur, & marina bestia, & cæleste sidus, quod autumno poetæ uocant, quod ineunte autumno exoritur, maturandis perficiendisq; fructibus. præterea cynice sectæ antistites Aristippus & Diogenes, aliorumq; huius uitæ sectatorum ingens numerus. Rursum alia uocabula sunt diuersa quidem, unam tamen rem significantia, ut sagitta, telum, spiculum. nam id quod arcus neruo ad scopum eiacularur, his omnibus nominibus dicitur. item uel palmula, uel remus, quo ad nauigationem pro uelis utuntur. Quoties enim aut nullis uentis aut aduersis impeditur nauigatio, in transtris confidentes, quorū est hoc officium, & tanquam alas protendentes, ceu uolucrum nauem cogunt iter facere. at illa sublimis uolitas percurrit magis, quàm sulcat maria, & magna celeritate

te in stationes tutas allabitur. itē scipio, uirga, baculus: unius subiecti differentia sunt nomina, quo uerberare, uacillantes gressus confirmare, inniti, alijsq; multis modis uti licet. quæ nequaquam uerbosius dicta sunt, sed ut clarius pernosceretur id de quo quæritur. Merum ut uinum, ita & temetum prisce uocabant, quod nomē apud poetam sepe est obuium, ut hæc quoq; inter synonyma de uno subiecto prædicata censeantur. uinum atq; temetum, & quæ hinc deriuantur, ut uoce non re discrepēt, nimirum saturitas & temulentia: quæ utraq; nimium usum significant, multis de causis bono uiro fugiendum. Qui si uino madebit, temulentus erit etiam, nec grauius lædatur temulentia, quàm si uino simpliciter expletus sit. hæc est una sententia de sapientis ebrietate. altera autē talis est. nostræ tempestatis homines, paucis exceptis, nihil cum prisce habent simile, sed & uerbis & factis magnam præ se ferunt discrepantiam. Nam & sermone sanum ualidumq; ad morbum perniciosum redeunt, quem exutū uiuida athleticq; habitudine ferme in nihilum redegerunt, pro solido neruosoq; præter naturam facientes prauis humoribus tumidum inflatumq; inaniter, sed uiribus cassum, ut cum maxime intenditur tum rûpatur facillime. actiones item studio dignas, ipsas quoq; fecerunt è masculis (ut ita loquar) foemineas, & turpes ex honestis, ut per pauci reperiātur uel dictis uel factis antiquorum æmulatores. Quapropter illorum seculo poetæ historiciq; ac reliqui musicæ studiosi florebant, qui non aures deliniebant rythmis oblectabantq; sed quicquid in mente fractum luxatumq; fuerat excita-

bant, item quicquid concinnum, adaptabant ad naturæ
uirtutisq; orgia. Nostra uero ætas fert coquos & cupe
diarios, tinctorios & unguentarios, magna curiositate
semper nouum aliquem colorem, nouam ue formā, aut
odorem aut saporem comminiscens in gratiam sen-
suum, ut imperatorem suum oppugnēt intellectum. Sed
quorsum ista commemoro? ut ostendam etiam merum
non in eodem nunc quo olim usu esse. Nunc enim usque
ad animi corporisq; languorem potant absq; respiratio-
ne bibentes, & ultro pincernas urgentes, indignātesq;
illis cessantibus, dum caldam, quam uocant, frigefaciūt:
& deliramentum illud Homericum, scilicet bibendi cer-
tamen conuiuiis suis representant, in quo egregie consi-
stantur, auriculas, nares, manuum extremos digitos, &
alias quascunq; partes corporis sibi prærodentes inui-
cem. hæc sunt, ut uidemus, huius nouæ, quæ nunc intro-
ducta uiget, hilaritatis præmia: prisca autē illius & an-
tiquæ cōtraria. nam prisca omnis honestæ actionis à sa-
cris faciebant initium, ita demum finem optatum sperā-
tes: & quamuis rei gerendæ tempus ægre cunctationē
pateretur, tamen ante omnia curabant, ut uotis rite per-
actis litaretur, pro lucro moram hanc reputantes. incō-
sulta enim celeritas nocet, cunctatio speratam affert uti-
litem. scientes igitur, quod uini usus magna cautela
opus habeat, nec affatim nec semper adhibebant merū,
sed decenter & suo tempore, peractis enim uotis, & sa-
crificijs placato numine, post purificationem corporū
& animarum, aquis abluti & imbuti sacrarum legum
cognitione, hilares & leti ad remissionē uictum se uer-
tebant.

tebant, sepe ne domum quidem repetentes, sed in tēplis
 ubi sacra fecerant permanentes, ut & sacrificij memo-
 res, & locum reueriti, sacrosanctum re uera celebrarēt
 conuiuū, nec uerbo nec facto ullo peccantes. ex hoc mo-
 re natam aut uocem μεθύειν, quasi μετὰ τὸ θύειν, quia
 post sacra demum prisci indulgebāt poculis. Talis usus
 meri cui magis, quā uiris sapientibus conueniat, qui-
 bus nunc quoq; debetur ea, quæ potationē præcedit sa-
 crorum operatio. Nam nemo penē malus re uera sacrifi-
 cat, etiam si perenni sacrificio X M bouum imolet quoti-
 die. Nam præcipua uictima mens ipsa nō est integra. le-
 sis uero non est fas aras attingere. hæc est ratio secūda,
 qua potationem à bono uiro non esse alienā ostenditur.
 tertia fit per diuersam etymologiam probabilis. sunt
 enim quidam qui putant huic rei non ideo tantum da-
 tum istud nomen quia soleat sequi post sacra, sed ἀπὸ
 τῆς μεθέσεως, id est à remissione animi. relaxatur au-
 tem insipientium quidem ratio ad peccādum licentius:
 recte sapientium uero ad fruendum tranquillitate hila-
 ritateq; fit enim uir sapiens uino maceratus seipso sua-
 uior. proinde ne hoc quidem modo errabimus, si ei po-
 tationem concedemus. huc accedit & illud, quod sapiē-
 tia non est res dura & tetrica, deuincta cogitationibus
 tristibus, sed perpetua tranquillitate hilaris, plena gau-
 dio letitiāq;: unde sepe prorumpit in non insulsos lu-
 sus ac dicteria, coniunctos tamen cum grauitate seria:
 quemadmodum in bene temperata lyra contrarij soni
 in unam melodiam consonant. certe iuxta sacri Mosis
 opinionē sapientiæ finis lusus & risus est, non iste quo
 pueri

pueri ac infantes delectantur, sed quo homines cani, qui non tam consenuerunt tempore quam bonis consilijs. Nō uides quod illum à nemine alio quam à seipso præcepto re scientiam in qua se exerceret edoctum, non risibilem sed ipsum risum esse dicit: is est Isaac, qui risus interpretatur, quem conuenit ludere cum toleratīa, Rebecca hebræis nominata. diuinum autem lusum animo plebeio non est fas uidere, soli regi licet, cum quo diu habitauit, etiamsi non omni æuo, sapientia. is appellatur Abimelech. qui prospiciens per fenestram, per apertum & luciferum mentis oculum, Isaac uidit ludētem cum Rebecca uxore sua. Quod enim aliud negotium sapientem decet, quam ludere, gaudere, hilarescere cum honesta tolerantia. Vnde liquet quod temulentus erit etiam, temulētia conferente ad bonos mores, & afferente coniuētam utilitati relaxationem. uiuētur enim merū ea quæ cuiq; à natura indita sunt augere ac intēdere, seu bona seu contraria, quod & aliæ res pleræq; faciunt. Nam & pecunia bono uiro autor bonorū est, malo aut, ut quidā ait, malorū. rursum gloria insipientis malitiā reddit illustriorē, sicut iusti uirtutē nobiliorē. ita & merū infusum malas affectiones temperat, bonas benigniores ac clemētiore efficit. certe nemo est qui nesciat, quod cū è duobus contrarijs alterum plerisq; conuenit, etiam alterum necessario conueniet. ut album & nigrum sunt inter se contraria: si album bonis malisq; conuenit, & nigrum utique utrisq; ex æquo conueniet, non solis alteris. itidem sobrietas & ebrietas sunt contraria. sunt autem sobrietatis participes, ut maiores docent, boni maliq;. itaque utrisq;

utrisq; cōuenit ebrietas. ergo inebriabitur etiam bonus uir absq; ullo uirtutis detrimento. quod si tanquam pro tribunali non solum artificiosis probationibus, sed etiā inartificiosis quas uocant, utendum est, ex quibus una est quæ per testes sit, multos laudatos adducemus medicorum filios & philosophorum, qui non uerbis modo, sed etiā scriptis attestantur huic sententiæ. multos enim reliquerunt commentarios intitulatos de ebrietate, in quibus tantum de uino disputant, non attingentes delirationem, sed prætermittētes quicquid ad debacchationes insanas pertinet. itaq; horum etiam cōfessione temulentia est potatio largior. haurire autem uinum largius non obfuerit sapienti cum tempus est. ergo nihil peccabimus si concedemus ei temulentiam. Quoniam autem nemo sine aduersario certans uictor pronūciatur, quod si certet, cum umbra pugnare uidebitur, necesse est etiā contrariam opinionem defendentium argumenta producere, ut iustum fiat iudicium, ne altera pars indefensa damnetur. est autem primum & efficacissimum, quod nemo secretum recte cōmittit ebrio. ergo uir bonus non inebriatur. sed præstiterit fortasse prius quā alia deinceps colligamus, ad singulas obiectiones respondere, ne molestissimus prolixitate nimia. Contradicet aliquis iuxta hanc rationem nec atra bile unquam laboraturum sapientem, nec dormitutum, nec moriturum deniq;. cui cunque autem nihil horum accidit, aut anima caret, aut numen habet, homo certe non est. & quod de ebrio dictum est, pari modo potest accommodari ad atra bili furentē, aut dormientem, aut mortuum. nam nulli horū

secre-

secretum recte committitur, quod penes sapientem recte deponitur: non furit igitur, nec dormit, nec moritur sapiens.

PHILONIS IV.

DAEI, DE TEMVLEN-
tia Liber.



V AE ab alijs philosophis de
temulentia dicta sunt, ut potui
mus in precedenti libro me-
morauimus: nunc considere-
mus quanam sit maximi sapi-
tissimiq; legislatoris super ea
re sententia. sepe enim in suis
legibus uini & producentis id

plantæ uitis meminit. eius potum alijs permittit, alijs ne
quaquam: imò eisdem aliquando concedit, aliquando
non. hi sunt qui magnum uotum uouerunt, quibus iam
indicitur uini usus, iam interdicitur, sacerdotibus sacra
tractantibus. qui autem uino utuntur, innumeri sunt, et
in his pleriq; ob uirtutem ab ipso propheta laudati. ue-
rum prius quàm de his incipiamus dicere, quædã ad ar-
gumentum hoc spectantia diligentius considerãda sunt
opimor, ante omnia quòd Moses non unam rem, sed plu-
res per merum significat, delirationem, dementiam, Stue-
porem omnium sensuum, auuiditatem insatiabilem, non
probendam securitatem, & insipientiam quæ cetera

Philo. to. i.

huiusmodi

huiusmodi complectitur, tum eam quæ in his omnib. extat nuditatem, in quam ebrium Noe deuolutum narrat. hos autem uini effectus dicit esse. Sed innumeri sunt, qui ne gustato quidem mero sobrios se putantes implicantur similiter, quos uidere licet alios desipere delirareq;, alios prorsus captos sensibus, alios nunquam expleri si tientes semper ea quæ non possunt assequi, eo quod destituantur scientia. alios contra gaudentes & hilares, alios re uera nudatos. inter hæc omnia delirationis causa est noxia ruditas, non inscitia, sed scientiæ fastidium: stuporis, insidiatrix cæca ignorantia: insatiabilitatis, molestissima omnium affectionum concupiscentia: sicut lætitiæ causa est usus uirtutis simul ac possessio. at nuditatis non una, ignorantia contrariorum, prauitas morum & rusticitas, ueritas quæ fucatis rebus detrahit tectoria, discernens & separans à uirtute quicquid uitiosum est. hæc enim duo nec uestiri simul possunt, nec exui. sed si quis reiecerit alterutrum, necessario contrarium eius totum exhauriet. sicut enim uoluptatem & molestiam natura inter se contrarias pugnantescq;, ut est in uetere fabula, in unum deus coaptans fastigium, utriusq; sensum nobis non eodem sed diuerso tempore indidit, hæc lege ut alteri decedenti succederet altera: ad eundem modum ab eadem radice, uidelicet intellectu, duæ stirpes exortæ sunt, uirtus atq; uitium, nunquam nec germinantes nec fructum ferentes eodem tempore. quoties enim arescenti alteri folia defluunt, contraria germinare uirerq; incipit, ut credibile sit utramq; alterius felicitate offensam contrahere se: quam ob causam ualde nature consen-

consentaneam, Iacob exitum, introitum Esau legimus, dicente scriptura: Et factum est quando exiuit Iacob, uenit Esau frater eius. Quantisper enim inambulat in anima prudentia, exterminatur amicus insipientie: sed quam primum illa migrat, alter reuertitur gaudens ob discesum inimice insensibilis, propter quam exulauerat. Hactenus satis præfati, iam singula quæ proposuimus confirmabimus, & à primo auspicabimur. Ruditatem delirandi peccandiq; causam esse diximus, sicut è uulgo in numeros præ mero delirare. nam ruditas peccatorum animæ, si uera fatenda sunt, caput est, à qua tanquam à fonte promanant actiones omnes huius uitæ, nullum omnino præbentes liquorem salubrem ac potabilem, sed saluginosum, qui morbum atq; perniciem gustantibus affert. Quapropter legislator noster in nullos æque seruauit ac in educatos perperam, uel hoc argumēto, qui sunt quos non tam studium quam natura consociat, siue inter homines, siue inter animantes cæteras? nemo etiam insanus alios quam parētes dixerit. hoc enim natura docet absq; præceptore, ut nati curæ sint genitoribus, ipsorum saluti diuturnitatiq; prospicientibus. hos tamen naturales protectores in hostium traducit ordinem, patrē, matremq; accusatores è patronis faciens, ut qui soli seruare debuerant, perdant etiam. Si quis, inquit, habuerit filium contumacem & proteruum, qui non audierit uocem patris ac matris, & coercitus obedire contēpserit: apprehendent eum pater & mater eius, ducentq; ad senatum ciuitatis illius, & ad portam iudicij: dicēq; ad uiros ciuitatis suæ: Filius iste noster proteruius & con-

tumax est, monita nostra audire contemnit, cōuiuijs ut
 cat & compotationibus: & obruet eum lapidibus po=
 pulus, & auferetis hunc malum de medio uestri. Ergo
 quatuor crimina hic obijciuntur, contumacia, proterui=
 tas, profusio in conuiuia, & temulentia, grauiſimū ue=
 ro ultimum, natum ē primo, uidelicet contumacia, atq;
 ita per gradus auctum. nam anima cum primum cœpit
 rectorem cōtemnere, per proteruitatem contentionēq;
 ad extremum terminum peruenit temulentiam, demen=
 tiæ causam & desipientiæ. sed præstat in singula crimi=
 na ordine inquirere. Omnium confessione constat bonū
 esse parere uirtuti, atq; etiam utile: sicut contra non pa=
 rere, turpe simul ac inutile. iam si accedat proteruitas,
 malum fit longe grauiſimum. inobediens enim minus
 malus est quā contentiosus: quia prior tantum iussa ne=
 gligit, posterior data opera nititur in contrarium. age
 inspiciamus rem attentius. Fac legem iubere ut habeat=
 tur honor parentibus. qui non honorat, est contumax:
 qui probro afficit, cōtentiosus. rursum quia seruare pa=
 triam iustum est, qui hoc facere grauat, cōtumax: qui
 eam prodere conatur, proteruius dicendus est. item qui
 debitam gratiam rependere iussus tergiuersatur, facit
 contumaciter. qui autem insuper damnum dat, perui=
 citer elatus peccatum admittit inmedicabile. præterea
 qui sacrificia & alia officia pietatis negligit, inobediēs
 est præceptis quæ lex super his rebus præcepit: proter=
 uius autem in contrarium ad impietate declinat, negans
 esse numen: qualis est ille qui dicit: Quis est cui obedie=
 mus? & rursum: Non noui dominum. prioribus uerbis
 nega=

negatur esse ullum numen: posteriora aiunt, etiā si quod sit, ignotum tamen esse: quibus uerbis prouidentia tollitur. nam si prouideret rebus, utiq; nosceretur. quod autem de collatione in conuiuia dicitur, si intelligatur de participatione prudentiæ rei præstantissimæ, est utile ac laudabile: sin de imprudentiæ deterrimæ, inutile ac uituperabile. In rem optimam hæc fiunt symbola, desiderium uirtutis, honestorum æmulatio, meditationes continuæ, exercitia laboriosa, indefessi labores. in contrariam uero hæc, remissio, negligentia, deliciae, luxus, lasciuia. Videmus certe istos qui quotidie descendunt in cer-
tamen temulentia, & hoc agunt solum ut uini plurimū
in uentrem ingerant, symbola conferre tanquam in ali-
quid utile, multari tamen rebus omnibus, pecunijs, corpore, anima. nam huiusmodi collationibus & rem familiarem minuant, & corporis uires per delicatū uictum frangunt atq; molliunt, & animas hiberni torrentis in morem immodicis delicijs inundatas demergunt in barbarorum. eodem modo qui collationes faciunt ad tollendam eruditionem, præcipuam sui partem intelligētiam ledunt, refecantes ab ea res salutare, prudentiam, temperantiamq; & fortitudinem atq; iustitiam. Proinde uidetur non temere lex hic uti uocabulo cōposito *συμ-
βολονοπῶν*, sed admodum significanter: quia qui cōtra uirtutem suos conatus quasi quædā symbola conferūt, sauciant, dissecant, concidunt usq; ad extremam perniciem animas audiendi atq; discendi auidas. Abraham qui dem redire dicitur à concisione Chologomodor & regum cum eo foederatorum: diuerso Amalec meditato-

ris illius extremum agmen concidere: utrumq; nature ordine infesta sunt enim quæ contraria, & perpetuo sibi inuicem struunt perniciem. ceterum hic symbolorū collator uel ideo maxime culpari meretur, quod nō contentus iniuste facere, socios quoque sibi asciscit, partim ipse docens alios, partim docentes audiens, ut & natura & institutione peccans, nullam sibi salutis spem reliquam faciat, quantumuis reclamante lege, & uetate ne quis societate ineat causa maleficij. ita est profecto, mul-
 tifariam serpit ac pascitur in hominum animis malum, bonum autem exile rarumq; in his inuenias. Est autem
 hic quoq; admonitio perutilis, ne sequaris ea quæ uulgo iusta uidentur, sed potius eos qui quod iustum est faciunt. Reliquum est quartum crimen maximum temulentia, non leuis, sed nimia. nam uino madere idem significat hic quod hausto ueneno dementiam creante, scilicet ruditate, tumescere, accendi, ardereq; , nec posse restinguere, sed conflagrare, populante totam animā incendio. ideo merito sequitur ultio, purgans mentem ab omnibus improbis moribus. dicitur enim: Tolles illum malum, non è ciuitate, aut regione, aut gente, sed ex uobis ipsis. nam in nobis ipsis insunt & quasi foueas sibi fecerūt cogitationes culpabiles ac reprehendendæ, quas necesse est excidere quando curam respuunt. Hunc igitur contumacem, proteruum, sermones uerisimiles ceu symbola conferentem in perniciem honestatis, mero ardentem & debacchantem in uirtutes, & seipsum quoq; ledentem enormiter per temulentiam, æquum erat habere parentes accusatores pro aduocatis: quorum est
 offi-

officium omnem admonitionem castigationemq; adhibere sanabilibus. patris autem matrisq; ut communis appellatio, sic uires distinctæ sunt. proinde rerum opificem patrem quoq; suæ creaturæ iuste possumus dicere. matrem autem, scientiam ipsius, cum qua congressus deus, non humano more, profeminauit creaturam. illa uerò dei semine concepto, enixa est iusto partu unicum illum dilectum sensibilem filium mundum hunc. Quapropter à quodā diuino uiro inducitur sapientia de se ipsa loquens in hunc modum: Deus creauit me primam operum suorum, et ante secula fundauit me. Neceſse enim erat ut mater nutrixq; omnium rerum creaturas omnes ætate antecederet. horum igitur parētum accusationem quis ferre possit? imò ne mediocrem quidem comminationem, aut leuiſſimam incusatiunculam. nam ne donorum quidem largitatis quisquam capax est, ac fortasse ne mundus hic quidem, sed quasi parua lacuna influente magno gratiarum dei fonte celerrime repleta superfluit. & qui beneficia non possumus excipere, ultrices uires ferre poterimus? Verum hi rerum uniuersarū parentes à præſenti sermone semouendi sunt. satius est ut consideremus discipulos eorum familiaresq;, qui curam & præſecturam animarū sortiti sunt, duntaxat nō auersarū à mīſis & dociliū. patrem igitur dicimus illum masculum perfectum rectumq; sermonem. matrem uerò disciplinam illam encyclicā, æqualem choreæ more ac rotundam, quibus tanquā parentib. obedire bonū est atq; cōmodum. eius patris præceptū est, sequi ac imitari naturam, nudā apertamq; ueritatem confectādo. eruditio

uerò mater præcipit, institutis iustis parere, quæ per singulas ciuitates, gentes, regiones, statuerunt qui primi ueritatem tenuerunt, non tam re quam opinione hominum. hi parentes habent ordines quatuor filiorum. Vnus utriq; obsequitur, unus neutri, primo contrarius. ex reliquis uterq; imperfectus, alter patrem uehementer amat auditq; matrem & huius monita negligit: alter contra matris ut uidetur amantior, huic ministrat omnia, de rebus patris minime sollicitus. primus omnium iudicio palam auferet, contrarius repulsam patietur & perniciem. è reliquis alter secunda, alter uerò tertia sibi uindiciabit præmia: secunda qui patri obsequitur, qui matri, tertia, amatoris autem suæ matris, qui uulgaribus opinionibus ducitur, & per multimoda uitæ studia in omnigenas formas mutatur in morem Aegyptij Protei, qui quod ingenio esset uersatili, nullam ueram certamq; habebat speciem, figura manifestissima Iothor est, effigies tumiditatis, ciuitatem ac rempublicam conuenarum miscellaneorumq; hominum uanis opinionibus elatorum euidenter exprimens. Cum enim ille sapiens Moses uniuersum populum animæ ad pietatem atq; cultum dei reuocaret, et mandata huius legesq; sacratissimas promulgaret, dicens: si eis inciderit controuersia, & uenerint ad me, diiudicabo singulorum causas, & componam iuxta leges ac præcepta dei: accedens iste Iothor opinione sua sapiens, diuinis bonis non initiatus, sed assuetus humanis ac corruptibilibus, concionatur, & leges scribit contrarias legibus naturalibus, opinionem respiciens, cum ille ad res ueras referantur. attamen propheta &

huius

huius errorem miseratus, ad monendum ampliusq; docendum putat hominem, ut relictis inanibus opinionibus, constanter sequatur ueritatem. Nos, inquit, exempto & exciso è mente inani fastu migramus in regionem scientiæ, quæ nobis certo debetur ex fide diuini oraculi proficiscere nobiscum, & bene tibi faciemus. reijcies enim damnosam opinionem, pro qua lucraberis ueritatem, qua nihil utilius. Verum iste hoc quoq; carmine nihil proficiente contra obstinationem, haud quaquam sequetur scientiam, propere ad suum inanem fastum recurrens. narratur enim respondisse inuitanti: Non proficiscar, malo in terram meam & gentem reuerti: hoc est, ad cognatam incredulitatem imbutam falsis opinionibus. Quoniam ueram fidem, amicam uiris fortib. non didicit. cum enim ad ostentationē pietatis dicit, Nunc cognoui magnum esse dominum præ dijs omnibus, suam ipse impietate accusat apud peritos iudices. dicturi sunt enim: itane homo impie nunc demum cognouisti, quam prius nesciueras omnipotentis magnitudinem? inuenisti quicquam quod antiquius sit quam deus? possuntne posterī maiorum suorum uirtutem nescire? huius autem rerum uniuersitatis nonne princeps est conditor eius et pater? itaq; si nunc demum ais à te cognitum, ne nunc quidem nosti, quia nō ab initio creationis. nec minus in simulatione deprehenderis, dum cōfers quæ non admittunt collationem, dicens te cognouisse maiestatem eius Qui est, superiore dijs omnibus. nam si uerè nosses eum Qui est, non crederes ullum alium esse deum nullius potestati obnoxium. Sicut enim sol exortu suo stellas ab-

scōdit, tanto suo splendore perfusis nostris oculis: ita quoties animæ oculi sincero, puro, fulgidissimoq; luce ri dei sensibili splendore irradiantur, nihil aliud possunt inspicere. affulgēs enim eius Qui est cognitio nihil non illustrat, ut etiam quæ sunt per se splendidissima, collatione hac obscurētur. proinde cum falso nominatis dijs nunquam certum uerumq; comparare sustinisset, si eum uerè cognouisset: sed quia unum ignorabat, secutum est ut multos quamuis reuera non sint, esse crederet. in qua sententia nemo non est, qui rebus animæ dearelictis, miratur ista corporea coloribus figurisq; uariata, ut sensus seduci faciles decipiant. Talis homo à legislatore Laban uocatur, qui ueras naturæ leges nō cernens, subscribit falsis humanis legibus, dicens, Non est is mos in regione nostra, ut iunior puella prius elocetur quàm grandior. nam iste putat seruandum ordinem temporis, æquum censens antiquiora prius, recentiora posterius in usum adduci. at ille meditator sapientiæ, quippe gnarus naturarum nullo subiectarum tempori, & recentiora prius, & antiquiora posterius appetit. cui moralis etiam ratio consonat. nam meditatores opus habēt primum in iuuenilibus uersari studijs, ut mox perfectioribus frui possint firmitus. & ideò nunc quoq; honestatis amatores non prius ad grandiores philosophiæ fores se conferunt, quàm penetratis recentioribus, grammatica, geometriaq; & encyclopædiæ tota musica. nam artes hæ sequestræ sunt sapientiam sincere ambientib. & ex animo. Verum alter ille agit callidè, uolēs nobis naturam maiorem obtrudere: non ut eam habeamus propriā, sed ut

ut iunioris illecebris inescati denuo, remittamus prioris desiderium: quod plerisque usuuenit, ad eruditionem per deuotatendentibus, qui ab incunabulis (ut uulgo loquitur) admoti ad perfectissimū philosophiæ studium, indignum rati nō degustasse artes liberales, uix tandem ad eas applicuerunt animum. deinde à grandiore antiquioreq; consideratione ad minorē iunioremq; delapsi, apud eam consenuerūt, ut nunquā potuerint ad pristina recurrere. & hoc est opinor quod dicit, Absolue septennium huius: ac si dicat: ne sinas imperfectum bonum animæ: sed cura ut finem assequatur ac terminum, & adipiscaris posteriorem quoq; bonorum ordinē, pulchritudinem corporis, & id genus cætera. Ille uerō absoluturum quidem se non pollicetur, expleturū tamen, hoc est, nunquam omissurum quicquid quod ad incrementum complementūq; eius faciat, imō superaturū difficultates omnes, etiamsi se innumera impedimenta in diuersum trahētia obijciant. Videtur autē satis manifeste docere scriptura, quod consuetudines mulieribus magis quā uiris curæ sint, per uerba Rachel mirantis sola sensibilia. Sic enim patrem suū alloquitur. Ne moleste feras domine, nō possum tibi assurgere, quia iuxta consuetudinē mulierum mihi est. Ergo mulierū est sequi uulgares cōsuetudines. certum est enim, consuetudinē pertinere ad infirmiores effeminationesq; animas: quādoquidē uirilis, robustæ, ueræq; mascule ratiōis officiū est, naturā ducē sequi. Miror aut ueracitatem animæ, quæ in colloquio fatetur se non posse istis in speciem bonis assurgere, tamē ueneratur singula, tantū nō ea sibi ipsi præferens. quis enim nostrū

resistit

resistit diuitijs? quis reluctatur gloriæ? nemo omnium. sed quamdiu his caremus, magnificè loquimur, ut frugalitatis amici, quæ modico contentis, æ quis, liberalibusq; ingenijs competentem uitam conciliet. quòd si alicuius iam dictorum spes, aut saltem spei leuis aura aspirauerit, uanitatis coarguimur. statim enim cedimus non ualentes resistere: & proditi ab amicis sensibus, destituimur omnibus auxilijs animæ, iamq; non dissimulanter, sed aperte in aduersariorum castra perfugimus. & merito. adhuc enim laboramus muliebribus consuetudinibus, quas nondum potuimus eluere, & ad uiriles focos transcurrere, sicut narratur de mente amantißima uirtutum, Sarra nominata. huic enim omnia muliebria desisse discimus ex oraculo, cum esset paritura progeniè, sine magistro docilem, appellatâ Isaac, fertur etiam non habuisse matrem, marito cognata paterno tantum, non item materno genere. sic enim is de ea dicit: Reuera soror mea est, ex patre non ex matre. Videlicet non ex materia sensibili, quæ iam consistit, iam dissoluitur, quæ mater, nutrix, altrixq; creaturarum dicitur apud priscos cultores stirpis sapientiæ: sed ex omnium rerum autore patreq; hæc igitur mulier extra totum corporale mundum promicans, & exhilarata diuinitus, pro risu habet humana fœdera, siue ad belli, siue ad pacis res pertinentia. nos autem à parum uirili effœminatq; consuetudine cum sensibus, affectionibus, rebusq; sensibilibus deuicti, contra nihil eorū quæ apparent, insurgere possumus: uerum ab omnibus his quæ occurrunt, uel inuiti uel sponte trahimur. quòd si noster exercitus nō ualens
patris

patris mandata obire succubuerit, nihilominus subleua-
bitur auxilio matris, scilicet eruditionis mediæ, quæ iu-
ra legesq; in alijs alias ciuitatibus instituit. sunt item qui
dam qui maternis rebus contemptis, paternas ample-
ctantur totis uiribus, quos maximo honore sacerdotij
dignatur recta ratio. horum acta si recēseamus, per quæ
adepti sunt hoc præmium, cauillādi fortasse occasionem
præbeamus imperitis, qui decepti obuijs rerum imagi-
nibus, latentes in obscuro uires earum non considerant.
nam qui uota, sacra, & omnes templi ceremonias tra-
ctant, sunt quod uix credas, homicidæ, fratricidæ, fami-
liarissimorum & amicissimorum interfectores, qui de-
buerant esse puri ex puris electi, nullo ne inscienter qui-
dem patrato contacti scelere. sic enim dicit scriptura. In-
terficiat unusquisq; fratrē suum, & unusquisq; uicinum
suum, & unusquisq; proximum suum. & fecerunt filij
Leui, sicut locutus est Moses. & ceciderunt e populo in
illa die circiter tria uirorum milia. Tante multitudinis
interemptores laudat dicens: Consecrastis hodie manus
uestras domino, unusquisq; in filio suo & in fratre suo,
ut detur uobis benedictio. quid igitur dicendū, nisi com-
muni quidem iure hos reos fieri, accusante matre publi-
ca consuetudine: naturali uerò iure absolui, patrocinan-
te patre sermone recto & rationabili. nec enim, ut qui-
dam opinantur, uiros interficiunt sacerdotes, animalia
ratione prædita, quæ constant ex animo & corpore: sed
quicquid est carni amicum à sua mente refecant: quod exi-
stiment decorum esse sapientis legis cultoribus, alienare
se ab omnib. rebus genitis, & habere illas pro hostibus.
proinde

proinde fratrem non hominē, sed corpus animæ germanum occidemus: hoc est à diuina parte studiosa uirtutis mortalem & affectib. obnoxia separabimus. occidemus item propinquū, nō hominem, sed sodalitium. hoc enim animæ & inimicum est & familiare, alliciens eam in laqueos, ut affluxu rerum sensibilibus mandata & obruta nequeat ad cælū caput attollere, salutareq; naturas illas diuinas atq; pulcherrimas. interficiemus & proximū. proximus aut menti est sermo qui profertur, probabili-
 bus rationib. intermiscēs falsas opiniones ad perniciem ueritatis rei preciosissimæ. cur enim nō plecteremur hūc quoq; sophistam sceleratum, & quidem supplicio conuenientissimo, nempe silentio (nam sermonis mors est silentiū) ne posthac intellectus distrahatur eius argutijs: possitq; omnino alienatus à uoluptatib. germani corporis, & propinquorū uicinarumq; sensuum præstigijs, solutus & liber dimissus, pure uacare his quæ intellectu percipiuntur. hic est qui dicit patri matriq; mortalib. parentibus: non uidi uos ex quo res diuinas cōtemplatus sum. qui non agnoscit filios, ex quo innotuit sapientiæ. qui agnoscit fratres quotquot non sunt abdicati à deo, sed saluari meruerūt per illius gratiā. hic est qui arrepto siromaste, quasi *μαστωρας* & scrutatus naturas corruptibiles, quæ in cibo potuq; felicitatē collocāt, & ingressus fornacem (ut Moses inquit) accensam ardētēq; nimis iniquitatibus, nūquam extinguibilem, uitam humanam uidelicet, potuit mulierem per uulua trans fodere, quod uisa sit esse causa gignēdi, ut quæ re uera patiatur magis quam agat: atq; etiam quemuis hominē substantijs affir-

gentem

inquit

gentem affectus dei auctoris rerū omnium. atqui hic homicida iudicaretur à multis qui libenter fauēt mulierculis: sed deus pater omnipotens dignatur eum laudib. maximis, & nunquā auferendis præmijs. ea fuerunt ingentia, & quidem germanitate quadam coniuncta, pax & sacerdotium. erat enim egregium facinus, profligatis hominum uilgi more uiuētium penè inuictis copijs, & cupiditatib. in animo ciuile bellum excitātibus, pacem constabilire: & ob hoc meritum non diuitias, non gloriam, non honorem, nō principatum, non formā, non robur, non ulla dotem corporis, non terram, non celum, non mundum uniuersum, sed antiquissimi numinis uerū cultum honore summo dignum, & mirificum ordinem sacerdotij modis omnib. expetendum accipere. germana autē esse hæc præmia dixi non temerè, sed quia scio non posse uerum sacerdotem fieri qui adhuc humanam & mortalem militet militiā, in qua uanæ opiniones ducunt ordines: sed requiri ad hoc uirum pacatum, à bello tant alienum, ut etiam sit pacificus, perpetuq; pacem colat sincere ac simpliciter. tales sunt qui patrem & eius mandata magnificiunt, materna uerò matremq; ipsam negligunt. Infensus autem utriq; parenti, sic loquens inducitur: Nescio dominum istum, nec israelem emitto. Hic uidetur aduersari tum contententibus recta ratione ad deum, tum indolem eruditione constabilientibus, cōfundereq; cuncta modis omnibus. & sunt hodieq; (nondum enim humanum genus à mera malicia repurgatum est) qui nec pietati erga deum, nec societati naturali hominum quicquam tribuunt, utriq; impietatem præferētes,

nec deo grati, nec fidi sui similibus: atq; ita oberrant per
 ciuitates pestes earum maxime, præ curiositate miscen-
 tes se tam publicis quàm priuatis negocijs, uel potius si
 uera dicenda sunt, subuertentes utraq;: quos oportebat
 tãquam diros uotis placato numine auertere: sunt enim
 pernicies omnium in quos incidunt. quapropter & Mo-
 ses decantat eorum exitium, deletorum prius quàm ipsi
 sibi possent succurrere, & proprijs opinionibus absor-
 ptorum tanquam fluctibus. Dicamus igitur deinceps de
 his contrario genere hominum, eruditionem rectamq;
 rationem colentium, ad quos collati dimidiati erant qui
 alterius tantum parentis uirtutes æmulabantur. hi sunt
 & legum, quas pater rectus et rationalis sermo tulit, cu-
 stodes optimi, & morum fideles dispensatores, quos in-
 stituit eorum genitrix eruditio. ab illo patre didicerunt
 honorare patrem uniuersorum: à matre uerò, non con-
 temnere iura publice recepta consensu ciuium. Quando
 igitur meditator ille Iacob exantlans uirtutis certami-
 na, permutaturus erat aures pro oculis, uerba pro ope-
 ribus, profectum pro perfectione, benignissimo deo uo-
 lente illustrare mentis eius oculos, ut iam manifestè cer-
 neret quæ prius auditu perceperat (oculis enim tutius
 creditur quàm auribus) insonuit ei hoc oraculum: Non
 nominaberis posthac Iacob, sed Israel erit nomen tuum,
 quia cum deo ualidus fuisti, & cum hominibus. Est igi-
 tur Iacob discentis & proficientis nomen, pendentis ex
 auditus uiribus: perfecti uerò Israel. nam uisionem dei
 nomē id significat. & quæ uirtus potest esse perfectior,
 quàm eum Qui est uidere: ergo qui summum illud bo-

ium uidit. laudatur à paterno maternoq; genere, fortis
in deo, robustus apud dominum & homines; quoniam
per hæc duo simul integram illius boni possessionem a-
dipiscimur. edoctus enim custodire leges patris, & iura
matris non contemnere, audebis ingenuè profiteri te
obedientem patri filium, & placentem in conspectu ge-
nitricis. Annon satis est custodire iura probata genitis
hominibus, societatis gratia: simulq; diuinas sanctio-
nes, ob pietatis amorem? Quapropter fatidicus Moses
per apparatus sacrorum, utriusq; rei perfectionem de-
signat. non temerè enim nobis arcam intus & extra la-
minis aureis induit; non temerè summo sacerdoti duas
stolas attribuit, & duas aras ponit, exteriorē ad uicti-
mas, ad suffitus interiorē: sed uolens nos per hæc si-
gna docere uirtutes utriusq; speciei. debet enim uir sa-
piens & intus in anima inuisibili, & in externis actio-
nibus ornatus esse prudētia omni auro preciosiore: quo-
ties autem ab humanis studijs secedens eum Qui est so-
lum adorat, unicolore ueritatis stolam induere, quam
nihil mortale attigit. est enim linea: quæ materia non e-
nascitur è mortalibus: rursus quoties transit ad curam
reip. deposita interiore alteram pictam & aspectu mi-
randam sumere. cum enim magna sit in uita uarietas,
opus est uaria sapientia clauum tenentis gubernatoris.
hic in ara seu uita conspicua tergoris carnis cruoris &
huiusmodi corporeorum uidebitur magnam curam ge-
rere, ne uulgarem multitudinem offendat, quæ bonâ
corporis facit animi bonis proxima. in interiore uerò
omnibus rebus incruentis, incorporeis, non carnis, nec

nisi rationalibus utetur; quæ per thus suffimenta; signi-
ficatur. nam ut hæc narres, sic illa totam animam explent
sua fragrantia. Sciendum tamen quod sapientia cum sit
ars artium, uidetur quidem uariari diuersis materijs, ta-
mē ueram suā speciem immutabilem ostendit acuto uisu
præditis, & his qui nō circumfusa ei rerum mole distra-
huntur, sed ab arte ipsa impressum ei characterem per-
spiciunt. Ferunt Phidiam illum statuariū ex ære, ebo-
re, auro, alijsq; diuersis materijs cōsecisse statuas, in qui-
bus omnib. una eademq; ars emineat: ut non solum eru-
diti spectatores, uerum etiam ualde imperiti opificem
agnoscant ex ipsis operibus. quemadmodum enim in ge-
nellis natura eodem sæpe usa characterē penē indiscre-
tas similitudines exprimit: pari modo etiā perfecta ars,
cum sit naturæ imago & effigies, quando assumit diuer-
sas materias, format & imprimit eandem cunctis ideam,
ut hac maximè ratione fiant cognata germanaq; ac ge-
mella eius opera. idem igitur efficiet ea quæ inest sapien-
ti potentia. tractans enim de eo Qui est, pietas nomina-
tur & sanctitas: cum autem de cœlo differit rebusq; cœ-
lestibus, physiologia: meteorologia uerò, cum de aere uo-
rietatibusq; huius & mutationibus, siue per integras ui-
ces anni quadripartiti quas horas nominant, siue per
singulos mensium dierumq; circuitus contingentibus.
ethica uerò cum de corrigendis moribus hominum: cuius
ius species sunt, politica ad reip. curam, & œconomica
ad rei familiaris pertinens: atq; etiam sympotica, tra-
ctans epulas ac conuiuia. rursum alia facultas est regia,
regendis apta hominibus: alia legislatoria, quæ uetat

aut

Nota
Politica
œconomica
sympotica

aut præcipit. omnium enim horum sapiens, uerè *σοφὸς* *φύλος*, id est multinominis, capax est, pietatis, sanctitatis, physiologie, meteorologie, moralis, ciuilis, domesticæ, regie, legislatorieq; scientiæ, & innumerarum aliarum facultatum, in quibus omnibus unam eandemq; speciem habere uidebitur. in hac autem de quatuor prognatorum ordinibus mentione illud præterire non libet, quod confirmat hanc diuisionem partitionemq; capitulum. nam fastuosum hunc & per stultitiam inflatum silium parentes hoc modo accusant, dicendo: hic noster, digito indicantes inobedientem contumacemq; ubi demonstratiuè dicendo hic, declarant se & alios genuisse, hoc est indoles generosas aut alteri parenti obsequentes aut utriq; quorum exemplum est Rubim. alios audiendi discendiq; cupidos, quorum est Simeon. nam hic auditus interpretatur. item alios dei supplices, quale est Leuitarum sodalitiū. item nōnullos canentes sonora non tam uoce quàm mente hymnum gratijs agendis compositum, quorum præcētor Iudas, propter uirtutem quaesitam labore uoluntario. quosdam item mercedibus dignatos & muneribus, ut Issachar. alios contemplatores, cælestis numinis post derelictas sublimes considerationes Chaldaicas, ut Abraham. alios à seipsis uirtutem doctos, ut Isaac. item cōsilio uiribusq; pollentes amicos dei, ut Mosē illum perfectissimum. Merito igitur istum contumacē, proteruū, symbola conferentē, id est peccata peccatis annectentem, magna minoribus, recentia ueteribus, uoluntaria nō uoluntarijs, & tanquam uino calentem, per totam uitam ebrium debacchātemq;, ut qui

stultitia merum magnumq; hauserit calicem, lapidari sa-
 cra lex iubet: quia & recti sermonis mandata patris sui,
 & disciplinae matris suae legitimas admonitiones sustu-
 lit: cumq; haberet fratres probos exemplum honestatis
 domesticum, ne horum quidem uirtutem imitatus est, e-
 tiam praeuaricari ausus, ut corpus deum sibi fingeret, et
 Typhum Aegyptio more coleret, cuius signum erat iue-
 uencus aureus: circa quem choreas ducendo insani, car-
 men concitunt, non suauē, quale in comessationibus,
 epulis, festisq; compotationibus, sed reuera lugubre su-
 nestumq; tanquam temulenti, multoq; Lyeo laxati ner-
 uos animae. Narratur enim quod Iesus audito tumultu
 populi dixit ad Moysen: Clamor pugnantium auditur in
 castris. qui respondit: clamor iste, quantum ego audio,
 non ad pugnam aut fugam hortator est, sed ad pocula.
 moxq; propinquior castris, uidet uitulum & choreas.
 Quid autem hoc enigma significet, docebimus ut pote-
 rimus. Res nostrae nunc tranquillae sunt & quietae, nunc
 perstrepunt importunis tumultibus. cum silent, habent
 pacem: diuerso bellum implacabile, cum tumultuatur.
 testis est qui hoc expertus didicit, tanto magis idoneus.
 audito enim strepitu populi, sic sollicitum eius curato-
 rem ac praesidem alloquitur: clamor pugnantium audia-
 tur in castris. nam prius quam in nobis excitarentur ad
 clamorem irrationales impetus, mens erat stabilior. post-
 quam autem animae regio strepere coepit dissonis uoci-
 bus, affectiones his excitatae seditionem intestinā com-
 mouent. ceterum castra ad bellum nata uidentur. ubi
 enim aliās rixae sunt & pugnae contentionesq;, & ca-

tra pertinacis belli facinora, nisi in hac uita quā in corpore agimus, quod allegoricē castra nominat. hæc castra solet intellectus relinquere, quando numine corruptus ad eum Qui est accedit cōtemplaturus ideas incorporeas. Tollens, inquit, Moses suum tabernaculum, tendit extra castra, nō propē, sed procul. qua figura subindicatur, sapientē migrasse à bello ad pacem, & à mortali cōfusoq; exercitu ad pacatā rationalium feliciūmq; animarum uitam diuinam. dicit autem & aliubi: cum exiiero ciuitatem, expādam manus meas ad dominum, & cessabunt clamores. caue autem putes hæc loquētem hominem esse ex anima corporeq; contextum, siue complexum, siue contemperatum, aut quomodocunq; tandem nominandum est hoc compositum animal, sed mentem sincerissimam purissimamq;: quæ tantisper dum in ciuitate corporis mortalisq; uitæ continetur se contrahit, & tanquam carcere inclusa, fatetur se nō posse haurire liberiores aërem. quod si contingat eam ex hac ciuitate exire, quemadmodum qui manicis pedicisq; ferreis soluantur, sic solutos habens conceptus animi cogitationesq;, liberis dimissisq; utetur etiam actionibus, ut mox affectuum incitamenta cohibeantur. Annon uoluptatis intensi clamores sunt: per quos quicquid libet impetrat? annon & concupiscentiæ ferrea uox, minaciter flagitantis ministeria cessantium? annon & aliorum affectuum multifonus est & clamosus strepitus? Verum etiam si centū ora centūq; linguas (ut poetæ loquuntur) unusquisq; affectus habeat, ne sic quidē aures uiri perfecti perturbare poterit, qui iam migrauit nolēs in eadem

cum eis ciuitate habitare amplius. ceterum dicente illo
 cui tale quid accidit, corporeum exercitum perstrepere
 bellicis clamorib. procul pulso pacis amico silentio, sacer
 sermo assentit. non negat enim clamorem esse bellicum,
 alterius tamen generis putat quàm nonnulli existimant,
 scilicet non cedentium aut urgentium, sed qualem nimio
 uino grauari solent attollere. quod enim dicit, ad pugna
 hortantium, perinde ualet ac si diceret, praelio uincen-
 tium. nam ualida pugna parit uictoriam. sic sapientem
 illum Abraham post suos fugatosq; nouem reges, uideli-
 cet quatuor affectus et quinq; sensus, qui prater natura
 mouebantur, inducit scriptura hoc hymno consistentem
 & agentem gratias: Extendo manus meas ad dominum
 deum excelsum, creatorẽ celi & terræ, si à funiculo usq;
 ad corrigiam caligæ accipiam ex omnib. quæ tuæ sunt.
 ostendit autem, quantũ equidem intelligo, creaturã om-
 nem, cælum, terram, aquã, spiritum, animantes simul &
 stirpes. quisquis enim ad solum deum tendit animæ uiri-
 bus & ab eo iuuari sperat, merito dicit, nihil accipiam
 ex omnib. rebus quæ tuæ sunt. non à sole diurnam lucẽ,
 non à luna cæterisq; sideribus nocturnum lumen, nõ ab
 aere nubibusq; pluuias, non ab aqua & terra potum ci-
 bumq;, nõ ab oculis uisum, non auditum ab auribus, non
 à naribus odoratum, non ab oris saliu gustum. nõ à lin-
 gua eloquium, non à manib. dandi recipiendiq; faculta-
 tem, non eundi redeundiq; à pedibus, non respirationẽ à
 pulmone, nõ concoctionẽ à iecore, nõ ab alijs uisceribus
 suum cuiusq; usum, non ab arboribus satisq; fructus an-
 nuos: sed omnia hæc ab illo solo sapiente, qui gratuitam
 suam

suam benignitatē largissimē distendit per omnia, atq; ita prodest omnibus. quisquis igitur eū Qui est potest cernere, & hunc rerum autorem agnoscit, creaturas eius minus quā ipsum honorabit, absq; adulatione dotes earum confitens. est autē confessio iustissima hæc ipsa: nihil à uobis, sed à deo totū accipiam, cuius possessio sunt omnia: tamen per uos fortassis accipiam. estis enim instrumenta immortalis eius gratiæ. at inconsideratus cæcam habens mentem qua sola Qui est cernitur, hac quidem nihil usquam uidet. sed quæ in mūdo sunt corpora complectitur suis sensibus, putans hæc esse causas omnium. quamobrè aggressus deos sibi fingere, simulacris, delubris, & alijs innumeris statuis ex uaria fabrefactis materia repleuit orbem terrarum habitabilem, pictores fictoresq; quos legislator noster exterminat è sua rep. inuitans propositis ingentib. præmijs tum priuatim tum publice: unde præter expectationē pro sanctitate inuenta est impietas. multorū enim deorum cultus in animis insipientiū fit impietas, & honorem dei negligunt qui mortalia cōsecrant: quibus nō satis fuit solis lunæq; pro libito, atq; etiā telluris & aquæ uniuersæ imagines effingere, sed iam brutis quoq; ac stirpib. promiscuè diuinos honores concedunt. eos quomodo hymni uictoralis autor increpet, iam ostendimus. Moses quoq; pariter postquam uidit regem Aegypti, iactantissimū illum intellectu, cum DC. curribus, id est instrumentalis corporis sex motibus, et cum triumuiris eorū præfectis, qui etiamsi nihil in rebus sit stabile, tamen putant de cunctis sentiendum tanq̃ certis & immutabilibus: hos inquam ubi uidit meritas

impietatis pœnas luisse, & suum exercitum incurfationem effugisse hostium, egregiè præter opinionem seruatum, hymnum canit deo iusto ueroq; remuneratori, à decentissimo & huic felicitati aptissimo exorsus carmen: quod equum & infessorem in mare proiecerit, & intellectum uectatū à proteruo quadrupede, id est bruti affectus impetu, deleuerit, succursor et protector factus perspicacis animæ, cui perfectam salutē impertijt. Idem uates & ad puteum carmen occipit, non iam ob solum affectuum interitum, sed & ob acquisitam sapientiam possessionē incomparabilem, quam per puteum significat: quæ nō in superficie sed in profundo habet laticem dulcem animabus sitiētibus honestatis, necessarium potum ac suauissimum. priuatis autem non licet uel eruditionē haurire ex hoc puteo, sed solis regibus, quapropter dicitur: Saxo struxerunt eum reges. Est enim officium magnorum imperatorum ædificare sapientiam, nō istorum qui armis terram & mare subigunt, sed qui animæ potētis uarias in ea confusasq; turbas debellant. horum discipulos atq; familiares noscimus qui sic loquuntur: Pueri tui ceperunt summā uirorum bellatorum qui nobiscum sunt. nemo est occisus, sed adduxit donū domino quisq; uir quod inuenit. uidentur hi quoq; rursum uictoriale carnē occinere, perfectarum & principalium potentiarum cupidi. summarium enim & maximum numerum rationum fortitudinis à se captum aiunt: quos oportet bellicosos fuisse oppositos duab. legionibus: quarum unius dux est difficilis uenatu timiditas: alterius uerò, surens audacia, utraq; bonæ mentis expers. pulcherrimè autem

autem dictum est, neminem esse occisum, ad significatio-
nem integræ perfectæq; fortitudinis: sicut lyra & omne
instrumentum musicum deficit, etiamsi unicus tantum
sonus discrepet: concinnum uerò est quando ad unum
pulsus consonantes, eandem reddunt symphoniam. eo-
dem modo & animæ instrumentum discrepat quidem
quando aut audacia nimis intesum sonare cogitur iusto
acutius: aut timiditate supra modum remissum in grauior-
em sonum laxatur. tum uerò demum consonat, quando
fortitudinis omnisq; uirtutis toni temperati omnes
unam concinnam melodiam efficiunt: cuius symphonie
concinnitatisq; magnum argumentum est, quod offer-
tur donum deo. hoc autem est colere conuenienter eum.
Qui est, aperte confitendo ipsius donum esse hoc uniuersum
quicquid rerum natura continet. dicit enim apposi-
tissime, Vir quod inuenit, hoc obtulit donum. Vnusquisq;
nostrum quamprimū natus est inuenit magnum donum
dei totum mundum, quem ille sibi et suis charissimis lar-
gitus est. sunt autem etiam particularia dona, quæ & deum
dare decet, & homines accipere, nimirum uirtutes, &
his cōuenientes actiones: quarum inuentionē plusquam
extemporalem, propter eximiam largientis celeritatem
qua uti solet, nemo non miratur, etiā in eo qui nihil præ-
terea magnum habeat. ideoq; rogat, Quid hoc tam cito
inuenisti fili, miratus affectus boni celeritatem. ille uerò
qui accepit beneficium, cōuenienter respondet, Quæ do-
minus deus tradidit. traditiones enim & præceptiones
hominum tardæ sunt, quas autē deus facit, celerrimæ, ut
etiam temporis motum ocysimum præueniant. Hi sunt

igitur duces qui ad fortitudinem & uim hortantes uictorialem ac gratulatorium hymnum auspicantur in choro, de quibus modo diximus. alij uerò qui ob fugam & imbelles animos clade accepta lugubre canunt carmen non tam uituperandi quam miserandi, haud secus ac qui à natura oblesum corpus habent: quibus uel mediocris languoris occasio magnum ad incolumitatem affert impedimentum. alij uerò non quod molliores animi nervos habeant succumbunt inuiti, oppressi aduersariorum ualidioribus uiribus: sed more uoluntariam seruitutem subeuntium, ultro sibi acerbos dominos asciscunt quamuis ingenui. & ideo cum uendi non possint, miranda temeritate ipsi emunt dominos, idem faciendo quod solent isti ebriosi nunquam uino satiabiles. nam & hi uolentes non coacti magnam meri uim ingerunt, ut sua sponte sobrietate profligata ex anima sibi consciscant delirium, ait enim, Vocem hortantium ad potationem ego audio: hoc est, non inuitos furore laborantes audio, sed ultro sibi accersentes insaniam. Omnis autem qui castris propinquat, uitulum uidet ac choreas, & mox ipse quoque commouetur, in typhum enim eiusque saltatores incidimus, quotquot prope corporea castra uolumus gradum sistere: quando quidem contemplari homines & res incorporeas uisere desiderantes, cum sint ab omni fastu alienissimi, longissime remoti à corpore solent degere, proinde ora deum ne unquam hortator fias ad pocula, hoc est, ne unquam sponte precedas in uia ferente ad ruditeriam & insipientiam. mala enim quæ inuitis accidunt, dimidio leuiora sunt, cum non grauentur à sincera conscientia.

quod

quod uotum tuum si exaudietur, iam non eris priuatus amplius, sed honorem acquires maximum, nempe sacerdotium. solorum enim propemodum sacerdotum et dei cultorum est officium sine uino sacra facere: quod uinū & quicquid creat delirationem, sanitati mentis sit contrarium. Locutus est, inquit, dominus ad Aaron dicens: uinum & sicera non bibetis tu & filij tui tecum, quando ingrediemini in tabernaculum testimonij, aut accedetis ad altare, & non moriemini: legitimum sempiternum in generationes uestras, quo à profanis sancta, & ab impuris pura distinguantur. Aaron autem est sacerdos, quod nomen interpretatur montanus, sublimia cel-
saq; sapiens ratio, non per iactantie molem inani fastu turgidam, sed per magnitudinem uirtutis, quæ mentem ultra cælum attollens, non sinit cogitare quicquam humile. qui autem sic affectus est, merum & omne uenenū insaniam afferens nunquam ultro sibi admouebit. incūbit enim ei necessitas ut aut sacrosancta tabernaculi penetralia ingressus secretis sacris operetur, aut ad altare accedens uictimas pro sua populiq; salute immolet. quæ negocia sobrietate opus habent atq; solertia. me certe subit mandati huius admiratio. Sicut enim ueneranda res est, sobrios & sui cōpotes ire ad uota & sacrificia: sic ediuerso ridicula si quis corpore animoq; præ uino labante id faciat. nisi fortasse quoties domini & parentes & principes adeundi sunt, curare decet seruos & filios & subditos ut sobrij sint, nequid dicto factoue peccent, neue poenam incurrant, si uideantur dignitatē maiorum contemnere, aut, si clementius cum eis agatur, certe

certe irrideantur: omnipotentem uero patrem aliquis adoraturus cibum, potum, somnum, ceteraq; quorum usum natura postulat non moderabitur? maletq; ad lautio-
riorem uictum declinans imitari luxu perditos? & oculis nimio uino grauatis, uacillante capite, obliquata ceruice, crapulam ructas, totoq; corpore languidus, aqua
abluendis manibus aut aras attinget ac uictimam? atqui tali non est fas uel procul sacros ignes intueri. quod si
hac intelligantur non de tabernaculo altariq; constructo ex uisibili & inanima & corruptibili materia, sed
de illis inuisibilibus sola mente cernendis, quorum ista sunt sensibiles imagines, tanto magis obstupescet ad
huius præcepti miraculum. quoniam enim omnium rerum aliud exemplar aliam imaginem fecit opifex, uirtu-
tis quoq; archetypum primo fecit, quo mox expressit characterem ei simillimum. quod quidem archetypum
signaculum incorporeum idea est: imago autem expressa corpus iam, sensibile quidem suapte natura, nondum ta-
men expositum sensui: sicut in altissimi oceani gurgiti-
bus enatum lignum diceremus posse quidem uri, non-
dum tamen igni obnoxium, quippe marino humore ma-
didum. Ergo tabernaculum & altare intelligamus ideas, alteram uirtutis incorporeæ significatiuam, alteram sensi-
bilis eius imaginis. altare quidem, & superimposita, ui-
dentur facile: uel quia sunt in atrio foris, uel quia noctu
ac interdum perpetuis illustrantur ignibus. tabernacu-
lum uero & quicquid eo continetur, non patet oculis:
non ideo tantum, quia situm in penetralibus, uerum etiam
quia propinquanti, aut curiosius intuenti, sine clemētia
suppli-

supplicium lex intētat: nisi quis integer sit & purus ab omni magna paruaq; noxa, omnibus naturæ dotib. præditus. nam huic permittitur ut quotannis semel ingres-
sus inspicat non uidenda cæteris, quando in hoc uno in corporeorum incorruptibiliumq; bonorū alatus amor celestis inhabitat. is quando ab idea perculsus sequitur signaculum illud quod particulares uirtutes exprimit, considerando mirandoq; pulchritudinem eius diuinissi-
mam, ad quā accedit expressam ab illo archetypo, mox eum subit ruditatis & ineruditionis obliuio, succeden-
te eruditionis ac scientiæ memoria. & ideo dicitur: Vi-
num & siccera non bibetis, tu & filij tui tecum, quando ingrediemini tabernaculum testimonij, aut ad altare ac-
cedetis. quæ uerba non tam interdicens sunt, quam de-
cernentis pro sententia. nam interdicens sic loqueretur:
uinum quando sacrificabitis ne bibetis. qui uero senten-
tiam profert, mauult dicere nō bibetis. non est enim pos-
sibile ut inscitiam causam ebrietatis delirationisq; ani-
mæ, in se admittat, qui iustitiam meditatur, & oblectat
se per singulas uirtutū species. solet enim scriptura hoc
uocare tabernaculum testimonij: siue quia uerax deus
uirtutis testis est, cui non sine bono nostro credimus: si-
ue quia uirtus confirmat animas, extirpās cogitationes
incertas ac dubias: & in uita quasi pro tribunali uerita-
tem reuelans. Ait enim propheta non moriturum qui
sobrius sacrificat: quod ruditas mortem, immortalitatem
afferat eruditio. nam sicut nostris corporibus interitū
morbus, incolumitatem affert sanitas: itidē animas pru-
dentia seruat, cum ipsa sit mentis sanitas: imprudentia
uero

• uero interimit, cum sit morbus earum insanabilis. Ad-
dit autem diserte, hoc legitimum æternum: docens nos
immortalem hanc legem esse inscriptam naturæ tabu-
lis, quæ pronunciat eruditionem rem saluberrimam, in-
scitiam uero causam morbi ac interitus. quin & hoc in-
de discimus, id quod uere legitimū est, consequenter æter-
num esse: quando & recta ratio, quæ legis uicem obti-
net, non est corruptibilis. nam ediuerso quicquid ini-
quum, uix uno die durabile à seipso dissoluitur, confes-
sione omnium qui sapiunt. proprium autē legis & eru-
ditionis est, profana à sacris, ab impuris pura discerne-
re: sicut ediuerso iniquitatis et in eruditionis, inter se pu-
gnantia cōfundere commiscereq; omnia. Quamobrem
& Samuel regum prophetarumq; maximus, uinum &
quicquid epotum inebriat, sicut sacra eloquia testantur,
ad extremum usq; diem non bibit. ascriptus est enim in
diuinum exercitum, qui nunquam imperatoris sapien-
tissimi providentia destituitur. is Samuel fuit fortassis
homo, accipitur tamen non ut compositum animal, sed
ut mens, solo dei cultu ac ministerio gaudens. interpre-
tatur enim ordinatus deo, eo quod actiones eas quæ à
uana gloria proficiscuntur, grauem turbationem ordi-
nis existimet. hic ex humana matre nascitur, cuius no-
men interpretatur gratia. nam sine diuina gratia nō est
possibile uel deferre mortalia, uel immortalibus sem-
per adherere. cæterum quæcunq; anima impleta fuerit
gratia, gaudet confestim & ridet exultatq;: bacchatur
enim, ita ut uulgo ebria uideatur insanire raptā extra
se. & idem dicitur ad eam à quodam puerulo, non uno,
sed

sed à quolibet iuueniliter petulante: Quousq; temulenta est: aufer istam temulentiam à te. Solet enim correptorum numine non solum anima concitari ceu quodam æstro, sed & corpus erubescere incandescereq; , interno gaudio prorumpente in exteriora, quæ res multos insipientes decipit, qui sobrios uino madere autumant, est tamen quædam ebrietas etiam sobriorum, qui bonameraca hauriunt, & propinationes à perfecta uirtute accipiunt. ceterum qui temulenti sunt, ne degustât quidem prudentiam, qua abstinendo famem eius sentiunt continuam. merito igitur ad iuuenilem irrisiōem uenerandæ austeræq; uitæ insultantem respondetur: *Mulier dura dies ego sum, uinum aut potum inebriantem non bibi, & effundam animam meam coram domino. Ingentes opes animæ, quæ gratijs dei plena est. primum duram diem uocat seipsam, respiciens illudentem puerulū. nam huic & cuius insipienti aspera, ardua, difficillimaq; uidetur uia ducens ad uirtutem, sicut & quidam è priscis testatur dicens:*

Omnino uitium facile est contingere cuius.

Contra uirtutem sudoribus undiq; diui

Præsepsere, & lōgus ad hanc perq; ardua callis,

Asper & est primū: sed ubi alta cacumina uictor

Contigeris, tam fit facilis, licet ardua dudum.

Deinde negat se uino & potu inebriante usam, & perpetuam uitæ sobrietate gloriatur. nam obtinere cogitationem liberam, puram, immunemq; ab affectionibus perturbatricibus, res est profecto admiratione dignissima. Unde fit ut intellectus sobrietate mera saturatus, semper

& per omnia cū deo uersari properet. Quid enim aliud
 sibi uolunt illa uerba, Effundam animam meam in con-
 spectu domini, nisi totam meipsam ei consecrabo? id fit
 quoties quis abruptis quibus prius stringebatur uinculis,
 quæ mortalis uitæ indiderant uana studia, exolutus
 omnibus, & intantum exspatiatus, extensus, effususq;
 ut uel ad extremos mundi pertingat terminos, ad pul-
 cherrimam celeberrimamq; illam ingenti contēplatio-
 nem penetrat. hic igitur chorus sobriorum est, eruditio-
 nem ducem sequentium: alter uero prior ebriorū, cuius
 princeps inscitia fuerat. Quoniam autem ebrietas non
 solum delirationem significauit, natam ex ineruditione:
 sed & in totum sensus priuationem, quam in corpore
 nimium uinum producit, in anima uero ignoratio eorū
 quæ merito sciri deberent: superest ut dicamus pau-
 cis de ignorantia, duntaxat ea memorando quæ sunt op-
 portunissima. quis igitur est morbus corporis, cū quo
 conferenda sit ignorantia? aut cum cuius sensus priua-
 tione conferri potest? certe qui oculis auribusq; multati
 sunt, nihil uel uidere uel audire ualēt, diei lucisq;
 propter quæ sola (si uerum fatendum est) uitam expetimus,
 nescij: & in perpetuis tenebris sempiternaq; nocte habi-
 tant, surdi ad parua magnaq; omnia: quos merito uitæ
 communis impotentes solet nominare. nam etiam si reli-
 quæ corporis uires uniuersæ incolumes sint & absolu-
 tissimæ, tamen supplantatæ ab orbitate oculorum au-
 riumq; magno casu corruunt, ut nō amplius possint re-
 surgere. id enim quod hominem fulcit, uerbo quidē pe-
 des sunt, reuera autē auditus uisusq;: quos donec habet
 inte-

integros, erectus incedit, priuatus uero his, proclinator
et e medio tollitur: idem omnino ignorantie sunt effe-
ctus in anima, ledentis eius uisum auditumq; nec lucem
nec sermonem in eam intrare sinentis: hunc ne quid do-
ceat, illam ne res indicet: atq; ita offusis irrationalibus
tenebris profundissimis, ex formosissima animae specie
surdum saxum redditur. nam ignorantiae contraria scie-
tia quodammodo animae pro oculis est et auribus: quip-
pe quae et intendit animum in ea quae dicuntur, et res di-
spicit: nec unquam uel uidendo uel audiendo falli susti-
net: sed quicquid auditu spectatuq; dignum censet consi-
derat cōtemplaturq;: et si forte itinere terrestri aut na-
uigatione opus est, peruadit usq; terrae ac maris termi-
nos, ut plura uideat, et aliquid recentius audiat. impi-
gerrimus enim est amor scientiae, inimicus somno, ami-
cus uigilijs. proinde semper excitans et acuens cogita-
tionem, cogit eam obambulare omnia, auditum faciens
audium, et ingentem discendi sitim instillans. ergo scie-
tia uisum auditumq; praebet, quibus freta bene se gerit
anima. nam qui uidet auditq;, scit quid sit utile, et id ex-
petendo, fugiendog; contrarium, proficit. ignorantia ue-
ro grauiorem quam corporis multationem animae in-
ferens, omnium peccatorum causa fit: quando caret omni
externa ope, ut quae nec ipsa sibi prospicere potest, nec
premoneri ab alijs. proinde usquequaq; destituta, et
derelicta a custodibus ac praesidibus, a quibusuis homi-
nibus rebusq; patitur insidias. cauendum igitur ne un-
quam tantam meri uim ingeramus, ut sensus officium non
faciant: neue tam longe discedamus a scientia, ut ignorā-

tia suas densissimas tenebras in anima possit spargere. Sunt autem duo genera ignorantiæ, simplex alterum prorsus sensu carens: alterum duplex, cum quis non modo in scientia tenetur, uerum etiam putat se scire quæ haudquaquam scit, elatus falsa opinione sapientiæ. prius malum est leuius, ut quod leuiora peccata gignit, pleraque inuoluntaria. secundum uero maius, ut quod maiora parit, nec solum inuoluntaria, uerum etiam iniqua de industria. talibus mihi uidetur Lot ille filiarum genitor esse obnoxius maxime, qui masculum & perfectum in anima germen educare non potuit. duas enim filias ex uxore in saxum post mutata suscepit, quam non aberrauerit si quis appellet consuetudinem inimicam ueritati suo pte ingenio, & quoties ab aliquo ducitur à tergo restitantiem, respectantiemq; antiquas sodales, & in morem inanimæ statuæ remanentem in earum medio. filiarum autem senior quidem uocabitur consilium, iunior uero assensio. nam consilio comes est assensio, post assensionem autem nemo consultat ulterius. mens igitur sedes in suo consistorio, sollicitare filias incipit, & cum grandiore quidem consilio considerat atq; scrutatur singula, cum iuniore uero assensione facile quibusuis annuit, ut infesta pro amicis complectatur, si modo uoluptatis esca inuitet uel minima. hæc autem sobria quidē cogitatio non sustinet, sed occupata à temulentia, & uelut uino extra se rapta. ideo dicitur: potauerunt patrem uino: ut omnino impos fieret sensuum intellectus, qui prius uidebatur idoneus per se ad consultandum de rebus utilibus, facile tamē quibusuis uerisimilibus ut ueris certisq; assentiens.

cum

cum natura humana haudquaquam sufficiens sit manifeste quicquam dispicere, & uel quasi utile ac uerum eligere, uel ut falsum ac inutile fugere. multum enim tenebrarum offusum corporibus rebusq; non finit singulorum naturam cōspici: imò etiam si quis curiosior aut discendi cupidior conetur introspicere propius, tanquam luminibus orbatu offensans, prius quam aliquid apprehendat prolapsus frustratur. nam ne praelucente quidē eruditione intellectus proprium inde lumen sibi ualens accendere, ad res inspiciendas non tā iuuatur quā impeditur. sic enim natura comparatū est, ut paruus splendor extinguatur à magnis tenebris: quo extincto nullus est usus utilitas. quisquis autem sibi placet uel consilio uel facultate discernendi inter fugienda & sequēda, monendus est: si earundē rerum eadem & indiscreta semper nobis imaginationes acciderent, fortasse necessario sequuturum ut quas nobis natura dedit iudicandi facultates geminas, sensum & intellectum, tanquam ueraces admiraremur, nec decipi faciles, quippe quæ primo aspectu quid expetendum, quid fugiendum uideant. sed quoniam compertum est nos aliās aliter ab eis affici, nō possumus quicquam certo asseuerare, cum id quod apparet non maneat firmum, sed in uarias subinde trāsformetur facies. necessum est enim ut instabilis imaginatio nis instabile sit etiam iudiciū, idq; multis de causis. quarum prima est animalium non una tantū parte, sed plures penē quā dici potest differētiæ, in generatione horum & habitudine, in cibo & uictu, in his rebus quas expetunt & fugiunt, in sensuum actionibus & commo-

tionibus, in corporum animarumq; innumerabilibus proprietatibus. nam ut omittamus ista quæ iudicant, inspicere quædam ex his quæ iudicantur, ut chameleontem & polypum. illum aiunt mutabilem colore semper loca referre in quibus degit: hunc uerò saxa quibuscumq; adhæserit. forsan à natura saluti eius prospiciente donatum hoc uersatilis coloris remedio contra pericula. Vix distin unquam columbæ ceruicem solaribus radijs expositam quàm multis modis colores uariet: puniceum, ceruleum, igneum, & carbunculi speciem referentē, pal lentem item, rubentemq; & alios omnigenos, quorum ne uocabula quidem memorare sit facile. apud Scytharum quoq; gentem, quam Gelonos uocant, fertur mirandum animal, raro quidem, nasci tamen, tarandum nomine, magnitudine bouis, facie uero ceruo quàm simillimum. de hoc narrant, pilum eius omnia propinqua, siue arbores, siue alia, colore imitari, & per eam similitudinem fallere in quæcumq; inciderit, atq; ita magis quàm uiribus periculum à uenatoribus imminēs euadere. hæc & similia certissimum argumentum sunt, nos non posse quicquam certò comprehendere. deinde ut omittamus animalia reliqua, soli homines immane quantum in rebus omnibus inter se differunt: qui non modo aliàs aliter de ijsdem iudicant, sed & alij aliter, dum ijsdem quidam delectantur, quidam offenduntur. nam quæ his probantur, alijs displicent: quæ hi ultro accersunt ut domestica, alij procul in malam rem profligant ut alienissima. equidem forte fortuna theatrum ingressus aliquoties, animaduerti ad unum carmen tragædorum citharædo

rum

rumūe in scena certantium alios sic demulceri, ut non temperarent sibi quin assurgentes acclamarent & applauderent: alios nō magis moueri hoc, quā illos ipsos gradus saxeos quibus insisterent: alios in tantum offendi, ut ē theatro se proriperent utraq; manu compressis auriculis, nequid ex eo sono reliquum molestiam crearet fastidiosis animis. quid attinet ista dicere? unusquisque, si ipsum per se consideres, quod uix est credibile, innumeras mutationes in corpus animāq; recipit, quæ modo expetierat fugiens haudquaquam mutata, sed in eodem statu manentia. eadē enim aliter à sanis accipiuntur quā ab ægrotis. aliter à uigilantibus quā dormientibus, aliter à pubescentibus quā senescētibus. imò qui stat alias quā qui mouetur imaginationes concipit, alias intrepidus quā timidus: item mœrens quā gaudens, infensus quā beneuolus. Quid opus uerbis prolixioribus? dicam compendio: quiuis corporis animæq; motus, siue iuxta naturam siue contra factus, causa est ut quæ apparent, mutari uideantur, inconsistentibus somnijs simillima. nec minima causa imaginationum inconsistentiæ sita est in consideratione, in distantijs, in locis quibus continentur singula. an non uidemus in mari pisces extentis natantes pinnulis semper maiore specie quā re uera sunt? itidem remos uel rectissimos, fractos in aqua uideri contingit. hæc longe falsissimas imagines obijcientia solent mentem decipere. interdum enim cum sint exanimata, putātur uiuere, & ediuerso quæ uiuūt, esse mortua. item quæ stant, moueri: quæ mouentur, stare. quæ accedunt recedere: quæ recedunt, accedere. bre

uia uidentur, quæ prælonga sunt: quæ angulos habent, diceret teretia: aliæq; innumera fallunt aspectum, quibus nemo prudens tāquam certis subscriberet. quid qualitates factitiæ, in quibus addidisse detraxisse uel aliquid multū profuerit aut obsuerit, præsertim in his quæ tractant medicis: namq; horum compositiones recipiūt qualitates certis terminis dimensas et regulis, citra quas nō licet consistere, sicut nec progredi ulterius tutū est. nam diminutio remittit eorum uim, sicut intēdit additio. Vtrumq; autem noxam affert: alterum ob uirium defectū inefficax, alterum uiolēte lædens præ nimietate earum, leuitates quoq; ac asperitates, dēsitates oppilationesq; & his contrariæ raritates apertionesq;, quātum ad auxilium noxamue conferant manifestum est. Ac ne illud quidem ignotū, quōd penē nulla res, si consideres ipsam per se, intelligitur, sed collatione cum suo contrario examinatur, ut paruum collatum cum magno, aridū cum humido, frigidum cum calido, graue cum leui, nigrum cum albo, infirmum cum ualido, parum cum multo. Similiter etiam quæcunq; ad uirtutem referuntur aut uitium, utilia noscuntur per noxia, honesta adhibitis ediuerso turpibus, iusta & in genere bona cum iniustis & malis composita. deniq; quicquid aliud in uniuerso mūdo consideraueris, ad eandem formulam iudicari comperies. Nam per se unum quodq; comprehendi non potest, sed cum altero comparatum uenit in notitiā. Quicquid autem de seipso testari non potest, egens alterius patrocinio, infirmam fidem habet. itaq; sic quoq; coarguuntur qui facile de quauis re uel negant uel asserunt.

nec

nec mirum. nam si quis ulterius in res progrediatur, & collustret eas sincerius, sciet quod ne una quidem res iuxta simplicem suam naturam nobis occurrit, sed omnes multipliciter temperatae mixtaeque. Colores sine mora comprehendimus. at quomodo? nonne foris cum aere & lumine, intus in ipso visu cum humido? dulce uero & amarum quomodo probaretur absque oris humoribus? quid sapores grati naturae uel ingrati? quid ex suffitu odores, num simplices sincerasque naturas praeseferunt? an potius mixtas ex ipsis & aere, interdum etiam ex igne liquante horum corpora, & ex facultate quae inest naribus? Ex his sane colligitur, nec colores a nobis percipi, sed temperaturam constantem ex subiectis & lumine: nec odores, sed mixturam quae constat ex corporum exhalationibus, & omnium capace aere: nec sapores, sed id quod conficitur ex re gustabili, & humore saluato. Haec cum ita se habeant, damnanda est stultitia, seu arrogantia, seu temeritas eorum, qui facile uel asserere, uel negare de quauis re sustinent. si enim simplices facultates absunt, mixtae uero & collaticiae nos frustrantur, impossibile est ut cernantur inuisibiles, & per mixta intelligatur uniuscuiusque forma, ad eam mixturam conferentis suam portionem. Quid igitur superest, nisi ut necessario suspendamus sententiam? illa quoque deterrent ne temere credamus incertis, quae penes per totum orbem diffusa sunt, communem tum Graecis tum barbaris in iudicando lapsum inducentia. quoniam? institutiones, ab aetate tenera, consuetudines patriae, leges antiquae, ex quibus uniuersis in nullo consentiunt omnes, sed per sua

gulas regiones, gentes, ciuitates, uicos deniq; ac domos, saltem uiri discrepant à mulierculis, & pueri à cæteris. Nam quæ nobis turpia uidetur, illis honesta: quæ decetia, illis indecora: iniqua iusta, impia sancta, legitima illegitima, uituperanda laudabilia, puniēda honore digna, & cætera decernuntur contraria. Sed quid opus est his immorari prolixius, cum reuocent nos magis necessaria? quod si quis uelit omiſſis alijs recentioribus spectaculis, inquirere in præſens capitulum diligētius, & examinare singillatim, educationes, mores, leges, regionū, gentium, locorum, ciuitatum, subditorum, principum, clarorum, obscurorum, liberorū, seruorum, doctorum, indoctorum, non unam alteramq; diem, nec mensem aut annum, sed totam uitam in hoc cōteret uel longissimam: nihilominus pleraq; cōsiderationem eius effugient. cum igitur alij ab aliorum iudicio non modicum distent, & adeo discrepent, ut pugnent etiam inuicem, necessario consequitur ut etiam allabantes imaginationes rerum differant inter se, & pugnātes sint de his sententiæ. quæ cum ita sint, quis est tam demens & delirus, ut certo affirmare audeat, hoc aut illud esse iustum, prudens, honestum, utile? quicquid enim hic decreuerit, alius irritabit meditatus à teneris unguiculis contraria. Equidem non miror si miscellanea confusaq; turba, morum legumq; utcunq; inductarum serua, ab incunabulis obedire his haud secus ac dominis atq; tyrannis assueta, & animam contusa colaphis, nihil magnum & uirile ualens sapere, credit acceptis semel maiorum traditionibus: & mentem sinens inexercitatam, sine scrutatione ac examine uel

uel affirmat uel negat. philosophos quos uocant miror,
quorum pleriq; simulantes se uenari manifestam in re-
bus certitudinem, cateruatim diuisi, decernunt dissona,
interdum etiam contraria, non de una quapiã haud ma-
gni momenti re, sed propemodum de omnibus magnis
paruisq;, de quibus solent quærere. cum enim hi mun-
dum infinitũ inducant, illi finitum: hi creatum affirmet,
illi negent: hi sine præsede principeq; temere arbitratu
suo ferri eum cõtendant, illi credant prouidentia curaq;
mirifica & uniuersum & partes eius Deum regere ac
gubernare ita ut in tuto sint: qui fieri potest ut de subie-
ctis rebus eosdem conceptus habeant: iam quæ in natu-
ra boni considerata imaginationes obueniunt, nõne
suspendere assensionem potius quàm assentiri cogunt?
dum alij bonum esse censent solum honestum, idq; repo-
nunt in anima: alij diuidũt hoc in quasdam minutias, &
usq; ad corpus externaq; protendunt. hi dicunt felicitas
a fortuna concessas, corporis esse satellites, ut sanitas
tem, robur, integritatem, omnium sensuum, & huiusmo-
di cætera stipantia regiam animam. cum enim tres sint
bonorum ordines, tertium & extremum secundi & me-
dij propugnatorem esse: secũdum uerò primi munimen-
tum protectoriumq; factum maximum. De his ipsis, &
de diuersis uitæ rationibus, de finibus ad quos actiones
omnes dirigendæ sunt, deq; alijs innumeris quæ tractan-
tur in rationali morali naturali; philosophia, discepta-
tiones nascuntur ineffabiles, de quarum nulla in hodie-
num usq; disceptatores isti cõsentiunt. merito igitur cum
duabus filiabus, consilio assensioneq;, coniunctus & unã
cubans

cubans intellectus, ignorantia laborare inducitur. dicitur enim, & nesciuit quando accubuerunt, aut quando surrexerunt filie. nam nec somnū nec uigiliam, nec quietem, nec motum uidetur certo comprehendere: sed etiam cum optimè consuluisse putatur, inconsultissimus deprehenditur, rebus ad expectatum finem non peruenientibus: & quoties subscribere quibusdam ut ueris placuit, facilitatis incurrit infamiam, quamprimum comperitur incerta dubiaq̃, quibus prius crediderat ut certissimis: itaq; cum negocia soleant contra opinionem cadere, nihil tutius fuerit quàm assensum suspendere. Hactenus de his, nunc uertamus sermonem ad sequentia. diximus suprā temulentiæ nomine significari etiā illud quod multis sæpe attulit noxas maximas ignaui uentris suum, cui deditos uidere licet, etiam si omnes corporis lacunas expleuerint, adhuc tamē inexpletas ac inanes habere cōcupiscentias. isti quamuis præ saturitate distenti ad modicum tempus tanquam athletæ lassī respirant, tamen mox ad idem certamen reuertuntur. Proinde rex Aegyptiæ regionis, id est corporis, paulò ante insensuius pincernæ ministro temulentie, mox ei reconciliatus in sacris libris introducitur, gliscente concupiscētia tactus eius desiderio, idq; in die natiuitatis corruptibilis, non in incorruptibili luce illius Ingeniti luminis. dicitur enim fuisse dies natalis Pharaonis, quando è carcere principem pincernarum reuocauit ad ministerium. hoc enim propriū est amatori corporis, ut præclaras putet res natas & corruptibiles, eo quod densissimis tenebris præpediatur quominus noscat incorruptibiles. ideo sta

tim principum uoluptatem temulentiam, eiusq; ministrum beneuolentia complectitur. Sunt autem luxuriantis animæ tres familiares cubicularij, princeps pistorum, princeps coquorum, princeps pincernarum, quorum admirandus ille Moses sic meminit: Et iratus Pharaon duobus eunuchis, pistorum principi & pincernarum principi, misit eos in carcerem principis coquorum. est autem & coquorum princeps eunuchus. dicit enim aliubi abductus est Ioseph in Aegyptum, & emit eum eunuchus Pharaonis princeps coquorum. & rursum: Venderunt Iosephum spadoni Pharaonis coquorum principi. sed cur nec uiro nec mulieri cõmittuntur dicta officia? An quia seminare uiris, semen excipere mulieribus à natura datum est, ex quorum congressu & natiuitas omnium & generis conseruatio prouenit: sterilis autem castrataq; animæ officium est gaudere pistorijs operibus sumptuosis atq; poculis, & curiosis condimentis cupediariorum, ut quæ nec uirtutis uere masculum semen emittere ualeat, nec emissum excipere nutrireq; sed tanquam exile saxosumq; aruum, tantummodo apta sit ad corrumpendum ea quæ semper uiuere debuerant. Hic decretum statuitur communiter omnib. utilissimũ, quod quilibet opifex uoluptatis non gignit sapiẽtiam, cum nec mas sit nec fœmina: & cum nec indere nec excipere sit idoneus semina ad immortalitatem facientia, meditatatur quod turpissimum est in uita exercitium, ut corrumpat incorruptibilia, & extinguat insitos naturæ igniculos inextinguibiles. talium nulli Moses permittit ingredi ecclesiam dei. interdicit enim ne spado & exectus ingre-

diatur

diatur in ecclesiam domini. quid enim nō ualenti sapien-
tiam gignere profuerint sacræ conciones auditæ, cui fi-
des exacta est, nec potest seruare depositum utilissimoi-
rum uitæ dogmatum. proinde tres sunt qui curant con-
uiuuium humani generis, princeps pistorum, pincerna,
cupediarius. merito, quia sunt tria quibus uti & frui cu-
pimus, cibi, cupediæ, potus. sed alij contenti sunt solis ne-
cessarijs, quæ ad salubriter liberaliterq; uiuendum requi-
runtur: alij quærūt inmodica, nimia, superflua, quæ ap-
petitus excitant, & corporis lacunas multitudine one-
rant ac opprimūt, magnos & uarios morbos parere so-
lita. Et uulgus quidem uoluptati, concupiscentijs affecti-
busq; deditorum, sicut in ciuitatib. plebeij, non inuidio-
sam uitam uiuentes, & paucis rebus opus habentes, non
egent uarijs curiosisq; ministerijs, contenti simplicib. co-
quis, pincernis atq; pistoribus. qui autem putant se impe-
rare ac regnare in uiuendo suauiter, & ad hūc scopum
omnia minora maioraq; referunt, dignos se æstimant mi-
nistris principib. coquorum, pincernarum, pistorumq;
hoc est in unoquoq; horum absolutissimis. nam placen-
tarum, popanorum liborumq; uaria genera, non mate-
rijs tantum, sed & modis conficiendi formisq; diuersa,
non tantum ad gustum, sed & ad aspectum illicendum
curiose inuenta, exercent pistorum eximios. examen au-
tem uini in lotium abeūtis facile nec ledentis caput, aut
contrā augentis sanguinem & olentis suauiter, multum
parūmque aquæ ferentis, & ad uehementem intensamq;
aut remissam lenemq; potationem faciētis, cæterorumq;
similium, ad pincernarum præfecti officium pertinet, in

hac arte absolutissimi. ceterum pisces auesq; et id genus
 alia parare, & obsonia cōdire callent insignes cupedia=
 ri; non tantum quæ auribus didicerūt & oculis, uerum
 etiam quotidianis experimētis, dum uitæ delicatæ ac te=
 nella, sed nō optandæ, semper noui aliquid excogitant.
 quos omnes eunuchos esse steriles sapientiæ docuimus.
 is autem cui reconciliantur, uentris rex intellectus pin=
 cerna est. nam suapte natura genus humanum est ad ui=
 num procliue quo uix unquam saturatur, quando som=
 no, cibo, coitu, similibusq; rebus nemo non expletur, me=
 ro autem non item, præsertim qui exercet hoc studium.
 bibendo enim sitiunt, incipientes à minoribus cyathis:
 procedente uerò potatione iubēt pincernas in maiores
 infundere calices, postquam incaluerūt iam parum sui
 compotes, infundibula, crateras, amystides integras ex=
 haurientes, & merum ingurgitantes, donec profundus
 somnus occupet iam nec seipsos nec quæ ingesserūt con=
 tinere ualentes, regurgitante potu nimio. & tamen sic
 quoq; insatiabilis appetitus, tanquam famelicus, furere
 non desinit. uitis enim Sodomorum uitis eorū est, ut in=
 quit Moses, & palmes eorum ē Gomorra. uua eorum
 uua fellis, & botrus amaritudinis ipsis. furor draco=
 nū uinum eorū, & furor aspidū insanabilis. Sodoma or=
 bitas siue cæcitas interpretatur. uitis autem hæc cuiusq;
 fructus, significat homines uinolentia, gula, turpissi=
 misq; uoluptatibus perditos. ceterum quod latentius
 subindicatur hoc est: ueræ lætitiæ nullum germen in ani=
 ma sui amante insitum esse, quod talis sanas radices non
 habeat, sed incendio reductas in cinerē, in qua pro aqua
 fulmineis

fulmineis flammis, deo iuste animaduertente in impios, coelum pluerat inextinguibilibus. non deesse tamen in ea concupiscentiae plantas maximas, honestatis steriles. quandoquidem is affectus exardescit in omnia spectatu digna, conferturq; cum uite: non ista matre mitium fructuum, sed ea quae amaritudinem, malitiam, uasfriciem, iram, furorem moresq; irritabiles proferre solet, mordens animam in morem uiperarum & aspidum, uenentos morsus & omnino incurabiles habentium: quos deprecamur uotis assiduis, obsecrantes deum clementissimum, ut siluestrem hanc uitam eradicet, eijciatq; omnes eunuchos & uirtutis steriles in perpetuum exilium: & pro his in animis nostris mites plantas inserat per disciplinam rectam, largiaturq; nobis fructus ac rationes uere masculas, à quibus seminari possint actiones honestae, & uirtutes incrementum accipere, ut cum fecunditate habeamus conseruamusq; sempiternam consuetudinem.

PHILO

PHILONIS IV

DAEI, DE HIS VERBIS,

Resipuit Noe, Liber.



Ostquam ea quæ de ebrietate
secutaq; hanc nuditate legisla-
tor dixit enarrauimus, accede-
mus ad ea quæ deinceps coniun-
cta sunt, sic enim in sacris literis
scriptum sequitur: Resipuit
Noe à uino, & cognouit quicquid

quid fecerat ei filius natus minimus.] Sobrietas non so-
lum animabus, uerum etiam corporibus, omnium con-
fessione utilissima est. nam & infirmitates arcet, è nimia
repletionem nasci solitas, & sensus mirifice acuit, nec finit
corpora plus iusto grauata corrumpere: sed attollit ea si-
mul & subleuat, reuocans ad officia propria, omnibus
eorum partibus opportunissima. In summa, quantorum
malorum autor est ebrietas, tantorum ediuerso bono-
rum sobrietas. ergo quando quidem etiam corporibus,
quibus peculiariter uini potus prodest, amica est sobrie-
tas, nonne multo magis animabus? à quibus omne mor-
tale alienum est. quid enim sobria mēte præ-
stantius est apud homines? quæ gloria? quæ diuitiæ?
quod robur? quæ potentia? deniq; quid aliud ex his quæ
mirantur homines? adsit modo animæ oculus, qui totus
collustrare omnia ualeat, nulla sui parte suffusus humo-
ribus, aut nictatione impeditus. tunc enim acutissime cer-
nens

neis, ipsumq; intellectum & prudentiam intueſ, occur-
ret ſimulacris intelligibilibus, quorum ſpectaculum de-
mulcens animum non ſinet poſthac flecti ad quicquam
ſenſibile. Et quid mirum ſi animæ ſobriæ cernentiq; acu-
tiſſimè nulla creatura poteſt æquari honore? quādo cor-
porei quoq; oculi, & lux iſta ſenſibilis apud nos omnes
habetur in honore maximo? quamobrem multi uifu a-
miſſo, uitā etiam ultro abiecerunt, exiſtimantes mortem
malum eſſe cæcitate leuius. quāto igitur anima præſtan-
tior eſt corpore, tanto mens præſtat oculis, quæ ſi illæſa
ſit & expers noxæ, à nulla iniquitate temulentie ſimili
oppreſſa, ſomnum quidem ablegabit cauſam obliuioniſ
officiorum atq; pigritie: uigiliam autem complexa cer-
net acutè quicquid ſpectatu dignū fuerit, excitata à me-
moria, & occupata actionibus tali cognitioni cōgruen-
tibus. Talis eſt conſtitutio ſobrij hominis. ceterū iunio-
rem filium dicens, nō ætatis nomen ſcribit, ſed qualibus
morib. præditi ſint rerum nouarum amatores indicat.
alioqui quomodo nō uidenda uidere contra ius faſq; co-
natus eſſet, aut ſilenda eloqui, aut domi celandā proſtra-
re in propatulum, et tranſilire animæ terminos, niſi per
curioſitatem auſus fuiſſet quod nemo antea, deridens ca-
ſus alienos, qui debuerat ingemere, nec cauillari in tali
re poſtulante reuerentiā uultumq; ſerium. hic certè mos
eſt legislatoris, ut & prouectos ætate appellet iuuenes,
& eos qui nondum ſenuerunt, ſeniores: non reſpiciens
annorum numerum, aut tempus breue longūmue, ſed in-
potētias animæ, quæ mouetur melius aut deterius. Iſmae-
lem penè uigeſimum annum agētem, cum uirtutib. per-
fecto

fecto Isaac collatū, nominat puerulum. Sumpsit, inquit, panes & utrem aquæ, & dedit Agar: imposuitq; super humerum eius, & puerulum: quando eos ē domo ablegauit Abraham. ac rursum: Proiecit puerulum sub una abiete. & Non uidebo mortem pueruli. atqui ante natū Isaac annum tertiumdecimū egressus Ismael circumcisisus est: & post alterius iam septennis ablactationem, ne spurius cum legitimo ex æquo luderet, unā cum matre pulsus est. & tamen quamuis iuuenis uocatur puerulus, sophista ipse collatus cum sapiente. Isaac enim sapientiam, Ismael sophisticam sortitus est, sicut utriusq; personā in quibusdam dialogis exprimimus. nam sicut se habet admodum puer ad uirum perfectū, sic se habet sophista ad sapientem, & disciplina encyclicæ ad uirtutis scientias. In cantico etiam maiore populum uniuersum ad res nouas proclinantem insipientis & infantis ætatis nomine pueros uocat. Iustus, inquit, & sanctus dominus: peccauerunt ei pueri eius reprehensibiles, generatio praua et perversa, hæcine redditis domino? itāne populus stultus est & non sapiens? Annon aptē alloquitur homines probri habentes in animā, per stultitiā ac dementiā sæpe labentes in rectæ uitæ actionibus, nō puerilem ætatem corporis aspiciens, sed ad mentis infantiam expertem rationis ac ueritatis. ad eundem modū & Rachel, id est formositas corporis, iunior quā Lia pulchritudine animæ describitur. nā illud mortale, hæc immortalis est: & quicquid preciosum uidetur sensibus, à sola pulchritudine animæ ut imperfectum uincitur: quapropter & Ioseph iuuenis semper ac natu minimus dicitur. cū enim

Philo. to. I. C præficitur

præficitur gregib. unâ cum germanis fratribus, iuuenis appellatur. & pater uota pro eo faciens ait: Filius accrescens minimus natus, ad me reuertere. Hic est ille qui pugnat pro omnib. corporis potentijs, externarum opum haud fictus amicus, qui senioris animæ antiquius preciosusq; bonum nondum perfectè inuenit. si enim inuenisset, uel totam Aegyptum perpetuo cursu fugiens abiisset. nunc uerò sibi placet eo quod illam nutriet alataq; cuius bellatores ducesq; submersos ac perditos uidēs Israel hymnū deo cecinit. iuuenis est igitur moribus, qui nondum potest cum germanis uirtutib. pascere, id est brutæ animæ naturā curare ac regere, sed adhuc bona quæ uidentur præfert his quæ uere sunt. quamuis autem incrementis proficiat in melius, tamen iunior ad perfectū collatus cēsetur, eum qui bonum in sola honestate collocat. quamobrem adhortans ait, Ad me reuertere: ac si dicat, seniore sententiam expete, non omnia iuueniliter age, iam tandem uirtutem prappter ipsam dilige, nec tāquam puer insipiens fortunæ bonorū splendore percussus, decipi te ac falsis opinionib. repleti patere. atq; ita satis demonstratum puto, iuuenem in sacris literis sepe uocari non ætate uigentem, sed eum qui habet animam temerariam & nouarum rerum cupidam: iam ostendemus non ætate sed honore præstantes nominari seniores. Quis enim uersatus in sacris libris ignorat, quod ille sapientissimus Abraham breuioris æui quàm ullus penè omnium maiorum suorum inducitur: illorum tamen qui diutissime uixerunt nemo quod sciam, sed solus hic scribitur senior. dicunt igitur sacra oracula, quod Abraham erat
senior

senior ætatis prouectæ. & Dominus benedixit Abrahamo rebusq; ipsius omnibus. quod mihi uidetur subiunctum tanquam causa præcedentium, cur senior dicatur ille sapiens. Cum enim à benigno deo bene afficitur animæ pars rationalis, nec unam modo, sed omnes benedictiōis species accipit, seniliter sapit, atq; ita fit senior. sic & cari deo populi consistorium, quod cogitur ex decies septeno numero, seniores solent nominari. Dicitur enim: Conuoca mihi septuaginta uiros è senioribus Israel, quos tu ipse nosti quod seniores sint. Ergo non eos quos uulgus senes existimat, quippe curandis sacris præpositos, sed quos solus hic sapiens nouit, seniorum appellatione dignatur. quos enim hic reprobauerit tanquam bonus mensarius, falsam uirtutis monetam habentes, iuuenili temerarioq; sunt omnes animo. quos autem commendare uoluerit, probati & iuxta prudentiam seniores censendi sunt. certè utrumq; quod dixi erudite aures in uno legis edicto possunt agnoscere clarissime. Si habuerit, inquit, homo uxores duas, unam dilectam, alteram odiosam, & pepererint dilecta odiosaq; & fuerit filius odiosæ primogenitus, uolueritq; substantiam inter filios suos diuidere: non poterit filium dilectæ facere primogenitum & præferre filio odiosæ, sed filium odiosæ agnoscet primogenitum, dabitq; ei de his quæ habuerit cuncta duplicia. iste est enim principium liberorum eius, & huic debentur primogenita. Obseruasti iam quod dilectæ filium nunquam seniore uocat aut primogenitum, odiosæ uero filium sæpius. atqui prior ille natus, odiosæ uero filius posterior, apparet in edicto

principio: Si pepererint, inquit, dilecta odiosaq; . Attamen prioris partus quanquam antiquior, à rectè iudicante iunior decernitur: posterioris uerò filius quamuis prærogatiua temporis careat, maiore antiquioreq; portione dignus habetur. Quam ob rem? quoniam harum mulierum alteram dilectam uoluptatis, alterā odiosam prudentiæ significatiuam dicimus. illius enim consuetudinem uulgi eximiè diligit, escis & ueneficijs suis alliacientem homines à die natali usq; senectutem ultimam: huius autem tetricos uerēdosq; mores odit miserè: sicut insipientes pueri parentum aliorumq; suorū utilia quidem, sed parū iucunda monita. ambæ in anima pariunt, altera studium uoluptatis, uirtutis altera. sed uoluptatis studium, partus imperfectus est, & nunquam non puer, modis omnibus, etiamsi ad annosam ætatem perueniat. ediuerso uirtutis amor ab incunabilis (iuxta prouerbium) in prudentiæ senatum allegitur, nunquam sensurus senium. idèò disertè dictum est de uirtutis uulgo exosa filio, quod hic sit filiorum principium, quippe natus simul & principatu primus, cui ius primogenitorum debetur lege naturæ, non iniquitate hominum. hæc igitur legem secutus propheta, quā pro scopo sibi proposuit, consequenter inducit Iacob minorem natu quàm Esau: quoniam imprudentia mox à prima ætate nobiscum colescit, honestatis æmulatio sero nobis innascitur, quamuis suapte ui sit quàm illa antiquior. Quapropter Esau fratri cedit iure primogenitorum, quod alter sibi libenter asserit ut debitum. Huc facit & quod filijs Ioseph accidit, si inspicatur diligētius: quando numine correptus ille

ille sapiens ad motis ad se non directè manus imposuit in capita, sed decussatim, ut læua tangeret eum qui uidebatur senior, iuniori uerò dextram imponeret. uocatur autē natu grandior Manasses, iunior uerò Ephraim. Quæ nomina si interpreteris, memoriam & reminiscentiā significare inuenies. interpretatur enim Manasses Ex obliuione, quod nomen est alterius, uidelicet reminiscētia. Nam qui reminiscitur eorum quæ oblitus est, excēdit ex obliuioē. Ephraim uerò fertilitas memoriæ, appellatio conuenientissima, quia fructus utilissimus & reuerā uescus est animabus, memoria in rebus indifferentibus. ceterum memoria uiris demum & robustis contingit, ideoq; iunior censetur, ob natiuitatem serotinam. obliuio uerò & reminiscētia penē alternis à prima etate cum unoquoq; conuersantur. Quamobrē temporis prærogatiuam habent, & ad læuam statuuntur à sapiēte ordinum peritissimo. uirtutis autem primogenita obuenient memoriæ, quam deus carus homo dextra dignatur, & portione potiore. Ergo postquam ad se redijt iustus ille & cognouit quid ei fecisset iunior filius, imprecationes diras exerit. ita est profecto, quando mens ad sobrietatem redit, sentit quid à nouatrice malicia passa sit antea, quando per ebrietatem aduertere nō poterat. nunc consideremus cui maledicat. nam & hoc unum ē scrutatione dignis est: quoniam non filio qui peccasse uidetur, sed huius filio, suo nepoti maledicit, cuius nullum crimen extat uel magnum uel exiguum. nam ille qui patrem curiosis oculis spectare sustinuit & spectatum irrisit, atq; etiam irridendū prodidit, Cham erat ipsius Noe

filius. in quem autem alieni peccati culpa & maledictio
 cōfertur, est Chanaā. dicitur enim: Maledictus Chanaan
 puer uerna, seruus seruorū erit suis fratribus.] Quid,
 inquam, iste commisit? animaduenterunt hoc fortasse le-
 gis periti, quibus promptum est causas huiusmodi red-
 dere. nos uero sequendo rectam rationem, propositae
 quæstionis solutionem scrutabimur, ubi pauca necessa-
 rio præfati fuerimus. Status & motus inter se differūt.
 ille quiescit, motus agitur, cuius duæ sunt species, alte-
 ra migratiua, altera se uoluens eodem in loco statui ger-
 manus est habitus, motui uero actus. id appposito exem-
 plo demonstrabimus euidentius. Fabrum, pictorem, agri-
 colam, musicum, & alios artifices etiam si quiescāt, nec
 in ullo uersentur harum artium opere, nihilominus so-
 lemus iam dictis uocare nominibus, quando suæ quisq;
 artis peritiam affecutus est atq; scientiam. sed ubi faber
 lignarius tractat materiem: pictor suis coloribus tem-
 peratis figuras quas uult deliniat in tabula: agricola in
 terræ sulcos iactat semina, aut palmites propagat uel
 plantat arbores, rigando riuosq; inducendo plantis ali-
 mentum necessarium suppeditās, aliāq; rustica tractans
 opera: musicus item tibijs, citharis, cæterisq; instrumen-
 tis ad omnigena metra & rhythmos apte utitur, aut o-
 missis manufactis per naturalia uocem expedire potest
 concinnam congruentemq; sonis omnibus, aliū sive qui-
 cunq; artifex artem suam exercet: tum præter dicta sci-
 entiarum nomina quiddam aliud de eis prædicatur ne-
 cessariō: de fabro quod fabricet, de pictore quod iam pin-
 gat, de agricola item quod terrā colat: de musico quod
 pul

pulset citharam, aut tibia uocēq; canat, aut simile quippiam faciat. utros igitur uituperamus aut laudamus? an non eos qui agunt & operantur: si bene, laudem lucrant: si contra, uituperium? qui uero scientia contenti nihil faciunt, auferunt tantum securum præmij. eadem ratio in stultos competit, & in uniuersum in uirtutem atq; uitium. prudētes, temperati, fortes, iusti sunt innumeri animo, qui huc euaserunt naturæ felicitate, institutis legitimis, labore improbo peruicaciq;: cæterum pulchritudinem expressam rerum administratōnibus non potuerunt ostendere propter paupertatē aut obscuritatem, aut morbum corporis calamitatesq; cæteras, quæ humanam uitam obambulāt. hi bona sua quasi uincta clausaq; possident. alij uero his solutis, dimissis, liberisq; utuntur omnibus, habentes ostentandi hæc materiam copiosissimam. prudens quidem curam uel publicæ rei uel domesticæ, ubi consulendi atq; intelligendi uim proferet: temperatus cæcas diuitias luxui seruire solitas ad uisum & meliorem usum reuocabit: iustus pro magistratus potestate dabit opem. ut suis cuique rebus frui liceat. Virtutis meditator pietatem exercebit, & parato sacerdotio curam locorum sacrorum atque ceremoniarum geret. quæ nisi accedant, sunt quidem uirtutes, sed immotæ quietæq;: quemadmodum aurum argentumq; in obscuris terræ latebris abditum ad nihil utile, ediuerso uidere licet innumeros timidos, luxuriosos, insipientes, iniustos, impios, esse intus in animo, nec tamen posse uitiorum singulorum turpitudinem exercere quod opportunitate ad peccandū careāt.

quod si se offerat qualem cupiūt occasio, terram & mare usq; ad extremos terminos implere cladibus, & nihil uel paruum uel magnum illæsum sinere, sed uno impetu subuertere corrūpereq; omnia. Quemadmodū enim uis ignis tantisper dum materia caret quiescit, qua accedente incenditur: sic quæ sunt in anima potētiae spectantes uirtutē aut uitium, extinguuntur destitutæ (ut dixi) opportunitatibus. fortuitis autem excandescunt occasionibus. quorsum autem hæc dicta sunt? nisi ut doceamus, quod filius Noe Cham quiescentis uitij nomen habet, nepos autem iam mouentis se. Cham enim interpretatur calor, Chanaan commotio. calor autē in corpore febrem indicat, in anima uitium. nam sicut qui febre decumbit, non una quapiam parte, sed toto ægrotat corpore, ita totius animæ infirmitas est uitium. Hoc iam quiescit, iam mouetur. motum eius uates Hebraico nomine uocat Chanaan. nullus autem legislator poenam decernit contra iniustos quiescentes, sed quoties mouentur, et exercent iniusta opera: sicut ne mordaces quidem bestias uir moderatus occidet, si absit morsus periculum. tollenda enim est ex animo crudelitas procliuius ad cædem omnium. merito igitur hic iustus uidetur seruare maledictionem suo nepoti Chanaan. uidetur, inquam, quia si non actū, potentia tamen, filio suo Cham per illum maledicit. motus enim ad peccandum Cham, ipse fit Chanaan. Vnum enim subiectum est uitium, quod nunc in statu, nunc in motu, consideratur. antiquior autem status quàm motus, ut eius quod stat, id quod mouetur, uideatur progenies. ideo iuxta naturæ ordinem Cham filius

filius Chanaan scribitur, scilicet motus quietis, ut & il-
 lud alibi dictum confirmetur, Reddens iniquitates pa-
 trum in filios in tertiam quartamq; generationē. contra
 hos enim effectus cogitationū et quasi partus pœnæ pro-
 cedunt quæ ipsas manebant. ni accedat factum culpabi-
 le, euasuras accusationis periculum. Quamobrem & in
 lege de lepra ille modis omnibus maximus Moses, mo-
 tum quidem eius & serpiginem impetiginemq; proscri-
 bit ut impuram, quietem autem puram pronunciat. di-
 cit enim: Si diffundatur in cute, contaminatum sacerdos
 pronuntiabit: purum uerò si lucens candor eodem loco
 maneat. itaq; immunis est quies à uitij & affectioni-
 bus animæ. id enim per lepram subindicatur, quod non
 sit damnationi obnoxia: motum autem & impetum eius
 damnari merito. simile quiddam in sacris Geneseos lite-
 ris continetur euidentius. dicitur enim ibi ad illum ne-
 quam: heus tu, peccasti, quiesce. quia peccatum propter
 motum, actionemq; uitiosam damnatur: quies uerò pro-
 pter statum & silentiū inculpabilis & salutaris est. Ha-
 tenus satis, opinor, præfati sumus: nunc execrationem
 quomodo se habeat inspiciamus. Maledictus, inquit,
 Chanaan puer, seruus erit fratrum suorum: & benedi-
 ctus deus Sem, & erit Chanaan seruus eorum.] Dixi-
 mus aliquando Sem communem nominis rationem ha-
 bere cum bono, quando non speciale nomen habet, sed
 generale hoc ipsum Nomen: quia & bonum solum no-
 minandum est, ut fausti omnis & celebratione dignum:
 sicut ediuerso malum infaustum nec nominandum. quid
 igitur bona prædito natura precatur: quod est eius no-

tum nouum & eximium, cuius mortalis nemo facit con-
potem, à quo ceu quodam oceano copiosi perēnesq; fon-
tes honorum funduntur atq; profluunt? nam dominum
deumq; mundi, omniumq; in eo contentorum, priuatim
& per excellentiam deū Sem inuocat. quod uide quā
sit omni fastigio sublimius. cui enim hoc contigit, totius
mundi honorem equat. cum enim præsēs curatorq; an-
horum idem est, necessario sequitur ut & quæ curātur,
honore sint paria. annon largissima sunt hæc munera?
nam sensibilis mundi herus ac benefactor pronuncia-
tur his uerbis, dominus deus: intelligibilis uerò boni ser-
uator & benefactor tantummodo, non herus aut domi-
nus. Quicquid enim est sapientia præditum, amicum
deo non seruum est. id quod ipse fatetur de Abraham.
Num cælabo ego amicum meum Abraham quid factu-
rus sim? quæ sors cuiusq; contigit, is humanæ felicitā-
tis terminos transgreditur. solus enim hic est patricius,
quippe qui patrem cire deum potest, solus adoptiuus
eius filius, non diues, sed omnia possidens, qui solus de-
liciat in copiosis uerisq; bonis, nunquam senescenti-
bus, perpetuo uiuentibus: non nobilis, sed bona fama ce-
lebratus, laudem habens non adulatione adulteratam,
sed ueritate stabilem. solus rex, quippe qui à summo re-
ge potentiam & potestatem accepit irrefragabilem.
solus liber, manu missus ab heræ morosissima uana glo-
ria, quā efferentem se supra modum ex arce superna li-
berator deus deiecit. hunc tantis, tam eximijs cōfertisq;
bonis dignū habitū quid decet facere, nisi sermonibus,
cāticis, hymnis benefactori suo gratias agere? et hoc est,

ut mihi sit uerisimile, quod his uerbis subindicatur: benedictus deus Sem.] Quoniam qui deum in sortem accepit, is merito debet eum solum laudare ac benedicere, quando hoc tantum habet quod reponat, nec ualet referre ullam aliam gratiam. hæc sunt uota pro Sem facta: iam quæ pro Iapheth fecit qualia sint uideamus. Dilatet, inquit, deus Iapheth, & habitet in domibus Sem, & fiat Chanaan seruus eorum.] Eius qui solam honestatē bonum existimat, finis est breuior. in tanta enim rerum nos circumstantium copia, ad solam mentem restringem se applicat. Eius autem qui tria facit bonorum genera, animi, corporis, externa, rem concidens in multas particulas dissimiles, finis dilatatur. Quapropter proprie huic precatur latitudinem, ut etiam uirtutibus animæ, prudentia, temperantia, cæterisque singulis uti ualeat, præterque sanitate corporis, integritate sensuum, uiribus & robore, & id genus rebus alijs. adhæc externis quoque lucris, quæ ad diuitias, gloriam, usumfructum necessaria rum uoluptatum faciunt. hæc de latitudine. Considerandum cui precetur, ut in domibus Sem habitet. non satis enim id declarauit. Possumus tamen dicere, eum de omnipotente hoc uelle intelligi. Quæ enim domus in omni creatura inuenitur dignior quam deus inhabitet, præter animam perfecte purgatam, quæ solum honestū bonum existimat, cætera censet rationi subdita, & huic debere obsequium. dicitur autem in domo habitare, nō ut in loco: continet enim omnia, ipse à nulla re continetur: sed tanquam illius loci curam genes præcipuam. Quisquis enim domū possidet, necesse habet ut ei prouideat.

Pro=

Proinde in quemcūq; bonum illud deo carum impluit, petat ut omnipotens in ipso habitare dignetur: ut paruum hoc ædificium, mentem uidelicet, in altum sublatū à terra extremo cælo inferat. cæterum precationis uerba pulchre coaptantur. nam Sem tanquam radix uirtutis honestatisq; supponitur, ex qua frugifera planta sapiēs ille Abraham succreuit, ex quo nata progenies ille à se ipso doctus Isaac fructus est, ex quo rursum per labores seminantur uirtutes, in quibus decertat Iacob ad luctam cum affectibus exercitatus per angelos, ratione unctus non oleo. ab hoc principe duodecim tribus descendunt, quas diuina oracula aiunt esse regnum & sacerdotium dei, à primo Sem egregie procedente serie, iuxta uotum deo domos eius inhabitante. Est enim regis domus regia, reuera sacra solaq; ius asyli habēs. possumus tamen fortasse uotum hoc, & ad Iapheth referre, ut in domibus Sem habitet. nam ei qui etiam corporis commoda & externa lucra in bonis numerat, precari conuenit ut ad solum animæ bonum recurrat, ne in tota sua uita aberret à uera opinione, quæ sceleratissimis etiam execratissimisq; contingunt bona existimās, ut sanitatem, pecuniæ copiam, & id genus alia, cum uera bona malo nulli obueniant: nihil enim malo bonoq; commune esse natura uoluit. Quapropter tantum uotis felicitas ista expetitur, cuius finem non potest quisquam insipiens assequi. hunc finem ille primus probæ posteritatis autor scribitur optare cuidam è domesticis, dicens: Ad me reuertere: ut reuersus in eius sententiam, & solū honestum tanquam bonum complexus, à tergo relin-

quat

quat diuersas de uero bono existimationes. habitet igitur in domibus illius animæ quæ solum honestū esse bonum asserit, omīssis aliorum domicilijs, qui & corporis bona & externa habent in pretio. non immerito tamē insipientem in seruitutem addicit uirtutis cultoribus: ut aut sub dominatione potiorum ad meliorem uiuendi rationem transeat: aut si pergat esse improbus, facile pro potestate castigetur à suis dominis.

PHILONIS IV=

DAEI, DE GIGANTIBUS Liber.



Factum est quando cœperunt homines multiplicari super terrā, & natæ sunt eis filie.] Quærendum, opinor, cur post natiuitatem Noe filiorumq; illius, humanum genus multiplicatū sit. Fortassis in promptu causa est.

Semper enim collatus cum paucis, magnus numerus contrariorum inuenitur. Ideo generosa unius indoles, multorum prauum ingenium coarguit. Siquidē pauca quædam quæ fiunt ex arte ac scientia, uel quæ bona & honesta sunt, produnt quā ingens multitudo inertium, ignarorum, iniustorum, & in uniuersum nequā hominū in suis tenebris latuerit. Viden quod & in hoc quā late

late patet mundo sol unus immensas latissimeq; terra et mari diffusas tenebras quàm primum affulget, dispellit. Merito igitur etiam huius Noe iusti natiuitas eiusq; filiorum ostendit diuersam iniustorum multitudinē. Natura enim ita comparatum est, ut contraria eluceat per contraria. Cæterū nemo iniustus seminat in anima prolem masculam, sed qui sunt ipsi parum uiriles, fracti es foeminatiq; cogitationibus et sententijs, gignunt foeminas, ut expertes uirtutis feracis non nisi bonorum fructuum, et plantatores omnium uitiorum affectionūq; quarū muliebria sunt germina. Qua de causa filias homines hi genuisse dicuntur, nemo ex his filios. Quoniam enim Noe iustus mares gignit, quippe qui rectam masculamq; rationem sequitur, hoc ipso uulgus iniustu foeminas gignere ostenditur citra controuersiam. Non est enim possibile ut à contrarijs eadem gignantur, sed contraria. Viderunt angeli Dei filias hominū, quòd essent pulchræ, et acceperunt sibi ex omnib. quas elegerāt. Quos alij philosophi genios, Moses solet uocare angelos. Hi sunt animæ uolitantes per aerē. Nec est cur quisquam hoc fabulosum existimet. Necessum est enim ut totus mundus in omnibus sui partibus animata habeat, quando primariæ partes eius elementares sibi apta continent animalia, terra terrestria, mare ac amnes aquatilia, ignis ex igne genita: quæ feruntur plurima nasci in Macedonia. Cælum item sidera. Hæc enim in totū sunt animæ immortales diuinæq; , et ideo mouentur in orbem, qui motus menti cognatus est. Horum enim singulorū mens est integerrima. Proinde necessario sequitur,

ut

ut & aer sit plenus suis animalibus. Hec autem nobis sunt inuisibilia, cum & ipse non sit sensui uisibilis. Non tamen ideo quia non possumus animarum figuras uisu assequi, aer eis est uacuus. Comprehendere autem eas intellectu necesse est, ut simile contemplermur per simile. Nec enim negabimus omnib. terrestribus, aquatilibusq; uitam per aerem & spiritum contingere. Quid pestilentia, nonne aere uitiato solet accidere, qui singulos animat? idem quando illesus est & innocuus, qualis solet esse flantibus auris septentrionalibus, nonne haustus purioris spiritus multum ad incolumitatē proficit? & credimus eum qui alias aquatiles terrestresq; animantes animat, carere animabus proprijs? imò contrarium est credibilius, etiamsi reliqua elementa nihil animalium gignerent, tamen solum aerem animalia parere, quando singulari opificis gratia indita sunt huic animarum semina. Harum quædam descenderunt in corpora: quædam semper abhorrent ab omnibus terræ partibus. Harum sibi sacratarum ministerijs summus ille parens & opifex uti solet in administrandis rebus mortalium. At illæ alteræ tanquam in flumen descendentes in corpus, aliquando rapidissimis eius absorbentur gurgitibus: aliquando eluctatæ contra impetum, primum enatant, dein de reuolant illuc unde auolauerant. Hæ sunt animæ supernam quandam doctæ philosophiam, quæ ab initio finem usq; meditantur mortem corporum, ut incorpoream incorruptibilemq; uitam apud illum ingentium incorruptibilemq; adipiscantur. At quæ submerguntur, sunt reliquorum hominum, qui neglecta sapientia dediderunt.

derunt se incertis fortunæ flatibus, quorum nullus fert ad optimam nostri partem mentem uidelicet, sed omnes ad cognatum nobis corpus cadauerosum, aut ad res magis quam hoc inanimas, puta gloriam, pecuniam, potestates, honores, & cætera quæ homines nunquam uera bona contemplati, fingunt pinguntq; sibi decepti uanis opinionibus. proinde si cogites, animas, genios, angelos, non tam re differre quam nominibus, exoneraberis superstitionis onere grauisimo. Quemadmodum autem uulgus dicit bonos malosq; genios, & similiter animas, sic etiam angelos: alteros qui boni uocantur, legatos quosdam ultro citroq; commeantes inter deum & homines, sacrosanctos propter hoc inculpabile pulcherrimumq; ministerium: alteros ediuerso profanos ac nefarios, quos & ipse abominandos haud falso dixeris. Testis est hymnographus, cuius sunt hæc uerba in quodam cantico: Emisit in eos iram furoris sui, furorem, iram, oppressionemq; immisionē per malos angelos. hi sunt illi mali angelorum nomen usurpantes, qui rectæ rationis filias scientias & uirtutes nesciunt, morti autem obnoxias hominum mortalium progenies consecrantur, quæ nullam natiuam secum afferunt pulchritudinem sola mente uisibilem, sed fucatam formam qua sensus decipitur. Accipiunt uero non easdem omnes filias, sed alias alij selectas sibi ex innumeris. Quidam per uisum, quidam per auditum, quidam per gustum & uentrem, quidam per ea quæ sub uentre sunt, quidam etiam per remotissimas occasiones intendendo suas concupiscentias uarias. in talibus impossibile est manere ac perennare

Dei spiritum, sicut ipse legislator indicat. Dixit, inquit, dominus deus: Nō permanebit spiritus meus in his hominibus in seculum, quia caro sunt.] Manet enim interdum, sed nō permanet apud nostrum plerumq;. Quis enim est adeo rationis expertus aut animæ, ut nulla unquam de optimo illo maximoq; eum uolentem nolentēue subierit cogitatio? imò uel scelestissimis obuersatur nonnunquam repentina honestatis imaginatio, quam tamen apprehendere & apud se retinere nequeunt. Statim enim discedit emigratq; è tali domicilio, non ferens ius & fas inde profligatum esse: quales nunquam accedit, nisi ut cōarguat eos honestis prætulisse turpia. Dicitur autem Dei spiritus, uno modo aer fluens supra terram, tertium elementum quod super aquam uehitur: quamobrem in opificio mundi ait: Spiritus Dei ferebatur super aquā. Aer enim cum sit leuis attollitur & sursum fertur, aquam pro basi habens. Altero autem modo, immortalis illa scientia, cuius omnis sapiens merito fit particeps. Id ostēditur in artifice ac opifice sacri operis, his uerbis: Exciuit Deus Beselelem, & impleuit eum diuino spiritu, sapientiæ, intellectus, scientiæ, ad omne opus excogitandum. Quibus uerbis definitiue quid sit Dei spiritus describitur. Talis est etiam Mosi spiritus, qui uisitare solet illos septuaginta seniores, ut fiant præstantiores cæteris, & reddantur meliores, nō futuri uere presbyteri, nisi participatione illius sapientissimi spiritus. Sic enim dicitur: Auferam de spiritu qui in te est, & imponā in septuaginta seniores. Sed caue putes hanc ablationē fieri per abscisionē disunctionēq;, imo potius

qualis ab igne fit: qui etiā si facies innumeras accenderit,
 idē manet ne tā illū quidem diminutus. Talis est natura
 etiā scientiæ. Postquā enim discipulos et familiares peri-
 tos oēs reddidit, nihilo diminuitur: nōnunquā augetur
 etiā, sicut narrāt de fontibus, qui frequentātur ab aqua
 toribus. Nā & hos fertur hoc modo dulciores fieri. Sic
 cōtinua colloquia, meditationē & exercitiū afferentia,
 perfectionē absoluūt. Quod si proprius ipsius Moysi spi-
 ritus, aut cuiusvis creaturæ, tātæ multitudini familiarū
 distribuēdus fuisset, in tot portiōes concisus, utiq; dimi-
 nueretur. Nunc autē spiritus ille sapiēs, qui inest ei, diui-
 nus est, infecabilis, indiuisibilis, probus, qui ubiq; implet
 omnia, qui prodest absq; suo detrimento impartitus alte-
 ri, ut nihil decedat ipsius intellectui, scientiæ, sapientiæ.
 Quapropter fieri potest, ut spiritus Dei maneat in ani-
 ma, ut autē permāneat impossibile est, sicut diximus. &
 quid mirū? quādo ne aliarū quidem rerū ulla possessio
 firma & cōstans est, in tot mutationib. alijs super alias.
 Causa autē inscitie præcipua caro est, & cū hac interce-
 dēs familiaritas: sicut ipse fatetur, qui dicit, ideo non pos-
 se spiritū Dei permanere, quia caro sint. Certe & coniu-
 giū, liberorū educatio, parādæ rei familiaris necessitas,
 obscuritas, egestas, negotia tū priuata tū publica, & cæ-
 tera innumera sapientiā adhuc florentē arefaciunt. Sed
 nihil ei tāto impedimēto est, quanto natura carnū. Hæc
 enim tanquā fundamentū ignorantiæ ineruditionisq; pri-
 mū ac maximū subiicitur, super quod ille exædificatur.
 Animæ enim carnis expertes & corporis, desidētes to-
 tos dies in hoc amplissimo uniuersitatis theatro, uidēdo
 audien-

audiedoq; res diuinas, quas insatiabiliter expetūt, fruūtur uoluptate interpellata à nemine. Quæ uero grauantur carniū sarcinis, depressæ ab his nequeūt os ad cælestes cursus attollere, sed ceruice demissa, more quadrupedū, pronæ ad terrā affiguntur. Quapropter legislator sublaturus è medio cōcubitus incestos & illegitimos, in hunc modū præfatur. Homo homo, ad oēm domesticæ carnis suæ non accedet, ut reuelet eius turpitudinē: ego Dominus. Quomodo posset quis magis adhortari ad contemptum carnis & eorum, quæ carni amica sunt, q̃ uerbis his? atqui nō solum dehortatur, sed & certō pronūnciat, quod quisquis uere homo est, non accedet unquā sponte ad amicas cognatasq; corporis uoluptates, semper alienare se ab eis meditans. Siquidē hæc uox homo iterata significat, nō cōpositum ex anima & corpore, sed uirtutib. præditum hominē. nam hic est illeuerus, quē è priscis quidā accensa meridie lucerna, per contātibus obuijs, hominē aiebat se quærere. Quod aut̃ uetitū est, ne quis accedat ad quēcunq; carnis domesticum, habet rationē necessariam. Quædā enim admittenda sunt, ut cōmoda ista, quorū usu sanitatem tuemur. Superflua uero in malam rem ableganda, à quibus accense concupiscentiæ absumunt oēs uirtutes uno incendio. Proinde nō ad omnia quæ carni amica sunt, appetitus excitetur. uoluptates enim ferocientes per sepe canū more adblandite, repēte mutatae morsum insigunt insanabilem. itaq; uirtutis amicā frugalitatē complexi præ caris corpori, turbam ingentē hostium pertinacium profligabimus. Quod si quando tempus improbe postularit, ut supra

sufficientem modum accipiamus aliquid, ipsi tamen non accedamus. Dicit enim: Non accedet ipse reuelare turpitudinem. Hoc explicandum est quid sit. Sæpenumero quidam qui nullas congesserunt pecunias, tamen in re lauta fuerunt. Alij minime cupidi gloriæ, consensu ciuium laudati honoratiq; sunt. Quibusdam præter omnem spem magnum robur contigit. Omnes isti discant non esse accedendum mente ad quicquam talium: hoc est, non esse hæc ultra modum suspicienda, sed sic existimandū, hæc singula adeo non esse bona, ut sæpe magnam cladem afferat uel pecunia uel gloria uel robur corporis. Sunt enim hi proprij redditus, auarorum pecunia, ambitiosorum gloria, robur uero istorum qui certaminibus delectantur & gymnasiis: qui omnes animam præstantiorem dediderunt in seruitutem deterioribus rebus inanimis. sed quicunq; secum habitant, splendidas istas & multis concupitas felicitates intellectus imperio subiiciunt, accipiendo eas quoties ultro ueniunt in rectum usum, sed longe distitas non accedendo, quippe qui uel sine his possunt felices euadere. Quisquis autem has est propinquo & uestigio sequitur, replet philosophiam opinionibus turpibus, & ideo turpitudinem retegere dicitur. Nonne in propatulo sunt probra istorum qui se uocant sapientes, dum sapientiam uili pretio tanquam sub hasta in foro uenditant, nunc presenti lucro exiguo, nunc blanditijs suauiloquis, nunc pollicitationibus quouis somnio uanioribus. Quod autem subiungitur, Ego dominus, perpulchre apteq; ad docendum dictum est. Quasi dicat: confere bone uir, bonum carnis cum bono animæ cæ

terarumq; rerum omnium. illud carnale bruta uoluptas
est. Hoc uero uniuersale diuina mens numenq; quod re
git omnia. Bella collatio, quæ possit similitudine fallere:
ac si quis animata cum inanimis, bruta cum rationali=
bus, congrua cum incongruis, paria cum imparibus, lu
cem cum tenebris, diem cum nocte, deniq; omnia cōtra=
ria cum contrarijs conferat, & hæc prorsus eadem esse
contendat. Atqui hæc tametsi cognationem quandam
ut creata habeant, tamen Deus ne præstantissimæ qui=
dem creature similis est. quoniam quæuis creatura pa=
titur, ille ingenitus est & semper agit. Bonum sanè sue=
rit non deferere constitutum diuinitus ordinem, in quo
res gerenda est fortiter: nec transfugere ad effœmina=
tam fractamq; uoluptatem, cuius amicitia nocet, pro=
dest inimicitia. mirificam enim habet naturā: quos suis
bonis dignatur eos mulctat continuo: quos uero his pri
uat, eos adiuvat maxime. Nocent enim eius munera,
quæ mox ablata prosunt. Proinde ô anima, si quod uo=
luptatis amatorium te inuitat poculum, declina ab eo
& auersis oculis in genuinam natiuamq; uirtutis pul=
chritudinem, perge illam intueri, donec amore huius
correpta, traharis tanquam à magnete, ut attracta cum
adamata cohæreas. Ceterum hæc uoces, Ego dominus,
non sic tantum accipi debent, ac si diceret, ego perse=
ctum incorruptibile uerumq; bonum, quod quisquis cō
plexus fuerit, spernet ista imperfecta carni herentia:
sed perinde quasi diceret, ego princeps, rex & domi=
nus. Nec subditis in principum præsentia, nec seruis co
ram heris, tutum est iniq; agere. Cum enim præsto sunt

castigatores, timor continet in officio, quos non admo-
 net suum ingenium. Prope est enim deus qui replet om-
 nia: cuius conspectum ac presentiam si non reueremur,
 certe inuictam potentiam, & seueritatem ineuitabilem
 metuendo cōtinebimus nos à maleficio, reputātes quā-
 grauiter aliquando soleat animaduertere: ne sapientiæ
 spiritus diuinus à nobis demigret facile, sed quā lon-
 gissimo apud nos perseueret tempore: quemadmodum
 apud Mosē illum sapientissimum. Nam hic utitur pa-
 catissimis habitibus & quietissimis, aut stans aut sedēs,
 haudquaquam natus ad mutationes motusq; uarios. Di-
 cit enim: Mosēs & cista non mouebantur, siue quia uir
 sapiens nunquam à uirtute separari potest, siue quia &
 uirtus est immobilis, & uir probus immutabilis, quod
 ambo in recta ratione stabiliantur. & rursum alibi: Tu
 uero hic sta mecum, oraculum enim hoc prophetæ red-
 ditum est, de statione quieteq; immota apud deum nun-
 quam mobilem. Necessē est enim rectum fieri quicquid
 applicatur ad sanam regulam. Et hoc est cur mihi uide-
 tur nimius fastus cognomine Iothor, percussus inde fle-
 re semperq; sui simili proposito uiri sapientissimi exclā-
 mare scitando in hunc modum: Cur tu sedes solus? Qui
 enim considerat in media pace bellum continuum, non
 inter gentes, regna, ciuitatesq; subinde nascēs, sed in sin-
 gulis domibus, imo singulis hominibus, merito miratur
 posse aliquem frui serenitate in hieme, & tranquillitate
 in fluctibus. Vides quod ne ratio quidem summa sacer-
 dos, quæ semper immoratur & uacat sanctis dogmati-
 bus, omni tēpore habet ea uiuendi licentiā, sed uix semel
 annis

annis singulis? Quicquid enim effertur sermone, non est in tuto, cum ad duos pertineat. Quando autem sine uoce anima sola contemplatur eum Qui est, res est securissima, constabilita in unitate indiuisibili. Quemadmodum igitur in multis, id est multos uitæ fines sibi proponentibus, Dei spiritus non permanet, etiamsi apud eos uersetur ad tempus exiguum, sed uni tantum generi præsens est, quod exutum natiuis affectibus, intra uelum quo opiniones excluduntur penetrat ad deum expeditis nudisq; cogitationibus: sic & Moses extra castra totius corporalis exercitus fixo sibi tentorio, id est mente erecta & in nullam partem proclinante, adorare deum incipit: ingressusq; caliginem loci non conspiciui, manet illic, & initiatur mysterijs sanctissimis. Nec hoc contentus etiam alios his orgijs initiat, doctor rerum diuinarum, quas interpretatur purgatis auribus. huic certè semper adest dei spiritus, in omnem rectam uiam deducens. ab alijs, ut iam dixi, discedit ocissimè, quibus & uitæ præfiniuit terminum. dicit enim: Erunt dies eorum anni centum uiginti. sed Moses quoq; post expletū huius annorum numerum è mortali uita demigrat. & qui potest æquum uideri, ut noxij pares fiant ætate uati tam sapienti? In præsentia hoc solum sat erit dicere, quæ nomine communicant non omnino esse similia. interdum etiam diuersa toto genere, ut uile ac probatū possint esse paria uel numero uel tempore: quando inducuntur & in geminis: cæterū uires habent distantissimas inter se diuersissimasq; diligentiorè autem disputationè de CXX annis differemus quousque propheticam uitam totam

examinabimus, ubi ad eius mysteria fuerimus idonei.
 nunc sequamur textus ordinem. Gigantes autem erāt
 in terra diebus illis.] Aliquis fortè putat quæ poetæ de
 gigantibus fabulātur hic legislatorem subindicare, cum
 hæc immensum distent à fabulis, & ipsis ueritatis inhæ-
 reant uestigijs. Ideò laudatas elegantesq; artes picturam
 atq; statuariam e sua republica reiecit, quòd ueritatem
 mendacijs uitient, illudentes per oculos animabus facili-
 bus & credulis. Nullam igitur de gigantibus affert fabu-
 lam: sed illud te docere uult, alios esse terræ, alios cæli,
 alios dei homines. Terræ quidem eos qui uenantur uo-
 luptates corporis, & harum usumfructum, quærendo
 undecunq; singularum materiam. Cæli autem eos qui te-
 nent artes ac scientias, aut eas sectantur. Quod enim no-
 stri cælesti est, mens est: quæ & motus cæli considerat,
 & in reliquis exercet se artibus liberalibus, acumen in-
 telligendis huiusmodi rebus sibi comparans. Dei uerò
 homines sacerdotes & prophetae sunt, quorum maior
 est dignitas, quàm ut se misceant humanæ reipublicæ, et
 mundi ciues sint: sed sublimiores omnibus rebus sensi-
 bilibus, migrarunt in mundum intelligibilem, ibi sorti-
 ti domicilium, ascripti reipublicæ idearum incorporea-
 rum & incorruptibilium. Proinde Abraham quam diu
 hæbat in Chaldeorum terra opinioneq; & nondum
 mutato nomine uocabatur Abram, homo cæli erat, sub-
 limis æthereaq; naturæ scrutator, in effectib; eorumq;
 causis & id genus alijs philosophādo: ex quo studio &
 appellationem præsentem sibi quæsiuit. Abram enim in-
 terpretatur pater sublimis, nomen conueniens conside-
 ranti

ranti sublimia caelestiaq; intellectui, praesertim cum concreta huius naturae nostrae pater sit intellectus pertinens ad aethere[m] & ulterius. Sed quando iam seipso melior nomē mutaturus est, fit homo Dei, iuxta redditum sibi oraculum, Ego sum deus tuus. da operam ut mihi te approbes, & esto inculpabilis. Quod si unus totius mundi deus, ob priuatum affectum dicitur huius uiri deus, necessario ipse quoq; dei est. Interpretatur enim Abraham pater electus soni, id est intellectus probi uiri. est enim electus, purgatus, & pater uocis qua consonamus. talis autem uni deo dedicatur, cuius affecta factus, totius suae uitae semitam dirigit, incedens per uiam uere regiae, scilicet omnipotentis regis unici, in neutrum latus declinans & digrediens. at filij terrae mente sua exorbitantes, & puteos fodientes in inanima immobiliq; natura carniū (facti sunt duo in carnem unam, inquit legislator) adulterauerunt nomisma optimum, desertoq; meliore ordine suo, ad deteriore[m] contrariumq; transfugerunt, Nebrod huius facti principe. Dicit enim legislator, Hic coepit esse gigas super terram. interpretatur autem Nebrod transfugium. Non enim satis erat miserrimae animae neutrarum esse partium, sed accedens ad hostes arma sumpsit contra socios, & apertum his bellum intulit. Ideo Nebrodis regnum fuisse traditur Babylon, id est transpositio, eadem res quae transfugium, pari cognatione rerum ac nominum. Quisquis enim molitur transfugere, mentem mutat & transponit. Consequens igitur est iuxta Mosē sanctissimum, malum uirum esse non modo extorrem & exulem, sed etiam transfugam:

bonum uerò, constantissimum socium. Hactenus de gigantibus dixisse contenti, transeamus ad sequentia. Sunt autem hæc.

PHILONIS IVDÆI,
QVOD DEVS SIT
immutabilis, Liber.



Ostea, inquit, cū ingressi essent angeli dei ad filias hominū, illæ genuerunt eis.] Quærendum quid sibi uelit illud postea. Est relatio, indicans aliquid ex præcedētibus. Præcessit autem mentio de diuino spiritu, quem permanere seculis omnibus in multifaria multiformiq; anima, induta ponderosissimis carnibus, dictu est perdifficile. Post illum spiritum angeli ad filias hominum ingrediuntur. Etenim quantisper anima illustratur purissimis intelligentiæ radijs, per quos deum & eius potentias uidet sapiens, nullus nequam angelus subintrat cogitationem, sed extra locum aspersione lustratum omnes excluduntur. ubi uerò hebetatum mentis lumen fit opacius, illi tenebrarum amici arrepta occasione fortuita, cum affectionibus effoeminatis, quæ hic uocantur filia hominum, congressi gignunt sibi, non deo. Quod enim proprie deo gignitur, uirtutes sunt integræ: sicut depræ-

QVOD DEVS SIT IMMVT. 411

deprauata uitia ad cognitionem malorum pertinent. Proinde disce si uis, ô mens, non tibi ipsi gignere, exemplo Abrahami perfectissimi, qui dilectum, unigenitum, animæ germanum filium, effigiem à seipsa doctæ sapientiæ, nomine Isaac offert deo, & reddit magna cum altitudine, quasi necessariam debitamq; gratiam, uinctum pedibus, ut ait lex, & noui generis uictimam: siue quia iam nihil mortale deo destinatus calcare dignabatur: siue quia uidit creaturam esse instabilem, postquã cognouit firmitatem eius Qui est certissimam, cui credidisse dicitur. Huic successit Anna ipsius discipula, donum diuinæ sapientiæ. interpretatur enim hoc nomē gratia. Hæc enim diuino semine grauida, ubi perfectum pariēdi tempus aduenit, enixa est morem deo sacratum, cui faustum nomen imposuit Samuel, quod interpretatur ordinatus deo. moxq; acceptum datori reddit, nullum suum proprium bonum iudicās, nisi ex diuina gratia. Sic enim in primo Regnorum ipsa loquitur: Do tibi eum donum. ac si dicat eum qui donum est, id est dono gratuito acceptum tibi do: iuxta illud dictum Moysi sanctissimi: Dona mea, munera mea, sacrificia mea seruabitis offerre mihi. Cui enim gratia debetur nisi deo? aut quomodo ci referetur, nisi per hæc ipsa quæ accepimus? nec enim aliunde licet capere. Qui nullius indigus offerri sibi postulat propter summam suam erga genus nostrum benignitatem: ut per studium cultus diuini & gratiarū actionis puri fiamus ab iniquitatibus, & abstergamus uitæ sordes contractas uel uerbis uel operibus. Est enim stultitia, cum templa nō subeas nisi corpore à balineis nitido,

uota

uota sacraq; facere mente impura contaminataq; atqui
 templa è saxorum lignorumq; inanima constant mate-
 ria. Et cum nefas sit corpus suapte natura inanime ina-
 nima tangere; ferendum uidetur, ut deum purissimū ac-
 cedat quis impuram habens animam, nisi mox sequatur
 pœnitentia? Quisquis enim nullius præteriti peccati si-
 bi conscius, etiam uetera conatur eluere, accedat bono
 animo. sin minus, absistat cum impurus sit, non poterit
 enim fallere perspicientem mentis sinus intimos, & in-
 ambulatē in eius penetralibus. Cæterum animam deo
 caram pulchrè describit etiam illud canticum: Sterilis
 peperit septem, fœcunda uerò defecit. Atqui unius Sa-
 muelis mater est quæ hæc dicit. & quomodo ait septem
 se peperisse, nisi quis unitatis & septenarij naturam ean-
 dem existimat, non solum in numeris, sed & in mundi to-
 tius harmonia, & in animæ probæ rationibus. Samuel
 enim in solius dei ministrorum ordinem ascitus, nemini
 præterea seruiens, ab uno & ente honestatur. qui status
 est septenarij, animæ in deo requiescentis, & nullis mor-
 talibus occupatæ negocijs: quādo excedit senarium, qui
 attributus est primatum assequi non ualentibus, & in
 secundo gradu consistere necesse habentibus. sterilem igitur
 non iam effœtam, sed etiam nunc uigentem, in forti-
 tudinis tolerantiaq; studio decertantē ob opimum præ-
 mium, credibile est septenarium unitati honore parem
 parere, quorum numerorum fœcunda & prolifica na-
 tura est. fœcundam uerò illam ait defuisse gignere libe-
 ros, idq; uerè ac euidenter. quando enim anima cum sit
 unica multos parit ab uno illo disiuncta, merito fit nu-
 merosissima

merosissima. deinde grauata oppressaq; multitudine natorum à se pendentium, quorum plerique immatur abortiuq; sunt, uiribus deficit. parit enim quicquid ad formas coloresq; pertinet, per oculorum concupiscentiam: quicquid ad uoces, per aurium. pręgnas fit etiam ex uentris & eorum quę sub uētre sunt desiderijs. itaq; grauata natorum ex se pendentium tanto numero, manibus prę languore demissis deficit. ad quę modum uinci contingit omnibus, qui corruptibiles ipsi gignunt sibi corruptibilia. nonnulli uerò non solum uinci, sed & mori sustinent, nimis amori sui dediti. Vt ille Onan, qui sentiens semen sibi non profuturum, non prius desuit rationale genus in rebus pręstantissimum corrūpere, quā ipse totus perijt. & merito. Nam si omnes oninia sui causa facturi sunt, nihil parentum honorem, liberorum disciplinam, patrię salutem, legum incolumitatem, gentium constitutionem, non ullum priuatum publicumue officium, non sacrorum ceremonias, non pietatem erga deum curando, erūt infortunatissimi. nam unumquodq; ex his quę diximus, uel periculo uitę redimendum est. at isti hęc cuncta expetenda tantopere, facile contemnunt, si nihil uoluptatis afferant. Quapropter deus iustus iudex hanc immanem opinionem quę nominatur Onan tollit ē medio. nec minus abominandi sunt omnes qui sibi ipsis generant, id est qui propriam tantum utilitatem captant contemptis ceteris, tanquam sibi solis nati, non item innumeris alijs, patri, matri, uxori, liberis, humano generi: & hoc amplius, si dicere fas est, celo, terrę, uniuerſo mundo, scientijs, uirtutibus, patri ac re-

etorē

etori uniuersorum, quorum singulis quantum licet red-
 dendum est debitum officium: & sic cogitandum cuiq;
 nō propter ipsum facta esse cætera, sed ipsum esse aucta-
 rium rerum omnium. Verū de his satis, contexamus se-
 quentia. Vidēs dominus deus quòd multa malitia homi-
 num esset in terra, & omnis eorum intentio prona esset
 ad malum toto uitæ tempore, recogitauit deus quòd ho-
 minem fecisset in terra. dixitq; deus intra se: Delebo ho-
 minem quem creauī à facie terræ.] Non deerunt for-
 tassis nefarij quidam qui suspicabuntur legislatorē sub-
 indicare, pœnituisse opificem creati hominis, uisa tantæ
 impietate, uoluisseq; hac de causa uniuersum id genus
 extinguere. Hi sciāt se istiusmodi opinione subleuare ac
 extenuare peccata priscorum hominum, si conferantur
 cum ipsorum impietate. Quod enim potest esse grauius
 erratum contra deum, quàm credere mutari eum cum
 sit immutabilis? quamuis quidam opinantur, ne homi-
 nes quidem ueros ambigere incertis sententijs. nam sin-
 ceros philosophos hunc præcipuum ex sua scientia fru-
 ctum decerpere, quod non mutantur unā cum negocijs,
 sed inflexa cōstantia se adaptāt rebus omnibus. Quin
 & legislator probat hoc trāquillitatis studium. dictum
 enim illud ad sapientem ex persona dei: Tu uerò hic sta
 mecum: mentem fixam & à recto nusquā dimotam com-
 mendat. est enim profecto mirandum, si quis lyre in mo-
 dum animam musica arte coaptatam, nō sonis acutis et
 grauibus, sed rerum inter se contrariarum scientia, &
 meliorum ex his delectu, neq; intendat plus æquo, neq;
 remittat, emollita uirtutum rerumq; suapte natura ho-
 nestarum

QVOD DEVS SIT IMMVT. 415

nestarum harmonia, conseruans eam in eodem tempera-
 mento concinne pulsandi psallendiq; hoc enim instru-
 mentum natura fecit absolutissimum, quod imitatur ma-
 nufactæ organa. id si quis pulchrè temperauerit, efficiet
 symphoniam longè optimam, quæ non in sonoræ uocis
 fractos tonos desinit, sed in laudata uitæ officia. Ergo
 cum hominis anima tempestatè, subitis uehementibusq;
 uitiorum procellis irruentibus excitata, scientiæ sa-
 pientiæq; auris componat, sedatisq; tumidis undis ad
 tranquillitatem reducat: dubitas an ille incorruptibilis,
 beatus, uirtutis, perfectionis, felicitatisq; potens, non e-
 geat mutatione sententiæ, sed immaneat primis consi-
 lijs, non supponens alia? siquidem humana facilè mu-
 tantur, uel propter ipsorum hominum, uel propter ne-
 gociorum inconstantiam. Verbi gratia: amicos eligimus
 sepe, quos post non longam consuetudinem ob nullam
 ipsorum culpam auersamur, & in loco inimicorum aut
 certè ignotorum habemus. hoc factum leuissimam faci-
 litatem nostram arguit, qui non possumus perseuerare
 in pristino proposito. at deus non uertit fauorem in fa-
 fidium. interdum tamen statuimus manere in sententia:
 sed familiares non manent sui similes. itaq; necessario
 noster quoq; animus unà cum eis mutatur. præuide-
 re enim futuros negotiorum exitus, aut sententias alio-
 rum, nemini mortali est possibile: deo autem, ut in lu-
 ce purissima, omnia sunt conspicua. penetrans enim si-
 nus intimos animæ, uidet quæ non cernuntur alijs, &
 pro sua prouidētia præsciētiaq; quæ uirtutes ei peculia-
 res sunt, nihil abuti libertate sinit, et suæ potestati exin-
 quan-

quandoquidem etiam futurorum incertitudo non cadit
 in ipsum: apud quem nec futurum est quicquam nec in-
 certum. Liquet igitur necessario sequi ut & parenti sua
 progenies, & opifici suum opificium, & curatori suo
 quæ ab eo curantur, nota sint. Deus autem reuera pa-
 ter, artifex, curator est rerum quæ cælo mundoq; conti-
 nentur omnium. Atqui futura obscurantur à uenturo tem-
 pore, nunc breuiore, nunc longiore. Deus uerò & tem-
 poris est opifex. est enim pater patris eius: mundus ue-
 rò pater tēporis, quod motu suo progenerat. itaq; tem-
 pus nepotis dei seriem obtinet. mundus enim hic iunior
 dei filius est, utpote sensibilis. senior enim hoc non tra-
 ditur, sed intelligitur: qui pro iure primogeniturae apud
 patrem manet. Ceterum iunior filius sensibilis motu suo
 naturam temporis fecit existere. itaq; apud deum nihil
 futurum est, cui subiiciuntur etiam termini temporum.
 Namq; non tempus, sed temporis exemplar æuum, uita
 superiorum est. in æuo autem nihil præterijt, nihil futu-
 rum est, sed præsens tantummodo. Postquam igitur sa-
 tis declarauimus, non pœnitere eum Qui est, restat ut
 doceamus quid sit illud Recogitauit deus quod fecisset
 hominem in terra, dixitq; intra se.] Cogitationem de-
 liberationemq; alteram intus reconditam, alteram iam
 certo prolatam, duas potentias opifex rerum cum ha-
 beat, eisq; utatur, opera sua considerat: quæ ordinem
 non deferunt, & in officio manēt, comprobant: in ea quæ
 deficiunt, nec seruant ordinem, animaduertit. Corpora
 bus enim alijs habitum, alijs naturam, alijs animam, alijs
 rationalem animam addidit. Saxa lignaq; à cognatis di-
 uulsa

inlusa, habitu astrinxit ceu uinculo ualido, hic autem est spiritus reuertens in seipsum, incipiens enim à medio, pertingit ad extrema, moxq; à superficie cursum reflectit, donec in eum locum perueniat, à quo primum profectus est. Hic est ille habitus, cursus recursusq; indefinens, cuius imitationem cursores post tertium quemq; annum in theatris frequentissimis ostentant, tanquam rem egregiam & contentione dignissimam. Naturam autem attribuit stirpibus, contemperatam è pluribus potentijs, nutritiua, mutatiua, augmentatiua. Nutriuntur enim, cum alimentis opus habeant, id deprehenditur, quia nisi rigentur, arescunt & pereunt, sicut rigata manifestum incrementum accipiunt. Nam quæ prius paululum ab humo se attollebant, euadunt in arbores procerissimas. de mutatione autem harum, quid attinet dicere? brumali tempore folia siccata humi sternuntur: & in palmitibus oculi, sicut rustici uocant, conuiuent, tanquam animalium, & innata ad germinandum ora comprimuntur, natura tunc intus conclusa quiescenteq;: ut post respirationem, quasi athleta lassus certamine, recolligat uires, atq; ita de integro ad labores anniuersarios redeat. id fit uerno æstiuoq; tempore. Tunc enim tanquam expergesceta è somno profundissimo, & oculos aperit, & clausa ora patefacit. Quibus autem grauidæ est parit omnia, pampinos, palmites, clauiculos, racemos, fructum deniq;. Quo absoluto, nutrit eum quasi mater liberos, per quosdam latentes meatus, qui respondent mamillis mulierum. Nec prius nutrire desistit quam fructus ad perfectam maturitatem perueniat. Est autem

maturitatis signum, quando defluit etiam attingente nemine, & diuelli ab adnatis properat, utpote iam mater-
 nis alimentis non indigens, & idoneus si in agrum bo-
 num incidat, ad profeminandas gignendasq; stirpes ma-
 tri suæ similes. Animam autem fecit opifex à natura dis-
 ferentem tribus his, sensu, imaginatione, impetu. Stirpes
 enim sensus, imaginationis, impetusq; omnino expertes
 sunt. Animal autem unumquodq; his cunctis est prædi-
 tum. Sensus igitur, sicut allusio Græci nominis ad εἶδεν
 οὐκ indicat, obiecta infert intellectui. in hoc enim capax
 amplissimumq; penuarium uisus, auditus & ceteri sen-
 sus reponunt omnia. Imago uero est figurarum in
 animam impressio. Nam quicquid important sensus sin-
 guli, hæc obsignat suo charactere tanquam anulus. in-
 tellectus autem refert ceram, impressum sigillum exci-
 piens & seruans apud se, donec id obliuio memoriæ ho-
 stis obscuret, aut in totum aboleat. Id autem quod im-
 pressit characterem, nunc familiariter, nunc secus afficit
 animam: is affectus uocatur impetus, quem definiunt pri-
 mum motum animæ. Tanto præstantiora sunt animalia
 stirpibus. Videamus quā re homo antecellat cetera.
 Hic eximium munus sortitus est mētem, quæ cunctas na-
 turas corporū & rerum solet comprehendere. Quem-
 admodum enim corporis regimē est penes oculos, mun-
 di uero penes lucis naturam: eodem modo imperium in-
 nos mēs obtinet. Hæc est enim oculus animæ, illustratus
 splendore proprio, per quem dispelluntur altissimæ tene-
 bræ, offusæ à rerum ignorantia. Hæc animæ species, non
 ex eisde quibus ceteræ elementis facta est, sed puriorem

Et meliorem est nata essentiam, ex qua nature diuine sunt condita. Quapropter sola mēs in nobis merito immortalis censetur. Solam enim hanc pater iussit esse liberam, exemptam & dimissam ē necessitatis uinculis, donatamq; munere decentissimo uoluntatis spontaneae, quatenus eius capax erat. Nam brute animantes, quarum animabus non inest mens donata libertatis privilegio, subiugatae frenataeq; traduntur ad ministerium hominū, tanquam heris mancipia. Homo autem liberam facultatem & sui iuris sententiam sortitus, ex destinato pleraq; faciens, merito uituperium incurrit, si prudens sciensq; peccat, sicut ē diuerso laudem, quando sua sponte benefacit. Nam stirpium animaliumq; nec ubertas laudatur, nec si male proueniant, uituperantur: quod uterq; hic motus, & utraq; mutatio, non est uoluntaria: sed sola hominis anima quae accepit à deo motum uoluntarium, hactenus illi similis, à molestissima grauissimaq; hera necessitate, quantum licuit, manumissa, iure accusari posset, si liberatorem suum non coleret, nō euasura poenanz quae animaduertit in libertorum ingratitude. itaq; recogitauit, & intra se dixit deus, nō nunc primum, sed iam dudum firmiter, quod fecisset hominem, id est, qualem eum condidisset. Condiderat enim liberum, ut relictus uoluntati propriae quicquid placeret, ageret: idq; hanc ob causam, ut sciens quid bonum sit quid malum: & quid intersit inter honesta turpiaq; reputans, quid item inter aequa & iniqua, et in uniuersum uirtutē inter & uitii, eligeret meliora, deteriora fugeret. In eam sententiam & oraculum extat in Deuter. Ecce posui ante

faciem tuam uitam & mortem, bonum & malum: tu uitam elige. Ergo utrunq; hinc discimus, quòd & insita sit hominibus boni ac mali scientia, & meliora deterioribus anteferre debeant, cum habeant deliberationem tanquam incorruptum iudicem, quæ rectæ rationis monitis pareat, reiectis contrarijs suggestionibus. Quoniam igitur & de his sufficienter differuimus, uideamus sequentia. Sunc autem hæc. Delebo hominem quem feci à facie terræ, ab homine usq; pecudem, à reptilibus usq; uolucres celi: quia recogitauì quòd fecissem eum.] Hic quoq; nonnulli de quibus iam dixi, his auditis credunt eum Qui est irasci & furere. At ille nullo unquam affectu corripitur. Hæc enim humanæ infirmitatis sunt uitia. Deus autem & à brutis animæ affectionib; abest plurimum, & à partibus membrisq; corporis. nihilominus inueniuntur hæc apud legislatorem docendi gratia, ut sic moneantur qui non possunt castigari aliter. Nam in præceptis & interdictis legum, quæ propriè leges sunt, duo summa capita ab earum autore sunt proposita: alterum non esse deum sicut hominem: alteru uerò, esse eum sicut hominem. Prius confirmatur ueritate certissimā, alterum adhibetur ad erudiendam uulgarem multitudinem: ad quā dicitur, illum more hominū castigare suos filios. Quod admonendi causa, non quia suapte naturæ talis sit, dictum est. Nam hominum pars amici sunt animæ, pars uerò magis fauent corpori. Animæ socij habentes cum incorporeis naturis consuetudinem, cum nullarum rerum idea comparat eum Qui est: sed extollentes eum super omnem qualitatem (hoc enim unum ad beatitudinem

nem summamq; felicitatem pertinet, nudam eius sine omni figura essentiam comprehendere) sola eius essentia imaginatione contenti, nullam formam affingunt. At forderati corporis, cum non possint exuere indumentum carneum, quales opiniones de seipsis, tales etiam de omnium rerum autore concipiunt, quippe qui non ualent naturam illam solam nullius egentem, simplicem, sinceram, incomparabilem cernere: nec reputant quod qui constat e potētis compluribus, eget etiam pluribus partibus ad singularum ministeria. Sed Deus, utpote ingenuitus & creator omnium, non opus habet istis creaturarum accidentibus. Quid enim dicemus de usu instrumentalium partium? pedes ei dabimus progrediendi gratia? at quò ibit, cum impleat omnia? quem accedet, cum neminem honore parem habeat? aut quam tandem obrem, cum humanis curis careat? quid manus ad accipiendum dandumq;? ipse à nemine quicquam accipit, quippe qui non solum non eget, uerumetiam uniuersa possidet. Donat autem uerbo suo munificētiam administrante, per quod mundum condidit. Oculis certè non eget, quibus sine luce sensibili nihil comprehenditur. At sensibilis lux creata est. Deus autem propriæ lucis usu uidebat etiam ante mundum conditum. De nutritionis instrumentis, quid attinet dicere? Nam si hæc habet, nutritur etiam, & satiatus egerit, ac rursum ex interuallo esurit, ceteraq; facit quæ nemo pius diceret. Nam fabulæ uerbis quidem humanam formam, re autem humanos affectus deo tribuunt. Cur igitur Moses pedes, manus, introitus, exitus, prædicat de illo ingenito? cur ad

arcendos hostes eum armat? cur gladio, sagittis, pestifero igne, fulminibusq; instruit? poetica ista uidentur, autorem summum armari, licet illic diuersa sint nomina. At hic noster addit etiam zelum, furorem, iras, & ceteros humanos affectus similes. Respondebit tamen scitanti: heus uos, oportet legislatorem unicum habere propositum, ut prosit omnibus ad quos peruenit. Quotquot igitur felicioram naturam sortiti sunt, & educationem inculpabilem, inuenta hac uitæ uia publica directaq; , ueritate comite faciunt iter, cuius uerissimis de eo Qui est mysterijs initiati, nihil creatum affingunt ei. His discipulis maximè conuenit capitulum illud sacræ literaturæ. quod Deus non sit sicut homo, nec sicut cælum, nec sicut mundus. Nam hæ species habent qualitates suas, & percipiuntur sensibus. At ille ne mente quidem comprehenditur, nisi hætenus quod sit. Est enim essentia quod in eo intelligitur: qua quicquid caret, nihil est. Hebetiores autem tardioresq; , & à pueritia perperam educati, nec ualentes acutè cernere, medicis opus habent legislatoribus, qui ad præsentem morbum debitam curam accommodent. Nam seruis quoq; male educatis & insipientibus herus prodest terribilis, sæuitiem enim eius & minas timendo, uel inuiti continentur in officio. Discant igitur quotquot tales sunt uel falsa, modo utilia, si per ueritatem ad bonam frugem reduci nequeunt. Nam & his qui corporis morbo laborant grauiter, legitimè instituti medici non sustinent uera proloqui, cum sciant eos inde fore deiectione animo, ita ut malum in crude scat: sed adhibent contrarias

trarias consolationes, ut & ægrotus fiat ad tempus fe-
dator, & ægritudo remissior. Quis enim sana men-
tis eum sic alloqueretur: heus tu, secaberis, ureris, mu-
tilaberis, etiam si hæc necessario ferenda essent. Nemo
prorsus. Alioquin ille collabatur animo, accedente no-
ua grauiore molestia ad morbum corporis, & libenter
se curationi subtrahet: quod si falsa expectatione deci-
piatur à curante, patienter sese præbebit ad omnia salu-
bria, quantumuis cruciabilia. Proinde legislator noster
cum sit optimus animarum medicus, unicum finem ha-
bet propositum, ut radicibus mentis infirmitates exse-
cet, ne ex reliquijs repullulet malū immedicabile. Quod
ita se sperauit effecturum, si autorem creaturarum in-
duceret minacem, indignabundum, iniustus seuerè in-
tentantem supplicium, nonnunquam arma corripien-
tem in improborum perniciem. Nec enim aliter emen-
datur insipiens. Et ideo mihi uidetur duobus iam dictis
capitibus, quòd deus sit sicut homo, & non sicut homo,
alia duo generis eiusdem contexuisse, timorem atq; dile-
ctionem. Omnes enim legum ad pietatem adhortationes
uideo referri uel ad dilectionem uel ad timorē eius Qui
est. His igitur qui nec membra, nec affectus humanos
deo tribuunt, sed religiose de illo, pieq; sentiunt, dilectio
maximè conuenit, timor uerò ceteris. Quæ igitur ante
questionem præstruenda fuerant, hæc sunt. Redeun-
dum iam ad cœptam considerationem, qua hæsitaba-
mus quid sibi uelint hæc uerba, Indignatus est, quòd se-
cisset eos.] Fortasse tale quiddam docere uult, quòd
mali apud deū in indignatione sint, boni uerò in gratia.

Nam mox dicit, Noe autem inuenit gratiam.] Ceterum ira quæ passio hominis est propria, figuratè de eo Qui est intelligitur necessario, quando quicquid per iram, metum, dolorem, uoluptatem, aut quamcunq; affectionem agimus, confessione omnium culpabile est ac reprehensibile. Sicut è diuerso laudabile, quicquid cum recta ratione coniunctum & scientia. Vides quàm caute loquatur, Indignatus sum, quia feci, non contrà, Quia feci eos indignatus sum? Nam hoc posterius de poenitente dici poterat, quod non fert natura Dei providentissima. Prius autem illud est inducentis dogma generale, iram esse peccatorum fontem, sicut rationem originem bonorum operum. Memor autem perfectissime suæ bonitatis Deus, etiamsi omnes homines, aut maxima eorum multitudo suapte culpa ruat in perniciem, tamen salutarem dextram porrigens, sustentat & erigit, non sinens uniuersum genus deleri. Quapropter nunc ait, Noe inuenisse apud eum gratiam, quia ceteri daturi sunt poenam ingratitude, ut salutaris misericordia temperetur peccatorum damnatione, sicut hymnorum cantor dicit alicubi, Misericordiam & iudicium cantabo tibi. Nam si Deus mortalem iudicaret sine misericordia, atrum ferret calculum, cum nemo à natiuitate ad obitum usq; sine lapsu percurrat uitæ spacium, sed aliquando sponte cadat, aliquando fallente uestigio. Vt igitur genus maneat incolume, etiamsi multæ pessum eant species, admiscet misericordiam, quam interdum etiam indignis exhibet, nunc præuenientem iudicium, nunc sequentem. Antiquior enim apud eum est

mise-

misericordia quàm iustitia, quippe qui poena dignum
 nescit non iudicatum, sed ante iudicium. Quamobrem
 aliubi dicitur: Calix in manu domini, uini meri plenus
 temperamento. Atqui temperatum non est merum, ha-
 bent tamen hæc rationem naturalem, his quæ dixi-
 mus, consentaneam. Deus enim potentijs suis erga sei-
 psum meris utitur, temperatis autem erga suas creatu-
 ras. Meras enim natura mortalis haudquaquam po-
 test capere. An putas cum non possis meram solis flam-
 mam obtueri: extinguetur enim uisus fulgore radio-
 rum hebétatus, prius quàm perspiciat: quamuis & sol
 unum est ex diuinis operibus, pars cæli, globus æthe-
 reus: posse te intueri potentijs illas increatas, ita ut me-
 re circa ipsum sunt eiiculantes fulgorem splendidissi-
 mum? Quemadmodum igitur solis radios extendit opifex à cælo usq; terminos terræ, ut uehementia calo-
 ris eius remitteretur, laxareturq; per aerem frigidum:
 nam hoc eos temperauit, ut quod inest lucidum seiun-
 ctum ab igne flammeo, remissisq; urendi uiribus, illu-
 stratiuis autem retentis, cognatæ sibi luci repositæ in o-
 culis occurreret suauius: ex horum enim congressu ob-
 uio, & quasi consalutatione quadam, perspiciendi uis
 efficitur: ad eundem modum scientiam & sapientiam
 Dei, item prudentiam, iustitiam, cæterasq; uirtutes sin-
 gulas, quis mortalis sinceras posset excipere, quod ne
 totum quidem cælum, totusq; mundus potest? Proinde
 cum sciret opifex quàm immensa sint sua bona omnia,
 & creaturæ quantumuis arrogantis naturalem imbe-
 cillitatem, nec in beneficijs nec in pœnis uult totam uim

suam exerere, sed quantam uidet earum capacitati suffi-
 cere. Quod si remissam mediocremq; potentiarum eius
 temperaturam haurire & ea frui contingeret, satis hi-
 laritatis perciperemus, qua perfectiorem non est cur re-
 quirat humanum genus. Iam enim ostendimus quæ sin-
 cera mera uereq; summa sunt, circa solum eum Qui est
 existere. Confirmat hanc sententiam quod aliubi dicitur:
 Semel dominus locutus est, duo hæc audiui. Nam quod
 dicit semel, mero est simile. Etenim merum est unitas, &
 unitas merum. Illud autem bis, mixto est simile. Vtrunq;
 enim non simplex est, cum coniunctionem seiunctio-
 nemq; recipiat. Itaq; Dei uox est mera unitas. Nec enim
 sermo eius percussio fit aere, cum mixtura omni careat,
 incorporeus, nudus, nihil ab unitate differens. Nos au-
 tem audimus binario. Spiritus enim è pectore missus
 per asperam arteriam, formatur quidem in ore à lingua
 tanquam ab opifice: prolatus autem foras, & permi-
 xtus aeri cognato, eumq; uerberans, concinnam bi-
 narij temperaturam efficit. Quod enim è diuersis so-
 nis consonat, binario diuisibili primum conuenit, to-
 num acutum & grauem habenti. Pulchrè igitur multi-
 tudini cogitationum iniustarum unum iustum oppo-
 suit, numero quidem inferiore, sed plus ualentem, ne
 tanquam in bilance prægrauaret deterius, sed cōtraria
 ui melioris eleuatum, uires amitteret. Iam quid sit illud,
 Inuenit Noe gratiam coram domino deo] unà conside-
 remus. Qui aliquid inueniunt, aut prius amissum repe-
 riūt denuò: aut nō quod prius habuerāt, sed nouum lu-
 crū acquirūt. Hanc inuentionem, illam redinuentionem

uocare solent curiosi uocum propriarum. Prioris exemplum manifestum est in magna illa precatione. Est autem precatio, bonorum à Deo postulatio. Porro magna precatio est, credere Deum autorem esse bonorum ex seipso, nec egere ad benefaciendum alieno auxilio, non terræ tanquam frugiferæ, non pluuiæ tanquam adiuantis satorum, plantarumque incrementum, non aeris tanquam ad alendum idonei, non agriculturæ tanquam fertilitatis causæ, non medicinæ tanquam salubris, non nuptiarum tanquam prolificarum. Nam hæc omnia uirtute Dei mutantur, uertunturque, ut sepe præter morem effectus habeant contrarios. Hunc igitur ait Moses autorem esse, qui nutrit comam capillum capitis, id est in mente incrementum dantem decretis summarijs iuxta præceptorum capita, quibus illa honestatur ceu cõpto capillitio. Non nunquam tamen has comas amittit, irruente in animam repentino quodam turbine, et abripiente honestamenta eius omnia. Est autem is turbo mutatio quædam inuoluntaria, mentem repente contaminans, quæ mors uocatur. Attamen restituta sibi et purificata recipit eas, et reminiscitur quicquid prorsus oblita fuerat, et quæ amiserat inuenit, ita ut prioris mutationis dies in ratione non computentur, uel quia non habet rationem ista mutatio, sicut et à prudentia plurimum discrepat: uel quia non est digna cuius habeatur ulla ratio. Talium enim, ut quidam inquit, nec ratio, nec numerus. Sæpe autem incidimus in ea quæ ne in somnis quidem unquam uidimus: sicut de agricola fertur, qui scrobem parans plâte frugiferæ, in thesaurum incidit, auctus in sperata
feli-

felicitate. Certè meditator ille, scitante patre de tali modo scientiæ, Quid est quod tam cito inuenisti fili, respõdens inquit: Quod tradidit dominus Deus coram me. Quando enim tradit suæ sapientiæ contemplationes sine difficultate ac labore, has repente nacti præter expectationem, thesaurum perfectæ felicitatis inuenimus. Si quidem usu uenit, ut alij magno labore quæ sita non inueniant: alij sine cura & negotio, de quibus non cogitarant reperiant. Nam eorū qui hebetiores tardioresq; habent animas, sicut orbat oculis, labor in contemplandis scientijs est inutilis: qui uero feliciore ingenio sunt præditi, absq; inquisitione multa inueniunt fortuito, dū recte coniecturam faciunt: ut ea uideantur acquirere, non studio, sed rebus ipsis ultro in conspectum eorum properantibus, & in notitiam sese ingerentibus. De his legislator ait, datas eis ciuitates magnas & bonas, quas non ædificarunt: domos plenas opibus, quas non repleuerunt: cisternas è saxo excisas, quas non exciderunt: uineta oliuetaq; quæ non plantarunt. Ciuitates domosq; figurate, generales specialesq; uirtutes subindicat. Nam ciuitati genus est simile, quia patet amplioribus pomærijs, & commune fit compluribus: species uero domui, quippe contractior, & minus communis. Per cisternas autem paratas intelliguntur alieno labore parata præmia, conceptacula cælestis liquoris potabilis, thesauri ad conseruandas dictas uirtutes cōmodi, ex quibus animæ perfectæ lætitia nascitur, uero lumine radians. Proinde per uineta lætitiā, per oliueta lumen significat. Felices quibus hoc contigit, qui quasi ex alto somno experre-

perrecti, mundum repente contemplantur sine labore
ac negotio. Miseri uero qui contra suum ingenium con=
tendentes, intabescunt morbo contentionis difficillimo.
Non solum enim frustrantur suo proposito, sed insuper
cum non paruo detrimento incurrunt magnam ignomi=
niam, sicut naues in mari luctantes cum aduersis flatib=
us. Quæ non solum aberrant à portu, quem petebant,
uerùm etiam sepe unà cum uectoribus ac sarcinis mer=
guntur, inimicis gaudium relinquentes, amicis deside=
rium. Dicitur enim in lege, quòd quidam facto impetu
in montem ascenderunt, & egressus est Amorræus mō=
tem illum habitans, & quasi apes irritatæ percussit eos,
à Seir usq; Erema. Necessum est enim, ut qui non sunt na=
ti percipiendis artibus, si luctentur in contrarium, non
solum frustrentur, sed insuper dedecus lucrifaciant. Eos
item qui aliquod officium præter animi sui sententiam
aggrediuntur, coacti ab alijs, rem male gerere, accusan=
te stimulanteq; ipsorum conscientia. Sicut qui parua de=
posita reddunt, captantes occasionem auferendi maio=
ra, diceret homines bonæ fidei: qui etiam tum cū ea red=
dunt, magnam uim inferunt innatæ sibi perfidiæ; cuius
sibi conscij lancinantur indefinenter occultis eius morst=
ibus. Pari modo quotquot illum solum sapientem insinice
re colunt, tanquam in aliqua scena mirificis exornata
ceremonijs, hoc uitæ genus haud secus ac in theatro ali=
quantisper ostentantes spectatoribus imposturam non
pietatem in anima circumferūt, seipsos uelut in rota cru=
ciantes torquentesq; & cogentes falsam ueritatis for=
mam sumere. Proinde ad breue tempus obūbrati super=
stitio

stitionis insignijs, quæ est sanctitatis iniuria, magnū ma-
 lum uel eam habentium uel cum his conuersantiū, mox
 isto habitu exuti asciticio, nudam ostendunt hypocri-
 sim. Atq; ita deprehenduntur esse ciues suppositicij, qui
 seipsos ascripserunt in maximam ciuitatem uirtutē, ius
 eius nunquam affecuti. Nam quicquid uiolentum idem
 non diuturnum est: quæ cognatio in rerum harum Græ-
 cis nominibus apparet, βίασις & βαιοῦ. Sic enim prisce
 uocabant rem momentaneam. Quid porro sit illud, In-
 uenit Noe gratiam apud dominum deū, queritur. For-
 tasse tale aliquid significat, eum consecutum esse gratiā,
 aut gratia dignum habitum. Sed prius non uidetur cre-
 dibile. Quid enim accepit præ cæteris pene omnibus,
 non concretis solum, uerū & elementaribus naturis
 simplicibus, quæ Deo charæ sunt? Posterius autem ha-
 bet quidem rationem non incongruam, iudicare auto-
 rem summum dignos suis muneribus, qui diuinum cha-
 racterem sacrum in mente non polluerunt studijs turpi-
 bus: sed forte non ueram. Ingentem enim esse oportebat,
 uirum diuina gratia dignum, idq; ipse Deo iudice. Equi-
 dem arbitror, uix totum mundum esse parem tanto ne-
 gotio: qui tamen inter cuncta opera Dei, sicut primus,
 ita maximus est & perfectissimus. Forsan igitur satius
 fuerit hoc dictum sic accipere, quod probus hic uir cum
 esset sagax & ualde doctus, omnia disquirendo compe-
 rit quod est uerissimum, gratiam Dei esse omnia, terrā,
 aquam, aerem, ignem, solem, stellas, cælum, animantes
 stirpesq; uniuersas. Horum autem nihil Deum sibi lar-
 gitum, cum his non egeat, sed mundum mundo, & par-
 tes

tes eius in usum mutuum, atq; etiam ut uniuersitati com-
modent. Idq; non ut recipiat gratiam, quamuis benignis-
simus & in totum & in partes: sed respectu sempiternæ
sue bonitatis, quod arbitraretur sue beatæ feliciq; natu-
ræ conuenire beneficentiam. Itaq; si quis me roget, quæ
nam sit causa mundi creati, à Mose doctus, respondebo,
eius Qui est bonitas, antiquissima suarum gratiarum om-
nium. Vbi obseruandum quod ait, placuisse Noe poten-
tius eius Qui est, domino & Deo: Mosen uero ipsi regi
potentiarum, cuius etiam absq; illis sola noscitur essen-
tia. Ad hunc enim ex persona Dei dicitur: Inuenisti gra-
tiam apud me: ostendendo seipsum absq; omni altero.
Adeo Mosi summam sapietiam gratia dignatur is Qui
est per seipsum solum: expressam autem ex hac imagi-
nem, iam secundariam, & specialiore, per potentias
subditas. Quapropter dominus & Deus, princeps est
& beneficus. Alius uero quispiam corporis & affectui
fautor intellectus, uenditus principi coquorum uolu-
ptati huius nostri concreti, exectis masculis & genitali-
bus partibus animæ omnibus, & à curis honestis otio-
sus, nec aptus diuino auditorio, eliminatus à sacra con-
tione, quam uirtutis studiosi frequentant, in carcerem
affectionum introducitur: ubi apud uinctorum custodem
inuenit gratiam inhonestiorem, quàm ignominiam.
Sunt enim proprie uincti, non qui pro tribunali da-
mnati prætorum sententijs & iudicum calculis abduc-
tur ad certum locum destinatum, maleficis: sed quos ipsa
natura damnauit ob mores animæ, puta luxuriam, timi-
ditatem, iniustitiam, aliasq; ineffabiles pestes, quibus
refræ-

referti sunt. Horum curator, custos & promus est præfectus carceris, conflatus ex omnigenum uitiorum coluue, cui placuisse damnum est maximum. Quod cum non uideant quidam, eligentes pro utilibus noxia, libenter se adiungunt in eius satellitium, ut approbata sua fide fiant subpræfeti & uicarij custodiæ peccatorum uoluntariorum ac inuoluntariorum. Tu uero anima, hanc quoq; potestatem præfecturamq; crede molestiorē seruitute grauissima, & da operā ut libero utaris uitæ proposito. Quod si capta fueris hamo affectus alicuius, sustine uincta esse potius quā custodis carceris. Nam afflicta gemensq; misericordiam inuenies. Quod si ambitio ni teipsam dedideris, magnum malum, licet suaue, custodiam carceris suscipies, cui eris per totam uitam obnoxia. Proinde missas fac omnes familiaritates præfecti custodiarum, & uide ut summo bono te modis omnib; ap probes. id si minus potueris, est enim res ualde ardua, rectā contende ad eius potentias, et his supplex esto, donec illæ exorate tuo continuo legitimoq; cultu, te in ordine probatorum statuunt, sicut & illum Noe, cuius miræ nouæq; dotes enumerantur scriptura sacra dicente: Hæ sunt generationes Noe. Noe homo iustus, perfectus in generatione sua, Deo placuit Noe.] Quæ ex cœcretis nascuntur, & ipsa concreta sunt. Nam ex equis equi, è leonibus leones, è tauris boues, homines item ex hominibus gigni necessum est. At bonæ mentis non talis est propria progenies, sed prædictæ uirtutes, hominem esse, iustum esse, perfectū esse, deo placere, quod ut perfectissimum & summæ felicitatis finis, postremum subiungia

iungitur. Est autem una generatio, ex nō esse ad esse iter
 & productio. Huius in stirpibus & animantibus usus
 est, necessarius. Altera uero est, ex meliore genere in mi-
 norem speciem mutatio, cuius mentio fit his uerbis: Hæ
 sunt generationes Iacob. Ioseph cum septemdecim esset
 annorum, pascebat gregem cum fratribus suis adhuc
 puer, cum filiis Ballæ, & cum filiis Zelphæ, uxorū pa-
 tris sui. Quando enim hæc meditatoria cupidaq; discen-
 di mens à diuinioribus cōtemplationibus ad uanas opi-
 niones descendit, corporis & corporearum rerum so-
 dalis Ioseph gignitur, adhuc puer, etiamsi etate canus
 sit, quippe qui nullam senilem sententiam aut narratio-
 nem audiuit, quam Moysis sodales ut possessionem utilis-
 simam sibi ac suis discipulis acquisiuerunt. Quamobrē
 uidetur mihi, quo effigiem eius & exactissimam formæ
 ideam manifestius describeret, pascentem greges intro-
 ducere, cum legitimo nullo, sed cum spuris fratribus cō-
 cubinarum filiis, qui denominantur à deteriore mulie-
 bri genere, non à uirili præstatiore. Nam filij Ballæ Zel-
 phæq; non Israelis patris nunc uocantur. Occurrit hic
 quæstio, quam ob causam statim post perfectas Noe uir-
 tutes subiungitur: Corrupta est autem terra coram
 Deo, & repleta est iniquitate. Fortassis tamen non diffi-
 cile fuerit eam soluere, homini præsertim non inerudi-
 to. Dicendum igitur, quod cum in anima incorruptibi-
 lis species exoritur, mortalis species mox corrumpitur.
 Generatio enim pulchrorum studiorum, est mors tur-
 pium: quando & post lucis exortum euanescent tene-
 bræ. Quamobrē in lege de lepra diserte dicitur: Quod

si caro uiuens in leproso apparuerit, pollutus iudicabitur. Quod mox confirmans & quasi obsignans, subinfert: Caro enim sana interspersa immunda est. id quod præter communem morem dictum est. Omnes enim à morbidis sana corrumpi existimant, à mortuis uiua, nõ ediuerso, quòd sana uiuaq; putent salutaria. Verùm legislator miranda in cunctis rebus sapientia præditus, hoc quoq; habet proprium: docens quòd sana uiuaq;, cum sunt impura, pollutionem inducunt. interspersa enim sana uiuaq; caro in anima, est morbi certum indicium. hanc propheta commemoratione peccatorum arguit, obiurgat, pudorẽ incutit. illa uero agnoscit singula, quibus à recta ratione exorbitauit: & tum demum se imprudentem, luxuriosam, iniquam, plenã inquinamentis deprehendit. quapropter extat lex noua & à vulgo recepta opinione diuersissima, quæ ex parte leprosum pronúciat impurũ: eum uero qui à capite ad pedes usq; lepra occupatus est, purum esse ait. Quilibet enim, opinor, probabiliter coniectans, diceret contrarium, leprã quæ ultra paruam aliquam corporis partem nõ diffunditur, minus impuram: per totum uero diffusam impuriorem uideri. Equidẽ puto per ista significari id quod est uerissimum, quòd iniquitates inuoluntariæ uel maxime absoluantur nec inquinant, cum graui accusatore careant conscientia: uoluntariæ uero etiam si non late pateant, tamen pro animæ tribunali conuictæ, insanabiles pollutæ impuræq; iudicantur. Ergo duplex & duobus coloribus uariata lepra, uoluntarium uitium significat. Cum enim anima in se sanã uitale rectamq; ratione habeat,

babeat, non utitur eius gubernatione ad bonorum suorum conseruationem: sed permittens seipsam imperitis nauigandi, totam uitæ nauim quæ in serenitate trāquilatateq; seruari poterat, subuersam demergit pelago. Cum autem uno colore albicat, mutationem præ se fert inuoluntariam, quando mēs in totum ratione priuata, ne scintilla quidem intellectus reliqua, tanquam in tenebrosa densaq; caligine non cernit quid agendum sit, sed more cæcorum passim offensans, lapsus alios post alios inuita dolensq; sustinet. Huic simile est, quod etiam de domo præcipitur, quam aliquando contingit lepra infici. Ait enim: Si domus lepra infecta fuerit, ibit eius dominus, & nuntiabit sacerdoti, dicens, quasi contagium lepræ uidetur mihi in domo mea. Moxq; subdit: Et præcipiet sacerdos ut efferantur uniuersa e domo, priusquā ingrediatur eam, ut uideat, & non erunt immunda quæcunq; in domo sunt. Posthæc intrabit sacerdos, ut consideret. Ergo priusquam intrat sacerdos, pura sunt quæ domus continet: illo autem introgresso, impura omnia. Atqui contrarium erat uerisimilius, post introitum uiri purificati, perfecti, soliti pro cunctis ceremonias obire, & uota sacraq; facere, res in meliorem statum mutari, & ex impuris puras fieri. At nunc ne in eadem quidem conditione permanent, sed superueniente sacerdote deteriores redduntur. Verum ista utrum cum dicta scilicet solutione consonent, uiderint qui solent delectari talibus. Equidem incunctanter dico, nihil esse tam conueniens, quam ut ad introitum sacerdotis contaminentur quæ in domo sunt. Donec enim diuinum uerbū in animā nostram,

nostram, tanquam domum quandam nō ingreditur, nihil quod hæc facit culpatur. Nam curator, siue pater, siue præceptor, siue quid aliud sacerdos uocādus est, qui solus admonere castigareq; potest, procul remotus est. Nec indigni sunt uenia qui peccant per ignorantiam, ut qui peccata sua parum pensitant: interdum etiam grauius peccando putant se recte facere. quando autē ad nos ingreditur ille sacerdos uerus redargutor, tanquam lux clarissima, tunc produntur animæ nostræ scelestæ consilia per actiones fontes & culpabiles, quib. occupamur ignari rerum utilium. hæc omnia sacrata redargutio damnanans ut polluta, iubet auferri & detrahi, ut consideret ipsam puram domum animæ, & percutret si quid in ea sit morbidum. Simile quiddam facit & in Regnorū libris mulier quæ prophetam accedit. est autem uidua, non ut uulgo uocamus marito destitutā, sed quæ uiduatur affectibus mentem ledentibus & corrumpentibus, qualis Thamar in Mosaicis literis. nam huic orbata marito præcipitur, ut maneat in domo patris qui solus seruator est, propter quem relicta mortalium consuetudine, deseritur uiduaturq; humanis uoluptatibus, sed diuinam genituram excipit, & uirtutis seminibus facta grauidā in utero gerit parturitq; honestas actiones: quas semel enixa, premiū aufert inuitis aduersarijs, & uictrix pronunciat, præ se ferens palmam insigne uictoriæ. Thamar enim palma interpretatur. Omnis autē animi uitijs uiduāda sic prophetam alloquitur: Homo dei, uenisti in ædes meas, ut me iniquitatis & peccati mei commonefaceres. Hic enim numine correptus & occupatus celesti

celesti cupidine, diuinique furoris impotenti æstro per-
 citus, quoties subintrat animam, memoriam iniquitatu
 peccatorumque; ueterum ei suggerit, non ut ad ea redeat,
 sed ut gemens deflensque; mutationem suam pristinam,
 eius partus auerfetur præ odio; sequatur autem monita
 dei uerbi, prophetae et interpretis. nam prophetae à pri-
 scis uocabantur aliquando homines dei, aliquando uidē-
 tes, nominibus aptis, & diuinitatem perspicaciāque; pul-
 chre significantibus. conuenienter igitur sacratissimus
 Moses tunc corruptam terram dixit, quando istius iusti
 Noe uirtutes prolatae sunt in medium. Erat, inquit, cor-
 rupta: eo quod omnis caro corruperat uiam suam super
 terram.] Hic aliquis putabit erratum in una uoce Græ-
 ci contextus, eumque; postulare ut potius legatur αὐτῶν
 quàm αὐτῆς: quod refertur ad præcedentem uocem φο-
 mininam, cum masculinum relatiuum minus cōueniat.
 Quid si non de sola carne uiam corrumpente sermo sit,
 ut merito erratum in uerbis uideatur: sed de duobus, &
 de carne quæ corrumpitur, & de altero quodam quod
 uiam conatur corrumpere? Itaque sic construendum est:
 Corrupti omnis caro illius incorrupti æternique; perse-
 etiam uiam quæ ducit ad deum. hanc scito esse sapientiā:
 Hac enim deducente, recta nimirum & publica, intelle-
 ctus ad destinatum finem peruenit. est autem finis me-
 taque; huius uiae, scientia & cognitio dei. hanc semitam
 odit, calumniatur, & corrumpere conatur quisquis
 carnis amicus est. Nam non sunt in rebus duo tam con-
 traria, quàm uoluptas carnalis & scientia. Volēti enim

hanc uiam regiam ingredi consideratio generi, quod uocatur Israel, repugnat terrenus Edom: (sic enim hoc nomen interpretatur) propere occurrens instructis copijs, & minis territans, effecturum se ut ea nunquam terratur à uiatoribus. ad quem missi legati sic loquuntur. Transibimus per terram tuam, non faciemus iter per arua, nec per uineta. non bibemus aquam de cisternis tuis. incedemus uia regia. non deflectemus ad dextram, nec ad sinistram, donec tuos fines superauerimus. Ad hoc Edom respondet: Non transibis per me. alioquin armatus occurram tibi hostiliter. ad quem filij Israel: Præter montem iter faciemus: quod si de aqua tua bibero ego & pecora mea, persoluam tibi precium. nulla erit difficultas, tantummodo transitum petimus. at ille respondet: Non transibis per me. Fertur de quodam è prijs quòd cum spectasset pompam sumptuosissimam, ad familiares uersus dixit: Videte amici quàm multis rebus opus non habeo. Compendio de re maxima uereq; celesti gloriatus est. Quid ais, itane uictor de certaminis Olympici diuitijs coronam adeptus es, intantum superior, ut nihil inde ad usum aut delectationem sumeres? miranda uerba, sed mirabilior sententia, tantum consecuta roboris, ut uel citra pulueris iactum possit uincere. Verum apud Mosem, mysterijs sapientiæ initiatum, non unius tanti uiri hæc est gloriatio, sed totius gentis populosissimæ. id hoc argumento liquet, quòd uniuscuiusq; anima confirmata est ad audaciam contra regem omnium quæ bona uidentur, terrenum Edom.

Reuera

Reuera enim quodlibet in speciem tantum bonum terrenum est. Celeriter, inquit, transibo per terram tuam. ô promissionem generosam & magnificam. itane obsecro superare, transire, transcurrere, quicquid in terra bonum cęsetur, poteritis? nihilne uestram properationem remorari poterit? conspectum diuitiarum congestarum auersabimini deflexa facie? quid maiorum dignitates, paterni materniq; generis, decantatasq; à multis nobilitates despicietis? gloriam quoq; quam homines redimunt ceteris bonis omnibus, prætercurretis tanquam rem uilissimam? quid sanitatē corporis, integritatem sensuum, pulchritudinem optabilem, robur inuincibile, & cetera quibus animę domus, siue tumulus, siue quid aliud dicendum est, honestatur, transcurretis obiter, ut nihil horum referatis in bonorū ordinem? Olympicę celestisq; animę sunt hæc tam ingentia facinora, quę regione terrestri iam relictæ, ad diuinarum naturarum subducta est consuetudinem. repleta enim contemplatione uerorum bonorum & incorruptibilium, merito adulterina ista in diem durantiã reijcit. Quę igitur utilitas est præterire omnia mortalium bona mortalia, si hoc non cum recta ratione facias, sed ut nonnulli per segnitiam, aut pigritiam, aut tractandi imperitiã? non enim ubiq; omnia, sed apud alios alia sunt in precio. Quapropter uolens amplius docere, ut cum recta ratio postulat despiciantur quę modo diximus: ad hoc uerbum transibo, adiicit Per terrā tuam. hoc enim est ualde necessarium, ut in copia rerum quę uulgo habentur pro bonis, euitemus casses laqueosq; quos illę tendunt singulę: & more

ignis perrumpamus subinde repetentes nos earum in-
 petus. Hæc se pertransituros aiunt, arbuta uerò & ui-
 neta non item. mites enim plantas insitas in anima, fera-
 ces dulcium fructuum, hoc est, sermones probos & a-
 ctiones laudabiles præterire, Ogygie simplicitatis fue-
 rit. nam ibi hærendum erat, & auide fruendum præsen-
 tibus. nihil enim pulchrius quàm in uirtutibus perfectis
 hilaritas insatiabilis, quæ significatur per modo dictas
 uineas. nos autem quotquot à deo niues imbresq; è su-
 pernis fontibus accipimus, è cisterna bibimus, terrenos
 latices non admodum requirendo, cum habeamus cæli-
 tus largas pluuias nectaris & ambrosiæ, alimentū mul-
 to præstantius quàm poetici nectaris. & adhuc lacunas
 arte humana factas haurire sustinemus per diffidētiā,
 cū paratos habeamus cælestes thesauros quos omnium
 seruator aperuit: quemadmodum Moses sacrorū inter-
 pres precatur, ut aperiatur nobis dominus thesaurū suū,
 cælestem, detq; nobis suā pluuiam. cuius preces deo gra-
 tæ faciliè exaudiuntur. Quid ille qui nec cælum, nec plu-
 uiam, nec uerbum, nec ullam creaturam putans ad se a-
 lendum idoneam, sed superscandēs hæc omnia, affectum
 suum exprimit dicens: Deus qui nutrit me à iuuentute:
 annon uidetur tibi omnes quæ sunt in terra collectiones
 aquarum despiceret? is certè nunquam è cisterna biberet,
 cui deus præbet potus meracos, nunc angelis pincernas
 agentibus, nunc ipse infundens, non expectato internun-
 ciorū officio. proinde sine dilatione ingrediamur uiam
 regiam, quotquot prætereundas res terrenas ducimus.
 est autem uia regia, cuius potestatem nemo priuatus ha-
 bet

bet, sed solus ille qui solus est uerus rex. hæc est autem, ut paulo ante dixi, sapientia, per quam solam supplicibus animabus ad illum Ingenitum patet refugium. credibile est enim eum qui per uiam regiam sine impedimento iter facit, non sensurum lassitudinem donec ad regem perueniat. quo facto, & illius felicitatem agnoscet, & suam inopiam. nam & Abraham postquam ad deum accessit proxime, mox cognouit se esse terram et cinerem. nec ad dextram autem nec ad sinistram regia uia defle-ctendum est, sed progrediendum per mediam. nam in utrumuis latus diuerticula ob nimietatem defectumueculpantur. hic enim dextrum nõ minus quàm sinistrum uituperatur. siquidem apud petulantes temeritas dex-trum, timiditas sinistrum obtinet. sic apud tractantes pe-cuniã illiberaliter, dextrum sordida paritas, sinistrum larga profusio. item apud forensibus causis deditos lau-datur uafricies, damnatur simplicitas. sunt qui supersti-tionem quasi dextram sequuntur, ne in sinistram impie-tatem incidant. ergo ne deflectentes incurramus in uitia pugnãtia, uotis omnibus omniq; conatu hoc agamus ut recta incedamus per mediam uiam. est autem in medio temeritatis & timiditatis fortitudo, sordes inter & pro-fusionem temperantia, inter uafriciem & stultitiam pru-dentia memoriaq; , inter superstitionem & impietatem pietas. hæ sunt mediæ uiæ inter utraq; diuerticula, om-nes commeabiles & publicæ, per quas non est fas uecta-ri corporeis instrumentis, sed motibus animæ cupientis inambulare in rebus optimis. id molestissime terrenus Edom fert. timet enim suis dogmatibus ne subuertantur

confundaturq; : & ideo bellum internecinum minatur, si conemur uiam ui perrumpere, excidēdo arbuſta eius animæ frugifera, ex quibus in perniciem prudētiæ plantatis fructum non percepit. Non tranſibis, inquit, per me. alioquin armatus occurram tibi hoſtiliter. at nos ſecuri de eius tumultuatione reſpondeamus quod præter montem tranſibimus, hoc eſt aſſueti cum ſublimibus uerſari potentijs, & eſt ſpecula res conſiderare, ſcrutariq; rationes ſingulariū, per quas earum eſſentia noſcitur, contemnimus omnia externa & corporea. abiecta ſunt enim & humi repentia, tibi quidem grata, nobis uero exoſa: quapropter nihil ex eis attingemus. quòd ſi uel ſummo digito, ut uulguſ loquitur, tetigerimus, perſoluemus tibi precium: poterisq; gloriari, quod nos uirtutis ſtudioſi à uoluptate inefcati fuerimus. Si, inquit, de aqua tua bibero ego & iumēta mea, dabo tibi precium. non mercedem, aurum argentūue, qualis inter ementes uendētesq; fit permutatio: ſed precium honorarium quod recipias. nam reuera omnis luxurioſus, aut iniuſtus, aut timidus, cum uidet aliquem tetricum, aut laborem fugere, aut uictum à lucri cupidine, aut captum uoluptatis amatorio, letatur & gaudet, id honorem ſuum reputans: & effrens ſe apud uulgum iuueniliter ac geſſiens, incipit philoſophari de ſuis uitijs tanquam neceſſarijs ac utilibus: dicens quòd alioquin ille uel ille uir laudatus nō ſuſtinuiſſet his implicari. Ergo ſic alloquamur omnes iſtos miſeros: ſi aquam tuam bibero, ſuæ tuum aliquid indiſcreto impetu attigero, perſoluam tibi pro dedecore precium honorificum. dignus enim eſt, dabimus

dabimus. nam ista tibi chara omnino nihil sunt. An putas mortalem rem ulla uere esse ac subsistere, & non tanquam in suggesto quodam ab inani & incerta opinionione sustineri non aliter quam somniorum ludicra? quod si non libet singulorum fortunas perquirere, uide regionum integrarum & gentium mutationes in melius ac deterius. Floruit quondam Græcia, sed Macedones abstulerunt ei potentiam. postea Macedonia uiguit opibus, sed diuisa in plures portiones debilitata est, donec omnino interijt. ante res Macedonum inclyta fuerat Persarum felicitas: sed una dies tam ingenti regno finem attulit: & nunc Perse penes quos paulo ante fuerat imperium, sunt Parthorum prouincia. Fuit & Aegypti olim per ampla magnificaq; potentia, sed nubes in morem præterijt eius felicitas. Quid Aethiopes, quid Carthago in Africa? quid Põnici reges, quid Europa Asiaq;, & ut compendio dicam, totus orbis habitabilis? nõnne more nanis susq; deq; iactata marinis fluctibus, nunc secundis uentis, nunc aduersis utitur? nam uerbum diuinum choreas in orbem ducit, quod uulgus hominum fortunam nominat. & cum perpetuo feratur per ciuitates, gentes, regionesq;, res aliorum alijs omnium omnibus tribuit, subinde uariantibus apud singulos temporibus: ut totus terrarum orbis tanquam una ciuitas optimo reipublicæ genere administretur, populari regimine. Nihil igitur est in humanis rebus ac negocijs præter umbrã auramq; leuissimam, sine mora præteruolantem. eunt enim ultro citroq; tanquam æstuaria. nam & marini æstus nunc cum magno impetu sonituq; accedunt,

¶

& longè lateq; per littora diffunduntur undis stagnan-
 tibus: nunc refluent retro, magnamq; maris partem in
 formam continentis redigunt. Simile quiddam accidit,
 quando fortuna postquam populosam aliquam gentem
 inundauit magnis felicitatibus, fluxu auerso ne guttam
 quidem sinit reliquam, deletis etiam uestigijs opulentiæ
 pristinae. Verum hæc reputatio non omnes tangit, sed so-
 los rectæ constantisq; rationis affeclas. Ipsorum enim
 sunt ambæ hæ sententiæ: Cum rebus creatis cōmercium
 est nihili, præter montem iter faciemus. Non est enim
 possibile nisi sublimi ac montano itinere, uitatis rebus
 mortalibus euadere ad immortalia. Quapropter Edom
 terrenus, cælestem regiamq; uirtutis uiam intersepire
 uult: sicut diuinū uerbum uiam illius & sectam eandem
 sequentium, inter quos & Balaam referendus est. nam
 & hic est terræ progenies, nō cæleste germen, argumen-
 to certissimo, quod auguria falsasq; diuinationes sequēs,
 ne animæ quidem oculo recluso uidit resistentem sibi an-
 gelum dei, ut cōuersus retrorsum abstineret ab iniuria:
 sed ita se commisit imprudentiæ fluctibus inundatibus,
 ut obrueretur ab eis. tunc enim dubio procul nec cura-
 bilibus nec sanabilibus morbis laborat anima, quando
 accedente redargutione (is est sermo dei nuncius, præ-
 nius & impedimēta submouens, ut inoffensi gradiamur
 per regiam uiam) sine iudicio nostras sententias præfe-
 rimus illius monitis, quæ ad castigationem correctio-
 nemq; totius uitæ nostræ adhibere non desinit. quamob-
 rem quisquis non paret, nec reueretur talem redarguto-
 rem, cum saucijs interibit, confectis afflictisq; per affe-
 ctionum

Etionum vulnera. quorum calamitas exemplo esse poterit nondum deploratis quantum ad purificationem attinet, ut conentur placare in suo pectore situm iudicem. Et facient, si eius rectissimis decretis non opponent suametipsorum iudicia.

PHILONIS IV=

DAEI, DE CONFVSIO-

ne linguarum, Liber.



Actenus de his dixisse sufficiat, deinceps non obiter consideranda sunt quae de confusione linguarum philosophatur. Sic enim loquitur. Erat autem terra labij unius, et sermonum eorundem. Cumque proficisceretur de oriente, inuenerunt campum in terra Sennaar, et habitauerunt in eo. Et dixit quisque ad proximum suum: Venite faciamus lateres, et coquamus eos igni. habueruntque lateres pro saxis, et bitumen pro luto, et dixerunt: Venite aedificemus nobis ciuitatem et turrim, cuius fastigium peringat ad caelum, et celebre faciamus nomen nostrum antequam diuidamur in uniuersam terram. Descendit autem dominus ut uideret ciuitatem et turrim, quam aedificabant filij hominum, et dixit dominus: Ecce unus est populus, et unum est labium omnibus: coeperuntque

runtq; hoc facere, nec desistent à cogitationibus suis, donec eas opere compleant. Venite igitur & confundamus ibi linguam eorum, ut nō audiat unusquisq; uocem proximi sui. Atq; ita diuisit eos dominus in omnes terras, et desuerunt edificare ciuitatem & turrim. Idcirco uocatum est nomen eius Babel, id est confusio: quia ibi confusum est labium uniuersæ terræ: et inde dispersit eos deus super faciem cunctarum regionum.] Quibus maiorum instituta displicent, homines impij, & tantum ad accusandas leges disertī, arreptis impietatis ansis talibus, sic cauillantur: Etiam nunc extollitis præcepta uestra ut ueritatis regulas? Ecce sacri quos uocatis libri fabulas continent, quales alijs referentibus irridere soletis. nec opus est eas legibus interspersas per ocium colligere, quasi calumnianā studio, satis erit huius præsentis uos cōmone facere. hæc una certè simillima est illi de Aloadis, quos optimus poetarum Homerus conatos narrat fuisse tres maximos montes alium super alium aggerere, sperantes se hoc modo facile sibi uia munituros, qua ad ætheream sublimitatem euaderent. de quibus extant hi uersus:

Ter sunt conati imponere Pelio Ossam,

Scilicet atq; Ossæ frondosum inuoluere Olympum. Olympus, Ossæ, Pelion, montium sunt nomina, pro quibus legislator inducit turrim extructam ab eius seculi hominibus, qui propter dementiam & uastum animum conati sunt celum attingere, consilio longè stultissimo. nam etiam si uniuersæ terræ partes superstrueretur fundamentum modico, ut in unius columnæ formam attollerentur, tamen longissimo interuallo abessent à sphaera
æthe-

ætherea, præsertim iuxta opinionem philosophorū qui scrutantur talia, terram centrum esse mundi asseuerantium. Præterea quiddam aliud huic simile de animalium una lingua proditur à fabularum scriptoribus. narratur enim olim animantium omnium terrestrium, aquatilium, uolucrum eādem uocem fuisse: & quemadmodum nunc homines Græci cum Græcis, barbari cum suæ linguæ barbaris habent sermonis cōmercium, ita tum illas omnes cum omnib. collocutas de suis rebus ac negocijs, ita ut & conquererentur inter se, & uicissim condolerent de calamitatibus, ediuersq; rebus latis gratularentur. nam uelut in una republica putabant ad se pertinere alias quoq; prosperitates ac aduersitates, et eos affectus etiam in sermone quotidiano nō obscure præ se ferebant, donec lasciuiantes præ bonorum præsentium copia, ut sæpe fieri solet, ultra decorū proruperunt rerum non concupiscendarum amore, ut per legatos immortalitatem, à senectute immunitatē, perpetuamq; iuuentam sibi poscerent, æquum se postulare dicentes, quando hoc munus iam uni ex eorū numero serpenti cōtigisset. hunc enim exuta senectute denuo repubescere. iniquū autem esse ut præstantiora deteriori cedant hac parte, & multa uni. quam audaciam mox sua pœna sequuta est. nam confestim uariatæ sunt animalium linguæ, ut ex illo tempore non possent se inuicē intelligere, impediēte uocum diuersitate, in quas loquela quæ prius cōmunis fuerat, diuisa est postea. Cæterū alia uero propior narratio dīgit à brutis homines. & hos solos ait habuisse unicam linguā cōmunē oībus. tamē hæc quoq; fabulosa putatur.

atqui

atqui hæc uocis in plurimas diuersas loquæ species
 dissectio, quæ linguæ confusio uocatur, in remediū pec-
 catorum adhibita dicitur, ne communicato consilio cri-
 men fieret publicū: utq; si conferret in unum operas, al-
 teri muti essent alteris. attamen nihil hoc, quantum ap-
 paret, profuit. Nam etiam post diuisam linguam, dedu-
 ctasq; in diuersa loca tot gentium colonias, nihilominus
 terræ mariæq; repleta sunt malis ineffabilibus. nam non
 lingua, sed similis animarum ad peccādum procliuitas,
 communicæ iniquitatis causa est, siquidem etiam lin-
 gua mutilati, nutibus, aspectibus, alijsq; corporis gesti-
 bus ac motibus, non minus quàm uerbis prolatis, uolun-
 tatem suam significant. huc accedit, quod sæpe una gēs,
 non lingua solum eadem, uerum etiam eisdem utens le-
 gibus ac moribus, ad tantam peruenit maliciam, ut pec-
 catis conferri possit cum reliquis omnibus hominibus.
 Et ob imperitiā linguarum multi ab insidiatorib; ex
 improviso sunt oppressi, ediuerso harum scientia mul-
 tos exemit imminentibus periculis. itaq; prodest magis
 quàm nocet linguæ communicatio: quando nunc quoq;
 per singulas regiones, præsertim indigenarum, nihil æ-
 que incolumitati confert ac lingua omnium eadem. tum
 si quis plures linguas ediscat, mox probatur ab earum
 peritis, et pro amico agnoscitur, non leue argumētum
 societatis asserens loquelam familiarem, unde mox acce-
 dit securitas à periculis. Cur igitur quasi malorum cau-
 sa esset lingua communis ex hominibus sublata est, quæ
 debuerat confirmari ut perutilis. has hominum malicio-
 rum cauillationes seorsum redarguent quibus prom-
 ptum

ptum est ad tales questiones ex aperta legum scriptura
 sine contentione respondere, qui non sophismatibus re-
 pellunt sophismata, sed sequuntur ueritatis seriem nisi
 quam sinentem offendere, & impedimenta dimouen-
 tem facile, ut sermo ex his possit euadere. Dicimus igitur
 istis uerbis, Erat uniuersa terræ labium unum &
 uox una, significari magnorū ineffabiliumq; malorum
 consonantiam, quibus ciuitates à ciuitatibus, gentes à
 gentibus, regiones à regionibus impetuntur uicissim, &
 quibus homines non solum in se inuicem iniusti fiunt, ue-
 rum etiam in deum impij. & hæc quidem populorum
 sunt crimina. consideremus & uirritū inenarrabilem
 uitiorum multitudinē. præsertim si accedat ille inamœ-
 nus, ineptus, & male modulatus cōcentus. Fortuita quis
 nescit, cum in paupertatem, obscuritatē, corporis mor-
 bos aut mutilationes incidunt, item in infirmitates ani-
 mæ, desipientis præ atrabile aut longo senio, aut alio
 quocūq; grauiore infortunio. nam unumquoduis e iam
 dictis abunde sufficit ad subuertendum & deiciendum
 hominem, etiam fastu magno tumidū. quod si plura eum
 uelut ex composito aggrediantur eodem tempore, ani-
 mæ, corporis, et externa, quid cogitari potest miseriuse
 cadentibus enim stipatoribus, etiam stipatum necesse est
 cadere. est autem corporis satellitium hoc, diuitiæ, glō-
 riæ, honores, à quibus elatum in sublime se ostētat: sicut
 ediuerso à cōtemptu, obscuritate, paupertate oppugna-
 tur tanquam ab hostibus. item satellites animæ sunt, audi-
 tus, uisus, odoratus, gustus, & tota cohors sensuum. ad-
 hæc sanitas, integritas, robur, potentia. horum enim uia-

lida ope suffultus cōmunitusq; animus incedit exultabū
dus, & suauiter degens quicquid libet exequitur, omni-
bus uijs ei nunquam non patentibus. Verum & his sa-
tellitibus non desunt aduersarij, sensuum orbationes
morbiq; ut dixi, qui aliquando mentem agunt in præci-
pitia. & hæc quidem à fortuna impendent, uehementer
difficilia miseraq; leuiora tamen si conferantur cum ma-
lis uoluntarijs. quis autem sit horum quoq; concentus,
rursus per se consideremus. Cum anima nostra tripar-
tita sit, pars eius mens & ratio, pars ira, pars concupi-
scentia esse dicitur. singulæ suis morbis laborant, atq; e-
tiam inter se communibus uniuersæ: quoties mens qui-
dem imprudentiæ, timiditatis, luxuriæ, iniustitiæ segetes
demetit: ira uerò immanes furiosasq; rabies, & cætera
quibus grauida est mala parit: concupiscentia quoq; de-
mores semper iuueniliter leues, & temerè ad quæcuius
corpora & ad quaslibet res aduolantes, quocunq; im-
mittit. tunc enim tanquam in naui nautis, uestoribus,
gubernatoribus, per dementiam in eius perniciem con-
sonantibus, etiam qui perdūt unà pereunt. grauissimum
enim malorum est, & penè solum insanabile, omnium
animæ partium ad peccandum cōsensus, cum tanquam
in publica pestilentia nihil sani sit reliquum, quod agro-
tis mederi possit: sed & medici unà cum uulgo laborant,
eadem qua cæteri lue correpti. Clades hæc describitur
apud legislatorem in mentione diluuij: quando & à ca-
tarractis cæli magno impetu imbres inundaauerunt: &
à terra, à corpore inquam, multi magniq; fontes affre-
ctionum profusi, fluentia sua coniunxerunt miscueruntq;

cum

cum aquis prioribus, ut totam animæ regionem occupa-
rent suorum gurgitum uorticibus. Videns, inquit, domi-
nus deus multiplicatam esse malitiam hominum super
terram, & uniuscuiusq; cogitationes intentas esse ad ma-
lum omni tempore, decreuit in hominem, in huc inquā
reptilibus, uolucris, alijsq; brutis & immitibus be-
stijs circumdatum, animaduertere, cuius iniquitatem in-
dicaret esse insanabilem. poena autē fuit diluuium. Tan-
tum sibi libido peccandi permiserat, cohibente nemine,
& affluente unā cum copia rerū fruendi licentia. & me-
rito. non enim una certa pars animæ corrupta fuit, ut ei
succurri posset à sanis cæteris, sed nihil integrū incorru-
ptumq; relinquebatur. Videns, inquit, non unius, sed u-
niuscuiusq; cogitationes, cōuenientem poenam incorru-
ptus iudex eis inflixit. hi sunt illi confœderati apud ual-
lem salsuginis. est enim cauius, asper, angustisq; faucibus
strictus locus affectuum, uerē salsos amarosq; dolores
afferens: in quo factum fœdus nullis sacris nullōue iure=
iurando dignum sciens ille sapiens Abraham, fœderatōs
profligat. dicitur enim eos omnes cōspirasse in ualle sal-
sa: quæ est mare salinarum. Annon uides illos orbatos sa-
piētia, cæcatosq; mente quæ acutum cernere debuerat,
ex re nomē habentes Sodomitas, iuuenes unā cum senio-
ribus, totū simul populū, circū ædes animæ cursare, ut
diuersantes in eis sacrosanctos sermones, custodes et præ-
sides, probris afficiant, nemine uel opponente se iniurijs
eorū, uel alienātē à tāto facinorēs. Nō enim pars populi,
ut legitur, sed uniuersus domū circūdedit, iuuenes unā
cum senioribus, coniurati cōtra diuina uerba & opera,

quæ scriptura suo more uocat angelos. Attamen diuinus uates Moses occurrens, eorum cohibebit impetum, etiamsi ductu sui regis irruant audacissimi, & ad dicendum promptissimi, auctisq; copijs undatim affluant. Ecce, inquit, Aegypti rex ad aquam ueniet. ibi tu oppones ei te stans in labio fluminis. Ergo malus uir exit ad fluenta peccatorum & affectuum, quæ per aquam significantur. at uir sapiens primum accipit à deo semper stante nec unquam mobili munus illi conueniens, ut & ipse firmus consistat. dictum est enim: Tu uerò hic sta mecum: ut exuta omni dubitatione ac ambigentiâ, quæ sunt uitia parum constantis animi, fidem certissimum firmissimumq; habitum induat. Deinde non contentus stare, quod mirandum est, obsistit etiam. dicitur enim ei: Sta ex aduerso. Quorum alterum quidem, uidelicet occursum, in motu: alterum uerò, hoc est, statio, in quiete consideratur. Nulla tamen est in his uerbis pugna, sed egregie cum rerum natura congruunt. Nam cuiuscunq; sententia suo pte ingenio quietâ est, nec facile à recto flexilis, hic solet resistere unda abundis rebus omnibus, tranquillitatem tempestate ultro accita turbantibus. Sed bene habet quod in labio fluminis occursum factus dicitur. Sunt autem labra oris extremitates & septa lingue, per quæ sermo profluit, quando proferendus est. Sermone autem etiam hostes uirtutis, modo studiosi disciplinarum sint, utuntur ad defendenda improbata dogmata: sicut ediuerso boni ad mendacia tollenda è medio, & ad uerorum bonorum confirmationem inuincibilem. proinde quoties omni rudente moto contentioforû dogmatum

sum assertores oppressi rationibus aduersarijs pereunt; merito uictoriale carmen ille sapiens cum suo sacrato choro modulabitur. Vidit, inquit, Israel Aegyptios, non alibi mortuos quàm ad labium fluminis. Mortem dicens non animæ seiunctionem à corpore, sed impiorum dogmatum prolationem, quæ per os efferebantur & linguam instrumentaq; uocis cætera. Porro sermonis mors est silentium, non quo bene morati præ se ferunt reuerentiam: nam & hoc facultas quædam est ad eloquentiam pertimens, dispensatrix dicendi temporum: sed quo impotes sancti propter aduersariorum uehementiam inuili utuntur, nullam inuenientes dicendi occasionem. quibus quicquid tentant effluit: quocunq; insistent, nequeunt uestigium figere, ut prius quàm consistant cadant necessario, qualis est aquaria machina quæ helix uocatur. in cuius medio gradus quidam sunt, quos rusticus quoties agros uult rigare scandit, ac mox necessario dilabatur. & ne continue cadat, proximum sulcrum utraq; manu retinet, quo totum corpus sustentat. interim pedes manuum, manus uerò pedum funguntur officio. insitit enim manibus, quarum est agere: operatur pedibus, quorum est stare. Multi autem cum non possint uerisimilia sophistarum commenta fortiter refellere, quod non sint admodum in dissertationibus exercitati ut dislenti actionibus, confugiunt ad illius qui solus est sapiens auxilium, & opem eius supplices inuocant. sicut & quidam è Mosis familiaribus in suis hymnis precatur: Muta fiant labia dolosa. Qui autem poterunt hæc silere, nisi ab eo qui solus etiam sermonis est do-

minus, obturata fuerint? Ergo conuentus qui peccandi
 causa confluent, cōtinuato cursu fugiendi sunt: cum pru-
 dentia uerò scientiæq; socijs foedus pangendum. quapro-
 pter eorum qui dicunt: Omnes unius uiri sumus filij, pa-
 cati sumus: miror consensum consonum. quibus libenter
 dicerem: & qui fieri potest ò boni, ut non bellum oderi-
 tis, pace delectemini, cum unum eundemq; patrem pro-
 fiteamini, nō mortalem sed immortalem, hominem dei:
 qui cū sit illius sempiterni sermo, necessario ipse quoq;
 incorruptibilis est. nam quicumq; multa principia sue
 animæ genitiua faciūt, multorum deorum superstitioni
 nefariæ dediti, alij colunt alios, & autores fiunt tam se-
 ditionum ciuiliū quàm externorū tumultuum, ab ini-
 tio uitæ finem usq; bellis perpetuis implicati. qui uerò
 gaudent uno genere, & unum parentem rectum sermo-
 nem colunt, miranturq; harmoniam & musicam uirtu-
 tum concinentium, serenā tranquillamq; uitam exigūt:
 non tamen ociosam ignauamq; , ut quidam existimant,
 sed admodum uirilem, et ualde acrem contra studiorum
 suorum interpellatores, & indefinentes turbatores su-
 derum. nam qui suo pte ingenio pacem amant, bellicosi
 debent esse, in statione collocati contra infestantes quie-
 tem animæ. testis est mihi primum cuiusq; uirtutib. de-
 diti animus ad hunc modū dispositus. deinde unus è pro-
 phetico sodalitis, qui numine afflatus exclamat: O ma-
 ter, qualem me peperisti hominem pugnae, & hominem
 inimicundū uniuersæ terræ. nec ipse profui, nec mihi pro-
 fuerunt: neq; uires meæ defecerunt ab execrationib. eo-
 rum. An non omnis sapiens omnib. stultis perpetuus ho-
 sis

stis est, oppugnans eos classib. aut machinis aut exerciti-
 bus sed rationibus? Cum enim in media pace cōtinue ho-
 mines in se inuicem insurgentes priuatim ac publicē ui-
 det, nec tantum gentes, regiones, ciuitates, castella, sed e-
 tiam singulas domos, singulos uiros mutuo se bello im-
 petere: quis non præsentes obiurgat, admonet, castigat,
 interdū noctuq; non conquiescens, eo quod ipsius ani-
 ma nullam quietem admittere queat ob innatum odium
 malitiæ. nam eadem quæ in bello, etiam in pace patran-
 tur facinora omnia, spoliant, rapiunt, captiuant, præ-
 dantur, uastant: uim, cruciatum, stuprum, probrum offe-
 runt: aut dolo clam, aut ui palam, quantum possunt in-
 terficiunt. nam cum diuitias aut gloriam singuli finem
 propositum habeant, ad hunc tanquam tela uitæ actio-
 nes omnes dirigunt, æquationē iuris negligunt, inæqua-
 litatem diligunt, societate auersantur, unusquisq; cupit
 occupare aliena omnia, osor hominum & exosus inui-
 cem, simulator beneuolentiæ, adulationis fucatiæ amicus,
 amicitie germanæ hostis, ueritatis inimicus, propugna-
 tor mendacij, tardus ad iuuandum, celer ad nocendum;
 ad calumniam promptus, ad patrocinium cunctator, in-
 postor, periurus, infidus, iræ mancipium, uoluptatis ser-
 uus, malorū colluuius, bonorū corruptor. hæc et huius-
 modi sunt illius admirandæ pacis bona desiderabilia, quo-
 rum simulacra in uniuscuiusq; anima posita coluntur
 & adorantur, id quod merito male habet omnem sapi-
 entem, ut exclamare cogatur ad matrem nutricemq;
 suam sapientiam: O mater, qualem me peperisti, non ui-
 ribus staturaq; magnum, sed improbis infestissimum;

virum iniucunditatis ac pugnae, natura pacis amantem,
 ideoq; infensum pulchritudinem eius dehonestantibus.
 Non in se profui, nec mihi profuerunt: nec illi bonis meis
 unquam usi sunt, nec ego malis eorum: sed ut est apud
 Mosem, rem concupitam accepi ab illorū nemine: quip-
 pe qui omnia quæ isti cōcupiscunt ac reponunt tāquam
 utilissima, pro noxijs habeo. neq; uires meæ defecerunt
 ob execrationes quibus me deuouent. Sed forti potentia
 diuinorum dogmatum protectus, non defeci præ lassitu-
 dine, imò tanto uehementius obiurgauī meos execrato-
 res. Posuit enim nos deus in contradictionem uicinis no-
 stris, sicut & in sacris hymnis alicubi dictum est de om-
 nibus bonæ mentis cupidis. Annō à natura contradic-
 tiones fuerunt omnes studiosi uirtutis atq; scientiæ, semper
 concertando cum uicinis animæ, redarguendoq; uolu-
 ptates finitimas, & unā degentes concupiscentias, igna-
 uiæ quoq; pauori cæterorumq; affectuum ac uitiorū co-
 horti resistendo in faciēs adhæc sensus omnes redarguen-
 do, de his quæ uiderunt oculos, de his quæ audiuerunt
 aures, nares de exhalationibus, gustū de saporibus, atq;
 etiam tactum de accidentib. ei iuxta corporis potentias
 proprietatibus. imò etiam sermonem mentis interpre-
 tem, de his quæ libenter proloquitur. Scrutandum est e-
 nim non obiter, quid, quòue modo, & quam ob rem uel
 sensus sentiat, uel sermo interpretetur, uel affectus affi-
 ciat, & erratum suum cuiusq; redarguendum. Qui au-
 tem nulli horum contradicit, sed omnibus deinceps an-
 nuī, ignorat quā seipsum decipiat, potentes uicinos se-
 nens munitiones contra animam struere, quos debuerat
 subditos

subditos potius habere quàm dominos. qui si imperent, multa magnaq; damna dabunt, regnante apud ipsos amentia. cum uerò sunt subditi, faciunt imperata, nec iugum excutiunt. atq; ita dum pars obedire discit, pars nō scientiam tantum, sed & facultatem imperandi obtinet, totum animæ satellitium consentiet. accedētesq; ad eum qui inter ipsos est senior, dicent: Pueri tui redegerunt in potestatem summarium uirorum bellatorum, qui nobiscum sunt. ne unus quidem ex eis occisus est. sed quem admodum instrumenta musica adaptata egregie sonis omnibus, ita nos omnibus præceptis cōsoni, nec uerbum ullum inconcinnum & absonum diximus, nec factum fecimus, ut cum nobis collatus chorus inruditorum uideri possit omnino mutus & exanimis, qualis ridēdus ille corporis nutritor Madian, & progenies huius, nomine coriaceam molem significans, somnolētus Beelphegor. sumus enim genus electum Israelis uidentis deum, inter quos ne unus quidem discrepat, ut uniuersitatis instrumentum totus mundus harmonijs musicis cōsonet. quapropter etiā Moses bellicoso sermone, qui uocatur Phinees, honorem pacis ait se tradere, quod uirtutis æmulus, & uitij hostis, totā eius generationem excidit in posterum, modo quis uelit perspicere et scrutari diligēter, & oculis auribusq; suis testib. credere, quod nihil sit certi in rebus mortalibus, sed omnia pendeant ab opinionibus. Miranda igitur cōsonantia de qua modo diximus, sed magis etiam mirifica & omnes harmonias superās, communis totius populi, qui introducitur uno ore dicere: Omnia quæcumq; dixit deus faciemus & audiemus.

nam hi iam non rationis ductum sequuntur, sed ipsum deum ducem omnium, ideoq; ad facta magis quam ad uerba properant. Cum enim alij audita faciant, isti quod mirandum est, præ diuino quodam impetu aiunt facturos se prius, deinde audituros: ut non propter doctrinam & admonitionem, sed ultro & suapte sponte uideantur ad bona opera occurrere. Post factum autem audituros se aiunt, ut quæ fecerunt dijudicent, an cum sacris præceptis consonent. Cæterum coniuratos illos ab oriente profectos ait inuenisse campum in terra Senaâr, & ibi sedes posuisse.] Id iuxta naturam dictum est. Sunt enim in anima duæ species orientis, altera melior, altera deterior. melior, quando solarium radiorum more splendor uirtutum exoritur. deterior, quando his obscuratis luceant alia. Prioris exemplum est hoc: Et plātauit deus paradisum in Edem contra orientem, non stirpium terrestrium, sed cælestium uirtutū, quas è suo incorporeo lumine nunquam extinguendas plantator ille accēdit. Ex Mosis quoq; socio quodam audiuius dictum hoc, Ecce homo cui nomē Oriens. Noua appellatio si intelligatur de homine qui constat ex anima & corpore. sin autem de illa incorporea deum referente imagine, fateberis ei nomen hoc inditū aptissime. Hunc enim antiquissimū filium rerum pater exoriri uoluit, quem alibi primogenitum nominat: qui genitus mox patrē imitatus est, et quælia uidit apud eum exēplaria, tales formauit species. Deterioris autē oriētis exemplum extat de illo, qui uolebat à deo benedictum execrari. nam & ille ad orientē habitare dicitur. sed hic oriēs quamuis cōmune cum priore

nomen

nomen habet, re tamen est diuersissimus. E Mesopotamia, inquit, acciuit me Balac, è montibus orientalibus; dicens: Veni, ut execreris quem deus non execratur. Interpretatur autem Balac amens: nec immerito, qui sperabat se posse decipere illum Qui est, & certā eius sententiā humanis argutationibus irritam facere. Ideo Mesopotamiam habitat, mentem habens quasi submersam in medijs fluminibus, nec enatare ualentem, nec emergere. Talis autem affectus ut exortus insipientiæ, sic occasus bonæ mentis est. proinde isti quorum narratur dissona consonantia, profecti ab oriente dicuntur. Vtrum ab oriente uitiorum? Nam eos qui à uirtutis oriente proficiscuntur, disjungi legimus, uitijis pariter obnoxiorum unitus motus est: sicut cum manus non seorsum suis artibus, sed qua cum toto corpore coherent, unā mouētur. Nam insipientia malis dux est ad opera non naturalia, quæ uitiorum est regio. Quicumq; autem à uirtute demigrantes sequuntur insipientiam, conuenientem sibi natū locum inhabitant, qui Hebraica lingua Sēnaar, Græca uerò excussio uocatur. Conuellitur enim & concutitur quassaturq; tota malorum hominū uita, semper confusa turbataq; ne uestigium quidem germani boni in se retinens. nam sicut ea quæ excutiuntur nihil nisi concretum retinent, sic & cuiusq; cum iniquis cōfederati anima mihi uidetur excuti. omnes enim uirtutis species abiicit, ut nec umbra nec imago eius ulla fiat reliqua. certe gens Aegyptiorum amantissima corporis, non ab aqua, sed sub aquam fugere inducitur: quæ ubi semel subiecit se affectibus, quassatur ac miscetur, in locum bene constituta=

stituta pacateq; uirtutis tumultibus uitiorum succeden-
 tibus. Legimus enim excussos Aegyptios dum per me-
 dias marinas undas fugiunt. Hi sunt qui ne Iosephū qui-
 dem norunt, factum uitæ uarium, sed propalam peccan-
 tes, ne uestigium quidem, aut umbram, aut simulacrum
 ullum honestatis sibi reseruant. Exortus est, inquit, rex
 alius super Aegyptum, qui ne infimum quidem & no-
 uissimum bonorum Iosephum nouerat: qui non modo
 perfectiones, sed & profectus ignorabat: & tantū à ui-
 sione perfecta aberat, ut ne auditu quidem quicquā per-
 ceperit, dicens: Adestum, execrare mihi posteritatem
 Iacob, & maledic nepotibus Israel. ac si diceret: Veni, ex-
 tingue uisum auditumq; animæ, nequid uere bonum ho-
 nestumq; uel uideat uel audiat. uisum enim Israel, audi-
 tum Iacob significat. Talium mens omnem boni naturā
 abiicit, excussa quodammodo: sicut proborum ediuere-
 so meras sinceritasq; ideas bonorum confectans, excutit
 reijcitq; cætera tanquam folia. Contemplare illum medi-
 tatore quid loquatur: Tollite deos alienos quos habe-
 tis è medio uestrum, & purificamini mutateq; uestes,
 & facto agmine ascendamus in Bæthel: ut etiamsi Labi
 postulauerit potestatem inquirendi in totam familiam,
 non inueniat simulacra, essentias ueras insculptas in me-
 te sapientis, quæ ad Isaac familiam à seipsa doctam peri-
 nent iure hereditario. nam hic solus accipit paternam
 substantiam. Hic obserua quod non ait eos uenisse in cā-
 pum in quo manserunt, sed quæsitum inuenisse, utique
 postquam discesserunt ubinam esset locus ad insaniam
 commodissimus. Ita est profecto, insipiens non aliunde
 accipit,

accipit, sed ipse sibi quærendo mala inuenit, non contē-
tus his per quæ misera natura ultro incedit, sed cumu-
lans ea malis artibus & exercitijs. atq; utinam paulum
ibi commoratus migraret aliò: nunc habitare ibi postu-
lat. dicit enim scriptura, quòd inuento cāpo habitauerunt
ibi tanquam in patria, non tanquam inquilini regionis
exteræ. Leuius enim malum fuisset, si postquam in pec-
cata inciderant, pro alienis ea peregrinisq; habuissent;
non pro cognatis ac domesticis. inquilini enim potuis-
sent discedere, sedibus uero semel electis inmanendum
erat postea. quapropter apud Mosē sapientes omnes
inducuntur inquilini. nam horum animæ in coloniam è
cælo missæ sunt. solent enim uisendi ac discendi gratia
peregrinationem in terrenam naturam suscipere. ibi ho-
spitio corporis usæ, & contēplate sensibilia mortaliaq;
omnia, retro unde uenerant redeunt, memores cælum si-
bi ciuitatem esse ac patriam, in his uero terræ finitimis
uti se tantum hospitio. cæteris enim colonis nouæ sedes
eximunt desiderium ueteris patriæ: sed hæc reditum suo-
rū expectat, & ipsi redire desiderant. Itaq; merito Abra-
ham qui mortuam uitam sepulchrumq; reliquit, mor-
tuorum custodes & mortalium rerum dispēsatores sic
alloquitur: Aduena et inquilinus sum ego inter uos. uos
autem indigenæ, qui cinerem & puluerem pluris faci-
tis quàm animam, dum uobis præfeciistis Ephron, quod
nomen significat puluerem. Merito autem & medita-
tor ille Iacob inquilinum se in corpore queritur dicens:
Dies annorum uitæ meæ quibus inquilinus sum, pauci-
malig; fuerunt: non peruenerunt ad dies patrum meo-
rum

rum quibus inquilini fuerunt. At illi à seipso docto etiā
oraculum redditum est hoc: Ne descendas in affectionē
Aegyptum, sed habita in terra quam tibi indicabo, in
mansione incorporea inuisibiliq; , interim inquilinum
age in hac uisibili & sensibili essentia. ut ostenderet, sa-
pientem in sensibili corpore peregre agere, cum patriā
habeat uerumq; domicilium in uirtutibus intelligibili-
bus, quæ ex ore dei procedunt nihil differentes ab eius
sermonibus. Moses autem, Aduena, inquit, sum in exter-
na regione. Egregie, ne hoc quidem honore corpus dis-
gnatus, ut inquilinum eius se profiteretur, sed alienum
se ab hoc existinans. Cæterum malus uir ostendere uo-
lens, unam linguam unumq; labium non in uocabulis si-
tum, sed in societate facinorum, rursus aggreditur ne-
gocium, & turrin tanquam arcem tyrāno uitio struit,
sodales omnes ad hoc opus conuocans, ut paratam ma-
teriem suggerant. Venite, inquit, faciamus lateres, &
coquamus eos igni.] Ac si dicat: Nūc permiscuimus &
confudimus omnes partes animæ, ut speciei nullius ulla
forma iam appareat: consentaneū igitur his cœptis fue-
rit, ut quando essentiam specie qualitateq; carentem, af-
fectum & uitium assumpsimus, diuidamus eam usq; in
extremas & qualitates & species, quo magis eas perci-
piamus, earumq; usum fructum, qui cognitus maiorem
uoluptatem pariturus uidetur. Adeste igitur cogitatio-
nes omnes & ratiocinationes, tanquam uocate in sen-
tum animæ, quotquot iustitiæ uirtutumq; omnium cu-
ratis perniciem, ut collatis consilijs dispiciamus, quomo-
do assequi possimus optatum exitum. assequemur certe
si

si rem gerendam auspicabimur à fundamento hoc: ut in
 formia formemus figuris additis, circūscribamusq; sin-
 gula, ne uacillent & claudicēt, sed fixa firmaq; maneāt,
 assumpta quadratæ formæ natura. hæc enim cum sit in-
 concussa indeflexaq; laterculi more, etiam quæ super-
 ædificabuntur sustinebit firmiter. talis structuræ quali-
 bet aduersa deo mens, quem Aegypti, id est, corporis re-
 gem dicimus, inuenitur opifex. hunc enim Moses indu-
 cit delectari latericijs ædificijs. postquam enim aliquis
 aquam terramq;, illam humidam, hanc solidam essen-
 tiam, ne dilaberentur corrumpereanturq; miscuit, & ex
 his duobus tertium quiddam utriq; cognatum effecit,
 quod lutum uocatur, in portiones hoc secare non desi-
 nit, suam cuiq; segmento formā affingens, ut firma fiant
 & ad structuram commoda. sic enim opus absoluitur
 non magno negocio. hoc imitati homines prauo inge-
 nio, postquam brutos & nimios affectionū impetus mi-
 scuerunt cum grauissimis uitijs, secant eam temperatu-
 ram in species, quas fingunt formantq; miseri, ex qui-
 bus contra animam arx celsa erigitur: dum sensus diui-
 duntur in uisum, auditum, gustum, odoratum, tactum:
 affectus in gaudium, concupiscentiam, timorem atq; do-
 lorem: uitiorum genus in imprudentiam, luxuriam, ti-
 miditatem, iniustitiam, & his cognata cætera. Nec des-
 sunt his etiam nequiores, qui non contenti hunc conatū
 suscepisse, etiam alios ipsis meliores, ad contemplatiuū
 genus pertinentes, cogūt lateres facere, & ciuitates mu-
 nitas ædificare, suo regi, ut uideri uult, intellectui: &
 hoc agunt, ut declarent bonū seruire malo, affectus plus
 posse

posse quàm tranquillitatem animi, prudentiam cum uirtutibus subditam esse imprudentiæ cæterisq; uitijis, ut necesse habeant dominorum imperata facere. Ecce, aiunt, etiam diuina oculus lucidissimus, purissimus, omnia cernens acutissime, cui soli deum uidere licet, nomine Israel, implicitus aliquando corporeis Aegypti casibus perfert iussa grauissima; ut lateres faciat & alia terrena opera cum ingenti labore ac uexatione: quapropter merito dolet ac gemit, quippe cui hoc unum suppetit, uberes in tantis malis lacrymæ. Nam recte dicitur, quod ingemuerunt filij Israel præ grauitate operum. Et quis sanæ mentis uidens uulgi opera, nimiaq; studia, pecuniæ, gloriæ, uoluptatum, non uehementer doleat, & ad solū seruatorem deum exclamet, ut ille mala subleuet, persolutoq; pro anima precio, in libertatē eam uindictet? Sed quæ tandem est hæc libertas? Illi soli sapienti seruire, sicut testantur oracula in quibus dictum est: Emitte populum, ut mihi seruiat. Est autem proprium seruientium ei Qui est, ut nec pincernarum, nec pistorū, nec coquorum opera, nec alia terrena ulla fingant componantq; corpora in modum laterum: sed ascendant cogitationibus ad ætheream celsitudinem, præeunte Mose amico dei carissimo. tunc enim manifeste contemplabuntur locum in quo deus insistit rectus & immutabilis: & scabellum pedum eius lapidi sapphiro simile & firmamentum celi, uidelicet mundum hunc sensibilem, qui per hæc significatur. decet enim ut foederati scientiæ talium spectaculorum sint cupidi: & si non amplius, saltem illam imaginem uideant, uerbum sacratissimum, deinde hunc mundum

mundum etiam inter opera sensibilia perfectissimum:
 nam philosophari nihil est aliud, quam his perspicien-
 dis diligenter studere. sensibilis autem mundus scabellis
 dei dicitur has ob causas. Primum ut liqueat, quod crea-
 turis non insit causa efficiens. deinde ut discamus, quod
 totus mundus non suo libero motu mouetur, sed guber-
 natur à deo rerum dispensatore, qui salutariter clauum
 moderatur uniuersitatis, idq; sine manibus ac pedibus
 alijsq; creatis partibus iuxta doctrinam uerissimam. nō
 est enim deus similis homini, quamuis nonnunquam do-
 cendi causa dicantur de eo talia, dum non possumus ul-
 tra nosipsos sapere, sed ex nostris accidentibus de Inge-
 nito illo coniecturas quasdam facimus. Illud quoq; per-
 pulchrè se habet, quod mundus assimilatur figuræ later-
 culi. uidetur enim & ipse stare hærerèq; quantum uisu
 percipitur, quamuis utatur motu ocysimo, nullam non
 præuolante creaturam. nam interdum solem, noctu lu-
 nam, stare imaginantur oculi corporis: cum tamen ne-
 mo nesciat, horum siderum cursum esse concitatissimū,
 quæ totum cælum intra unam diem obeunt. sic & uni-
 uersum cælum quod stare uidetur in orbem circumuol-
 uitur, qui motus inuisibili diuinoq; mentis oculo com-
 prehenditur. Inducuntur autem hos lateres igni coque-
 re: quod significat, affectus ac uitia calido motuq; ser-
 mone confirmari, ne à sapientiæ satellitibus deleri pos-
 sint, qui semper moliuntur eis perniciem. quapropter
 additū est: Fuerunt eis lateres pro saxis.] Quod enim
 rarum ac fluidum est in bruto impetu, in naturam soli-
 dam resistentemq; constipatum & densatum, mutatum

est rationibus ualidis & demonstrationib. certissimis, postquam contemplationes perceptæ uirilem quandam maturitatem assumpserunt, quæ in tenera ætate diffuuit propter humiditatem animæ, nondum ualentis impressas formas durare conseruareq;. Et bitumen fuit eis pro luto.] Non contrà lutum pro bitumine. uidentur enim mali quæ infirma sunt communire contra meliores, & fluxa dissolutaq; compingere, ut ex tuto in uirtutem iaculentur. Sed propicius pater bonorum non sinet illorum substructiones constabiliri, & non subsistente uano studio reddet eas labiles, tanquam molle lutum & fluidum. quod si lutum factum esset in bitumen, fortasse terrenum istud sensibile quod est in fluxu continuo, soliditatem accepisset perpetuam & durabilem. Sed quoniam uersa uice bitumen in lutum mutatum est, bono si minus animo. est enim certa spes fore, ut firmæ uitiorum munitiones excidantur per dei potentiam. Itaq; iustus ille in magno continuoq; uitæ diluuiio, nondum ualens absq; sensibus animo solo res uere cernere, arcam, corpus inquam, intus & extra bitumine perungit firmitatis gratia. cessante uero & terrore & periculo tempestatis illius iam se remittentis, exhibit adiutus intellectui incorporeo ad percipiendam ueritatem. nam illud elegans ab ipsa natiuitate ingenium quod appellatur Moyses, pro patria mundum habens in cuius ciuitatem ascriptum est, astrictum uni loco bitumine piceq; obliato corpori, putanti se omnes rerum sensibus subiectarum imaginationes capere seruareq;, deplorat se uinctum, incorpoream naturam desiderans: deplorat etiam inflatæ &

errantem mentem vulgi miseri, quæ pendens à falsa opinionione, putat inesse sibi aliquid certum firmumq; , aut in uniuersum creaturam ullam esse immutabilem, cum perpetuæ stabilitatis exemplum in uno deo sit propositum. Ceterum illa uerba, Venite ædificemus nobis ipsis ciuitatem & turrin, cuius fastigium usq; ad cælum pertingat, tale quiddam subindicant. Ciuitates apud legislatorem non tantum vulgares istæ intelliguntur, uerū etiam quas homines in animabus suis circumferunt. hæc uidentur exemplares, ut diuiniorem paraturam sortitæ. illæ uero harum imagines, cum constent ex essentia corruptibili. sunt autem duæ ciuitatis species, altera melior, altera deterior. melior, in qua sub populari administratione reip. ciues æquo iure uiuunt, legibus principatum obinentibus. hæc ad laudem dei pertinet. deterior aut, adulterina, falsæq; monetæ, in qua penes vulgum est regimen, & inæqualitas est in precio, præsidente iniquitate atq; iniustitia. in prioris ius probi ascribuntur, in posterioris ignauorum multitudo, perturbationem magis quàm ordinem, & confusionem magis quàm bonam constitutionem diligens. Insiapiens autem socios postulat, non contentus peccatis proprijs: hortaturq; ad nauandam sibi operam nunc uisum, nunc auditum, nunc sensus ceteros ut incunctanter præsto sint, & pro uiribus suum quisq; ministerium accommodet. accersit etiã & concitat ceteras cateruas affectuum suapte naturam indomitorem, ut prælia meditatio inuictus euadat. Hos igitur socios mens his uerbis concitat: Aedificemus nobis ciuitatem, ac si dicat, partes nostras communiamus,

circumdemus nobis firma mœnia, ne simus expositi hostilibus incurvationibus, distribuamur in tribus & curias, in quas adscribantur insitæ in anima potentia, & pars brutis contribuatur, pars rationalibus. magistratus autem eligamus nobis commodos, opulentiam, gloriam, honores, uoluptates, per quos adipiscamur potentiam, exclusa iustitia paupertatem obscuritatemq; afferre secum solita. Scribamus leges quæ faueant potentioribus, quorum ut reip. utiliorum, præcipua habenda est ratio. in primis turris extruatur, quæ uitio tyranno sit pro arce regiaq; munitissima, cuius pedes in terra nitantur, caput ad cælum pertingat, magnanimitate ad tantæ celsitudinem penetrans. nam certum est eam non in solis humanis iniquitatibus consistere, sed properare ad cælestia per impios & deo infestos sermones, dum aut cæli numen negat, aut providentiam eius, aut mundi cōditi principium: uel si hunc creatum concedit, tamen & causas eius incertas putat, & motum ei moderatum adimit, affirmans eum nunc perperam, nunc contumaciter agitari, sicut naues aut quadrigas circensium: quæ nunquam sine gubernatore aurigaq; feruntur cursu prospero. at providentia non interdum, sed humana sepe, diuina semper, bonum habet euentum. nam error confessione omnium abest à diuina potentia. Proinde hac figura significatur, insanos homines malitiæ rationem tanquam turrim edificare, nihil aliud querētes nisi ut nomen suum magnum magis quàm bonum transmittant ad posteros: dicunt enim, Faciamus nobis nomen.] O insignem impudentiam. quid ait is cum debeat tenebris uestras in-

quia

quitates abdere, & pretextum eis si nō uerū certe ue-
 risimilem quærere, uel ad ineundam apud honestiores
 gratiam, uel ut effugiatis pœnas confessorum criminū:
 audetis tantum non in clarissima luce uos ostentare, cō-
 temptis & minis hominum, & supplicijs diuinitus in-
 fligendis sine clementia? & insuper circumquaq; rumo-
 res nunciosq; iniquitatum uestrarum dimittendos cen-
 setis, ut nemo nesciat, nemo non audiat uestra ô miseri
 ac scelesti facinora? At quale tandem nomē cupitis? cer-
 te quale factis uestris conuenit. id uero est ne unum so-
 lum? genere fortassis unum, sed in species distinctum in-
 numeras, quas uel silentibus uobis opprobrabunt alij.
 inest enim uobis petulantia cum impudentia, cōtēptus
 cum uiolentia, uis cum cæde, stupra cum adulterijs, cum
 immoderatis uoluptatibus immensa concupiscentia, cū
 temeritate insolentia, cum calliditate iniustitia, cum fu-
 racitate rapacitas, cum mendacijs periuria, cum iniqui-
 tatibus impietas, hæc sunt ista nomina, et his similia. bel-
 la uerò gloriatio, captare celebritatem nominis ex his
 quæ cælari debuerant. Sunt tamen qui ualde sibi rebus
 talibus placent, putantes inde se lucrifacere præclaram
 existimationem apud homines, qui ultrices tam imma-
 nis audaciæ diras non effugient, non solum præsagien-
 tes, sed & præuidentes suum interitum. quos libèter sic
 alloquerer: Scitis fore ut dissipemini. Cur igitur pecca-
 tis? Sed fortasse morem insipientium proponit, qui etiā
 maximis pœnis non obscure sed manifeste impendenti-
 bus, ab iniurijs non temperant. sunt autem notissimæ ar-
 tes malæ, quas solet ferire diuina ultio. & pessimi quoq;

cogitant deum non ignorare ipsorum maleficia, nec se posse illius animaduersionem depellere. alioquin unde sciunt se dissipandos? attamen dicunt. Priusquam dissipergamur.] Profecto conscientia redarguit in pectore, & quanquam contemptores dei stimulat, ut uel inuiti cogantur intelligere, humanas res administrari à natura præstantiore, & esse iustitiam quæ implacabiliter scelera uindictet, insensam iniustis impiorum facinoribus, & eis etiam qui his patrocinantur. Verum isti omnes sunt semper morientis, & nunquam emortuæ miserie posteritas, illius quæ Cain nominatur. Annon & Cain post natum sibi filium, quem nomine idem quod ipse significante appellarat Enoch, inducitur ciuitatem condere, et quodammodo creaturas mortales ædificare, ad subuersionem rerum diuiniorum apparatus sortitanti. Nam Enoch interpretatur gratia tua. At impius quisque opinatur quod cogitat & intelligit esse intellectus sui gratiam: quod uidet, oculorum: quod audit, aurium: quod olfacit, narium: itidemque cætera officia fert accepta suis sensibus, sicut & sermonem uocis instrumentis. deum autem causam esse negat, aut contendit non esse primariam. ideo primitias agriculturæ suæ sibi reponit, contentus obtulisse deo de fructibus, quamuis exemplum salubre haberet in proximo. nam frater eius primogenita, non secundarios gregis partus sacrificat, confitens antiquissimas causas esse penes autorem antiquissimam. at impius opinionem tuetur contrariam: intellectum habere suæ uoluntatis potestatem liberam, & sensum sentire quicquid uult. iudicare enim uere libereque, hunc de corporibus,

ribus, illum de omnibus. atqui adeo sunt reprehensibiles, & à ueritate conuincibiles, ut nihil supra. nonne intellectus sæpe in rebus innumeris delirij coargutus est? nonne sensus omnes deprehensi in falso testimonio? non pro tribunali rationis, quæ & ipsa falli potest, sed ipsa natura iudice, cuius incorruptissimum est iudicium. proinde cum & intellectus noster & sensus sit in lubrico, necessario fatendum est deum nobis impluere & cogitationem & uim percipiendi. & hanc gratiam nobis conferri non à nostris partibus, sed ab illo cui totum debemus quicquid sumus. At arrogantes filij hereditatem à patre acceptam cupiunt ad cælum exstruere, donec iustitia uirtutis amica, uitiorum hostis, aggressa ciuitates communitas contra miseram animam, & has demolitur & turrin, cuius nomen in Iudicum libro scriptum extat. id Hebraice dicitur Phanuel, interpretatur autem Auersio dei. nam quæuis munitio quæ per ratio cinationes probabiles adstruitur, ad nihil aliud edificatur, quam ut mentem diuertat & defleat à cultu dei, quo conatu quid esse possit iniquius: uerum contra hanc turrin prædator & hostis iniustitiæ suscipit expeditionem, qui Hebraicè uocatur Gedeon, et interpretatur prædonum receptaculum. Iurauit, inquit, Gedeon Phanuelitis dicens: Cū uictor in pace reuertar diruam turrin istam. Egregia comminatio, decens animam hostiliter affectam eragmalos & impios, fore ut subruantur omnes rationes quæ ducunt ad impietatem, & solet ita fieri. Cum enim mens conuertitur, destruitur quod auersum fuerat. & quod iure mireris, huius demolitionis tempus ait esse nō

bellum sed pacem, mētis enim stabilitate quieteq; quam pietas solet parere, subuertitur omnis ratiocinatio quā struxit impietas. Sunt etiam multi qui sensus in modum turris extollunt tantopere, ut ad celi fines pertingant. per cælum autem noster intellectus significatur, in quo præstantes diuinæq; naturæ uersantur. Hæc qui audent, sensum intellectui præferunt, uolentes expugnare intelligibilia per sensibilia, facereq; seruos è dominis, & uice uersa è seruis dominos. Cæterum illa uerba: Descendit dominus ut uideret ciuitatem & turrim,] figuratè accipienda sunt. nam credere quòd deus accedat aut recedat, aut descendat ascendatq;, uel in totum sicut animalia mouentur stet moueaturue, impietatis est deportandæ in extremas, ut uulgus loquitur, insulas Oceani. Sed ista humano more legislator de deo dicit, quamuis haudquaquam humana forma prædito, ad utilitatem discitentium, ut iam antè non semel admonuimus. Quis enim ignorat quòd descendens alio loco relicto alium occupat? Deus autem implet omnia, nō contentus sed continens, qui solus ubiq; simul & nusquam est, nusquam, quia ipse locum & regionem creauit unā cum corporibus, nec fas est autorem intra ulla suam creaturam includi. Vbiq; autem, quia potentijs suis per terram, aquā, aerem, cælum extensis, nullam partem mundi destituit, sed omnia inter se inuicem astringit inuisibilibus uinculis, ne unquam soluantur, plurimum laudandus hoc nomine. quod enim celsius est omnibus potentijs, intelligitur eas excedere, cum eas in potestate habeat. uirtus autem illa omnipotens quæ condidit & gubernat omnia,

uere

vere deus dicitur, omnia continens in gremio, & omnia penetrans uel minima. id inuisibile incomprehensibileq; numen cum sit ubiq; , nusquam tamen uere cernitur aut percipitur. & cum dicit: Sto ante te, uidetur quidem se ostendere, sed maior est quàm ut uel indicari possit uel uideri ab ulla creatura. Ergo migratorij motus nomina nequaquam deo conueniunt, sursum, deorsum, dextrorsum, sinistrorsum, prorsum, retrorsum: nec tale quicquam intelligitur de illo qui locum non mutat, nihilo minus dicitur descendens uisere, qui omnia prius etiam quàm fiat praeuidet manifestissime: ut doceamur moneamurq; , nequis homo de absentibus rebus & incertis putet se posse certam coniecturam facere, sed propius introspecto negotio diligenter cuncta perlustret. uisus enim certus potius quàm fallax auditus, testis adhibendus est. quapropter in optime constituta rep. lege cautum est, nequis audita dicat pro testimonio, quia iudiciū auditus naturaliter facile est corruptoribus. Apud Mosem quoq; inter uetita legitur: Non admittes auditionem uanam. ubi nō tantum interdicit, nequis falsum sermonem aut stultum accipiat auribus: sed docet quod ad manifestam ueritatis perceptionē longè minus quàm uisus idoneus habeatur auditus, cum sit refertus uanitatibus. Hāc censemus esse causam cur descendisse dicatur deus ut ciuitatē ac turrim uiseret. nec temerē additum est, Quam aedificarant filij hominum.] Fortassis enim profanus aliquis cauillabitur: Nouam uerò rem nos docet legislator, turres atq; ciuitates non ab alijs aedificari quàm filijs hominum. quis adeò demens est, ut hæc tam manifeste

sta nesciat? Verum non ista obuia protritaq; consideran-
 da sunt in sacris oraculis, sed uestiganda quæ teguntur
 sub his apertis uocabulis. Quid igitur hoc est? Qui re-
 bus multos quasi patres tribuunt, et multorum deorum
 cateruam introducunt, negocia confundentes per impe-
 ritiam, & animæ finem uoluptati assignantes, opifices
 dictæ urbis eiusq; arcis, si uerum fatendum est, facti sunt:
 quas ad finem illum deducunt extruendo tanquam ædi-
 ficia, ipsi non absimiles opinor natis è scorto, qui à diui-
 na concione arcentur lege dicente, Non intrabit natus è
 meretrice in ecclesiam domini. Isti enim quasi passim iac-
 culantes sagittarij, qui in nullum scopum præstitutum
 tela dirigunt, innumera principia causasq; rerum creda-
 tarum supponunt, falsas omnes, cum unum factorem pa-
 tremq; uniuersitatis nesciant. sed qui scientiam habent,
 inius dei filij appellantur merito, sicut & Moses fate-
 tur dicens, Filij estis domini dei. & alibi, Deum qui te ge-
 nuit. & , Nónne hic ipse pater tuus est? Qui sic affecti
 sunt, solum honestum bonum existimant, quæ est arx ab
 huius belli peritis contra finem uoluptatem sectantium
 opposita, ut illum expugnatum tollant è medio. quod si
 nondum quisquam est dignus ut dei filius appelletur, in-
 tamen da operam ut ornatus sis sicut uerbum eius pri-
 mogenitum, angelus antiquissimus, & quidam uaria-
 rum appellationum archangelus: uidelicet principium,
 nomen dei uerbumq; dictus, & homo factus ad imagi-
 nem, & uidens ille Israel. Quamobrè superius adductus
 sum ut laudare eos qui sui generis initia referunt ad unum
 uirum communem parentem. nam si nondum idonei su-

mus ut nominemur dei filij, sinus saltem sermonis illius
sacratissimi, qui eius sempiterna imago est. imago enim
dei est uerbum illud antiquissimum. hoc genus multis in
locis lex filios Israel etiam nominat, uidentis illius audi-
tores, quandoquidem post uisum auditus secundum ho-
norem meretur, & qui discunt, posthabendi sunt eis qui
absq; præceptore manifestas subiectorum formas perci-
piunt. Promde ueneror in Regum libris sacras literas,
ubi qui post multas ætates flagitiose uixerunt, tamen ad
stirpis autorem Dauid hymnorum diuinorum poetam
referuntur, qui uiuus uidensq; ne proauos quidem eo-
rum agnouisset pro suis posteris. animarum enim quas
uirtus immortalitati consecrat, non corruptibilium cor-
porum soboles, in posteritate bonorum uirorum cense-
tur. cæterum de his qui se iactant ob iniusta facinora, di-
cit dominus: Ecce genus unū & labium unum omnium:
ac si dicat, Ecce una familia cognatioq; pariter omnū,
nemine mutante sententiam, nec discrepante, quemad-
modum & musicæ imperiti consonant. nam & horum
uocis instrumenta interdum modis omnibus inconcin-
na sunt & dissona, ut nihil inter eos conueniat, nisi
quod pariter discrepant. Idem & in febribus usu uenit
ut uidemus. nam & quotidiani & tertiani & quarta-
ni ut medicorum filij uocant circuitus, statas horas ha-
bent nocturnas diurnasq;, & eundem semper seruant
ordinem. Porro illud: Cœperuntq; hoc facere, non sine
indignatione dictum est: quod malefici non contenti hu-
mane societatis iura uiolasse, ad cælum sint ausi scande-
re, iniquitatem seminantes, & metentes impietatem. sed
nihil

nihil proficiet miseri. nā qui se mutuis iniurijs afficiunt, sepe consilia quamuis ab ipsis damnata, perducunt tamen ad effectum, impij uerò non item. Numen quod impetunt, illesum manet, ipsi maculam contrahunt inelutabilem. & ordiuntur quidem iniuriam, sed nihil efficiunt. Propterea sic dictum est: Cœperūt facere. Homines inexplēbilitē peccandi auidi, non contenti facinorib. terra mariq; patratis & in aere, quæ sunt elementa corruptibilia, decreuerūt naturæ cælesti ac diuinæ inferre manus impias: quæ cum inter creaturas non censeatur, est extra omnem aleam iniuriæ. quæ etiamsi maledictis appetatur, nihilo habet deterius, nec à sempiterna sua natura dimouetur, sed maledicis calamitates infert haud unquam medicabiles. si quidem etiamsi cœptis frustrati non potuerunt ad destinatum impietatis suæ finem peruenire, nihilo minus ac si cogitatum facinus perpetrassent, damnandi sunt. & hoc est quod ait absolutam turrim ab eis, quamuis pēderet adhuc, dicens: Dominus descendit ut uiseret ciuitatem ac turrim, non quam ædificaturi erant, sed quam ædificauerant. & quod argumentum est imperfectæ structuræ? Primum ipsa res satis loquit. nulla enim terræ pars ualet cælum attingere, ob causam supradictam, quia nullum centrum tangit suam circumferētiam. deinde, quoniam æther sacratu ignis flamma est inextinguibilis, iuxta Græcam nominis ætymologiam, *πῦρ τὸ αἰθέριον*, quod urere significat. testis est sol ignium pars cælestium, qui ex tanto interuallo intima terræ penetrat suis radijs: nec tantum hanc, sed & aerem, qui ad cælestem usq; orbem ab ea pertinet.

fiet, licet suapte natura frigidum, partim tepescit, par-
 tim exurit. nam quæcunq; aut multum distant ab eius
 orbita, aut ad latus alterutrum declinant, tepescit tan-
 tummodo. quæ uerò aut propinqua sunt aut directe op-
 posita, maiore ui caloris exurit. quæ cum ita se habeat,
 non erat opus illis fulminibus contra conantes ascende-
 re, cum alioquin ausus illi magnifici euanesceret. Quod
 subindicatur per ea quæ mox sequuntur: Desiuerunt,
 inquit, ædificare ciuitatem & turrim.] Dubio procul
 non quia perfecerant eam, sed quia confusio secuta pro-
 hibuit quominus perficerent. nec tamen effugerunt cri-
 men perpetrati facinoris, qui cōsiliū tam immane non
 dubitarunt aggredi. certē augurem illum & prodigio-
 rum procuratorem, uanis coniecturis studentem (uan-
 nus enim interpretatur Balaam) lex ait populo uidenti
 maledixisse, quamuis in uerbis eius erat fausta prece-
 tio: mirum ni non respectu dictorum eius quæ diuina
 prouidentia recudebat in quandā meliorem monetam,
 sed mentis ipsius, cui noxia magis obuersabantur quā
 utilia. pugnam autem hæc inter se suo pte ingenio, con-
 iectura cum ueritate, uanitas cum scientia, diuino furo-
 re carens diuinatio cum sapientia: & quamuis aliquis
 conatus per insidias alterum interimere frustratus est,
 nihilominus homicidij reus est, sicut decernit super hoc
 casu scripta lex. Siquis, inquit, conatus fuerit proxi-
 mum suum dolo perdere, & ad altare confugerit, ab-
 stractum afficies supplicio. Atqui conatus tantum, non
 interemit. at par est maleficium, patrasse cædem, & de-
 cresse. quāobrem ne supplici quidem uenia datur, sed
 csa

ē sacrario duci iubetur qui concepit tam nefarium confes-
 sium. profanus est autē & nefastus non solum quoniam
 animæ per uirtutis usum fructum ualenti perpetuo uiue-
 re, per uitiorum assultū cædem molitus est: uerum etiam
 quia deum facit fautorem ausus impij. nam refugium id
 significat: quoniam multi uolentes euadere propria cri-
 mina, & debitæ poenæ eripi, facinus suum referunt in
 deum, nullius mali autorem, sed bonorū omnium. proin-
 de pium habetur tales uel ab ipsis delubris abstrahere.
 Extat autem insignis poena cōtra impietatis assertores,
 quam fortasse quidam insipientes non damnum sed lu-
 crum arbitrabuntur. Non deficient, inquit, ab eis omnia
 quæcunq; aggressi fuerint facere. ô infinitam & immen-
 sam miseriam: omnia quæcunq; aggredietur mēs demen-
 tissima, succedunt ex sententiā: nec magnus nec paruus
 conatus frustrabitur ullus, ultro negocijs animæ occu-
 rentibus & sese præbentibus. hæc sunt animæ uiduata
 indicia, peccātis absq; impedimētis omnibus. nam quis-
 quis est nō prorsum insanabilis, optarit se consilio men-
 tis destitui, ut cum furtum aut adulterium aut homici-
 dium aut sacrilegium aut aliquid simile tentat committe-
 re, successu careat, & innumera inueniat obstacula. nam
 cohibitio maximum morbum arcet iniusticiam: quod si
 adsit licentia, ille uitari non poterit. Et adhuc tyranno-
 rū fortunas ô beati suspicitis, quibus proclive est quid-
 uis efficere, quod rabido efferatoq; animo concipiunt &
 imò gemenda est illorū conditio. siquidem inopia & in-
 firmitas malis prodest, bonis uerò potētia cum opibus.
 Certē quidam ex insipientium numero postquam sensu
 ad

ad quantam infelicitatē perducit libertas peccandi, ait, Maior est culpa mea quā ut remittatur. Est enim ualde graue animā sine freno sinere per se indomitam, quæ habenis ægrè coercetur et scutica. quamobrē oraculum propitiij dei plenum bonitate spem egregiam ostendat discipline amatoribus, quod sic est redditum: Non dimittam te neq; deseram. nam laxatis animæ uinculis, quibus continebatur, maxima sequitur calamitas, à deo deseri, qui suas ipsius potentias circumdedit rebus omnibus tanquam fortissima uincula, & his eas indissolubiler adstrictas esse uoluit. quin & aliubi dicit, quicquid ligatur uinculo purum esse, quando impuritatis causa est dissolutio. Caue igitur quoties uides aliquem quidlibet expedite facere, mireris tanquam fortunatum: sed potius ut infelicem miserare, cui uirtutum sterilitas, uitiorum ubertas perpetua contigit. Nec illud in transcurso & leuiter expendendum est, quid sibi uelit quod ibidem ex persona dei dicitur: Venite descendamus & confundamus linguam eorum.] uidetur enim quosdam alloqui tanquam operationis socios. idem & antea de hominis creatione dictum legitur. Dixit, inquit, dominus deus: faciamus hominem ad imaginem & similitudinem nostram: ubi uox Faciamus pluralitatem significat. & rursum dixit deus: Ecce Adam factus est sicut unus è nobis, ut noscat bonum & malum. nam illud, unus è nobis, non de uno, sed de pluribus ponitur. Dicendum igitur illud primum, nihil in rebus æquiparari deo; sed hunc esse unum regem ducem principem, à quo solo fas est administrari ac dispensari uniuersa. nam illud,

Multos

Multos imperitare malum est, rex unicus esto,
 non ad ciuitates & homines magis pertinet, quàm ad
 mundum & deum. Vnum enim unius factorem, patrem,
 dominum esse, necessum est. quo concessio, attexeda sunt
 quæ inde consequenter dependent. quænam illa? deus
 cum sit unus, dici nō potest quàm multas habeat socias
 potentias, quæ salutem rerum procurāt, quædam etiam
 plectunt noxios. ea uerò pœna nō est damnoſa, cum pec-
 cata castiget ac coherceat. per has item potentias ille in-
 corporeus intelligibilisq; mundus compactus est, exem-
 plar huius mundi uisibilis: quod constat ex ideis inuisibi-
 libus, sicut hic noster ex corporibus uisibilibus. Vtriusq;
 pulcritudinem admirati quidam, non solum ipsos totos
 consecrauerunt, uerum & partes eorum præcipuas, so-
 lem, lunam, cælum, non ueriti eas deos appellare, quoniam
 cogitationem Moses intelligens, inquit, Domine domi-
 ne, rex deorū: ut indicaret eum esse præstantiorē quoniam
 subditos. Est & in aere animarum incorporearum sa-
 cratus chorus, assecla illarum cælestium. nam has solent
 angelos nominare diuina oracula. hic uniuersus exerci-
 tus in suos digestus ordines, imperatoris summi iussu
 exequitur, & huic uni moderatori suo sicut fas est ob-
 quitur: in quibus copijs nō licet reperire desertorem co-
 dinis. Rex ipse his ministerijs stipatus, utitur eis diutius
 xat ad ea negocia, quæ decet non à solo deo tractari.
 quamuis enim nullius ope indigeat pater omnium, qui
 subleuetur quoties uult aliquid facere: tamen uidet quid
 se, quid creaturas deceat, & quædam potentijs subditis
 efficienda permittit, ne his quidem concessa facultate in-
 totum

totum libera, ut ne quod erratum in generatione admit-
tatur. Hec igitur necessario primum dicenda habui,
nunc dicam quid inde colligitur. Animalium naturæ pri-
ma diuifio fit in partes brutam rationalemq; , rationalis
pars subdividitur in mortalem speciem & immortalem
alteram, mortalem hominum, immortalem animarum
incorporearum, quæ uersantur in cælo & in aere. hæ-
uitiorum expertes sunt; sortem adeptæ felicem nullisq;
calamitatibus obnoxiam, quippe quæ non alligantur cor-
pori miseriarum domicilio. bruta quoq; carent uitij,
sicut & mente, proinde non fiunt rea peccati uolunta-
rij, quando nulla præcedit deliberatio. solus propemo-
dum ex omnib. homo habens bonorum malorumq; sci-
entiam, se penumero eligit contemnenda, fugit sectanda
magno studio, quapropter merito peccati sponte ad-
missi reus peragitur. conuenienter igitur huius creatio-
nem deus cum subpræfectis suis communicat dicens: Fa-
ciamus hominem: ut & benefacta eius ad ipsum auto-
rem solum referantur, et peccata ad cæteros socios. nam
ipsi omnipotenti non erat conueniens, in rationali ani-
mâ uiam ad uitia sternere. quam ob rem ministris eam
partem faciendam commisit. nam complementum totius
operis postulabat ut uoluntario contrarium iungere-
tur inuoluntarium. & hæc quidem hætenus dicta sint.
superest & illud considerandum, deum bonorum tan-
tummodo causam esse, mali autem prorsus nullius: quan-
do quidem ipse bonum omnium antiquissimum est &
perfectissimum. Decet autem suæ naturæ propria ope-
rari optimum optima: improborum autem poenas per
Phil. 10. 1. eius

eius ministros sanciri. attestantur meis dictis illa uerba
perfecti meditatoris: Deus qui nutrit me à iuuentute
mea, angelus qui eripit me ex malis omnibus. hic quoque
nunc fatetur germana bona, quæ studiosas uirtutis ani-
mas nutriunt, ad solum deum autorem referenda: malo-
rum autem portionem commissam angelis, ac ne his qui-
dem liberam puniendi facultatem habentibus, ne cui ad
perniciem tendenti salutaris illa natura occasionem præ-
beat. quapropter dicit: Venite descendamus & confun-
damus. hæc enim censuram merentur impij, ut beneficio
alioquin, benignæ propitiæque potentie poenas ab eis exi-
gant: quas deus sciens humano generi utiles, per alios sta-
tuit. oportebat enim castigationem adhiberi, sic tamen
ut perennes gratiarum fontes nullis malis miscerentur,
non solum his quæ uerè mala sunt, sed etiam quæ essen-
dentur. Nunc quærendum quæ sit illa confusio. at quo-
modo quærendum? sic opinor. Sæpe ignotos ex similium
& eiusdem generis collatione cognoscimus. ad eundem
modum etiam res quæ per se non facile noscuntur, mani-
feste apparebunt per cognatarum similitudinem. Quid
est igitur confusioni simile? mixtura, sicut à maioribus
traditur, & temperatura. mixtura in aridis rebus, tem-
peratura in humidis. est igitur mixtura, corporum diuer-
sorum perturbata coniunctio: quasi quis hordeum, triticum,
pisum, ceterasque frugum species in unum acernum
congerat. temperatura uerò non est coniunctio, sed dissi-
milium partium mutua penetratio, quarum semel tem-
peratarum qualitates arte quadam secerni queunt, quod
dicunt in uino & aqua contingere. nam hæc duo si uniantur


tur, temperaturam conficere, quæ nihilominus redire
 possit ad qualitates pristinas. si enim spongiam imbuas
 oleo, aquam ea colligi, uinū relinqui. fortasse quia spon-
 gia ex aquis genita cognatum liquorē ex temperamen-
 to attrahit, uinum uerò ut alienum respuit. at cōfusio fit
 cum penetrātibus seinuicem partibus qualitates earum
 pereunt, ut corruptis rebus quæ prius fuerant: unius no-
 uæ, & à prioribus diuersæ, existat generatio: quod acci-
 dit in medicorum compositione quam uocāt tetraphar-
 macum: quæ constat opinor è cera, pice, resina, & adi-
 pe: quæ semel composita non possunt arte ulla separari,
 ut redeant ad qualitates pristinas. sed cum singulæ nus-
 quam appareant, ex omnibus corruptis una egregia fa-
 cultas conficitur. Quoties autem deus minatur consu-
 sionem cogitationibus impijs, ea non singulis tantum ui-
 tiorum speciebus earumq; uiribus intentatur, sed & o-
 peribus eorum quæ fiunt de communi sententia: ne uel
 singula, uel communicatis consilijs, uires colligant ad
 delendam partem præstantiorem. quapropter ait: Con-
 fundamus ibi linguam eorum, ne audiant uocem quisq;
 sui proximi.] ac si diceret, muta surdaq; faciamus uitia
 singula, ut nec loquendo nec assentiendo damnum dent.
 Hæc est nostra super hoc textu sentētia. Qui uerò aper-
 ta solum & obuia sectantur, putant hic describi ortū lin-
 guarum Græcarū ac barbararum. quos equidē nō accu-
 so: fortassis enim & ipsi recte sentiūt: attamē admonitos
 cupio, ne hactenus processisse cōtenti sint, sed transcant
 ad tropologiam, sic existimando, diuina oracula esse um-
 bras quasdam corporū: ceterū quæ per has significantur,

esse res uerissimas. id si quis animo cæcutiens parum intelligit, occasionem ab ipso legislatore porrectam non negligat, uel hoc ipso in loco. Confusionem enim rem hanc appellat: qui si uoluisset solum ortum linguarum indicare, aptius diuisionem appellasset quàm confusio- nem. non confunduntur enim quæ in partes distribuuntur, sed discernuntur potius: ut non minor pugna sit in- ter hæc uocabula, quàm inter res ipsas. est enim confu- sio, sicut iam dixi, facultatum simplicium corruptio, quæ simul congestæ unam quampiam generant. separa- tio uerò est unius in plura sectio: sicut cum genus ali- quod in plures diuiditur species. Itaq; si ille solus sapiens uoluisset unam loquelam in plures partes diuidi, alijs a- ptioribus & magis proprijs usus fuisset appellationi- bus: puta diuisionem dicendo, aut distributionem, aut se- parationem, aut aliquid huiusmodi, non confusionem, quæ planè contrarium significat. Verùm hoc nunc est propositum, disicere uitiorum constipatum cuneum, ir- ritare horum fœdera, societatem conuellere, copias sum- dere fugareq; imperium ui euertere, quod erat commu- nitum iniquitatibus maximis. Viden ut opifex ille no- luit conspirare partes animæ: non oculi possunt audire, non aures cernere, non olfacere labia, non gustare na- res, non ratio fungi officio sensuum, sicut nec sensus ual- lent in uocem erumpere. norat enim ille artifex, non ex- pedire ut hæc se inuicem exaudiant: satius esse, ut singu- læ animæ partes intra suas functiones consistant, & in- confuse maneant: idq; non minus conferre animantium generi, quàm priuatim ipsis potentijs. ediuerso uitia de-
ducta

ducta sunt in confusione[m] & extremam perniciem: ut nec collatis uiribus, nec priuatis conatibus, detrimentum afferant partibus melioribus. & hoc est quod dicit: Dispersit eos dominus illinc: ac si diceret, dissipauit, eiecit, profligauit. nam spargere aliquando ad incrementum & augmentum pertinet, aliquando ad interitum & perniciem. Vult autem ille rerum plantator deus, honestatem esse omnibus insitam, dissipari uero & exulare extra mundi terminos impietatem execrabilem, ut tandem tollatur è medio ciuitas uitiorum, cum insensis uirtutum moribus, impietatis turrim substruentibus. his enim dissipatis, quotquot per insipientie tyrannidem coacti sunt solum uertere, uno edicto reuocantur in patriam: quod ipse deus promulgat, disertè dicente oraculo: Etiam si dissipatus fueris à summo cælo ad extremitatem eius aduersam, sic quoq; te colligam. Itaq; concentum uirtutum à deo foueri decet, uitia uero dissipari & profligari. nec est aliud nomen quod uitio magis conueniat quam confusio. id quod euidentius est in quouis insipiente, qui uerbis, consilijs, factis improbatis confususq; utitur.

PHILONIS IV

DAEI, DE VITA SAPIEN-
tis per doctrinam perfecti, siue De
legibus non scriptis, hoc est,
De Abrahamo, Liber.



Acra legis quinq; uoluminum
primum uocatur & intitulatur
Genesis, ob mundi generatio-
nem sic nominatū, quā in prin-
cipio continet: quamuis in eius
reliquo res innumerae insertae
sunt bello paceq; gesta, item ste-
rilitates fertilitatesq; penuriae copiaeq; adhuc maxime
clades terrarum, incendium & diluuium, & ediuerso
reparatio felixq; prouentus animalium pariter atq; stir-
pū. prout ferebant uel aeris temporumq; quotannis al-
ternantium temperaturae, uel mores hominum aliās uir-
tuti deditorum, aliās uitij. Sed quoniam ista uel partes
mundi sunt uel accidentia, mundus autem ipse opus per-
fectissimum ac plenissimū, ab eius generatione liber de-
nominatus est. de quo opificio quantum potui diligēter
tractaui in superiore uolumine. Nūc quoniam ordo po-
stulat ut leges scrutemur, dilatis ad tempus particulari-
bus earum ceu imaginibus, generaliores & quasi exem-
plares primū disquiremus. Haec sunt uiri qui recte ac sine
culpa uixerunt, quorū uirtutes publicatae sunt in sacra-
rum

rum literarum tabulis, non tantum ad laudem illorum, uerum etiam ad lectores in æmulationem prouocandos. fuerunt enim illi animatæ rationalesq; leges, duabus de causis uenerabiles. altera, quoniam ostendunt quod præcepta legis à natura non discrepant. altera, quod hinc liquet non esse opus magno labore ad exigendam uitam iuxta legum regulam, quando illi prisci ante leges singulatim proditas non scripto iure usi pari facilitate atq; felicitate uixerunt: ut merito quis dicere possit, leges scriptas nihil aliud esse quàm uitarum patrum cõmentarios, in quibus eorum dicta factaq; narrantur. nam illi scholas nullas frequentauerant, nullis præceptoribus usi fuerant, sed à seipsis instituti doctiq; ordinem nature secuti sunt, quæ lex est dubio procul antiquissima omnium: quæ ipsi ius summum fasq; rati esse, totam uitam suam ultro ei subdiderunt: fortuitas autem res precibus & supplicationibus cõmendantes deo propitio, hac quoq; parte uixerunt feliciter, accedente ad promptam recte agendi uoluntatē diuinā quoq; prouidentia. Quoniam igitur principium parandorum bonorum spes est, etiam hanc tantquam publicam uiam ostendit et aperit anima ueri boni studiosa, quæ primum amicum spei nominat hominem, uocabulum totius generis cõmune tribuens ei per excellentiam: nam Chaldæi hominem Enos uocant: ac si solus uerè homo sit, qui res bonas expectat, & bonâ spe se sustinet. Vnde manifestum est, quod spe carentē non hominem existimat, sed bestiam humanâ formâ præditā, cui deest spes proprium ornāmētum humanæ animæ. Quamobrem cum uellet egregie laudare hunc bene sperātem,

postquam dixit: hic sperauit in patrem & in factorem
 omnium subiecit, Hic est liber generationis hominum,
 quamuis iam & patres & aui quidam erant. Sed illos
 mixti generis autores censebat, hūc autem puri putiq;
 quod rationale uerè dicitur. nam sicut Homerus inter
 ceteros innumeros poeta per excellentiam uocatur, &
 atramētum quo scribinus, quamuis atrum sit quicquid
 albo opponitur, & ἀγχιον Athenis ē nouem magistra
 tibus præcipuus, cuius nomen in fastis distinguit tempo
 ra: eodem modo bene sperantem hominem per excellen
 tiam nominat, secretum à uulgo ignobili, et indigno tali
 appellatione. Nec minus rectè librum generationis ueri
 hominis dixit, non extra propositū, quando quidem hic
 bene sperans celebratione memoriaq; dignus est, non in
 chartulis corrumpendis à timeis, sed in immortalī natu
 ra, penes quam sunt commentarij uirtutum omnium.
 quod si quis initium numerandi faciat à primo illo tera
 rigena, hunc à Chaldæis Enos, à Latinis nominatum ho
 minem, quartum inueniet. Quaternarius autem inter
 numeros honoratur apud alios quoq; philosophos, qui
 incorporeis & intelligibilibus essentijs delectantur, sed
 præcipuè apud Mosē illum sapientissimum, qui extola
 lens quartum numerum ait eum sanctum & laudabi
 lem, sicut in præcedente opere dictum est. Sanctus au
 tem & laudabilis est qui bene sperat, sicut ediuerso pro
 fanus & uituperabilis qui non sperat, timore semper ua
 tēs malo consiliario. negant enim ullas duas res tam in
 festas esse inuicem, quam spem & timorem. & merito.
 nam utraq; est expectatio, altera bonarum rerum, alte

ra contrà malarum, inter quas naturas nulla possunt in-
tercedere fœdera. Hactenus de spe dixisse sufficiat, quã
in foribus ceu iantricem natura collocauit, intus uerò
cæteras uirtutes regias, quas adire licet nemini qui non
prius hanc unam demeruit. proinde legislatores & le-
ges passim promulgatæ pro magno negotio habent re-
plere bona spe animos ingenuos, qui uerò absq; alieno
hortatu bene sperat, non à scripta, sed ab innata sibi le-
ge discit hanc uirtutem, cuius ipsa natura autor est. post
spem secundum ordinem tenet poenitentia peccatorum
& correctio. ideò deinceps memorat in melius mutati
hominem Enoch dictum Hebræis, id est, gratiosum, de
quo sic legimus, quòd placuit Enoch deo, & non est in-
uentus, quoniam transiulit eum deus.] nam hæc trans-
latio uersionem & mutationem significat. fit autem in
melius, quandoquidem sit per dei prouidentiam. quic-
quid enim deo fauente agitur, omnino bonum est ac uti-
le: sicut inutile quicquid citra opem numinis. Recte ue-
rò & illud dicitur, Non est inuentus, de translato: eo
quòd prior uita culpabilis euauerat, ut non inuenire-
tur amplius, ac si ne fuisset quidem unquam antea. uel
quòd non facile inueniatur qui ad potiorem ordinem
transeat: quia uitium suapte natura latè patet, ideò uul-
go notissimum: uirtus rara est, ut uix paucis contingat.
& alioquin etiam uir improbus per fora, theatra, tribu-
nalia, curias, conciones, omnesq; cœtus atq; sodalitates
hominum cursitat, quippe curiositati assuetus, linguam
habens sine ullo fine modoq; & iudicio uolubilem, com-
miscens confundensq; omnia, ueris mendacia, dicendis

celanda, priuatis publica, sacris profana, serijs ridicula, ignorans silentium rem esse pro tempore ac loco pulcherrimā. proinde arrectis auribus, quo satisfaciat suae curiositati, bonos malos rumores captat, ut mox aut gaudeat, aut inuideat, est enim quiuis malus ingenio malitioso, inuido, honestati aduerso: ediuerso probus quiete uitae amator secessum & solitudinem diligit, latere ignotus cupiens, non societatis humanae odio, est enim cum primis amans hominum: sed quia fugitat uitia quibus vulgus delectatur, letum rebus dolendis, gaudio dignas egre ferre solitum. Quapropter inclusus domi seplerunq; continet, uix unquam limen transcendens: aut quo salutatores crebros deuitet, abdens se in aliquod rusticulum solitarium, suauius uiicturus cum uiris praestantissimis, quorum tempus aboleuit corpora, solis uirtutibus eorum superstitibus, quae in literis prorsa uorsaq; oratione proditae ad posteritatis memoriam, in meliorem frugem reducant animas. Quamobrem dictum est, quod translatus non inueniebatur, uidelicet uestigatum & inuentu haud facilis. Traiecit igitur in eruditionem ex ignorantia, in prudentiam ex imprudentia, in fortitudinem e timiditate, in pietatem ex impietate, ex uoluptatum amore in temperantiam, ex ambitione in modestiam, cui mutationi non opes, non regnum, non imperium conferendum est. Nam si uerum fateri uolumus, diuitiae, non illae caecae, sed acute cernentes, sunt uirtutum possessio: quae cum sit uera & legitima, longè praestantior censenda est, quam isti adulterini & falso nominati principatus. Sed meminisse debemus poenitentiam

secundo

secundo post integritatem gradu consistere, sicut post sanitatem corporis reualescentiam. Ergo perpetua perfectio stat proxima diuinæ potentie: ceterum processu temporis ad meliora transitus, est propria dos benenata anime, quæ contemptis puerilibus studijs, per solidiora & magis uirilia contendit ad tranquillam constitutionem, discurrentem per cogitationes honestissimas. ideo merito post poenitentem subsequitur deo charus uirtutis amator, qui Hebraice Noe, Latine quies, siue iustus, uocatur, nominibus sapienti conuenientissimis. id quod de iusto manifestum est. Nihil enim iusticia melius, quæ principatum inter uirtutes tenens, ornat earum chorum maxime. Nec minus quies, cum ediuerso præter naturam motus excitare tumultus, turbas, seditiones, atq; bella soleat, quæ improborum sunt negotia. At honestatis amatores quietam, immotam pacatamq; uitam præferunt. & hoc est quod à seipso non dissentientes uates sabbatum Hebræorum septimum quemq; diem, quietem nominat: non, ut quidam putant, quia post sex dierum spaciū populus abstinebat à consuetis operibus, sed quia septenarius numerus, tam in mundo quàm in nobis confessione omnium habetur pacatissimus, & à seditione, bello, contentione alienissimus. Attestatur mihi quæ nobis insunt potentie. Harum enim sex indefinenter bella terra mariq; concitant, quinq; sensus & sermo qui profertur: illi desiderio sensibiliū, quibus se non potiri egre ferunt: hic per os infrene, multa silenda effutiens. At septima potentia, nempe mens cæterarum dux, quādo in potestate illas sex retinet, & perdomitis eis in secessum se

se recipit, amans solitudinis & contenta secum ipsa colloqui, nullius externi confabulatoris indiga: tum demum à curis ac negotijs mortalibus liberata, uitam serenam tranquillamq; complectitur. In tantum autem scriptura magnificat hunc uirtutis amatorem, ut in stemmate eius non more aliorum auos, proauos, maioresq; ceteros, recenseat, siue paternos siue maternos, sed uirtutes quasdam, tantum non diserte clamitans, nullam aliam familiam, cognationem, patriam, sapientis esse præter uirtutes et harum actiones. Hæ sunt, inquit, generationes Noe. Noe homo iustus, perfectus in generatione sua, deo placuit. Vbi sciendum, quod hominem non vulgari loquendi forma, rationale mortale animal uocat, sed per excellentiam eum qui uere suo respondet nomini, eiectionis ex animo inmansuetis, rabidis ferinisq; uitiorum affectibus. Argumento est, quod post hominem addit iustum, dicens, homo iustus: quia nemo iniustus est homo, sed potius bestia humana forma prædita: in solum autem institutæ sectatorem nomen hoc competit. Hunc etiam perfectum fuisse ait, per hoc docens, non unam eum uirtutem, sed omnes habuisse, singulis usum pro tempore. Post hæc tanquam in sacro certamine uictorem ornat amplissimo præconio, eum deo placuisse pronuncians: quid esse potest in rerum natura potius? cum sit manifestissimum honestatis ac probitatis indicium. Si enim qui deo displicent sunt miseri, quibus placere contigit, proculdubio felices erunt. Nec alienum uidetur à proposito, quod post laudatas tantas uirtutes in homine, adiecit perfectum fuisse in sua generatione: indicans eum non
absq=

absolute, sed collatum ad eius ætatis cæteros bonū fuisse. Nam non multo post memorabit sapientes alios, uirtute incomparabiles, qui non cum malis collati meliores & illis anteferendi iudicati sunt: sed quia felicem naturam adepti, seruauerunt eam incorruptam: nec effugerunt scelerata studia, sed ab initio manserunt ab eis integri: cumq; potissimum bene dicendi faciendiq; haberent studium, uitam exegerunt ornatissimam. Admirandi sane homines, qui liberales ingenuosq; appetitus secuti, nec imitabatur cæteros, nec per contentionem quicquā agebant, nihil nisi iustum ac honestum sibi optādo. Mirandus tamen & ille qui ætatis suæ præstantissimus, nullis rebus est implicitus, quas uulgus diligebat tantopere. huic secundæ partes laudis debentur, illorū uero primam palmam natura esse uoluit. Magnum tamen fuerit uel in secundo loco consistere: quid enim nisi magnum & ambiendum uel dat deus uel accipit? argumento est gratiarum excellentia, quas hic uir consecutus est. Quoniam enim uberrimus prouentus iniquitatum ac impietatum fuerat illo tempore, adeo ut omnis regio, gens, ciuitas, domus, & unusquisq; priuatim repleretur malis studijs, certatimq; de primatu in uitijs contenderent, dū quisq; proximum conatur præcurrere, nihil sibi ad extremam malitiam reliquum faciens: ea propter deus merito indignatus, quod animal omnium, ut uidebatur, optimum, & cognatione cælesti dignatum propter communatam rationem, pro uirtute quam exercere debuerat, complexum esset malitiam, nec ullam eius omisisset speciem, poenam decreuit conuenientem, ut omnes eius
seculi

seculi homines deleret uno diluuiio: nec tantum incolentes campestria loca & humilia, uerum etiam in celsissimis sitos montibus. Nam oceanus elatus aestu quanto minus quam antea, per fauces ualido impetu irrupit in nostra maria: quæ mox insulas ac continentem subitis inundarunt fluctibus. Accesserunt & fontium perrennium, & annuum indigenarum torrentiumque; alij super alios affluxus, qui coniuncti & diffusi etiam in altum creuerunt. Nec aer cessabat interim, oblecto cælo toto cõtinuis nubibus, procellis quoque furentibus: simul tonitrum crepitus, micationes fulgurum, ictusque fulminum intermixti largissimis imbribus faciebant ut uideretur totus mundus abire in naturam aquarum: donec è supernis cataraetis infernisque fluentis tanta moles undarum succreuit, ut non campi tantum & depressa loca operirentur, sed & altissimorum montium cacumina. Omnes enim terræ partes submersæ sunt, ut illa oppressa mûdus magnæ sui portione mutilaretur, & qui prius integer fuerat, mancus, quod cogitatu dictumque nefas est, esse uideretur. Quin & aer, nisi quâ lunari circulo uicinus est, penè totus absumptus erat, pulsus aquarum uiolentia, quæ regionem eius inuasferant. Secuta est satorum arbustorumque perniciēs, quæ sicut ariditatem, ita nimiam humiditatem non ferunt. Interibant & innumeri greges animalium mansuetorum simul & ferorum. Nec mirum si præstantissimo genere humano pereunte, nullum superesse sinebatur è deterioribus, quæ in usum dominorum seruituti addicta fuerant. In hoc tot tantorum malorum confluxu, quæ tempus illud afferebat (omniū enim mundi partium

tiū præter celestes natura luxata fuerat, quasi morbo quodam correpta grauiſſimo ac peſtifero) unica familia iam dicti uiri iuſti deoq; chari ſeruata eſt, qui accepit ſumma duo munera. Alterum quod dixi, non intereſſe cum cæteris omnibus. Alterū, ut nouus autor haberetur inſtaurati humani generis. Conceſſit enim ei deus, ut & ſinis & initium generis noſtri fieret: ſinis ante diluuium, poſt diluuium uero principium. Talis fuit uir ætatis ſuæ optimus, & tale præmium ſortitus eſt, ſicut docet ſacra ſcriptura. Dictarum porro trium animarum, ſiue uitæ rationum, ordo miram habet harmoniā. perfecta enim, ab initio eſt integra. mutata uero, ſemipfecta, cuius priora tempora uitæ dicata, poſteriora uirtutibus, ad quas translato domicilio migratum eſt. Illa autem ſperabunda, ſicut nomen ipſum indicat, deſectum habet, ſemper quidem boni cupida, non dum tamē eius compos, ſed nauigantibus ſimilis, qui properantes in portum appellere, adhuc marina iactatione diſtinentur. Hic eſt prior ternio uirtutem deſiderantium, nunc ſuper eſt, ut de potiore altero dicamus. Nam ille uidetur ſimilis diſciplinis puerilibus, hic uero uirorum athletarum exercitijs, parantium ſe ad ſacra certamina, qui neglecta corporis habitudine animæ proſpiciunt, cupientes uictoriam de aduerſarijs affectibus. Cæterum qua in re quiſq; præcellat, omnibus ad unum eundemq; finem contendentibus, aliās dicemus diligentius: nunc quæ ſimul de tribus dicenda ſunt non ſilebimus. Eiſdē omnes ſunt generis, eiſdemq; familiæ. Nā ultimus filijs eſt medij, nepos uero primi, omnes amici chariq; deo, amātes uerū

uerum deum, & redamati ab eo: qui dignatus est, sicut indicat oracula, propter uitam ipsorum probatissimā, communem cum eis appellationem habere. Suum enim coaptauit cum illorum nominibus, è tribus compositū uocabulum sibi uindicans. Hoc, inquit, meum nomē est eternum, deus Abraham, & deus Isaac, & deus Iacob, relatiuum pro absoluto, & merito. Deus enim non habet opus nomine. Attamen humano generi suum nomen largitus est, ut habentes refugium ad preces & supplicationes, à spe bona non excluderentur. Hec uidentur quidem de sanctis uiris dicta: significant tamen naturā à nostra notitia remotiorem, & præstantiorem quam sunt ista sensibilia. Est enim probabile sacro eloquio de scribi modos animæ bonos omnes: quarum alia per doctrinam, alia per naturam, alia per meditationē ad uirtutem aspirat. Nam primus nomine Abraham, uirtutē doctrina quæsitam significat: medius Isaac genuinā naturāq; tertius Iacob usu ac meditatione paratam. non ignorandum tamen: horum singulos præditos fuisse tribus his potentijs, sed nominatos ab ea qua magis quisq; pollebat. Nam nec doctrina sine natura meditationeq; potest perfici: nec natura ad optatam metam perueniri absq; disciplina & exercitatione: nec meditatio, nisi sit data in natura doctrinaq;. Conueniēter igitur triū, uerbo quidem uirorum, re autem uirtutum, nomina iuncta sunt, Natura, Disciplina, Meditatio. quas alio nomine totidem Gratiæ homines uocant: uel quod gratuito largitus sit deus nostro generi has tres potentias ad uitæ perfectionem: uel quia seipsæ donant rationali animæ

munus

inuenus elegantissimum: ut etiam sempiternum illud nomen indicatum in oraculis, non magis de tribus uiris intelligi queat, quam de tribus dictis modo potētis. Nam hominum natura mortalis, uirtutum immortalis est. Vi detur autem rationi consentaneum, ut æternus ab æternis rebus denominetur potius quam à mortalibus, quando æternitati cognata est immortalitas, mors uero inimicissima. Illud quoque non ignorandum, quod primus ille homo terrigena, pater ante diluuium natorum inducitur: instaurati uero humani generis iustus hic, qui solus ex uniuersali clade fuerat ereptus cum sua familia, propter iustitiam uirtutesque cæteras. Hunc autem uenerandum ternionem & probatissimum sub uno genere comprehendunt diuina oracula, dum gentem sanctam uocant, & regale sacerdotium. gentis autem uim nomen indicat. nominatur enim Hebraice Israel, quod interpretatur uidēs deum. at uisus, oculorum quidem inter omnes sensus est præcipuus, quo solo percipimus res pulcherimas, solem, lunam, cælum, mundum uniuersum. mentis autem, excellit inter omnes potentias animæ. uisus enim mentis nihil aliud est quam prudentia. quod si cui contigit non solum rerum naturæ notitia, uerum etiam patris factorisque omnium, is se sciat summum felicitatis attingisse fastigium. nihil enim est deo superius, ad quem si quis peruenit obtutu animæ, precandum est ei ut possit ibi consistere. Nam arduæ uiae laboriosæ tardæque sunt: descensus autem per procliuias, qui tractim magis fit quam gradatim, & uelox est & facilis. & sunt multa quæ deorsum deprimunt, quæ nihil possunt efficere, quando

deus animam temperatam suis potentij, uehementiore momento ad seipsum attrahit. Hæc in commune de tribus necessario præfati, deinceps dicendū habemus, quibus in rebus excellentiores fuerint singuli, & à primo exordiemur. qui pietatis & summæ uirtutis sectator factus, deum sequi studuit, & præceptis eius obedire: ratio non ea tantum præcipi, quæ ipsi soli uel uerbo aliquo uel facto indicabantur: sed & illa quæ natura multo clarius docet per uisum inter ceteros sensus ueracissimum, multo certiorē quàm auditus est. Quisquis enim naturæ ordinem contemplatur, & eximiam quandam huius mundi rempublicam, uel silentibus præceptoribus discit sub legibus & in pace uiuere, componēs se ad exemplar pulcherrimum. Sunt autem manifestissima pietatis argumenta, quæ scripturis continentur. Quorum ordinem sequendo, à primo incipiemus. Oraculo percussus, quo iubebatur migrare deserta patria, cognitione, paternaq; familia, haud secus quàm si è peregrinatione domum redire iussus esset, iter accelerauit in regionem exteram, rem factam se habere putans, si mandatum exequeretur celeriter. Quis alius putas tam constans fuisse ac pertinax, ut non flecteretur affectu cognitionis & patriæ, quarum innatum & coalitum est cuiq; desiderium, magis, aut certe non minus, quàm membra corporis. testes sunt legislatores, qui secundam ab extrema capitali pœna atrocissimorum criminum conuictis statuerunt exilium: profecto non secundam, quantum equidem uere iudicare possum, sed aliquanto grauiorem: siquidem mors calamitatum finis est, exilium uerò

vero non finis, sed nouorum malorum initium, dum eunt
tata una sensu carente, innumerae mortes sentiuntur. Alij
negotiationis augendæq; rei familiaris causa nauigant,
alijs legationis: nonnulli amore uisendi regiones exteras,
aut eruditionis parandæ, ad peregrinationem tracti lu-
cri cupidine, aut uiuandæ patriæ temporibus difficili-
bus, aut cognoscendi quæ prius nesciuerant, delectandi
& adiuuandi animi gratia. Quantum enim cæci cedunt
uidentibus, tantum præstant peregrinati nunquã egres-
sis patriam. Omnes tamen ad patriam solum propera-
bundi, uidere id & salutare gestiunt, complecti familia-
res, frui gentiliũ & amicorum mutuo conspectu lōge
iucundissimo: adeo ut aliquoties remorantibus se nego-
tijs, propter quæ reliquerunt domesticos, abrumpāt ea
nō ferentes gratissimarum necessitudinum desiderium.
At hic noster cū exiguo, uel penè nullo comitatu, quan-
tum primum iussus est, demigravit, animo prius in nouam
coloniam profectus quàm corpore, mortalium rerum
desiderio cedente amoris celestium. Seposita igitur cura
popularium, tribulium, familiarium, amicorum, cognato-
rum paterno maternoq; sanguine, ad hæc patriæ, mo-
rum consuetorum, simul educatorum & uitæ sociorũ,
quæ singula magnam uim habent ad retrahendum à
proposito, libero expeditoq; conatu quamprimum po-
test demigrat, primum è Chaldæa, regione illo tempo-
re admodum fortunata, in Charrensem agrum: deinde
non multo post hinc quoq; in locum alium, de quo di-
cturi sumus, sed prius lectore præmonito: quod dictæ
migrationes, iuxta seriẽ scripturæ, uiri sapiētis fuerunt.

sed iuxta leges allegoriæ, animæ uirtutis studiosæ, uerū
deum querentis. Nam Chaldæi cum primis exercitati si-
derali scientia, omnia tribuentes stellarum motibus, à
quibus credebant dispensari mundi potentias, quæ con-
stant ex numeris eorumq; proportionibus, ueneraban-
tur istas res uisibiles, non percipientes inuisibilia & in-
telligibilia, scrutantes illarum tantum ordinem: atq; ita
è solis, lunæ, stellarum erraticarum fixarumq; circuiti-
bus, & anni in quatuor tempora distincti uicibus, con-
sensuq; rerum cælestium ac terrestrium, mūdum ipsum
existimabant esse deum, profana opinione creaturam fa-
ciētes creatori similem. huic innutritus dogmati, & per
tempus longum chaldaico imbutus delirio, tanquā post
altum somnum aperto mentis oculo, postquam puram
luce pro densis tenebris cœpit intueri, secutus eius splen-
dorem, animaduertit quod prius non uiderat: præesse
mundo quendam aurigam gubernatoremq; qui operis
sui saluti provideat, curator tutorq; partium eius etiā,
quæ diuina cura dignæ sunt. Ergo ut confirmaretur mē-
tis eius uisio, sic admonetur diuinitus. Heus tu, magna
plerunq; cognoscuntur signis exiguis, quæ intuitus ali-
quis, imaginationum infinitarum mole premitur. pro-
inde uale dicto Chaldæis quorum professio est scrutari
cælestia, demigra è magna mundi ciuitate aliquantisper
in minorem aliam. sic enim facilius uidebis mundi præ-
sidem. & hoc est cur prima migratio fit in agrum Char-
rensem, quia Charran specus dicuntur: per quos signifi-
cantur regiones nostrorum sensuum, per quas tāquam
cauernas unusquisq; illorum solet prospicere ad subie-
cta

etia sua percipienda. sed dicat aliquis, nullum esse horum
usum, nisi mēs inuisibilis, ceu latens quidam histrio suas
uires intus exerceat, modo cōtractis modo remissis ner
uis, mouens sistensq; sua ludicra. Hoc igitur exemplum
cum habeas domesticum, facile quod scire cupis, pote
ris discere. Nisi forte putas, in te quidem mentis impera
ta totum corpus omnesq; sensus unanimiter facere: mū
dum autem opus omnium maximum atq; pulcherrimū,
à quo ceu partes dependent reliqua cuncta, destitutum
esse sui regis prouidentia. per quam sit incolumis, & ad
ministratur legitime. Nec mirandum est, si eum non cō
spicis, quandoquidem nec tuum cernis animum. Hæc si
quis secum ipse reputet, non è lōginquo, sed è proximo
documenta capiens, uidelicet ex seipso rebusq; ad se per
tinentibus, cognoscet manifeste, quod mandus non sit
ille primus deus, sed opus primi dei patris uniuersorū
qui cum ipse sit inuisibilis, ostendit omnia, paruorum
ac magnorum naturas indicans. corporeis enim oculis
non dignatur aspici: uel quia sempiternum à mortali cō
trectari nefas est, uel propter nostri uisus infirmitatem.
Nec enim potuisset capere profusos ab eo Qui est ra
dios, quando ne solis quidem splendorem ualet aspice
re. Habemus autem argumentum euidentis huius migra
tionis, qua mens astronomiam & chaldaicam opinio
nem reliquit. memoratur enim quam primū profectus
est ille sapiens, deum apparuisse Abrahamo: cui uideli
cet prius non fuerat conspicuus, quando more Chala
deorum intentus erat siderum cursibus, extra mundum
& sensibilem essentiam nullam prorsus naturam intel

ligibilem percipiens. at postquam solum uertit, necessa-
 rio cognouit mundum esse subditum non dominum, nec
 regere, sed regi ab autore suo: quod mens tunc primum
 apertis oculis didicit. nam prius sensibilia magnam ei
 caliginem offuderant, quam ubi discussit calidis & igni-
 tis dogmatibus, uix tãdem potuit uelut in serenitate pu-
 ra eum qui prius latuerat cernere. ille uero pro sua hu-
 manitate uenientem ad se animam non auersatus, sed ob-
 uiam progressus, ostendit suam naturam, quatenus ui-
 deri poterat: quam ob rem non dicitur, uidit sapiens deũ:
 sed Deus apparuit sapienti. non enim erat possibile, ut
 aliquis per seipsum comprehenderet eum Qui uere est,
 ni ille se ultro uidendum præbuisset. Testatur hoc etiam
 mutatio nominis. prius enim Abram uocatus, mox co-
 pit appellari Abraham, unius tantum duplicatione lite-
 ræ, uidelicet A, sed quæ magnum quiddam significabat.
 Abram enim interpretatur pater sublimis: Abrahã ue-
 ro pater electus uocis. Prius indicat uirum astrologicũ
 & meteorologicum, Chaldeorum placitis tanta cura
 deditum, quantam solent parentes impendere suis filiis.
 posterius uero, sapientẽ. nã per uocẽ sermo qui profer-
 tur subindicatur: per patrẽ, mens cuius principatus est.
 nã sermo qui concipitur intus, naturaliter pater est, ut
 antiquior, serẽs quæ dicẽda uidentur. ceterũ quod addi-
 tur electus, bonitatẽ declarat. Quicquid enim malũ, cõ-
 fusum & indigestũ est: bonũ eligitur, ut præcipuũ inter
 omnia. Itaq; meteorologico uiro nihil omnino malus
 mundo uidetur, quem etiam rerum autorem existimat.
 At sapiens certioribus oculis uidens illum perfectiorem

intel-

intelligibilem rectorem & principem, cuius dominium agnoscunt cetera, & imperata faciunt, sepe antea tam suam uitam incusat, in qua cæcus tenebras palpans nitebatur rebus sensibilib. suapte natura infirmis & instabilibus. ac rursus in secundâ profectionem uir bonus oraculo monitus mittitur, non iam ex altera ciuitate in alteram, sed in regionem desertam, in qua uagus degat, non ægrè ferens errorem & sedes incertas ac inconstantes. Quod tamen quis alius tulisset æquo animo, si derelictis proprijs ædibus, insuper ab omni urbe prohibitus, protraheretur in loca inaccessa & deuia? quis non uerso itinere domum repetisset propere, neglecta spe propoſita, cupiens præsentem egestatem effugere, & stultitiam reputans propter incerta bona inuolui malis certissimis? Solus hic afficiebatur aliter, iucundissimam uitam existimans secessum à multitudine. Sic enim natura comparatum est, ut qui deum inuenire cupiunt, amicam ei solitudinem diligant, hoc primum modo imitati beatam illam ac felicem essentiam. Atq; ita demonstrata utraq; sententia, tum ea quæ tanquam de uiro loquitur, tum ea quæ tanquam de anima intelligitur, ostendimus & uirum & mentem amabilem: illum quod oraculis obseques passus fit se distrahi à rebus charissimis: hanc uero, quia tãdè resipiscens ualedixerit rebus sensibilibus, iam non credens ut antea, sensibilem hunc mundum esse primum deum et maximum: sed cogitatione ascendens altius ad contemplandam alteram naturam intelligibilem, simulq; rectorem ambarum & opificem. Hæc sunt rudimèta deo chari hominis, sequuntur mox non contemnenda facinora,

sed eorum magnitudo non cuius apparet, solis his conspicua, qui uirtutem degustauerunt, & res uulgo mirabiles fastidiunt libenter præ bonis animæ potioribus. Ap probans igitur deus factum quod diximus, mox bonum uirū egregiè remunerat, coniugiū eius à potēte et immoderato quodā in periculū adductū, intactū seruās & incolumē. Cuius periculi hæc fuit occasio. Cū diu laboratū esset frugū penuria, iam propter squalores, iam propter imbres nimios, urbes Syriæ continua fame pressæ desertæ fuerant ab habitatoribus, alijs aliò dispersis quærendi uictus gratia. Abraham quoq; audita Aegypti felicitate abundantiaq; , cuius campi solenni stagnatione fluminis rigati, copiosas segetes proferunt, auris tempestiuis nutritas ac maturatas, illuc se cum tota familia contulit. Erat ei uxor animi corporisq; dotibus ornatissima. Hac uisa quidam Aegyptiorū optimates, admirati pulchritudinem (nihil enim eximium latere potest) rem ad regem suum deferunt. Is accersit mulierem, & formæ eius captus, semota hospitalis iuris reuerentia, morem gesturus suæ cupiditati, uoluit ea prætextu nuptiarum potiri. At illa in aliena regione apud impotētem & crudelem principem destituta auxilio, quando ne maritus quidem malum impendens depellere ualebat, potentior rem metuens, ad eam quæ supererat opem diuinam confugit. tum deus propitijs miseratus hospites, & protector factus iniuriam patientium, graues pœnas & cruciatus magnos inflixit regi, ita ut animo corporeq; laboraret morbo non simplici, & amorum uoluptatumq; oblitus, longè diuersas curas agitare, quoniam modo euadere

euadere posset è tormentis præsentibus, quibus conti-
 nuis interdiu noctuq; molestabatur. Quæ eius pœnam
 sensit & tota regia, eo quòd nemo se tantæ iniquitati op-
 posuerat, sed uno consensu omnium tantum non manus
 extrema sceleri fuerat imposita. In hunc modum pudici-
 tiæ mulieris consultum est, mariti uerò pietatem ac pro-
 bitatem deus illustriorem facere dignatus est, exhibens
 ei maximum uirtutis præmium, illæsam intactamq; uxo-
 rem, quæ minimum à constupratione absuerat, mater
 mox futura non filiorum filiarumq; sed gentis integra,
 & quidem deo gratissimæ, quippe cui contigerunt ua-
 tes ac sacerdotes in publicum usum totius humani gene-
 ris. Audiui tamen & naturæ interpretes non ineptam
 afferentes allegoriam, qui hunc maritum aiebant signi-
 ficare bonum intellectum, ex nominis interpretatione
 conijcentes hæc dici de bona anima. Huius uxorem esse
 uirtutem, quæ Chaldaicè nominatur Sarra, Latine prin-
 ceptis, eo quòd nihil æquè principes & magistratus de-
 ceat. Coniugium uerò, corporum quidem, uoluptas con-
 ciliat: cogitationum autem purificationis cupidarum co-
 pulam, qua perfectis uirtutibus iunguntur, curat seque-
 stra sapientia. Quæ duo connubia sunt diuersissima &
 planè contraria. Nam in genere corporeo mas genitus
 ram profeminat, quam excipit foemina. Contrà in con-
 gressu pertinente ad animam, uirtus quæ censetur foemi-
 na, suapte natura profeminat consilia bona rationesq;
 probatas, & dogmata uitæ utilissima. Intellectus autem
 qui mariti tenere ordinem uidetur, illa sacra diuinæq; se-
 mina suscipit, nisi forsan error est in nominibus, dum in

uocabulis masculinam formam intellectus habet, uirtus
foemininam. Quod si quis res ex utraque nominum amictu
nudas purasq; inspiciat, sciet uirtutem suo pte ingenio
masculam esse, ut quæ mouet ac afficit, & honestos con-
ceptus honestarum actionum atq; orationum suggerit:
ediuerso intellectum rem foemineam, quæ mouetur, eru-
ditur, adiunatur, & in totum aestimatur ex affectione,
quæ quidem ei sola est saluifera. Siquidem etiam pesti-
mus quisq; uirtutem uerbis honorat, & extollit in spe-
ciem: sed monita eius nemo nisi probus recipit. Quam-
obrem Aegypti rex, per quem significatur intellectus
amator corporis, minimum agens tanquam in theatro,
fingit amorem temperantiæ cum sit ipse intemperans,
& sobrietatis ipse luxu perditus, & iniustus iustitiæ,
accersens ad se uirtutem, ut apud uulgum existimatio-
nem præclaram sibi comparet. Quod ubi uidet ille su-
pernus spectator omnium deus, qui solus animi secreta
perspicit, pertæsus fucatam improbitatem arguit incle-
mentibus cruciatibus. At quibus ad hoc instrumentis
uitur: nimirum quibusdam uirtutis partibus, quæ quo-
ties subintrant, acerbos dolores excitant. Tormentum
enim est insatiabilis cupiditatis frugalitas, & lasciuie
continentia. Sic gloriosus cruciatur felicitate modestie,
& iniustus dum iustitia habetur in precio. incommode
enim in una anima habitant duæ contrariæ naturæ, uir-
tus & uitium. Quapropter quoties congregiuntur, a-
troces seditiones & pugnas concient. Quamuis uirtus
sedatissimo est ingenio: quam aiunt solere quoties impa-
rem se ueretur aduersario, prius uirium suarum pericu-
lum

lum facere, ut confligat si qua se ostendat spes uictoriae
sin minus, ne descendat quidem in certaminis aleam. Vi-
tium enim uinci se turpe nō putat, assuetum ignominia.
At uirtus hoc probrum fugitat, cui maxime gloria con-
petit, cuius innato amore aut uincere uult, aut certe in-
uicta permanere. Hæc est igitur de qua dixi Aegypti li-
bido & inhospitalitas. ediuerso libet admirari hospita-
litatem hæc passi, qui meridie conspicatus tres quasi uia-
tores, quorum diuinio rem naturam ignorabat, accur-
rens suppliciter petijt ne transirent eius tabernaculum,
sed introgressi paterentur se tractari ciuilitate. Hi cum
non magis ex uerbis quam ex mente intelligerēt eum se-
rio agere, incunctanter annuerunt. quo impetrato præ-
latitia gestiēs, appropinquauit omnia quæ postulabat ex-
temporalis tractatio. Vxorem appellat, Sine mora fac e-
tribus mensuris subcinericios. ipse ad armentum conten-
dit, & ablatum inde tenerum opimumq; uitulū tradit
famulo. Mactat ille & apparat celeriter. Nemo ad hu-
manitatis officia segnis est in sapiētis familia. tam mulie-
res quam uiri, tam serui quam ingenui, promptè mini-
strant hospitibus. Qui recreati magis animo quam ap-
paratu hospitum, eiusq; insigni honorificentia, maiorem
spe referūt ei gratiam, per unum ē tribus præcipuum ei
polliciti nasciturum breui germanū filiū. Omnes enim
simul loqui parum decorum fuisset: ciuilius erat unius
uerbis ceteros annuere. Sed ne promittēdo quidem rei
tam incredibilis fidem faciebāt. Iam enim ambo coniu-
ges effecti senio sperare liberos desierant. Ferunt mulie-
rem quam primū hoc audiuit risisse: moxq; admonitā;
num

nūm putaret quicquam apud deum impossibile, risum
reuerēter negasse. Norat enim deum posse omnia, quod
penē ab incunabulis didicerat. ac tum demum mihi uide
tur augustiorem quā ante agnouisse hospitum imagi
nem, aut uates quosdam, aut angelicos spiritus humana
forma uelatos uisa sibi uidere. Hæc uiri hospitalitas ma
ioris uirtutis fuit auctarium: ipsa uerò uirtus erat pie
tas, de qua superius diximus, cuius certissimū indicium
est quod de hospitibus nunc memorauimus. Quod si for
tinata domus uisa est quibusdam, in quam uiros sapien
tes diuertisse contigit, non facturos id, ac ne introspectu
ros quidem, si uidissent intus aliquod animæ uitium insa
nabile: equidem dicere nō possum quid huic domui de
fuerit ad summam felicitatem, in qua apud homines ho
spites excipi sustinuerūt angeli, sacræ diuinæq; naturæ
ministri ac subpræfecti dei optimi maximi, per quos ille
ceu legatos et nuncios quicquid libet humanum genus
præmonet. Qui poterant enim uel intra primum limen
subsistere, ni sciuisent totam domum ad nutum patris
miliās paratam: ceu naualem turmam bene constitutam,
ad unum celestis sui gubernatoris? qui poterant conui
uarum et hospitum speciem sumere, ni pro cognato con
seruoq; suum conuiuatore habuissent? Certē sic existi
mandum est, ad eorum introitum partes omnes domus
profecisse in melius, afflatas aura quadam uirtutis abso
lutissimæ. Conuiuium autem exactum per significatio
nem gratæ uoluntatis erga hospitem, et per simplicita
tem morum, colloquiaq; apta tempori. Sed prodigio si
mile, non esurientes esurire uisos, et non edentes edere.

Verum

Verum hæc per consequentiam, illud longè maximum fuit miraculum, hos carentes corpore assumpsisse figuras hominum in boni uiri huius gratiam. Alioquin quid opus erat his miraculis, nisi ut exhiberent se uiro sapienti uidendos clarius, quem summus ille parens talem esse nouerat? Hactenus de textu huius scripturæ, superest ut dicamus de sensu eius latentiore. Signa uocalia conceptum mentis significant. Cum igitur anima illustratur à deo tanquam in meridie, & tota quanta est repleta luce intelligibili, eiusq; splendore circumfusa ex umbris eximitur, tres imagines unius subiecti percipit, unam ipsius rei, duas reliquas tanquam umbras ab ea redditas: quale quiddam accidit & in luce ista sensibili uersantibus, in qua stantium aut mouentium se duplex aliquando umbra existit. Caue tamen putes de deo dici umbras propriè: abusus est hic nominis, in hoc tantum adhibiti, ut res fiat euidentior. Veritas enim aliter se habet. Sed ut quam proximè ad ueritatem sermo accedat, medius est ille pater omnium, propriè nominatus in sacris literis Qui est: utrumq; latus claudunt antiquissimæ & proximæ eius Qui est potentia: quarum altera opifex, altera regia uocatur. illa deus, per quam condita dispositaq; sunt omnia. hæc uerò dominus. Fas est enim ut creatura à creatore suo regatur. Atq; ita medius ille utrinq; stipatus suis potentijs, perspicaci menti nunc unam, nunc tres imagines exhibet. Vnam, quando exactissime purgata anima, nec solum ceteram numerorum multitudinem, sed & uicinum unitati binarium supergressa, ad illam simplicem, sinceram, nullius omnino indigam ideam pro-

perat

perat. tres uerò, quando nondum magnis initiata myste-
rijs, adhuc minorib. operatur, nec potest eum Qui est,
sine alio per se solum comprehendere, sed per ipsius a-
cta, aut conditorem aut regem omnium. Est autem hæc
secundaria, iuxta prouerbum, nauigatio, non aliena ta-
men à pia sententia. At prior ille modus, nō tantum assi-
nis est opinioni piæ, sed ipsa opinio, uel magis omni opi-
nionē antiquior, omni existimatione potior ueritas. Ex-
plicabimus rem clarius. Tres sunt in moribus humanis
ordines, quorum quisq; sortitus est unam ex dictis ima-
ginationibus. Optimus mediam, scilicet eius Qui uerē
est. Sequens uerò dextram, scilicet beneficam, cui no-
men deus. Tertius in altero latere sitam, scilicet regiam,
quæ uocatur dominus. Proinde optimi mores ipsum
qui per se est, colunt, non distracti à quoquam alio, ut
qui ad unum tendunt unius honorem. ceteri partim per
beneficam potentiam commendantur, & innotescunt
summo patri, partim per regiam. Quod dico tale quid-
dam est. Homines quando sentiunt prætextu amicitie
quosdam ad se accedere lucri captatores, suspectos auer-
santur, adulationem ueriti & fucatam mansuetudinem,
ut ualde damnosam. At deus ut tutus ab iniuria, omnes
quocunq; modo uolentes illum colere libenter admittit,
neminem omnino repellens; tantum non coram appella-
tis animam aures habentem hoc oraculo. Prima præ-
mia ferent, qui me colunt propter meipsum. secunda,
qui sic sperant se consecuturos bona, mala euasuros.
quamuis enim istorum mercenaria sit religio, & insin-
cera captatrix, tamē intra diuini templi sacra septa uer-
satur

fatur, non foris oberrat. Proinde me propter me colen-
 tibus propono quæ amicis debentur præmia: ceteris qui
 propter usus proprios, nequaquam ut amicis, nec alie-
 nis tamen. Nam eos quoque accipio qui potentia mea be-
 neficia frui cupiunt, imò et eos qui metu regie potesta-
 tis placant eam ut pœnas effugiant. noui enim quòd hi
 nec deteriores fient, et insuper in melius proficient, con-
 tinue in religione pura et sincera pietate sese exercen-
 do. Quamuis enim modis omnibus ea differat, unde or-
 si placere cupiunt, nō sunt tamen accusandi, cum unum
 scopum et finem colendi me propositū habeant. Quòd
 autem unius subiecti triplex sit imaginatio, liquet non
 solum ex contemplatione allegorica, uerum etiam ex i-
 psijs scripturæ narratione. Cum enim ille sapiens sup-
 pliciter orat tres uiatoribus similes, ut suo uelint uti ho-
 spitio, alloquitur nō tanquam tres, sed tanquam unum,
 dicens: Domine si inueni gratiam coram te, ne præte-
 reas seruum tuum.] Nam hæc uerba, domine, apud te,
 ne prætereas, similiaque, ad unum, non ad plures, dici con-
 uenit. Iam uerò in hospitio inter cætera comitatis offi-
 cia, rursus conuiuatori suo pollicetur unus, ac si adese-
 set solus, legitimi filij natiuitatem, dicens: Reuertens
 ad ueniam ad te iterum hoc eodem tempore, et habebit
 filium Sarra uxor tua.] Sed apertissime ac certissime si-
 gnificatur idē in sequentibus. Sodomitarū regio pars
 Chananeæ terræ, quam nunc Syri Palestinam nominat,
 infinitis iniquitatib. referta, præcipue propter uentris,
 libidinum, cæterarumque uoluptatum studia, iam diuino
 calculo iudicata fuerat, immodicus autem ciuium luxus
 e su-

ē superflua rerum copia habuerat originem, accedente enim ad bonitatem agri, aquarum commoditate, omnis generis fructuum quotannis prouentus erat maximus, est autem ingens malorum initium, ut quidam, non male coniectans, dixit, nimia bonarum rerum copia, quarum satietatem quidam non ferentes, tanquam iumenta, lasciuiunt à ceruice excusis naturæ legibus, uersi ad meracas potationes, cibos opiparos, & nefarios concubitus. Non solum enim in foeminas insaniendo corrumpabant alienos thalamos, sed & cum masculis rem habebant masculi, nil reueriti naturam communem patrantibus & patientibus, & irritam genituram ferentes nulla secutura progenie. Nec quicquam proficiebat reprehensio, uiolentis concupiscentijs coacta cedere. Atq; ita paulatim assuesacti uiri pati muliebria, effoeminatum morbum sibi conciliauerunt insanabilem. Recepta enim in corpus foeminea mollitie, animos etiam reddiderunt ignauissimos, quantum in ipsis erat totum corrumpentes genus hominū. Nam si Græci unā cum barbaris hos imitati conspirassent in tales coitus, desertæ fuissent omnes deinceps ciuitates, tanquam exhaustæ pestilentia. Tum Deus seruator & amator hominum, miseratione tactus, naturales quidem uirorum ac mulierū propter gignendam sobolem conuentus, auxit ut cum maxime immanes autem illos, & nefarios coitus exosus, aboleret, & rabidos eorum patratores aggressus, non uideri aliquo, sed nouo mirandoq; affecit supplicio. Inductis enim subito nubibus, iussit eas imbrem, non aquæ, sed ignium pluere. Cumq; in morem niuis densissimæ indea
finer

sinenter flamma deorsum ferretur magno impetu, arde-
bant arua cum pratis, et cōdensa saltuū, palustris quoq;
materies & intima nemorum. urebantur eodem incen-
dio campestria, segetes cum suis frugibus conflagrabant
& arbusta montium, trunci una cum suis radicibus, ur-
bana quoq; & rustica ædificia, mœnia cæteraq; opera
publica non minus quàm priuati parietes: atq; ita unus
dies frequentissimas ciuitates uertit in busta suorum ci-
uium, structuras uerò lapideas & ligneas in cinerem et
minutissimum puluerem. Vbi uerò supra terram flāmis
absumpta fuerunt omnia, terram ipsam uorabat incen-
dium, ita ut exustis penitus uitalibus nihil superesset un-
de uel fructus uel herba germinaret, in hodiernum usq;
malo durante. Nam fulmineus ignis nunquam extingui-
tur, aut serpit aut uaporat: quod oculis ipsis creditur.
extant enim argumenta cladis ueteris, fumus exhalans
perpetuo, & sulfur quod ibi foditur. Felicitatis autem
pristinæ signum euidentis reliquum est una ciuitas cum
agro suo, ipsa frequenter habitata, agrum uerò colens
pabulo frumentoq; uberem & ualde frugiferum, ut uir-
dictæ diuinæ iudicium maneat. Quæ nō ideo dicta sunt,
ut magnitudinem eius noue mirandæq; calamitatis o-
stenderem, sed ut illud docerem, quod cum illi sapienti
oblata sit uirorum trium species, duos tantum ad exci-
sam regionem eloquia diuina dicunt uenisse, ut delerent
eius incolas, cum tertius indignos aduentu suo duce-
ret. is, quantū equidem intelligo, erat ille Qui uerè est,
æquum iudicans ut bona per seipsum largiretur, contra-
ria uerò exsequenda suis potentijs relinqueret, & sic so-
lennem

lorum bonorum autor præcipuus, mali uerò nullius existimaretur. id quod mihi uidentur & reges ad imitationem naturæ diuinæ facere, dum per seipsos gratias porrigunt, pœnas per alios sanciunt. Quoniam autem è duabus potentijs altera benefica est, ultrix altera, merito utraq; ad regionem Sodomitarum uenit, cuius præcipuæ ciuitates quatuor perdendæ erant incendio, una uerò seruanda illæsa & incolumis. oportebat enim per ultricem administrari perniciem, salutem uerò per beneficam. Sed quoniam etiam seruata pars nec integras nec perfectas uirtutes habebat, à potentia quidem eius Qui est adiuta fuit, tamen præsentis conspectu nequaquam digna habita. Hæc est aperta & uulgaris narratio. occultior autem & paucis nota, his qui mores animarum perquirunt non formas corporum, mox dicetur. Ista pentapolis figura est quinque nostrorum sensuum, qui ut instrumenta uoluptatum, omnes eas tam magnas quàm paruas conficiunt. Aut enim ad aspectum rerum formarumq; uariarum, tum inanimatarum tum animatarum, uoluptatem capimus, aut ad auditum uocum modulatarum, aut ad gustum cibi potusq;, aut ad odoratum uaporum suaueolentium, aut ad tactum rerum mollium, calidarum, & leuium. ex his quinque sensibus tres maxime belluini serualesq; sunt, gustus, odoratus, tactus: quibus pecudes & fera uentri atque inguini deditæ maxime trahuntur attonitæ. totos enim dies noctesq; aut alimenta insatiabiliter in se ingerunt, aut ad coitum rapiuntur. Duo reliqui philosophantur & regunt cæteros, uisus & auditus, tardiores autem

autem & quodammodo magis fœmineæ sunt aures quam oculi, qui ad uisibilia properant fortiter, & non expectato motu illorum, ultro in occursum festinant, ut ea percipiant. At auditus ut tardior & deterioris sexus, secundum teneat ordinem, & prærogatiuam quandam concedat uisui. Hunc enim deus regem cæterorum constituit, omnium editissimum: & tanquam in arce collocatum, perquam familiarem fecit animæ. id certò potest colligi ex communi utriusq; mutatione. dolorem enim illius mœstitia suffusi oculi non dissimulant: ediuerso gaudente illa subrident hilares. metu inualescente turbantur, agitanturq; indecoris motibus. Quod si occupetur ab ira, exasperatur & rubescit oculus. in cogitatione ac cura quiescit, eodem obtutu hærens, & quasi cum mente simul intentus, sicut in animi deliquio simul & luxatur & remittitur. idem accedente amico beniuolum affectum sereno tranquilloq; affectu nunciat. Quoties autem in inimicum incidit, statim offensionem præse fert. in audacia prosiliunt & procurrunt oculi, in reuerentia quieti stant: & ut cõpendio dicam, ad effigiem animæ factus est uisus, ostendens eius imaginẽ expressissimam, tãquam in speculo naturam eius, aliàs inuisibilem referens. Nec hac solum parte sensus cæteros antecellunt oculi, sed etiam quia reliquorum inter uigiladum (nam de quiete quæ in somnis fit non dubitandũ est) usus non continuatur. nisi enim externè laceffantur, quieti manent. at oculi quantisper patent, indefinenter agunt aliquid, nec unquã satiantur. sic quoq; ostendẽtes cognationẽ quã habent cū anima. nisi quod illa perpetuo mobilis

noctu æquè ac interdium uigilat: hi maxima ex parte car-
nei, præclare suum agi putant, quod dimidium uitæ in
operationibus sibi conuenientibus exigunt. his addo
præcipuam oculorum utilitatem. In unius ex omnibus
sensibus gratiam lucem excitam à deo, rerum pulcher-
rimam, quæ prima in sacris libris bona nominatur. eius
natura duplex est. nam altera ab hoc igne corruptibili
effulget ipsa quoq; corruptibilis & extinguiibilis. alte-
ra nec corruptibilis nec extinguiibilis supernè è cælo ad
nos deferitur, à sideribus singulis tanquam à perenni fon-
te defluens. utraq; uisui familiaris, qui per utramq; se ap-
plicat ad uisibilia. & quid opus est oculos amplioribus
celebrare laudibus, quorum ueras laudes deus ipse cæ-
lestibus signis insculpsit? cur enim solis, lunæ, cætero-
rum uel erraticorum uel fixorum siderum splendor fa-
ctus est, nisi in ministerium oculorum, ut uideant? quo
munere omnium optimo adiuti spectant quicquid mun-
do continetur, terram, stirpes, animalia, fructus, maria,
amniū fluentia perennium & torrentium, fontium uar-
rietates aliubi frigidos, aliubi calidos latices profunden-
tium, quorum species nullus sermo ualet comprehende-
re. Quibus omnibus accedit cælum, de quo uerissime di-
ci potest, mundum in mundo factum esse ab opifice, &
diuina eius ornamenta cælestes illæ imagines. Et quis
tandem sensus iactabit se tam longè progressum esse?
Sed præstat opinor, relictis ad sua præsepia cognatis no-
bis pecudibus concupiscentias suas saginantibus, exami-
nare uirtutem rationis participem, cui continuum pera-
fectumq; curriculum assignatum est in isto uicino terris
aere

aere: quando procellae uentorum, & murmura tonitruum per tractum longū cient magnos molestosq; strepitus: oculi uerò à terra uno momento euadunt ad cælum, mundi; fines ortum atq; occasum, septemtriones & meridiem collustrantes, ad contemplationem eorum quæ uidentur, mentem attrahunt. At illa tali motu attenta non conquiescit, cum sit perpetuo mobilis & semper uigilans: acceptaq; à uisu occasione contemplandis res intelligibiles, amplius considerat: num ea quæ cernuntur sint ingenita, an generationis habuerint initium: infinita sint an finita: unusne mundus an plures: utrum quatuor sint elementa rerum omnium, an cælum et quæ hoc continentur eximiam quandam naturam habeant. Quod si factus est mundus, à quo factus sit, quis eius opis ex, quam expoliuerit materiam, in quem usum, quid nunc agat, qualem uitam uiuat, & quicquid aliud curiosa mens cogitando solet querere. Hæc enim & similia exercent philosophos. unde satis constat sapientiam & philosophiam nō aliud in nobis habuisse initium quam ex uisu sensuum omnium principe, quem solum ex corpore a regione seruauit deus, deletis quatuor: quòd hi seruiuerint carni eiusq; affectibus: ille uerò elata ceruice quasiuerit sibi delicias meliores corporeis, ex contemplatione mundi & rerum in eo comprehensarum. itaq; pereunte hac sensuum ceu pentapoli solum uisum honoris causa ereptum, quòd non tantum uoluetur circa mortalia ut reliqui, sed exspacietur etiam in naturas incorruptibiles uisendi gratia. ideo rectè hanc ciuitatem paruam & non paruam uocant oracula, quod de

uifu intelligitur. Est enim parua, utpote nostri pars ex qua. magna uerò quia res magnas concupiscit, celum uniuersum ac mundum spectandi auida. Hactenus de illa celebrata uisione, relataq; cumulatè hospitij gratia, quàm diligenter potuimus, diximus: superest quiddam haudquaquam silendum, quod mihi uidetur inter omnes narrationes penè maximum. id dicetur compendio. Nascitur illi sapienti ex uxore filius legitimus, dilectus, unicus, elegantissimo corpore, animo optimo. iam enim maturioris ætatis dabat specimen, ut à parente non tam ob naturalem affectum, quàm ob probatos mores uehementer diligeretur. Huic repente oraculum insperatum redditur, ut mactaret filium in quodam editissimo tumulto, qui trium dierum itinere aberat. Ille quamuis maiore quàm dici potest teneretur filij desiderio, nec colorem mutauit, nec animum flexit, sed constantissime perstitit in eadem sententia: quippe qui amore dei subactus, fortiter uincebat omnes cognationis affectus, & omnia nomina: & cum nemine domesticorum communicato oraculo, duos è tam numeroso famulatio natu maximos, sibiq; fidißimos assumpsit, quasi sacra ex more facturus, atq; ita quartus profectus est cum filio. cumq; locum destinatum procul conspexisset tanquam è specula, famulis ibi manere iussis, ignem simul atq; ligna ferenda dedit filio, æquum censens, ut ipsa uictima deportaret res quas postulabat sacrificium, leuissimam sarcinam. Nihil enim est pietate gnauius, nihil magis industrium. ibi pari gradu, unoq; consensu celeriter peracto qua proximum erat itinere, cuius

finis erat sanctitas, ad montem oraculo indicatum perueniunt. pater lapides congerit, ut aram exstruat. tum filius uidens cætera parata sacrificio, nullum uerò animal, uersus ad patrem, Ecce ignis, inquit, & ligna pater. sed ubi uictima? Hic alius arcani consilij sibi conscius, offusa menti caligine, ad hæc uerba turbatus & lachrymans aperuisset propositum, affectum continere non ualens. At ille nihil mutatus uel corpore uel animo, constanti uultu, ratione constantiore, ad interrogationem respondet. Fili, inquit, Deus sibi providebit de uictima, & si nihil præsto sit, quod te fortasse facit anxium. Sed deo possibilia sunt omnia, etiam quæ nõ possunt expediri ab hominibus. Et cum dicto celeriter correptum filium aræ imponit, simul strictum librat gladium. Tum Deus ex aere increpans, facinus impedit, iubens iniuriam abstinere à puero, & bis patrem inclamans nomine, ut auersus & retractus cædem omitteret. Atq; ita puer seruatus est, Deo remunerante pietatem, & certante cum amico mutuis officijs. Facinus tamen hoc quamuis effectu caruit, nihilominus pro integro absolutoq; non modo in sacris refertur uoluntatibus, sed & in lectorum insculptum est mentibus. Verum malitiosis calumniatoribus nostra damnare potius quàm laudare solitis hoc imperatum non uidebitur tam magnum & mirificum quàm nobis uidetur. Aiunt enim & alios multos suis affectibus deuinctos, et amantes liberorum, immolandos exhibuisse filios, uel pro incolumitate patriæ, uel ut auerterent bella, siccitates, inundationes, pestilentias. alios item domesticæ

quātumuis falsæ religionis gratia. Græcorum certè clarissimos, non solum priuatos ciues, sed & reges, non magna ratione ex se natorum habita, his mactatis maximas deleuisse hostium copias primo impetu, sociorum uerò seruasse maximos exercitus. Barbaras quoq; gentes per multas ætates litasse mactatis filijs, cuius sceleris etiam sacrosanctum Mosem meminisse, dum accusans eos ut pollutos ait, Filios & filias dijs suis adolent. Indorum quoq; gymnosophistas & hodie sub initium senectutis morbi longi & incunabilis, prius quam inualescat, accenso rogo, seipsos exurere, quamuis possent ad tempus fortasse diuturnum resistere. Imò & mulierculas eorum defunctis maritis in rogos eorum cum gaudio se mittere, atq; ita uiuas concremari cum adamatis cadaueribus. Harum, inquiunt, merito mireris audaciam, quæ mortem contemnunt tantopere, ut ad eam tantquam ad immortalitatē cursu cōtendant. Istum uerò laudare quorsum attinet, quasi nouum aliquod facinus aggressum, quod non semel sando auditum est, de priuatis ciuibus, de regibus, de integris gentibus. Ad hanc inuidorum insectationem sic respondeo. Qui liberos mactant, partim ex more id faciunt, ut fertur de nonnullis barbaris, partim quia magna mala & aduersus humanam opem contumacia à suis ciuitatibus aliter arceri nequeunt. Ex his quidam inuiti suos exhibent, coacti à potentioribus. Alij compulsi metu hominum, alij cupidine gloriæ famæq; in præsens gloriæ, famæ uerò ad posteros. Ergo qui ex more mactant, nihil magnum uidentur facere. Nam inueterata consuetudo plerunq; tantum

tum potest, quantum natura, ita ut grauissima quæque reddat toleratu facilia, omni terrore semoto. Qui uerò cedunt timori, laudem nullam merentur. Laudantur enim facta uoluntaria, inuoluntaria referuntur ad necessitatem rerum aut casuum aut temporum. Quod si quis amore gloriæ uel filium prodit uel filiam, uituperio magis quam laude dignus est, morte charissimorum parâs sibi honorem, quem etiam si antea habuisset, pro incolūmitate filiorum abijcere debuerat. Proinde considerandum est, an ille aliqua modo dicta necessitate coactus sit mactare filium, uel more, uel honore, uel timore. Mos certè imolandi liberos, nec Babylone, nec in Mesopotamia, nec à Chaldeis receptus est, apud quos educatus magnam uitæ partem cum eis exegit, ne quis putet præassuetudine leuiorem uisam mali eius imaginationem. Sed neq; metus ullus imminebat ab hominibus, neq; oraculi iussu quisquam norat alius. Nulla publica premebat calamitas, cui morte probatissimi filij remedium quæreret. At laudis apud uulgum parandæ cupidine ad hoc facinus concitatus est. At quæ laus captabatur in solitudine, ubi nemo erat applausurus, data opera longè à tergo relictis etiam duobus famulis, ne se coram testibus ostentare uideretur? Quapropter obturato infreni ore moderentur accusatores suam inuidiam, nec lacerent honesta uita defunctos, quos potius prædicare deberent cum alijs. Siquidem apud omnes qui rectè sapiunt nihil honestius habetur, nihil optabilius, quam deo parere, quod hic in primis studuit, ita ut nullum unquam mandatum negligeret, quantumuis refer-

tum molestijs & ignominijs, atq; etiam laboribus ac doloribus. Quamobrem & id quod oraculo iussus est de filio, fortiter constanterq; pertulit. Deinde cum nulla consuetudo esset in ea regione, sicut fortasse apud quosdam, imolandi liberos, ipse primus autor futurus erat noui & inusitati exempli, quod mihi uidetur nemo laturus fuisse, etiamsi ferreum aut adamantinum haberet animum. Cum natura enim, ut quidam ait, pugnare est difficile. pater erat factus unicus huius legitimi filij, quem mox singulari amore prosequabatur, supra modum vulgaris beneuolentiae, imò etiam fama celebratae. aderat & aliud uehemens amoris incitamentum, quòd in senectâ ei puer natus fuerat. Nam sero natos impotentius parentes adamant, uel quia diu desideratos, uel quia nullam prolem sperant postea, natura iam effœta, quippe quæ extremum attingit terminum. Siquidem è numerosa sobole unum quempiam offerre deo, tanquam liberorum primitias, nihil mirandum fuerit, cum præsto sit è superstitibus haud mediocre solatium, & doloris ob mactatum concepti remedium. Cum uerò unicus dilectus offertur, res est sermone nullo explicabilis, nullum respectum habens consuetudinis domesticæ, sed tota prona ad pietatis officium, eximia sanè, & uix cuiquam alteri tentata. Nam alij tametsi pro salute patriarum aut exercituum concedunt suos mactandos, tamen aut domi manent interea, aut procul absistunt ab altaribus: aut si contingat eos sacris interesse, auertunt oculos ne spectare quidem sustinentes uel alienum necis ministerium. Hic uerò tanquam sacerdos, ipse pater
amant-

amantissimus aggreditur maculationem egregij filij, quæ
fortassis etiam sacrifico ritu mēbratim concisurus erat
adolendū altaris ignibus. adeo cauerat ne pietate erga fi-
lium distraheretur à pietate deo debita, & totū quantus
erat animum sanctitati deuouerat, parum curans cogna-
tum sanguinē. Quid horum quæ diximus cū cæteris cō-
mune est? quid non eximium, quod nulla possit æquari
facundia: ut merito quoduis ingentiū non malum nec in-
uidum obstupesciat immēse pietatis miraculo, uel uno
ex multis, necdum confertis omnibus. satis enim est uel
unius cuiuslibet reputatio ad exprimendam parua quā-
dam imaginem ingentis animi, quamuis nullum sapiētis
opus est exigū. Verum non intra uerba textus aperta
consistunt quæ modo diximus: mihi certe uidentur natu-
ram quandam obscuriorem subindicare, quā agnoscūt
quotquot intelligibilibus magis delectantur quā sensi-
bilibus, & possunt ea cernere. est autem talis. qui addu-
citur pro uictima, Chaldaice Isaac, Latine risus uocatur.
qui risus non intelligitur nunc pro petulanti uultus ha-
bitu, sed pro mentis bene affectæ gaudio. hanc letitiam
uir sapiens meritò sacrificare deo dicitur, per istam fi-
guram docens, quod gaudium soli deo sit propriū. nam
humanum genus mœrori timoriq; est obnoxii, propter
mala uel præsentia uel imminencia, ut uel horum poeni-
teat, uel illa metu terreant ac concutiant. diuina uero na-
tura expers est mœroris, timoris, passionumq; omnium,
felicitatis beatitudinisq; perfectæ sola particeps. hanc con-
fessionem quicumq; uere cōfitetur, ei deus cum sit bonus
& amator hominum, alienus ab inuidia, conueniens

munus

munus reponit quantum homo potest capere, tantum non tali alloquens eum oraculo. Gaudium ac letitiam non esse cuiusquam, præter me omnium patrem, propriam possessionem scio, quam tamen ipsa dignis non inuideo. Quis autem dignus esse potest, nisi qui me meamque uoluntatem sequitur: huic enim minimum doloris, minimum timoris obueniet, modo incedat per uiam, quæ affectibus ac uitijs inaccessa, per uirtutes his contrarias teritur. non est tamen cur aliquis putet meram et nullo dolore mixtam letitiam cælitus in terram descendere, sed temperata est ex utroque, ita ut de meliore plus admixtum sit: sicut lux in cælo sincera semper est et pura a tenebris, in sublunari autem aere miscetur caligine. et hoc est opimior, cur et antea uirtutis cognomen habens Sarra, cum risisset, roganti risus causam, se risisse negauit, uerita ne forte gaudium quod nulli creature conuenit, solius dei rem usurpasse uideretur. Quapropter confirmans eam diuinum eloquium ait: Ne timeas: risisti uere, et particeps es letitiæ. non permisit enim pater humanum genus exagitari tristijs, doloribus, et molestijs insanabilibus, sed admiscuit eis etiam de meliore natura nonnihil, æquum censens serenam interdum ac tranquillam esse animam: præcipue uero sapientum maiore uitæ parte gaudere letarique mundi huius contemplationibus. uoluit. Hactenus de pietate huius uiri pauca è multis dicta sint, nunc scrutanda est eius etiam erga homines dexteritas. ad eandem enim naturam pertinent pietas et humanitas: et utrumque in uno spectari solet, sanctitas erga deum, erga homines iustitia. Longum esset
narrare

narrare facta eius omnia. Nos contenti duobus uel tribus erimus. Cum auro argentoq; & numerosis pecudū gregibus diues esset adeo, ut cum ditissimo quoq; indigena conferri posset opibus, & beatior esset quā pro inquilini conditione, nūquam tamen accusatus est ab his, quorum utebatur hospitio, sed cum quibuscunq; negotium habuit, ab eis perpetuam laudē reportauit. Quod si quando, ut fit, per occasionem famulicij comitatusq; suboriebatur contentionis nonnihil, mox eam sopire conabatur, quippe qui præ grauitate morum nihil turbulentum, seditiosum, litigiosumq; admittebat in suam animam. Nec mirandum si erga alienos talis erat, qui potuisset ictu inter se scedere uim maiore ui repellere, quādo etiam erga genere coniunctos, sed uoluntate disiunctos, desertos & solos, multo inferiores quod ad opes attinet, modestus erat, ultro cedens qui plus iuris usurpare sibi potuerat. habebat enim fratris filium, cū quo patriam reliquerat, non satis firmum amicum, sed nutātem & suspectæ fidei: à quo interdum salutabatur familiaribus blanditijs, interdū contemnebatur strenue, propter ipsius iuuenis morum inæqualitatē. Quapropter etiam serui huius contentiosi erant ac morosi, quod castigatorem non haberent, præsertim pastores longius semoti à suo domino. itaq; seruitutis immemores præ licentia semper rixabantur cū sapientis nostri magistris pecorum, plerunq; cedentibus propter sui heri mansuetudinem: qua modestia sic auxerunt insolentiam & impudentem audaciam aduersariorum, ut accensis mutuis odijs necesse habuerint qui ledebantur iniuriam armis repel-

repellere. itaq; graui rixa coorta, uir bonus postquam partes concitatas cognouit, sciens suos præualere numero ac uiribus, non permisit rem ad manus deuenire, ne fratris filium cladem suorum ægre laturum cōtristaret: sed in medium progressus pacificis uerbis finiuit contro uersiam, non in præsens tantum, sed & in posterum. Sciens enim discordes fore si cohabitare & unâ degere pergeret, nec unquam lites ac rixas inter eos defore, ad tollendas harum occasiones admonendum exorandūq; duxit socium, ut posthac seorsum habitaret. accersitoq; fratris filio, liberam optionem ei proposuit agri melioris, pollicitus se libenter accepturum partem, quam ille fecerit reliquam. pacem enim sibi quouis lucro chariorem esse. & quis alius potentior infirmiori concessisset uel minimum de iure suo? quis uinci mallet quàm uincere, & uti sua potentia? solus hic non in uiribus aut opibus summam felicitatis collocabat, sed in tranquilla uita, & quantum in ipso erat quieta, atq; ita existimationem sibi parauit mirificam. His in laudem hominis dictis, non alienum à nostro proposito fuerit, à simplicium uerborum contextu ad latentem in eis sensum transire querendi gratia. Varij sunt modi negotiorum, sicut diuersæ horum occasiones. Nos duos modos seligemus, alterum seniore, iuniorem alterum. Senior est, qui principalem naturæ partem honorat: iunior, qui res subditas, & in extremis reputandas. Principales enim & seniores sunt, prudentia, temperantia, iustitia, fortitudo, & quicquid ad uirtutem attinet, aut ad uirtutis actiones. Iuniores autē, diuitie, honores, gloria, nobilitas, nō illa

illa uera, sed quā uulgus nominat, & quæcūq; præterea
tertiū post animæ res atq; corporis ordinē tenent, extre-
mū omnium. Vterq; modus seu mos, habet tanquā quos-
dam greges armentaꝫ. iste qui externa amat, aurū, ar-
gentum, & reliquū apparatus diuitiarum: item arma,
triremes, machinas, equestres pedestres naualesq; co-
pias, principatus præsidia, per quæ confirmatur poten-
tia. At ille honestatis amator singularū uirtutū placita,
& sapientū contemplationes. Vtrisq; gregibus præposi-
ti sunt quidā magistri, sicut pastores pecorib. externis
quidem auari, ambitiosi, præfecturarū cupidi, & qui-
cunq; gaudēt cum potestate præesse multitudini. At ani-
mæ bonis studiosi uirtutis ac honestatis, qui non adulte-
rina germanis, sed germana bona adulterinis præferūt.
Inter hos naturalis quædam intercedit contentio, nō di-
scernētes quæ sua sunt, sed digladiantes de perimentissi-
mo ad uitā negotio. Hoc autē est uerorū bonorum iudi-
cium. Anima igitur quādiu oppugnabatur huiusmodi
seditionibus, nondū purificata in totum, sed adhuc affe-
ctionib. & morbis præualentibus inferior, perturbaba-
tur. ex quo autē cœpit potentior fieri, & munitiones ad
uersariorū expugnare maiorib. uiribus, assumptis alis
animosior facta, morem externas materias mirantem in
seipsa intersepit, et tanquā hominē eum alloquēs, negat
ei possibile societate ac consuetudinē habere cū uirtutis
amatore et sapiētia. Abi et trāsfer longe aliō domiciliū,
cū nihil commune habeas, nec possis habere. Quicquid
enim tu dextrū putas, ille sinistrū existimat: ediuerso qd
quid tibi sinistrū, illi dextrū uidetur. Nec tantū pacificus

& equitatis cultor fuit hic uir bonus, sed fortis etiā ac
 bellicosus: non quòd bellum appeteret, à rixis alienissi-
 mus: sed ut certam pacem sibi pararet in posterū, quam
 turbabant aduersarij. argumento sunt ipsius præclara
 facinora. Orientalem tractū quatuor magni reges possi-
 debant, quibus parebant orientis gentes quotquot Eu-
 phratem accolunt. hæ omnes in officio manebat, & im-
 perata regum faciebant, pendendo sine omni causatio-
 ne tributum annuum. sola Sodomitarum ditio, prius-
 quam conflagraret, coepit pacem turbare, defectionem
 dudum meditans. Cum enim esset fortunatissima teneba-
 tur à quinque regibus, qui ciuitates agrosq; inter se diui-
 serant, amplos admodum & frugum arborumq; fe-
 racissimos. nam Sodomitici agri non magna portio, fer-
 tilitate cum aliorum latifundijs certare poterat. ideo cō-
 plures principes amatores habuit miratos eius pulchri-
 tudinem. hi temporibus superioribus per exactores tri-
 butorum optimates suos pendere soliti debitam pecu-
 niam prouinciæ rectoribus, metu simul & reuerentia:
 ubi bonis satiati sunt, ut solet è saturitate nasci petulan-
 tia, sumpto maiore quàm pro uiribus animo, primò ex-
 cusserunt iugum. deinde more nequam seruorum, in do-
 minos coorti sunt, freti seditione ac robore. at illi suæ no-
 bilitatis memores, stipati ualida manu, contemptim eos
 aggressi sunt, quasi cōflictu primo profligaturi. ac mox
 collatis signis alios coegerūt terga uertere, alios in ipsa
 fuga cædentes magnam stragem ediderūt: abductamq;
 ingentem captiuorum turbam cum cætera præda inter
 se diuiserunt. in his erat etiam illius sapientis nepos, qui
 iam

iamdudum ad unam pentapolis ciuitatem migrauerat. quod ubi quidam fuga seruatus indicauit, ille grauiter ferens non se continuit, mœstus & uiuentem magis luctus quam si audisset mortuum. Norat enim ultæ finem, sicut ex ipso liquet nomine, abrumperè omnia, præsertim mala, quæ innumera uiuētibus uel inuitis obrepūt. cumq; pararet se ad eripiendum fratris filium, carebat socijs homo inquilinus & hospes, nemine audente fortissimas tot regum copias uictoria recenti feroces lacerare. inuenit tamē nouum genus auxilij. expeditur enim aliquando in rebus dubijs consilium, præsertim in causis humanitatis & iustitiæ. collectis enim seruis uernaculis, empticijs uero domi manere iussis, quorum timebat transfugium, ex familiaribus confecit aliquot cēturias, atq; ita hostem inuasit tribus agminibus: non his fretus qui multum cedebant regibus numero, sed deo propugnatore protectoreq; iustitiæ. itaq; magna contentione properauit nunquam remittens celeritatem, donec potius occasione, noctu superuenit hostibus iā sumpta cœna ad somnum se componentibus. in quos irruens alios trucidauit in cubilibus, alios resistere conatos fudit fugauitq; atq; ita omnes deuicit, non tam armorum apparatu quam fortitudine animi. Nec prius reuertit quam hostilibus regum copijs deletis, reduxit fratris filium, adeptus egregiam uictoriam auctusq; ingenti equorum et iumentorum numero, prædaq; opulentissima. eum redeuntem conspicatus ille magnus pontifex dei maximi, reducentemq; suos omnes ad unum incolumes & uictores, attonitus tanti facinoris magnitudine, & id quod

uerum erat cogitans, præsentem eis opem diuinam ad-
fuisse, manus ad cælum tēdens fausta illi precatus est: ma-
ctatisq; uictimis, splendidum epulum socijs omnibus de-
dit, gratulabundus nec minus letus quàm uictoria pro-
pria nec enim aliena fuit, si rem uere æstimes. amicorū
enim esse omnia communia prouerbio credimus, præ-
sertim bonorum uirorum, quibus nihil magis cordi est,
quàm ut deo placeant. Hæc sunt quæ in sacra scriptura
legimus. cæterum qui possunt res nudas corporibus exi-
tas cernere, animo magis uiuentes quàm corpore, dicēt
ex illis nouem regibus quatuor esse nostrarum quatuor
affectionum potentias, uoluptatis, concupiscentiæ, timo-
ris, doloris. quinq; reliquos esse sensus totidem, uisum,
auditum, gustum, odoratum, tactum. regnant enim quo-
dammodo in nobis & potestatem exercent, sed nō simi-
liter. nam quinq; subiecti sunt illis quatuor, quibus ue-
ctigal pendunt ac tributum necessariū à natura imposi-
tum. ex his enim quæ uidemus, audimus, olfacimus, gu-
stamus, tangimus, dolores, uoluptates, timores, concupi-
scentiæ nascuntur, cum nullus affectus per se subsistere
ualeat, ni sensus materiam suggerant. in his enim consi-
stunt uires illorum, in figuris & coloribus, in eloquijs,
in saporibus ac uaporibus, in subiectis tactui duris uel
mollibus, calidis uel frigidis, asperis uel leuibus. nā hæc
omnia sensus exhibent affectibus. quæ tributa quamdiu
penduntur, salua manent inter hos reges fœdera. alio-
quin sublata pensione mox bellum exoritur & desti-
ctio. id tum accidit maxime, quando senectus odiosa suā
peruenit, & affectibus non senescentibus, aut etiā pro-
pter

pter inueteratam consuetudinem inualescentibus, uisus hebetatur, aures ægre audiunt, reliqui etiam sensus se-
ipsis deteriores facti non æque, ut antea pollent iudicio,
nec ualent debitum reddere. Non mirū igitur, si exhau-
sti modis omnibus, & iam ante defecti uiribus, facile ab
infectis affectibus subuertuntur. Illud uero ualde natu-
ræ consentaneum est, quod dicitur, duos è quinq; regi-
bus incidisse in puteos, reliquos tres fuga seruatos. Ta-
ctus enim & gustus penetrant intima corporis, quæ sua
sunt committentes dispēsanda uisceribus. Oculi autem,
aures & odoratus, plerunq; foris obambulant, & sic
effugiunt seruitutem corporis. Hæc uir bonus ex insi-
dijs obseruans, ubi uidet qui modo fœderati fuerant in-
testino malo laborare, turbata pace & exorto inter no-
uem regna bello, quatuor contra quinq; de imperio cer-
tantibus, repente occasionem arripiens eos aggreditur,
studens populari administrationi. quæ est optima rei-
publicæ species, ut sublatis tyrānidibus & dynastijs ex
anima, ius & fas uigeat pro iniquitate ac iniustitia. est
autem quod dicimus non figmentum fabulosum, sed res
uerissima quam in nobis ipsis experimur. nam sæpe sen-
sus cum affectibus concordēs ministrant eis sensibilia,
sæpe interueniēte dissidio nolunt debitum reddere, aut
non sunt soluendo, ratione cohibente: quæ si quando ar-
ma sua corripit, scilicet uirtutes & harum placita, his
subnixæ uincit egregie. nefas enim est corruptibilia in
eadem cum incorruptibilibus sede considerare. atqui no-
uē illi potētatus quatuor affectuum & quinq; sensuū,
tum corruptibiles sunt, tum corruptionis autores. at ra-

tio sacra & uere diuina, quæ locū habet in denario per
 fecto numero, in certamen descendens, & diuino adiuta
 presidio, dictos potētatus uincit egregie. Aliquāto post
 moritur ei coniux dilectissima & optima, editis pluri-
 bus caritatis erga maritum exemplis: quæ relicta sua co-
 gnatione, peregrinationis comes indiuidua, continuos
 errores alios super alios, fames, egestates, expeditiones
 unā cum eo pertulerat. nam ubiq; adfuerat, in omni lo-
 co fortunāq; uere consors uitæ ac negotiorum ad uictū
 pertinentiū, prosperæ aduersæq; fortunæ ex æquo par-
 ticeps. Nec enim ut quædam erumnas fugiebat seruans
 se feliciori tempori, sed utramq; sortem, sicut uxore de-
 cet, subibat alacriter. cuius mulieris cum possim multas
 laudes memorare, unam nō silebo, ut sit cæterarum ma-
 nifestarum specimen. cū enim prole careret, quippe ste-
 rilis, uerita ne tam chara deo domus ideo deserta fieret,
 sic maritum allocuta est. Iamdudum unā uiuimus in cha-
 ritate mutua. sed quæ præcipua coniugij nostri causa
 fuit, propter quam natura uirum copulauit mulieri, de-
 sunt nobis liberi. imò ne in posterum quidem spes ulla
 est reliqua, propter etatem meam iam uergentem. non
 est æquum ut te quoq; tangant meæ sterilitatis incom-
 moda: licet tibi salua nostra charitate patrem fieri. absit
 enim à me zelotypia, quando à te abest bruta concupi-
 scentia, necessitati naturæ satisfacturo. Quamobrē non
 differam nouam nuptam ornare, quæ quod mihi deest
 suppleat. Quod si res pro uoto successerit, tui natiui li-
 beri, mei adoptiui erunt. & ut absit omnis zelotypia su-
 spicio, meam, si libet, duc famulam, corpore seruam, sed
 ingea

ingenio liberali ac generoso fœminam, iam dudum mihi expertam examinatamq; ex quo primum ædes meas intrauit, genere quidem Aegyptiam, sed Hebræam religione. Est nobis ampla possessio, et opes maiores quàm pro presenti sorte: iam enim ne locupletissimis quidem indigenis cedimus, & adhuc hærede caremus, quamuis parare hunc liceat, modo monitis meis pareas. Ille miratus uxoris crescentem usq; charitatem, & de tempore futuro curam ac providentiam, ducit causa liberorum eam quam ipsa commendauerat, ut ferunt qui se aiunt certiora prodere, usurus eius conditione, donec mulier grauida fieret. Quod ubi non ita multo post contigit, aut abstinuisse ab eius complexibus, uel propter innatam sibi continentiam, uel propter honorem quem uxori habebat mutuum. Itaq; mox è famula nascitur filius, & alio quanto post alius legitimus nihil tale iam sperantibus, honestatē ac uirtutem eorum benignissimo Deo remunerante, & munus omni spe maius, ultro largiente. Hoc specimen de muliere illa sufficiat. At sapientis illius uiri plures laudes sunt, quarum aliquot paulo ante memoraui. Nunc dicā & de uxoris obitu, quod silendū non uidetur. amissa enim tali uite socia, qualem superius ostendimus, & qualem scriptura depingit, dolori contra se insurgenti, & animā petenti, tanquam inuictus athleta non succubuit, recolligens se, & confirmans rationis robur, à natura oppositæ affectionib; cuius consilijs per totam uitam usus, tunc quoq; paruut egregie, ut bene utiliterq; monentibus. Erant aut hæc, ne se plus æquo affligeret, quasi noua calamitate perculsus, nec tamen quasi nihil

molestū passus oēm dolorem pelleret, sed per mediā inter extrema uia incedens; casum hūc moderate ferre conaretur, permittendo naturæ suū ius in exigendo debito; & quod acciderat patiēdo æquanimiter. id testantur sacra uolumina, quæ nefas est falsitatis argui: ubi narratur eum modicis lacrymis profusis, celeriter se subduxisse à cadauere: quippe qui prolixiorē luctum alienum putabat à sapiētia, à qua didicerat mortē existimare nō extinctionē animæ, sed separationē disunctionēq; à corpore, illa redeūte retro unde uenerat. uenerat autē à deo, sicut in opificio mundi declaratū est. Quemadmodū autē nemo sanus egre fert à se reposci debitū aut depositū, eodē modo natura quod suum est repetente, nō arbitrabatur indigne ferendū, sed necessitati consentiendū. ubi uero illius regionis optimates conuenerūt ad eū officij gratia, cum nihil uiderent eorū quæ apud ipsos ex more fieri solebant in funere luctuq; non complorationes, nō lamenta, non planctum uirorum ac mulierum, sed totā familiam sobrie moderateq; moerentem, demirati sunt non mediocriter, sicut ante tota uiri uita miraculo eis fuerat. moxq; attoniti tantæ uirtutis excellentiæ, in qua nihil inerat non eximium, accedentes uirum in hac uocem eruperunt: Rex à deo tu es inter nos: uerissimacentes. nam alia regna homines sibi parant, armis, expeditionibus, dictū miris ultro citroq; illatis cladibus, quas affert potentiæ cupiditas, dū se pedestribus, equestribus, naualibus copijs muniunt. sapientis autem regnum à deo porrigitur, quo assumpto uir bonus multat neminem, sed omnibus subditis usum fructum boni

bonarum rerum, & iura pacemq; denunciatur. Quin & in sacris literis extat huius uiri elogium, testatum reddi-
to Mosi oraculo, quo dicitur quod deo credidit. id ut di-
ctu est breuissimum, ita factu maximum. cui enim præ-
ter eum credendum est? principatibusne, an glorijs, ho-
noribus, opibus, diuitijs, nobilitati, sanitati, integritati
sensuum, robori pulchritudiniue corporis? Atqui prin-
cipatus omnis est lubricus, innumeris insidiatoribus ob-
noxius. quod si quando confirmatur, id fit non sine mul-
tis acceptis & illatis calamitatibus. nihilo stabiliores
sunt honores & gloriæ, incertissima possessio, pendens
à moribus rumoribusq; leuium & improborum homi-
num. quæ si quando perseuerat, nihil tam uerè bonum
in se continet. at diuitiæ generisq; nobilitas, etiam deter-
rimis obueniunt. sed fac solis bonis hæc contingere, ma-
iorum & fortune ista laus est, non ipsorum qui habent.
ac ne corporis quidem dotibus efferræ æquum est, qui-
bus nos alia animalia superant. Quis enim homo fortior
aut robustior tauro inter cicures, inter feras leone? quis
præditus acutiore uisu quàm accipiter aut aquila? quis
auditu tam felix, quàm asinus tardissimus animalium?
quis odoratu cane sagacior? quem aiunt rei uenatoriæ
periti, uestigantem longinquos lepusculos improuisum
in eos irruere. nam hoc genus canum uenaticorum uti-
tur oculorum uice naribus. Sanitatem quoq; plurima
bruta tuentur egregie. Quod autem ad pulchritudinis
certamen attinet, etiam inanimata quædam mihi uiden-
tur uincere posse formositates uirorum ac mulierum, si
mulacra, statua, pictura, & in uniuersum fictorum pi-
ctorumq;


florumq; opera eximia, quæ apud Græcos atq; barbaros sunt in precio, & dedicantur inter præcipuos ornatus urbium. Solum igitur certum firmumq; bonum est fides, quæ deo creditur, uitæ solatium, bonæ spei supplementum, depulsiuum calamitatum, felicitatum conciliatuum, superstitionis ablegatio, pietatis assertio, prosperitatis hereditas, profectus in bonis omnibus sultus uniuersorum autore, qui potest omnia, uult tatum optima. Quemadmodum enim per lubricum incedentes labuntur fallente uestigio: qui uerò per uiam siccam gradiuntur, certo gradu iter faciunt: sic qui per corporis externaq; bona ducunt animam, nihil aliud quam cadere illam assuefaciunt. hæc enim lubrica & parum firma sunt. Sed qui per uirtutum contemplationem ad deum properat, tutum inconcussumq; iter dirigunt, ut nihil uerius dici possit, quam quod quisquis illis rebus credit, deo non credit: contra qui deo credit, illis non credit. Nec hanc tantum erga eum Qui est fiducia oracula de uiro illo prædicant, reginam uirtutum cæterarum, uerum etiam hinc primum nominant seniore: quamuis maiores eius triplo & amplius longæuiiores fuerint, quorum neminem legimus hac appellatione dignum habitum. & merito. nam reuera senior, non ex longitudine temporis, sed ex laudata uita spectatur. Siquidem qui multum ætatis in corpore uixerunt sine probitate, longæui pueri dicendi sunt, quia nunquam disciplinas attigerunt dignas caritatis. Amator autem prudentiæ sapientiæq;, hoc est erga deum fiduciæ, iuste senior siue primus uocari potest. Nam reuera primus est sapiens in humano genere, sicut gubernator

bernator in naui, magistratus in ciuitate, imperator in exercitu, anima in corpore, mens in anima. Rursum cælum in mundo, in cælo deus: qui delectatus uiri fiducia, & ipse iureiurando fidem promissorum confirmat, non ut deus hominem, sed ut amicus familiarem alloquens. Ait enim: Per memetipsum iuro: cum uerbum eius uini iurisiurandi habeat, uolens nihilominus persuasionem eius firmiorem stabilioremq; facere. itaq; senior & primus uir bonus dicendus est, omnis autem malus, extremus & nouissimus, ut nouator & tractans res extremi ordinis. De his igitur hactenus dictum sit, unum modo ceu fastigium addam huius sapientis laudibus, sumptum ex diuinis literis, quæ testantur eum dei legem & mandata fecisse omnia, non scripto ullo edoctum, sed absq; scriptura secutum appetitus ingenij sui sanissimos. quæ autem deus pollicetur, quomodo possunt homines non credere? Hæc est uita primi conditoris suæ gentis, quam aliquis diceret legitimam: ego uero docui quod ipsa lex sit & ius non scriptum.

PHILONIS IV

DAEI, DE MIGRATIO-

ne Abrahami, Liber.



T dixit Dominus ad Abraham: Egrede de terra tua, & de cognatione tua, & de domo patris tui, in terrā quam tibi monstraui, & faciam te in gentem magnam. Benedicam tibi, & magnificabo nomē tuum, erisq; benedictus. Benedicam benedicientibus tibi, maledicam maledicentibus tibi: & benedicentur in te omnes tribus terre. ¶ Volens deus purificare hominis animam, primum offert ei perfectæ salutis occasionē, migrationem à corpore, sensu, atq; ratione. nam terra corpus, cognatio sensum, patris domus rationem significare intelligitur. Quamobrem? Quia corpus & ex terra factū est, & in terram resoluitur, sicut Moyses testatur, dicens: Terra es & in terram reuerteris. nam ipse narrat deo formatū ex terra hominem. & necessum est ut quod soluitur, in ea soluatur unde confectum est. Porro sensus cognatus & germanus mētis est, brutus ratione præditus, quoniam hæc ambo partes sunt unius animæ. Cæterum paterna domus est ratio, quia pater noster intellectus potentias suas in singulas partes seminat, suas cuiq; operationes attribuens, ipse curam & præfecturā gerens omnium. domus autem quam inhabitat, est reliquis celsior ratio

ratio. Nam sicut uir ædes, sic intellectus rationem inhabitat. proinde se suosq; cōceptus in ratione tanquam in domo propria dispositos ostendit. Nec mirū si rationem in homine uocat intellectus mentisue domicilium. Nam et deus qui est huius uniuersitatis intellectus, ait sibi suū illum λόγος pro domo esse: quod cernēs ille mediator, propalam fatetur. Nihil aliud est locus hic quā domus dei: ac si diceret: domus dei non est in his quæ cernūtur, aut aliquo sensu possunt percipi, sed inuisibilis, nulla specie circumscripta, anima solum, in quantum est anima, perceptibilis. ergo quæ alia potest esse, nisi sermo ille siue ratio creaturis omnib. antiquior, per quem tanquam clauum gubernator opt. max. cuncta dirigit: quo & in mundi creatione instrumento usus est ad absolucndum opus irreprehensibile. Atq; ita per terrā corpus, per cognationem sensum, per paternam domum rationem intelligi oportere declaratum est. cæterū illud Egrederi, non est idem quod seiunge te ab eorum essentia: hoc enim mandatum mortem imperaret: sed perinde ac si diceret, Aliena tuum animum, ut à nullo ex his detentus emergas super omnia. Tibi subdita sunt, caue habeas ea pro principibus, cum sis ipse rex: disce tales dominos contemnere, & in perpetuū nosce te ipsum, sicut & Moses non semel docet, dicens: Attende tibi ipsi. nam ita senties cui obedire aut imperare debeas. Egrederi igitur, & bone, è terreno tuo contaminato, & fuge carcerem corporis, simulq; uoluptates et cōcupiscentias custodes eius carceris, quantum potes eas profligans, & minis omnibus absteritās. Egrederi cognitionem quoq; sensuum.

nunc

nunc enim singulis familiariter uteris, ipsis deditus, de te parum sollicitus. Atqui scis quod etiam cessantibus alijs rebus, oculi auresq; & huiusmodi cognatio tota in partes suas te pelliciet. Quod si mauis tuis redditib. possessionibusq; contentus nihil ex his amittere, uitam deges fortunatissimam, usum fructum non alienorum bonorum, sed propriorum perpetuo capiens. Sed egrediendum est etiam de sermone rationis indice, quæ paterna domus dicitur: ne deceptus ornatu uerborum ac nominum, missam facias ueram pulchritudinem, quæ in rerum cognitione sita est. absurdum enim fuerit umbram pluris quàm corpus facere, aut rebus præferre imagines. certè umbræ imaginiq; sermo est similis, corporibus autem & exemplaribus ipsæ rerum naturæ de quibus differitur: quas cōsectari debet qui mauult esse quàm uideri aliquid, omisis illis alijs. Quamprimum igitur intellectus incipiet seipsum nosse, & in contemplationibus intelligibilibus uersari, totam illam partem ad sensibilia procliuem ablegabit, quæ Hebraicè Lot uocatur. Quamobrem ille sapiens inducitur dicere apertè: Discede à me. Nō est enim possibile, ut incorporearum incorruptibiliumq; rerum amator cohabitaret cum prono ad ista sensibilia. Rectè igitur sacer uates unum integrum legis librum Exodum intitulauit, nomine cōueniente contentis in hoc oraculis. cum enim sit ad docendum idoneus & ad castigandum monendumq; promptissimus, totum animæ populum qui se admoneri castigariq; patitur, Aegyptia regione corporis & eius habitatoribus uult eripere, ratus molestissimum grauissimumq; onus per-

spectuam

spectiuam mentem opprimi à carnis uoluptatibus, &
 iussa eius exequi, quicquid inclementibus concupiscen-
 tijs libuerit. Hos igitur gementes flentesq; in rerum cor-
 porearum abundantia & externis opibus (dicitur e-
 nim ingemuiffe filios Israel propter opera) propitio
 deo monente de exitu, propheta ipsius eripit. Sunt ta-
 men qui usq; ad suum obitum foedus fecerunt cum cor-
 pore, & tanquam in arca aut tumulto, aut quomodo-
 cunq; nominandum est, in hoc insepulti sunt. quorum
 carnales & affectibus obnoxie partes obliuioni tradi-
 te defodiuntur. quod si quid uirtuti amicum simul pro-
 germinauit, literarum monumentis asseruatur, per quæ
 maiorum honesta facinora solent uindicari ab interitu.
 proinde ossa Ioseph, illa inquam quæ sola ex tali anima
 fuerunt reliqua incorrupta, uidelicet memoratu digna
 gesta, non omittuntur in sacra scriptura, quod absurdum
 uideretur pura coniungi cum impuris. Fuit autem me-
 moratu dignum, credidisse illum quod uisitabit deus ge-
 nus Israeliticum, non traditurus id in perpetuam serui-
 tutem Ignorantiæ cæcæ dominæ. item discreuisse illum
 quod mortale est animæ ab immortali eius parte: &
 quæ ad corporis uoluptates cæterosq; affectus immode-
 ratos pertinent, ut mortalia reliquisse in Aegypto: de
 incorruptilibus uerò sollicitè prouidisse, ut cum ascen-
 dentibus in uirtutis ciuitates deportarentur, obligatis
 iureiurando posteris. Quæ sunt igitur illa incorruptibi-
 lia? Voluptatis auersatio dicentis, Cubemus unâ, & frua-
 mur bonis humanis, tolerantia coniuncta solertia, per
 quam bona falso credita discernit ac distinguit à ueris
 tanquam

tanquā somnia: dum fatetur ueras & manifestas rerum
æstimationes ex deo esse: incertas autem & obscuras ima-
ginationes ex erronea, fastuosa, necdū purgata uita ho-
minum, quæ delectatur pistorum, coquorum, pincerna-
rumq; ministerijs. item quod non subditus, sed præfectus
& censor totius Aegypti corporeæ regionis fuit: quod
Hebræum se gloriabatur, quorum est à sensibilibus mi-
grare ad intelligibilia. Hebræus enim migrator inter-
pretatur. quod iactabat se nihil fecisse. nam non miscere
se improborū studijs, & constanter ab his abstinere, non
mediocris laus est. quod pro ludibrio habebat omnes
affectus & concupiscentias immodicas, quod deum time-
bat, etsi nondum ad eum diligendum idoneus. quod in
Aegypto conabatur uere uiuere. Quæ miratus ille per-
spicax Israel, ut reuera mirari debuit, ait: Sufficit mihi si
adhuc filius meus Ioseph uiuit, nec est cum uanis opinio-
nibus & cadaueroso corpore commortuus. item quod
fatebatur ex deo, non ex ulla creatura scientiam contin-
gere hominibus: & mores corporis studiosos agitari ia-
ctariq; perpetuo, utcunq; putāt se niti certis decretis ani-
mi. quod aiebat se non ab hominibus missum esse, sed ele-
ctum à deo, ut administraret legitimam præfecturā cor-
poris. multa præterea his similia ad meliorem sacratio-
remq; ordinem pertinentia Aegyptum corporalem do-
mum inhabitare non sustinent, nec unquam in sepeliun-
tur tumulo: sed egressa regionem mortalium, sequuntur
sermonem fatidicum Mose præeunte. hic est enim altor
ac nutritor bonorum operum, dictorum, consiliorum:
quæ etiamsi misceantur aliquando cōtrarijs propter uā-

riam confusionem rerum humanarum, nihilominus di-
 scernuntur tandem, ne in totum honestatis semina plan-
 teq; differeant. proinde iubet ut fortiter incunctatèq;
 deserant istam appellatam matrem improbitatem om-
 niū, summa celeritate adhibita. ait enim: Cum festinatio-
 ne immolate pascha, quod interpretatur transitus: quan-
 do inhæsitante cum summa alacritate mens ab affecti-
 bus cōtinuato cursu transnigrat ad gratiarū actionem
 pro salute accepta à deo, qui nec opinantem uindicauit
 in libertatem. Et quid mirum si ui subactū ab irrationali
 affectu hortatur ne succubat, nèue sinat se illius impetu
 abripi, sed conetur resistere, aut certè aufugere: secundus
 enim ad salutem aditus est fuga, si repugnare nō datur:
 quando etiam suapte natura luctantem cum affectibus,
 necdum perdomitum, sed concertantē cum singulis, non
 sinit cum eis conflictari perpetuo, ne fortè inde aliquam
 pestem sibi affricet. Multi enim ex aduersarijs uitij facti
 sunt imitatores, quod & in uirtute accidit. ideo tale ora-
 culum est redditum: Reuerte in terrā patris tui, & in
 gentile solū, & erō tecū: ac si diceret: Fuiſti mihi athleta
 perfectus, præmia coronasq; promeritus, uirtute præſi-
 dente certamini, & tibi porrigente insignia uictoriæ.
 Desine iam contendere, ne in totū defatigeris, sed possis
 frui actis laboribus. quod nunq̃ tibi continget, si hic ma-
 neas, cum sensibilib. habitās & tempus terēs cum corpō-
 reis qualitatibus, quarū Laban princeps est. Est autem
 qualitatis hoc nomē. Sed migrādū est in terrā patris tui,
 id est sacri sermonis, qui quodammodo pater est uirtutē
 studentū, uidelicet sapientiā, probarū animarū optimi-
 domi-

domicilium. in hac regione genus quoq; tuum est quod seipso præceptore utitur, expers infantilis cibi lactei, quod oraculo diuino uetatur in Aegyptum descendere & inescari carnis uoluptatibus, cognomento Isaac: cuius hereditatem adeptus non opus habebis laborare amplius. nam copia parata bonorum affluentium parit opacium. fons autem unde bona promanant, est cum benigno deo familiaritas. ideo quasi obsignans sua beneficia dicit, Ero tecum. Quid igitur boni defuerit præsentem omnipotentem deo cum filiabus suis Gratijs uirginibus, quas incorruptas inuiolatasq; seruat in castitate genitor. Tunc cessant meditationes, labores, exercitia, & naturæ benignitate sine arte proueniunt aceruatim cuncta commoda. qui prouentus spontaneus rerum bonarum, uocatur dimissio: quoniam mens dimittitur à suis operationibus, & quasi ultro manumittitur propter copiam ingentem more imbris depluentem continuè. Sunt autem hæc miratu dignissima ob natiuam pulchritudinem. nam siquid anima ex seipsa parturit, plerunq; abortiuum & immaturum gignitur: ediuerso integrum absolutumq; quicquid in eam diuinitus impluit, non pudebit me fateri, quod mihi ipsi accidit sæpius. Aggressus scribere de receptis uulgo philosophorum dogmatibus, & exactè sciens quid dicendum esset, reperi mentem nolle quicquam parere, atq; ita recessi re infecta, damnatis eius opinionationibus, admiratus potentiam eius. Qui est, aperiens claudensq; uulvas animæ. Interdum autem uacuus accedens, plenus repente factus sum, niuis imbrisq; more supernè incidentibus cogitationibus, ut quasi inu-

mine correptus, nec locum agnoscerem, nec praesentes,
 nec meipsum & quæ diserebam aut scribebam. Certe
 nominis illius interpretatio significat inuentionem &
 usum lucis, uisum acutissimum, euidenciam rerum mani-
 festam, qualis oculis ex clara demonstracione percipitur.
 cæterum quod ostenditur, est illud uisu, spectatu, amore
 dignum bonum perfectum, quod uim habet animæ quoq;
 amaritudines in dulcedines uertendi, condimentis om-
 nibus & lauitijs melius, quo adhibito etiam quæ nutri-
 tiua non sunt, pro salutari cibo in usum ueniunt. Dicit
 enim scriptura, quod ostendit ei dominus lignum, & in-
 iecit in aquam: uidelicet in fluidam, mollem, amarulen-
 tamq; mentē, ut suauior redderetur ac mitior, id lignum
 non modo cibum, sed & immortalitatē pollicetur. Nam
 lignum in medio paradisi plantatū legimus, bonitatem
 stipatam bonis indiuiduis & particularibus, horumq;
 actionibus. nam ipsa medium & potissimum locum in
 anima sortita est. Per uidentem autem sapiens intelligi-
 tur, quandoquidem insipientes aut cæci sunt, aut hebe-
 tes habent oculos. ideo prisci prophetas uocabāt uiden-
 tes. & meditator ille qui aures oculis posthabuerat, au-
 dita cernere cupiens, uisionem consecutus est, quia iam
 auditum transcenderat. Iacob enim quod nomen discipuli
 nam significat, mutato charactere in uidentem Israelēm
 recuditur, atq; ita lucem diuinam aspicit, quæ est scien-
 tia: per quam aperitur oculus animæ, & ad rerum per-
 spicuas euidentesq; comprehensiones deducitur. sicut e-
 nim cantus per musicam, & per quamq; artem sua sub-
 lecta concipiuntur, ita per sapientiam sapientes contem-

plationes. quæ non solum sicut lux, instrumētum uidendi est, sed seipsam quoq; uidet. hæc in deo solaris splendoris exemplar est, sol uerò imago eius & effigies: ceterum qui indicat omnia, deus solus sapiēs. homines enim quia sapere uidentur, sapientes dicuntur: deus uerò cum sit, minus quàm est prædicatur. maiores enim sunt eius. Qui est potētia, quàm ut ullis eloquijs explicari queat. Commendat autem suam sapientiam nō solum per mundi opificium, sed etiam quia cognitio creaturarum apud ipsum cōsistit certissimē. Legimus enim quod uidit deus omnia quæ fecerat: quod non sic accipitur quasi oculos coniecerit in singula, sed quod cognouerit cuncta, & sua scientia comprehenderit quæcunq; fecerat. Decebat igitur ut ignorantes doceret, monstraretq; alijs singula, ille solus sapiens, qui nulla iuuatur arte qua homines, sed ipse principium & fons artium sciētiarumq; habetur confessione omnium. Illud uerò cautē dictum apparet, quod in promissione non præsens tempus, sed futurum prædefinitur, dum dicit, non quam ostendo, sed quam ostendam tibi, in testimonium fidei qua hæc anima deo credidit, nō propter repræsentata gratias agēs, sed expectationi futurorum intenta & à spe bona pendens, dubio procul existimans iam facta se habere quæ nondum aderant, potitā perfectō bono, propter fidem pollicentis certissimam. nam iterū dicitur, Credidit Abraham deo. Mosi quoq; cum uniuersam terrā promissam ostendisset, ait: Ostendi quidem oculis tuis, tu tamen non intrabis in eam. Quod haudquaquā intelligendum est de interitu illius sapientissimi, ut quidam inconsiderat

rati suspicantur. Stultum enim fuerit putare seruis potius quam amicis agros uirtutis diuisos. Sed illud in primis docere nos scriptura uult, alium esse locum infantium, alium maturioris etatis: quorum alteri nomen est meditatio, alteri sapiētia. deinde res in omni natura pulcherrimas uideri magis quam teneri. teneri enim cum sint diuini sortis qui possunt? cerni uerò possunt, sed non ab omnibus. à solo autem cernuntur purissimo acerrimiq; uisus genere, cui rerum pater ostendēs opera sua, maximum hoc largitur beneficium. nam quæ potest esse uita præstantior, quam contemplatiua, quæ ratione prædito conuenientior? Quapropter cum etiam mortalium animantium uoces auditus sensu iudicentur, dei uerba lucis modo uideri ex diuinis oraculis discimus. dicunt enim quòd totus populus uidebat uocem, non audiebat. quia nō erat hic aer plectro linguæ percussus, sed splendor uirtutis lucidissimus, à rationali fonte nihil differēs, quod et aliubi significatur hoc modo. Vos uidistis quòd ex cælo sum locutus ad uos. non dicit audistis, propter eandem causam. Interdum tamen à uisis audita, et aspectum ab auditu discernit dicens: Vocem uerborum uos audistis, nec ullam similitudinem uidistis, nisi uocem. satis expresse. Eam enim quæ in nomina, uerba, ceterasq; orationis partes secatur, auditam dicit merito. hæc enim auditu censetur. Eam uerò quæ sine uerbis ac nominibus dei uox est, animæ oculo conspicua, rectè uisam inducit. Cum enim dixisset, similitudinem non uidistis, subiicit, nisi uocem quam omnes uidistis. hoc enim subauditur. itaq; dei sermones dijudicantur uisu animæ,

auditu uerò isti qui partiuntur in nominum uerborumque species. cum aut per omnia mirificā scriptor hic præferat scientiam, hoc quoque loco mire nouauit stilum, dicēs uisam uocem, cum penē nihil sit in nobis aliud quod non uideatur, excepta mente. nam quæ ad alios sensus attingunt omnia sunt uisibilia, colores, sapor, uapores, calida, frigida, aspera, leuia, dura, molliaq; inquantum sunt corpora. Dicam apertius. Sapor uisibilis est, nō inquantum sapor, sed inquantum corpus. nam inquantum sapor, gustu noscitur. item uapor, inquantum uapor, nariibus examinatur: inquantum corpus, oculis. Idem iudicium est et de cæteris. Vox autē, nec quatenus auditur, nec quatenus corpus est, si tamen est corpus, naturam habet uisibile, sed hæc duo nobis insunt inuisibilia, mens et oratio. uerū non est similis noster sonus diuine uocis instrumento. nam noster sermo miscetur aeri, atque illud ad aures locum sibi cognatum refugit. diuinus uerò sincerus et impermixtus est, effugiens aures propter subtilitatem, animæ soli repente conspicuus, propter usum ipsius acutissimum. quæ postquam reliquit mortalia, primam hanc, sicut iam diximus, à deo gratiam accipit, ut res immortales contemplationi suæ subiectas queat aspicere. secundam, incrementum uirtutum tam numero quam magnitudine. Dicit enim: Et faciam te in gentem magnam: per gentem, multitudinem, per magnam, incrementum in melius significans. Hanc quantitatem utriusque speciei, tam magnitudine quam multitudine attestam, indicat et Aegyptius ille rex: Ecce, inquit, genus filiorum Israel, magna multitudo. Vtrumque adesse testatur

tur uidenti cum Qui est generi, multitudinem & magnitudinem, habenti uitæ rationisq; bona opera. non enim sicut ordo uerborum poscere uidebatur, multam multitudinem, sed magnam dixit, sciens multam per se imperfectam esse magnitudinem, nisi accedat uis intelligentiæ scientiæq;. Quid enim profunt multæ contemplationes, ni singula conueniens incrementum accipiant? nam ne ager quidem probatur, in quo innumerae plântæ sunt hi miles, nulla uerò stirps satis excolta, quæ iam fructum proferre possit. magnitudinis autem multitudinisq; bonorum & initium & finis est indefinens dei memoria, atq; inuocatio superni auxilij contra ciuilem tumultum cum quo semper in hac uita conflictamur. dicit enim: Ecce populus sapiens & sciens, gens & portio hæc, quæ est enim gens aut portio cui deus sic appropinquat, sicut dominus deus noster quotiescunq; illū inuocauerimus. Ergo liquet esse apud deum potentiam quæ ad opem nobis ferendam excubat, & ipsum rerū principem succurrere his qui digni sunt. Sed qui sunt digni hac gratia? quis dubitet quod amatores omnes sapientiæ & scientiæ? Hi sunt enim ille sapiens & sciens populus de quo supra dixit, in quo singuli meritò magni sunt, quoniā magna cupiunt, id unum præcipuè, ne unquam disjungantur à deo maximo, sed accessum eius propinantis cōstanter et sine metu suscipiant. hæc est uisio magni dei, cum quis aut illum accedit, aut aduentum eius excipit. Mundus sanè et mundi ciuis sapiens, multis ac magnis bonis plenus est. cætera uerò turba hominum sæpius malis quàm bonis utitur. rarum enim bonum est in uita confusa & tumultuaria

tuaria. quapropter in oraculis canitur: Non quia gentes omnes superatis multitudine, sed quia dominus uos diligit. nam si cui libeat turbam unius animæ tanquam gentes distribuere, multos inueniet turbatos ordines, quibus præsent uoluptates, concupiscentiæ, dolores, timores, item insipientiæ, iniquitates, & harum cognatæ germanæq; cæteræ: unum uerò solum bene instructum, qui à ratione ducitur. Et apud homines quidem iniusta multitudo pluris quàm unus iustus æstimatur, apud deum uerò bonitas rara præfertur iniquis innumeris, ideo denunciat ne quis unquam faveat tali multitudi-
ni. Non eris, inquit, socius multorum in malitia. Quid si paucorum? imò ne unius quidem mali. nam malus uid-
unus, multiplex est uitij, cuius societas damnum affert maximum. præstat resistere talibus, & fortiter cum eis bellum gerere. St, inquit, profectus in militiam contra hostes tuos uideris equum, superbum, petulantem effrenemq; affectum, & ascensorem insidentem ei mentem affectibus deditam: & populum numerosiore te, sectatores modo dictorum condensatæ phalangis more in te ruentes: caue timeas tibi ab eis. nam unus cum sis, auxiliarium habebis unum illum rectorem uniuersorum, quoniam dominus deus tuus tecum est. huius enim accessio bella profligat, pacem instaurat, multa inueterata mala subuertit, rarum & deo carum genus conseruat: quem dominum quisquis agnoscit, odit execraturq; cateruas terrenorum hominum. Præceptum est enim, quæcunq; multos pedes habent inter omnia reptilia terræ nolite comedere, quia sunt abominanda.

Non est tamen abominabilis anima quæ una sui parte
 repit in terra, sed quæ omnibus aut plurimis, hærens uel
 stigis corporis, nec ualens ad diuinos cæli cursus caput
 attollere. atqui sicut multipedes, ita pedibus carentes re-
 ptilles bestiolæ damnantur, illæ propter causam iam di-
 ctam, hæc quia totæ humi iacent, et ne minimum quidem
 attolluntur ab ea. ait enim, omne quod super uentrem
 graditur impurum esse, subindicans deditos uentris uo-
 luptatibus. nonnulli autem his nequiores, non contenti
 solius concupiscentiæ genere, acquisiuerunt insuper ger-
 manum eius affectum iracundiam, ut confirmatis brutis
 animæ partibus, mentem omnino delerent. quod enim
 uerbis de serpente dictum est, reuera de quouis bruto et
 affectibus dedito homine diuinum est oraculum: Super
 pectus & uentrem ingredieris. nam circa pectus ira est,
 in uentre concupiscentia. cæterum insipiens super utraq;
 semper ingreditur iram & concupiscentiam, nunquam
 cessando ex quo aurigam ac præsidem rationem reiecit.
 alius ediuerso iram & concupiscentiam extirpat, dei
 uerbo se gubernandum committens, sicut & Moses ille
 deo carissimus, qui quoties animi holocaustomata immo-
 lat, uentrem quidem eluit, id est totam concupiscentiæ
 speciem repurgat: pectusculum autem de ariete conse-
 crationis aufert, omnem iram pacis inimicam, ut reli-
 qua animæ pars potior, uidelicet rationalis, nulla re di-
 strahente, ingenuis oculis intueri possit omnium rerum
 bonarum pulchritudinem. sic enim & numero & ma-
 gnitudine augebitur. Scriptum est enim: Quousq; exa-
 sperabit me iste populus? quousq; nō credēt mihi meisq;

prodigijs quæ feci inter eos: percutiã eos morte & per-
dam eos: & faciam te domumq; tui patris in gentem ma-
iorem frequentioremq; hac. deletio enim ex anima vulgo
irarum ac concupiscentiarum, omnino partes eius ra-
tionales assurgent & uires recipient. Quemadmodum
autem multipedum & pedibus carentium reptilium ge-
nera cum sint contraria inter impura censentur: sic opi-
niones nullum deum aut multos credentium, quamuis
contrariæ sunt ex æquo profanæ. argumento est, quod
utranq; lex arcet à sacro coetu, ei qui deum negat, ut spa-
doni castrato interdicens cōcione. multorum uerò deo-
rum assertorem, ut è scorto natum uetans pro concione
uel audire quicquam uel dicere. deum enim negans steri-
lis est: multos uerò deos asserēs, è scorto natus, circa ue-
rum parentem cecutiens, & ideo multos pro uno gen-
itores sibi adoptans. Duo dona dei iam dixi, spem uitæ
contemplatiuæ, & incrementum multitudinis bonorum
ac magnitudinis: tertium autem est benedictio, sine qua
non possunt confirmari priores gratiæ. dicit enim: Et be-
nedicam tibi. εὐλογῶ, id est, laudatum sermonem da-
bo. nam illud Bene omnino uirtutem significat. Sermo
autem alius fonti, alius riuo est similis: fonti qui mente
concipitur, riuo qui per os linguamq; profluit. Vtranq;
hanc speciem in melius proficere, magnæ sunt diuitiæ:
dum mens ratione bona in magnis ac paruis rebus uti-
tur, sermo uerò à recta institutione regitur. multi enim
excogitant quidem optima, sed à malo interprete sermo-
ne destituuntur, imperiti musicæ unius ex liberalib. arti-
bus. alij contrā facundia pollentes, nihil ualent consilio.

ut sophistæ quos uocant. horum enim mens nec conceptum habet nec musicam, sed quoties res plectro uocis agenda est, nihil his eruditius. at deus nihil suis largitur imperfectum, sed plena & absoluta omnia. quapropter hæc quoq; benedictio integrum non dimidiatum sermonem confert, ut qui dignus habetur tam insigni beneficio, & excogitare ualeat quæ sunt optima, & excogitata enunciare. nam perfectio uidetur ex utroq; consistere, inuentione sincera, & inoffensa elocutione. Annon uides Abelem, quod nomen est mortalia lugentis, laudatis immortalia, quam bona mēte fuerit præditus? qui tamen quia non satis exercitatus in dicēdo fuerat, uictus est ab aduersario magis arte quam uiribus. ideo ceteram eius naturæ felicitatem suspicio, hoc unum in eo reprehēdo, quod prouocatus in certamen uerborum descendit, cum debuisset perstare in consuetis moribus, contempto prouocatore. quod si omnino concertatio placebat, debuerat tantisper abstinere à puluere, donec artes luctandi perdisceret. nam rusticanam sapientiam urbana elegantia plerunq; solet uincere. quapropter & Moses ille sapientissimus uetatur quidem cum eloquentib; & disertis congregari, postquam ei diuinus splendor affulgere cœperat per immortales sermones sapientiæ scientiæq; permittitur tamen ad uisendos eos ire, non ut fieret doctior aut rerum peritior: nam contemplatiuo homini sufficit dei & sanctarum eius potentiari inquisitio: sed ut palmam referret de sophistis Aegyptiacis, qui pluris faciunt arte confictas ad persuadendum fabulas, quam ueritatem euidētissimam. Ergo cum mens uersatur in Omnipotentis

negocijs, non opus habet externis auxilijs. nam intelligi-
 bilia solus intellectus cernit acutissimè. quod si quando
 se confert ad sensum, aut affectum, aut corpus, quæ per
 Aegyptum significantur, indigebit dicendi quoq; arte
 ac facultate. quamobrem ducere secum Aaronem iube-
 tur, hoc est eloquētiam. Nōne, inquit, habes Aaronem
 fratrē tuum? nam cum rationalis natura una mater am-
 borum sit, natos ex ea fratres intelligo, quicquid illa
 proloquitur. mentis enim est concipere, elocutionis ue-
 rò proferre. Is, inquit, loquetur pro te. cum enim mens
 suas cogitationes uult depromere, propinquo suo ser-
 mone utitur interprete, ad affectus suos exprimendos.
 Deinde sequitur: Ecce ipse occurret tibi obuiā. Siquidē
 reuera sermo cogitationib. occurrit, & addens ei uerba
 nominaq; format eas, quæ nullā antea formā habuerūt.
 Et uiso te, inquit, gaudebit in seipso. Gaudet enim sermo
 & fit alacrior, quādo conceptus animi nō est obscurus:
 quo prælucente decurrit expeditè, proprijs, aptis, egre-
 giè significatiuis uocabulis affluens. quod si quando co-
 gitationes non satis certæ sunt, per inane graditur, & se-
 penumero collabitur grauitè, ut nequeat se amplius eri-
 gere. Et alloqueris eū, & dabis uerba mea in os ipsius.
 Ac si diceret: Suggestes ei talia cogitata, qualia nihil
 uerbis & eloquijs dei differūt. nam absq; monitore ser-
 mo nō sonabit. monitor autē sermonis, mēs est, sicut men-
 tem deus cōmouet. Et ipse tibi alloquetur populū, et ipse
 erit pro ore tibi. tu uerò apud deū ages eius negocia. Sa-
 tis disertè dixit, alloquetur tibi, id est, tuus iterpres erit.
 itē illud, Ero tibi pro ore. nā per linguā et os sermo pro-
 fitur

fluit secū cogitata proferens. Verū sermo interpres mentis est apud homines, sermonis uerò mens apud deum. tūc enim cogitatio legatione fungitur, quam solus deus intropicit. necesse est igitur ut cui certamen sophisticū imminet, sic eloquentiæ det operam, ut nō solum aduersariorum petitiones declinet, sed uicissim in eos coortus tum arte uincat tum uiribus. Annon uides incantatores & ueneficos arte cum dei uerbo pugnare, & conari similia, non tam ut suam scientiam reddant celebrē, quā ut illudant alijs? nam uirgas in dracones transformant, aquas in cruentum colorem uertunt, ranarum reliquias trahunt in terram incantationibus: quæ omnia miseri cumulant in suam perniciem, & decipiuntur dū se putant decipere. Hos putas sustineri potuisse, ni mentis interpres sermo, cui nomen Aaron, præparatus fuisset? quī nunc quidem orator dicitur, mox autem uates uocabitur, quando & mens iam augustior deus appellabitur. Do te, inquit, deū Pharaoni, & Aaron frater tuus erit tuus propheta. ô consequentiam aptissimam. nam quod uoluntatē dei nobis prædicat, propheticum est genus, quod afflatū diuinitus & agitur et sedatur. eam ob rē Aaronis uirga deglutijt uirgas illorum, ut docet scriptura. Euanesçūt enim & absorbētur à uario naturæ artificio sermones omnes sophistici, ut fateri cogantur adesse dei digitū: ac si dicerent, scripturam diuinam, quæ asseruerat semper sophisticam uinci à sapiētia. nā digito dei tabulas etiam, in quibus insculpta fuerant oracula, scriptas narrāt sacra eloquia. ideo nō possunt amplius uenefici corā Moise subsistere: sed cadūt tanquā in certamine deiecti

deiecti robore aduersarij. Sed quod est illud quartū do-
 num? Magnitudo nominis. Ait enim: Magnum faciā no-
 men tuum, id equidem sic intelligo. Sicut bonum ac ho-
 nestum esse, ita & uideri prodest, est quidē ueritas opi-
 nione melior: utramq; tamē sua bona fortuna sequitur.
 multi enim nec fucati nec simulati cultores uirtutis, ca-
 pti eius natīua pulchritudine, neglectis uulgi rumuscu-
 lis, petiti sunt insidijs, pro malis habiti, cum reuera boni
 fuerint. ceterum existimatio tum demum prodest, quā-
 do ex re nascitur, sicut experimur in corporibus. Nam
 etiam si omnes homines egrotum bene ualere, aut sanū
 egrotare crederent, sola opinio nec morbum nec sanita-
 tem efficeret. at cui deus utrumq; concessit, ut bonus ac
 honestus & sit & uideatur, hic uere beatus est, & uere
 uir magni nominis. Nec est negligenda bona fama, res
 in omni uita utilissima. ea contingit propemodum omni-
 bus, qui praesentibus rebus contenti nihil mouent ex in-
 stitutis maiorum, sed diligenter conseruare student pa-
 triam formam reipublicae. Sunt enim quidam qui du-
 pant scriptas leges esse figuras intelligibilium, his dilige-
 ter dant operam, illas facile negligunt, quorum mihi nō
 placet facilitas. debuerant enim utraq; curare, ut & ob-
 scura quererent accurate, & manifesta seruarent dili-
 genter, nunc quasi degerent uitam in solitudine, aut ex-
 uti essent corporibus, nec ulla ciuitatem, aut castellū,
 aut domum, aut sodalitatem hominum scirent, placita
 multitudinis conuellendo, ueritatem ita ut est nudā ser-
 untur: quos sacra scriptura docet bonam persuasionē
 non negligere, & à diuinis maiorum institutis nequa-
 quam

quam recedere. Quamuis enim septimus dies potentia illius Ingeniti, creaturarum autem otium significet, non tamen leges de eo præscriptæ soluendæ sunt, ut igne accendamus, agros colamus, baiulemus onera, lites exerceamus & iudicia, depositum repetamus, usuras exigamus, & alia faciamus quæ festis diebus non licet agere. nec ideo quia festum hilaritatem animæ & erga deum gratitudinem significat, ideo reiiciendæ sunt solennes ce lebritates: nec quia circumcisio docet uoluptatum affectuumq; omnium excisionem, & insuper opinionū impiarum, quæ menti persuadent quòd possit ex seipsa gignere, ideo debet antiquari lex lata de circūcisione: alioquin & sacræ ceremoniæ, et alia multa negligēda sunt, si exclusis figuris sola harum significata recipiētur. præstat hæc tanquam animam, illa tanquam corpus cense ri. itaq; sicut corpus curamus ut animæ domicilium, sic scriptæ leges curandæ sunt. nam his seruatis apertius no scentur earum significata, & eadem opera licebit mul torum incusationes ac reprehensiones effugere. Viden ut etiam Abraham docet sapienti magna paruaq; bona adesse, dum magna uocat substantiam, quorum heredi tatem soli tradit legitimo filio: parua uero munera, qui bus natos è concubinis dignatur. illa nobis leges natura les, hæc ciuiles referūt. Proinde uirtutem Liæ ueneror, quæ post natum sibi Aser, qui sensibiles & adulterinas diuitias significat, dicit: Beata ego, quia mactam me di cent mulieres. Recte enim coniectat, quæ postulat nō so lum uere masculis ac uirilibus celebrari laudibus eorū qui integram incorruptamq; naturam honorāt: sed etiā

fœmi-

fœmineis eorum, qui trahuntur & uincuntur à rebus
 istis uisibilibus, nihil præterea ualentes intellectu perci
 pere. est enim officium perfectæ animæ, ut & esse & ui
 deri uelit: utq; studeat se approbare non tantum uirorū
 aulis, sed etiam mulierum conclauibus. quamobrē Mo
 ses sacrorum operum apparatus non solis uiris facien
 dum commisit, uerum & mulieribus. nam hæ telas om
 nes hyacinthinas, purpureas, coccinas, byssinas, cilici
 nas, conficiunt, hæ suum mundum conferunt alacriter,
 figilla, in aures, anulos, dextralia, cincinnos, omnem au
 ream materiam, emendo pietatem ornatu corporis. nec
 hoc contentæ, specula sua consecrant ut inde labrū con
 fletur: ut sacrifici dñi manus pedesq; abluant, id est ope
 ra quibus insistit animus, seipsos speculentur admoniti
 à speculis ex quibus labrum factum est: atq; ita nullā tur
 pitudinem relinquunt in anima. itaq; sobrietatis ac tole
 rantie donarium dedicant, omnium anathematū sacra
 tissimum & absolutissimum. hæc urbanæ ciuilesq; mu
 lieres, sensus uidelicet, à quibus honorari Lia postulat.
 At illæ quæ accendunt ignem in mente misera, externæ
 sunt. Legitur enim quòd & mulieres insuper accende
 runt ignem in Moab. Sic & insipientis sensus singuli ac
 censi à sensibilibus mentem exurunt, ingentem flammā
 excitando cum impetu uehementissimo. Optimum igitur
 fuerit placare mulierum ordinem in anima, id est,
 sensuū, sicut & uirorū, id est, rationū particularium, si
 enim melius & rectius uitā instituemus. Propterea ille
 quoq; à seipso doctus Isaac optat amatori sapientie tantū
 sensibilia bona q̃ intelligibilia. dicit enim: Det tibi deus

de rore celi et de pinguedine terræ. ac si dicat: primum
 cōtinua te intelligibili cælestiq; irriget pluuia, nō larga
 ut inundet, sed sensim leniterq; modo roris descēdente,
 ut possit. deinde sensibiles terrenasq; diuitias largiatur
 uberes, depulsa cōtraria paupertate animæ eiusq; par=
 tiū. Quod si & summū sacerdotem rationē examines,
 inuenies eū consentire, & uestitū eius sacrum uarietatū
 intelligibilibus sensibilibusq; potētij: cuius cætera pro=
 lixiore opus habent enarratione q̄ ut præsenti tempori
 conueniant: tantum extrema examinabo circa pedes et
 caput. Ergo in capite est lamina ex auro puro, et in hac
 expressum sanctum nomen domini: ad pedes autē in fim=
 bria tintinnabula & flosculi. sed ille typus laminæ idea
 est idearum, iuxta quā deus mundū expressit, ipsa intel=
 ligibilis & incorporea. flosculi uero & tintinnabula,
 signa sunt qualitātū sensibiliū, quas uisus & auditus iu=
 dicant. Valde autē accurate subdit, quod audietur sonus
 eius intrantis in sancta: ut quando ad intelligibiles, diui=
 nas, uereq; sanctas res intrat anima, sensus quoq; à uirtu=
 te adiuti consonent: & omnia ex quibus constamus, tan=
 quā frequens ac modulatus chorus, ex diuersis uocibus
 tēperatus, unum carmen apte concinant, intelligentijs
 intus præcinētibus, quādo in hoc choro principatū te=
 nent intelligibilia: sensib. aut succinentibus & respondē=
 tibus, qui singulis choreas ducentib. sunt similes. in uni=
 uersum enim uictus, uestitus, cohabitatio, ut lex ait, tria
 hæc debentur animæ, quibus non est fraudanda. Victus
 sunt bona intelligibilia, in quib. ratio naturæ sequenda
 est. uestitus uero, quæ ad externū ornatū uitæ pertinet.

coha-

cohabitatio uerò, est in utraq; iam dicta specie assidua
 meditatio: ut qualia sunt occulta intelligibilia, talia sen-
 sibilis quoq; appareant. Est igitur quintum donum, quo
 solum & nudum esse conceditur. id memoratur postre-
 mum, non ut uilius quàm præcedentia, sed ut eminentis-
 simum inter omnia. quæ enim potest esse maior benedi-
 ctio, quàm si quis non fictæ sed uere bonus sit? Eris, in-
 quit, benedictione dignus, non solum benedictus. nam
 hoc posterius pendet à vulgi opinionibus & rumoribus,
 illud ueræ laudis est. sicut enim laudabilis laudato
 est melior, & uituperabilis uituperato deterior: quod
 alterum de re, alterum de opinione dicatur, nature au-
 tem ueritas opinione sit certior: ita benedici ab homini-
 bus, id est laudibus eorum celebrari, minus est quàm il-
 lam benedictionem promereri etiam silētibus omnibus,
 quod εὐλογεῖται dicitur in oraculis. Hæc sunt bona quæ
 futuro sapienti donantur. quid autem & alijs donet deus
 propter sapientem, deinceps uideamus. Benedicam, in-
 quit, benedicientibus tibi, & maledicam maledicentibus
 tibi.] Hæc in honorem uiri boni fieri liquet omnibus.
 sed non ideo tantum commemorantur, uerum etiā pro-
 pter aptam rerum consequentiam. nam bonum & qui
 laudat est laudabilis, & qui uituperat est uituperabilis.
 laudi autem & uituperio nō tam loquentes scribentesq;
 fidem asstruunt, quàm ipsa rei ueritas. itaq; nec laudare
 nec uituperare uidentur, qui in alterutro aliquid admi-
 tiuntur de suo. Annon uides istos adulatores, qui tā no-
 ctu quàm interdiu permulcent aures suis regibus, nec
 tantum applaudunt dictis eorū singulis, sed & prolixius
 eos

eos ornant laudibus, quos tamen execrantur taciti, quā-
 tumuis fausta ominādo propalam. Quid igitur aliquis
 mente sanus diceret? nonne inimicos magis quā amī-
 cos uideri hos, & uituperatores magis quā laudato-
 res, etiamsi dramata integra encomiorū accinant? quā-
 propter uanus ille Balaam, quamuis hymnos egregios
 in deū cecinit, & in his illū, Non est sicut homo deus,
 canticorum omnium sanctissimum, plurimis item laudi-
 bus Israelem ornauit: tamen impius & execratus à sa-
 piente legislatore uocatur, & irrita censetur eius male-
 dictio. ait enim cum mercede conductum ab hostib. pro-
 fectum malo animo, & cum mente concepisset execra-
 tiones grauissimas contra carum deo populum, ore lin-
 gua; precatum præclara uaticinia. Hæc enim ei deus
 fautor bonorum dictabat, cogitanti pessima, & malitio-
 so proposito consentanea. Sic enim testatur oraculum.
 Non permisit, inquit, deus Balaamum tibi maledicere,
 sed uertit execrationes eius in fausta omina. Atqui nihil
 nisi bonum eis imprecatus est. Sed inspector animæ pe-
 netralium, cui soli aperta sunt quæ creaturas latent; con-
 tra occulta fert sententiam, testis certissimus & iudex
 idem incorruptissimus: quandoquidem ediuerso probā-
 tur qui accusando & obiurgādo in speciem, bene optāt
 & precantur intus in animo. qui mos est castigatorum,
 pedagogorum, præceptorum, parentum, seniorum, le-
 gum, magistratuum. nam id genus omne nunc obiurgā-
 do, nunc castigando etiam, emendant pertinentes ad suā
 disciplinam animas. nemo enim horū suis inimicus est,
 sed omnes beneuoli, sincerorum autem & minime fud-
 Philo.to.I. O torum

torū amicorū officiū est, loqui libere sine maleuolentia. Ergo quod ad uota benedictionesq; attinet, aut ad male dicta execrationesq;, nō oratio sed mens spectari debet, ex qua ceu fonte utraq; species dictorū aestimatur. hæc sunt prima quæ alijs propter bonū uirū contingere dicuntur, qui eū uel laude uotisq;, uel maledictis et execratione prosequuntur. quod autē sequitur est maximum, etiā illis cessantibus, nullam partē rationalis naturæ relinqui expertē beneficentiæ: quia benedicuntur in te omnes tribus terræ. quod dogma est certissimū. nam quam diu mens sana & integra permanet, oēs eius familiares, tribus, potentiæ uē sanæ sunt, uisus, auditus, sensusq; ceteri, sicut & illæ quæ ad uoluptates concupiscentiasq; pertinent, & quæ ex perturbationibus in tranquillitatem redactæ meliorem formam accipiunt. cōpertum enim est ad familias, ciuitates, regiones, nationes, atq; etiā tractus terrarum longe lateq; patentes, ex unius uiri probitate nonnunquā magna peruenisse cōmoda & felicitates: multis plissimas, præcipue quando quis cum bona mente accipit diuinitus inuictā potentiam: sicut cū musico et cūcunq; artifice musica uel cuiuscūq; artis instrumenta suppetunt, aut igni lignorū materia. nam reuera fulcrū generis humani iustus est, suas dotes cōmunicans & in publicum usum conferens. idē quicquid apud seipsum non inuenit, à deo solo ditissimo postulat. at ille apertis celestis propitiario, uiuis imbrisq; in morē bona depluit affertim, ut inde oēs terrenæ lacunæ restagnent. Hæc autē supplicationibus sui uerbi permotus largiri solet. Dicitur enim aliubi Mose supplicāte: Propitius eis sum iuxta pr

cēs tuas. quod uidetur perinde esse ac si diceret, Benedi-
centur in te oēs tribus terræ. quamobrē & ille sapiens
Abraham expertus per omnia dei benignitatē, credidit
quod etiamsi delerentur cætera omnia, si modo paruæ
reliquæ uirtutis tanquam scintilla seruata fuerint, ob
has ipsas etiam illa misericordiā consecutura sint, ut col-
lapsa resurgeret & extincta reuiuisceret. scintilla enim
uel exigua fumigans, si afflata fuerit, magnum excitat
incēdium. sic & minimum quiddam ex uirtute reliquū,
quando bona spe refotum excandescit, & oculos prius
conniuentes cæcosq; illustrat, & uiriditatē reddit areri-
tibus, & quæ prius per ignorantia sterilia fuerāt, ad fœ-
cunditatem reducit. adeo rarum bonum benignitate dei
diffunditur, dum cætera uertit in sui similitudinē. Ore-
mus igitur ut ceu columna in domo, mēs in anima, in huius
mano uerē genere homo iustus, permaneat ad calamita-
tū remediū. nam hoc incolumi de publica salute desperā-
dū non est: per quē opinor seruator deus præsentiissimā
medicinā propitiā suam potentiā supplicibus cultori-
bus suis porrigit, utendam ad salutem egrotātium, qua
oblinantur animæ uulnera, inflicta per ignorantie, in-
iustitie, & plurimorum aliorum uitiorū aciem. Exem-
plum extat in Noe iusto, qui ingenti diluuiio deuoratis
tot partibus animæ, fortiter supernatans fluctib; euasit
omni clade superior: & seruatus amplas pulchrasq; ra-
dices ex se emisit, ex quibus tanquam planta enatum est
genus sapiens, quod mites partus progerminans tripli-
cē Israeliticū fructū attulit, mēsuras æui, Abraham, Isaac,
& Iacob. Est enim & erit & fuit in rebus uirtus, quana-
tem

temporum difficultas fortassis obscurat interdum in hominibus, emergit tamen illa denuo, deo dante feliciora secula: quando & Sarra, id est prudentia parit masculum, non annis florens aut etate, sed uigore illo nullis temporum iniurijs obnoxio. dicitur enim: Reuertens ueniam ad te eodem anni tempore, & habebit filium Sarra uxor tua. Haftenus de donis quae deus uel perfectis uiris largitur, uel propter eos alijs. deinceps narratur, quod profectus est Abraham sicut locutus est ei dominus.] Hic autem est ille finis qui à praestantissimis philosophis celebratur, uidelicet iuxta naturam uiuere. id fit quando mens ingressa uirtutis semitam, incedit per rectae rationis uestigia, & deum sequitur memor eius praceptorum, habens ea rata dictis factisque omnibus. Profectus enim est sicut locutus est ei dominus. id uero idem est quod locutus loquitur deus. loquitur autem pulcherrime & laudabiliter. nec aliter uir bonus facit singula, callem uitae irreprehensibiliter dirigens, adeo ut opera sapientissimi nihil differant à diuinis eloquijs. proinde aliubi ait: Fecit Abraham uniuersam legem meam. Lex porro nihil aliud est proculdubio, quam diuinum eloquium, facienda precipiens, uitanda prohibens: sicut testatur qui dicit quod desumpsit legem ex uerbis ipsius dei. Quod si dei uerbum est lex, & uir bonus ex praescripto legis agit, ergo facit quod dei uerbum imperat. unde sequitur, dei uerba opera esse sapientis. Finis igitur est iuxta Mosem sacratissimum, sequi deum, sicut & aliubi dicit: Post dominum deum tuum ambulabis, sed non motis pedibus, hominem enim terra est pro uehiculo: deo uero ne mundus quidem uniuersa

uniuersus. Proinde per allegoriam docere uidetur animam ut sequatur diuina placita, quæ referuntur ad summi autoris honorem. nec hoc cōtentus quo magis accendat honestatis desiderium, hortatur ut ei adglutinetur. ait enim, Dominum deum tuum timebis, & eum solum coles, & adglutinaberis ad eum. Quo glutine? quos? nimirum pietate ac fiducia. nam his uirtutib. mortalis natura cum immortalī unitur & coaptatur. nam & Abraham postquam credidit propinquus deo dicitur. Sed in hoc itinere si quis nec lassetur genibus, nec per socordiā ad utrumuis latus aberret, incedēs per uiam mediam, et bonos cursores imitans: inoffense decurret per uitæ stadium, moxq; ad finem delatus coronas accipiet ac digna præmia, nisi fortē non sunt coronæ ac præmia, non laborasse frustra, sed pertigisse ad prudentiæ finem arduum. Quis est igitur finis rectē sapiendi? seipsum & omnem creaturam damnare stultitiæ. nam agnoscere suam ignorantiam, finis est scientiæ, cum unus solus sit sapiens qui solus deus est. ideo pulcherrimē Moses inducit eum & patrem omnium rerū & iudicem dicens: Vidit deus omnia quæcunq; fecerat, & ecce bona ualde. Nemini enim licebat totam creaturā diligenter perspicere, nisi ei qui creauerat. Adeste nunc uos qui fastu, ignorātia, arrogantiaq; turgidi sapientes uobis uidemini, aientes uos nō solum certo scire singula, sed & causas eorum audere redere, tāquam mundi creationi interfueritis spectatores, & opifici res singulas disponētī fueritis à consilijs. omitte cetera simul omnia, uosipso potius cognoscite, & quinā sitis certo pronūciate, siue spectetur corpus, siue

anima: seu sensus, seu ratio. unū saltem non magnū declarate, quid sit uisus, & quomodo uideatis. quid auditis, & quomodo audiatis. quid gustus, tactus, odoratus, & quomodo exerceatis hæc singula. aut quinam sint horū fontes, unde manat eorū essentia. nolo enim ut lunā, solem, ceteraq; mundana & cælestia lōge remota, de quorū præcellenti natura homines uani sublimes assertis fabulas, prius q̄ ipsos discatis & scrutemini. nā hoc factum demū fortasse credetur etiam de alijs differentibus. nisi autē quinam ipsi sitis doceatis, ne putetis uos testes aut iudices certos fore de alijs. Hæc cum ita se habeant, mens initiata pendit uestigal perfectō deo iuxta sacras literas. lex enim tributū est domini. Quando igitur pendit? quando ad locū quem indicauit ei dominus die tertia peruenit, præteritis plerisq; partibus spatiorum temporalium, & iam transit ad naturā expertem tēporis. tū enim etiam dilectū filium sacrificabit, non hominem: nō est enim puericida uir sapiens: sed animæ uirtutib. refractæ foetum masculum, fructum ex ipsa germinātem, quod ipsa nescit quomodo facta sit grauida, diuinam progeniem, ex uisione dei ut opinatur conceptā: quod quomodo sibi acciderit, ipsa ignorare se fatetur dicens, Quis nūciabit Abrahamo, quasi uix credenti ortū docti sine præceptore generis, quod Sarra lactat puer, non à Sarra lactatur. quod enim à seipso docetur, nutritur à nemine. sed nutrimentū est aliorū, ut idoneū ad docendū, ne opus habens discere. Peperi enim filiū, nō ut Aegyptiæ mulieres uigore corporis, sed ut Hebrææ animæ, in senectute mea. quando quicquid est sensibile ac mortale

marcescit repubescunt aut intelligibilia & immortalia,
 quæ ueneratione honoreq; digna sunt. & peperit absq;
 obstetricis opera. parimus enim uel prius q̃ ulla huma=
 na industria scientiaq; ad nos ueniat, absq; cõsuetis adiu=
 mentis, quoties deus probos fœtus seminat gignitq; qui
 largitori suo meritò iuxta legē de gratitudineredduntur.
 ait enim: Dona mea, munera mea, sacrificia mea, ea cura=
 te offerri mihi. Hic est finis uie sequētium uerba & ope=
 ra legitima, & incedentium qua deus deducit. quisquis
 autem in ea deficit, ab esuriente auidoq; uoluptatum &
 liguritore affectuum Amalec, qui interpretatur popu=
 lus elingens, excidetur. Narrant aut oracula, hunc esse
 insidiatorem. nam quando uidet traiecisse robur poten=
 tiarum animæ, cooritur ex insidijs, & desessos cedit in
 ultimo agmine. est autem lassitudo alia facile succumbēs
 per debilitatē rationis nō ualentis labores oneraq; per=
 ferre quæ uirtus postulat, quales in extremo agmine de=
 prehensi opprimuntur absq; negotio. alia uerò honestū
 laboris patiens, & quæ bona sunt omnia fortiter perse=
 rens, quicquid autem uile etiam si leuissimū baiulare de=
 dignans, & abiciens ut sarcinam grauissimā. ideo uirtu=
 tem lex apto nomine Liam appellat, quæ interpretatur
 fatigatio: quia malorū hominū uitam onerosam ac gra=
 uem, suapte natura fatigationē asferre arbitrata, ne aspi=
 cere quidē dignatur, deflectēs ad illū solū pulchrū ocu=
 los. Debet autem curare mens, ut nō modo indefessa &
 intenta sequatur deum, uerum etiam per callem rectum
 incedat, nec ad dextra declinans, nec ad læua, in quibus
 terrenus Edom stabulatur, nunc abundans & copiosus.

nunc inops & egenus. Satius est enim per uiam mediam
 incedere uere dictam regiam, quam ille magnus & so-
 lus rex deus munuiuit in usum animarum uirtutis studio
 sarum. Quapropter quidam qui mansuetam socialemq;
 colunt philosophiam, mediocritates uirtutes dicunt esse,
 quas in confinio locant: quoniam arrogantiae plena in-
 stantia uitium est, & affectata humilitas contemptui so-
 obnoxia: medium uero temperamentum merito habetur
 perutile. Illud autem, Abijt cum Lot, quid sibi uelit con-
 siderandum. Lot interpretatur declinatio. Flectitur autem
 tem mens, nunc bonum, nunc malum auersando: quod
 utrumq; interdum in uno & eodem uidere licet. Sicut
 enim quidam dubitatores ambigui ad utrumq; declina-
 tes parietem, ut nauis uentis iactata contrarijs nutantes,
 & tanquam in bilance susq; deq; uacillantes, nec ualentes
 consistere: quorum ne ad meliora quidem conuer-
 laudem meretur, ut quæ impetu quodam fit, non ex
 mi sententia. In horum numero Lot quoq; cēseri debet,
 spectator quidam, qui nunc narratur peregre profectus
 cum amatore sapientiæ. Decebat autem ut sicut coep-
 rat pergeret, ignorātiā dedisceret, nec cursum ad eam
 denuo reflecteret. Verum non ideò comes fit, ut melio-
 ris imitatione proficiat, sed ut & illi sit impedimentum
 ac remora, utq; deducat eum in lubrica. id argumento
 hoc colligitur, quòd alter in morbum pristinum recti-
 dens captiuus abducetur ab hostibus animæ: alter caue-
 sibi ab eius insidijs, modis omnibus ut separetur dabit
 operam. quæ separatio non mox fiet sed postea. nunc
 enim contemplationes eius ut tum primum incipiētis res
 diuinas

diuinas considerare, debiles sunt & instabiles: ubi uerò confirmatæ fuerint, poterit illecebras & assentationes ut rem infestam & suo pte ingenio cauere difficilem, à se seiungere. Hoc est enim illud accidens animæ, quod non facile excutitur, impediens eam ne celeri cursu ad uirtutem properet. Idem etiam quando Aegyptum reliquimus, id est, uniuersam regionem corporis, & ut affectus dedisceremus, secuti sumus Mosis prophetica monita, à tergo inherens remorabatur nostrum exitum, prope= rantes retardans præ inuidia. narratur enim quòd promiscua turba multa una cum eis ascendebat, oues bo= uesq; & iumentorum ingens numerus.] Hæc promi= scua turba, ut uerum fateamur, nihil aliud erat quàm animæ bruta dogmata. & ualde aptè mali uiri anima pro= miscua uocatur. Cum enim sit colluuius quædam opinio= num inter se pugnantium, una licet in uarietates scindi= tur innumeras. ideò non solum promiscua turba, sed & multa dicitur. nam qui unum solum spectat, simplex, sin= cerus, & uerè leuis est. qui uerò multos fines uitæ habet propositos, multus, promiscuus, & reuera inæqualis ac asper est. Quamobrem oracula meditatorem uirtutis Ia= cob nitida cute introducunt, hispidum autem Esau dedi= tum turpibus studijs, propter istam promiscuam & inæ= qualem turbam, conflatam è conuenis & miscellaneis opinionibus. Sic factum est ut mens quæ potuerat pro= perato itinere corpoream regionem Aegyptum effuge= re, & uirtutis hæreditatem assequi triduo, adiuta tripli= ci lumine, memoria præteritorum, manifesta ui præsen= tium, & spe futurorum, per annorum quadraginta spa=

cium longissimum atteretur, per ambages errans propter morum uarietatem, cum debuisset per compendiarum rectamq; uiam iter facere. Hæc est quæ non solum gaudet paucis aliquot concupiscentijs, sed nullam omnino præterire dignatur, ut uagetur per omnes totius eius generis species. Dicitur enim de istis admixticijs, quod in genere concupiscentia laborabant, non una quapiam eius specie. Et sedentes flebant. Intelligit enim mens se parum proficere, & quando nõ potest quæ cupit assequi, lacrymatur ac gemit. Atqui gaudere debuerat quod in morbis affectibusq; successum non haberet, & pro magna felicitate ducere in his penuriam egestatemq; attamen etiam uirtutis sodalibus interdum contingit lacrymari & languere, uel præ compassione in calamitatibus insipientium quibus tanguntur ut eiusdem naturæ participes, uel præ gaudio. id fit quoties confertim bene inexpectata more imbris inundant. Vnde mihi uidetur natum illud poeticum, *Δακρυόεν γελάσασα*, id est, solens ridens oculos lacrymis suffusa nitentis. Cum enim incidit in animam ob insperatam aliquam felicitatem ingens lætitia, noua quadam mole auget eam, ut uix capiatur corpore. ex qua cōpressionē manat liquor nominatus lacryma, de quo in hymnis canitur, Cibabis nos pane imbuto lacrymis. et, Versæ sunt mihi lacrymæ in panem inter diu noctuq;. Sūt enim mētis cibus lacrymæ natæ ex bene affecto risu & honesto, quando colliquante diuino desiderio lamentum creaturæ in hymnū illius increati uertitur. Sunt tamen qui istam promiscuam & inæqualē turbam excludunt à se ac separant, quippe qui gaudent

folius deo caræ gentis consuetudine. alij cum illa quoq;
 fœdus ineunt, quærentes uitæ compendium, & humana-
 rum diuinarumq; uirtutum facientes confinium, in quo
 utriq; affines sint, tum his quæ uerè sunt, tum his quæ
 esse existimantur. In hac opinione etiam reipublicæ ad-
 ministrator est, qui Ioseph nominari solet, quem in pa-
 ternis exequijs deducunt omnes serui Pharaonis, & se-
 niores aulici, & omnes seniores Aegypti, & uniuerſa
 ipsius Ioseph familia, & fratres eius cum omnib. patris
 domesticis. Vides ut mediū inter Pharaonis paternamq;
 familiam ordinem hic uir ciuilis teneat, ut ex æquo po-
 tiatur & rebus Aegypti corporeis, et rebus animæ, quæ
 omnes in paternis ædibus sunt reconditæ. Cum enim ait,
 Dei sum: & cætera his similia, ritum paternæ domus re-
 tinet. quando autem ascendit currum potestatis secundæ
 à Pharaone, hoc est mente quæ regnare sibi uidetur, fæ-
 stum Aegyptiacum rursus constabit. Sed miserior est
 rex qui putatur illustrior, & primario curru uectatur.
 Nam in rebus inhonestis excellere, insignis turpitudō
 est: sicut secūdo loco censerī, leuior miseria. Potes tamen
 ambiguum eius animum discere uel ex iureiurādo, dum
 modo per sanitatem, modo per nō sanitatem Pharaonis
 iurat. uerū hęc posterior formula cum negatione re-
 fert disciplinam paternam semper infestam affectibus, et
 optātem eis exitium: altera uerò Aegyptiam, quæ cupit
 illos incolumes. ideo quamuis tanta multitudo simul a-
 scenderet, promiscua turba non uocatur: quoniam quic-
 quid perspicaci & amico uirtutis populo miscetur, præ-
 ter uirtutē eiusq; opera, promiscuū cōsumūq; uidetur:

in humili autem multitudine omnes ex equo amant ac honorāt terrena prēmia. Hos igitur ceu fucos insidiantes alienis laboribus, & ideò comites itineris, excludet, ut dixi, amator prudentiæ. cæterum eos qui sequuntur ut imitentur, amplectetur propter honestatis emulatio- nem. partes conuenientes eis attribuens. ait enim: Ex co- mitibus meis Eschol, Aunan, Mambre, portiones acci- pient. quod dicit de generosis moribus & spectandi cu- pidis. nam Eschol bonam indolem significat, ab igne du- cens nomen: quoniam quod generosum, idem audax est, & calidum, inherens omnibus quæ attingit. Aunan ue- rò spectandi cupidum: interpretatur enim oculi, quod anima oculos aperiat tranquillitatis desiderio. Ambor- um hereditas est uita contemplatiua, quæ Mambre ap- pellatur, & à uisione denominatur. at contemplationi- uis aptissimus est atq; familiarissimus. ab his autē pe- dotribis unctus intellectus si non cesset ab exercitationi- bus, propere consequitur perfectam prudentiam pari- bus gressibus, nec præcurrens, nec à tergo relinqui susti- nens, sed perpetuo hærens eius lateri. Id liquet ex oraculo, in quo apertè dicitur, quod perfecti ambo ascende- runt in locum quem indicauit deus: quæ quidem egree- gia fuit uirtutū parilitas, certāte laboris industria cum agilitate natia, & arte cum bene nato feliciq; ingenio ex seipso discente, ita ut paria uirtutis præmia perciperent. ac si pictura ficturæue non solum immobilia inani- maq; facerent opera, sed & per se mobiles animatasq; picturas atq; statuas. Tunc enim artes quæ prius imita- bantur opera naturæ, in ipsas naturas uerse uiderentur.

Cæterum

Ceterum quisquis in tantam sublimitatem eleuatus fuerit, nullam animæ suæ partem infra in rebus mortalibus immorari sinet, sed omnes tanquam è cathena pendentes simul attrahet. ideo tale oraculum illi sapiēti est redditum: Ascende ad dominum tuum, tu & Aaron & Nabad & Abiud, & septuaginta seniores Israel. hoc est, ascende ò anima ad eius Qui est contemplationem, compositè, rationaliter, sponte, intrepide, amanter, in numeris sanctis perfectisq; septenarij decuplicati. nam Aaron propheta dicitur Mosi, in lege sonorus sermo, mentis prophetans. Nabad autem uoluntarius interpretatur, qui non coactus colit deum. Abiud uerò pater meus. hic non propter imprudentiam domino, sed propter prudentiam patre opus habet deo. Sunt autem hæ potentiæ stipatrices mentis illius quæ regnum merito tenet, à quibus eam deduci fas est. Enimuero periculosum est animam incommutatam ad contemplationem eius Qui est ascendere, si uiam nesciēs tale quid audeat, quod ex ignorantia temeritateq; magni casus proueniant. Quamobrem precatur Moses, ut ipse deus uiam ad se ducentē indicet. dicit enim: Nisi tu ipse unā proficiscaris, ne educa me hinc. Quia omnis motus absq; fauore diuino damnosus est: & præstat hic manere oberrando inter mortales, sicut magna pars humani generis, quàm ad cælum à seipsis elatos subuerti per arrogantiam, sicut plurimis sophistis contigit, raris sapientiam inueniri per rationes probabiles, non per fidem in rebus certissimam. Fortassis autem etiam tale aliquid hic significatur: ne me in altum extollas, diuitias, gloriam, honores, principatus.

Et alia quæ bona dicuntur concedens, nisi me ipse comi-
 taberis. nam ista nunc calamitates, nunc utilitates ingens
 asserunt: utilitates deo gubernante sententiam, cala-
 mitates alioquin. plurimis enim bona quæ dicuntur cum
 reuera non sint, causa fuerunt malorum exitalium. sed
 qui deum sequitur, necessarios habet comites eius sermo-
 nes, qui nominari solent angeli. Proinde legitur quod Ab-
 raham unâ faciebat iter deducens eos. ô societatem pul-
 cherrimam, qua deducens deducitur, reddens quod acci-
 pit, non aliud pro alio, sed illud ipsum solum, quod par-
 tum erat ad referendam gratiam. Donec enim non per-
 ficitur, dei uerbo utitur duce itineris, iuxta illud oracu-
 lum: Ecce mitto angelum meum ante faciem tuam, ut re-
 stodiat te in uia hac, et inducat te in terram quam pro-
 paraui tibi. Attende ei, et audi eum, caue sis inobediens,
 non deseret enim te. nam nomen meum est in eo. aut
 quam ad scientiæ cacumen peruenerit, cum contentione
 currens equiparabit quæ paulo ante secutus fuerat. Iam
 enim ambo futuri sunt asseclæ omnipotentis dei, nemini
 in comitatum eorum se ingerente qui dissentiat: atque
 Lot separato, qui flebat hactenus animam, alio
 qui perstare in recto ingenio ualentem. Erat autem Ab-
 raham, inquit scriptura, annorum septuagintaquinque,
 quando peregrinatus est in Charran.] De hoc septua-
 gintaquinque annorum numero, cum rationem
 antedictis consonam habeat, aliâs dicetur diligentius
 quæ sit autem Charran, quæ ue inde migratio, prius
 scrutabimur. Neminem latere puto, qui modo le-
 ges sacras legit, quod Abraham primum e Chaldeorum

terra demigrans habitauit in Charran. Vbi defuncto i-
 plius patre, hinc quoq; profectus est, ut iam duos locos
 reliquerit. quid igitur dicemus? Chaldaei præ cæteris na-
 tionibus elaborasse uidentur artem astronomicam &
 genethliacam, terrena sublimibus, & cælestia coaptan-
 do terrestribus, tanquam ratione musica ostendentes re-
 rum concentum puicherrimum, per istos uniuersi par-
 tium affectus mutuos, disiunctarum quidem locis, sed co-
 gnatione non item. Hi suspicati sunt mundum quem ui-
 demus, aut ipsum esse deum solum, aut eam quæ insit uni-
 uersalem animam: quam ubi sub nomine fati & necessi-
 tatis consecrarunt, summa impietate repleuerunt uitam
 humanam, persuasam quòd præter hæc quæ uidentur
 nulla sit rerum causa alia: sed solis, lunæ, stellarumq; cæ-
 terarum cursus tam bona quam mala dispensent singu-
 lis. Huic sententiæ de uniuersi partium inter se societa-
 te atq; commercio Moses uidetur subscribere, docens
 unum esse mundum, & hunc creatum. Nam cum sit
 creatus & unus, uerisimile fit essentias elementales par-
 ticulares subijci causis cælestibus quarum ipsæ sunt ef-
 fectus, sicut accidit corporibus unitis ut continen-
 tur à se inuicem. Verum de deo longè aliter sentit: nec
 mundum, nec mundi animam esse deum primum:
 nec ad stellas aut earum choreas referendos casus ho-
 minum. sed contineri hanc uniuersi machinam inui-
 sibilibus potentijs, quas ab extremis terræ ad extre-
 ma cæli extendit opifex, prospiciens ne dissolueren-
 tur quæ semel tam pulchrè colligauerat. nam hæ po-
 tentiæ sunt uniuersitatis nunquam rumpenda uincula.
 ideo

ideo si quando in lege dicitur: Deus in cælo supra, & in terra infra: nemo cogitet hæc ut sunt dici. nam eum Qui est continere, non contineri pie credimus. potentia dei hæc est, per quam disposuit, ordinauit, ornauitq; omnia: quæ propriè bonitas est, aliena ab inuidia maleuolentiæq; gratiarum uerò mater, per quas cuncta ex non esse ad esse perduxit. nam Qui est ubiq; opinione intelligitur, cum reuera nusquam appareat, ut uerissimum sit illud oraculum: Ego indemonstrabilis, sed quasi demonstrabilis, inuisibilis, sed quasi uisibilis, cum sim ante te. Ante omnem enim creaturam, & extra omnem incedit, nec cuiquam insistit. Hæc dicere solitus ad subuerenda Chaldaica dogmata, pergentes adhuc Chaldaizantes, sic ad ueritatem reuocandos sibi existimat, appellas eos his uerbis: Cur ô mirandi uiri subito à terra in tantam sublimitatem euecti, & super aerem quoq; promouentes uectamini per æthera, ut solis motus perquiratis & lunæ circuitus, cæterarumq; stellarum choreas continenas à uobis celebratas. maiora sunt hæc quàm pro capis uestrarum mentium, quippe quæ ad felicem diuinam sortem pertinent. Descendite igitur à cælo, & hoc factum non terram denuo, nec mare fluuiosq; aut stirpium cœli mantiumq; species inquirite, sed solos uosipsos uestre naturam scrutamini, ne alibi malitis habitare quàm intra uosipsos. considerando enim domi quid dominatum quid subiicitur, quid animatum quid inanime, quid brutum quid rationale, quid mortale quid immortale, quid melius quid deterius, mox cognitionem dei huiusq; operum percipietis. Cogitate, sicut nobis inest mēs, ita huius animæ

uniuerso suam inesse. & quod sicut nostra principa-
 tum dominiumq; in nobis sibi uindicans, singulis nostri
 partibus imperat: sic qui rerum omnium habet impe-
 rium, pro potestate ac iure mundum regit, prospiciens
 non tantum potioribus, sed & obscurioribus in specie.
 Migrate igitur ab ista curiosa inquisitione rerum ae-
 lestium. Vos ipsos, ut dixi, inhabitate, Chaldaeorum ter-
 ra, hoc est opinione, relictâ, demigrantes in Charran-
 sensuum regionem, quod est corporeum mentis domici-
 lium. nam Charran specus interpretatur, qui specus lo-
 ca sensuum significant. in his enim ceu cauernis ac fo-
 ueis sensus insunt, uisus in oculis, auditus in auribus, odo-
 ratus in naribus, gustus in faucibus, tactus in toto cor-
 pore. In his tempus terite, his per ocium uacate, singulo-
 rum naturam quoad fieri potest perquirite, & animad-
 uersis singulorum bonis malisq; hæc fugite, illa eligit.
 ac tum demum excusis diligenter ædibus proprijs, &
 perlustratis singulis earum partibus, excitate uos ipsos,
 & migrationem quærite, quæ non mortem, sed immor-
 talitatem polliceatur: cuius indicia manifesta uel in his
 corporeis sensuum cauernis degentes uidebitis, nonnun-
 quam in somnis. Tunc enim mens in secessu quodam po-
 sita, & a sensibus ceterisq; rebus corporeis digressa,
 cum se ipsa colloquitur, ueritatem considerans uelut in
 speculo, deterfis omnibus imaginationibus, quæ ex con-
 tagio sensuum inhaeserant, & diuino furore correpta
 uaticinatur per somnum de certissimis futurorum euen-
 tibus. nonnunquam autem etiam uigilantes: cum aliquis
 contemplationem quâpiam philosophicam nactus eam

sequitur, oblitus aliarum rerum domesticarum corporis, depulsis etiam sensuum illectamentis, si qui sunt impedimento ad intelligibilium contemplationem auidè properantibus. tunc enim & oculos claudunt, & aures obturant, & appetitus alios cohibent, quærendo tenebras atq; solitudinem: ne animæ oculus, cui diuinitus datum est intelligibilia cernere, obscuretur ab ulla re sensibili. ad hunc modum edocti mortalia relinquere, discitis persuasiones & de illo Ingenito: nisi fortè putatis, nostram quidem mentem exutam corpore, sensu, ratione, & his omnibus nudatam posse res inspicere: deum uero qui est mens uniuersitatis, non esse extra uniuersam rerum naturam, & continere, non contineri, non modo providentia penetrantem more humano, uerum etiam essentia, sicut deo dignum est. nam nostra mens non fabricauit suum corpus, sed est alienum opificium. illo corpore tanquam uase concluditur. at uniuersi huius mens creauit omnia. opifex autem opificio suo potior est. itaq; nunquam contineretur à deteriore se: & alioquin non conuenit patrem contineri à filio, sed magis filium confoueri patris providentia. Ita paulatim demigrans mens, ad pietatis sanctitatisq; patrem perueniet, relicta genethliologia prius, à qua persuasa fuerat credere mundum hunc esse deum primarium, non dei principis omnipotentis opificium: & stellarum cursus motusq; esse causas humanarum uel calamitatum uel felicitatum. Deinde consideratis rebus suis, philosophata in domo propria, de corpore, de sensu, de ratione, & cognito iuxta illum uersiculum,

Aedibus in nostris quæ praua, aut recta gerantur: aperta uia quæ ab ipsa sumpto initio, spem faciat intelligendi patrem illum quasitu coniectatuq; difficilem, post seipsam cognitam fortasse deum quoq; noscet, non amplius hærens in Charran, hoc est instrumentis sensuum, sed in seipsam reuertens. non est enim possibile ut qui adhuc mouetur non tam intellectu quàm sensibus, ad eius Qui est considerationem perueniat: quamobrem & ille uite modus in ordine optimo collocatus à deo, Samuel nomine, non dat Sauli præcepta regnandi, quamdiu inter uasa delitescit, sed inde protracto. Scitanti enim an ullus uir eò uenisset, respondet oraculum: Ecce inter uasa se occultat. Hoc audito quid debuit facere homo ingenio docili, nisi eum illinc protrahere? Accurrens, inquit, promit eum illinc, quia latens, inter animæ uasa, corpus sensusq;, non erat dignus qui audiret præcepta legesq; regias. Dum regnum dico, sapientiam intelligo, & sapientem regem. Post demigrationem igitur discussa caligine, iam futurus erat perspicacior. itaq; merito & sensuum regionem, cui nomen Charran, relinquendam censet amator scientiæ. relinquit autem iam septuagenarius, & quinq; annos natus insuper: qui numerus sensibilis naturæ insensibilisq; senioris iuniorisq;, corruptibilis & incorruptibilis est confinium. nam intelligibilis, senior, incorruptaq; ratio in Septuaginta est: sensibilis iuniorq; quinq; sensus æquat numero, ad hanc meditator adhuc se exercens examinatur, qui nondum potest ferre palmam absolute uictoriæ. Narratur enim quod in uniuersum erant

septuagintaquinque animæ in Iacob progenie. Ad hunc enim numerum contendentes de uirtutis possessione in reuera sacro certamine pertinent animæ, colluctantes cum prognatis è corpore uitij, nondum rationem adeptæ, sed adhuc abreptæ à turba sensuum. Iacob enim licet stantis in puluere, et supplantare conantis, non uictoris nomen est. sed quando uisione dei dignus habitus mutato nomine dicitur Israel, ratione septuagenaria tantum utitur, exciso sensuum quinario, dicente scriptura: In animabus septuaginta descenderunt tui patres in Aegyptum. hic est numerus Moysi illius sapientis familiaris. nam optimates ex omni numero selecti septuaginta fuere, seniores omnes, non ætate, sed prudentia, consilijs, sententijs, atque priscis moribus. Hic numerus consecratus offertur deo, quoties una sacrificantur perficitur fructus animæ. præceptum est enim ut tabernaculorum festo præter alias uictimas iuuenti septuaginta holocaustum adolerentur deo, pro septuagenaria ratione, iuxta quam parantur et principum phialæ, quarum unaquæque septuaginta siclos pendebat. quoniam quæcumque socia foederataque sunt in anima, reuera pondus et uim habent, sanctam septuagenariam rationem, quam Aegyptus, uirtutum hostis et affectuum socia natura, lugere introducitur. nam luctus apud eius ciues finitur septuaginta dierum numero. Ergo hic numerus ut dixi, Moysi familiaris est: alter ille quinque sensuum, amanti corpus et bona externa, qui Ioseph uocitatur. Intantum enim dicitur sunt, ut fratrem uterinum, sensualem (non agnoscat enim ex eodem patre natos) eximijs quinque donet uestibus

uestibus, ornandos sibi honorandosq; sensus existimans.
 Aegyptum quoq; totam in praefecturas describit, ut sub
 certis magistratibus annua tributa pendant & uestigia
 lia. iubet enim eos frumentum uendere, hoc est mate-
 riam & alimentum copiosum recondere in usum quin-
 que sensuum, ut eorum unusquisq; delicietur affatim ex
 pletus suis desiderijs, & mentem tot rebus congestis
 grauata demergat. Epulantibus enim sensibus mens
 fame laborat, sicut ediuerso illis ieiunantibus ipsa hila-
 ritate fruitur. Non uides quod & illae quinque filiae Sal-
 paad, quas dico quinque sensuum allegoriam, e tribu Ma-
 nasse natae sunt, qui filius fuerat Iosephi, tempore senior,
 potentia iunior? meritò. uocatur enim ex obliuione,
 quod idem atq; sensus est. Reminiscencia uerò secunda
 post memoriam censetur, à qua Ephraim denomina-
 tur, qui interpretatur frugifer. hoc enim fructu optime
 alitur anima, uidelicet pertinaci memoria. Loquuntur
 igitur uirgines ut ipsas decet, Pater noster mortuus est.
 Mors autem reminiscenciae, est obliuio. Et mortuus est
 ob nullam culpam suam. Rectè. nam obliuio nō est pas-
 sio uoluntaria, sed externum quoddam accidens. huic
 non filij nati sunt, sed filiae. quia uis memoriae suapte na-
 tura efficax, mares procreat. Quod autem obliuiosum
 est, sopita ratione parit foeminas, quippe rationis ex-
 pers. irrationalis autem partis animae sunt filiae quas sen-
 sus intelligimus. hunc Salpaad si quis à tergo reliquit
 praecurrens, nondum tamen Mosem cursu aequare ua-
 lens, temperato mixtoq; utetur numero quinto supra se-
 ptuagenarium, qui significat sensitiuam intellectiuamq;

naturam, quando ambæ ad generationem unius irreprehensibilis speciei conueniunt. itaq; admiror patientiam Rebecam, dum perfectam animam habenti, & asperitates affectuum ac uitiorum exuto hortatrix fit ut in Charran aufugiat. dicit enim: Nunc igitur fili audi uocem meam, & surgens fuge ad Laban fratrem meum in Charran, & habita cum eo dies aliquot, donec auertatur furor & ira fratris tui à te, & obliuiscatur quid feceris ei.] Eleganter profectionem ad sensus, fugam appellat. nam reuera mens tunc fugitiua fit, quando relictis familiaribus sibi rebus intelligibilibus, uertitur ad contrarium sensibilibus ordinem. Interdum tamen expedit esse fugitiuum, si hoc fiat non melioris odio, sed propter uitandas deterioris insidias. quid igitur hortatur patientia? mirum quiddam & optabile. Si quando, inquit, uides irritatum exasperatumq; furorem autem in teipso, aut quopiam alio, seruiente ingenio serocius toq; caue amplius etiam exasperes. fortassis enim morsum infingeret immedicabilem. cura potius ut feruorem illum excandescentiamq; refrigeres ac mitiges. nam si ad mansuetudinem redierit, nihil cuiquam nocebit. quomodo id oportet fieri? sumpta in speciem alia persona & habitu alio, primum obsequere eius uoluntati, nihil contradicens. dic te eadem cum illo amare odiosesq; sic enim placabitur. tum uerò simulatione omisso, nihil amplius ab eo timens periculi, facile reuerteris ad curam rerum tuarum, nam ideo Charran inducitur plebena pecudibus, & habitatores eius pecuarij. Quis enim locus conuenientior esse posset brutæ naturæ, & eius

curator

curatoribus, quàm isti sensus nostri? Scitante igitur meditatore cuiates sint, respondent uera pastores, Charrenos se esse. nam è sensu brutæ, sicut è mente rationales, potentiæ proficiuntur. Percõtante uerò amplius, num norint Labanem, meritò aiunt se nosse. nam per colorem putantur omnes qualitates innotescere. colores autem & qualitates Laban significat. Et hic ipse autem ubi perfectus fuerit, relinquet sensuum domum, & animæ in quantum animæ construet, quam adhuc in laboribus & sensibus uersando imaginatur. dicit enim: Quando ego quoq; mihi domum faciam? quando contemptis sensibus & sensibilibus, mentem & cogitationem habita- bo, uersaborq; cum rebus ratione contemplandis, sicut perquisitrices rerum obscurarum animæ, quæ obstetrices solent nominari. nam hæc faciunt propria tecta & promptuaria studiosis uirtutis animabus. Sed nullum munitius ædificium quàm timor dei, qui habetibus eum est pro arce inexpugnabili. Quoniam, inquit, timebant obstetrices deum, fecerunt sibiipsis domos. Egressa igitur è Charrensi agro mës, dicitur peragrassè terram usque ad agrum Sichem, & quercum illam proceram. Videamus quid sit peragrarè. Amor discendi est res suo pte ingenio curiosa, quouis uadens impigre, inspiciciens omnia, nulla corpora, nulla negocia relinquenda inscrutata iudicans. est enim à natura liguritor maximus spectaculorum sermonumq; ut non contentus patrijs, peregrinos etiã lōginquosq; appetat nā qui sic affecti sunt, absurdū aiūt mercatores institoresq; propter

sordida lucra trajcere maria, & totam terram habitabilem oberrare, contempto aestu ac frigore, uentis item uel nimijs uel contrarijs, adhuc senectute, ualitudine, amicorum consuetudine, uxore, liberis, alijsq; plurimis domesticis uoluptatibus, patria, honoribusq; ciuilibus, secura possessione patrimonij, & si quid aliud paruum magnumue remorari eos poterat. propter pulcherrimam autem & per omnes difficultates petendam disciplinam qua excolitur ratio, non trajcere omnia maria, omnes recessus terrarum lustrare diligenter scitando sicubi sit aliquid pulchrum uisu uel auditu, & cum ingenti alacritate uestigando, donec contingat quaesitis desideratisq; potiri. Peregrinare igitur anima, & si libet de unoquoq; homine iudica, quid corpus sit, quid agat, aut patiat, quid cogitationem sensus adiunget, & quantum menti proffit. quid ratio, & quarum rerum interpres, ad honestatem conferat: quid uoluptas & concupiscentia sit, quid dolor & timor, quae contra haec ualeant remedia, siue depulsiua, siue praeseruariua. Quid imprudentia, quid intemperantia, quid iniustitia, quid ceterorum morborum multitudo, quos pestifera malitia solet parere, & quibus modis hi possint arceri. ediuerso quid prudentia, iustitia, temperantia, fortitudo, sagacitas, & in uniuersum uirtus omnis atq; tranquillitas animi, & quomodo paranda sint haec singula. Peruestiga & maximum illum perfectissimumq; hominem, nunc dum hunc, dispice & partes eius singulas, seiunctas locis, unitas potentijs: tum quodnam sit illud inuisibile uirtutum

culum quo uniuntur & coaptantur sibi inuicem. Quæ
 si querenti non statim se offerent, noli tædio laboris de-
 ficere, nec enim per ocium isthæc percipiuntur, sed mul-
 tis magnisq; laboribus paranda sunt. Quamobrem cu-
 pidus discendi in agro Sichem consistit: quod nomen in-
 terpretatur humeri suppositio, & laborem significat:
 quia parte hac mos est baiulari onera. id enim & ali-
 bi memoratur de hoc ipso athleta in hunc modum: Sup-
 posuit humerum suum ad laborem, & factus est uir a-
 gricola. Itaq; caue ô mens, ne unquam languore succum-
 bas, sed etiamsi quid uisum fuerit contemplatu difficile,
 id quod in te uim perspiciendi habet, aperi, & rem pe-
 nitius introspecte, collustrans omnia, ne quid te uolen-
 tem inuitamue possit fallere, conuiuentem per incuri-
 am. Cecus enim est somnus, uigilia cernit acutissimè.
 Tibi sufficiat, si datur assiduitate quod quæris assequi,
 & imaginatione comprehendere. Viden ut & quercus
 procera in Sichem excreuit: per quam subindicatur fir-
 mum, solidum, nulla ui flectendum frangendumue ro-
 bur, quod uiro ad perfectionem tendenti necessarium
 est ferendis laboribus: ne animæ tribunal nominatum
 Dina (uox hæc iudicium interpretatur) in potestatem
 ueniat erumnosi laboris, insidiatoris prudentiæ. Nam
 Sichem qui loco huic nomen dedit, filius est Emoris, bru-
 te naturæ: (Emor enim asinus dicitur) qui deditus im-
 prudentiæ, alumnus temeritatis impudētiaq; iudicium
 mentis uiolare scelestus & corrumpere ausus est: nisi
 quod celeriter prudentiæ familiares discipuliq; Simeon

Et Leui, munitis prius rebus domesticis expeditionem fecerunt, & occupatos adhuc uoluptario labore, non circumciso ab affectibus, repente oppresserunt. propter oraculum enim, quod uetat meretricem esse inter Israelis filias, hi uirginem animam eripuerunt, fortiter contempto periculo. Videbantur enim non de fore ultores uiolati foederis, sed terror ille mox euanuit. mox enim res ipsa falsam opinionem coarguit. Est profecto seuerus scelerum ultor, & iniuriam patientium auxiliatrix iustitia, quæ frustratur illudentes uirtuti: quibus perfundatis, in uirgineam integritatem restituitur, quæ uidebatur consuprata anima. Videbatur inquam, minusquam enim corrupta fuit. nam ubi deest assensio, nec qui patitur uerè patitur, nec qui præter animi sui sententiam lædit, reus est patrati facinoris.

PHILONIS IV

DAEI, DE CONGRESSV

quærendæ eruditionis
gratia, Liber.

SARRA uxor Abrahami nō pariebat ei. Habebat autem ancillā Aegyptiā nomine Agar, dixitq; Sarra ad Abraham: Ecce conclusit me dominus ne parerem: ingredere ad ancillam meam, ut sis scipias ex ea liberos.] Sarrae no-

men interpretatur principatus meus. nam prudentia mea, temperantia mea, & particularis iustitia, aut una quælibet uirtus alia, quæ mihi soli contigit, meus tātum principatus est. imperat enim mihi obsequenti uoluntarie, pro regina mihi per naturā apposita. Hanc Moses, quod mireris, & sterilem ait, & foecundissimam, quandoquidem frequentissimam omnium nationum ex hac progenitam fatetur. nam reuera uirtus quantum ad res malas attinet, sterilis est: bonarum uero tam foecunda, ut ne obstetricum quidem opē requirat, partu præueniēs earum operam. si quidem animantes stirpesq; per interualla semel atq; iterū ut plurimū in anno suos fructus asserūt, statō naturæ tēporūq; ordine: uirtus uerō cōtinue sine cessatione parit omni tēpore, nō infantulos, sed probos sermones, inculcata consilia, facinora laudatissima. Sed neque diuitiæ possessores suos iuuant, ni utantur

eis:

eis: nec prudentiæ fecunditas nobis proderit, nisi foetus
 nobis utiles pariat. illa quidem non dedignatur conui-
 ctum coniugalem, sed non quiuis maturus est tam lauda-
 to modestoq; coniugio, qualibus satis sunt spōsalia, quæ
 spem nuptiarum celebrandarum faciant. Ergo uirtus
 principatum tenens in anima mea, parit quidem, sed nō
 mihi. nondum enim possum per ætatem liberos ex ea su-
 scipere, actiones prudentes, iustas piasq; propter mul-
 titudinem illegitimorum puerorū, quos mihi uanæ opi-
 niones enixe sunt. Nam horum educatio continuacq; de
 his sollicitudines, cogunt legitimam & uere ciuilem so-
 bolem negligi. Optandum igitur ut uirtus non solum pa-
 riat, quæ alioquin etiam parit: sed ut & nobis ipsis pa-
 riat, ut adepti semen eius atq; progeniem, felicem uitam
 exigamus. Solet enim illa soli deo parere, primitias be-
 norum quæ accepit grate reddens ei qui semper uirga-
 nem uuluam, ut Moses loquitur, aperuit. ait enim, cala-
 delabrum, archetypum illud exemplar, ex una parte lu-
 cere, uidelicet ad deum uersa. cum sit enim septima, sex
 cauliculorum media, bifariam in terniones diuisoriam,
 & latus utrumq; stipantium, sursum splendorem mittit
 ad illud unum, quod æstimat lumen lucidissimum, & cla-
 rius quàm ut admittat mortales oculos. ideo non dicit
 Sarram non peperisse, sed negat eam cuiuis parere. Nō
 sumus enim idonei prolem ex uirtute suscipere, ni prius
 congrediamur cum eius famula. Est autem sapientiæ fa-
 mula musica logicaq; qua liberaliter instituimur. sicut
 enim in domibus uestibula sunt ante ianuam, & urbes
 habent sua suburbia per quæ adeuntur: ita & ante uir-
 tutem

tutem artes liberales sitæ sunt. nam illa per hanc uiã adi-
tur. Sciendum autem quod magnorum argumentorum
magna esse conuenit etiam procemia. uirtus autẽ est ar-
gumentorum maximum. habet enim materiam maxi-
mam, uidelicet totam uitam hominum. merito igitur nõ
paruis utetur procemijs, sed grāmatica, geometria, astro-
nomia, rhetorica, musica, reliqua contemplatione logi-
ca uniuersa, quæ significantur per Agar Sarra famulã,
sicut indicabimus. Dixit, inquit, Sarra ad Abraham: Ec-
ce conclusit me dominus ne parerem. ingredi ad an-
cillam meam, ut filios ex ea suscipias.] Corporum cum
corporibus coitus, nihil aliud quàm uoluptatem quærẽ-
tes, semouendi ab hoc sermone sunt. est enim hic cõgres-
sus intellectus uirtutisq; liberos sibi quærentium. quod
si non contingat statim tanta felicitas, discit tamẽ ille de-
spondere sibi eius famulam & sequestram eruditionẽ.
Vnde mirari libet uerecundiam sapientiæ, quæ non ex-
probrat nobis tarditatem gignendi, aut in totum sterili-
tatem: quamuis oraculum uere dicat quòd nõ pariebat,
non propter inuidiam, sed propter nostrammet ipsorũ
culpam qui non essemus idonei. Conclusit, inquit, me do-
minus ne parerem. nec addit uocem illam Nobis, ne ui-
deatur opprobrire infelicitatem alijs. Ingredere igitur,
inquit, ad ancillam meam, mediarum encyclicarum ar-
tium disciplinam mediam, ut prius ex ea filios suscipias.
posthac enim poteris etiam ex consuetudine cum domi-
na genitis frui legitimis liberis. nam grammatica histo-
rias quæ apud poetas scriptoresq; habentur te docẽdo,
intelligentiam & multiplicem cognitionem tibi præsta-
bit,

bit, efficietq; ut contemnas figmenta uanarum opinio-
 num, dum spectas celebratas illas heroum & semideoru
 calamitates. musica uero commonstrans quid in rhyth-
 mis, quid in harmonia, quid in cantu discrepet, incōcin-
 na ad concinnitatem reducet. geometria æqualitatis &
 proportionis semina indens in studiosam animam, per
 contemplationem elegantie perpetuam, inseret amo-
 rem iustitie. rhetorica & mentem ad considerandum
 acuens, & sermonem ad proferendas cogitationes exer-
 cens, rationalem uere faciet hominem, curans id quod
 illi proprium eximiumq; à natura donatum est. dialecti-
 ca rhetorice germana gemellaq;, ut quidam aiunt, fal-
 sos sermones à ueris discernens, & sophismata persuasi-
 bilia redarguens, magnum morbum anime deceptionem
 persanabit. In his & similibus uersari ac præexer-
 citari profuerit. fortassis enim contingere nobis potest
 quod multis contigit, ut per famulas in reginarum uir-
 tutum familiaritatem nos insinuemus. Viden ut & cor-
 pus nostrū non prius solidis & lautis cibis utitur quam
 in pueritia nutritum sit simplicibus & lactarijs: ad eun-
 dem sane modum existimandum est anime quoq; pueri-
 les cibos preparatos, artes liberales, & contemplatio-
 nes singularum proprias: perfectiores autem & qui ue-
 re uiros deceant esse uirtutes. Ceterum huius medie dis-
 cipline præcipuas formas per duo signa discimus, per
 genus & nomē: siquidem Aegyptia genere, nominatur
 Agar. hoc aut interpretatur inquilinus. necesse est enim
 ut qui choreas encyclicarum contemplationum frequen-
 tat, & multiplicem eruditionē sectatur, terreno Aegy-
 ptioq;

ptioq; sit adscriptus corpori, cū & oculis ad lectiones opus habeat, & auribus ad auscultandū, & reliquis sensibus ad tracta sensibilia singula. nam sine iudicatio in dicari aliquid natura non patitur. iudicatur aut per sensum sensibile, itaq; sine sensu nō potest quicq; percipi in hoc mūdo sensibili, quæ magna ex parte est philosophiæ di materiæ. sensus porro est animæ pars magis corporea, radicata in totius animæ cōceptaculo: quod uas Aegyptus figurate nominatur. hæc est forma generis, quæ ancilla uirtutis habet. iam alterā, scilicet nominis, qualis sit cōsideremus. mediam disciplinā inquilinæ ius habere contigit. nā & sapientia et quælibet uirtus est sciētia, sed ciuis & reuera huius uniuersitatis indigena sola ex omnibus: reliquæ disciplinæ secundū & extremū ordinem adeptæ, mediæ censentur inter ciues & hospites. ad neutrum enim genus in totū pertinent, & cū utroq; habent cōmune nonnihil. nam inquilini conuersatione cū ciuib; fruuntur: sed quia non est eis certū fixūq; domicilium, censentur inter exteros. Sicut, opinor, adoptiuū filij, quatenus hæredes fiunt pro natiuis æstimātur: quatenus aliunde nati sunt, pro alienis. itaque sicut se habet hera ad ancillā, matrona ad concubinā, ita se habet uirtus Sarra ad disciplinam Agar. iure igitur Abrahamo contemplationi scientiæq; dedito uirtus Sarra pro uxore fuerit. Agar uero, id est, uniuersa encyclopædia, pro pellice. Ergo qui prudentiā discit à præceptoribus, Agarrē nō reijciat. est enim ualde necessaria primarū disciplinarū possessio. Quod si quis paratus est certamina pro uirtute subire, & indefessus exercet se continū, duas

matro-

matronas ducet, ac totidem ancillas pellices. singularum
autem diuersa sunt ingenia: matronarum altera, sanctis-
sima optime constituta pacatissimaq; motio, ex re Lia no-
men habet. altera coti similis Rachel uocatur, ad quam
intellectus certaminis exercitijq; cupidus se atterēs acu-
tur. interpretatur autem uisio profanationis, non quod
profane uideat, sed contra: quia uisibilia sensibiliaq; co-
lata cum immortalis natura inuisibili & intelligibili, non
religiosa sed profana esse iudicat. nam cū anima nostra
bipartita sit, partim bruta partim rationalis, utriusque
uirtus est, Lia rationali parti, Rachel irrationali. ex-
cet enim nos altera per sensus, & rationis partes, ut
contemnamus omnia contemnetida, gloriam, diuitias, uolup-
tatem, quæ uulgus hominum suspicit, & magna con-
tione persequitur, corrupto auditu, cæterorumque sensu
suum iudicio. Altera uero docet, ut inæqualem aspectus
uicæ, studiosis uirtutis animabus inaccessam deuitemus,
et inoffense per tritam à populo, stratumq; incedamus,
nusquam labente uestigio. Neceffe est igitur ut prioris
ancilla sit eloquendi facultas, & argutatio sophisticæ,
prestigias faciens per coniecturas quasdam persuasiva-
les. Alterius uero, illa uictus ratio quæ cibum potumque
requirit. nam earum nomina, Zelpha & Balla, extant in
sacris literis. Zelpha idem sonat quod oris iter, & elo-
quendi facultatem significat. Balla uero degluttonem,
quæ est mortalium animalium præcipuum firmamentum
& summe necessarium. ab hac enim sustentantur corpo-
ra, & uitæ rudentes ab hac religati sunt ceu crepidine.
Cum his igitur omnibus potentijs meditator ille habet
consue-

consuetudinem, cum alteris ut ingenuis & ciuibus, cum
 alteris, ut ancillis & pellicibus. Expetit enim Liam, id
 est motum, qui sanitatem in corpore, in anima honesta-
 tem & iustitiam operatur. Rachelem etiam diligit, col-
 luctans cum affectibus, & exercens se ad temperantiā,
 resistensq; omnibus rebus sensilibus. Duobus enim mo-
 dis utilitatem capimus, dum uel in pace bonis fruimur,
 uel in bello mala profligamus arcemusq;. Per Liam an-
 tiquissima & præcipua bona percipimus: per Rachelē,
 uelut ex hostibus manubias. Huiusmodi est cum his ma-
 tronis consuetudo. Opus habet nihilominus etiam Bal-
 la deglutiitione meditator noster, sed ut ancilla & pelli-
 cē. nisi enim edat & uiuat, bene uiuere non potest: quan-
 doquidem indifferentia semper melioribus pro funda-
 mento sunt. opus habet Zelpha quoq; differendi faculta-
 te, ut ratiocinatio duabus rebus in unum collatis absol-
 uatur, ex cogitationis fonte, & riuo inde promanante
 per uocis organum. Verum isti pluribus uel uxoribus
 uel concubinīs usi sunt, ut in sacra scriptura legitur. At
 cū Isaac non plures uxores, non pellex ulla, sed coniux
 unica quā uirginē puellā duxerat, est perpetua uitæ so-
 cia. cur ita? quia uirtus quæ discitur, qualis Abrahami
 fuit, pluribus eruditionib. indiget, legitimis iuxta prude-
 tiam, adulterinis iuxta disciplinas quas liberales uoca-
 mus. itidem quæ per meditationem absoluitur, quod ge-
 nus uirtutis Iacob sectatum apparet. meditationes enim
 constant ex compluribus uarijs dogmatibus, antecedenti-
 bus, consequentibus, citius aut serius occurrentibus,
 & labores nunc minores nunc maiores exhibentibus.

At genus à seipso doctum, in quo Isaac censetur, optimā inter omnes bonos affectus letitiam simplicem, meram sinceramq; sortitum est, nec meditatione ulla nec doctrinā indigens, ad quas parandas non solum matronis sciētijs, sed et illis alteris pellicibus opus est. Cum enim deus scientias sine præceptore cælitus impluit, impossibile est delectari amplius ancillis & concubinis artibus, & teneri desiderio, tanquam filiorum dogmatum illegitimum. Siquidem dominæ reginæq; uirtutis maritus appellatur, cui tantus honor contigit. ea Latine patientia, Hebraice Rebecca uocatur. Nam quisquis naturæ suæ felicitate & fœcunditate animæ sine labore sapientiam affecutus est, nullum profectum requirit amplius. habet enim in promptu perfectā dona dei inspirata per illas antiquas Gratias, quæ sibi optat perpetua. Et hoc est, opinor, cur ille autor omnis beneficentiæ, uolens suas gratias, ei qui acceperat, uxorem despondet patientiam. Reminiscētia tamen secundum à memoria locum tenet, & reminiscens à memore. nam ille similis est uicti constanter bona uoletudine, hic recolligenti se post ægritudinem. Nam obliuio morbus est memoriæ. Quisquis autem reminiscitur, necessum est, ut oblitus prius fuerit quorum meminerat. Memoriam sacra scriptura Ephraim nominat, quam uocem fertilitatem fructuum interpretari licet: reminiscētiā autem ex obliuione Manassem uocant Hebræi. sic enim anima memoris profert ceu fructum quæ didicit, nihil eorum amittens: reminiscētis autem, ex obliuione euadit, quā priusquam admoneretur, tenebatur. itaque memori marito uxor cohabit

habitat memoria : obliuioſo pellex remiſcentia, Sy-
 ra genere, iactabunda & arrogans. nam Syria ſublimi-
 tas interpretatur. huius concubinae remiſcentiae filius
 eſt Macheir ut appellant Hebraei, ac ſi Latine dicas, pa-
 tris. nam qui remiſcuntur, putant à patre intellectu ſe
 commoneſcieri, nec reputant ſecum, quòd is ipſe aliquan-
 do admittit in ſe obliuionem, non facturus, ſi habuiſſet in-
 poteſtate memoriam. Scriptum eſt enim : Nati ſunt filij
 Manaſſæ, quos peperit ei concubina Syria, primum Ma-
 cheir, qui genuit Galaad. Nachor quoque frater A-
 braham duas mulieres habuit, uxorem & pellicem.
 uxoris nomen Melcha, Ruma uero pellicis. ſed non hi-
 ſtoricam genealogiam contexit legiſlator ſapientiſſi-
 mus, quòd abſit ut quiſquam ſanus ſuſpicetur : magis re-
 rum animae profuturaru eſt hæc narratio. quòd ſi hæc
 nomina uertantur in linguam nobis uernaculam, quid
 ſibi uelint apparebit. age igitur ſcrutemur ſingula. Na-
 chor idem eſt quòd luminis requies, Melcha quòd regi-
 na, Ruma ſignificat uidentem aliquid. Ergo lucem habe-
 re in mēte bonum eſt. quòd autem quieſcit & ceſſat in-
 motum, imperfectum bonum eſt. nam mala quieſcere
 expedit, bona uero moueri. Quid enim prodeſt ceſſa-
 re bonum tibicinem aut cithariſtam, aut in uniuerſum
 quemcun que artiſicem ſuam artem non exercere? nam
 ſine actione ſola contemplatio ſcientibus ad nihil eſt uti-
 lis. nec enim pancratiſta, pugil uē aut luctator ex are-
 na protrufus ullum fructum eſtudio ſuo reſeret: neq; ab-
 ſolutus cursor, ſi corripitur à podagra, aut altoqui
 labore morbo infeſto pedibus. lumen autem animae,

solari simillimum est scientia. nam sicut oculi splendore, sic mens illustratur sapientia, & usq; acutius cernere assuescit inuncta nouis semper contemplationibus. Itaque luminis quies Nachor interpretatur, & merito. Quatenus enim Abrahamū cognatione attingit, sapientie luminis factus est particeps. quatenus autem non est comitatus peregrinantem à creatura ad creatorem, à mundo ad mundi opificem, claudam & parum integram scientiam acquisiuit, restitantiem cessantemq; uel potius humi defixam more statuæ. Non demigrat enim è Chaldaica regione, hoc est, non desistit ab astronomicis speculationibus, creaturam magis colens quàm opificem, & mundum magis quàm deum: imò mundum ipsum deum esse credens, non omnipotentis opificium. Melcham autem ducit uxorem, non fortunatam aliquam reginam late imperitantem nationibus aut ciuitatibus, sed appellatam tantum communi cum ea uocabulo. Quem admodum enim Cælum, eo quod inter omnes creaturas præemineat, regem sensibilibum non inconueniēter quis dixerit: sic & scientiam rerum cælestium, cuius profissores habentur Chaldæi & astronomi, reginam scientiarum ipsi uocant propter excellētiam. Hæc igitur est metrona, concubina uero uidens unum aliquid, uel uilissimum. Proinde optimo generi cōtigit uidere, quod est optimum, nempe eum Qui est. Nam Israel uidens deum interpretatur. Secundaria uero cupienti secunda fors obuenit, spectare cælum sensibile, stellarumq; ordinem decentissimum, & choream uere musicā. Tertijs sunt quidam disceptatores, qui naturas præstantissimas sensibilibum

lum intelligibiliumq; ne attingunt quidem, tantum circa parata ista sophismata tempus cauillando terentes. Horum concubina est Ruma, uidens aliquid uel minus, quia non possunt potiora scrutari, unde aliquam uita utilitatem capiant. Nam sicut apud medicos quæ dicitur logoiatria multum abest ut ægrotos adiuuet: re=medijs enim & chirurgijs & dietis, non uerbis morbi curantur: sic & in philosophia uerba tantum quidam uenditant & uenantur, uitam autem morbis refertam curare nec possunt nec uolūt: nec pudet eos à teneris annis ad ultimam usq; senectutem sententiolas frigidæ oppugnare propugnareq;, tanquam felicitas in nominibus uerbisq; & in immodica inanq; curiositate sita sit, ac non potius in componendis moribus: qui sors si bene se habeat, exulant uitia, uirtus restituitur. Utuntur tamē concubinis, id est opinionibus dogmatibusq;, etiam mali homines: quando quidem scriptura dicit, quod Thana concubina Eliphæ, filij Esau, peperit Eliphæ filium Amalec. Egregia nepotis degeneratio. ea magis apparebit, si non tam de homine hæc intelligantur quàm de anima, & quasi anatomica ratione considerentur. brutus enim & immoderatus impetus affectuum appellatur Amalec: quod interpretatur populus elingēs. sicut enim uis ignis absumit obiectam materiam, eodem modo & affectus ex candescens abligurit corrumpitq; quicquid inuenit obuium. huius affectus pater Eliphas iure censetur. nam hæc uox interpretatur Deus me dispersit. An non quam primum dissipatur & reijcitur anima à deo, statim hic brutus affectus nascitur: nam perspicacem

& religiosam mentem, ceu generosam uitam propa-
 gat, radices extendens in eternitatem, & ubertatem ei
 donans ad usum fructum uirtutum. & hoc est quod Mo-
 ses precatur: Inducens plantabis eos: ut non intra unum
 diem arescat, sed immortalis longæuâq; fiat dei planta-
 tio. Nam iniustam impiamq; animam fugatam à seipso
 longissime, dissipat in locum uoluptatum, concupiscen-
 tiarum, & facinorû: qui locus impiorû uocatur, aptius
 quàm ille fabulosus apud inferos. reuera enim infernus
 nihil aliud est quàm uita miseri, scelerati, execrandiq;
 hominis. Extat autem & aliubi hoc uerbum in sacris li-
 teris: Quando diuisit altissimus gentes, & dispersit fi-
 lios Adam, terrenos mores omnes: quos nullius celestis
 boni uidendi cupidos abegit, dispersos extorres & exu-
 les. nullus enim malus uel domum habet uel ciuitatem,
 uel ullum societatis ius, sed instabilis dispergitur, pas-
 sim uagus errabundusq; nusquam ualens subsistere. Su-
 scipit igitur malus è coniuge malitiam filiam, è concubi-
 na uero affectionem. Intellectui enim tota anima quasi
 coniux est uitæ socia, quæ si culpabilis est, parit uitia.
 corporea uero natura pellex uidetur, quæ affectiones
 gignit. Nā uoluptates ac concupiscentiæ habitāt in cor-
 pore. mulier ipsa Thamna nominatur, ac si dicas defe-
 ctus fluctuans. deficit enim & læguescit affectu animæ,
 motū et iactationē magnam sumens à corpore, propter
 coortā grauē tempestatē ex immoderato impetu. Ca-
 put aut tanquā animantis omnium dictarū partiū, Esau
 est princeps generis, qui modo factura, modo quer-
 cius, interpretatur. quercus, quia rigidus, inexorabilis,
 inob=

inobsequens, duræ ceruicis, amentiam in consilium adhibens, uerè quernus homo, factura uerò, quia figmentum & fabula est uita insipiens, plena tragico fastu, irri-
sione mutua, cauillisq; comicis, nihil sani habens, mendax & à ueritate aliena, qualitate carentem inuisibilem informemq; naturam non assis faciens, quam Meditator deamat. Testis est Moses, dicens: Erat Iacob simplex, domum habitans. Itaq; huic contrarius sine domo est, figmentorum, poematum, & fabulosarum nugarum amicus, uel potius ipse ludus & fabula. Hactenus de studiosi intellectus cum coniugibus concubinisq; congressu, quantum fieri potuit, dictum est. attexenda sunt reliqua & scrutanda, quæ deinceps sequuntur. Obediſt, inquit, Abraham uerbis Sarrae.] Neceſſe eſt enim ut discipulus monitis uirtutis obediât. non omnes enim præſectis ſuis obediunt, ſed quotquot uehementer amât ſcientiam. nam penè quotidie plena ſunt theatra & auditoria: & philoſophi ſine reſpiratione de uirtute copioſe uerba faciunt, ſed quæ nam eſt horum ſermonum utilitas? cum enim deberent attendere, auocantes animum quidam de nauigatione ac negociatione, quidam de agricultura & redditibus, quidam de honoribus & reſpub. quidam de lucris ex opificijs, quidam de plectendis inimicis, quidam de amoribus, omnes de alijs rebus cogitant: ut quantum ad rem præſentem attinet ſurſi ſint, corpore tantû occupantes ſuum locum, peregrinâtes animo, & nihil differētes à ſtatuſ ac imaginibus. quod ſi qui attendunt etiam, tantisper dum ſedent audiunt, poſt diſceſſum non meminērūt quicquam ampliùs:

quippe qui uenerant ut auribus uoluptatem caperēt potius quam utilitatem aliquam. itaq; anima eorum nihil potuit utero concipere, sed quamprimum uoluptas illa auditus cessauit, euauuit & attentio. Tertium genus est eorum, qui recentem adhuc dictorum tenēt memoriā, sed sophistæ comperiuntur non philosophi. horum laudatur oratio, uita uituperatur. possunt enim dicere omnia, sed non possunt facere. Itaq; rarus est inuentus attentus, memor, qui malit facere quam dicere: quæ omnia constantur sacræ literæ de scientiæ cupido his uerbis: Obedi uoci Sarre. non enim solum audire, sed exaudire inducitur. quo uocabulo assensus & obedientia significatur aptissime. nec absurdè dictum est illud Voci, & non loquenti Sarre obeditum. proprium enim discantis est, audire uocem uerbaq; per hæc enim sola discit. at quisquis meditatione uirtutem non doctrina parat, non uerba sed quid dicatur attendit, uitam quoq; præceptoris imitans laudandis actionibus. narratur enim de Iacob, quando ad gentilitias nuptias mittitur, Exaudiuit Iacob matrem & patrem suum, & profectus est in Mesopotamiam. nō dicit uocem nec uerba exaudita. decebat enim meditatorem hunc uitæ imitorem fieri, nō sermonum auditorem. hoc enim discantis est illud parantis se certamini, ut hinc quoq; meditantis et discētis appareat differentia, dum alter præceptorem, alter præcepta sequitur. Assumpsit igitur Sarra uxor Abrahami Agar Aegyptiam ancillam suam, post annos decem quā habitare cœperunt in terra Chanaan, & dedit eam suo marito uxorem.] Inuidum, amarulentum, malignum suapte natura

QVAER. ERVD. GRATIA 601

tura est uitium: è diuerso uirtus res mitis, benigna, socialis, omnibus modis parata generosis animis prodesse uel per se uel per alios. nunc igitur non ualentibus nobis è prudentia filios suscipere, suam despondet famulam, en cyclopædiam inquam siue orbem disciplinarum liberarium, tantum non sequestram agens & sponse ornatricem. legimus enim quod ipsa suo marito hanc uxorem in manum tradiderit. Hic quærendum occurrit, cur de nouo Sarram dicat uxorem Abrahami, quod iam sepe antea docuerat. non enim affectat tautologiam, prolixæ orationis insigne uitium. Quid igitur dicendum? Quoniam ancillam prudentiæ liberalem eruditionem desponsatam narrat scriptura, ait eam non oblitam conditionis & officij quod debebatur dominæ, sed meminisse quod illa sit matrona & uxor legitima, ipsa uerò propter necessitatem ad tempus assumpta. id quod accidit omnibus discendi cupidis. qui expertus est, idoneus testis erit. Equidem cum primum cœpi stimulari amore philosophiæ, admodum iuuenis consuetudinem habui cum una ex eius pedisequis grammatica, cuius partus, scribendi legendiq; facultatem, & narrationes poetarum, dedicaui eius dominæ. ac rursum cum altera congressus geometria, delectatus eius pulchritudine, ut cuius membris nihil esset moderatius aut castigatius, nihil ex ea natum abscondi, sed bona fide representauim ac donauim matronæ. tertiam quoq; sollicitauim. erat autem concinna, modulata, composita, Musica nomine. ex hac genui colorationes diatonicas, & harmonicis cōiunctos disiunctosq; cantus, pertinentes ad diateffaron, diapen-

te, diapason symphonias. ne hæc quidem calauī, quo magis dītesceret uxor legitima, aucta numeroſo famulitio. Sunt enim qui ancillarum illecebris inefcati, paruipenderunt herā philoſophiam, & conſenuerunt quidam in poematibus, quidam in deliniationibus, quidam in colorum temperaturis, alij in alijs rebus innumeris, non ualentes ſeſe ad matronam recipere. habet enim unaquęq; ars ſuas elegantias quibus alliciat. quibus delectati quidam capiuntur, obliti promiſſorum, quę ſibi interceſſerunt cum philoſophia. ſed qui à pactis non diſcedit, undecūq; parat quibus dominę placeat. merito igitur ſcriptura fidem eius celebrat, affirmans nūc quoq; uxorem Sarraam eſſe, etiam quando ipſa uolente libentēq; maritus ancillam duxit in thalamum, atqui ſicut liberales artes conferunt ad quærendam philoſophiam, ita philoſophia ad parandam ſapiētiam. Eſt enim philoſophia meditatio ſapiētiae, ſapiētia uerò ſcientia rerum humanarum diuinarumq; & cauſarum inſuper. ergo ſicut encyclopædia philoſophiæ ſeruit, ſic philoſophia ſapiētiae, at philoſophia docet nos cōtinere linguam, uentrem, & ea quę ſub uentre ſunt. hæc quamuis per ſe expetenda, auguſtiora tamen fiunt, quando in honorem dei & cauſæ religionis, exercentur. oportet igitur nos eſſe memores dominę, dum famularum eius procos agimus. & quamuis harum mariti dicamur, illa nobis matrona ſit etiamſi non dicatur. Traditur autē hæc noua nupta non ſtatim poſtquam in Chananęam terram uentum eſt, ſed morato in ea iam per decennium. hoc quid ſit, non obliuiter diſpiciendum eſt. Nox à natiuitate anima noſtra co-

litis tantum affectibus utitur, tristicijs, doloribus, timoribus, concupiscentijs, uoluptatibus, qui per sensus in eam obrepunt, prius quam ratio queat à bonis mala discernere, & quantum altera distent ab alteris cognoscere, ni mirum quasi somno etiam tum grauata & uix recludens oculos. procedete uero tempore, cum pueritiam egressi attingimus adolescentiam, statim geminae stirpes ex una radice nascuntur, uirtus & uitium. quas licet ambas intelligamus, utiq; alteram eligimus, generosi uirtutem, uitium contrarij. His prius praestructis, sciendum affectus per Aegyptum significari, uitia per terram Chananæam. itaq; merito populus ex Aegypto in Chananæam ducitur. nam homo, ut dixi, ex quo natus est, Aegyptios affectus incolit, radicans in doloribus & uoluptatibus. deinde ceu in coloniam migrat ad uitia, ratione iam cernente acutius, & bonum malumq; intelligente, malum tamen eligente, quod multum mortalitatis habeat, quæ malo est propria, sicut contrarium bonum ad Deum pertinet. Has natura uoluit esse patrias ætatibus, puerili affectum Aegyptum, pubescenti uitium Chananitidem. At sacra scriptura licet non ignara patriarum humani generis, submonet nos quid agendum, quidue utile, præcipiens ut odio habeamus gentium leges institutaq; his uerbis. Et locutus est dominus ad Mosem, dicens: Loquere filiis Israel, & dices ad eos. Ego dominus deus uester. Iuxta consuetudinem Aegypti in qua habitastis non facietis, nec in legibus eorum ambulabitis. Iudicia mea facietis, & iuxta morem regionis Chanaan, in quam ego introducturus sum uos, non facietis.

Præce=

Præcepta mea facite, & ambulate in eis. Ego dominus deus uester. Custodite omnia præcepta mea & iudicia mea, & facite ea. Qui fecerit ea, uiuet in eis. ego dominus deus uester. Custodite omnia præcepta mea, & iudicia mea. Ergo uera uita consistit in dei præceptis & iudicijs, adeò ut mores impiorum adferant perniciem. quidam autem non perpendunt affectus & uitia, unde impiorum & facinorosorū multitudo exoritur. Ergo post exactum in Chananæa terra decennium Agarem ducamus, quando iam rationis participes, noxiam suapte natura ignorantiam & ineruditionem dediscimus. aliquanto post in numero perfecto denario legitimo eruditionem profuturam concupiscimus. Rationem autem denarij numeri diligenter exquisiuerunt musicorum filij, laudatam non mediocriter etiam à Mose sacratissimo: qui ad hunc numerum refert res pulcherrimas, uota, primitias, oblationes sacerdotum perpetuas, obseruationem paschatis, propitiationem, redeuntem quinquagesimo quoq; anno remissionem, & restitutionem in integrum, apparatus tabernaculi dissolubilis, aliaq; innumera, quæ memorare prolixum fuerit. tantum potiora non scilicet. Ante omnia Noe illum, qui primus in sacra scriptura iustus pronunciatus est, à protoplasto inducit decimum, nō ad indicandam annorum multitudinem, sed ut apertè doceat: quod sicut denarius numerorum qui deinceps unitatem sequuntur est perfectissimus: ita iustitia in anima reuera finis est uitæ actionum. nam ternio per seipsum multiplicatus ut faciat nouenarium, res bellicosa habetur in oraculis: superueniēs autem unitas ad
 explens

explendum denarium, amica existimatur. id colligitur ex nouem regnis, quando ciuili bello quatuor affectus contra quinq; sensus insurrexerunt, & totam animam quasi ciuitatem adduxerunt in ruinæ uastitatisq; periculum, quod sapiens ille Abraham decimus cum suorum manu superueniens sustulit. hic pro tempestate tranquillitatem, sanitatem pro morbo, uitam, si uerum fatēdum est, pro morte attulit fauente deo uictoriam affecutus, ob quam gratus obtulit ei decimas. quin & pecudum omnium quæ sub uirgam, id est, disciplinam ueniunt, & quæ sunt cicuris mansuetiq; generis, decimas lex segregat, iubens ut consecrentur: ut tam multis exemplis discamus quàm familiaris deo sit denarius, nouenarius uero numerus mortali nostro generi. nec tantum animarum, uerum etiam omnium terræ fructuum decimæ exiguntur primitiarum nomine. Omnes, inquit, decimæ, siue frugum siue arboreorum fructuum, consecrate sunt domino: & omnes decimæ bouum ac ouium, & omnis pecoris quod sub uirga numeratur decimæ sacratæ erunt domino. Viden ut etiam de hac mole nostra corporea, uere terrena & lignea, primitias imperat: nam uita, salus, incrementum, sanitas, per diuinam ei contingūt gratiam. Viden ut etiam de brutis quæ nobis insunt animalibus, hoc est sensibus, idem præcipitur: nam uisus, auditus, odoratus, gustus tactusq; diuina sunt munera, gratiarum actione dignissima. Verum nō ob hæc solum terrena, lignea, corporea, nec ob brutas animantes, sensus uidelicet, benefactorē laudare docemur: sed & ob mentem, quæ propriè homo est in homine, potior in deo

riore

riore, immortalis in morti obnoxio. ideo ut puto, primogenita omnia sibi consecrauit, pro quibus decimam Leuiticam inquam tribum accepit, ut essent qui conseruarent custodirentq; sanctitatem & religionem ceremonialium, quæ ad dei cultum referuntur. nam præcipua nostri pars est ratio, & dignum est, ut intelligentiæ, solertiæ, sagacitatis, prudentiæ, & cæterarum eius potentiarum, offerantur deo primitiæ, qui has dotes cumulauit largiter. hac occasione permotus ille meditator inter precandum ait: Omnium quæ mihi dederis seponā tibi decimas. Et oraculum quod post uictoriales preces scriptum est, quas ille à seipso consecratus sacerdos Melchisedec precatur: Dedit, inquit, ei decimas omnium, de sensibus bene sentire, de uerbis bene dicere, de mente bene cogitare. Pulcherrimè igitur simulq; necessarie perspicuam enarrationis, quando cælestis illius & diuinitati monumentum in urna aurea consecratum est, ait: quod Gomor erat decima pars trium mensurarum. In nobis enim ipsis tres mensuræ uidentur esse, sensus, ratio et mens. sensibilia sensu, uerba & orationes ratione, intelligibilia mente metimur. de his singulis tribus mensuræ primitiæ sunt offerendæ quasi quædam sacræ decimæ, & sermones & sensus & intellectus inculpabiliter se neq; iuxta deum se habeāt. hæc enim demum uera est istaq; mensura, nostræ autem falsæ iniustæq; merito igitur & in sacrificijs decima pars mensuræ simile cum iustis in altare infertur, manante nobis reliquo nouentio numero. huc facit & quotidianum sacerdotum sacrificium. His enim præceptum est, ut decimam partē epulæ

similæ

simile semper offerant. Didicerant enim transcenso no-
 uenario sensibili existimato deo, decimum & solum ue-
 rum uere colere. in nouē enim partes mundus distribui-
 tur, octo in caelo, supremum orbem & septem reliquos
 erraticorum siderum similes cursus habentium: nonam
 autem terram cum aqua & aere. Horū enim una est co-
 gnatio, uarias mutationes recipiētium. Vulgus autē has
 nouem partes et compactum ex his mundum colebat: at
 uir perfectus superiorem his opificem earum deum deci-
 mum. emergens enim super omnia eius opera desidera-
 bat artificem ipsum, supplex eius cultor fieri cupiens. i-
 deo decimas perpetuas decimo illi qui solus aternus est,
 dedicat sacerdos, quod propriē animæ pascha dicitur,
 omnium affectuum et omnium sensibilibus trāsitus dūns
 properat ad decimum illud quod est diuinum & intel-
 ligibile. scriptum est enim: Decima mensis decimi sumat
 unusquisq; agnum per domos singulas: ut à decima illi
 decimo consecrentur uictimæ seruatae in anima duas ē
 tribus partes illustratas habente, donec in totum uersa
 in splendorem caelestem, uelut luna toto orbe fulgida,
 per duas septimanas aucta, non solum custodire, sed
 & sacrificare iam ualeat integras & inculpatas ho-
 stias, id est, propitiationes. hoc enim fit mensis deci-
 ma, anima illum decimum deum inuocante supplici-
 ter, edocta quā humiles & nihili creaturæ sint, &
 quā immenso interuallo excellat inter omnes eas il-
 le ingenitus. Quapropter propitius uel absque pro-
 pitiatione sit seipsos damnantibus & contrahentibus
 non iactabundis & fastu turgidis. hæc est remissio,
 hæc

hæc libertas absoluta animæ, pristinum errorem excus-
 tientis, & transeuntis ad nunquam errantem naturam,
 redeuntisq; ad sortem quam olim acceperat, cum magni-
 fice spiraret, & uigeret honestis laboribus. tunc enim
 eius certaminibus delectatum illud sacrum uerbum, de-
 dit ei præmium eximium sortem immortalem, & ordi-
 nem in genere incorruptibili. hoc & ille sapiens Abra-
 ham supplex orat, imminente incendio, uerbo tenius qui-
 dem terræ Sodomitice, re autem animæ bonorum re-
 rum sterilis & orbata rationis oculis: ut si inueniatur in-
 ea denarius ceu reliquæ quædam iustitiæ, detur ei uen-
 dia. Orditur autem supplicationem à remissionis nume-
 ro quinquagenario, & in denarium desinit, extremam
 redemptionem. & hoc est cur mihi uideatur Moses quæ-
 que post tribunos, centuriones, quinquagenarios præfe-
 ctos, postremo decuriones eligere: ut si mens non possit
 per seniores ordines proficere, saltem purgetur per ul-
 timos. Pulcherrimum documentum etiam illius studiosi
 seruus didicit, quando mirifica legatione fungens per
 seipsum sapienti petebat in uxorem patientiam uirtu-
 tem cognatissimam. decem enim camelos assumit, in de-
 narij, hoc est rectæ institutionis memoriam, quod habe-
 ret herum multorum experimentorum memorem. sta-
 mit & de bonis herilibus, non argentum aurumue, aut
 aliquam materiem corruptibilem: hæc enim Moses bea-
 ta nunquam diceret: sed illa germana quæ solius sunt de-
 nimæ uatico negotiationisq; destinata, doctrinam, profi-
 ctum, studium, desiderium, zelum, diuinationem, pro-
 phetiam, amorem bonorum operum: quibus rebus exen-
 citatus

citatus assidue iam uelut ex alto portum aspiciens, pro-
 met in aures duas, singulas drachmam pendentes, & ar-
 millas pondo aureorum decem, quas tradat puellæ offe-
 renti hospitium. ô diuinum ornamentum, drachmam esse
 auditionem, pondus propter unitatis naturam indiuisi-
 bile: auditus enim non debet cuiquā uacare, nisi uni uer-
 bo, quod uirtutes unius solius dei decenter exprimit: ar-
 millas aut aureorum decem. nam sapientes actiones per
 fectis numeris firmantur, quarum unaquæq; auro præ-
 ciosior est. Talis est & illa per optimates uiritini facta
 collatio, dum anima ornatu accepto à philosophia festis
 dedicationis ageret, deo doctore et præceptore agēs gra-
 tias. acerram enim aureorum decem plenam aromatibus
 dedicat, ut uaporem è prudentia cæterisq; uirtutibus ex-
 halantem, ille solus sapiens dijudicet. quo sacrificio ubi
 litatum fuerit, Moses sacrum hymnum accinet, dicens:
 Hausit dominus odorem suauitatis: olfacere ponens pro
 assentiri. non habet enim ille formam humanam, nec na-
 ribus alijsue partibus instrumentalibus indiget. Paulo
 post autem & dei tabernaculum è decem auleis cōstare
 dicet. nam totius sapiëntiæ compages numerū perfectum
 sortita est denarium. sapientia porrò aula est regia re-
 gis omnipotentis qui solus imperat omnibus. hæc est do-
 minus eius intelligibilis, altera uerò sensibilis mūdus hic,
 quandoquidem & aulæa contexta sunt ex rebus qua-
 tuor elementa significantibus, uidelicet bysso, hyacin-
 tho, purpura, et cocco, quæ illa numero referunt. Byssus
 terram significat ex qua nascitur. hyacinthus aerem ni-
 gricantē suapte natura. aquam purpura, quod hæc tin-

Etura ē mari petatur, aliter dicta conchilium. postremo
 ignem color coccinus, cui simillimus est. Rursum Aegy-
 ptium rebellem, quando aduersariam mentem uenerata
 regni traditis insignibus eam ornauit, folio, sceptro, di-
 demate, decem plagis castigat ille rerū arbiter omni po-
 tens. Idem sapienti Abrahamo pollicetur, nec plures nec
 pauciores, sed decem gētes se deleturū, & harum agros
 daturum se illius posteris: denarium ducens idoneum ad
 omnia, tam ad honorē quā ad pœnam, tam ad laudem
 quā ad uituperiū. uerū ista quorsum memorare por-
 ginus, cum sacrā illam diuinamq; concionem X. in uer-
 uersum præceptis Moses absoluerit: quæ sunt capita iu-
 ris diuini in leges plurimas partiti, radices, initia, fontes
 perennes mandatorum, iussa uetitaq; continentium, ad
 utilitatem illorum qui ea recipiunt. merito igitur decem
 nio postquam ē Chaldæa migratū fuerat, cum Agur con-
 trahitur connubium. nec enim statim ubi ratione uti ce-
 pimus, languente adhuc mente artes liberales appetere
 possumus, sed confirmata iam ui intelligendi atq; soler-
 tia, quando non superficietenus quasi aliud agendo, sed
 firma certa q; sententia res complectimur. ideo mox in
 contextu additur illud, Ingressus est ad Agar. Conue-
 niebat enim discipulo ut docti magistri ludum frequen-
 taret, & disceret disciplinas naturæ humanæ congruas.
 Et nunc quidem discipulus ad doctrinam ire inducitur
 sæpe tamen illa prior obuiam procurrat sine inuidia, &
 uenientes generose attrahit. Sic uirtutem Liam uidere li-
 cet occurrentem dicentemq; Meditatori, Ad me ingre-
 dieris hodie, cum ille rure domū rediret. quō enim alio
 debuerat

QVAER. ERVD. GRATIA SIT

deberat ire seminum scientiæ plantarumq; curator,
nisi ad cultam à se uirtutem? quæ nonnunquam uelut pe-
riculum faciens discipulorum alacritatis & prompti-
tudinis, non occurrit, sed uelata facie sicut Thamar, se-
det in triuio, pro meretrice se ostentans prætereunti-
bus, ne quis curiosior uelum detrahat, & intemerati
uirgineiq; pudoris pulchritudinem decentissimam con-
spiciat. Sed quis est ille quæsitore discendi cupidus, nihil
indiscussum & inexploratum sinens, nisi summus ille
dux & rex, libenter perstans in icto semel cum deo fœ-
dere, Iudas nomine: Diuertit, inquit, ad eam de uia &
dixit: Sine me ut coeam tecum.] Nec ulterius molestus
fuit, ut inspiceret quanam esset illa uelata potentia, &
quid sibi quæreretur. Cæterum post coitum scriptum est:
Et concepit, nec exprimitur quis. Comprehendit enim
ars quidem discitem, adamatum sibi persuadens: disci-
pulus uero magistram, quoties discit auidè. Interdum e-
tiam quampiam ex indifferentibus scientijs profitemens,
& discipulum nactus ingeniosum, iactat suam doctri-
nam, credens se solum autorem eruditionis suis audito-
ribus, atq; ita supinus incedit, & inflatus obducto super-
cilio, & auolentib. eum sectari magnam mercedem po-
stulat: si quos autem sentit sitientes eruditionis, sed pau-
peres, auersatur, quasi solus inuenisset thesaurum sapi-
entiæ. hoc est illud in utero concipere, turgere inflariq;
supra modum: quod recidit in dedecus disciplinarum in-
differentium, quas quidam ita dehonestant suapte natu-
ra honestissimas. Quotquot igitur animæ cum pruden-
tia sunt rebus grauidæ, pariunt nihilominus confusa

discernentes separantesq; sicut Rebeca. postquam enim
 utero concepit scientiam discordium rerum uirtutis &
 uitij, fecunditate usa utramq; naturam distinguit & se-
 parat. Quotquot autem sine prudentia concipiunt, aut
 abortiunt, aut contentiosum quempiam sophistam iacu-
 latorem sagittariumq; uel telis uelitationibusq; impeti-
 tum pariunt. & merito. multum enim interest inter con-
 cipientes & grauidas. nam quæ se putant grauidas, par-
 tum sibiipsis ascribunt, eumq; iactant sermonibus. at quæ
 non dedignantur concipere, fatentur se nihil habere pro-
 prium, sed semina atq; genituras externè infusas cõfue-
 re, & autorem harum ueneratæ, maximum malum, scilicet
 sui amorem, per bonum perfectum, scilicet pietatem,
 depellunt. Ad eundem modum etiam legum humanarum
 iacta sunt semina. Erat uir quidam, inquit scriptura, de
 tribu Leui, nomine Amram, qui accepit uxorem de filia-
 bus Leui. Ea grauida facta peperit filium: quem cum ui-
 derent elegantem, absconderunt tribus mensibus. hic est
 Moses ille purissimus intellectus, uerè elegans, qui numi-
 nis afflatu correptus legislatoriam ac propheticam fan-
 cultatem adeptus est, ex genere natus Leuitico paternæ
 stirpe maternaq; florens & cognatus ueritati. maximè
 autem quiddam primus tribus huius autor pollicetur. au-
 det enim dicere: Ipse mihi solus deus colendus est, aliud
 præterea nihil, non terra, non mare, non fluuij, nō aeris
 uentorumq; natura, non tempestates, non animalium plan-
 tarumq; species, non sol, non luna, non multitudo stella-
 rum ordine certo decurrentium, non cælum nec mundus
 uniuersus: quod pronissum est magni generosiq; animi
 emergere

emergere supra creaturā & terminos eius traicere, uni
 adherendo Ingenito, iuxta sacra præcepta, quæ id disce-
 re imperant. itaq; pro hac assiduitate cultuq; non inter-
 misso reddit eis sortem seipsum. Fideiubet autē pro hac
 mea promissione oraculum dicens, Dominus hereditas
 eius. Tales partus grauidæ magis quàm cōcipientes ani-
 mæ solent parere. Quemadmodum autē corporis oculi
 modo obscure modo clarè uident: similiter etiam animæ
 oculus aliquando confusiores & incertas, aliquādo cla-
 ras manifestasq; rerum proprietates cōcipit. sed ille ob-
 scurus & incertus conceptus similis est foetui nondū for-
 mato in utero: clarus autem & manifestus effigiem hu-
 manam habenti & discretas formas artuum. de quibus
 extat lex scripta ualde bona & perutilis. Si rixantib; ui-
 ris duobus alter percutiat mulierem grauidam, & illa
 puerum informē eijciat, multa multabitur ex mariti
 arbitrio, eamq; mox representabit. Quod si formatus
 fuerit, dabit animā pro anima. non enim erat simile, per-
 fectum & imperfectum mentis opus corrumpere, neq;
 coniectura tantundem ualet quātum scientia, neq; spera-
 ta res quātum possessa. Ideò pro incerto incerta multa
 statuitur: ubi finitum est facinus, lex quoq; poenam defi-
 nit. quod intelligitur non de uirtute, sed de arte aliqua
 inculpabili. Hoc foetu prægnans est, non quæ concepit,
 sed grauida, inflata opinione. nam eam quæ cōcepit ab-
 ortire nō est possibile, quòd credibile sit absoluturum ta-
 lem foetum ipsum qui genituram indidit. at grauida non
 est mirū si quid secus accidat, quòd hæc egrotet sine me-
 dico. Caue autē de Agar dictum putes, quòd uidisset se-

ipsam concepisse, cum dicitur, uidens quod concepit, sed
 de hera hoc intelligitur Sarra. nam paulò pòst ipsa de
 se ipsa dicit: Videns se concepisse, parata est coram ea.
 cur ita? quoniam indifferentes artes, & harum sectato-
 res, uident se graues utero, sed quid gestent non satis ui-
 dent: scientiæ uerò cernūt suos fœtus manifestissime. nam
 scientia maior est quàm ars, quippe ratione confirmata
 stabilitaq; sic enim definitur: scientia est ex multis inte-
 lectis facultas, meditatione acquisita, ad finem aliquem
 bonum ac utilem: que clausula rectè additur, ut nullas
 improbatasq; artes excludat. porrò scientia per ratio-
 nem retinetur constanter atq; firmiter. proinde musi-
 cam, grammaticam, & harum cognatas uocamus artes.
 nam quicunq; in his sunt absoluti, dicuntur artifices, mu-
 sici & grāmatici. philosophiam uerò & ceteras uirtu-
 tes, scientias, & qui hæc tenēt, scientijs præditos, uel sunt
 prudentes, temperantes & philosophi. quorum nemo
 fallitur in placitis excultæ a se scientiæ, sicut supra dicti
 falluntur in artium suarum contemplationibus, nam se-
 cut oculi uident, sed mens clarius per oculos, & aures
 audiunt, sed mens per aures melius, & nares olfaciunt,
 sed anima per nares efficacius: item cæteri sensus obie-
 cta sua percipiunt, sed mēs per eos purius atq; sincerius
 loquēdo enim propriè, hæc ipsa est oculorum oculus,
 & auris aurium, & in unoquoq; sensu sensus sincerior,
 utens illis tāquam pro tribunali apparitoribus, sed ipsa
 naturas subiectorum iudicans, & quædam auersans, &
 alijs assentiens) sic artes quæ dicuntur indifferentes sine
 mediæ, corporis potentijs similes, contemplationes suas
 tractant

tractant simpliciter, scientiæ uero suas diligentius et cum summo examine. nam sicut intellectus ad sensum, sic ad artem se habet scientia. nam anima est quidam (ut iam dixi) sensus sensuum. illarum igitur singulæ exigua quædam in rerum naturis sibi uindicant, circa quæ occupantur, lineas geometria, sonos musica, uniuersam uero naturam philosophia. nam materia circa quam uersatur, est mundus hic, et tota uisibilis ac inuisibilis essentia. Quid igitur mirum si cum uniuersum uideat, uideat etiam partes, et quidem quàm illa melius, quippe illustrata maioribus acutioribusq; oculis: ut merito heraphilosophia mediam eruditione ancillam suam prægnantem uideat, potius quàm illa seipsam. Quis enim ignorat quod omnibus particularibus scientijs principia seminaq; indidit philosophia, ex quibus speculationes earum germinant: nam æquilateræ, obliquæ, circulares, multiangulæ aliæq; figuræ, inuenta geometriæ sunt. cæterum punctum, superficiem, lineam, solidum, non item inuenit geometria. Quomodo enim illa definiret punctum esse quod in partes non diuiditur, lineam longitudinem sine latitudine, superficiem longitudinem tantum cum latitudine, solidum quod tres dimensiones habet, longitudinem, latitudinem, altitudinem. hæc enim ad philosophiam attinent, et definiendi negotium est philosophi. item scribere legereq; est minus perfectæ grammaticæ, quam quidam torquentes uocabulum grammaticam uocant: perfectioris autem poetarum historicorumq; explicatio. Quoties igitur de orationis partibus differunt, nonne tunc de inuentis philosophiæ

quiddā sibi usurpare uidetur? huius enim est proprium
disquirere, quid coniunctio, quid nomen, quid uerbum,
quid cōmune nomē, quid proprium, quid defectiuum in
oratione, quid completum, quid affirmatiuum, quid in-
terrogatiuum, quid percōtatiuum, quid complexiuum,
quid bonum malūue. nam de per se absolutis, & pro-
positionib. & prædicamentis huius est tractatio. iam se-
miuocalium, uocalium, mutarumq; literarum discrimi-
na, & quomodo pronuncientur singulæ, & omnes ele-
mentorum atq; partium orationis proprietates, nōne
à philosophis elaboratæ absolutæq; sunt? quæ isti fures
tanquā de torrente paucas aliquot guttulas cum in an-
nas suas instillauerint, nō pudet eos furta ostentare quæ
sires proprias. Quamobrem elati & sibi placentes con-
temnunt dominam, penes quam solam est harum cōtem-
plationum autoritas. eum contemptum illa sentiens co-
arguet ingenuè dicēs, Iniuriam patior, uobis pacta non
seruantibus. ex quo enim complexi estis ista rudimenta
disciplinarum nata ē mea famula, exhibetis ei honorem
uxori debitum, me uerò sic auersamini, quasi nunquam
iūctam matrimonio. Verum hæc fortassis est nihil aliud
quàm suspicio, me ex aperta consuetudine uestra cum
mea pedisequa, coniecturam non admodum certam su-
mente alienati à me animi. quæ an uana sit, soli deo no-
tum est, præterea nemo facile iudicauerit. ideo proprie
loquitur: Iudicet deus inter te & me: non prædamnans
tanquam iniquè agentem, sed ambigens quasi fortassis
æquum faceret, quod non ita multo post certo compro-
batum fuit, dum se defendens, & hæsitatiōi eius medicia-

nam adhibens ait, En tibi puellam trado in manus tuas, utere hac sicut tibi libet.] Nam quā puellā dicit, utrumque fatetur, & conditionem seruilem, & ætatis imperitiam. nam puellæ nomen utriusq; rei significationi conuenit. Simul fatetur & contraria, puellam adultæ, domi nam opponens ancillæ: tantum non in faciem reclamās: equidem encyclopædiam ut iuniorē & puellam in delictis habeo, scientiam uerò coniunctam cum prudentia ut maturam matronam honore prosequor. Quod autem dicit, in manus tuas, subiectionem quidem significat, uerū non hanc solam, sed etiam quiddam aliud: uide licet quod res ancillæ sint in manu corporis: corporis enim instrumentis & potentijs opus habent artes liberales: res autem dominæ ad animam attineant. ad rationem enim refertur tum scientia tum prudentia. itaq; quanto præstantior, efficacior, & modis omnibus potentior est intellectus utilitas, tanto pluris facio scientiam prudentiamq; quā istam musicam unam ex artium liberalium numero. Proinde cum sis & habearis à me domina, sume, inquit, omnem meam eruditionem, & non secus quā ancilla, utere pro arbitrio tuo: quod scio fore non iniquum, etiamsi non tam iucundum quā utile fuerit, & minimum suauitatis habuerit. bona enim & utilis est castigatio his qui hac indigent: quam aliter afflictionem sacra scriptura nominat. Quapropter mox additur, Et afflixit eam: ac si diceret, castigauit & coegit officium facere. hoc enim plurimum confert ocio corruptis & licentia, sicut calcar equis contumacibus. Tales enim ægrè mansuescunt, & uix domantur scutis.

ca. an non uides horum præmia? insultant uiris probatis, dilatantur, pinguescunt, sumunt magnos spiritus. dein assequantur impietatis suæ misera præmia, nimirum & ipsi miserabiles infortunatiq; dum coronantur & pronunciantur præcurrisse omnes impios. affluentibus enim leniter felicitatibus, putabant se deos aureos & argenteos, oblectati adulterinis numismatibus, obliui eius Qui uerè est. Testis est Moses, dicens: Impinguatus, incrassatus, dilatatus, deseruit Deum factorem suum. Itaq; si nimia dissolutio maximum morbum impietatem parturit, ediuerso legitima castigatio bonum gignit perfectissimum, illam tantopere laudatam emendationem. Vnde factum est quod primarium festum azymorum, per panem afflictionis significatur, quamuis nemo nesciat celebritates ex hilarari epulis & lætis conuictibus, non afflictionibus: sed liquet hanc uocem per abusum accipi pro labore castigatorio, maxima plurimaq; bona meditationibus parantur & laboribus iuuenilibus. At animæ festum est rerum optimarum æmulatio, & labor ad perfectionem properantium. Quamobrem præceptum est ut azymandantur cum amaris lactucis agrestibus, non ut sint ut ce obsonij: sed quia cohibere concupiscentias ne fruescant & turgeant, quidam putant amarum, non uolentes consuetos affectus dediscere, quod mens certaminum auida habet pro festiuis delicijs. Hanc ob causam, opinor, in loco qui amaritudo uocatur, lex dicta fuit. nam iniuriam facere suauem, laboriosum uerum est iuste agere: quæ quidem est uerissima iuris regula.

Egressi, inquit, ex affectionibus Aegyptiacis uenerunt in
Merran, ubi non poterant aquam bibere, adeo fuit ama-
ra. Vnde loco nomen impositum Amaritudo, & mur-
murauit populus contra Moſem dicens, Quid bibemus?
Clamauit autem Moſes ad dominum, & ostendit ei do-
minus lignum, quo iniecto in aquam dulcis est reddita.
In eo loco datae sunt ei iustificationes & iudicia, & ibi
tentauit eum dominus. est enim certissimum experimen-
tum animae in labore atq; amaritudine: alioqui non faci-
le quò uergat discernitur. Nam multi nimis cito defessi
sunt, non ferentes laborem grauem aduersarium, manus
prae languore demittentes sicut athletae qui desperant de
uictoria, certi ad Aegyptiarum affectionum delicias re-
currere. alij uero horrendos grauesq; deserti labores to-
lerando fortiter, inuicti perdurauerunt in uita certami-
ne, contententes aduersus naturae necessitates, adeo ut
famem, sitim, algorem, aestum, à quibus caeteri facile ui-
cuntur, ipsi deuincerent. in causa fuit non solus labor, sed
cum eo coniuncta dulcedo. legimus enim aquam dulcem
redditam. quae dulcedo laboris Graecis φιλοπονία uoca-
tur. talis enim dulcedo nihil aliud est quam amantis ho-
nestatem zelus, amor & desiderium. nemo igitur huius-
modi afflictionem refugiat, nec putet festas epulas uoca-
ri panem afflictionis tanquam noxias ac non potius uti-
les. nam anima castigata nutritur eruditionis placitis.
ceterum opus hoc pistorium fermento carens adeo sa-
crum habetur, ut oraculo praeceptum sit xij. panes non
fermentatos pro numero tribuum in sacrario proponi
supra mensam auream, qui panes propositionis uocan-
tur.

tur. lege quoq; cautum est. ne quid fermēti aut mellis in-
feratur in altarium. est enim difficile uel dulcedines uo-
luptatum corporis, uel inanes tumores animæ, consecra-
re tanquam puras, cum suapte natura impuræ ac profa-
næ sint. nōne igitur meritò fatidicus sermo nomine Mo-
sis dicit: Memento uiarum omnium, per quas te duxit do-
minus deus in deserto, ut affligeret te, & tētare ac pro-
baret cor tuum, num custoditurus esses mandata eius.
nunquid afflixit te & fame pressit, ac mox cibauit man-
na, quam non gustarant patres tui, ut doceret te, quod
non solo pane uiuet homo, sed in omni uerbo quod egre-
ditur ex ore dei. Quis igitur tam profānus est ut credat
tortorem deum, qui famem lethi genus miserrimum in-
ducat super homines non ualentes sine cibo uiuere? Est
enim bonus & causa rerum bonarum, benefactor, ser-
uator, altorq; diuitiarum donator munificentissimus, &
profāna malignitate alienissimus. Sic enim onera terræ
Adamum Cainumq; profligauit è paradiso. ergo nō de-
bemus uerbis seduci, sed eorum occulta significata dispi-
cere, & afflictionem interpretari castigationem admo-
nitionem eruditionemq;. Quod autem scriptum est, ob-
iectos eos fami, nō de cibi potusq; inopia dicitur, sed uo-
luptatum, concupiscentiarum, timoris, doloris, iniquita-
tum, & in uniuersum omnium quæ aut uitiorū sunt esse-
ctus aut passionum animæ. Attestantur mihi quod mox
sequitur: Cibauit te manna. Eum cibum sine labore cu-
raq; hominum, non è terra more consueto editum, sed
celitus exhibitum prodigiosa beneficentia, utrum fame
afflictionemq; oportet dicere, an potius ubertatem &
copiam

copiam quæ inuitet ad secure uiuendum sub diuinis legibus? Sed uulgus gregariū putat eos male saginari qui pascuntur diuinis eloquijs. nec mirum, quandoquidem nullum unquam gustum cepit alentis omnia sapientiæ. Proinde uulgo ignotum est, in quanta illi felicitate atq; hilaritate uitam exigant. Est igitur afflictionis quoddam genus utile, in tantum, ut etiam uilissima huius pars, nempe seruitus pro magno bono imputetur. Optat hanc in sacris literis pater suo filio, uir optimus Isaac insipienti Esau, dicens: Gladio tibi uictum parabis, & fratri tuo seruiēs: utilissimum iudicans ei qui paci bellum prætulerat, & arma tanquam puginator gestabat propter intinam seditionem animæ, seruire præstantiori, & omnia mandata diligentis temperantiam obediēter exsequi. Quapropter uidetur mihi quidam ē Moysis discipulis nomine pacatus, qui patra lingua Salomon uocatur, dixisse: Fili caue contemnas disciplinam Domini, & castigatus ab eo noli despondere animum: quem enim diligit arguit, & flagellat omnem charum filium. Tam præclara res habetur correptio castigatioq; ut hoc certo signo dignoscantur dei cognati. Quæ enim potest esse maior cognatio, quam quæ filio cum patre intercedit? Sed ne uideamur uerba uerbis attexendo de industria sermonem protendere, manifesto argumento fidem iam dictis astruemus, quod uel solum possit satis docere, esse genus quoddam afflictionis quod ad uirtutē pertineat. extat enim lex huiusmodi. Omnem uiduam & pupillum non affligetis. Quod si afflixeritis eos uitio. Quid ait? Ergo potest aliquis affligi aliter. alioquin superfluum esset

esset manifesta inculcari, quæ uel absq; additamento intelligi poterant. Sed respondebit utique: Noui equidem etiam uirtute afflictos, & castigatos à prudentia. ideo nō omnem afflictionem culpo, sed iustam legitimamq; qua obiurgatus corrigitur, ualde approbo. Stultam uero ac malam, ut noxiam merito uitupero. Cū igitur Agrem afflictam à Sarra audis, nihil suspiceris de muliebri zelotypia. nam non de mulieribus sermo fit, sed de mentibus, quarum altera eruditur artibus ætati primæ conuenientibus, altera in stadio uirtutis exercetur.

PHILONIS IV DAEI, DE PROFVGIS, Liber.



T afflixit eam Sarra, & auspicat ab eius facie. inuenit autem eam angelus domini ad fontem aque in solitudine, qui fons est in uia Sur: & dixit ad eam angelus domini: Ancilla Sarrae unde uenis, & quò uadis? quæ respondit: à facie Sarrae heræ meæ fugio. cui angelus domini: Reuertere ad heram tuam, & humiliare sub manu eius. Et rursum: Prægnans es, inquit, & paries filium, uocabisq; nomen eius Ismael. hic erit ferus homo, manus eius contra omnes, & manus omnium contra eum.] Postquam

quam superiore libro de eruditione & de afflictione satis diximus, deinceps de profugis locum tractabimus. nam sepe scriptura mentionem facit de fugientibus, sicut nunc de Agare, dicens quòd afflictà aufugit à facie heræ suæ: cæterum fugæ tres causas equidem existimo, odium, timorem, pudorem. nam præ odio mulieres uiros, & uiri mulieres, deserunt. præ timore, parentes liberi, et serui dominos. præ pudore amicos amici, si quãdo offensa interuenit. Quin & patres noui, qui uitæ molli assueti, cum reuererentur filios uersos ad uitã austera & philosophicam, maluerint præ pudore rusticari, quàm in urbe domi habitare. harum trium causarum & sacra scriptura meminit. certe meditator ille iacob præ odio Labanem socerum, præ metu Esau fratrem, fugit, ut mox docebimus. Agar uero præ pudore discedit. id inde colligitur, quod occurrit ei angelus dei uerbum, qui officij moneat eam, & in heriles ædes reuerti iubeat: qui etiam confirmans eam, Exaudiuit, inquit, Dominus humiliationem tuam, non à timore profectã nec ab odio: qui affectus uel ignaui animi sunt uel irritabilis: sed à pudore imagine modestiæ. alioquin si præ metu fugisset, debuerat heram ad æquanimitem hortari. sic enim profugæ patuisset reditus, non aliter. uerum apud illam nemo intercedit, iam ante per se placatam: hanc uero beneuolus amicus & consultor arguens docet non solum pudorem adhibere sed & audaciam. pudorem enim dimidiatam uirtutem esse absq; fiducia. cæterum exquisitiores harum rerum formas spectabimus ubi series orationis eò nos deduxerit. Reuerta

mur ad proposita capita, incipiendo à præ odio fugi-
 tibus. Celauit, inquit, Iacob Labanem Syrum, nec in-
 cauit ei de fuga, & aufugit cū rebus suis omnibus. Que
 igitur fuerit causa odij, fortasse quærat aliquis. Sūt qui-
 dam qui essentiam illam qualitate omni & specie for-
 maq; carētem sibi deum fingunt, motorem eius & auto-
 rem nec scientes nec cupientes ex alijs discere, ignoran-
 tes rem cognitu pulcherrimam, cuius scientia prima so-
 laq; paranda erat summo labore ac studio. in his Laban
 est. nam gregem non signatum ei tribuunt oracula. et
 autem sine signo in uniuerso materia carens qualitate
 inter homines autem inerudita & nullo unquā usa pe-
 dagogo anima. Rursum alij potiores his aiunt intelli-
 ctum aduentu suo disposuisse omnia. et sublata vulgi
 ministratione ex perturbata republica, legitimi regni
 formam induxisse. ex hoc sodalitio Iacob est, magis
 pecoris uarietate signati. Insignita enim & uarietate
 est in uniuerso quidem species, in hominibus autē
 docilis & discendi auida. ergo suapte natura societas
 amicus insignis amatorq; ueræ monarchiæ, uenit ad
 lum nullo signo nobilē, materiales, ut dixi, sibi pro
 consecrantem principatus, & nullos præterea creden-
 tem, ut eum errare doceat. creatus est enim mundus
 omnino aliquem autorem habuit. uerbum autem crea-
 toris, signaculum est illud, à quo quicquid est forma ac-
 cipit, ideo primis creaturis perfecta species contigit
 pote ad imaginem perfecti uerbi expressa. nam anima
 lia quantitatem perfectam non habet, sicut liquet ex in-
 crementis per ætates accedentibus. qualitas autem per
 fecti

festa est, & eadem semper manet, quippe quæ à semper
 manente fuit expressa, uerbo dei nūquam mutabili. Sed
 quia monitor hic animaduertit se surdo canere, merito
 de fuga cogitat, nimirum metuens ne illi nihil prosit, &
 insuper ipse damnum accipiat. Nocet enim conuictus et
 consuetudo cum insipientibus: quia sæpe accidit, ut ani-
 ma etiā inuita aliquid contagij sibi affricet: & alioquin
 male cōuenit eruditioni cum ineruditione, & industriæ
 cum segnicie. quamobrem clamant meditatorie poten-
 tie uociferanturq; non dissimulando causas odij: Nun-
 quid est nobis portio hereditatis in domo patris no-
 stri: nonne quasi alienas reputauit nos? uendidit nos, &
 deuorauit nostrum pretium. opes & gloriæ, quas deus
 patri nostro abstulit, nostræ fient liberorumq; nostro-
 rum. nam cum sint & appellentur ingenuæ, non putant
 ullum insipientem uel clarum esse uel diuitem, sed om-
 nes ex æquo pauperes ac ignobiles, etiamsi regum opu-
 lentissimorum fortunas superent. non dicūt enim patris
 opes, sed ablatas patri, nec gloriam illius, sed ablatā ab
 eo gloriam, se habituras. priuatur autem malus ueris di-
 uitijs & uera gloria. Nam hæc bona parantur per tem-
 perantiam & prudentiam & his cognatas habitudines,
 quæ animi generosi hereditario iure possident. ergo nō
 possessiones mali uiri, sed quæ ille amittit, claritas ac
 opes ad bonos perueniunt. amittit autem uirtutes, quæ
 his in possessionem cedunt, iuxta illud quod alibi legi-
 tur: Abominationes Aegypti sacrificemus domino. per-
 fectæ enim & inculpatae uictimæ uirtutes sunt, & ope-
 rationes his congruæ, quas illud Aegyptium affectibus
 Philo. to. i.

obnoxium corpus abominatur. nam sicut hic idola Aegyptiorum execranda Israelitis perspicacibus dicuntur, & mactantur omnia: sic quæ amittit quiuis insipiens, ea perueniunt ad honestatis amicum iure hereditario, ea sunt, uera opinio, nihil differens à sciētia, & diuitiæ, non qualis cæcus ille Plutus, sed cernētes acutissime milium adulterinum numum admittentes, inò nihil inanimatum, etiamsi alioqui probatum sit. merito igitur homo diuinorum bonorum expers deseritur, qui dū alium accusare conatur, imprudens seipsum culpatur, dicendo, Si indicasses mihi, dimissem te.] Atqui ob hoc ipse dignus eras deferi, quod innumeris dominis seruieris principem te simulas, & libertatem polliceris alijs. Ego uero itineris ad uirtutem ducentis auxiliatorem hominem non accipio, sed obedio iubenti hinc discedere in cūculo, cuius ductum sequor nunc quoq; sed quomodo dimisisses? nimirum ut iactas, cum hilaritate mihi mæsta, & insuauis musica, cum tympanorum strepitu mihi significante, & obtundente aures animæ, cum inconnis citharis, æque ac uita cætera. Imò hæc ipsa sunt quæ statui fugere: & tu putas me sic posse retrahi, ut cursum reflectam ad sensus natura fallaces, quos nunquam libenter attigi. Hæc est fuga cuius causa fuit odium: dicemus & de ea quæ præ metu fit. Dixit, inquit, Rebecca ad Iacob. Ecce Esau frater tuus necem tibi minatur. Nuncietur, mi puer, audi uocem meam, & surgens fuge ad Lebanonem fratrem meum in Charras: habitabisq; cum eo dies aliquot, donec auertatur ira fratris tui, & obliuiscatur eorum quæ commisisti in eum, & ego te accipiam.

fam.] Timendū est enim ne deterior pars uel clā per in-
sidias, uel aperta ui meliorē opprimat: et optime cōsilit
Rebecca recte sentiēs patiētia. Si quādo uidebis, inquit,
uitiū magno impetu ferri contra uirtutē, & ista contē-
nenda magni facere, diuitias, gloriam, uoluptatem, &
ideo laudare iniustitiam, ut causam horum quæ non in-
uauimus, eo quod ad opes ac gloriam iniusti ante om-
nes perueniant: caue ne statim diuersam uiam ingredia-
ris, uersus ad egestatem & humilitatem, ne uē tetricam
uitam ac solitariam instituas. irritares enim aduersa-
rium, & molestiorem inimicum tibi parares. aduer-
te igitur quomodo petitiones eius euitare ualeas. uer-
sare cum eisdem, non dico studijs, sed obiectis eorū quæ
diximus, honoribus, potestatibus, argento, auro, pos-
sessionibus, coloribus formisq; eximijs & elegantijs. ca-
uactus, ut bonus opifex, optimas species materiārum nota-
to, unde laudabile opus facias. an nescis, quod imperitus
si nauē accipiat aptā ferendis tempestatibus, subuertit:
eandē gubernator exercitatus saepe seruat ē naufragio?
itidē egroti ab imperitis medicis uexati periculum salu-
tis incurrunt: ediuerso à peritis adiuti, etiam ē periculo-
sis morbis euadūt: et quid multis uerbis opus est? Sēper
quod ex arte fit, inertia redarguit & imperitia: ut si lau-
des illud, eadem opera diuersum uituperes. Ergo si uis
opulentū ut malum redarguere, ne diuerseris pecuniariē
copiam. nam ille miser mature se ostēdet, aut sordidum
appensorem obolorum & illiberalem fœneratorem,
aut luxu perditum & promum magis quā condum,
meretricum, lenonum, productorum, & huiusmodi

sodalitij patronum fautoremq; profusissimum. tu uero
 collationes facies in amicos pauperes, munificus eris er-
 ga patriam, pauperum parentum filias frugali dote au-
 gebis: tantum non in medium tua proponens, inuitabis
 ad fruendū quotquot digni fuerint hac gratia. pari mo-
 do si ambitioso & gloriæ mancipio uis exprobrare mi-
 seriam, & potes ipse honores adipisci, ne auerferis lau-
 dem publicam. sic enim supplantabis illum fastuose ince-
 dentem & gerentem se magnifice. ille abutetur sua clari-
 tate ad iniuriam & contumeliam aliorum se præstatio-
 rum, fauens contra eos deterioribus. tu contra cum om-
 nibus dignis communicabis honorem, securitatē parās
 bonis uiris, reliquos admonendo corrigens. quod si ad
 computationem aut sumptuosum conuiuium eundum
 erit, ito cum fiducia, intemperantem pudefacturus tua
 dexteritate. nam ille pronus, & concupiscentias prius
 quàm os diducens, auide ad saturitatem ingeret etiam
 quæ proximis sunt apposita, nec pudebit eum ligurire
 omnia. moxq; cibo differtus, spumantem paterā, ut poe-
 tæ loquuntur, hauriet, conuiuiis iridentibus & caullā-
 tibus. tu uero si nemo cogat, cōtentus eris modicis: quod
 si quando necesse habebis frui largius, ratione in consi-
 lium adhibita nunquam uoluptatem uertes in molestiā:
 sed ut ita loquar, salua sobrietate fies ebrius. non iniuste
 igitur ueritas incusare posset eos qui temere deserūt ui-
 tam civilem & curam augendæ rei domesticæ, dicuntq;
 se gloriam & uoluptatē contemnere, arrogantia est ista
 non contemptus, sordidatos & tristes dure tetricq; ui-
 tam sustentare, atq; ita inescare homines, uenditando se
 pro

pro honestatis frugalitatis patientiæq; amatoribus. sed qui perspicaciores sunt non decipiuntur, dum intus eos quam in cute spectare malūt. remotis enim istis uelamentis, quod post ea lateat considerant: ac tum demū si quid est boni admirātur, dānant contraria, et fucatos histriones auersantur. hoc genus homines sic appellandi sunt. Cur ita uobis placet uita solitaria semotis à populo? quod specimē probitatis prius edidistis? pecuniā cōtēnitis? scilicet quia iuste prius eā tractastis. simulatis uos uētris & eorū quæ sub uētre sunt uoluptates negligere: abstinuistis ne ab his cum haberetis earū copiam: et gloriā cōtēnitis. fuistis ne unq̃ modesti in honoribus? reip. curā deridētis, fortasse quia q̃ utilis sit nō intelligitis. exercitati prius in publicis priuatisq; negotijs, in germanis uirtutib. politica & economicaq; & usu parta harū peritia, transiistis ad aliā uitæ rationē meliorē scilicet. decet enim in actiua uita periculū facere, eū qui in contemplatiua exerceri uult. sic enim licebit otij pigritiæq; crimen effugere. sic & leuitis præcipitis ut fungantur ministerio usq; annuū L. deinde iam immunes contemplentur singula, bene actæ in ceremonijs uita præmiū accipientes aliam gaudentē sola consideratione rerū ac scientia. & alioquin etiā necessitas postulat, ut qui se putant digne affectare diuina, in iure humano prius consummati fuerint. est enim magna stultitia credere se affecturū maiora, qui spe minorum frustratus sit. Innotesce igitur primum per uirtutes humanas, ut mox per diuinas fias commendatior. Hæc sunt quæ Meditatore[m] docet patientia. Difficiamus uerba eius diligentius. Ecce, inquit,

Esau frater tuus minatur tibi.] Quernus ille & ob in-
 scitiam contumax mos, Esau nomine, irascitur: & por-
 rigens perniciosas escas, pecuniam, gloriam, uolupta-
 tes, ceteraq; id genus tuæ mortali uitæ insidiatur. tu ue-
 ro puer fuge præsens certamen: nonidum enim adules-
 es robore, sed adhuc nerui tuæ puerilis animæ sunt mol-
 liusculi. ideo puerum eum appellat, simul affectus æta-
 tisq; uocabulo. nam exercitatorium morem iuuenē nec-
 dum perfectum, dignum beneuolentia ducimus. talis en-
 tem idoneus est præmia proposita pueris auferre, cum
 non possit illa quæ uiri appetunt. uirorum uero præ-
 pium præmium est cultus solius dei. quapropter si qui-
 do nondum satis purificati, & contenti uitæ sordes u-
 cunq; abluisse, ad religiosas aulas uenimus, mox reple-
 mus à limine, non ferentes durum uictum, assiduos labo-
 res & peruigilia. fugiendum igitur hoc tēpore et quod
 pessimum & quod optimum. pessimum quidem signa-
 tum illud fabulosum, poema uersuum malorū & carmi-
 num, commentum ineruditum ac proinde durum atq;
 gneum, quod Esau præ se fert ipso nomine: optimu uero,
 anathema. genus enim destinati diuino cultui oblato-
 quædā est dei, cōsecrata ad eius solius summum sacra-
 tiū. nam cohabitatio cū malo nocet maxime, cū bono ue-
 ro perfecto periculosa est. itaq; Iacob & ab Esau fugi-
 & ablegatur à parentib. quippe qui meditator cum sa-
 dimicans adhuc in certamine, fugit quidē uitium, sed nō
 potest cum perfecta uirtute uiuere, ut nullius præcepto-
 ris opera indigeat. ideo proficiscetur ad Labanē, nō illi
 Syriū, sed fratrem matris suæ. hoc est, ad uitæ claritatem per-
 uenit.

ueniet. nam Laban candidus interpretatur. quò post-
quam peruenerit, non eriget ceruicem, inflatus fortunæ
prosperitatibus. Syrus enim elatum significat. nunc aut
Syri Labanis nulla fit mentio, tantum Rebecæ frater, di-
citur. nam uitæ facultates malo uiro datæ mentem extol-
lunt uacuam prudentia, quod Syri nomine intelligitur:
easdem si amator eruditionis accipiat, cōstanter perma-
net in honestatis placitis, hic est ille frater Rebecæ pa-
tiētiae, habitat autem Charran, id est, cauernas, per quas
sensus significantur. quisquis enim adhuc mortalis uitæ
coetus celebrat, opus habet instrumentis sensuum. habi-
ta igitur, inquit, mi puer cum eo, non in perpetuum, sed
dies aliquot. hoc est, cognosce regionem sensuum, cogno-
sce teipsum partesq; tui. quid sint singulæ, ad quid factæ
sint, quam uim innatam habeant, quis intus latens addu-
ctis reductisq; neruis miros motus faciat, siue tua pro-
pria mens, siue illa uniuersæ rerum naturæ communis.
deinde teipso satis explorato, etiam res Labanis diligen-
ter inspice, uanæ gloriæ felicitates ut uidentur magnifi-
cas, cauens ne ab ulla capiaris, sed tãquam bonus opifex
artificiose singulas tuis usib. acōmodes. nam si in hac ci-
uili promiscuaq; uita mores constantes & bene institus-
tos præ te tuleris, accersam te illinc, ut præmia qualia
tui parentes percipias. erit aut præmium, cultus illius so-
lius sapientis certus & perpetuus. eadem & pater docet
paucis additis dicens: Surgens fuge in Mesopotamiã in
domum Bæthuelis patris matris tuæ, & duces inde tibi
uxorem è filiab. Labanis fratris matris tuæ. Rursum e-
tiam hic non Syrum dixit Labanẽ, sed Rebecæ fratrem,

futurum meditatoris affinem per connubium. Fuge igitur in Mesopotamiam, hoc est in medium torrentem huius uitæ, & caue ne undis eius mergaris, sed sustinēs aduersos impetus & undiq; prementes uortices, propulsa hos fortiter. nam in sapientiæ domo tranquillam stationem inuenies, in quam te facîle queas recipere. Vocatur autem in sacris literis sapientia Bathuel: quod nomen interpretatur, filia Dei. Nimirum germana filia, uirgo perpetua, intactam impollutamq; naturam sortita, tum propter suam pudicitiam, tum propter parentis dignitatem. dicitur autem Bathuel Rebecæ pater. & quomodo filia dei, sapientia, iure pater dici potest? an quia sapientia nomen foemininum habet, naturam uero masculinam? siquidem uirtutes omnes habent appellationes foemininas, uires autem & actiones uirorum perfectissimorum. quoniam quicquid post deum est, quantum antiquum sit, cum secundo loco censeatur, collatum ad omnipotentem illum nō tam masculinum uidetur quam foemineum, ut cæteris creaturis simile. cum enim penes mares sit sexus priuilegium, deteriores habentur foeminae. proinde parum solliciti de huiusmodi differentia nominum, pronunciamus filiam dei sapientiam matrem et patrem esse gignentem in animabus eruditionem, disciplinam, scientiam, prudentiam, actiones honestas & laudabiles. ab hac meditator Iacob petit sibi coniugem. unde enim aliās inuenire potest sociam inculpabilem, cum qua etatem omnem exigat? Cæterum de fuga diligētius præscribitur in lege de homicidis, in qua omnes enumerantur species, tum uoluntarium homicidium, tum inuoluntarium

luntarium, siue dolo patratum sit siue consilio. uerba legis sunt hæc. Si quis alterum percusserit, et ille mortuus fuerit, ipse quoque morte moriatur. quod si non uolens fecit, sed deus eum in manus eius tradidit, dabo tibi locum quò homicida fugiat. quod si quis per insidias proximum occiderit, et ad altare meum confugerit, abstrahum inde afficies supplicio. Cum scirem leges nullo uti uerbo superuacaneo, qualia per nimiam loquacitatem excidunt, hesitavi intra meipsum, cur homicidam uoluntarium non modo mori pronunciet, sed morte mori. quid enim aliud morientes quàm mors enecat? adita igitur muliere sapiente, cui nomen disceptatio, desiquærerere. ea respondit, malos etiamsi ad extremum pertingant senium, esse mortuos, quod uirtuti non uiuant. probos uerò etiamsi disiungantur à corpore, sortitos immortalitatem in sempiternum uiuere. sententiam hanc confirmabat per oracula. unum erat hoc. Qui adheretis domino deo, uiuitis omnes hodie. Supplices dei solos agnoscit pro uiuis, reliquos habet pro mortuis. illis uerò etiam immortalitatem pollicetur, non solum dicens uiuitis, sed addens hodie. per hanc enim uocem intelliguntur infinita secula. mensium enim annorum et in uniuersum temporum circuitus, dogmata sunt hominum magnifacientium numeros. uerum autem nomen cui est hodie, sol enim nunquam mutatus semper idem est, nunc sub terra nunc super terram decurrens, diei noctisq; arbiter, quibus metimur secula. Alterum autem oraculum sic attestabatur. Ecce posui coram te uitam et mortem, bonum et malum. ergo uir sapiens crede

bonum uirtutem & uitam esse, malum uerò mortem & uitium. Aliubi quoq; legitur: Hæc est tua uita & longæuitas, dominū deum tuum diligere. Egregia uitæ immortalis definitio: dei dilectione amoreq; incorporeo corripit. sic sacerdotes Nadab & Abiud ut uiuant moriuntur, pro mortali uita recipiētes incorruptibilem, & à creaturis ad creatorem migrantes. argumentū immortalitatis eorū est quod legitur: Tūc mortui sunt coram domino, id est, uiixerunt. mortuum enim nefas est uenire in cōspēctum dei. Idē dicit ipse dominus: In propinquantib. mihi sanctificabor. Mortui uerò, sicut & in hymnis canitur, non laudabunt dominum. hoc enim uiuorū est officium. Caini uerò impudentis fratricidæ mors nusquam in lege inuenitur, imò extat hoc oraculum de illo: Apposuit dominus deus Caino signum, ne quis eum inuentum interimeret. Cur ita? Opinor, quia impietas malum est infinitum, quod semel accensum nunquam extinguipotest, in quam competit illud poeticum:

Immortale malum, nulla debile morte.
Immortale in præsentī uita, alioquin apud deū exanime mortuumq;, & ut quidā inquit, abiectius quàm sterquilinum. oportebat autem diuersas regiones rebus differentibus attribui, bono cælum, malo terræ cōfinia. Itaq; bonum superna petit, etiam si nonnunquā ad nos descendit: quia pater eius est munificus. sed meritò cupit sursum recurrere. Malum uerò hic permanet, à diuino choro semotum quàm longissimè, oberrans circa uitā mortalem, cum non possit morte sua mortale genus relinquere. id quidā inter sapiētes celebratus testatur magnificus

in Theateto sic: Sed nec penitus extirpari mala est possibile: nam deo semper aliquid opponi necessum est: nec tamē apud superos locū habere possunt, coacta circa mortalem naturā & hæc inferiora loca oberrare. quare conandum est hinc illuc fugere quā celerrimē. est autē fuga, si deo similes efficiamur pro uiribus. proinde merito Cain non moritur, qui significat uitium, semper uicturum in genere mortali cum hominibus. itaq; non absurdē dictū est morte mori homicidam, propter causas iam prædictas. quod autem dicitur de inuoluntarijs homicidis: Non sponte, sed deus eum tradidit, ualde bene dictū est. existimat enim uolūtaria facinora esse nostri animi, inuoluntaria uerò ad deum referenda: nō loquor de peccatis, sed de pœnis peccatorum. nō est enim decorum ut ipse deus puniat, cum sit primarius legislator optimus, sed per alios animaduertit in homines noxios: non per semetipsum. Cōuenientius enim est ut gratias, beneficia, munera, porrigat ipse suapte natura bonus ac munificus: supplicia uerò non sine iussu eius, qui regnum sempiternum tenet, per alios tamen exigantur quos decet tale ministeriū. Testis est mihi meditator ille his uerbis: deus qui nutrit me à iuuetute mea, angelus ille qui me liberat ē malis omnibus. antiquiora bona quibus anima nutritur, accepta deo fert: dei famulo posteriora, quæ ad fugam peccati pertinet. ideo sicut opinor, & cum de mundi opificio philosophatur, postquam dixit omnia cætera deum creasse, solum hominem etiam alijs cooperantibus plasmatum esse docuit. Dixit, inquit, deus: Faciamus hominem ad imaginem nostram: per hoc uerbum

Faciamus

Faciamus multitudinem significans. Ergo pater ille
 rum alloquitur suas potentias, quibus mortalem hanc
 animæ nostræ partem fingendam dedit, imitantibus
 tem ipsius, quando rationalem in nobis formabat: equum
 ducens ut à principe rerum principalis pars fabricaretur
 in anima, subiectæ uerò, à subditis potentijs. usus est
 autem his potentijs non solum ob modo memoratam cau-
 sam, sed quia hominis anima sola intellectum bonorum
 malorumque habitura erat, et electura alterutrum quo-
 do utrumque non potest. necessarium igitur duxit malorum
 facturam alijs tribui opificibus, bonorum uerò soli.
 quapropter cum prius dixisset, faciamus hominem
 tanquam de pluribus mox tanquam de uno loquitur.
 cit deus hominem. nam ueri hominis, qui est mens
 purissima, unus solus deus est opifex: plures uerò eius
 uulgo sic uocatur, mixtus atque temperatus ex sensibus
 quãobrem ille eximius homo indicatur per articulum.
 legitur enim, Fecit deus illum hominem, illum speciem
 et carẽtem intellectum. uulgaris autem homo
 huiusmodi additamento ponitur. nam cum dicit, Faciamus
 hominem, è bruta rationalique anima contextum
 significat. Huc accedit quod benedictio bonorum et
 benedictio contrariorum, non per eosdem fit, quamuis
 utraq; sit laudabilis. Quoniam autem in demonstrati-
 uo genere primum est laudare dignos, secundum uituperare
 eos qui merentur: cum sint huius generis principes
 xij. numero, qui phylarchæ solent nominari: sex præ-
 stantiores, collocauit in benedictione, Simeonem, Leui-
 udam, Isacharem, Iosephum, Beniamin: reliquos in ma-
 ledictione

leditione, primum ac nouissimum è Lîæ filijs Ruben & Zabulonem, & quatuor illos ex ancillis genitos, nam regie sacerdotalisq; tribus principes, Iudas & Leui, in priore censentur ordine. merito igitur etiam qui morte digna patrarunt facinora, in aliorum manus deduntur ad supplicium: ut doceamur quod mali natura longè à diuino choro exulat, quando etiam bonum propter so- lam mali similitudinem, executionem per alios accipit. Illud autem, Dabo tibi locum quò fugiat qui nolens occi- dit, ualde rectè dictum mihi uidetur. Locum enim uo- cat nunc non eum qui occupatur à corpore, sed obscure ipsum deum subindicat. continet enim ille non continetur, & est omnibus refugium. Fas igitur est dicere, eum qui nolens mutatur, mutari diuinitus, quod de sponte peccantibus dicere non licet. Daturum autem se ait, non interfectori, sed ei cum quo loquitur: ut alius sit habita- tor, alius profugus. nam suo populo deus patriam dat cognitionem sui, quam ut indigena inhabitet: eandem fu- turam per errorem lapsis refugium, sed ut inquilinis nō ut ciuibus. Post hæc sapienter statuta de cæde non uoluntaria, transit legislator ad insidias dicens: Quod si quis dolo aggressus proximum ut occideret, ad deum confu- giat. locum uidelicet quem figuratè dixerat, in quo uita contingit omnibus. nam & alibi dicit: Quisquis illuc fu- gerit uiuet. nimirum uita æterna est ad illud Ens refu- gium, sicut contrà mors, ab illo fugere. quod si quis insidiatur, omnino uolens facit iniuriam: & quod do- lo fit reum facit, sicut insontem quod sine dolo fit. Er- go nullum facinus suppuratum, dolo sum, & data opera.

patra-

patratum, meretur ut dicatur factum ex dei sententia, sed ex nostra propria. intra nos ipsos enim ut dixi, thesauri uitiorum sunt, apud deum uerò solorum bonorum. quisquis igitur eò confugerit, id est, quicumque peccati auctorem non seipsum sed deum incusat, puniatur: nec profit ei refugium, quod solis supplicibus est salutiferum. & meritò, nam altare plenum est immaculatis uictimis, animabus inquam purificatis & innocētibus. est autem natus insanabilis, auctorem malorum deum dicere. proinde qui sic male morati sunt, ut seipsos magis ament quàm deum, praecul à sacris maneant scelesti & impuri, nec è longinquo sacram flammam animae inextinguibiliter accense ac deo consecratae spectare idonei. Perpulchrum est quod quidam è priscis sapientibus in hanc sententiam est ausus dicere: Deus haudquaquam iniustus est, sed dici nō potest quàm sit iustissimus. ei nihil est similius, quàm qui nō est, circa hunc est robur uiri & uera grauitas, itemq; timiditas & ignauia. Nam hunc nosse, sapientia & uera uirtus est: contra, huius ignorantia, ruditas est & manifestum uitium. Aliæ uerò præcellentiae ut uidentur & sapientiae in potestatibus publicis onerosae sunt, in artibus uerò uulgares & humiles. Postquam igitur iussit abstrahi malè de deo loquentem à sacrarijs, & tradi ad supplicium, deinceps ait: Qui uerberat matrem patremque, moriatur.] Tantum non clamat ac uociferatur, nemini dandam ueniam qui in deum blasphemus sit. nam si mortali parenti conuitiatus luit supplicium, quā poena dignum uideri potest qui male loqui sustinet de parente creatoreq; rerum omnium: & quod potest esse conuictum grauius

nus quàm contendere, nō ex nobis mala prouenire, sed ex deo? Arcete igitur arcete ô initiati & mystriorum præfules à diuinis orgijs cōfusam colluiem animarum impurarum, cōtaminatarum maculis ineluibilibus, in- obferatas aures, & reclusam linguam habentium, & instrumenta suæ miserie parata circumferentium, ut & loquantur quiduis, & nefaria dictu audiant. ceterum qui norunt quid intersit inter uoluntaria & inuoluntaria, & os bene loqui doctum pro calumniatrice lingua sortiti sunt, dum recte faciūt laude digni sunt, si quando uerò labuntur per imprudentiam, non sunt admodum uituperabiles: & ideo ciuitates eis ad refugium selectæ sunt. Dignum est enim ut de hoc loco dispiciamus quædam necessaria. Sunt autem quatuor, primum cur non ex aliarum tribuum sortibus, sed tātum ex Leuiticæ, selectæ sunt ciuitates profugis. secundum, cur sex non plures paucioresue. tertium, cur trans Iordanem tres, reliquæ in terra Chananæa. quartū, cur profugis terminus reditus præscriptus est mors summi sacerdotis. dicamus igitur quæ de singulis dicenda sunt à primo faciendū principium. quod in solis Leuitis contributas ciuitates iubentur fugere, æquissimum est. nam & Leuitæ quodammodo sunt profugi, qui propter cultum diuinum deseruerunt parentes, liberos, germanos, & totam mortalem cognationem. quorum sodalitij princeps inducitur sic patrem matremq; alloqui: Nō uidi uos, & fratres non noui, & filios ignoro, ne quid me à cultu eius Qui est distrahat. est autem uera fuga, priuari charissimis necessitudinibus, quæ profugos commendat profugis,

ut

ut cōciliante illos similitudine, sequatur perpetratorum obliuio. aut igitur hæc causa est sola, aut illa quoque, quod sacrata Leuitarum tribus, adoratores iuuentutis rei, hoc est factus Aegyptiaci, quotquot pubertatem ex-
 cesserant uno incurſu contrucidauit, concita furore iu-
 ſtiſſimo immiſſo ſibi diuinitus. Interficit unusquiſq; fra-
 trem ſuum & propinquum & proximum, germanum
 animæ corpus, rationi uerò propinquas irracionales
 potentias, deniq; menti proximum ſermonem qui ab eis
 promanat. nec enim aliter noſtri pars optima poteſt
 uadere cultrix eius qui in uniuerso eſt optimus, ſed ante
 omnia homo uertendus eſt in animam, ſeiuncto reſpici-
 germano eius corpore cum ſuis concupiſcentijs inſatia-
 bilis. quo facto brutæ partes animæ ſeiungendæ ſunt
 cognatis rationalibus. nam hæc more torrentis in alveos
 quinq; diuiſi, per omnes ſenſuum lacunas concitantur
 petus affectuum. mox à mente ablegandus eſt ſermo qui
 uidetur ei proximus: ut ſola mens ſuperſit, à corpore à
 ſenſu, & à ſermone deſtituta. ſic enim iam ſolitaria ſunt
 re complectitur id quod ſolum colendum eſt, non diſtra-
 cta rebus alijs. Huc accedit, quod Leuitica tribus æditi-
 rum & ſacerdotum eſt, penes quos eſt ſacrorum miniſte-
 rium. ad quod miniſterium pertinent illi etiam qui in-
 iuri patrant homicidium, ſiquidem teſte Moſe deus tradi-
 dit in manus eorum, ut tollantur qui digni morte ſunt
 uerum Leuitarum eſt pro meritis referre præmia, iſte-
 rum uerò punire noxios. Hæ ſunt cauſæ ob quas homi-
 cidæ non uoluntarij ad ſolas ædituorum ciuitates conſu-
 giunt: ordo poſtulat ut deinceps dicamus quænam ſint

et cur sex numero. An quoniam antiquissima & muni-
tissima, non solum ciuitas, sed ceterarum etiam metro-
polis, dei uerbum est: quod primum & utilissimum
est refugium. alie quinque; ceu colonie, potentie sunt id
proferentis, & in his precipua creatura, per quam opi-
fex uerbo suo mundum condidit. proxima regia per quam
conditor creaturis imperat. tertia propitia, per quam
opifex miseratur opera sua. Quarta legislatoria, per
quam etiam uetantur illicita. Pulchrae ciuitates & muni-
tae, animarum dignarum egregia receptacula. bonum etiam
humanumque institutum, quod confirmat ad bene speran-
dum. quis alius potuisset tantam copiam rerum profutua-
rarum ostendere, in tanta uarietate non sponte peccan-
tium, quibus nec uires eadem sunt, nec imbecillitas ead-
em? consilium est igitur ut qui cursu ualet, sine respira-
tione contendat ad summum illud uerbum diuinum, fon-
tem sapientie, ut de riuo eius hauriens, pro morte pre-
mium aeternae uitae inueniat. Qui non aequè celer est, ad
creaturam confugiat potentiam, quam Moses nominat
deum, quia per eam disposita ornataque sunt omnia. Quis-
quis enim mundum creatum intelligit, non mediocriter bo-
num lucratus est, creatoris notitiam. haec enim cito per-
suadet ut creatura conditorem suum diligat. Quod si
quis ne ad hoc quidem est idoneus, accedat ad regiam.
Timor enim cohibebit subditum, si pareris amor parum
ualet apud filium, ut castigatione contineatur in officio.
Rursum, si quis ne hos quidem terminos, ut longinquos
ualet attingere, huic interiores metae praefixae sunt ne-
cessariorum potentiarum, propitia, & praecipietis quid-

agendum, ac uetantis nequid fiat quod fieri non debet. nam quicumq; iam persuasum habet, deum esse non inclementem, sed natura exorabilem, is etiam si peccato præueniatur, mox pœnitet, dum sperat fore ut ille obliuiscatur. & quisquis credit deum esse legis autorem, mandata seruando felicitatem assequetur. postremus ultimum habebit refugium, ut malis careat, si bonis superioribus potiri non datur. Hæ sunt illæ sex ciuitates, quæ refugia uocantur: ex quibus quinque suas figuras habent ac imagines in sacris literis: præcepti quidem & interdictionis leges in arca reconditas: propitiationis autem, arcæ ipsius operculum. hoc enim uocatur propitiatorium. creatiue porro ac regie potentiæ, duo Cherubim alata huic apposita. cæterum intellectus ille diuinus omnibus his superior, non cadit in uisibilem speciem, ut qui nulli rei sensibili est similis, sed ipse imago dei, altissimus omnium intelligibilium, & summo proximus, quando quidem nihil medium est inter ipsum & Enkailud uerissimum. Scriptum est enim, Loquar tibi supra propitiatorium inter duo Cherubim: ut uerbum potentis pro auriga sit, is uero qui loquitur pro uectore, ad cuius celeuma uniuersum hoc auriga regat & temperet. Ergo ille qui tantum abest ut sponte delinquat, ut ne imprudens quidem id faciat, ipsum deum sortem habebit, in eo solo habitaturus. Cæterum qui non de industria, sed inconsulte labuntur, habebunt refugia ciuitates felices & diuites. Itaque tres earum sunt transiuentis, multum à nostro genere distitæ. Quenam hæc Verbum illius summi principis, & potentiæ creatiue regis

glāq; harum enim cælum & uniuerſus mundus eſt. con-
fines autem & contiguæ humano mortali generi, quod
ſolum peccato eſt obnoxium, tres citeriores, propitia,
& imperatiua, atq; prohibitoria. nam hæc iam ad nos
pertinent. quid enim opus eſt interdictione non aber-
raturis à iuſtitia? quid præcepto, niſi his qui ſua pte na-
tura procliues ad lapſum ſunt? quid illa propitia poten-
tia peccato nulli obnoxii? Sed noſtrum genus his opus
habet, ſic natum ut ad ſponte ſecũsue peccandum pro-
cliue ſit. Super eſt quarta quæſtio ex propoſitis, reditus
tempus præſinitum profugis, mors ſummi ſacerdotis,
quæ mihi non paruum exhibet negotium. In eadem e-
nim culpa diſpar pœna lege ſtatuitur, dum alijs longius,
alijs breuius ſit exilium. nam quidam pontifices longæ-
ui ſunt, quidam cito defunguntur: & alij iuuenes, alij
ſenes accipiunt ſacerdotium. item inuoluntariæ cæ-
dis rei quidam initio pontificatus profugiunt, quidam
ſub mortem pontificis: atque ita quidam per longum
temporis ſpaciũ carent ſolo patrio, alij per unum
diem ſi fors ſerat. quo elapſo ceruicem erigunt, & ſu-
perbi deridentesq; cognatos occiſi, domos ſuas repe-
tunt. hanc difficultatem in qua hæremus ita licebit e-
uadere, ſi rationes naturales omiſerimus. Hæc eſt igitur
noſtra ſententia, pōtificem hunc non hominem, ſed
dei uerbum eſſe, quod expers eſt peccatorum omnium,
non ſolum ſpontaneorum, uerum etiam inuoluntario-
rum. hūc enim negat Moſes uel ob patrem intellectum,
uel ob matrem ſentiendi uim contaminari, ut opinor i-
deo, quia parentes immortales puriſſimoſq; ſortitus eſt

patrem deum qui omnium rerum pater est, matrem uero sapientiam, per quam quicquid est, cum prius non fuerit, in lucē prodijt. Et ideo caput eius ungitur oleo: principatus inquam eius splendido circumfulget lumine, ut merito existimetur amictus uestibus. nam antiquissimum eius Qui est uerbum mundo ut ueste induitur, uestitur enim terra, aqua, aere, igne, et cæteris quæ ex his ortum habent. Anima autem particularis uestitur corpore, et sapientis mens uirtutibus. Quod autem caput eius perpetuo mitra tegitur, significat diadema regum, in signe potestatis non summæ quidem, sed proregiæ, alioquin mirificæ. idem uetatur uestem scindere. nam et Entis illius uerbum cum sit uinculum rerum omnium ut dictum est, continet partes omnes et constringit, finiens eas dissolui dilabiq; et particularis anima, quantum potest non permittit ullam partem corporis præter naturam diffindi resecariq; ita ut integræ omnes et inter se unitæ cohæreant indissolubiles. mēs item sapientis purificata integras et coniunctas uirtutes cōseruat, conciliante eas naturali cognatione. Hic pōtīfex ad illam animā mortuā, ut inquit Moses, superueniet. mors autem animæ est uita cum uitio. itaq; nullum scelus attinget, qualia tractare solet insipientia. huic etiam uirgo sacratio genere iungitur, pura, incontaminata, semper incorrupta sententia. nam uiduæ uel expulsæ uel profanæ uel meretricis maritus nunquam fiet, perpetuus inimicus harum omnium. odit enim uiduatas uirtutes, et expulsas profligatasq; ab ea, atq; etiam omnem profanam persuasionem, et promiscuam consuetudinem cum multis

multis numinibus. proinde impiam meretricem ne aspi-
cere quidem dignatur, amator eius sceminae quae unum
maritum habet, & unum parentem profitetur deum om-
nipotentem. in huiusmodi conditione apparet eximia
quedam perfectio. nam illum qui magnā precationem
precatus est constat si non sponte, lapsum certē per incu-
riam. Dicit enim: Quod si quis coram eo repente moria-
tur, in praesens contaminabitur. nam si quid praeter uo-
luntatem repente ingruit, in praesens animam nō in lon-
gum tempus contaminat, cum non sit uoluntarium. De
his pontifex non est sollicitus, quippe tum his tum uolun-
tarijs superior. Hec autem non extra propositum dixi,
sed ut docerem, nō alienum esse à iure naturali, mortem
pōtificis praescribi profugis exilij terminum. nam quam-
diu hoc sanctissimum uerbum uiuum superest in anima,
non est possibile uerti eam sponte in deterius. expers est
enim peccati omnis, & suo pte ingenio abhorret ab eo.
quod si moriatur, non quod ipsum pereat, sed disiunga-
tur à nostra anima, confestim datur reditus peccatis in-
uoluntarijs. nam si illo saluo in nobis exulabant, omni-
no post eius discessum redibunt. hic enim eximius ho-
nor impolluto pontifici à natura est exhibitus, ut illo
praesente mentis error locum non habeat. ideo uotis om-
nibus expetendum est ut uiuat in anima pontifex, iudex
simul & redargutor, qui pro mentis tribunali erga reo-
rum personas sit indifferēs. Haecenus de profugis quan-
tum locus postulabat, deinceps sequemur contextum re-
liquum. Inuenit, inquit, eam angelus domini in uia.]
Nimirum missus ut animae praepudore periclitanti ne

aberraret succurreret, tantum non dux itineris futurum
redituræ ad expertem erroris sententiam. Profuerit autem
et de inuentione quæſitioneq; unâ cum legiſtatore
philosophari. Quosdam enim inducit nec quæretes nec
inueniētes, alios utroq; modo felices, alios alterutro fru-
ſtratos: quòd ex his quidam quærendo non inueniunt,
quidam non quærendo inueniunt. Quicunq; nec quæ-
rere nec inuenire cupiunt, rationem ſuam per inerradi-
tionem et inexercitationem afflixaerunt grauiter, et
cum poſſent acutè cernere, cæcati ſunt. Sic ait uxorem
Lot retroſum uerſam mutatâ in ſtatuam, non fabulam
ſingens, ſed rei proprietatem indicans. Quisquis enim
contempto præceptore per innatam ſimul et conſue-
tam ſocordiam, relinquit anteriora, per quæ poſſet ui-
re, audire, alijsq; uti potentijs ad res naturales diſiuda-
candas: et circumacta retroſum ceruice, cæca uita-
gocia pluris facit quàm partes ſui corporis, inſanabile
tua ſit nihil à ſurdo inanimatoq; lapide differens. nō ha-
bent enim, ut Moſes loquitur, tales mores cor ut intelli-
gant, oculos ut uideant, aures ut audiant, ſed cæcam, ſur-
dâ, ſtupidâ, omni ſenſu orbatâ, minimè uitalem uitâ ſibi
reddiderunt, nihil curantes eorum quæ curare deberet.
huius chori princeps eſt rex regionis corporea. Con-
uerſus, inquit, Pharao intrauit in domum ſuam, ac ne
huic quidem rei mentem adhibuit. ac ſi diceret, nihil
quam curauit, ſed paſſus eſt ſe tanquam plantam incule-
tam areſcere et ſterileſcere. nam conſiliarij diſceptan-
do conſiderândoq; intellectum acuiunt: qui ſi ſe exerceat,
domi natos fructus percipiet, perſpicacitatem et ſolere-
tiam

tiam: si se tradat incogitantie, torpescit & hebetat aciem prudentie. Verum istam brutam & prorsus inanimatam sodalitatem ualere sinamus: præstat ad quærentes & considerantes conferre se. ac mox occurret mos ciuilis, non ambiciosus tamen, cupidus melioris generis quod uirtutes sortite sunt, & quod quærit inuenire inducitur. Inuenit, inquit, homo Iosephum in campo, et interrogauit, Quid quæris? qui respondit, Fratres meos quero. indica mihi ubi pascant. Dixitq; ei homo: Discesserunt hinc. audiui enim eos dicentes, Eamus in Dothain. & secutus est Ioseph fratres suos, & inuenit eos in Dothain. Interpretatur Dothain defectio non parua, quod significat animam non mediocriter sed perfecte deseruisse uanas opiniones, quæ mulierum magis quàm uirorum negocijs sunt similes. ideo pulchrè uirtutem Sarram deficiunt muliebria, circa quæ occupati sunt qui parum uirilem effœminatamq; uitam sectantur. at sapiens etiam deficiens apponitur secundum Moysen. rectè & naturaliter. quod enim uana opinioni demitur, id ueritati apponitur. Quod si quis adhuc in mortali, promiscua multiformiq; uita degens, & copia rei familiaris abundans, circumspicit & querit meliorem gentilitatem, solum summum bonum spectantem, dignus est qui suscipiatur, si non denuo somnijs & imaginationibus bonorum uulgarium obuersantibus sibi delectetur: manens enim in non adulterina contemplatione quæ sit oculis animæ, quæ sitos assequetur per uestigia, nec prius desistet quàm ad eos perueniat. Sed nemi- nē horū apud malos inueniet. Quare? Discesserūt hinc

deserentes nostra studia: transuerunt ad desertam à ma-
lis regionem piorum hominum. Hæc autem dicit uerus
homo redargutor qui inest in anima: quam dum uidet
hesitantem, dubiam, querentemq; metuit ei ne aberrans
rectam uiam non inueniat. Illos quoq; ualde mirari so-
bet, alterum scitanti de extremorum medio, dicentiq;
Ecce ignis & ligna, sed ubi pecus in holocaustoma? alter-
rum respondentem, Deus providebit sibi de uictima mi-
puer, ac mox inuenientem suppositam. & ecce arietem
cornibus implicitum in frutice Sabec. Videamus quid
dubitante queritur, quid respondens ostendit, tertium,
quid inuenitur. Percotatio talis est. Ecce ignis causa ex-
ciens, ecce ligna materia patiens, ubi effectus, quod re-
quiritur tertium? ac si dicat, ecce intellectus, calidus ca-
densq; spiritus. ecce intelligibilia, tanquam materia. sed
ubi tertium illud, uidelicet intelligere? Rursum ecce
sensus, ecce color, ubi uidere? & in uniuersum, ecce
iudex, ecce obiecta eius materie, ubi ipsum sentire? hæc
scitanti par est responderi, deus sibi ipsi providebit. nam
illud tertium dei proprium opus est. ipsius enim est pro-
uidencia. Intellectus percipit, uidet uisus, sentit sensu
quolibet. Sed aries inuenitur hærens, hoc est ratio quies-
cens, & assensum cohibens. opima enim uictima est
quies & hesitantia in his rebus quarum certa fides non
est. nam scriptura hoc tantum dicit, Deus uidebit, cui
nota sunt omnia, qui clarissima sua luce sibi ipse illustrat
omnia. De cætero apud creaturam silentium est, quia
magna caligine offunditur. in tenebris autem nihil ue-
lius est quam quiescere. Item qui quæsiuerunt quodnam
esset

esset alimentum animæ (nesciebant enim, ut dicit Mo-
ses, quid esset) inuenerunt edocti esse id uerbum & ratio-
nem diuinam: unde omnes disciplina scientiæq; perenes
fluunt: & hic est ille cælestis cibus. Quod sacra scripta
ra indicat ex persona dsi dicens: Ecce ego pluo uobis pa-
nes de cælo. Nam reuera sapientiam ætheream deus su-
perne instillat generosis & spectandi cupidis mentibus.
At illæ hæc uisa degustataq; delectatæ, experimento di-
scunt, autorem tamen eius uoluptatis nesciunt. ideo per-
contantur, quid est hoc, melle dulcius, niue candidius?
Discunt autem ex uate suo, hunc esse panem quem dedit
eis dominus ut ederent. Quis igitur est hic panis, age dic.
Verbum, inquit, hoc quod præcepit dominus. Hæc præ-
cepta diuina Israelitica, id est, perspicaci animæ asserunt
lucem simul & dulcedinem, splendore ueritatis eam ir-
radiantia, & dulcibus uirtutis persuasionibus sitim ho-
nestatis refrigerantia. Quin & propheta ipse quæren-
do quæ sit bene uiuendi causa efficiens, inuenit quod
cum solo deo familiaritas. Cum enim anxius quæreret,
quis sum ego ut Israelitas ab eo qui regnare uidetur mo-
re contra deum rebellante liberem, monitus est oraculo
pollicente dei præsentiam. Et habent quidem inquisitio-
nes particulares dubio procul elegantem contemplatio-
nem philosophicam: sed summum illud bonum incom-
parabile deum autorem omnium si quis quærat, exhila-
ratur mox in primo eius contemplationis aditu, nec fru-
stratur suo proposito, prodeunte obuiam illa propitia
natura per uirgines gratias, & ostendente se uisendi sui
cupidis: non qualis est, quod fieri nequit, quoniam &

Moses auertit suam faciē, ueritus coram obtueri deum: sed quantum datur creaturæ ad res intelligibiles accedere. Hoc quoque inter præcepta relatum est. Conuertimini, inquit, ad dominum deum uestrum, & inuenietis eum, quando quæretis eum ex toto corde & ex tota anima. Absoluto hoc capite consideremus tertium: ubi etiam si non deest quærendi uoluntas, inuentio tamē non sequitur. Laban quamuis scrutatus totam animalem domum Meditatoris, non inuenit, ut Moses narrat, summa lacra. plenus enim erat negocijs, non somnijs & uanis imaginationibus. Nec illi cæci mente Sodomitæ furiose conati uiolare sacros & impollutos sermones, inuenierunt ducentem ad eos uiam: sed ut ait scriptura, quærendo præterierunt ianuam: quamuis circum ædes cursitando, & omnem momendo lapidem, ut explerent suas immanes & impias cupiditates. Nec defuerunt quolibet a ianitorum cōditione ad regnum ascendere, & quo nihil in uita præstantius est, ordinem turbare, nos solum nefaria spe frustrati sunt, uerum etiam præsentis felicitate priuati fuerunt. nam eos qui cum Core conspirarant, lex narrat excidisse ab utraq;. Sicut enim non eadem discunt uiri quæ pueri, sed suæ cuique etati discipline conueniunt: sic interdum natura fert ut anime pueriles maneant etiam in senilibus corporibus, & contra perfectæ inueniantur in florentibus adhuc & pubercentibus. Merito igitur stultitiæ notam incurrunt, qui maiora quàm pro ingenio suo cupiunt. quia conatus omnino maior quàm pro uiribus nimietate sua uanescet, et Pharaō quærens extinguere Mosē genus prophetiæ, nunquam

nunquam eum inueniet. & tamen obiectū ei graue crimen audierat, quod moliretur totius corporei regni perniciem, bis id aggressus, primum opponens se instituto Aegypto, uoluptatis arcē munienti aduersus animam. percussum enim defodit in sabulo, re passim iacēte, ratus unius esse utraque dogmata, de uoluptatis inter bona principatu, & de principijs rerum ex atomis. Iterū uero comminuenti naturam boni resistens, & partē eius animo, partem corpori, partē externis rebus tribuenti. Vult enim id integrū in sortē cedere mēti, quæ pars nostri est præstantissima, nec dignatur id cōmunicare cū inanimis. ne illam quidē inuictā uirtutē, non admodum placentē ridendis theatris hominū, cui nomē Thamar, is qui ad eā querendā missus est inuenit. Recte iuxta naturam. Legimus enim sic: Misit Iudas hædum per pastorem suū Odolamitam, ut reciperet pignus à muliere, & non inuenit eam. Interrogauitq; homines loci eius, Vbi est meretrix quæ fuit in Aenan iuxta uiam. qui responderunt: non fuit hic meretrix. & reuersus ad Iudā dixit: non inueni. & homines loci eius negant ibi unquā fuisse meretricem. ait Iudas: habeat sibi, modo ne irridear. ego misi hædū hunc, tu eā nō inuenisti. ô mirū experimētū. ô non alienā à sacris tentationē. itā ne pignus datur? Mēs empturiens pietatē possessionē pulcherrimā, tribus sibi cauere uult pignorib. anulo, armilla, baculo, ut sermo cū uita cōueniat, uita uerò cū ratione, accedēte recta disciplina, qua fulciri profuerit. id pignus an bene datū sit examinat. at quo examine noscitur? si aliqua esca obijciatur attrahēdi uim habēs, ut sanitas, diuitiæ, integritas

corporis, aut aliquid simile, & spectetur utrò tanquam
in bilance res proclinet. nam si ad aliquid horum procli-
nabit, pignus certum non erit. Misit igitur hædum ut re-
ciperet pignus à muliere, non ut omnino reportaretur,
sed si forte illa indigna esset id retinere. & quomodo in-
digna? si eximias res mutet mediocribus, & adulterina
bona pluris quàm germana faciat. Sunt autem germana
bona hæc, fides, congruentia dictorum factorumq; &
rectæ disciplinæ regula: sicut ediuerso mala, increduli-
tas, incongruitas, ineruditio: adulterina uerò ad brutū
impetum pertinent. Querens igitur non inuenit eam.
difficile enim est, uel potius impossibile, in confusæ
uita uirtutem inuenire. & si quærat in quouis uirtu-
tis loco, num ibi sit prostituta anima, aperte respondebi-
tur: nec est, nec fuit antea. nam impudica, uel prostituta,
uel triuialis foemina, uel ætatis florem uili uenditās, uel
foris lauta ac nitida, intus sordida, uel pictæ tabellæ in-
morem coloribus fucata faciem ob nativæ uenustatis
inopiam, uel multos uiros tanquā rem bonam affectās,
uel multinuba, uel ad multorum illusa libidinem, ibi nō
est. His auditis qui quæsiturum miserat, uir non inuidus
& natura benignus, non mediocriter gauisus, inquit:
Equidem optarim ut illa sit matrona bona mente prædi-
ta, honestate, temperantia, cæterisq; ornata uirtutibus,
uno marito contenta, occupata cura & administratio-
ne rei domesticæ. Si talis est, habeat sibi quæ dedi, disci-
plinam, uerborum cum uita congruentiā, præcipue uer-
ro fidem summè necessariam. modo ne irridear, quasi er-
ga indignam munificus, quāuis me credo ea donasse
que

quæ maxime conueniunt animæ. Equidem feci quod faciendum erat uolenti morum experimentū sumere, mita-
tens escam & offerens. sed comperi tale ingenium non
facile decipi. incertus sum tamen cur nō facile capiatur.
plurimos enim uidi admodum malos eadem quæ ualde
boni agunt facere, licet diuerso animo: quoniam in illis
ueritas, in his est simulatio, quæ non facile dignoscitur.
nam sæpe res minus felix fuit quàm opinio. Sed & hir-
cum pro peccato, studiosus uirtutis quærit quidē at nō
inuenit. iam enim, ut docet scriptura, concrematuſ est.
id considerandum quid significet. Non peccare deo pro-
prium est, sapienti uerò, pœnitere. & hoc quoq; durum
est ac inuentu difficile. Dicit igitur oraculū, quod quæ-
rens quæsiuit Moſes in uita mortali doctrinam de pec-
catorum pœnitentia. Conabatur enim inuenire uestitā
peccatis animam, & sine pudore exuentem se eis nudan-
temq; non inuenit tamen, flamma, ocysſimo inquā bru-
to impetu descendente, depascentēq; totam animam. uin-
cuntur enim pauciora à pluribus, à uelocioribus tardio-
ra, futura à præsentibus. est autem contractum quiddā
& tardum & futurum pœnitentiæ: contra multa uelox
continua in hac uita occurrit iniuſtitia. Merito igitur
quidam in mutatione constitutus, negat se posse oblatio-
nem pro peccato comedere. conscientiam enim sibi non
permittere ut nutriatur pœnitentia. Ideo dicitur: Audi-
uit Moſes & placuit ei. nam res creaturæ à rebus diui-
nis multum disiunctæ sunt. creaturæ tantum manifesta
nota sunt, creatori etiam occulta. Delirat autem & con-
tra ueritatem mentitur, qui pergens iniuste agere proſi-
tetur

tetur poenitentiam: quod perinde est ac si egrotus san-
 se simulet. nam hoc pacto morbus reddetur grauior. dñ
 ille nihil adhibere dignatur quod ad sanitatem sit cōdi-
 cibile. Olim uir discēdi cupidus sollicitatus est desiderio
 cognoscendi causas quibus efficiuntur res in mūdo ma-
 xime necessarię. Cum enim uideret quicquid creatū est
 corrumpi gigniꝫ; tum ea quę pereunt, & quę perma-
 nent, obstupefactus exclamauit dicens: Rubus uritur &
 non comburitur. locum enim antea inaccessum nō ser-
 tatur curiosius, ut naturarum diuinarum habitaculum.
 & frustra laborasset, ni subleuatus fuisset misericordia
 prouidentiaꝫ; dei seruatoris omnium, qui ex adyto hoc
 oraculum edidit: Ne propinques huc. ac si dicat, ne ac-
 cedas ad talem cogitationem. nam huic curiositati latu-
 genti humanę uires non sufficiunt. sed facta quidem mi-
 rare stans, de causis uerō ex quibus gignantur corrup-
 pantur uē ne sis sollicitus. Nam locus in quo stas, inquit,
 sanctus est. Qualis locus? nimirum ad rationes causarū
 pertinens, qui tantū diuinarum naturarum est, quod
 deus neminem mortalem dignetur causarū notitia. Tum
 ille scientię cupidus supra mundum totum emergēs sta-
 tatur de eius opifice, quisnam sit ille inuisibilis & impo-
 pabilis, corpus an incorporeus, an aliquid his superius,
 simplex ne natura qualis unitas, an cōcreta: aut quid tā-
 dem sit: & uidens id cogitatu perceptuꝫ; difficile, prece-
 tur ut ab ipso discat deo, quisnam deus sit. nec enim spe-
 rabat se id posse ex ullo alio cognoscere. nihil tamen au-
 diuit interrogās de eius Qui est essentia. Posteriora, in-
 quit, mea uidebis, faciem aut uidere nō poteris. Sufficit
 enim

enim sapienti ea quæ post deum sequuntur cognoscere. Principalem autem illam essentiam si quis uelit intueri, nimio radiorum fulgore prius quàm eam uideat cæcabitur. Hactenus & de tertio locuti capite, aggredimur quartum & ultimum ex propositis, quando non præcedente inquisitione ultro solet occurrere inuētio. ad hūc ordinem pertinet omnis à seipso doctus sapiēs. nec enim cogitationibus, meditationibus laboribusq; proficit: sed mox natus paratam inuenit sapientiam irroratā sibi cælesti pluuia, cuius meraco haustu exhilaratus, perpetuo temulentus est ebrietate sobria, salua rationis integritate. Hic est ille quem Isaac uocant oracula, quem nō tempore alio concepit, alio peperit anima. Conceptū enim, inquit, peperit, quasi sine tēpore. non enim homo nascitur, sed mens purissima, ingenio magis quàm arte bona. quamobrem genetricem eius dicuntur defecisse muliebria, hoc est consueta, humana & rationalia. nouum enim hoc prodit genus plus quàm rationale & uere diuinū, à seipso doctū, non humanis cōmentis eruditū, sed furore diuino. an ignoras quod Hebrææ ad partum nō habēt opus obstetricibus? pariūt aut, ut ait Moses, prius q̄ ueniāt obstetrices, artes inquā & sciētia, & à sola natura opitulāte adiuuātur. Pulchre aut apteq; à seipso doctus definitur. primò, quod cito inuenitur: secūdò, quod deus tradidit. siquidē quod discitur opus habet lōgotēpore: quod suo pte ingenio percipitur, expeditū est & plus q̄ extēporale. illud hominē, hoc deum præceptorē habet. et prima quidē definitio per interrogationē ponitur. quid hoc est quod cito inuenisti mi puer? altera uerò
per

per responsionem, dicente illo: quod tradidit dominus deus. est autem & tertia definitio docti à seipso, quod ascendit per seipsum. Dicitur enim inter præcepta: Non seretis, nec metetis, quæ per se ascendant. nulla enim arte natura indiget, seminante illa deo, & per suam agriculturam perficiente tanquam sponte nascentia, cui non sponte nascantur, nisi quatenus nulla omnino adiuvantur humana industria. Nec tam præceptū est hoc quam sententia. nam præcipiens dixisset: ne seratis, ne metatis, decernens autem ait: non seretis neq; metetis quæ sponte nascuntur. nam quæcunq; natura ultro præbente accipimus, eorum nec principia nec fines in nostra potestate inuenimus. siquidem in satione principium, in messe finis est. præstat sic intelligere hæc: omne initium, & omnem finem esse spontaneum, hoc est naturæ opus, non nostrum. uerbi gratia, principium discendi utiq; ingenium est docile, promptumq; ad contemplationem rerum particularium. rursum finis quid aliud, si ingenium fatendum est, quàm natura? siquidem etiam præceptor promouet: sed summum fastigium solus deus imponit, iuxta illa optima. Qui his innutritur dogmatibus, in pace degit perpetua, immunis à molestis laboribus. pax autem & septimana idem est iuxta legislatorem. nam ea die creatio uisa est interquiescere. Conuenienter igitur scriptum legitur: Et erunt sabbata terræ uobis alimentata. id recte intelligendum est. Vtilissimus enim cibus est in deo quiescere, maximum bonum conferēs, pacem ab omni bello tutam & securissimam. nam quæ inter ciuitates intercedit, mixta est seditionibus. at animæ pax

ra est ab omni dissidio. Sed manifestissime, ut mihi uide-
tur, discimus inuentionem non quæditorum ex his uer-
bis scripturæ: Cum induxerit te dominus deus in terrā
quam iurauit se daturū tuis patribus, ciuitates magnas
pulchrasq; quas non ædificasti, domos plenas bonorum
omniū quas non repleuisti, cisternas è saxo excisas quas
non excidisti, uimeta oliuetāq; quæ non plantasti. Vidē
paratam copiam bonorum affluentium tam ad uolupta-
tem quā ad necessitatem: comparantur enim ciuitatis
bus generales uirtutes ut patentes latissime: domibus au-
tem speciales, circumscriptæ breuiore circulo: cisternis
uero generosæ animæ, capaces sapientiæ, sicut illæ aqua-
rum. ceterum uinetis oliuetisq; profectus & incremen-
tā, prouentusq; fructuum. fructus autē scientiæ, uita con-
templatiua est, sinceram lætitiā qualem uinum affert
conferens, & intelligibile lumen quale à flamma profi-
ciscitur, cuius fomes est oleum. Haftenus de inuentione
locuti transeamus ad ulteriorem textus consequentiā.
Inuenit, inquit, eam angelus domini ad fontem aquæ.]
Fontis crebra fit mentio, qui uno modo mens nostra in-
telligitur: altero habitus rationalis & eruditio: tertio
praua dispositio: quarto bonā huic contraria: quinto re-
rum pater & conditor. horum probationes extāt in sa-
cris literis. uideamus quænam sint. In primo limine le-
gis, ubi mundi opificiū tractatur, tale occurrit oraculū:
Fons autē ascendebat è terra, & irrigabat totā terrā suā
perficiē. Qui allegorias naturæ occultatis sua mysteria
nesciunt, hunc fontē putant similē Aegypto fluuiō, quī
quotānis effusus ex alueo stagnat in cāpis, tantum non

ostentans potentiam celi æmulam. Quod enim per hie-
mem cælū præstat alijs regionibus, hoc Nilus Aegypto
horis æstiuis exhibet. nam illud superne terrā cõpluit:
hic, quod mireris, inferne pluens arua irrigat. Et hoc est
cur Moses impietatis reos peragit mores Aegyptios,
quod terram pluris quàm cælum faciant, terrestria quàm
olympia, corpus quàm animam. Verùm ista in aliū oppor-
tuniorē locum differēda sunt: nunc propositū est pau-
cis agere, & ideo redeuntē in uiam à diuerticulo dica-
mus, fontem ascendentem & rigantem totam faciem ter-
ræ, significare principalem nostri partem fonti similē,
à qua ceu per terræ uenas, per sensuum instrumenta ma-
nant potētia, per oculos, aures, nares, & cætera. hi sunt
in omni animante circa caput & faciem. itaq; tanquam
à fonte à principali animæ parte rigatur principalis
pars corporis facies, uisui spiritui tendente in oculos,
auditiui in aures, olfactiui in nares, gustatiui in os, ta-
ctiui in totā superficiem. Sunt & eruditionis fontes uar-
rij, apud quos proceri & cibo utiles sermones germinant,
tanquam palmarum arbores. Venerunt, inquit, in
Aelim, ubi erant duodecim fontes aquarum, & palmarum
stirpes septuaginta: ibi ad aquas castra metati sunt.
Aelim portæ interpretantur, & introitum ad uirtutem
significant. Sicut enim initium ædiū est ianuā, sic ad uir-
tutem primus aditus encyclopædia. perfectus autem nu-
merus duodenarius, quod testatur zodiacus in celo cir-
culus, illustratus tot sideribus: testatur etiam solis ambi-
tus. nam intra duodecim menses circuitum suū peragit,
& in totidem horas diurnas nocturnasq; tēpus diuidit
homi-

homines. Moses quoq; non parum laudat hunc numerum, descripta sua natione in tribus duodecim, & institutis duodecim propositionis panibus, & totidem lapillis cum suis sculpturis, qui in pontificali ueste talari circumrationale quod uocant intexerentur. Laudat & septenarium multiplicatum per denariū, nunc septuaginta palmas ad fontes memorans, aliās septuaginta solos seniores, quibus datus est spiritus dei propheticus. totidem iuueni mactantur ad epulum solenne festi tabernaculorum, ut uocant, idq; certo ordine, nō simul, sed per septem dies, incipiendo a tredecim. sic enim quotidie subtrahendo unum usq; ad diem septimum, septuagenarius numerus conficitur. Postquam autem uentum est ad uirtutis portas artes liberales, cōspicati fontes & apud eos stirpes palmarum, non apud arbores, sed apud aquas, castrametati narrantur. Cur ita? Quoniam palmis & lemniscis ornantur qui perfectæ uirtutis præmia reportant: qui uerò adhuc in rudimentis tripudiant, & eruditionem sitiunt, apud scientias animam rigantes collocantur: quales sunt fontes artium indifferētium. Videamus & fontem insipientiæ, de quo legislator sic loquitur. Quisquis cubat cum muliere seorsum sedente, & fontē eius reuelat, ipsa quoq; retegente fluxum sui sanguinis: ambo tollantur ē medio. Mulierem sensum uocat, intellectum maritum eius præsupponēs. seorsum sedet sensus, hoc est in longinquo loco. quoties igitur mulier ista relicto marito legitimo asidet illicientib. se corrumpentibusq; rebus sensilibus, & amatorie singulas complectitur: tunc si intellectus somno succumbat, qui uigilare de-

beret, detexit seipsum fontem sensuum: hunc enim aio esse sensuum fontem: hoc est, intellectum, immunitum, insidijs expositum seipsum reddidit. at tamen nihilominus etiā mulier reuelauit fluxum sui sanguinis. Omnis enim sensus pronus ut fluat foras ad suum sensibile, à ratione cohibetur atq; tegitur. Sed ista mulier deseritur solitaria, uiduata recto ductore. perniciosum est enim sicut ciuitati carere mœnibus, sic animæ destitui à custodijs. Sed quando caret custode? An quoties uisum non continet, profundens se ad sensibilia, & per aures haurit uoces quaslibet, nec odoratum cohibet aliasq; potentias similes, sinens eas suoapte impetu rapi ad quiduis agentia pertiendumq; deniq; quoties sermo non continetur, quanta secreta nemine cohibente intempestiue prodiit, & liberiùs fluens splendorum fortunas tanquam in tranquillo nauigantes undis repentinis obruit. Hoc est illud magnum diluuium, quando apertæ sunt cataractæ celi, uicinis uidelicet: & reuerti sunt fontes abyssi, hoc est sensuum. non aliter enim inundatur anima, nisi superne tanquam cælitus è mente prorumpentibus iniquitatibus: inferne uerò tanquam à terra, scilicet sensu, inundantibus affectibus. Et hoc est cur Moses uetat turpitudinem patris matrisq; retegere, quippe qui bene norat quantum malum esset peccata mentis sensusq; non cohiberi & celari, sed tanquam præclare gesta proferri in mediū. Hi sunt fontes peccatorum, uideamus fontem prudentiæ. ad hunc patientia descendit Rebecca, & toto animæ uase repleto, per uicem cliuium ascendit, ut appositissime iuxta rei naturam legislator loquitur. Euadit enim ad uirtutis celsitudinis

quisquis à iactabūda descēdit arrogātia. Legitur enim Cumq; descendisset ad fontem, impleuit hydriam, & coepit ascendere. Hic fons est illa diuina sapientia, ex quo rigantur particulares scientiæ, & quotquot animæ contemplandi cupidæ amore summi boni tenentur. huic fonti sacra scriptura imponit aptissima nomina, Iudicium cum & Sanctū appellans. Reuertentes, inquit, uenerūt ad fontem iudicij, qui est Caddes. Caddes autem sanctus uocatur. tantum non clamat uociferaturq; , sapientiam sanctam esse, puram à rebus terrenis, & rerum iudicē, decernentem omnes controuersias. Nunc dicendum superest de illo summo fonte optimo, de quo celestis pater per ora prophetarum cecinit: Me dereliquerūt fontem uitæ, & foderunt sibi cisternas contritas, quæ aquā continere non poterunt. Ergo deus est ille fons antiquissimus. & merito, uniuersus enim hic mundus ab eo promanauit. Demiror autem & stupeo cum hunc uitæ fontem esse audio. solus enim deus animæ & uitæ, præsertim rationalis animæ, & prudentis uitæ autor est. nam materia res est mortua. deus autē plus quàm uita, fons uiuendi, ut ipse ait, sempiternus. quem fugiētes impij nō gustato potu immortalitatis, dementes foderunt sibi, nō deo primū, opera propria celestibus præferentes & olympijs, pluris facientes cura quæ sita quàm parata & ultro se offerentia. deinde fodiunt non ut Abraham & Isaac puteos, profundas scientias præbentes sermonem potabilem, sed cisternas, quæ ex seipsis nihil boni ad recreandum habent, & indigent externis affluentijs, quales è doctrina parantur, dum præceptores semper in di-

scipulorum auditum affatim ingerunt sua placita contemplationesq; , retinenda in mente & recondenda in memoria. Verum istæ cisternæ contritæ sunt, hoc est omnes male educati animi lacunæ fractæ perfluētes q; , que nec aliunde sibi parare nec conseruare possunt influxum utilem. Haftenus de fontibus dixisse sufficiat. Ceterum ualde apte scriptura inducit Agarem inuentum apud fontem, non haurientem tamen, quia proficiens anima nondum est idonea haurire merum potum sapientie: non arcetur tamen quo minus in propinquum moretur: est autem omnis publica uia per doctrinam strata munita q; . Ideo dicitur eam inuentam in uia Samariæ. Nam Sur interpretatur munitio uel directio. Allogizans igitur animam redargutor ait: Vnde uenis, & quod uadis? quod non tam dubitando percontando q; , quam exprobrando & pudorem incutiendo dicitur. nō est mirum ut aliquid in rebus nostris ignoret angelus: quod uel hinc colligitur, quia etiam secreta natiuitatis permonens dicens: Ecce prægnans es, & paries filiū, & uocabis nomen eius Ismael.] Nam nosse foetum esse masculinum supra humanam facultatem est, sicut & uitæ institutionem eius qui nondum natus est, quod ferus homo erit nō militis ac ciuilis. Ergo illud Vnde uenis, dicitur ad oburgationē animæ fugientis meliorem potiorēq; sententiā, ut si re magis seruiret q̄ nomine, magnā inde reportaturus esset gloria. Quo uadis incerta sectādo, certis cōfessionibus bonis relictis meretur igitur laudem, libenter ad monitionem accipiens: quod uel inde apparet, quod nec dominum incusat, sibi ipsi fugæ culpā tribuens, nec ad secum inter-

interrogatum respondet, quò uadat. incertum enim hoc erat. de incertis autem tutius suspenditur sententia. Gaudens igitur redargutor obedientia mulieris ait: Reuertere ad heram tuam. prodest enim discipulae doctricis magisterium, & imperfectae seruitus apud prudentiam. Reuersa autem humiliare sub manu eius humilitate honestissima, abijciens praesentem brutam superbiam. sic enim feliciter parturiens eniteris prolem masculam nomine Ismael, castigata diuinis monitis. interpretatur enim Ismael auditus dei. est autem auditus à uisu secundus. uisum uerò legitimus filius & primogenitus Israel sortitur. sonat enim quod uidens deum. nam audire etiam falsa pro ueris possumus: uisus nequaquam fallax est, quo res certae cognoscuntur. Mores autem nascituri describit, dum dicit ferum fore, id est rustice sapientem, nondum ascitum in dei ciuitatem. haec autem uirtus est, apta nata mansuefaciendis moribus. ijdem feri mores indicantur his uerbis: Manus eius contra omnes, & manus omnium contra eum. Hoc est enim sophistae propositum, praesferentis curiositatem in disputando nimiam, & gaudentis contentiosis sermonibus. adeò & ipse ferit omnes disciplinarum sectatores, tum singulis priuatim resistens, tum in commune omnibus: & uicissim ab omnibus percutitur suas foeturas defendentibus, hoc est placita quae pariunt eorum anima. Tertia quoque nota adiicitur haec: Contra faciem omnium fratrum suorum habitabit:] tantum non manifeste ostendens aduersam dimicationem perpetuam. Itaq; anima quae sophistam gerit in utero, respondet redarguenti se: Tu

es deus qui inspexit me.] Ac si dicat: tu es meorum autem
 consiliorum & partium. & merito. liberalium enim & ue-
 re ingenuarum animarum liber & liberator est opifex,
 serui uero seruorum. angeli autem dei famuli pro diis
 habentur ab his qui in seruitute detinentur & labori-
 bus. Propterea huic puteo nomen indidit, Puteus coram
 quo uidi.] Sed fieri non potest o anima proficiens, &
 liberalium disciplinarum profunda penetrans, ut in er-
 ditione tanquam in speculo uideas autorem scientie.
 Commodus autem huic puteo locus est Caddes inter
 Barad. interpretatur autem Barad In communibus, Cad-
 des uero sancta. nam qui proficit, est in sacrorum pro-
 fanorumque confinio, iam mala fugiens, sed non
 dum idoneus ut ad bona perfecta admit-
 tatur, habeatque cum eis con-
 tubernium.

PHILONIS IV

DAEI, DE EO, QVIS RE-
rum diuinarum hæres
sit, Liber.



IN proximè præcedēte libro de mercedibus pro uirili differuimus: nūc autem propositum est querere; quis rerū diuinarum hæres sit. Postquam enim ille sapiens audiuit redditum sibi hoc oraculum: Merces tua multa nimis: percontatur: Quid mihi dabis o here? Ego sine liberis decedam. filius autem meus iste susceptus ex ancilla, hæres meus erit, Damascus Eliezer. ac rursum: Quia non dedisti semen mihi, uerna iste meus hæres erit.] Et quis non attonitus fuisset maiestate proferentis hoc oraculum, ut nec os posset diducere, si non præ metu, certè præ gaudio: adimit enim uocem ut uehemens dolor, ita nimia letitia. quamobrem et Moses fatetur se parum uocalem et lingua tardum, ex quo cœpit habere cum deo colloquia: quod testimonium prophetæ uerum est. tunc enim uerissimile est uocis instrumentum fieri tardius. rationem autem iam articulatam ferri liberiore impetu, sententiarum magis quàm uerborum ornamenta consertantem expedita quadam et sublimi eloquentia. Sunt autem admirandæ uirtutes, uel fiducia, uel sermonis li-

bertas aduersus præstantiores, quando res eam postulat: ut illa comica sententia uera potius quam ludicra videatur: Si seruus semper consuescat silētio, fiet nequam dediscēs loqui liberē. Sed quando solet hac libertate uti seruus contra dominum? nōne quando nullius malefici sibi est cōsciū, certus nihil sibi dictū factūue nisi in utilitatem sui domini? Quando igitur decet dei quæque famulum libertate linguæ uti contra suū rerūq; omnium principem atq; dominum, nisi quando à peccatis purius, & charitatis erga dominum sibi consciū, magis gaudet se esse dei famulum quā si absq; contentione adeptus esset imperium terra mariq; in omnes homines. Cæterum officia obsequiaq; Abraham plenā charitatis erga dominum commendat extrema clausula oraculi filio eius redditi. Dabo tibi & semini tuo terrā hanc uniuersam: & in eo semine benedicentur omnes gentes terræ: propterea quod obediuit Abraham pater tuus uoci meæ, & custodiuit mandata mea, præcepta meæ leges meas & iudicia. Est autem serui laus maxima: nihil ex iussis dominicis contemnere, sed impigre industrię uel supra uires conari cuncta exequi ex illius animi sententia. Sunt igitur qui audire debent potius quā loqui ad quos dicitur, Tace & audi: præceptum pulcherrimum. Nam inscitia res est mala temerariaq; cuius primum remedium est, auditoris silentium: secundum attentio ad ea quæ auditu digna sunt. Caue autem putes aliquid nihili docere hæc uerba, Tace & audi: maius quiddam est quod monent. non solum enim linguæ silentium possidet & auditum aurium, sed utrumq; ab anima exi-

git. nam multi aures non mentē afferunt in auditorium,
 ipsi foris interim uagantur, & multa de multis apud se=
 ipsos agitant, ad cognatos alienosue, aut etiam ad ipsos
 pertinentia, quæ præstaret ad tempus missa facere: quæ
 omnia dum cogitationi obstrepunt, fieri non potest ut
 exaudiat qui loquitur. nam eius uox non ad homines
 fertur, sed ad inanimatas statuas, quæ aures habent cum
 auditu careant. quod si mens quieta ab omnibus exter=
 nis internisq; motibus dignetur attentam se præbere, &
 iuxta Mosis præceptum auscultare per silentium, pote=
 rit audire quæ dicuntur: aliàs uerò nō poterit. indoctos
 igitur decet silentium: ad scientiam autem aspirantibus,
 & dominum amantibus, est necessaria confidens facun=
 dia. Legitur enim in Exodo: Dominus pugnabit pro no=
 bis, uos autem silebitis. ac mox tale oraculum subiungi=
 tur: Et dixit dominus ad Mosē: Quid clamas ad me?
 quasi deberent filere qui nihil auditu dignum afferunt,
 loqui uerò qui præ amore sapientiæ confidunt in domi=
 no: nec solum loqui placidè, sed etiam proclamare: non
 ore linguaq; à quibus ictum aerem aiunt in orbem mo=
 ueri, atq; ita ad auditum pertingere: sed illo musico so=
 noroq; instrumento, quod mortalis audit nemo, soli in=
 genito illi immortalig; exaudibile, istorum uerò qui in=
 sensibus uolutantur nemini. Certè cum totum mentis in=
 strumentum per diapason & disdiapason symphoniæ
 insonat, auditor quasi interrogatur, cum reuera non in=
 terrogetur. nam deo nota sunt omnia. Quid ad me cla=
 mas mala deprecans, aut pro bonis acceptis agens gra=
 tias: aut utrumq; agens eadem opera? adeò hic parum
 uocalis

uocalis & lingua tardus ac penè mutus, aliubi non lo-
qui solum inuenitur, sed & clamans introducitur, rur-
sum aliubi loquens indesinenter & eodem fluxu sermo-
nem continuans. Moses, inquit, loquebatur, & deus ei
uoce sua respondebat, non docens eum per certas oratio-
nis periodos, sed semper & continenter ei respondens.
Vbi autem responsio, ibi utiq; & interrogatio. Rogat
autem quisq; quod ignorat, cupiens id discere. nam dis-
centibus nihil tam proprium ac utile, quam querere,
rogare, scitari, non uideri sibi uel scire aliquid, uel per-
cepisse solide. Ergo sapientes deo præceptore magistroq;
utiuntur, imperfecti uerò sapiente illo, ad quem dicunt:
Loquere tu nobis: nō loquatur ad nos deus, ne forte mo-
riamur. Tanta autem in loquendo libertate utitur hic
uir bonus, ut non solum clamet, sed reclamet quoq; frea-
tus uera fiducia & affectu non fucato. Nam uerba hæc:
Si remittis ei peccatum hoc, remitte: sin minus, dele me è
libro tuo quem scripsisti. & illa: Num ego in utero con-
cepi totum hunc populum, aut peperì eum, quia dicis
mihi: sume eum in sinum tuum, & gesta tanquam nutrix
infantulum? & illa: Vnde mihi carnes ut dem uniuerso
huic populo, qui opplorat mihi? nunquid oues & bo-
ues mactabuntur, aut omnes pisces maris comportabun-
tur & sufficient? & illa: Domine cur afflixisti hunc po-
pulum? & Cur misisti me? & Ex quo profectus sum ut
loquerer ad Pharaonem in tuo nomine, afflixit popu-
lum. & Non liberaisti tuum populum: hæc inquam & si-
milia nemo uel regi cuius auderet dicere. cæterum cum
deo loqui tam libere, summe fuit non audacie sed fidu-
cia

ei: quia sapientes omnes amici dei sunt, præsertim quod
 ad sacras leges promulgandas attinet. libertas autem lo-
 quendi cognata est amicitia: alioqui cum quo loquemur
 liberè, si cum amico non licet? Rectè igitur in sacris liti-
 ris Moses amicus dei celebratur, ut quoties audacius lo-
 quitur, amicitia potius id tribuatur quàm arrogantia.
 nam arrogantis est temeritas, amici uerò fiducia. Sed con-
 sidera iterum quòd fiducia temperatur cum reuerentia.
 nam hæc uerba, Quid mihi dabis? fiduciam præ se ferunt:
 illud autem, ô here, reuerentiam. Cæterum cum duabus
 appellationibus prout res postulat, rerum autor appel-
 lari soleat, aliquando deus, aliquando dominus, nunc hæ-
 rum neutra, sed herus assumitur, idq; peropportunè
 & religiose admodum: quamuis hæc uocentur synonyma
 herus & dominus: sed quamuis utrumq; nomen in
 unum eundemq; competit, distinguit tamen hæc cogita-
 tio: quia dominus νέεος ὡπαὶ τὸ νέος, hoc est, ab au-
 toritate dicitur, quæ ratum fit aliquid: sicut contra ἀν-
 γος uocatur irritum. herus autem δεσπότης ὡπαὶ τὸ
 δεσπότης, id est, uinculum. Vnde ut opinor δέος, id est,
 timor. itaq; & δεσπότης dominus erit & quidè timen-
 dus, non solum propter auctoritatem, uerum etiam pro-
 pter metuendam omnipotentiam. uel fortasse quia colli-
 gat continetq; omnia cōstringens indissolubiliter, alio-
 qui natura dissolubilia. Quare cū dicit, Here, quid mihi
 dabis? perinde est ac si dicat: Non ignoro tuam ingēten-
 potentiam, scio & potestatem tuam terribilem. timens
 tremensq; te appello, & rursus fiducia subleuor. Tuum
 enim oraculum iubet ne timeam: tu mihi linguam erudi-
 tam

tam dedisti, ut sciam quando loquendum sit. tu os meum
confutum soluisti, aperuisti, & articulatum fecisti: dicen-
da quoq; suggeris, confirmans illud tuum oraculum: Ego
aperiam os tuum, & docebo te quid loqui debeas. Quis
enim sum ego ut loqui me doceas, ut mercedem pollicea-
ris perfectiorem quouis dono & gratia? nonne è patria
sum profugus? nonne cognatos deserui? nonne careo pa-
ternis ædibus? nonne omnes me relegatum, profugum,
desertum, & inhonoratum nominant? Verum tu mihi
here es patria, tu cognatio, tu paterna domus, tu honor,
fiducia, opulencia clara & perpetua. Cur igitur non au-
deam proloqui quæ cogito? cur non perconter de his
quæ cupio discere? attamen quamuis præ me ferre confi-
dentiam uidear, nihilominus metum et stuporem fateor,
nec tamen pugnare in me affectus contrarios, timorem
atq; audaciam, sicut fortasse aliquis suspicabitur, sed con-
temperari aptissimè: itaq; insatiabiliter fruor tam bene-
tèperato poculo, quod facit ut nec liberius loquar quam
pro reuerentia, nec reuerentia libertatem mihi adimat.
Didici enim me ipsum metiri, quam sim nihili, & munera
tuam beneficentiam suspicere. & quoties puluerem cla-
neremq; aut si quid his est proiectius, me ipsum sentio,
tunc appellare te audeo, humiliatus & in terra prostra-
tus, sic mutatus ut uix subsistere uidear. Talem affectum
animæ impressit in meam memoriam uisitor Abra-
ham. Appropinquans, inquit, Abraham dixit: Nunc
incepi alloqui dominum, ego autè terra sum & cinis.]
Tunc enim tempus est ut creatura suum factorem appel-
let, quando agnoscit quam ipsa sit nihili. Illud autem,

Quid mihi dabis? non tam dubitantis est uerbum, quam gratias agentis pro acceptorum beneficiorum magnitudine: Quid mihi dabis? Num est quod sperem prætereas? Copiose sunt, ô munificentissime, tuæ gratiæ, nullis circumscriptæ terminis, nec modum nec finem habent, fontium more inexhaustæ & subscatentes perpetuo. Sed considerandus est non solum torrens exundans tuæ beneficentiæ, uerum etiam arua nostra quæ illo rigantur, nam si nimis persundantur, stagna & paludes erūt pro campis frugiferis. annon & mihi certa mensura opus est? ideo percontor Quid mihi daturus es? qui iam dedisti plurima, & penè omnia quorum natura humana capax est. quod enim adhuc cupio scire, hoc est, quisnam possit esse dignus hæres tuorum operum. Ego defungar sine liberis, acceptis bonis ad breue tempus paucosq; dies duraturis, & ad finem properantibus, quamuis optem longæuitatem nec senio nec morti obnoxiam, ut possit iactis seminibus radices firmas extendere, & stipitem usq; ad cælum attollere. necesse est enim ut humana uirtus in terra gradiens ad cælum erigatur, ut ibi gustato immortalitatis nectare, sempiternam salutem habeat. nam scio quòd sterilem animam odisti, ipse rerum omnium genitor. eximiam enim gratiam largitus es perspicaci generi, ne unquam sterile scat & prole careat: cui quoniam & ego contributus sum, iure heredem desidero. Cum enim uideam id inextinguibile, turpe puto sinere ut naturæ meæ bonum intereat. Supplex igitur imploro, ut semina scintillæq; foueantur, è quibus uirtutis lux salutaris accendi queat, quæ tanquam lampas per manus

manus tradita, mundo æquæua fiat. Indidisti & medulla-
torijs uiris desiderium filiorum qui progignuntur ex
nima, quibus potiti exclamarunt præ gaudio. En pueri
quorum misertus est deus seruorum tuorum: quorum
peregrinatio nutrix & altrix est, quorum intactæ an-
imæ teneræ generosæq; sunt, in omnes uirtutis forma-
uinas & pulcherrimas fingi faciles. Sed doce me
lud, an filius Massec uernaculæ meæ, tuarum gratiarum
heres sit idoneus. nam ego hactenus neq; speratum
pi filium, neq; de hoc quā accepi spem habeo. Quis
autem sit hæc Massec, & quis eius filius, non obiter
considerandum est. Massec interpretatur ex osculo. dicitur
autem ab amore osculum. nam ille est animarum con-
suetudo per mutuam beneuolentiam: hoc autem
salutationem habet superficietenus in occursum for-
sicut enim in ἀνάνησις non est νόησις, in νόησις
οἶσις, in μαγείᾳ πᾶσις, sic nec in νόησει
οἶσις, id est, amor in osculo. nam multi etiam in
coacti aliqua necessitate hanc officij speciem exhibent.
quæ sit autem illa ex osculo, non ex sincera caritate
bis commendata, dicam nihil dissimulans. Vita quæ
sensibus conuiuimus, tota secunda, quam nemo non
quam hominum uulgus heram existimat, elegantius
famulam, non externam aut emptitiam, sed uernaculam
& tribulem quodammodo: qui etiam didicerunt os-
culi eam non amare, cum illi alteri ualde ament eam
siderent. Laban autem ille uirtutis osfor ne osculari
dem potest attributas meditatori potentias, sed in
tus simulationi fictisq; moribus, tanquam egre fin-

eum reuera non doleat, ait: Non iudicasti me dignum ut oscularer pueros meos & filias. Iuste ac merito. Simulationem enim implacabiliter odisse didicimus. Dilige uirtutes, & animo complectere, & non requires osculum, fucatum specimen amicitiae. non est enim eis amplius portio uel hereditas in domo tua. nonne pro alienis à te reputatae sunt? nonne uendidisti eas, & deuorasti earum precium? ut ne in posterum quidem eas possis redimere ad postliminio reuersas recipere. quid igitur osculari uult inimicus perpetuus uirtutum omnium? At non sic Aarō osculatur Mosē, sed ex animo ut germanum charissimum. Amanter, inquit, salutauit eum, & complexi sunt se inuicem. Sūt autem uitae tria genera, una apud deum, altera apud creaturam, tertia media, mixta ex utraque: quae apud deum est, non descendit ad nos, nec uenit in istas necessitates corporis: quae apud creaturam, nec ascendit, nec curauit ascendere, degens in cauernis intimis, & uita minime uitali gaudens. at quae mixta est, saepe ad meliorem tracta ordinem numine corripitur, interdum retracta ad deteriores retro se recipit. quod si ad hanc tanquam in bilancem melior uita accedat, adeo praegrabit, ut in diuersa lance minimum ponderis appareat. Mosēs autē ei quae apud deum est uitae palmam decernens sine puluere, reliquas inter se comparat per diuarum mulierum similitudinem, quarum alteram dilectam, alterā exosam, uocat aptissimis nominibus. Quis enim est qui non capiatur oculorum, aurium, gustus, odoratus tactusque delicijs ac uoluptatibus? Quis non abhorret à contrarijs, frugalitate, continentia, austera casti-

gataq; uita, lusus ac risus experte, plena curis & laboribus, contemplandi cupida, infensa ignorantie, contentente pecuniam, gloriam, delicias, aspirante ad temperantiam, bonam existimationem, & uidentes non cecidiuitas? Est quidem primogenitura ut antiquior ita honoratior: Moses tamen etiam posterius natos hoc honore dignatur, his duplum tribuens, alteris auferens dimidium. Si habuerit, inquit, homo duas uxores, dilectam & exosam, & ambæ pepererint, cum distribuet suam substantiam, non poterit primogenituram dare filio dilectæ, scilicet uoluptatis. iuuenis enim hic censetur, et tempore antiquior. sed dabit filio seniori nato è fastidio prudentia, qui à pueritia dignus fuit, cui due portiones debentur. Huius figuræ sensum moralem quia iam ad diximus, reuertamur ad proximè sequentia, præmonito lectore, quod exosæ deus uulnam aperuisse dicitur ortum dans bonis studijs & honestis operibus, cuius quæ dilecta putatur, mox ab initio sit sterilis. Videntur inquit, dominus quod Lia fastiditur, aperuit uulnam eius. Rachel autem erat sterilis. Sed quoties anima prægnans quales decet foetus parturit, tunc altera sensibilibus generatrix sterilefcens desinit parere, grata non propter amorem, sed propter oscula. Huius sensualis uitæ, quæ Masce nominatur, unusquisq; nostrum est filius, honorans demiransq; nutricem altricemq; humani generis: quam terrenus intellectus Adam nomine, ubi factam uidit, quamuis mortem suam, uitam illam nominauit. Vocauit, inquit, Adam nomen uxoris suæ uitam, quod ipsa sit mater omnium uiuentium, reuera mortuorum inuicem uitam

uitam animæ. At quotquot uerè uiuunt, matrem habent
 sapientiam, sensus autem utuntur seruitio. in hoc à natu-
 ra factum existimantes, ut minister sit ad parandam scien-
 tiam, nomen autē nati ex ea uita cuius nota est osculum,
 Damascus traditur, quod sacci sanguis interpretatur,
 aptè admodum: quia per saccū significatur corpus, per
 sanguinem uita quæ est in sanguine. nam quoniam ani-
 ma dupliciter dicitur, & in uniuersum, & pars eius præ-
 cipua, quæ propriè dici potest aīa anima: sicut oculus et
 totus globus est, & ea pars qua propriè cernimus: existi-
 mauit legislator duplicem essentiam animæ: totius qui-
 dem, sanguinem: præcipuæ uerò partis, diuinum spiri-
 tum. proinde apertè dicit: Anima omnis carnis, sanguis
 est. egregiè carnū turbæ influxum sanguinis attribuit
 ut proprium. mentis uerò essentiam nulli creaturæ co-
 aptauit, sed introduxit eam supernè inspiratam à deo. In-
 spirauit, inquit, creator omnium in faciem eius spiritum
 uitæ, & factus est homo in animam uiuentē, quæ etiam
 ad imaginē sui factoris expressa narratur. Itaq; duplex
 est genus hominū, alterum quod uiuit iuxta rationē in-
 spiratā diuinitus. alterū quod sanguine uiuēs seruit car-
 nis uoluptatibus. hoc terræ figmentū est, illud ad imagi-
 nē dei expressa effigies. ea terra sanguine macerata, ex
 qua ficti sumus, nō mediocriter eget diuino auxilio. ideo
 dicitur: Iste Damascus Eliezer. Interpretatur autē Eliezer
 deus adiutor meus. quoniam hæc moles sanguinea per
 se dissolubilis et mortua, cōsistit et fouetur prouidentia
 dei sua manu sustētātis et protegētis: alio qui ne per unū
 quē diē genus nostrū durare poterat. Nō uides quod &

Mosis secundus filius eodem est nomine? Nomen, inquit, secundi Eliezer. ac mox causam adiicit. nam deus auxiliator meus, & eripuit me à manu Pharaonis. Cuius rû sanguineæ sensualisq; uitæ amicis præficitur ille peccatis dissipator & hostis Pharaonis nomine, cuius regni iniustum & crudele non licet effugere, nisi Eliezer scatur in anima, & auxilium à solo seruatore nos sperare iubeat. Rectè autem in stemmate Damasci non pater sed matrè Masce memorat: ut ostendat quod anima sanguinea, qua bruta uiuunt, ad mulierum maternum genus propriè pertinet, expers masculini generis. Ad hanc uirtus Sarra: solam enim uirilem stirpem sibi præcipiat, ex solo deo nata qui pater est omnium, ipsa carens principium. Vere, inquit, soror mea est, ex patre, non item matre progenita. Hæc de quibus pater nemus habuimus. erat enim in prima parte arguti quædam obscuritas penè ænigmatica. Quid studiosus quærat, explicandum est diligentius. An sit aliquis huius sanguineæ uitæ cupidus, & sensibilibus, incorporearum diuinarumq; rerum hæres? His dignus habetur solus ille qui supernè inspiratus celestis diuinæq; portionis particeps intellectus primus, contemnens non modo corpus, sed & alteram partem animæ, quæ cum sit bruta sanguine fermentatur uirescentes & concupiscentias ardentes excutit. ergo sic interrogat: Quoniam mihi non dedisti scire illud à seipso doctum & intelligibile, num uernaculus hæres mihi erit, sanguineæ uitæ filius? Vix id elocutus erat, cum deus respondit. Mox, inquit, uox dei facta

ad eum dicens: Non hic hæres tuus erit, nec quisquam
sensui conspicuus. nam incorporeæ naturæ intelligibi-
lium rerum hæredes fiunt. Et obseruandum quod nec
dixit deus, nec locutus est, sed uox dei facta est ad eum,
tanquam intus in corde pulsans. Quis ergo hæres erit?
non ille intellectus qui sponte detinetur in corporis car-
cere, sed qui solutus uinculis liberatusq; prodijt extra
parietes, & ut ita loquar, seipsum dereliquit. Qui, in-
quit, egredietur ex te, hic hæres tuus erit. Ergo si cupis
ô anima, hæres diuinorum bonorum fieri, non tantum
terram corpus, & cognationem sensuum, & domum pa-
ternam, rationem desere, sed & teipsam fuge raptâ ex-
tra teipsam sicut lymphati & fanatici, bacchabunda &
numine agitari te non dissimulans. nam extra se raptæ,
afflatæq; diuino furore, & impulsæ celesti cupidine, at-
tractæq; à ueritate impedimenta dimouente & uiam mu-
niente, hæc est hæreditas. Sed quomodo migras ab illis
prioribus, ingenuè dic nobis, ô mens, quæ audire doctis
insonare soles intelligibilia dicens: Equidem migravi è
corpore, quando carnē sensumq; contempsi, atq; etiam
omnia sensibilia, si ad ueritatem conserantur spectra &
phantasmata, damnato sensuum iudicio corrupto &
insincero plenoq; falsis opinionibus: damnatis etiam his
quæ iudicantur, ut paratis ad inescandum fallendumq;
& ueritatem, quantum in se est, tollendam è rerum na-
tura. quin & e ratione migravi, quando multum irra-
tionalitatis in ea cognoui, utcunq; tumente & extol-
lente se. ausa est enim quiddam non mediocre, per um-
bras corpora, per uerba res, quod fieri non potest;

mihi ostendere. itaq; labebatur per lubrica, & cogebatur multa circumloqui, quæ proprijs uerbis eloqui disertè non poterat. quapropter cum uiderem eam affertam ut infantem puerum, decreui satius esse migrare ab his omnibus, & ad deum referre singulorum potentias, qui & corpus compingit ac corporat, & sentiendi uim indit sensibus, & rationi orationem suppeditat. Proinde agedum sicut dereliquisti cætera, excede ac emigra etiam ex teipsa. at quomodo? caue ne intellectum, cogitationem, perspicacitatem tibi ipsi insaurizes, sed offerens hæc ei dedica, qui exactè intelligendi & infallibiliter percipiendi causa est. hæc matrem donaria recipit alterum è sacratis templum, scilicet sanctius. Sunt enim opinor duo, alterum intelligibile, alterum sensibile. sensibile naturarum mundus, intelligibile uerò ille intelligibilis est receptaculum. Quod autem is qui iam dicta egressus cupit sectator fieri, prædiuitis naturæ laudatam hæreditatem assequitur, testis est scriptura dicens: Eduxit eum foras & dixit: suspice in cælum. quoniam hic est diuinorum bonorum thesaurus. Aperiat tibi, inquit, dominus thesaurum suorum bonorum, cælum uidelicet. ex hoc certè confusmatas letitias largitor ille continuè depluit. Suspice, ne arguas cæcum uulgus hominum, quod cum sibi uidetur cernere, orbatum est luminibus. nisi fortè non est orbum dum mala bonis antefert, iustis iniusta, perturbationes tranquillitati animi, immortalibus mortalia: reppulsisq; monitoribus ac castigatōibus cum suis præceptis atq; monitis, adulatores admittit & sermones inuicem

tantes ad uoluptatem, ocium, ignorātiā, atq; delicias. Ergo solus bonus uidet. quamobrem & prophetas priusci nominabant uidentes. qui aut foras prodijt, nō solum uidens, sed & deū uidens appellatus est Israel. sic enim hæc uox interpretatur. At isti etiam si quando aperiunt oculos, terram intuentur terrenorum cupidi, et innutriti materiæ. nam ille attollēs oculos ad ætherem suspicit, unde manna uerbum diuinum, cælestis immortalisq; cibus animæ spectandi ac discendi cupida. istis uerò animus est in cepis & alijs pupillas cruciatibus & turbantibus ita ut cōniucant, atq; in porris & salsamentorum foetoribus, cibis Aegypto peculiaribus. Venerūt, inquit, nobis in mentem pisces quibus in Aegypto uestebamur gratis, cucumeres, pepones, porrum, cepe, allium. nunc anima nostra exaruit, nihil præter manna uident nostri oculi. Facit autem ad mores & illud Eduxit eum foras, quod quidam indocti ridere solent, rogantes & quis intrò educitur, aut ediuerso foras intrat? Etiam, ô ridiculi & nimis faciles. nescitis enim uestigare mores animæ, sed solos corporum locales motus in his uerbis queritis. ideo mirum uobis uidetur si quis intrat foras, aut intro exit. nobis uerò Mosis familiarib. nulla est hic absurditas. Annon diceretis, perfectum summum sacerdotem, quādo in adytis operatur sacris patrijs, intus esse ac foris intus conspicuo corpore, foris anima uaga obambulantēq; rursum aliū uel alienum à Leuitico genere. amicū deo carūq; extra sacraria stātē, intus in penitissimis agere, qui peregrinationē putat totā uitā corporis: et quoties potest solā aīa uitā uiuere, credit se degere ī patria.

nam extra amicitiam est omnis insipiens, etiam si ne-
mentum quidem discedat à contubernio: intus uero om-
nis sapiens, etiam si non solum regionibus, uerum etiam
immensis terræ tractibus disiectus sit. Moses aut hunc
amicum adeo deo propinquum ait, ut nihil ab anima dif-
ferat. dicit enim: Amicus æqualis animæ tuæ. Iuxta eius-
dem estimationem, nec sacerdos erit homo, tãtis per dũ
est in sanctissanctorum, donec exeat, non corporaliter,
sed animæ motibus. Mens enim quando pure deo sacri-
cat, non est humana, sed diuina. cum autẽ ad aliquid hu-
manum auertitur, descendens de cælo, uel potius de la-
sa in terram, egreditur etiam si corpus intus maneat. Re-
ctissime igitur dictum est, Eduxit eum foras, è carcere
corporis, è cauernis sensuum, è fallacibus rationis sophis-
matibus: et insuper ex seipso, atq; opinione qua puta-
bat, se nulli obnoxium libere ac suapte facultate percipere
atq; intelligere. Producto autem foras dixit: Suffice
in cælum, et numera stellas, si potest iniri eorum nume-
rus. Sic erit semen tuum. Egregie dictum, sic erit semen
tuum, non par stellarum numero. non enim solam multi-
tudinem, sed et alia multa ad perfectam felicitatem con-
ducentia uult indicare. Sic erit, inquit, sicut quod uidet
in æthere, sic cæleste, sic umbra carens, plenum splendore
purissimo (nam nec in cælo nox locum habet, nec in
uirtute tenebræ) dispositum ornatissime, immoto manens
ordine, semper sui simile. Vult enim cæli effigiem, aut
quod plus est, cælum terrestre dici sapientis animam, ut
quæ in æthere habet lucida sidera, statos motus, con-
tinuas choreas, diuinos circuitus, uirtutum splendores
fulgi-

fulgidissimos & stellis simillimos. quòd si sensibiliū stelarum numerum inuenire est impossibile, multo magis intelligibiliū. Nam quanto præstantius est quod iudicatur quàm quod iudicatur: siquidem mens sensu est potior, hic uero illa hebetior: tantum & inter ea quæ iudicantur interest. itaq; immenso intelligibilia sensibiliū numerum superant. nam oculi animæ proprii minima quedam portio est oculus corporeus. ille soli est similis, hic candelabro quod modo accēsum mox extinguitur. ideo necessario subiungitur: Credidit Abraham deo: ad laudem eius qui credidit. Dicat fortasse aliquis, hoc cōne laude dignum iudicas? Quis deo loquenti pollicentiq; fidem non adhiberet, etiamsi esset impius & omnium mortalium iniustissimus? Huic respondēbimus: Caue caueso præclare uir, ne temere aut illum sapientem fraudes suis laudibus, aut indignis perfectissimam uirtutem fidem tribuas, aut nostram super hac re incuses sententiam. Nam si penitus scrutari, non solum in superficie, uolueris, comperies quàm difficile sit credere soli deo absque ullo testimonio, propter cognationem quam habemus cum rebus mortalibus, quæ nobis persuadent ut credamus fidamusq; gloriæ, principatui, amicis, sanitati roborig; corporis, & cæteris plurimis. has persuasiones eluere, & diffidere creaturæ per se infidissimæ, ac soli deo fidere, qui solus uere fidus est, res est animi magni celestisq; non inescati ullis rebus nostratibus. Illud quoque bene additur, imputatam ei fidem ad iustitiam.] Nihil enim tam iustum, quàm fide sincera deo credere. Id quantumuis iustum & naturæ consentaneū, mirum uide-

tur propter vulgus incredulum, quos arguēs sacra scriptura dicit, in solo deo firmum esse certumq; præstium, quantumlibet hoc mirentur homines uerorum bonorum expertes, alioqui reuera non mirabile est autē opus iustitiæ proprium. Et dixit, inquit, ad eū: Ego sum deus qui eduxi te de terra Chaldaeorum, ut darem tibi terram hanc in hereditatem.] Hoc nō solum noua pollicetur, sed & ueterem promissionem confirmat. Siquidem dudum donatum bonum, exitus erat ē meteorologia Chaldaica, quæ docebat credere, mundum non opus dei, sed deum ipsum esse, & bona malaq; imputare stellarū certis ordinatisq; cursibus, unde bonorum malorumq; causæ pendeant. hanc tam prodigiosam opinionem homines ad credendum faciles hauserāt ex æquabili motu orbium celestium. nam Chaldim interpretatur æquabilitas. Nouum autem bonum quod promittitur, est acquisitio sapientiæ eius quæ non sensu discitur, sed mente sincerissima percipitur, & confirmat migrationem optimæ animæ se conferente ab astronomia ad physiologiam, et ad certam cognitionem à coniectura: atq; ut proprie loquar, à genitis ad Ingenitum, à mundo ad eius patrē conditoremq;. Chaldaicam enim sectam cælo fuisse deditur hunc autem postquam inde migravit, deo qui cælo uelatur & id gubernat, credidisse, narrāt sacra eloquia: præclara sane hereditas, fortasse maior quàm pro capto hæredis, sed digna largientis magnitudine. Sed non sufficit bona spes & miræ felicitatis expectatio sapientiæ cupido per oraculum oblata, nisi & modum audiatur, quo ad eam felicitatem peruenturus sit, quod molestum

lestum fit illi hæc ignorare, ut insatiabiliter sitienti scientiam. Ideo percontatur: Domine deus, quomodo cognoscam quod eam hæreditate possidebo? Dicat fortasse aliquis, non conuenire hoc ei qui crediderat. nam hæitationem dubitantis esse, eum uero qui credit, nihil amplius querere. Dicendum igitur eum hæsitare & credere, sed non de eadem re. absit hoc à fideli anima. credidit se hæreditario iure possessurum sapientiam, nihil aliud querit, quàm quomodo sibi obuentura sit ea felicitas. nam obuēturam certo scit fretus dei promissione. Itaq; delectatus hominis prono ad discedendum desiderio præceptor, incipit à primis elementis eum erudire, primum docens quod est summæ necessarium: Sume mihi. Breue uerbum, sed magna uis eius. nō pauca enim indicat. Ante omnia, proprium, inquit, nullum habes bonum, sed si quid habere putaris, aliunde habes. Vnde colligitur quod accipimus à deo quicquid habemus, non à post eum nata creatura, quæ ipsa manus ad eum tendit ut accipiat. Secundo, inquit, quicquid sumis sume non tibi ipsi, sed quasi mutuum aut depositum redde ei qui deposuit, & quidem cū auctario, ueterem gratiam noua pensans gratia, & decenter aliquid rependens bene merito. nam multi sacris depositis male usi, præ auaritia nimia uerterunt ea tanquam sua in proprium commodum, tu uero uir bone da operam pro uiribus, ut non solum integra illæsq; serues quæ accepisti, sed omni cura efficias, ut qui deposuit nō habeat quod queratur de tua custodia. deposuit autem hæc, animam, rationem, sensum, nimirum factor animalium: quæ depo-

deposita figurate iuuenca, aries, capra nominantur in
 sacris literis. hæc autem quidam sui nimis amantes usur-
 parunt sibi, alij reposuerunt ut tempestiue redderent, ei
 fraudatores quidem sunt innumeri. quis enim est nostrum
 qui animam rationem sensum in bonis suis non censeat,
 sibi acceptum ferens quod sentit loquitur intelligit co-
 rum autem qui bona fide custodiunt depositum exiguum
 est numerus. hi tria iam dicta deo dedicant, rationē, sen-
 sum, animam. Sumpserunt enim non sibi, sed illi hæc om-
 nia: itaq; merito fatentur ab eo uenire uires horum sin-
 gulis, menti cogitationes, rationi sermones, imaginatio-
 nes sensibus. ceterum qui hæc ascribunt sibiipsis, meri-
 to sibi parant has misérias: insidiosam animam feruens
 tatam brutis affectionibus, et uitij plurimis obstatam,
 nunc gula atq; libidini tanquam in lupanari prostitu-
 tam, nunc à plurimis iniquitatibus tanquam in carcere
 constrictam cum maleficis, non hominibus, sed studiis,
 quæ omnibus tribunalibus facessunt negocium. rationi
 uero inaniloquam, exacutam ad impugnationem uerita-
 tis, sibi dedecus asferentem, damnum autem audientibus.
 præterea sensum insatiabilem, semper ingurgitan-
 tem res sensibiles, sed nunquam expleri ualentem, contra-
 macem aduersus monitores, et conspuentem quicquid
 ad emendationem audit uidetq;. Qui autem hæc sumple-
 runt non sibi, sed deo, dedicarunt ei singula, ut sacra ser-
 uantes suo domino: mentem quidem, ne quid aliud quam
 de deo uirtutibusq; cogitaret: rationem uero, ut ore fre-
 nato, laudibus hymnisq; ueneraretur parentem rerum
 omnium, ostentans in hoc tantum negocio suam eloquē-
 tiam

tiam: sensum autem, ut imaginando totum hunc mundum
sensibilem, cælum terramq; & naturas quæ sunt in me-
dio, animantes ac stirpes atq; uires harum & efficaciam,
motusq; alios & habitus, sedulo & sine fūco nūciet ani-
mæ. menti enim deus dedit, ut intelligibilem mundum per
seipsam, uisibilem autem per sensum, cognosceret. Quod
si quis possit omnibus his partibus deo magis quam sibi
querere, per sensus introspiciendo sensibilia, inuenien-
dæ ueritatis studio, per animam autem in rebus intelli-
gibilibus quæ uere sunt philosophando, deniq; per uo-
cis instrumentum laudando hunc mundum & eius opi-
ficem, uiuet uitam beatissimam. Hæc puto significari per
uerbum illud, Sume mihi. Cæterum quoniam misericor-
di deo uisum est suæ uirtutis excellentiam cælitus in ter-
ram dimittere, ut genus nostrum potioris sortis fieret
particeps, figurate tabernaculum cum suis sacris appa-
rauit, sapietiae simulacrum et imaginem. nam in medio
nostræ impuritatis collocatum tabernaculum ait scri-
ptura, ut esset quo purificaremur, elutis et absterfis sor-
dibus ac maculis, quibus referta est hæc uita nostra mise-
ra. Videamus igitur quid præcipiatur de apparando ta-
bernaculo. Locutus est, inquit, dominus ad Moysen di-
cens: Dic filiis Israel. Sumite mihi primitias, à quocunq;
ultra dante sumetis eas. Hic quoq; præcipitur ut non si-
bi sed deo sumant, examinando dantis animum magis
quam donum, & conseruando quæ dantur illæsa atq;
integra. quod autem primitias postulat, id ad erudien-
dos nos pertinet. nam reuera corporum ac rerum pri-
mitiæ deo debentur. id si scire uis, considera stirpes, ani-
mantes,

mantes, artes, scientias. prima stirpium semina sunt ne
 agriculturæ an inuisibilis naturæ opera? quid hominū
 caterorumq; animalium generatio, nonne parentum
 operam habet accessoriam, suprema autem antiquissi-
 ma uerq; eius causa natura est: artium autem scientia-
 rumq; nonne fons, radix, fundamentū, aut si quod aliud
 est nomen potioris principij, natura supponitur, cui cō-
 templationes omnes superstruuntur? naturam uero si
 subtrahas, imperfecta erunt omnia. Et hoc est quod mi-
 hi quidam uidetur dixisse aptissime: ἀρχὴ δέ τοι ἀγαθὸν
 πάντων.

Dimidium facti qui bene cœpit habet.
 Merito igitur in sacris eloquijs primitiæ dedicantur de-
 rerum principi. Aliubi quoq; sic legitur: Locutus est de-
 minus ad Mosē dicens: Consecra mihi omnem primi-
 foetum primogenitum, aperientem uulnam, in filiis Is-
 rael, ab homine usq; ad pecora. itaq; sic etiam cōfessum
 fit, quod quæ antiquiora sunt & præcipua deo debentur,
 præsertim primogenita. quoniam enim omne genus
 est incorruptibile, incorruptibili deo iuste attribuitur,
 & quicquid in uniuersum uulnam aperit, ab homine,
 hoc est ratione, usq; ad pecora, id est sensus corporis, nā
 qui aperit uulnam singulorum, mentis ad percipiendā
 intelligibilia, rationis ad exercendum sermonem, ser-
 suum ad obiecta tractanda, corporis ad proprios eius
 motus atq; habitus: est ille dei sermo inuisibilis sator &
 artifex, qui conuenienter ad patrem refertur. atqui sic
 cut principia dei sunt, sic & fines: teste Mosē, qui præ-
 cipit ut separetur finis, & dedicetur domino. attestantur
 & mundanæ res. quomodo? stirpis principij semē
 est.

est, finis uero fructus: utrūq; opus naturæ non agriculturæ. Rursum scientiæ principiū natura est ut ostēdimus, finis autē ne contingit quidem hominibus. nemo enim absolutus est in ulla scientia, sed reuera perfectiones & fastigia unius solius sunt. itaq; nos uersamur in spatio medio finem inter & principiū, discendo, docendo, agros colendo, cætera opera tractādo quasi agamus aliquid, ut & generatio uideatur aliquid agere. Manifestius tamen principia finesq; deo tribuuntur in mundi creatione, dicente scriptura, In principio fecit: & rursum, Perfecit deus cælum & terram. Nunc igitur ait: Sumite mihi: sibi debita uindicans, & præcipiens ne quæ dātur uidentur, sed ita ut oportet seruentur. Rursum aliubi quæ re nulla indiget, & ideo nihil accipit, fatetur nihil accipere, ut pietatē accendat, & ad sanctitatē religionemq; prōptos faciat, quasi delectetur spōtaneis obsequijs animæ & cultu legitimo. Ecce, inquit, accepi Leuitas pro omni primogenito aperiēte uulū apud filios Israel, erūt eorū redemptio. Damus igitur & accipimus. sed accipimus proprie, abusiue dare dicimur, ob causas quas diximus. apte autē redemptionē Leuitas nominat. nihil enim æque mentem ad libertatē erigit, ac confugere ad deum suppliciter. id autem sacrata Leuitica tribus proficitur. Quādo igitur satis de his disseruimus, reuertamur ad textus reliqua. Sume mihi, inquit, iuuenā indomitā, ileasam, tenerā, iuuenē, lasciuā, sed rectoris patientē animā, sume mihi arietē, rationē maturam, paratā certamini, idoneā soluen dis et diffecādis nodis sophistarū ex aduerso disputantiū, idoneā et ad tuendū ornādūq; eū cui

conti-

contigit. sume mihi & sensum inducentem in hunc mundum sensibilem, capram, tria hæc omnia, iuxta numerum perfectum composita, principium, finem, medium habentia. præterea turtur & columbam, diuinam & humanam sapientiam, ambas quidem uolucres & in altum tolli exercitatas, differentes tamen à se inuicem, quatenus differt genus à specie, aut exemplar ab imagine. amat enim diuina sapientia solitudinem, propter solum deum cuius ipsa est possessio, & turtur figurate uocatur. altera uero mansueta, cicut & gregatim uolitans ciuitates hominum libenter incolit, gaudens consuetudine mortaliū, & ideo representata per colubæ similitudinem. Has uirtutes opinor Moses subindicans, obstetrices Hebræarum Sepphoram & Phuam nominat: quarum altera diuicia, altera rubor interpretatur. siquidem diuinæ scientiæ proprium est sublimia petere: humanæ uero, modestiam & pudorem indere, quem erubescencia maxime indicat. Et sumpsit, inquit, ei hæc omnia. hæc laus est probi hominis, sacrum depositum animæ, sensus, rationis, diuinæ sapientiæ, humanæ scientiæ, sine dolo bona fide seruantis, non sibi sed ei qui deposuit. Deinde addit: & diuisit ea per medium: nec dicit quis diuiserit, cogitationi tuæ relinquens intelligendum deum, secantem corporum ac rerum cunctarum coherentes & unitas ut uidetur naturas, uerbo suo nihil non secante, quod ut acutissimum non desinit diuidere omnia sensibilia, donec perueniat ad ea quæ uocantur indiuidua. Idem uerbum incisorium etiam rationi cōspicua in plurimas portiones incircumscriptas diuidit, & bracteas auri secat.

in capillamenta, ut Moses ait, longitudinem sine latitudine, incorporeis lineis similem. Hæc igitur tria singula diuisit per medium, animam in brutam partem & rationalem, orationem in uerum & falsum, sensum in imaginationem certam & incertam: atq; ita dimidiata inter se opposuit, rationali brutum, uero falsum, certo incertum, indiuisa sinēs uolucra. nam incorporeæ diuinæq; scientiæ in contrarietates pugnantes non possunt diuidi. Et quia dicendum est de diuisione in æquales portiones & de oppositis, nec silentio re præteruehemur, nec prolixius immorabimur, sed quāto poterimus utemur compendio, contenti huc proprie pertinentibus. nam sicut animam nostram & membra per mediū diuisit opifex, sic & huius uniuersitatis essentiam mox in mundi huius initio. Primum bisariam eam diuisit, in graue & leue, quod crassum est discernens à tenui horum utrumq; denuo diuisit, tenue in ignem & aerem, & crassum in aquam terraq; sensibilibis mundi elementa sensibilia, profundamento ei futura. ac rursus tum graue tum leue diuisit in alias species, leue in frigidum & calidum, frigidum appellans aerem, ignem uero quod est natura calidum: item graue in humidum & aridum. humidum uocauit aquam, terram aridum. hæc singula rursus aliter secta sunt. terra in continentes & insulas: aqua in mare et fluuios, cæterosq; latices potabiles. aer in æstiuas brumalesq; mutationes. ignis in hūc quo utimur quotidie, corruptiuum & insatiabilem, & in aliū salutare priorum contrarium, ex quo cælum cōfectum est. Ita secta sunt diuersalia, nec minus particularia, nempe in animata

& inanima. In animatis quædā semper manent eadem,
 quæ habitu cōtinentur ceu uinculo: quædā mouētur, nō
 migratione sed incremēto, quæ natura inenarrabili mō
 do uiuificat. ex his alia sunt siluestria, quæ immites fru-
 ctus cibum ferūt bestijs: alia frugifera, quæ ad curā agri-
 colarū pertinet. horum fructus profunt homini, omnium
 animalium mitissimo. Nec hic consistit diuisio animatorū
 ab inanimis, rursum hæc singula subdiuiduntur. nam al-
 terum horū diuiditur in brutorū & rationaliū species:
 quæ & ipse denuo diuiduntur: bruta in fera & mansue-
 ta, rationalia in mortalia & immortalia. mortales itere
 secantur bisariā, distincti uirorū & mulierū uocabulo.
 aliās quoq; animal in marē secatur & scēminam. nec de-
 sunt & aliæ sectiones necessariæ, quibus separantur uo-
 lucres à terrestrib. & ab utrisq; aquatilia. Tam acutum
 est uerbū illud res oēs diffecans, primum forma qualita-
 tēq; carentē essentiā, & ab hac discreta mundi elemēta
 quatuor, mox plantas & animantes ex his compastat.
 Quoniam aut non tantū ait diuisit, sed per medium diui-
 sit, necessum est ut pauca de portionib. dimidiatis adda-
 mus. sic enim æquales partes indicātur. Mortalis quidē
 nemo posset quicquā in partes pares diuidere, sed neces-
 se est ut alterutra maior minorue sit, saltem paulo quod
 sensum fugiat, solitū grandiora quæq; expendere, minu-
 tias uero non ualentē percipere. inæqualitas aut æquali-
 tatem excludit, id quod ueris rationib. deprehenditur.
 probabile igitur est, solum deū exacte iustū esse, & solū
 posse per mediū diuidere uel res uel corpora, ut alterut-
 ra portiōe mica quidē alterā superet, sed pares sint per
 omnia.

omnia. Hæc dicta sufficerent, si una esset æqualitatis species: cum autem plures sint, nō grauabimur quæ res pōstulat adiungere. dicitur enim æqualitas uno modo in numeris, quæ duo duobus, tria tribus æquiparantur, & cætera similiter. altero modo in quantitate, quæ ad longitudinis, latitudinis, altitudinis, dimēssiones pertinet. palmus enim palmo, cubitus cubito par est magnitudine. Sunt in quibus æstimatur ualoris æqualitas, ut in mēsuris ac ponderibus. est & ea species necessaria quam analogiam seu proportionem nominant, iuxta quam pauca multis, parua magnis, censentur æqualia, cuius in ciuitatibus usus est interdum, quando ciues iubentur conferre æqualiter, non numero, sed pro rata, ut est census eius temporis, quando centum drachmas conferens, tantundem iudicatur contulisse, quantum qui talentum re præsentauit. His præsuppositis uide quomodo qui per medium diuisit, æqualiter diuisit iuxta has oēs æqualitatis species, in ipsius mūdi opificio, pari numero grauiā diuidens à leuibus, duo à duobus, terrā & aquā pondus habentia, à suapte natura leuibus igne & aere. eadē paritas est in singulis, aridissimo humidissimoq; terra & aqua. eodem modo tenebris lux opponitur, dies nocti, æstas hiemi, ueri autūnus, & id genus alia. Item magnitudine pares sunt in cælo quidem æquidistantes circuli, tam æquinoctiales uernus autūnalisq; q̄ solstitiales æstiuus brumalisq;: in terra uero zonæ quas uocāt, duæ inter se æquales quæ circa polos sunt frigide, & ob hoc inhabitabiles: duæ item inter has & exustā mediæ, quas propter temperiem aiūt habitabiles, alterā ad austrum

uergentem, alteram ad septentriones. Longitudine uero paria sunt temporum spacia, nox maxima diei maxima, breuissima breuissima, media media. de cetero dierum equalitates ac noctium deprehenduntur æquinoctijs, post uernum usq; ad solstitium die crescente, nocte decrescente, donec dies longissima fiat, nox breuissima. post solstitium uero sol reuertens per eandem uiam, nec celerius, nec tardius, sed eodem modo per eadẽ spacia, pari ordine ad autumnale æquinoctium incedit, æquinoctiaq; nocte diei, noctem augere incipit, diem minuens ad brumam usq;. tum uero nocte aucta in maximam longitudinem, die contracta maxime per eadem rursum spacia reflectens ad uernũ redit æquinoctium. ita spaciis temporum quamuis in æqualia uideantur, parem habent longitudinem, non tamen iisdem anni horis, sed diuersis temporibus. Idem cõsideratur & in membris animalium, præsertim hominum. pes enim pedi, manus manui, & cetera ferme omnia dextra sinistris sunt paria. Iam que ualore æquantur sunt plurima tam arida quàm liquida, de quibus pondere mensuraq; decernitur. analogia uero æquat omnia propemodum parua magnaq; in toto mundo quantus est. nam qui rerum naturam scrutantur diligentius, aiunt pro portione paria esse elementa quatuor. qua analogia mundus temperatus æquante partibus singulas comparanteq;, & factus est primum, & durat in perpetuum. certe ista quatuor, aridum, humidum, frigidum, calidum, contemperata pro portione, constat nihil aliud esse quàm potentiarum quatuor temperamentum quoddã congruũ & analogicũ. Quod si libeat per-

currere singula, in infinitum protendetur oratio. Animalia minima maximis paria pro portione licet animadvertere, hirundine aequile, mugile ceto, formicâ elephanto. nam corpus & anima, item dolores uoluptatesq; appetitus & fastidia, & quicquid est in natura animalium, omnia ferme sunt similia, æquante analogiæ regula. & hoc est quod quidam ausi sunt uniuerso mudo æquare hominem animal minimū, cum uiderent utrumq; cōstare ex corpore & rationali anima, ut permutatis nominibus, hominē quidem mundum paruū, mūdum uero magnū hominem dicerent. quæ illi non temerē docent, sed quoniam ars dei qua uniuersa condidit, nec intenditur nec remittitur, semper sui similis quantum ad excellentiā, opifice res singulas absoluēte numeris omnib; & nihil præmittente quod merito desideres. nam & parua et magna, ut dicit Moses, iudicauit, creans & formans singula, nec propter uilitatem materiæ de arte quicquā subtrahens, nec addens aliquid propter eius precium. quoniam laudati artifices, siue preciosas materias siue uiles accipiant, ipsi nō parce insumunt operā. nec desuerunt qui affectate ostentarunt artē in uilibus, contendētes cū preciosis operibus, arte supplētes quod materiæ deerat: dei autē existimatione materia nulla preciosa est, ideo citis ex æquo artē adhibuit: unde in literis sacris legitur, Vidit deus omnia quæcūq; fecerat, & ecce bona ualde. quæ autē laudātur ab illo, honore æquantur ipso iudice. Laudauit autē non materiā inanimam, redundantē, dissolubilem suapte natura et corruptibile, rudē inæqualēq; sed artificiosa opera sua, præ se ferentia unā eandemq;

animales
minima
maxima
paria
pro
portione
animalium
ne tenet

opificis facultatem ac scientiam æqualiter elucens
 per omnia. ideo seruata est ubiq; analogiæ regula, ratio
 ne artis ac scientiæ. eius æqualitatis, si quis alius, Moses
 laudator fuit. primū laudans ubiq; iustitiam, cuius pro-
 prium est æqualiter diuidere, ut Græcis $\delta\epsilon\pi\tau\omicron\ \tau\delta\ \delta\iota\chi\epsilon\tau\iota\varsigma$
 $\mu\epsilon\tau\epsilon\upsilon$ dicta uideri possit, diuidens & res & corpora.
 Deinde uituperans iniustitiam, turpissimæ in æqualita-
 tis opificem. hæc in æqualitas geminum bellum peperit,
 externum et ciuile, sicut ediuerso pacem æqualitas. Sed
 nusquam apertius laudat iustitiam, damnat iniustitiā, q̃
 his uerbis: Non facietis iniustitiam in iudicio, in mensu-
 ris, in libra, in pondere. Libra iusta, pondera iusta, mo-
 dius iustus erit uobis. & in Deuteronomio: Non erit in
 pera tua pondus iniquum, uerum & iustum erit: non pon-
 dus magnum & paruum, ut fias longeuus super terrā,
 quam dominus deus dabit tibi in hereditatem, quoniam
 abominatus est deo quisquis facit iniustitiam. Ergo ama-
 tor iustitiæ deus odit iniustitiā et abominatur ut seditio-
 nis & malorū principium. Sed ubi æqualitatē laudat le-
 gislator nutricem iustitiæ? Mox in principio celi condi-
 ti. Et diuisit, inquit, deus lucē à tenebris, appellauitq; lu-
 cē diem, & tenebras noctē. diem enim & noctē, lucē &
 tenebras in rebus ordinauit æqualitas. Eadem diuisit &
 hominem in uirum ac mulierē, duas portiones in æqua-
 les quidem robore, sed quod natura spectauit, bene com-
 paratas ut tertium quiddam gignerent sibi simile. Fecit,
 inquit, deus hominem, ad imaginem dei fecit eum, masculū
 et fœminā fecit eos. iam non Eum, sed Eos adiecit plu-
 riter, inserēs in genus species, diuisas, ut dixi, æqualiter.

Frigus quidem & æstus, æstatem & uer descripsit in
 horas annuas, diuisas eodem incisorio. cæterum illi tres
 dies qui solem præcesserunt, eundem seculis numero pa-
 res sunt, senario diuiso æqualiter, ad notas seculorum et
 temporis. æuo enim tres præcedentes dicauit, sequentes
 uero tempori, quod imago eternitatis est. Itē duas eius
 Qui est potētias primarias, beneficam qua mundū con-
 didit, iuxta quam appellatur dominus: & punitiuā qua
 rebus imperat, iuxta quā deus agnominatur, ipse ait se
 medium stantē dirimere. Loquar tibi, inquit, supra pro-
 pitiatōrium inter duo Cherubim: ut ostenderet quōd an-
 tiquissimæ eius Qui est potentiæ pares sint, benefica &
 & ultrix, utentes eodem incisorio. quid columnæ decem
 legum generalium, quas nominat tabulas? duæ sunt nu-
 mero pares animæ partibus. nam brutæ pariter ac ratio-
 nali debetur eruditio castigatioq; hæc rursus à legisla-
 tore diuiduntur. ipsæ quidem opus dei fuerunt, exaratae li-
 teris diuinitus insculptis in eas. Quin etiam legib; ipsis,
 quod propriè ius est, diuisis in pares quinaros, prior
 ius diuinum, posterior humanum continet. In diuino iu-
 re prima lex opponitur opinioni plures deos creden-
 tium, docens nos mundum esse sub unius imperio. secun-
 da uetat ne quis sibi deos alios faciat præter creatorem,
 deceptus pictorū fictorumq; insidiosis artibus, quas Mo-
 ses eiecit e sua rep. damnatas exilio perpetuo ut solus ue-
 re deus colatur. Tertia est de nomine domini, non eo
 quod creaturam penetrat (hoc enim est ineffabile) sed
 quod prædicatur de eius potentijs. prohibitum est enim
 id in uanū assumere. Quarta est de semper uirgine sine

matre nata hebdomade: ut creatura assueta eius *ocig*, *re*
 miniscatur eius qui omnia facit inuisibiliter. Quinta de
 honore habendo parētib. nam hæc quoq; sacrata est,
 quippe quæ refertur nō ad homines, sed ad autorem ge-
 nituræ rerum omnium, cum quo pater & mater collati
 non gignunt, sed instrumenta gignendi sunt. hoc præce-
 ptum situm est in confinio quinarij pertinentis ad pieta-
 tem, & alterius cohibentis iniurias mutuas ac malefici-
 cia: quandoquidem mortales parentes finis sunt immor-
 talium potentiarum, quæ naturales genitrices rerum om-
 nium, permiserunt huic infimo generi mortali ad imi-
 tationē earum seminare atq; gignere. principium enim
 generationis est deus: finis uerō hæc mortalis infima &
 uilissima species. alter autem quinarius uetat adulteriū,
 homicidium, furtum, falsum testimonium, concupiscen-
 tiam. hæ sunt generales regulæ peccatorum ferme om-
 nium, ad quas referri possunt singulorum species. quoti-
 diana quoq; sacrificia uides diuisa æqualiter, alterum sa-
 cerdotibus pro seipsis offerētib. è simila, alterum pro
 tota natione, in quo agni duo ritē mactātur. horum quæ
 dixi dimidium mane offerri lex iubet, reliquum uespe-
 re, ut etiam pro nocturnis beneficijs agātur deo gratia.
 Vides & panes in sacra mensa propositos, ut in senos di-
 stributi æqualiter, monumentum sunt xij. tribuum, qua-
 rum dimidium ad uirtutem Liam pertinet matrem lex
 phylarcharum, alterum dimidium Rachelis est & cete-
 rarum. uides & in talari ueste gemmas xij. pariter se-
 nas dextras ac sinistras, quibus insculpta fuerunt duo-
 decim patriarcharum nomina, notata diuinis literis, na-
 tura

turarum diuinarum monumenta. An non & duos montes significantes duo genera, pro æqua portione discretos, alterum tribuit benedicientibus, alterum execrantibus, phylarchas utrobique præficiens: ut doceret eos quibus monitore opus est, benedictiones & maledictiones pares esse numero, atque etiam honore propemodum, si dicere fas est, similiter enim laudes bonorum profunt et malorum uituperia: quandoquidem rerum malarum fissa & bonarum optio similes iudicantur à prudentibus. Libet mirari etiam duorum hircorum qui pro peccatis offeruntur selectionem & distributionem incerta sortis commissam. cum enim sermo sit duplex, alter qui diuinas uirtutes tractat, deo consecratur: alter qui humanis inheret miseris, profugæ creaturæ dedicatur, quem oracula uocant emissarium, quia procul à sapientia repellitur. Ceterum quia sicut numi, sic res ueris falsisque notantur characteribus, nonne inuisibilis ille sector tibi uidetur diuississe has æqualiter, dum notatas & probas eruditionis amatori assignat, notis uerò & signis carentes inerudito? Obtigerunt, inquit, non signata Labani, signata Iacobo. nam anima ceræ (ut quidam priscus ait) more, si dura sit, formas respuit, nec sibi finit imprimi, & rudis permanet. si autem sit obsequens aut saltem mediocriter facilis, profunde sigilla recipit, & amoto signaculo, fideliter seruat impressas species. Nec minus miranda est uictimarum sanguinis æqua distributio, quem summus pontifex Moses ex naturæ præscripto diuisit. Sumpto, inquit, dimidio sanguinis insudit eum in crateras: reliquum uerò dimidium profudit apud altare.

ut doceret esse duplex genus sacratæ deo sapientiæ, alterum diuinum, alterum uerò humanum. & diuinum quidem esse sincerum nulla mixtura uitiatũ, quam ob rem deo sincero atq; impermixtæ unitati libatur. humanum uerò mixtum temperatumq; profundi & dispergi in nostrum genus mixtum, temperatũ & compositum, quod inducit membrorum morumq; temperamenta & concordiam. Enimvero animæ pars sincera puraq; mens est uigēs ac uiuida, supernè inspirata cælitus: quæ si quādo sana integrāq; seruatur, æquum est & dignum sacris ipsius studijs, ut reddatur deo qui eam conseruauit inco-lumen & illæsam à malis omnib. altera uerò mixta pars est tota sensuum, cui suas crateras natura fabricauit: hæ crateræ, uisus quidē sunt oculi, aures uerò auditus, item nares odoratus, & sua cuiusq; receptacula, in has sanctum illud uerbum infundit sanguinem, ut bruta nostri pars animetur, & rationalis fiat quodammodo, parēdo admonitionibus, & puram se seruando ab illecebris sensuum. quid didrachmum sacratum, nōne ad eundē modum intelligendum est: ut eius dimidium, scilicet drachmam seponamus in redemptionem animæ, quam ille solus liber & liberator ē crudeli molestāq; affectuum & iniquitatum dominatione uel rogatus uel non rogatus potenter asserit: reliquum dimidium illiberali & seruilī relinquamus generi, ex quo fuit ille qui dicit: Sufficit mihi meus dominus, mens quæ in me principatũ habet: & uxor mea, charus ille sensus custos domesticorum affectuum: & pueri mei, mala quæ ex his nascuntur. Nolo abire liber. Necesse est enim ut huic quoq; generi fors
exfors

exfors & emissaria detur è didrachmo, opposita drachma quæ unitati sacrata fuit. Vnitas enim nec additio- nem nec subtractionem potest recipere, imago dei qui solus plenus est. Cetera suapte natura sunt inania, quibus si quid inest solidi, uerbo diuino astringitur. Hoc enim ceu uinculo & glutine solidatur omnis essentia. Ipsum uerò connectens contexensq; singula, sibi ipsi complementum est, nullo prorsus egens alio. Merito igitur dicit Moses: Diues non apponet, pauper non detrahet de didrachmi dimidio: quod est (ut dixi) drachma & unitas: cui omnis numerus dicere potest illud poeticum: A te principium, tibi desino. Nam uel infinities infinitus numerus in unitatem desinit, & factò ab hac initio cre- scit in innumerabilem multitudinem. ideo non nume- rum, sed elementum & principium numeri hanc dixe- runt, quibus curæ est consecrari talia. Ad hæc celestem illum cibum animæ qui manna uocatur, omnibus pe- tentibus dei sermo ex æquo distribuit, æqualitatem haudquaquam negligens. Testis est Moses, dicens: Nec plus colligenti superfuit, nec minus colligenti defuit: quando miranda optandaq; analogiæ mensura usi sunt: ex qua didicerunt hunc cibum non tam hominibus quàm rationibus & moribus colligi, quantum enim cuique competeat, tantum sibi præparauit, ut nihil uel deesset uel superesset. Similem analogicam æqua- litatem licet inuenire in pascha, ut uocant. est autem pascha, quando anima brutos affectus meditatur de- discere, & rationalem animi tranquillitatem ultro ad- uocat. Præcipitur enim sic: Si pauci fuerint in domo, adeò

adeo ut nō possint agnum absumere, assumatur uicinus
proximus pro animarum numero, ut supputatione sua
ita cedat cuiq; sua portio, qua & dignus est & indiget.
Cum autem agri nouellis colonis diuiduntur, maior por-
tio pluribus, minor paucioribus attribuitur, quod ini-
quum uideatur parua multis, magna uerò paucis tribui
magnitudinis eius non capacibus. Aequalitatis autem
quæ iuxta numerum iudicatur exemplum euidentissi-
mum est in undecim principum sacris oblationibus, &
earum in sacerdotes distributione. Vnicuiq;, inquit, ex
filijs Aeron erit æqua portio. Est & in compositione sa-
cramentum ad suffitum pulcherrima æqualitas. præcipi-
tur enim: Sume tibi odoramenta, stacten, onycem, & gal-
banum suaueolens, & thus perlucidum, omnia lectissima
& inter se paria: facientq; ex eo suffitum, unguentum
opus unguentarij, puræ compositionis, opus sacramentum.
singulas portiones ait pares oportere esse ad totiustem-
peramentum. opinor autem has quatuor species ex qui-
bus suffitus componitur, figuram esse elementorum ex
quibus constat mundus hic uniuersus. nam per stacten
aquam, per onycem terram, per galbanum aerem, per
thus perlucidum ignem significat. siquidem stacte à stila-
lando dicta, est liquida, onyx terrestris & aridus, gala-
banum suaueolens cognominatur ad significandum aë-
rem. odor enim locum habet in aere. thuri quoq; perlu-
cidi cognomē additur, ut ignem subindicet: ideo grauid
separauit à leuibus, altera per copulatiuam coniunctio-
nem uniens, altera disiunctim proferens, dicendo, Sume
tibi odoramenta, stacten, onycem. hæc disiunctim signifi-
catu.

catius grauium, aquæ terræq; deinde incipiens denuo
 per copulam, & galbanum suaueolens & thus perluci-
 dum, quæ iam leuem aerem & ignem significant. Tem-
 peraturam autem ex his cōpositam antiquissimum per-
 fectissimūq; opus uerè sanctum dicimus hunc mūdum,
 qui per figuram suffitus admonetur, ut agat suo creato-
 ri deo gratias: ut uerbo quidem unguetaria compositio
 adoleatur, sed re uera totus mundus per dei sapientiam
 fabricatus mane ac uespere accensus exhalet uaporem
 suaueolentissimum. hæc enim uita decet mundum, ut pa-
 renti suo factoriq; indefinenter agat gratias, tantum non
 euaporans & in elementa resoluens seipsum, ut decla-
 ret se nihil sibi recōdere, sed totum seipsum offerre crea-
 tori ac dedicare. Illud quoq; mirari subit sacrum uerbū,
 quod magna contentione ac celeritate intercurrit inter
 uiuos & mortuos. Mox enim, inquit Moses, cessauit at-
 titio non cessatura profecto, nec releuatura ab afflictio-
 ne confractioeq; nostram animam, nisi amicus dei dire-
 misset sanctos, qui uerè uiuunt, à profanis, qui mortui
 sunt, si rem uerè consideres. Sæpe enim etiam sani, pro-
 pter uiciniam egrotorum, contagione periclitati sunt.
 id periculum hinc sublatum fuit interposito medio ter-
 mino ualidissimo, qui arceret à parte meliore deterioris
 impetum. Sed magis etiam miror dum è sacris eloquijs
 disco, quomodo nubes interiecit se mediam inter Aegya-
 ptiacas & Israeliticās copias. Nam hæc nubes ceu scuto
 protegens & conseruans deo charum populum tempe-
 rantie deditum, non sinebat exagitari, arcendo impians
 gentem seruientem affectibus. Mentib. enim uirtute præ-
 ditis

ditis paulatim irrorat sapientiam securam à malis omnibus: in duras autem ac bonarum artium steriles, more nimis densissimæ poenas ingerit, intentans eis inundationis perniciem miserabilem. ceterum illi angelorū principi sermoni antiquissimo hoc eximium donum concessit pater omnipotens, ut in confinio stans, facturā à factore discerneret. idem supplex immortalem appellat pro mortalibus deprecans, & à summo rege legatione ad subditos fungitur. Quod donum tam libenter accipit, ut iacet etiam, dicens: Et ego steteram medius inter uos & dominum. uidelicet nec inginitus ut deus, nec genitus ut uos, sed inter extrema medius, apud utroq; agens obsidem. apud creatorem, ut fides fiat nunquam eum deleturum aut deserturum uniuersum genus reuolutum in perturbationem ab ordine: apud creaturam uerò, ut ea certam spem habeat, nunquā deo propitio curam operis sui deferre. nam ego denuncio creaturæ pacem ab eo qui bella tollit deo, pacis custode perpetuo. Postquam igitur de sectione in portiones æquas sacra scriptura nos docuit, dicit nos & ad oppositorum scientiam, dicens portiones eas oppositas inter se inuicē. nam reuera propemodum omnia quæ mundo continentur suapte natura sunt contraria. Incipiendo à primis, calidum cōtrarium frigidum, aridum humido, leue graui, tenebræ lumini, nox diei. In celo stellarum fixarum orbis fertur in contrarium erraticarum orbibus: in aere contraria sunt nubilum & serenitas, uentus & tranquillitas, æstas & hyems, uer & autumnus. Nam illud floret, hic marcescit. In terra dulces æquæ amaris sunt contraria, fertiles agri sterilibus. Vi-

demus etiam in alijs contrarietatem, ut sunt corporea incorporea, animata inanima, rationalia irrationalia, mortalia immortalia, sensibilia intelligibilia, perceptibilia imperceptibilia, rudimenta absoluta, principium finis, generatio corruptio, uita mors, sanitas infirmitas, album nigrum, dextrum sinistrum, iustitia iniustitia, prudentia imprudentia, fortitudo timiditas, temperantia intemperantia, uirtus uitium, & utriusque omnes species. item literatura literarum inscitia, musica amusia, eruditio ineruditio, solertia inertia: & quæ ad artes pertinent, elementa muta & uocalia, acuti & graues soni, rectæ & circulares lineæ. In animalibus, ac stirpibus, fecunda sterilia, multipara paucipara, ouipara uiuipara, mollia testacea, fera mansueta, solitaria gregaria. Item, paupertas diuitiæ, claritas obscuritas, nobilitas ignobilitas, copia inopia, bellum pax, ius iniuria, gnauitas ignauia, ocium negocium, iuuentus senectus, potentia impotentia, robur debilitas. & quorum sum attinet percensere singula, quorum infinita multitudo est? Itaq; rectè naturæ interpres pigritiam & incuriam nostram miserans, unumquenq; manifeste monet nunc quoq; ut singula contra se inuicem ponamus non integra sed dimidiata. unum enim constat ex ambobus contrarijs, quo secto noscuntur contraria. Annon hoc est quod ferunt Græci suum illum magnum & celebratum Heraclitum iactasse tanquam cōmentum propriū, & in eo collocasse caput totius philosophiæ? atque uetus Mosis inuentū est, in eodem contrarias portiones animaduertere, sicut nunc apparuit. hæc igitur & aliās perse-

persequemur diligentius. Nunc illud quoq; uidetur nobis
 praterendum silentio, quod dimidiatae partes trium ani-
 malium diuisorum sex factae sunt. ut septimus sit sermo
 ille incisor, dirimens terniones & seipsum in medio sta-
 tuens. Cui simile opinor, quod manifeste memoratur de
 sacro candelabro. sic enim fabricatum est, ut sex caulicu-
 los habeat, ternos utrinq; : ipsum exstans in medio, ter-
 niones dissecit & dirimit. est enim tornatile opus diui-
 num, insigni arte factum ex auro purissimo. Nam illud
 unum solum sincerum Ens, hebdomadam sine matre ex
 seipso solo genuit, nulla prorsus adhibita materia. cetera
 rum inter laudes auri multas duae referuntur praecipuae:
 una quod non sentit rubiginis iniuriam: altera quod in-
 tenuissimas bracteas sine scissura diducitur. Merito igitur
 maiorem naturam significat, quae diffusa & proten-
 sa usq; quaq; tota per totum plena est, aptissime contra-
 xens cetera. De hoc candelabro ipse artifex differens
 rursum dicit, quod cauliculi utrinq; terni procedebant
 pari proceritate, habentes in summo lucernas nucibus
 similes in floris speciem lucernam sustinentis, exstante
 in summo candelabro flore septimo ex auro solido, &
 superimpositis septem lucernis aureis: ut multis proba-
 bile fiat, senionem in duos terniones diuisum mediante
 sermone illo septimo, sicut & hodie. totum enim cande-
 labrum cum sex praecipuis sui partibus compactum est
 e septem cauliculis, septem floribus, lucernis totidem di-
 uiduntur autem sex lucernae interueniente media septima,
 similiter & flores & cauliculi eminente septimo in
 medio. Cauliculi autem illi compares e medio septimo
 pte

pite proueniunt. Verum de his quia multa dici possunt,
 differantur in tempus aliud: unum in presenti dixisse
 sat erit, quod septem erraticorum siderum cursus simul
 lacrum sit hoc sacrum candelabrum cum septem lucer-
 nis superpositis. Quomodo, rogabit aliquis. Respondeo;
 quia sicut lucernæ, sic & planetarum quisq; prælu-
 cet. Cum enim plus splendoris habeant, lucidissimos ad ter-
 ram usq; mittunt radios, sed præcipue sol eorum medius.
 medium autem uoco, non solum quia iuxta multorum
 opinionem in medio situs est: sed quia merito utrinq; sti-
 patur tali satellitio pro dignitate sua & magnitudine
 atq; utilitate quam terrenis rebus omnib. exhibet. cæte-
 rum homines qui non possunt in solidum percipere ho-
 rum siderum ordinem (quid enim illi certò intelligunt in
 rebus cælestibus?) coniecturas suas sequuntur. nec male
 conijcere mihi uidentur, qui soli medium locū tribuunt,
 tres super eum, totidem infra locando, superiores Phæ-
 nonta, Phaethonta, Pyroenta, deinde Solem: post ipsum
 uerò Stilbonta, Luciferum et Lunam uicinam aeri. itaq;
 uolens artifex imaginem cælestis sphaeræ septilustris a-
 pud nos effingere, iussit pulcherrimum hoc candelabrum
 affabre fieri. idem quam cum anima similitudi-
 nem habeat iam antea dictum est. Anima tripartita est.
 singule partes eius (ut ostendimus) secantur bisariam:
 ita factis sex portionibus, septimus iure annumeratur
 ille incisus omnium sermo sacer & diuinus. nec illud si-
 lentio prætereundum, quod cum tria sint in sacra sup-
 pellectile, candelabrum, mensa, altare: hoc quidem ad
 eam quæ pro acceptis elementis fit, gratiarum actio=

nem refertur, ut ante demonstratum est: quando & ipsum portiones accipit ex his quatuor: terra ligna, aqua aromata quæ liquefacta primo in humorem uertuntur, uaporem aeris, deniq; flammam quæ ex igne accenditur. quin & illa compositio thuris, galbani, onycis, stactes, elementa figurat. At mensa ad gratiarum actionem pro rebus mortalibus parata est. panes enim & libamina super eam ponuntur, quæ nutrimenta necessitas humana postulat. Ceterum candelabrum ad eam quæ fit pro cælestibus omnibus, ne qua mundi pars expers gratiarum actionis uideatur, sed omnium partium gratitudo euidenter appareat, elementorum, & eorum quæ ex his confiunt, nec solum terrestrium, uerum etiam cælestium. Hic considerandum occurrit, cur mensæ atq; altaris mensuris proditis, de candelabro nihil tale scribitur. an ob illam causam, quod elementa, & quicquid mortale constat ex his, quarum rerum figuræ sunt mensa & altare, dimensa sunt cælo terminata. semper enim contentum à continente metitur. Cælum autem cuius figura est candelabrum, infinitam habet magnitudinem. continetur enim, sed non à uacuo, sicut Moses docet, nec ab ullo corpore uel pari magnitudine prædito, nec ab infinito, iuxta prodigiosas fabulas quas in mentione turris attigimus. Est autem eius terminus deus, idem rector & gubernator. itaq; sicut Ens ipsum est incomprehensibile, sic quod ab eo terminatur, mensuris nobis ignotis circumscribitur. Et fortasse quia rotundus est in orbis absoluti speciem, caret longitudine & latitudine. De his rebus ita ut decet locutus, addit: Aues autem non diuisit: aues uocans uolucres

& natura sublimes sermones, alterum archetypum nobis
 superiorem: alterum eius imaginē, qui inter nos uer-
 satur. illum Moses uocat imaginem dei, hunc autem no-
 strum, sigillum expressum illa imagine ceu signaculo.
 Fecit, inquit, deus hominem, non imaginem, sed ad ima-
 ginem. itaq; uniuscuiusq; nostrum mens, quæ propriè
 uereq; homo est, tertia creatoris est effigies, interceden-
 te exemplari huius, illius uerò imagine. ipsa mens sua-
 pte natura est indiuisibilis, nam brutam animæ partem
 in sex alias portiones subdiuisit opifex, uisum, gustum,
 auditum, odoratum, tactum, & uocem pronunciati-
 uam. rationalem partem, quæ mens nominatur, indiui-
 sam reliquit ad totius cæli similitudinem. nam & illic a-
 iunt extremum orbem indiuisum manere: interiorem uerò
 in sex diuisum. planetarum (ut uocant) septem circu-
 los efficere. quod enim est in homine anima, hoc (ut opi-
 nor) cælum in mundo. Ergo duæ rationales & intelligi-
 biles naturæ, altera in homine, altera in uniuerso, inte-
 græ manent & indiuisæ. ideo dicitur, Aues autem nō di-
 uisit. siquidem columbæ nostra mens, ut mansueto & no-
 biscum degenti animali, assimilatur: huius autem exem-
 plari turtur. nam dei sermo amat deserta solitarius, non
 miscens se turbis rerum corruptibilium, assuetus petere
 sublimia, & unius delectari cōsuetudine. Sunt igitur hæ
 duæ naturæ indiuisibiles, & nobis insita ratio, & illa di-
 uina altera: & cum sint indiuisibiles, plurima secāt alia.
 nā & dei uerbū res naturæ diuisit omnes atq; distribuit
 & nostra mēs quicquid rerū ac corporū cōcepit intelle-
 ctu, in infinitas infinitas partes diuidendo finē nō facit.

id accidit propter eam quam cum uniuersorum creatura
re patreque habet similitudinem. nam celeste numen pu-
rum sincerum indiuisibile cum sit ipsum, autor est om-
nium mixturarum partitionum temperaturarum quot
quot in toto mundo sunt. ideo non debemus mirari, si
eius similes mentes, nostra & illa nobis superior, cum
sint indiuisibiles & insecabiles, tamen diuidere & dis-
cernere ualent singula. Postquam autem dixit de indila-
sectis & indiuisis auiibus, pergit narrare. Et descende-
runt aues in corpora diuisa bifariam.] ubi quamuis
utatur homonymia, tamen rerum diuersitatem manife-
ste aperit dūtaxat lectori non indocili. præter naturam
enim fit ut aues descendant, quæ ad sublimem uolatum
pennas acceperunt. quemadmodum enim terrestribus
nullus locus magis quam terra conuenit, præsertim re-
ptilibus, quæ ne super ea quidem reptant, sed fouearum
quæruunt penetralia, fugiendo superna ob cognationem
quam habent cum inferis: eodem modo uolucris aer
est proprium habitaculum, leuibus propter pennas ipse
quoque natura leuis. cum igitur aeriuaga relicto æthere
suo descendant ad terram, non possunt iuxta naturam ui-
uere. ediuerso Moses quæcunque reptilia possunt se salu-
attollere, probat non mediocriter: quandoquidē sic præ-
cipit. Quæcūque de uolucris ambulant super quatuor
pedes, & habent crura longiora, ut saliant super terrā,
hæc comedetis. sunt autem hæc figuræ animarum, quæ re-
ptiliū more affixæ terreno corpori purificātur ut mor-
se possint attollere, cælum terra permutantes, & cor-
ruptione immortalitatem. omnium igitur miserrimæ iude-
cande

candæ sunt illæ, quæ in ære æthereq; purissimo enutri-
te, non possunt perferre saturitatem diuinorum bono-
rum, sed ad terram mortalium malorum regionem de-
migrant. incidunt enim cogitationes plurimæ de rebus
plurimis, quedam ultro accersitæ, quedam obrepentes
per ignorantiam, quæ nihil differunt ab istis uolucris.
descendentibus. cogitationes autem quæcunq; superna
petunt, meliorem sortiuntur ordinem uirtute comite in-
dicante uiam in cælum: quæ autem deorsum feruntur, de-
teriorè occupant, detractæ & degrauatæ uitij. horum
locorū contrarietas nonnihil apparet in Græcis eorum
nominibus. uirtus enim ἀρετή non solū ἀρετὴ τὸν ἀν-
θρώπου ab electione nominatur, uerum etiam ἀρετὴ τὸ
αἰετὸν. attollitur enim et in sublime fertur cælestia sem-
per appetens. uitium autem νανία ἀπὸ τῆς νάτω νηξω-
μένη, quod deorsum uergat et deditos sibi deprimat.
nam cogitationes noxiæ descendentes in animam uel acci-
te uel irrumpentes, tum ipsæ descendunt, tum mentem
degrauant uolutantem se turpiter cum corporibus, re-
bus sensibilibus imperfectis & parum integris, nō uiuis
sed mortuis. non solum enim corpora, uerum & dimi-
diatas eorum portiones appetunt. quæ autem sic diui-
duntur, coaptari & in unum redire non possunt, disse-
ctis spiritualibus neruis & natiuis nexibus. ex quo di-
scimus sentietiam uerissimam, quod omnis uirtus animas
amat, omne autem uitium corpora: & quod quicquid al-
teri gratum, alteri exosum est, sicut nūc quoq; nam ani-
mæ bella nobis subindicans aues inducit cupientes cor-
poribus insidere, & immersis rostris satiari carnibus:

quarum incurſus cohibere uolens uir bonus aſſidere di-
 citur, quaſi curator & præſes. cum enim & domi labo-
 retur ſeditionibus, & foris inuadant hoſtiles acies, intra
 ſe uerſat uaria conſilia, ſi quo modo ſuadendo queat effi-
 cere, ut externum bellum ceſſet unâ cum inteſtinis tumultibus.
 opus enim eſt & illam ceu nubem hoſtiliter inſe-
 ſtanti repellere, & domeſticorum priſtinam redintegrare
 neceſſitudinem. Sunt enim pertinaciſſimi hoſtes
 animæ affectus ſtulti & intemperantes, iniuſti & timi-
 di, & id genus aliæ concupiſcentiæ nimie nobis innaſci
 ſolitæ, petulantes & ceruice iugum iaſtantes, & exorbi-
 tantes à recto itinere. ſocialium autem copiarum conſi-
 ctationes tales ſunt, quales lites ſophiſtarum de conten-
 tioſis dogmatibus. ſi enim ad unum finem tendunt, ſcilicet,
 cōtemplationem rerum naturalium, haberi poſſunt
 pro ſocijs. ſin autem in particularibus quaſtionibus diſſen-
 tiunt, ciuilem tumultum excitant, ſicut mundum ſactum
 aſſerentibus malè conuenit cum id pernegantibus. ſimi-
 le diſſidium eſt dum alij dicunt eum interiturum, alij ne-
 rò concedunt quidem eſſe natura corruptibilem, negant
 tamen unquam corrūpendum, eo quod ualido nexu con-
 tineatur, nimirum creatoris uoluntate. ſic qui nihil eſſe
 opinantur, ſed omnia fieri, diſſentiunt ab id negantibus.
 item qui aiunt omniū rerum meſuram hominem, &
 damnantibus ſenſuum atq; mentis iudicium. & in uniu-
 verſum qui dicunt cūcta incomprehenſibilia, ab his qui
 aiunt percipi plurima. ſiquidem ſol, luna, cælum, terræ,
 aer, aqua, & quæ his continentur omnia, ſcepticis nego-
 cium & contentionum materiam exhibent, eſſentias
 quali-

qualitates, mutationes, uersiones, generationes corruptionesq; eorum in disquisitionem uocantibus. quin & de motu magnitudineq; rerum caelestium nō obiter differunt, uariantes & discrepantes opinionibus, donec aliquis obstetricandi & iudicandi scientia præditus uir in cōfessum eorum adhibitus singulorum partus animæ inspiciat, & alios ut indignos educatione proijciat, alios ut probatos conseruet habiturus curam eorum. Hæ autem philosophorum controuersie natæ sunt dum ueritatem coniecturis adsequi nequeunt, rei difficultate gi-gnente disidia. Cumq; sol occideret excessus irruit super Abraham, & horror magnus ac tenebrosus inuasit eum.] Excessus alius est insanus faciens delirium, præsenio, bile atra, aut ob aliam causam similem. alius fit ob nec opinatum pauorem magnum ac repentinum: alius in tranquillitate quando mens ociatur. sed longè optimus quando illa furore diuino corripitur, qualis est prophetici generis. Primæ speciei mentio fit in maledictionibus scriptis in Deuteronomio: Deliratio, inquit, cæcitas, & excessus mentis corripiet impios, ut nihil differant à cæcis meridie palparentibus tanquam in densis tenebris. Alterius item non uno loco. Correptus, inquit, Isaac stupore magno dixit: quis igitur uenationem mihi obtulit, & gustauit de omnibus quæ oblata fuerunt priusquam uenires, & benedixi cum, eritq; benedictus. item de Iacob non credente nunciantibus Iosephum uiuere Aegypto uniuersæ præpositum: Excessit, inquit, mente: non credebat enim eis. & in Exodo de concione: Mons, inquit, Sina fumabat totus, quia descenderat

in eum deus in igne: & ascende-
bat fumus ut uapor for-
naxis, & obstupuit totus populus uehementer. item in
Leuitico de consecratione sacerdotum octauo die, quan-
do descendit ignis de cælo & depastus est quæ altari fue-
rant imposita unâ cum coronamētis totas uictimas. nam
hic quoq; scriptum est: Et uidit uniuersus populus & ob-
stupuit ceciditq; pronus in faciem. nam talis excessus pa-
uorem ac stuporem inducit. Sed non est mirum de Esau,
quod peritus uenandi præda ipse sit & supplantatur,
quippe qui artem hanc in damnum suum, non ad utili-
tatem accepit, non magna cura usus in uenando ut ca-
peret aliquid: nec de Iacob, quod captata præda posita
tur, ingenio magis adiutus quam peritia, & eam, id est,
affectionem, offert examinatori, ut an proba sit iudi-
cet. ideo de omnibus gustat. quicquid enim ad medita-
tionem pertinet uescendum proponitur, inquisitio, dis-
sceptatio, auscultatio, lectio, precatio, continentia, in-
differētium rerum discretio. degustat autem omnia non
comedit. oportet enim & meditatori aliquid cibi relin-
qui operæ præmium. Priusquam uenires. apte pro re
natura. Nam si affectus intrarit in animam, non frue-
mur temperantia. simulq; arguitur malus ut cunctator
& piger, tardus ad disciplinam, non ad intemperan-
tiam. At Moses longè aliter iubet absumi propere pa-
schales epulas ad solennem migrationis memoriam. &
Iudas inquit: Nisi procrastinassetis, iam reuerſi descen-
dissemus in Aegyptum: imò iam domum rediuissemus
iterum. Et hoc est quod Iacob miratur, si mens adhuc in
corpore constituta uiuit uirtuti, & imperat corpori.

non eius imperata facit. Possent & alia exempla proferri ad confirmandam rei ueritatem, sed non hoc nunc agitur. ideo redeundum est à diuerticulo. Tertiam uerbi huius significationem uidere licet in creatione mulieris. Innisit deus ecstasim in Adam & sopiuit eum. ubi excessus pro quiete mentis ac tranquillitate accipitur. Somnus enim mentis est uigilia sensuum: nam & uigilia mentis est sensuum ocium. Quarte uerò ecstasis exemplum est quod nunc uersamus in manibus: Et cum occidisset sol ecstasis incubuit in Abraham correptum numine afflatumq; diuino spiritu.] quibus uerbis ostenditur eum prophetam etiam fuisse. quod aliubi disertè sacris literis exprimitur, cum quidam naturalem uirtutem Sarram sibi usurparet, quasi non solius sapientis propriam, sed cuiusuis simulatoris prudentiæ, Redde, inquit, homini suam uxorem, quia propheta est, & orabit pro te ut uiuus permanear. Quin & omnibus probis uiris sacra scriptura prophetiam tribuit. nam propheta nihil ex se proloquitur, sed omnia submonente alio. malum autem uirum non est fas esse interpretem numinis: ergo nemo malus propriè correptus furore diuino dicitur, sed in solum sapientem hoc competit: quandoquidem is solus est instrumentum dei resonans, ab eo contactum & pulsatum inuisibiliter. proinde quotquot inter iustos censentur, inducuntur prophetae pleni celesti numine. Noe iustus nonne prophetat etiam? alioquin quomodo poterant benedictiones eius maledictionesq; uim suam obtinere apud posteros? Quid Isaac? quid Iacob? & hos multis argumentis, præcipuè uati-

cinijs quæ cecinerunt de suis posteris, prophetas fuisse credimus. Nam illud: Cōgregamini ut annuncie uobis quæ uentura sint uobis in dieb. nouissimis: diuinantis erat oraculum: siquidem futurorum cognitio non est hominis propria. Quid Moses, nōne ubiq; propheta celebratur? Scribitur enim: Si fuerit uobis propheta domini, per uisionem ei me manifestabo: Mosi autem ore ad os loquor palam non per ænigmata. Et rursum: Nullus propheta qualis Moses exortus est, quem alloquutus est dominus facie ad faciem. Et merito, nempe afflatum suo numine, quod enim in nobis est ratio, hoc in mundo sol. quia lucent ambo, alter mundo præbens lucem sensibilem, altera nos illustrans radijs intelligibilibus, siquidem donec mens nostra lucet uelut meridianum splendorem diffundens per totam animam, intra nos ipsos manemus. ceterum illa uergente ad occasum, merito ecstasis et diuinus furor incidit. exoriente enim diuino lumine humanum occidit: ac rursum occidente illo hoc exoritur: id quod solet accidere prophetico generi. emigrat enim è nobis mens, immigrante diuino spiritu: quo recedente illa rursum reuertitur. non est enim fas ut mortalis cum immortalis habitet. ideo rationis occasus et offusæ tenebræ excessum et diuinum furorem inducunt. Deinde pergit scriptura: Et dictum est ad Abraham. Sic enim propheta etiam cum loquitur, uidetur reuera quiescere. Alius autem eius uocalibus instrumentis ore linguaq; utitur ad indicanda quæcunq; uult: quæ pulsans arte mustica inuisibiliter, sonoram concinnamq; symphoniam efficit. Audiamus igitur quid prænunciet oraculum.

Ante omnia quòd amatori uirtutis non concedit deus, ut tanquam in terra propria habitet in corpore, sed inquilinum agat in eo tanquam alienigena. Certò scias, inquit, quod semē tuum inquilinum erit in terra aliena.] Omnis autē mali uiri cognatus locus corpus est, in quo habitare mauult quàm inquilinum agere, hoc unum documentum est. alterum uero, quod seruitutem & grauē afflictionem, atq; ut ipse uocat humiliationem inferant animæ terrena ista habitacula. sunt enim externæ & uere alienæ à mente affectiones corporis, è carne natæ in qua radicantur. fit autem quadringentorum annorum seruitus iuxta quatuor afflictionum potentias. nam incipiente uoluptate fastus inflatur ac erigitur, elatus inani leuitate: sed crescente concupiscētia nascitur absentium rerum desiderium, pendentem ab incerta spe relinquēs animam. Sitit enim semper, nec unquam potest bibere; Tantalium luens supplicium. Quoties autem dolor præualet, contrahit se anima, more arborum marcescentiū & frondes amittētium, decrescēte uigore huius & pinguitudine. At pauore tyrannidem adepto, iam nemo audeat manere, omnes de fuga cogitant, & in hac sola salutem collocant. Nam concupiscentia uim habēs attractōriam, uel fugientem amatorem cogit, ut se sequatur. Cōtrà timor à se alienans repellit homines & longissime reamouet. Quorum affectuum dominatio grauē seruitutem affert subditis, donec deus præses & iudex afflictū ex affligentis potestate eripiat, restitutum libertati pristinæ, alteri uero mercedem peccati persoluat. sequitur enim: Gentem autem cui seruiē ego iudicaturus sum

Et post hæc egredientur cum magna substantia.] Nec-
 cessum est enim ut mortalis homo prematur ab affectu
 genere, et quicquid natum est expectet mala fatalia, sed
 dei uoluntas cognatas nobis calamitates subleuat. Itaq;
 si nos mox à principio nostrum fecerimus officium, et
 nobis ipsis seruiuerimus, deus quoq; nobis pro sua cle-
 mentia non deerit, remissionem atq; libertatem anima-
 bus ad se suppliciter confugientibus pollicitus, non tan-
 tum exitum è carcere custodijs septo et uinculorum so-
 lutionem offerens, sed et uaticum insuper, quæ uoca-
 tur substantia. Hoc quid sit dicam apertius. Quando in-
 tellectus è cælo delapsus illigatur corporis necessitati-
 bus, uel absq; illecebris, ut androgynus et effœminatus
 propria mala complectitur: quòd si persistit in natura
 sua mascula paratus ad conflictationem, potest adscribi
 studiosis artium liberalium, et adeptus ex harum com-
 mercio temperatiam fortitudinemq; robustas uirtutes,
 remigrare in patriam unà cum suis scientijs, quas scri-
 ptura uocat substantiam. Addit deinceps: Tu autè abi-
 bis ad patres tuos, cū pace nutritus in senectute bonâ.]
 Ergo nos imperfecti et bellum et seruitutem sustine-
 mus, egre inuenientes liberationem è periculis impen-
 dentibus. At illud perfectum genus perpetua libertate
 fruitur, in pace innutritum cōstantissima. inest autem
 dogma his uerbis, bonum uirum non mori, sed abire, ut
 ostendat inextinguibile et immortale genus perpurga-
 te anima, quæ hinc in cælum profisciscatur, absq; dis-
 solutione ac corruptione, quam mors uidetur inducere.
 Abibis, inquit, ad patres tuos.] Quos nam patres dicat

considerandum existimo. Nam de illis qui uixerunt in
terra Chaldaeorum, in quorum familia haeserat Abra-
ham, intelligi non potest, quando oraculo iussus est à co-
gnatis secedere. Dixerat enim dominus ad eum: Exi è ter-
ra tua, & è cognatione tua, & è domo patris tui, ad ter-
ram quam ostendam tibi, & faciam te in gentem mag-
nam. hunc diuino monitu profectum peregre, nō est cre-
dibile reddi domesticis: quod ne fieri quidem poterat, ut
futurus princeps noui generis contribueretur ueteri. ne
quaquam enim ei deus daturus erat nouam gentem &
nouum genus, nisi prius in totum separato à ueteri. hic
est enim uerus princeps gentis & generis, ex quo ceu è
radice pullulauit illa contemplatiua rerum naturæ plā-
ta nominata Israel. siquidem præceptū est, ut à facie no-
uorum auferantur uetera. Quis enim est usus antiquitatis
& morum obsoletorum, quando repente nec opinā-
tibus confertim noua bona imbris more impluunt? Pa-
tres igitur non illos relictos dicit, defossos in monumen-
tis Chaldaicis, sed ut quidam aiūt, solem, lunam, stellasq;
ceteras. nam hæc terrena cuncta ex illis gigni putātur.
Alij hoc dictum interpretantur de ideis archetypis in-
telligibilibus et inuisibilibus, ad quarum exemplar hæc
sensibilia quæ uidentur facta sunt: & harum sapienti de-
stinari contubernium. Rursum alij suspicantur patres
dictos illas principales potētias quatuor, ex quibus mū-
dus cōstat, terram, aquam, aerem, ignemq; in hæc eni-
res singulas aiunt dissolui necessario. sicut enim nomi-
na, uerba, & omnes orationis partes conficiūtur ex ele-
mentis grammaticis, ac rursum dissoluuntur in eadem:
sic

sic unusquisq; nostrum contemperatus ex his quatuor,
 & à singulis mutuatus quasdam portiunculas, ad certū
 tempus reddit debitum, nimirum aridas terræ, humidæ
 aquæ, calidas igni, frigidas aeri. & hæc quidem corpo-
 rea. Cæterum intelligibile illud atq; cæleste genus ani-
 mæ ad ætherem purissimum, tanquam ad patrem perue-
 nit. sit enim hæc, ut prisca docent, quinta quædam essen-
 tia motu orbiculari prædita, cæteris quatuor melior, ex
 qua & cælum & sidera facta fuisse uidentur: & quan-
 tum colligere possumus, humana quoq; anima eius est
 particula. Illud porro, in pace nutritus, non temere ade-
 ditur: sed quia maxima pars hominum nutritur in bello
 & bellicis calamitatibus. est autem bellum alterum ex-
 ternum, quod infert obscuritas, ignobilitas, et quicquid
 est simile. alterum ciuile, quo partim corpus impetitur
 à morbis, læsionibus, mutilationibus, alijsq; pestibus in-
 numeris: partim anima oppugnatur ab affectibus, agri-
 tudinibus, stultitia, iniustitia, similiumq; tyrannorum in-
 sultibus grauissimis & inuictis uiribus. itaq; in pace nu-
 tritur, cui serena tranquillaq; uita contingit, uere felix ac
 beata. at quando hæc contingit? quando in rebus exte-
 nis bene se habent facultates & existimatio, corpus ro-
 bore ac prospera uale tudine fruitur, anima uero uirtu-
 tibus. opus est enim his singulis suo satellitio. corpori
 pro satellitibus sunt gloria, diuitiæ, potentia: animæ au-
 tem, sanitas atq; integritas corporis: at menti, contem-
 platiuæ scientiæ. Nam de ciuili pace hæc non intelligi-
 tur: quæ est sacræ scripturæ lectione. Maxima enim grauissimæ
 bella & suscepit & debellauit Abraham. Quin & de-
 relia

relieta patria, nec ulla certa sedes concessa, homini ultro citroq; uaganti per deserta & inuia, graue bellum fuisset, ni sustentatus esset fide oraculi. Erant enim ei ferendæ calamitates non mediocres, fames, exiliū, & bellum his molestius. Qualem igitur pacem habuit? Nam, ut opinor, peregrinatio, sedes incertæ, cum potentibus regibus contentio, famis onus, non simplicem afferebāt belli speciē. Verū si rem penitus introspicias, hæc ipsa sunt sinceræ pacis indicia. nam ex affectibus emigratio, & perturbationum inopia, & deletæ iniquitatum infestæ copie, & à Chaldaicis opinionibus ad pias ac religiosas transitus, hoc est à sensibilibus creaturis ad autorem earum intelligibilem, tranquillam firmamq; pacem conciliant. In tali pace degenti bona senectus promittitur, non longeuitas, sed uita cum prudentia. nam felices dies multis annis meliores sunt, sicut breuis lux melior quàm æternæ tenebræ. Salubriter enim dixit uir propheta, malle se unam diem cum uirtute uiuere, quàm mille annos in umbra mortis, per umbram uitam malā sub indicans. idem nunc quoq; re magis quàm uerbis Moses docet. nam hunc cui bonam senectutem pollicetur, breuioris æui facit quàm ullum ex eius maioribus, philosophice nos erudiens, quæ nam sit uere bona senectus, ne hoc promissum intelligamus de senectute quæ apparet in corpore, plena probrosis fœditatibus: sed de prudentia constantiaq; animi dictum accipiēdo honestatē prædicemus de senectute, à qua seniores denominamus honoris gratia. Disce igitur hoc dogma nostri legislatoris, soli bono uiro bonam senectutem & longeuitatem

contin=

contingere. malum autem breuissimo tempore morientem
 meditari, uel potius uirtuti iam esse mortuum. Sequun-
 tur hæc uerba: Quarta generatione reuertentur huc.]
 Vt non solum sciat tempus post quod posterius deducen-
 di erant in coloniam, uerum etiam discat perfectam uir-
 tutis absolutionem. hæc autem quarta, ut ita loquar, ge-
 neratione absoluitur. id quomodo fiat consideremus. In
 fāns per septennium à natiuitate proximum in ætate pueri-
 tili puram naturam sortitur, leui tabule similem nullis
 bonis malis uel signatæ formulis. quicquid enim impræ-
 mitur, propter molliciem deletur aut confunditur. Se-
 cunda ætas quæ puerilem excipit, cum uitij incipit ha-
 bere commercium, quæ solet uel secum adducere, uel ali-
 de libenter accipere. complures enim habet magistros
 nequitiæ, nutrices, pædagogos, parentes, mores & le-
 ges receptas in singulis ciuitatibus, à quibus discunt mo-
 rari quæ ridere debuerant, etiam absq; his sponte pro-
 eliuēs ad crimina, adeo feraces uitiorum ut his scateant.
 Prona est, inquit, mens hominis ad malitiam, iam in-
 ab ætate tenera. hæc est illa maledicta quæ figurate ge-
 neratio, proprie uero ætas dicitur, quo tēpore tum co-
 pus quod pro fundamēto est, tum animus turgescit, ac-
 census affectibus se proferentibus, segetes & campos
 obuia cuncta exurentibus. Hanc morbidam seu gene-
 rationem seu ætatem tertia sequitur, quæ philosophiam
 ceu medicinam adhibeat, curaturā morbos salubribus
 sermonibus, per quos exhauriatur uitiorum nimietas,
 & suppleto quod ad uirtutem deerat, uoluptas ablege-
 tur quā longissime. Post hanc curationem iam quarta
 gene-

generatione anima solidum robur prudentiae colligit, et constantiam in omnibus uirtutibus. Et hoc est quod dicitur, Quarta generatione reuertetur huc. nam circa hunc quartum numerum à peccatis auersus animus declaratur haeres sapientiae. primus numerus, nec bonorum nec malorum capax, est nondum formatae animae. in secundo ubertim uitia proueniunt. tertio sanitatem recipimus de feruentibus affectibus: quarto in ea confirmamur, & solidum robur acquirimus, quando à malis auersi bona tractare aggredimur, quod antea non licuit. Quid autem remoretur ipse dicens, Nondum enim consummatae sunt iniquitates Amorrhæorum.] Hinc quidam infirmiores occasionem arripiunt, ut suspicentur Moseni fatum ac necessitatem causas rerum inducere. Sciendum est autem, consequentiam seriemque causarum inter se implexarum non ignotam fuisse homini philosopho diuinis asuetu colloquijs, attamen euentus eum his non attribueret. Videbat enim aliquid antiquius quod hoc uniuersus uerteretur tanquam auriga uel gubernator. hic enim communis nauis, uidelicet mundi, clauo asidet, in qua omnes nauigant, & uolucrum caeli currum agit pro imperio. Quid igitur super his rebus dicendum est? Amorrhæi loquentes interpretantur. Maximum autem bonum homini à natura datum sermonem plurimi uitiauerunt acceptum, ingratis perfideque hoc usi contra largitricem. Hi sunt adulatores, prestigiatores, inuectores sophismatum persuasibilem, impostores fallaciarum peritissimi, de mediocritate uitando haud solliciti, & insuper affectatores obscuritatis. est autem obscuritas caligo pro-


funda in sermone, res commodissima furibus. Quapropter
 Moses summum pontificem claritate ornat & ueritate,
 uolens perspicuam simul & ueracem esse uiri boni
 orationem. At uulgus hominum obscuram atq; mendacem
 mauult sectari, in quorum grege censetur contempti-
 ptissimus quisq; ultro se decipiendum offerēs. Ergo do-
 nec consummentur Amorrhæorum peccata, hoc est ser-
 mones sophistici, qui non facile conuincuntur, sed ualēt
 nos rationibus persuasibilibus ductare, non possumus
 eos auersari talibus inescati illecebris, & manere apud
 eos cogimur. Quod si omnes mēdaces persuasiones bo-
 na fide coarguantur, & ad hostimentum peccata com-
 pleantur, continuato cursu fugiemus, & oram soluē-
 tes nauigabimus à regione mendaciorum ac sophisma-
 tum ad ueritatis stationes portusq; tutissimos. Atq; ita
 satis demonstratum puto, esse impossibile auersari, odis-
 se, deferere, mendacia probabilia rationibus uerissimi-
 bus, nisi detegatur ad plenum eorum iniquitas: quæ tum
 demum apparebit, si diligenter cum ueritate cōferatur.
 Sequitur deinceps: Post occasum autem solis emicuit
 flamma.] Quibus uerbis significatur, uirtutē esse rem
 ferotinam, atq; etiam ut quidam aiunt, sub uitæ finem
 constabiliri. hanc flammæ dicit similem. nam sicut flam-
 ma urit subiectam materiam, illustrans uicinum aerem:
 ad eundem modum uirtus exurit uitia, totam mentem
 replens lumine. Sed donec sermones non examinati col-
 latione & indiscreti ualent persuasionibus, quos Amor-
 rhæos uocant sacræ literæ, lucidissimum purissimumq;
 splendorem uidere non possumus: uerum more forma-
 tis

cis igne carentis, & ut ipse uates ait fumantis, affecti sumus, scientiæ scintillis uaporati, nondum tamen idonei ut igne probemur confirmemurq;. Gratias ingētes agamus ei qui tales nobis scintillas indidit, ne mens tanquā cadauer frigeat, sed tepida fomento uirtutis caleat, donec in ignem sacrum mutemur sicut Nadab & Abiud. Fumus autem ante ignem exoritur, & appropinquantibus ciet lacrymas. Vtrunq; nobis etiam solet accidere, ad uirtutis nuncios accedendo perfectionem speramus, quæ ni contingat non temperamus à lacrymis. siquidem amator desiderio tabescens ad fores amorum suorum properat, mœstus donec eis potiatur. Conferatur autem nunc cum fornace anima discendi cupidi & sperantis absolutam scientiam, quia in hoc utroq; uase cibus coquitur, alter è frumento corruptibili, alter è uirtutibus incorruptibilibus. Cæterum faces ardentes sunt dei facem gerentis iudicia clara & splendida, quæ solēt per medium dimidiatorum, contrarietatum inquam, ex quibus totus mundus constat, incedere. Legitur enim sic: Et faces ardentes transeuntes inter dissecta animalia.] Ut scias quod diuinæ potentie transeuntes per medium rerum & corporum, nihil tamen corrūpant. manēt enim illesæ partes dimidiæ. pulchrè autem per has potentias diuiduntur nature singulæ. Et harum rerum scientiæ quis iustior hæres declaratur, quàm uir sapiēs. In illa die, inquit, pepigit dominus fœdus cum Abrahamo, dicens: Semini tuo dabo terram hanc. Quam terram, nisi de qua supra dictum est, ad quam hæc referuntur, cuius fructus est certa firmæque perceptio

dei sapientia: per quam sapientiam ille cuncta cōseruat,
 suis incisorijs bona à malis illæsa separans, ut genera in-
 corrupta maneant. post hæc addit: A flumine Aegy-
 pti ad magnum flumen Euphratem.] Docens quod per-
 fecti principia quidem habent à corpore & sensu & in-
 strumentalibus partibus, sine quibus non uiuitur, utili-
 bus ad instituendam uitam quam in corpore degimus,
 desinunt autem in dei sapientiam, magnum reuera flu-
 uium, gaudio letitiâq; redundantem, & bonis cæteris,
 non est enim cur putes circumscribi hanc terrã Euphra-
 te flumine alteroq; illo Aegyptio. nunquã uirtus ad cor-
 poreos affectus demittitur, magis conuenit dicere: ab
 Aegyptio flumine ad magnum illum Euphratem.
 nam à mortalibus transitus fiunt
 ad immortalia.

PHILONIS IV

DAEI VITA VIRI CIVI-
lis, siue de Ioseph.



RES sunt species per quas ad optimum finem tendimus, eruditio, natura, meditatio: tres item sapientum antiquissimos à Mose accepimus ab his cognominatos, quorum uitas quoniam scripsi, tum eam quæ per doctrinam, tum eam quæ suapte natura contingit, eam etiã quæ meditatione paratur, quartam deinceps scripturus sum ciuilem, à qua unus è phylarchis commendatur, qui à tenera ætate in eam inciderat. Cœpit enim in hoc genere uersari annos natus circiter septemdecim, præfectus curandis gregibus, quæ disciplina cum ciuili conuenit. Et hoc est, opinor, cur poetæ reges uocant pastores populi. Nã qui summus est in arte pecuaria, facile bonus rex euadet, pulcherrimo gregi hominum præpositus, approbata industria in minore negotio. Siquidem quemadmodum futuro imperatori necessaria sunt exercitia uenatoria: sic admouendis ad curam reipublicæ, propriæ pastoralis ars congruit, uelut præludium quoddam magistratuum. Proinde cum pater in eo generosum animum consideraret, & maiorem quàm pro priuata fortuna, mirabatur fouebatq; diligens eum præ cæteris filiis, eo magis quod proles erat serotina, qui nõ exiguus

est ad beneuolentiam stimulus: & quia delectabatur honestate pueri, accendebat eius ingenium accuratioe tractatione, ne premeretur diutius, sed quamprimum e-
 lucesceret. Sed inuidia magnarum felicitatum aduersa-
 ria perpetua, tunc quoq; domum fortunatam aggressa
 perturbauit, concitatis contra unum pluribus fratri-
 bus, qui tanto odio eum prosequabantur, quanta pater
 beneuolentia, tegentes tamen id & dispensantes in tem-
 pus aliud: unde magis augebatur in dies. nam affectus
 qui premuntur ne per uerba exspirent, grauiores red-
 duntur. At ille innocenter simplex non intelligens do-
 mesticas fratrum inimicitias, uiso somnio non irritus, ut
 amicis id aperuit. Vidi, inquit, me si me præpositum, &
 omnes nos in campo ad colligendas fruges præsto fuisse
 cum falcibus. ibi repete meum manipulum erectum con-
 stitisse, uestros uero tanquam ex composito accurrisse
 ad eum uenerabundos, & reuerenter adorasse. Tum illi
 prudentia pollentes, & significatum per coniecturas
 uerisimiles uestigare idonei: Putasne, inquiunt, regem
 te fore nostrum & dominum? id enim ementita uisione
 subindicas. atq; ita odium magis ac magis accendeba-
 tur, auctum quotidianis occasionibus. ille tamen nihil su-
 spicans, cum post paucos dies uidisset alterum magis stu-
 pendum somnium, & hoc narrauit fratribus. Visus erat
 uidere ad se uenientem solem & lunam & stellas unde-
 cim: quod pater miratus in mente recondidit de euentu
 præsagij sollicitus. Grauius autem obiurgabat filium,
 timens ne quid ille peccaret. Potestne, inquit, fieri ut ego
 materq; & fratres adoremus te? nam per solem pa-
 trem

trem, per lunam matrem, per undecim stellas fratres significare uideris: quod caue ne unquam in mentem tibi, mi puer, ueniat. trade potius obliuioni uisiones istas ne farias. Nam sperare & expectare principatum inter domesticos, res abominanda est, me iudice: nec aliter iudicare puto ceteros, quibus æqualitatis & cognationis iura nota sunt. Veritus autem ne fortè presentibus omnibus aliquid seditionis inter fratres oriretur ex ingrata somniorum memoria, illos ablegat ad pascua, hunc domi seruat ad tempus, gnarus quòd affectuum animæ ac morborum tempus dicatur medicus, & luctui tollendo, & furori sedando, & timori percùrando efficax. cuncta enim reddit leuiora, etiam quæ non facile sanantur. Vbi uerò cogitauit iam euanuisse similitudines domesticas, misit filium, tum ut fratres salutaret, tum ut renunciaret satim salui sint uel ipsi uel eorum pecora. Hoc iter initium fuit magnorum & bonorum & malorum, utrorumq; præter expectationem. profectus est ille ad uisendos fratres, ita ut pater iusserat. Qui procul conspicati uenientem, mutuo se appellabant uerbis nihil sanum ominatibus, quando nec nominare quidem eum dignabantur, sed somniatorem appellabant attonitum uisionum prodigijs. Tantum autem irarum conceperant, ut in cædem eius si non omnes certè plures conspirauerint, uolentes eum in barathrum aliquod proijcere, ne deprehenderetur facinus. Sunt autem in ijs locis multæ cisternæ profundæ admodum. itaq; minimum abfuerunt à fratricidio, quod solus fratrum maximus ægrè dissuasit, iubens abstinere ab inextinguibili scelere,

tantum in unam quampiam cisternam eum proijcerent,
de salute adolescentis cogitās, ut post aliorum discessum
ipse patri restitueret incolumem. Quo impetrato ueni-
entem complexus est, ceteri hostiliter comprehensum
spoliant, spoliatum demittunt per funem in profundam
foueam: uestem eius cruentam hœdi sanguine transmi-
tunt ad patrem, cum prætectu quasi absumptus esset à
bestijs. eadem die negotiatores quidam iter faciebāt ex
Arabia in Aegyptum cum sarcinis: his fratrem extra-
ctum uendunt, autore fratre quarto à primogenito. Hic
enim (ut opinor) metuēs, ne ab iratis frater per dolum
interimeretur, eum uendi quàm mori maluit, leuius ma-
lum seruitutem existimans. At natus maximus qui abfue-
rat interim, postquam introspexit cisternam, nec uidit
quem paulò ante ibi reliquerat, uociferabatur & furi-
bundus discursabat scisis præ dolore uestibus, capillos
sibi uellens, & quid accidisset rogans: Viuit ne puer
an extinctus est? Si non superest, saltem cadaver osten-
dite, ut deplorando calamitatem leuiorem faciam. Solu-
tium erit uidere uel mortuum. Cur mortuum quoq; o-
dio prosequimur? certè sublatis nemo inuidet. Quod si
uiuit, quò abiit? apud quos seruatur? nam me suspectum
non opinor, ut etiam de mea fide dubitari debeat. illis ne-
rò falsis uenditum, & precium proferentibus: Bella, in-
quit, negotiatio. partiamur lucrum, et prædonum quos
malicia uincimus, referamus premium. Egregia uerò
crudelitatis palma, quæ nobis merito placeat. Illi in alie-
nos conspirans, nos in domesticos, & charissimos. Ad-
missum est probrum maximum, insigne dedecus. Maio-

rum nostrorum probitatis monumenta nusquam terrarum non exstant, relinquamus & nos inhumanitatis perfidiæq; maculas incluibiles apud posteros. Volat enim ubiq; fama nuncia magnorum facinorum, non sine admiratione laudabilium, et noxiorum uituperio. Quo modo communis pater hunc casum accipiet? cui cætera beato felicissimog; uitæ assertis tædium. illius ne miseri seruitutem, an nostram deflebit seuitiam? nostram uicem magis dolebit sat scio: quando leuius malum est pati, quàm inferre iniuriam. Nam alterum subleuatur duobus magnis remedijs, spe atq; miseratione. Alteri autem obnoxius, damnatur publico mortalium iudicio. Sed quid ego hæc clamito? præstat silere, ne mihi quoq; aliquid obuéniat, quod non libet dicere. Exasperati enim estis implacabiliter, & palam spiratis iracundiam. Cæterum ubi ad patrem perlatum est, non quod uerum erat, uenditum esse filium, sed commētum illud de absumpto à bestijs, ictus aures nuncio, simulq; oculos spectaculo (allata enim fuerat tunica lacera cruentaq; scædum in modum) dolore turbatus, obmutuit per longum temporis spaciū, ne caput quidem ualēs attollere oppressum tanta calamitate. Tandem repentē effusus in lacrymas, uelut è fonte prorumpentes, plangebat pectus & faciem, scissis uestibus lamentans: Non tam mortē tuam, fili mi, doleo, quàm sepulchri iacturam. Nam si tibi sepulchrum contigisset in terra propria, nec mihi deesset solatium. Officiose assedissem egrotanti ante mortem, impendissem moriēti extrema oscula, clausissem oculos, mortuum persudissem lacrymis, extulissem magnificē,

nihil omissem e iustis funebribus. Atq; etiam si peregre defunctus esses, dixissem ad meipsum, per solutum est nature debitum, noli tristari. Viui habet suas patrias, mortuorum omnis terra sepulchrum est, brevis æui sunt omnes homines. Nam qui maximè longæuus fuit, quantulum temporis uixit si ad æternitatem id conferas? uel si omnino moriturus eras per uim & insidias, leuius fuisset extingui manibus hominum, qui mortuum saltem miserati obruissent terra, & cadauer tumulassent. aut, ut crudelissimi fuerint, quid amplius potuissent quàm insepultum proijcere? quem mox uiator aliquis præteriens, memor nature communis, humasset tactus misericordia. Nunc ut fertur, inimites & carniuoras bestias passus & saturasti meis uisceribus. Hactenus multos labores inopinatos exantlaui, in his miserijs abunde sum exercitatus. errando, peregrinando, mercede seruiendo, dura perendo imperia, usq; ad uitæ periculum exagitatus à quibus minimè oportuit. multa uidi, multa audiui, multa passus graua, quibus ad patientiam eruditus perdurauui. Sed nihil præsentī casu intolerabilius, qui totum animi mei robur subuertit atq; deiecit. Quis enim luctus potest esse maior aut miserabilior? uestis pueri ad patrem perlata est: ex ipso non membrum, non frustum, non uel minimæ reliquæ: totum deuorarunt bestie, nihil superest quod sepulchro inferatur. ac ne uestem quidem recepi, nisi ut ad eius aspectum recrudescat doloris memoria, ne unquam tantæ calamitatis obliuio possit obrepere. Sic ille sortem suam deplorabat. Negociatores autem uendunt puerum in Aegypto eunucho cuidam re-

gio qui culinæ præerat. Cæterum post denarratam historiam uidendum quid sub eius cortice lateat. Nam ple-
ræq; & propemodum omnes in lege scriptæ suam ha-
bēt allegoriam. Hic uitæ modus de quo agitur, apud He-
bræos Ioseph uocatur, apud Græcos Domini apposi-
tio, aptissimo nomine ac rei præsentī conuenientissimo.
Est enim rerum naturæ auctarium ciuilis administra-
tio qua utuntur populi. Nam mundus hic est magna ci-
uitas, unam reipublicæ formam, & unum ius habens.
Continentur autem edicto naturæ iussā de agendis, &
uetita de non agendis. Ad id ius alij alias leges ac institu-
tiones adiiciunt. in causa est separatio, non solum Græ-
corum à barbaris, sed & barbarorum à se inuicem, &
Græcorum à suæ nationis hominibus. Nec sunt audiēdi
qui temerè culpam referēdo in difficultates temporum,
infelicem prouētum fructuum, agrorum sterilitatem, lo-
ci situm in maritimis aut mediterraneis, in continente
aut insulis, & id genus alia, ueritatem dissimulāt. Est au-
tem uera causa auaritia & mutua perfidia, dum nō con-
tenti iure naturali, quæ in commune conducere uiden-
tur consentientib. cæteris, ea leges nominant. itaq; meri-
to additamenta naturalis iuris censentur instituta parti-
cularium ciuitatum. Nam leges oppidatim receptæ, sunt
appendices rationis rectæ à natura nobis insitæ, sicut et
ciuilis uir auctarium est iuxta naturam uiuentium. Nec
alienum est à proposito, quòd tunica uaria uestitus dici-
tur. Nam rerum ciuiliū administratio res est multimo-
da & uaria, multas mutationes recipiens, personarum,
rerum, causarum, sequestrorum proprietates, locorum
item

item diuersitates & temporum. Sicut gubernator pro ratione uentorum mutat nauigationis subsidia, nō uno modo nauem dirigens: & medicus non uno ad omnes morbos utitur remedio, ac ne in uno quidem morbo si is uariet, sed obseruans intentiones, remissiones, repletiones, uacuationes, causarum mutationes, multa ad salutem uariat, nunc hoc, nunc illud experiens: sic opinor & reipublicæ moderator debet esse multiformis & multiplex, alius in pace, alius in bello, aliter se paucis, aliter multis opponens aduersarijs, contra paucos constanter agens, multos uerò flectens persuasionibus. idem ubi periculum publicum postulat ipse rem aget: ministeria uerò quæ labore tantum indigent cedit alijs. Rectè autem dicitur, uendi hunc hominem. Nam qui auram populi captans concionaturus locum superiorem ascendit, sicut uenality, seruus fit ex ingenuo, propter honores quos uidetur accipere, addicens se innumeris dominis. Idem à feris circumuentus inducitur, quòd huic insidetur immanis bestia uana gloria, corripere ac deuorare tales solita. at emptores eum reuendunt: quoniam non unus est dominus tractatium rempublicam, sed uulgus, alijs post alios dominis succedentibus. Qui autem tercio uenduntur, nequam mancipiorum more mutant dominos, non ferendo priores propter fastidium ut rerum nouarum cupidi. De his hætenus. Ceterum adolescens in Aegyptum abductus, & eunucho ut diximus in seruitutem traditus, cum intra paucos dies generositatis & honestatis dedisset specimē, conseruis est præpositus curator totius familiæ, iam enim herus multis argumentis colla-

collegerat, eum nō sine diuina prouidentia singula tum dicere tum facere. Ergo in speciem ab emptore suo domui præfectus est: re uera autem à natura cōciliante illi magnæ gentis ac regionis principatum. oportebat enim futurum administratorem reip. præexerceri in rebus æconomicis. nam & domus est quædam parua ciuitas, & æconomia compendiaria respub. sicut etiam ciuitas magna domus est, & politia communis quædam æconomia. Vnde facile discimus eundem esse aptum & dispensationi domesticæ et administrationi publicæ, quâuis hæc multitudine magnitudineq; differât, sicut in pietura quoq; ac fictura usu uenit. nam bonus statuarius aut pictor, siue colosseas magnitudines faciat, siue parua paruaq; opera, eandem artem ostentabit. Ceterum postquam egregiam laudem in dispensatione cōsecutus est, insidias herilis uxoris pertulit insano amore correpta. Capta enim adolescentis pulchritudine, & affectu indomito rabida, de stupro eum tentauit repugnantem ualide, ac ne audire quidem tale quicquam sustinentem propter innatam sibi & cōtinua meditatione confirmatam honestatem atq; temperantiam. Sed ubi crescente in dies flamma cupidinis atq; incesta concupiscentia contineuè tentando semper repulsam passa est mulier, tandem libidinis impatiens, & ad uim uersa in adolescentis pallium manus iniecit, magna contentione trahendo illum in thalamum, robur addente affectione, quæ solet confirmare uel debiles. At ille præsentem importunitatem fortiter submouens, in has liberas & suo genere dignas uoces erupit. Quid molesta es? Bonis moribus & legibus

bus utimur nos Hebræorum posterî. Aliæ gentes puber-
 bus quatuordecimum annum ætatis egressis permittunt
 usum scortorum & sceminarum corpore quæstum fa-
 cientium: apud nostrates nulla est meretrix, capitali sup-
 plicio proposito talem quæstum exercentibus. Ante legi-
 timam copulam alios cōgressus cum muliere nescimus,
 casti castis uirginibus coniungimur, non uoluptatis, sed
 liberorum quærendorum gratia. Qui ad hanc diem pu-
 rus mansi, non incipiam ab adulterio leges contemnere
 flagitio pessimo, qui etiã si aliàs perperã educatus essem,
 & obsecutus ætatis affectibus, aut uestram imitatus la-
 sciuiendi licentiam, tamen non deberem alieno insidiari
 matrimonio, quod crimen cui mortalium non cæde in-
 dicandum uidetur: nam de cæteris dissentire soliti, in hæc
 solam conspirant sententiam, ita ut omnes ubiq; rem ca-
 pitalem pronuncient, & deprehensos iniudicatos læso
 dedant necandos. tu uerò quasi res per se parum damna-
 ta sit eam tertio scelere cumulas, cogens me non tantum
 ad adulterium, sed et ad thori herilis iniuriam. nisi forte
 idèò in uestras ædes ueni, ut relictis seruilib. ministeriis
 inebrier & debaccher in spes domini, coniugium, fami-
 liam, cognationem eius adulterans. atqui non solum offi-
 cium ei ut hero, sed & honorem ut benefactori debeo.
 omnia sua cōmisit meæ fidei nihil excipiens, nisi te uxore
 rem suam. hanc cime gratiam ut ei referam autor es? Be-
 nam scilicet gratiã dignamq; illius meritis. herus me ex
 captiuo & extero sua benignitate libertum & ciuẽ red-
 didit tractatum liberaliter: ego uerò seruus domino inli-
 berrimam, ne captiuo quidem & extero tolerabilem, in-fer-
 rata

ram? & qua fronte potero post admissum tantum scelus illum aspicere? conscientia carnifex intestina non sinet me oculos in eum erigere, ut nemo prodat alius, sed non deerunt qui prodant. præsto sunt latentes exploratores plurimi, quibus silere nō licet. taceo quod etiamsi nemo factum uel sentiat uel enunciet, ipse meus ero proditor, colore, aspectu, uoce, ut modo dixi detegens conscientiam. fac nullum delatorem fore, asidētem Deo iustitiam res cunctas inspicientem nec timebimus nec reueremur? Huiusmodi multa ille canebat surdis auribus, obtundente omnes sensus improba concupiscentia. id ut animaduertit puer aufugit, relicto in heræ manibus palio quod apprehenderat. hinc illa occasionem comminiscendæ calumniæ rapuit, de uindicta cogitans. reuerso enim è foro marito honestatem & pudicitiam incesta simulans, indignabunda dixit: Adduxisti in nostras ædes istum seruum Hebræum puerum, adeo corruptum iam tua indulgentia, qui pudēda facilitate inexplorato commisisti totam familiam, ut adulta audacia ne à me quidem iniuriam abstineat. nam conseruæ non satis sunt libidini eius nunquam explebili. Nunc me matronam tentare haud ueritus, uim adiecit contumeliæ. En tibi manifestum insani conatus indicium, nam cum exclamarem præ indignatione opem domesticorum inuocās, territus hanc uestem reliquit fugiens ne comprehenderetur. Ea uestis prolata fidem adstruxit muliebri calumniæ. Herus uerò crimen ratus trudit hominem in carcerem, ipse peccans non simpliciter: primo, quia non facta defendendi se potestate damnauit infontem
tanquam

tanquam obnoxium sceleri grauissimo: deinde quia non
 animaduertit uestem quam ab adolescente relictam mu-
 lier proferebat, esse indicium uolentiae, sed muliebris,
 ipsius uerò adolescentis patientiae. nam si uim tentasset
 inferre dominae, retinisset eius amiculum: nunc reli-
 ctans suo pallio spoliatus est. uerum huius inscitiae ue-
 nia fortasse danda est ei qui degens in culina inter lani-
 nas & fumos ac cineres, non poterat uacare causae co-
 gnoscendae ita ut postulabat ratio, immersus rebus cor-
 poris. Iam tres notas uiri ciuilis expressi, pastorem ar-
 tem oeconomicamq; & tolerandi scientiam, de quibus
 dictum est, sed temperantia non minus confert ad tra-
 ctandam remp. haec enim cum in omni uita salutaris est,
 tum maxime in negocijs publicis, ut abunde liquet rem
 considerare uolentibus. quis enim ignorat, gentibus, re-
 gionibus, magnis terrarum tractibus terra mariq; cala-
 mitates inflictas ab incontinentia? quando quidem pluri-
 ma & maxima bella ob amores, adulteria, muliebresq;
 illecebras conflata sunt, quae potiore Græci barbari-
 ciq; generis partem absumpserunt, & iuuentutem ex-
 hauserunt è tot ciuitatibus. Quod si ex intemperantia
 tum seditiones ciuium, tum bella & calamitates cumu-
 lante proueniunt, satis apparet è sobrietate tranquillita-
 tem pacemq; nasci, & possessionem felicitatis integram.
 Nunc indicandū quid sub his figuris tegatur. Qui hunc
 de quo differimus emit, eunuchus merito dicitur. Nam
 emptor hominis ciuilis uulgus re uera eunuchus est, &
 uidetur quidem habere genitalia, sed ui genitiua destrui-
 tur: quemadmodum qui suffusos habent oculos, orbat
 sunt

sunt eorum efficacia, non ualētes cernere. Quæ nam igitur similitudo intercedit inter uulgum & eunuchos? quod utriq; steriles sapientiæ, uirtutē tamen approbant. Cum enim confluit promiscua multitudo hominum, loquantur ut oportet, sed sapiunt contrarium, posthabendo insinceris legitima, quia student existimationi tuendæ, ueram honestatem negligunt. Hinc quod mireris sequitur, ut eunuchus uxorem habeat. Nam uulgus deditus est concupiscētiæ, sicut uir mulieri, in cuius gratiam dicit facitq; omnia, in cōsiliū clam & propalam hanc adhibens in rebus minimis æquē ac maximis, rationi uerò nusquam obtemperās. Rectē sanē præfectus etiam coquorum uocatur. Nam sicut coquus nihil aliud curat, quam inutiles ac superuacaneas uentris uoluptates: eodem modo populus dedit se totum oblectamentis aurium, per quæ mentis intentio relaxatur, & nescio quo pacto enervatur anima. Quid autem inter medicos & coquos interfit, quis non uidet? illi quicquid ad sanitatem cōducit, etiamsi egroto ingratum uideatur, solum magno apparant studio. Hi contra, suauia curant, utilia negligunt. Ergo medicis similes sunt in ciuitate leges & magistratus legitimi, senatores iudicesq; , prouidentes communi saluti ac securitati, quibus adulator non faciliē palpatur: cupedinarijs autem iuniorum turba est similis. Nam securi de commodis, præsentem tantum uoluptatem ueniantur. Et sicut impudica mulier, sic concupiscentia uirum ciuilem adamat, sic alloquēs: Heus tu, prodi ad uulgum cum quo habitas, obliuiscere morum tuorum, studiorum, dictorū, factorum, in quibus educatus es. milit

obsequere, me cole, age quicquid mihi placet. Nam te atricum, pertinacem, ueritatis amicum, rigidum, perpetuo grauem, nūquam flexibilem, solum commodum spectantem, securum quid auditoribus placeat, non fero: sicut nec quorundam calumnias, quæ multæ deferuntur ad uulgum meum maritum, tuum dominum. Hactenus enim abusus libertate uideris, immemor te seruire tyrannico domino. Quod si scires liberos suum negocium, seruos alienum agere, iam doctus esses omissa tua peruerbia me concupiscentiam uxorem illius respicere, & omnia meo arbitratu facere, ut & illi charus sis. At uerè diuilis uir non ignorat quidem penes populum esse potestatem tanquam dominum, se tamen non seruum profutur, sed liberum, & qui suo morem gerat animo. reclamabit igitur: populi fauorem captare nec didici, nec inquam uolui, sed magistratum mihi commissum bona fide gerere, ut bonum procuratorem decet, aut patrem beneuolum, absq; dolo & mihi semper inuisa simulatione. hanc meam uoluntatem approbabo, nihil subtrahēs aut celans furis in morem, sed conscientiam tanquam in sole ac luce aperiens. nam lux est ueritas. nec me terribilium intentatum periculum, ne mors quidem. mori malo quam simulare. cur enim similem? Si populus est dominus, ego certè sum ingenuus, patricius, qui cum primis in ciuitatem optimam maximam, hūc inquam mundum adscribi cupio. Cum enim nec muneribus, nec precibus, nec ambitioni, nec arrogantiae, nec simulationi, nec luxui, nec timiditati, nec iniustitie, nec ulli affectioni seruiam, cuius præterea timerem dominum, forsasse

fortasse hominum? at hi potestatem in corpus meum, non in me habent. equidem me à potiore mei parte censeo, iuxta quam decreui uiuere, parum sollicitus de mortali corpore: quod in conchæ morem adhærens mihi, etiamsi conteratur à quopiam, non ægrè feram me molestis affectibus eximi, & effugere necessitatem grauissimam. Itaq; si iudicandum erit, iudicabo, nec diuiti propter opes gratificans, nec pauperi propter misericordiam: sed omisso respectu personarum incorruptè pronuntiabo, quod iustum apparebit. In senatu etiam autor ero sententiarum reip. cōducibilium, uel si parum iucundæ auditu fuerint. pro concione quoq; si dicendum erit, adulationes relinquam alijs, contentus uerbis utilibus, increpans, admonens, castigans, non arrogantem insanamq; sed sobriam libertatem proferens. Quòd si quis tales castigationes nō amat, reprehendat parentes, tutores, præceptores, & omnes curatores, quia suos liberos, pupillos, discipulos obiurgare non desinunt, interdum etiam uerberant, nec tamen scire, sed amanter castigare dicuntur. Indignum enim esset, si cum meæ fidei commissa sit administratio reipublicæ, in præuidendis commoditatibus cederem cuius medicinæ professori. Nam ille in ægroto nullam splendoris fortunæ rationem habens, nec quod claro genere natus, aut opulentus, deniq; rex aut tyrannus sit, unum hoc spectat, quomodo seruire queat hominem: & si fortè sectione uestionēue opus uidet, secatur itq; principem suum ac dominū seruus ipse atq; subditus: ego qui non unum uirum curandum suscepi, sed integram ciuitatē laborantem morbis grauioribus.

contractis ex innatis concupiscētijs, quid agere debeo? num prodita utilitate publica, illius aut illius aures mulcere adulatione illiberali, & ne seruo quidem decora? Emori præstat, quàm loqui ad gratiam, dissimulata ueritate, & utilitate neglecta. Vsurpandum est hic illud dictum poete tragici:

Accedat ignis, accedat & gladius.

Combure carnem hanc, concrema, repleto te

Meo cruore. nam prius uel sidera

Terram subibunt, terra uel scandet polum,

Quàm mollis à me extorqueatur uox tibi.

Hanc tam masculam mentem alienam ab omnib. affectibus, uoluptate, timore, dolore, concupiscentia, non ferit in uiro ciuili dominus populus, sed hominem amicum atq; beneuolum pro inimico arripit, nec tam illū, quàm seipsum afficit poena grauissima, uidelicet inscitia, quippe qui non didicit id quod in omni uita utilissimum est, imperata facere, unde imperandi quoq; sciētia discitur. uideamus sequentia, quando de præsentī loco satis diximus. Adolescens ab amatrice apud herū insimulatus criminis quod in ipsam cōpetebat, inauditus in carcerem ducitur: ubi tanta uirtutis edidit specimina, ut etiam facinorosis illis esset miraculo, ad suæ calamitatis solatium credentibus sibi contigisse hunc hominē. nota est autem custodum crudelitas, qui ingenio feroces magis efferrantur assuetudine, indies crescente sæuitia, dum nihil boni uident nec dicunt aut faciunt, sed sæua uiolētaq; omnia. nam sicut bene compacta corpora exercitatione confirmantur & acquirunt robustam inuictamq; habitudi-

nem: sic ferox & immitis natura occupata sui similibus studijs duplo fit durior, inaccessa misericordiae, qui unus affectus bonus ac humanus est. & quemadmodum qui cum bonis uiris habent familiaritatem, ex iucundissimo eorum conuictu in melius proficiunt moribus: sic etiam qui cum malis uersantur, affricant sibi eorum uitia. facile enim cōsuetudo abit in naturae similitudinem. degunt autem carcerum custodes inter plagiarios, fures, parietum perfossores, facinorosos, uiolentos, stupratores, homicidas, adulteros, sacrilegos, à quorum singulis nonnihil nequitiae contrahunt, ut ex huiusmodi collatione miscellaneaq; temperatura conficiatur una scelesti malorum colluuius. attamen talis homo honestate adolescentis mitigatus, nō solū securitatē & ociū ei praestitit, sed etiam uinctis omnib. eum praefecit, ita ut penes ipsum species nomenq; custodis esset, rem autem & officium adolescenti cederet, quod non parum carcere inclusis proderat. iamq; locus non tam erat carcer, quam disciplinae meditatorium. Omīssis enim tormentis, quibus antea noctu atq; interdium cruciari solebant uarijs malis obruti, admonebantur sermonibus & praecipis philosophicis, sed maximē ipsius doctoris exemplis utilissimis. Postquam enim suam uitam continentia, ceterisq; uirtutibus plenā, uelut tabulam bene pictam in medio proposuit, conuertit etiam eos qui uidebantur insanabiles, affectos inueteratis morbis animi, ita ut iam damnarent uitam praeteritam, exprimente has uoces respicientia: Vbi tantum bonum tam diu-latuit, à quo priusdem aberrauimus? Ecce iam affulgente hoc, tanquam in

speculo nostra dedecora uidentes, erubescimus. In hoc rerum statu duo eunuchi regis introducti sunt, alter pincernis præfectus, alter pistoribus, accusati damnatiq; quod non rectè fungerentur suis ministerijs. Hos quoque ille in suam curam accepit, orans deum ut sibi daret facultatem corrigendi commissos suæ fidei. Aliquanto post, cum obiret uinctos, animaduertit hos duos eunuchos cogitabundos mœstiores solito, unde coniectans eis accidisse aliquid, mœroris causam scitabatur. Quibus respondentibus ortam ex somnijs anxietatem, quod non adesset interpres: Bono animo este, inquit, & narrate. intelligentur deo uolente. Vult autem ille ut res obscuræ aperiantur ueritatem desiderantibus. Tum prior pincerna, Visus sum, inquit, uidere magnam uitem, habentem tres palmites onustos maturis uuis, quasi autumni tempore. deinde inuitante harum pulchritudine, uidebar decerpere, & exprimere in regium poculum, moxq; regi offerre mustum meracum. Ioseph postmodicum silentium, Felicitatem, inquit, hæc uisio tibi nunciat, & restitutionem in pristinum officium. Nam tres palmites tres dies significant, quibus elapsis reminiscetur tui rex, accitoq; hinc, dabit ueniam: & ut in dignitate cōfirmeris, offeres domino poculum. Sic illi lætum fuit suum somnium. tum pistorum præpositus interpretationem miratus, quasi & ipse faustum uidisset somnium, quod ualde ominosum erat, deceptus bona spe alterius, narrare incipit. Ego quoq; somniaui me tria cœnistra baiulare in capite plena operibus pistorijs, ex his summum continebat ea, quibus rex delectatur ut deli-

cationibus & elaboratis curiosius. ea uidebantur aues
in meum caput deuolantes diripere, & deuorare aui=
de, donec in totum absumpta sunt. Ad hæc iuuenis. Vti=
nam tale somnium non uidisses, aut non enunciaffes: aut
si narrandum erat, saltem id fecisses procul à meis auri=
bus ne exaudirem quod non libet. piget enim me esse in=
felicitatis nuncium, quia compatior miseris, memor
communis sortis hominum. Sed quoniam somniorum
coniectoris ueritas est necessaria, tanquam uatibus
& oraculorum interpretibus, nihil celabo: quandoqui=
dem mendacium ubiq; fugiendum, in sacris consulta=
tionibus etiam religio uetat admittere. Tria canistra
dies tres significant, quibus elapsis rex in crucem te tol=
li iubebit, truncatum prius capite: atq; ita uolucres pa=
scentur tuis canibus, donec totum absument. Sic pistor
recessit territus, tempus præfinitum expectans, & fu=
tura mala iam tum cogitatione præcapiens. Post tri=
dium natalis regis illuxit, festiuitatem publicam affe=
rens, præsertim aulicis. cumq; epulum præberetur o=
ptimatibus, ut fieri solet in hilaritate domestica, rex eu=
nuchos requirens iussit produci è carcere: moxq; con=
firmavit euentu somniorum præsagium, iubens alterum
in cruce suspendi absciso capite, alterum in pristinam
dignitatem restitui. At pincernarum princeps oblitus
est eius qui futura prædicendo præsentem eius calami=
tatem subleuaret, uel quia nemo ingratus beneficiorum
meminit, uel quia deo uisum est, iuuenem non humana,
sed diuina ope ad felicitatem prouehi. Nam post bien=
nium regi futurus eius regionis status, bonus malusq;
β 4 præmon=

premonstratus est diuinitus duobus somnijs, quo cer-
 tior res fieret. Vidit enim septem uaccas emergere in ri-
 pam e flumine, pingues ualde obesaeq; uisu pulcherri-
 mas, & pasci secundum fluiuium. Post eas totidem maci-
 lentas, & uix osibus haerentes, uisu turpissimas ascende-
 re, pasciq; cum prioribus. Dein repente meliores deuo-
 rari a deterioribus, manente in saturatis eadem macie,
 imò aucta etiam. Tum experrectus, ac mox in somnum
 relapsus alia uisione terretur: qua uisus est uidere septē
 spicas triticeas ex uno culmo enatas pari magnitudine,
 plenas & proceritate pulcherrimas. Deinde septem a-
 lias exiles ac languidas enatas in proximo, quae mox im-
 petu facto absumpserunt culmum illum cum suis spicis
 nitidissimis. Post hanc secundam uisionem noctis rela-
 quum insomnis exegit, curis stimulantibus, & animum
 sollicitum sauciantibus: sub auroram sophistis accitis, de
 narrat obuersatas sibi dormienti species. Cumq; nemo
 posset uerum earum significatum coniecturis assequi,
 accedens eum pincernarum princeps, inquit, Here, spe-
 ro me inuenturum qualem cupis hominem. Misisti du-
 dum ob quasdam noxas me & pistoris praefectum in
 carcerem, in quo erat seruus principis coquorum, He-
 braeus genere, ei narrauimus ambo, quae uideramus som-
 nia. Ille rem coniecturis certissimis attigit, adeo ut euen-
 tus in utroq; nostrum eius interpretationi responderit:
 alter dedit supplicium, mihi tu propitius donasti ueniam.
 Rex his auditis iubet propere acciri iuuenem, ministri
 attonsum post longā carceris illuuiem, & detractis for-
 didis pannis eleganter uestitum, ceterisq; nitoribus ex-
 politum

politum, ad regem introducunt. qui primo aspectu iudicans hominem ingenium & bene natum (elucet enim in ipsa facie notæ, non omnibus tamen conspicuæ, sed solis perspicaces mentis oculos habentibus) Præfagit, inquit, mihi animus, non semper in obscuro fore quod tegitur somniorum ambagibus. præ se fert enim hic iuuenis sapientiam: qui ueritatem, tanquam lumen tenebris inferens, aperiet, & sua sciëntia nostratum sophistarum inscitiam abiget. His dictis ordine denarrauit utrunq; somnium. Tum Ioseph maiestate loquētis nihil territus, tanquam rex subditum, non subditus regem, liberè sed reuerenter allocutus est, dicens: Quæ factururus est deus in hac regione ostendit tibi. Duæ uisiones (crede mihi) unum somnium sunt, geminatum non temerè, sed ut res fiat credibilior. nam & septem uaccæ pingues, & septem spicæ plenæ, septem ubertatis annos significant: sicut totidem famis annos illæ septem macilētæ uaccæ turpissimæ, & septem spicæ cassæ ac marcidæ. Veniet igitur prius septennium fertilissimum, tota regione quotannis bene rigata stagnante per arua flumine, & campis solito maiores prouentus afferentibus. sequetur deinde longè diuersum septennium, grauem inopiam allaturum & rerum uictui necessariarum penuriam, nec flumine se diffundente, nec terra limo eius pinguescente, ut accolæ obliiti superioris ubertatis nihil ex eius prouentu reliquum faciant. Hæc sunt quæ somnia præmonent: sed mihi numen quiddam suggerit, quod in tantis malis salutem afferre queat. Urbium regionumq; grauissimus morbus fames est, cuius uires oportet frangere, ne ni-

mium auctus incolas deleat. at quomodo succurrendum est huic periculo? è septem annorum fertilitate quod supererit satietati hominum, hoc est quinta pars, reponatur oppidatim uicatinq; , non transportando fruges aliò longius, sed ubi demetuntur asseruando in usum eius loci hominum. eas fruges censeo cum suis manipulis condendas, nec trituras, nec purgatas, quatuor de causis. quarum una est, ne citius uitientur nudatæ suo tegmine. altera ut per singulos annos renouetur pristinae copiae memoria, rusticis triturantibus, & fruges euentilantibus. tertia ne iniri possit frumenti numerus dum incertum est quatum spicae manipuliq; contineant, ne animus colonos deficiat reputantes quantum absumptum sit, sed securitate non minus quam cibo se sustineant. spes enim alit cum primis, graue penurie malum subleuans. quarta causa est, ut & iumentis condatur pabulum, quibus aristæ paleæq; purgamenta frugum proderunt. ea cura committenda est uiro prudenti, cordato, probatoq; , qui possit sine inuidia reprehensioneq; hoc consilium exequi tanta dexteritate, ut nihil populo de fame futura suboleat. durū est enim iam ante ægris animis spem in futurum adimere. quod si quis causam scitabitur, respondendum est, oportere sicut in pace paratur quæ belli tempore futura sunt usui, sic in copia prospicere inopie. incertum autem esse quando bellum uel fames immineat, quid ue futurum tempus ferat: parandum igitur maturè subsidium, ne desit cum tempus postulauerit. Rex audita somniorum interpretatione depitissima, ueritati congrua, simulq; cōsilio, ut apparebat

in futurum utilissimo, familiaribus proprijs accitis submissa uoce dixit: Num inuenimus talem hominem afflatum diuinitus? Cumq; uideret eis probari hanc sententiam, uersus ad iuuenem stantem ait: Prope est quæ queri iubes, non longe quærendus est homo cordatus ac prudens qui exequatur tua monita: tu is es. nec enim sine numine hæc locutus uideris. I præfecturâ mei palatij suscipe, simulq; totius Aegypti procurationem. nec est cur quisquam meam facilitatem accuset, se digniorem iudicans. nam excellentes naturæ non habent opus ad experimentum longo tempore, sed incunctanter se rebus ingerunt: & præsens status moras non patitur, imminete necessitate cui prospiciendum est. His dictis eum proregem instituit, uel regem potius, relicto sibi solo imperij nomine, potestatem illi cedens & agens quicquid pertinebat ad honorem iuuenis. dat ei regium anulû signatoriû, uestem augustam, torquem auream, currum secundû à regio, atq; ita iubet per urbem circumuehi, præcedente præcone & indicante noui magistratus electionem. nomen quoq; nouû indit ei, quod interpretem significat lingua uernacula: et nuptû dat filiam clarissimi apud Aegyptios uiri, qui Solis habebat sacerdotium. id actû est circiter annum eius trigesimû. hi sunt euentus piorû. nam etiamsi proclinantur, tamẽ non corrunt, sed erecti stant firmiter, ne supplantari queant. Quis enim expectasset intra unam diem è seruo dominum, è uincto præstantissimum omnium, è carcerarij uicario proregem fieri, & regiam inhabitare pro carcere, extrema ignominia uersa in honorem maximum, facta sunt tamen hæc,

Et fient sepius, quādo deo placuerit: modo subsidat alia qua probitatis scintilla in animo, quam necesse est per occasionem excādescere. Quoniam autem propositum est post rei narrationem figuram etiam explicare, dicemus et de hac quantum opus est, quamuis fortasse ridebit hoc aliquis temerarius. Ego tamen non dissimulanter dico, civilem uirum utiq; somniorum esse interpretem, non quales isti nugatores garruli mercenarij; sophistæ quæstum facientes ex nocturnis somniorum ludibrijs: sed qui magnum illud somnium commune publicumq; uigilantium non dormientium exacte intelligat. id somnium, ne quid mentiar, est uita hominū. nam sicut in somniorum uisionibus uidentes non uidemus, audientes non audimus, gustantes aut tangentes nec gustamus nec tangimus, loquentes non loquimur, deambulantes non deambulamus, sed cum uideamur uti motibus et habitibus nullo prorsus utimur, mēte inaniter sine ullis ueris obiectis pingente sibi simulacra rerum non existentium tanquam existentium: eodem modo etiam uigilantium imaginationes somnijs sunt simillimæ. ueniunt, abeunt, occurrunt, refugiunt, prius quā comprehendantur auolant. Disquirat quisq; apud se, et domi testimonium inueniet ut ipse taceam, præsertim si quis est etate prouectior. is fuit aliquando infans, mox puer, deinde pubens, dein adolescēs, postea iuuenis, postea uir, postremo senex, sed non simul omnia. nōne infans puero cedit, puer pubenti, pubens adolescenti, adolescēs iuueni, iuuenis uiro, uir seni, senectus morti? et fortasse singule etates decedēdo præmoriūtur, natura nos paulatim

tim docente non timere mortem extremam omnium, quādo priores facile tulimus, infantiae, pueritiae, pubertatis, adolescentiae, iuuentutis, uirilitatis, quae omnes aetates ante senectutem euauerunt. Quid aliae res corporis nonne somnia sunt? nonne pulchritudo momentanea pene prius marcescit quam floreat: sanitas incerta infirmitatibus obnoxia: robur morbis expugnabile per occasiones plurimas: sensuum integritas humoribus uitiis facile corrumpitur? Iam quanta sit in rebus externis obscuritas quis nescit: ingentes opes saepe una dies abstulit. multi honoratissimi antea, uersis rerum uicibus in contemptum uenerunt cum ignominia. imperia regum maxima breui temporis momento subuersa sunt. fidem meis uerbis astruit Dionysius in Corintho, quondam tyrannus Siciliae, mox pulsus et Corinthum profugus, literator factus est tanto principe. attestatur et Croesus rex Lydiae, ditissimus regum, qui sperans se deleturum Persarum potentiam, non modo proprium regnum amisit, sed et ipse uiuus in potestate hostium redactus, minimum absuit quin exureretur. Testantur de huiusmodi somnijs non singuli tantum, sed ciuitates, gentes, regiones, Graecia, Barbaria, insularum continentisque incolae, Europa, Asia, oriens, occidens. nihil enim usquam permanet sui simile. Aegyptus quondam in multas gentes habuit imperium, nunc ipsa seruit. Macedones aliquandiu tam potentes fuerunt, ut iura toto orbi redderent: nunc imperatas a dominis pecunias tributi nomine quotannis quaestoribus numerant. Vbi est illa Prolemaeorum familia, cuius splendor per singulos successores ad extremos terrae marisque terminos emicuit? ubi sunt gentes

gentes ciuitatesq; sui iuris & liberae rursum ubi subditorum seruitutes? nonne Persæ Parthis imperauerunt? nunc subduntur eis uersa rerum humanarum alea. Quidam fingunt sibi prolixas felicitates, at hæ sunt magnorum malorum initia. itaq; dum ad magnorum commodorum possessionem properant, graues misérias inueniunt: & ediuersum malum expectando, in bona fortuita incurrunt. athletæ robore freti ac bona corporis habitudine, dum certam sibi pollicentur uictoriam, uel exclusi sunt e certamine, uel uicti ab aduersarijs. alij ne secundam quidem palmam sperantes, primam coronam reportauerunt præmium. quidam æstate soluentes tempore opportunissimo, fecerunt naufragium. alij hibernis tempestatibus pene obruti, portum attigerunt incolumes. Quidam negociatores certa lucra sibi proponunt, securi de periculis: alij de damno solliciti, magnum fecerunt operæ pretium. tam anceps est fortuna, rebus humanis tanquam in statera pendentibus, et inæquali pondere nunc huc nunc illuc uergentibus: tanta offenduntur caligine. Proinde tanquam altum dormientes erramus, non ualentes quicquam ratiocinatione uel penetrare uel certo comprehendere, quando cuncta umbris spectrisq; sunt similia. & sicut cum pompæ traducuntur prima quæq; conspectum prætereunt, ite in torrentibus fallente uisum celeritate undæ præterfluunt: sic uite negocia currentia præterlabentiaq; uidentur manere, cum ne momentum quidem maneant, nunquam non subterfluentia. Interea qui uigilant, quantum ad incertam perceptionem attinet, nihil à dormientibus differunt seipsum fallendo, dum se putant rerum naturas certo

perspicere, quamuis interturbantibus scientiam sensibus per spectaculorum, saporum, uaporūq; illecebras, quibus inescatus animus non finitur recte inoffenseq; per uiam publicam progredi itaq; confusis celsis cū humilibus, magnis cum paruis, exoritur inæqualitas inducens caliginem atq; uertiginem. Cum igitur tāta perturbatione obscuritateq; uita referta sit, oportet interuenire uirum ciuilem, & tanquam doctum somniorum interpreterem, diurna somnia uisionesq; hominum qui uigilare sibi uidentur, dijudicare coniecturis uerisimilibus, persuasionibus rationi consentaneis persuadentem singula: hoc honestum, illud turpe: hoc bonum, malum illud: hoc iustum, iniustum illud, & cætera similiter: hoc prudenter factum, illud fortiter, hoc pie, hoc sancte, hoc utiliter: & ediuerso hoc factum inutiliter, hoc imprudenter, hoc timide, hoc impie, hoc profane, hoc noxie, hoc ambitiose. Item: hoc alienum est, ne concupiscas: hoc tuum, utere non abutere. Affluunt opes? impartire. nam diuitiarum pulchritudo est non in crumenis, sed in egenorum auxilio. Pauca possides? caue inuideas diuitibus. Pauperem inuidum nemo miserabitur. Honoratus es? caue insolentiam. Humilis conditionis es? noli despondere animum. Succedunt tibi omnia ex sententia? mutationem time. Offendis sæpius? bene sperato. nam res humane mutantur in contrarium. quandoquidem sol, luna, celum uniuersum, manifeste aperteq; noscitur, quæ perpetuo manent eadem, ueris definita regularis, ordinatis, aptis, optime congruentibus. At res terrene totæ perturbata sunt, incongruæ incompositæq;
ut

ut propriè dicere liceat, has mersas profundis tenebris;
 illas similes lumini fulgētissimo, uel potius lumen ipsum
 sincerissimum atq; purissimum. Si quis igitur uelit res in-
 trospicere, inueniet cælum esse diem sempiternam um-
 bre ac noctis expertem, quippe illustratum inextingui-
 bilibus purissimisq; splendoribus. Et quanto apud nos
 sunt potiores uigilantes dormientibus, tanto in mundi
 uniuersitate cælestia terrestribus, ut quæ insopita uigi-
 lant, propter certas irrequietasq; uires, nunquam fru-
 stratas suis effectibus. At terrestria etiamsi paulisper ex-
 citentur, rursus degrauata in somnum recidunt, defici-
 ente uisu animæ, ut errare necesse sit atq; offensare.
 nam his rebus falsæ opiniones caliginem inferunt, ut ui-
 tari non possint somnia inania, nec quicquam firmiter
 prehendere liceat. Figuratum est et quod in secundum
 à regio currum ascendere dicitur, ob causam hanc. qui
 rempublicam tractat, secundus à rege habetur, cum nec
 priuatus sit nec rex, situs in amborum confinio, priuato
 ciue potior, regia potestate inferior, subiectus tanquam
 regi populo, cui per omnia uult gratificari bona fide ad-
 sedulo. Fertur autem sublimis ceu sella curuli, tum à ne-
 gocijs, tum à multitudine in altum elatus, præsertim cum
 parua magnaq; succedunt ex sententiâ, nemine resstante
 aut opponente se, sed ut in nauigatione prospera deo gu-
 bernante omnia salutariter. Anulus à rege datus insigne
 est fidei magistratum inter et populum regem interce-
 dentis. Cæterum torques aurea, non ad gloriam solum,
 sed et ad poenam pertinere uidetur. quamdiu enim res
 ciuiles ei bene procedunt, placet sibi honoratus à ciui-
 bus

bus. cum autem aduersitas accidit, non uolenti quod da-
mandum esset, sed fortuito, quod meretur ueniam nihi-
lominus iniecta in torquem manu trahitur, tantum non
increpante suo domino: Hanc torquem donauit tibi, or-
namentum in prosperitate, uinculum in aduersitate. Aie-
diui tamen & aliam huius loci expositionem figurantem
talem. Regem Aegypti esse nostrum intellectum, princi-
pem regionum corporearum particulariū, qui tanquā
rex potestate utatur in adamato corpore. tribus enim
potissimum occupatur negocijs, circa cibos, potus, cupe-
dias: ideo tres habet procuratores, pistorum, pincerna-
rum, coquorumq; principes: quorum alius cibos, alius
potus, alius condimenta præparat. omnes autem eunu-
chi sunt, quia uoluptatis amator sterilis est rerum ualde
necessariorum, sobrietatis, pudoris, continentie, iusti-
tie, uirtutum omnium. Nullæ enim res adeo pugnant in-
ter se, ut uirtus & uoluptas, propter quam multi negli-
gunt quæ sola curanda erant, dantes se concupiscentijs,
& sequentes quacunq; illæ inuitant. Princeps coquorū
nec in carcerem ducitur, nec mulctatur, quia condimen-
ta non sunt admodum necessaria, nō tam deliciae, quam
uoluptatis irritamenta leuia. Reliqui duo misero uentri
apparatus faciunt, pistorum pincernarumq; præfectu-
ram gerentes, quandoquidē hæc duo maxime cibis po-
tusq; uitam fulciunt: quæ ubicunq; sunt in precio, lau-
dantur eorum procuratores, & si quando cessant in of-
ficio, poenam indignationemq; incurrunt. Puniuntur au-
tem non eodem modo, quandoquidem etiam in harum
rerum usu est differentia: cibus necessario sumitur, ui-

num minus utile censetur. nam sine mero uiuunt homines contenti fontanis laticibus sitim restinguere. Quā obrem princeps pincernarum recipitur in gratiam pristinam, quippe qui peccauit in minoris momenti negotio: coquorum uero princeps nō impetrat ueniam, usq; ad ultimum supplicium procedente ira, haud secus ac in culpa grauissima. nam ciborum defectum mors sequitur. Quapropter qui hac in re peccauit, lege talionis suspensus necatur, & quod alijs intulit, ipse patitur, quippe qui esurientes & ab ipso pendētes diuturna fame cruciauit. De his quoq; haftenus. At regius uicarius assumpta Aegypti procuratione obibat eius regionis praefecturas & oppida, omnibus nouum magistratum officio se ac hilariter excipiētibus, quos tum beneficijs, tum comitate sibi deuinciebat, elucente in ipso uultu hominis eximia quadam gratia. Postquam autem euctu somnijs respondente aduenit illud prius septennium fertilissimū, quintam partem frugum quotannis exigens per subpraefectos & ministros publicos, tantum comportauit manipulorum numerum, quantum nemo antea collectum meminerat. Nec enim iniri potuit eorum numerus, quāuis plurimi occupati essent in eo negotio, quibus mos est curiose dinumerare talia. Elapso autem ubertatis septennio fames incepit, quæ usque crescens & procedens non continuit se Aegypti terminis, sed diffusa per omnes deinceps ciuitates regionesq; quam longe lateq; patet orbis habitabilis, peruenit ad extremos orientis occidentisq; populos. fertur nunquam ante sic laboratum malo communi uniuersis gentibus, quale medico-

rum filij serpiginem nominant: quod omnes partes corporis inuadens ignis more depascitur. quam ob remqueq; gens per honoratissimos legatos frumentum in Aegyptum petebat. iam enim fama prouidentiam iuuenis praefecti ubiq; uulgauerat, qui commeatus copiosos seruasset ad futuram penuriam. ille primum aperiri iubet omnia horrea, ut aspectu ipso & spe recrearet animos, prius quam succurreretur corporis necessitatibus. deinde institutis annonae curatoribus uendebat frumentum semper in futurum prospiciens, cuius temporis maiorem quam praesentis rationem habebat. Interea pater etiam illius, deficientibus paulatim rebus ad uictum necessarijs, ignorans felicitatem iuuenis, mittit frumentum decem filios, retento domi natu minimo, qui proregis utrimus frater erat. Illi in Aegyptum profecti fratrem tanquam alienum adeunt, & maiestate stupefacti adorant prisco more hominem, confirmantes euentu somnia. qui uenditores suos conspiciatus mox omnes agnouit, ipse agnitus a nemine, deo nondum uolente ueritatem aperire ob causas quasdam necessarias, quantum dissimulari fuit satius: is enim aut uultum eius mutauit in augustiorem speciem magistratu summo dignam, aut mentes obtuentium hebetauit quo minus cernerent. Ille non ut iuuenis ad tantum principatum euectus, & regi longe potentissimo dignitate proximus, elatus aetate ac potestate de uindictae occasione cogitauit, sed imperauit suis affectibus premens atque recondens eos in animo, magno consilio personam insensum assumens, toruo aspectu uoceq; obiurgatoria miseros

γ 2 terri-

territans. Heus uos, inquit, nihil pacatum habetis in ani-
mo. aliquis ex regis hostibus exploratores uos submi-
sit, cui sceleratam operā polliciti, putastis uos posse sal-
tere: sed non latent me insidiæ uestræ, quantumuis eas te-
gere conamini. fratres crimen intentatum à se depulsu-
ri, negant se huic culpæ affines; qui nec ab hostibus ue-
niant, nec ipsi affecti sint hostiliter, nec induci queāt ad
tale ministerium. esse enim se natura pacis cupidos, et à
tenera ætate legibus parere didicisse sub patre uiro san-
cto religiosoq; qui duodecim genuerit filios: ex quibus
unum domi mansisse propter ætatem nondum peregrina-
tioni maturam, decem coram adstare, reliquum suba-
latum è medio. Hæc de seipso loquentes audiens tan-
quam de mortuo, quid animi habere potuit? Quamuis
enim ne tunc quidem affectum suum protulit, tamen in-
tus uerebatur in pectore. nihilominus pari oris grauita-
te: Si, inquit, uerum dicitis uos exploratores non esse, ut
certior fiam manete hic paulisper, et fratrem minimum
uocate per literas. quod si patris necessitas uos manere
non sinit, ne grauius ferat diuturnam uestram absen-
tiam, abite omnes obside hic relicto uno, donec reuer-
mini cum natu minimo. si secus feceritis, capitale fuerit.
Hæc truculente, ut uidebatur, interminatus destitit. Illi
incesti damnabant suam in fratrem seuitiam dicentes:
Nunc ueterem iniuriam presenti calamitate luimus, præ-
nas à nobis exigente iustitia rerum humanarum præsta-
de, quæ scelus ad tempus dissimulatum inclementer ora-
guit, ut dignum est. quis enim pœna dignos neget? qui
fratris innocentis preces immaniter contempsimus, quæ
miser-

miserari debuissimus, nocturnas uisiones narrante quā
si familiaribus. at nos efferati & crudelissimi nefarium,
quod negari non potest, scelus perpetrauimus: propter
quod & hæc patimur, & tristiora expectamus: qui cū
simus penē omnium hominum nobilissimi paternis, qui
tis, ceterorumq; maiorum uirtutibus, cognationem de
honestauimus admissio probro maximo. Tum grandior
nati, qui iam inde à principio conspirationi sese oppo-
suerat. Actorum, inquit, inutilis est pœnitentia. rogabā,
supplicabam, ostendens quā impius esset conatus ue-
ster, dehortans ne iræ indulgeretis. cū mihi assentiri de-
buissetis, maluistis sequi uestrum insanum consilium. ex-
go fructum dignum peruicacia tam impia carpinus, &
mercedem accipimus debitam. Inquisitio fit in paratas
insidias iuueni, nec homo inquirat, sed deus, aut diuinū
ius aut prouidentia. Hæc submissee colloquentes fratres
audiebat ille uenditus, qui per interpretem cum eis ege-
rat: iamq; impar affectui prorumpentibus lacrymis, ne
deprehenderetur auersus est: & postquam de lacryma-
uit, dolore paulum leuato, abstersaq; facie reuersus ad
eos iubet uinciri fratrem à grandissimo proximum, idq;
inspectantib. ceteris omnibus, quasi sibi ex aduerso op-
positum. nam inter complures secundo penultimus op-
ponitur, sicut primus ultimo. Et fortasse maxima pars
culpæ in eo fuerat, quasi autore conspirationis nefarie,
qui cohortem fratrum animauerit, & ad odium incita-
uerit. nam si fratri bene clementerq; consulēti, quo uno
minor, ceteris erat grandior, suū adiunxisset suffragiū,
uix admissum fuisset facinus, præualente per consensum

honore ætatis & ordine, præsertim in tanti momēti ne-
 gocio. nunc maluit à meliore parte ad deteriorem defi-
 cere, & in inmitem duramq; sententiam discedere, tan-
 ta contentione, ut eius ductu hortatuq; sine mora perpe-
 tratum sit impium facinus. hoc est, cur soli ex omnibus
 iniecta puto uincula. cæteri iam parabāt se ad reditum,
 proregis iussu impletis per frumentarios omnibus sac-
 cis fratrum tanquam hospitum, & reposito precio in
 eorum orificijs, nemine tamen super hac re præmonito.
 insuper auctarij uice additum est quantum redeuntibus
 in itinere posset sufficere, ut quod coemerant deporta-
 rent integrum absq; ullo detrimento & dispendio. In-
 gressi uero iter cum iusto uincti fratris desiderio, nec mi-
 nus de patre solliciti, ægre laturo numerosam prolem de-
 crescere singulis profectionibus, ac ne credituro quiddē
 de uinculis, sed prætexi morti hoc commentum suspica-
 turo, ut solent de cætero suspicaces esse qui semel impe-
 gerunt, sub uesteram deponunt iumentorum sarcinas,
 ipsi curas adeo non deponunt ut premantur grauius. sic
 enim usu uenit, ut interquiescente corpore mens impro-
 uisos casus per ocium pensitans angatur magnis mole-
 stijs. tum aperto uno quopiam sacco reperta est in eius
 ore crumena plena pecunijs: quibus numeratis inueni-
 tum est solidū frumenti precium, duntaxat quantū saccus
 capiebat. qui inuenerat, rem fratrib. indicat, stupens mi-
 raculo. hi nō gratiā, sed insidias rati & animo destitue-
 bātur & consilio: cūq; uellent oēs saccos excutere, metu
 persecutiōis inde profecti, penē cōtinuato cursu aliquot
 dierū iter absoluerūt magna cōpendio. Tum uero alius
 post

post alium ruentes in patris complexus, deosculabatur
senem præbentem se, quamuis iam præsagientem inex=
pectatum nescio quid. sensit enim deesse unum salutato=
rem, cuius mox tarditatem accusauit, subinde prospe=
ctans in uiam, & requirens integrum filiorum numerũ.
sed cum nemo superueniret amplius, uidentes eum metu
solicitem sic alloquuntur: In casibus inopinatis, mi pa=
ter leuior est cognitio quàm dubitatio. nam re cognita
potest inueniri ad salutẽ aditus, hæsitatio nihil expedit.
audi nunc ualde molestum nuncium, sed auditu necessa=
rium. Frater quem nobiscum misisti ad frumentum emen=
dum, non reuersus uiuit tamen. bene habet quòd salus e=
ius in tuto est, detinetur autem in Aegypto uiuens apud
præsidentem: qui siue aliorũ calumnijs, siue suspitioni suæ
credulus, pro exploratorib. nos habuit. cumq; in defen=
sionem nostram afferremus quod in mētem ueniebat ex
tempore, narrantes de te reliquisq; fratribus, uno defun=
cto, altero apud te manente, quem dicebamus propter
ætatem teneriorẽ domi substitisse: atq; ita omnia de to=
ta cognatione nostra proderemus nil dissimulando quo
magis suspicio eximeretur homini, nihil profecimus. il=
lo negãte se crediturum nobis, nisi uiso fratre nostro na=
tu minimo. eam ob causam secundo genitus retentus est
pro obside, dimittendus quàm primum alter exhibitus
fuerit. id imperatum fuit lōgẽ molestissimum. sed durior
etiam est necessitas præsentis temporis, cui parere opor=
tet propter uictualia, quæ nunc fame pressis sola Aegy=
ptus suppeditat. Tũ senex gemitũ ducēs ex imo pectore,
Quem ergo primũ, inquit, deplorabo? penultimũne,

non extremum sed primum in calamitatum ordine: an
secundogenitum, qui miseria primo proximus non prius
mortem sensit quam uincula: an natu minimum, cui abo-
minanda profectio suscipienda est, si modo proficiscer-
tur, fratrum infortunio factus nihilo cautior. interim in-
ipse membratim pereo, nam parentum partes sunt libe-
ri. modo numerosa feliceque prole stipatus ad orbitatem
recido. tum maximus natu, En tibi pro uno filio duos
obsides, quos solos genui: in hos ut libet seuito, ni fra-
trem meae fidei committendum incolumem restituo, cuius
ius in Aegyptum profectio duo maxima nobis affert
commoda. unum quod credetur nec hostes nec explorato-
res nos esse: alterum quod recipiemus fratrem e vincu-
lis. Morsus pater haerebat, e duobus eadem matre gen-
tis orbatus altero, de alterius profectioe sollicitus, me-
tuens ne impar anxietati ante reditum eius moreretur,
memor praeteritorum casuum. tum adhibitus est qui in-
ter fratres excellebat animo, autoritate, facundia, qua-
tus aetatis ordine. is communem sententiam parenti ap-
ruit. ea fuit. quando quidem deficiebant necessaria, absum-
ptis quae priore frumentatione parauerant, una omnes
proficisci, non sine fratre natu minimo. nam praefectus
regionis disertè interdixerat eis reditu, ni & illum addu-
cerent. id uir sapiens reputas, tolerabilius esse unius in-
certum periculum quam certam tot fratrum perniciem,
quae propter domum fame pressam uitari non poterat.
respondit: Cedendum est necessitati ut uideo. Fortasse tu
tura uiam munit ad melius aliquid, quod nondum pro-
uidere mente sumus idonei. Ite, & minimū quoque quāto

ita uidetur assumere. Verum aliter eū dum est quā an-
tea. tunc pecunia tantum opus erat ignotis ad emendum
frumentum euntibus, & nullam passis iniuriam. nūc ad-
iungenda sunt munera tribus de causis. ad parandam
præfetti annonæ gratiam, cui uos innotuisse dicitis: ad
fratrem citius redimendum ē uinculis: ad tollendā quan-
tum fieri potest explorationis suspicionem. proinde ex
omnibus quæ nostra regio fert ceu primitias ferte homi-
ni, & duplex precium, annumerato quod retulistis pro-
ximè. fortassis enim per alicuius ignorantiam id accidit.
ego faustis precationibus abeuntes prosequar commen-
dans salutem uestram seruatori deo, ut & apud illius re-
gionis indigenas hospitibus conciliet gratiam, & uos re-
stituat incolumes in patriā, unā cum fideicomisso quod
parenti debetis, tum alterum priorem relictum in uincu-
lis, tum huncce quem nunc abducitis adolescentulum per-
atatem imperitum rerum omnium. Ita cuncti contende-
runt in Aegyptum. Post aliquot dies præfetus regionis
cum reuersos uidisset gausus est supra modum: moxq;
iubet dispensatorem suum parare opiparum epulum, et
uiros ad salis mensæq; communionem adducere. Intro-
ducti adhuc causæ ignari timebant, suspicando furti ca-
lumniam ob non redditum frumēti precium, quod in sac-
cis inuenerant, & apud dispensatorem excusabant fa-
ctum quod nemo accusabat, ut conscientie satisfacerēt,
simulq; proferebant pecuniam parati reddere. ille co-
miter hortabatur, essent bono animo. si quid inuenissent
deo propitio, id eis fraudi non fore. neminem eis inuide-
re dona dei. nam hunc impleuisse in saccos pecuniam,

prouidentem non solum fami, sed et inopiæ. Sic conso-
lati prompserunt allata munera, quæ mox domino su-
peruenienti obtulerunt. percontanti deinde, satim saluæ,
et an pater supersit, respondent de se nihil, sed patrem
uiuere ualereq; cui bene precatus, et mactum dei fauo-
re pronuncians, circumspexit requirens fratrem uteri-
num: quo uiso iam non ualens affectum reprimere, prius
quam eum proderet auersus, secessit quasi ad aliud nego-
cium (nondum enim erat aperienda ueritas) et in quo-
dam angulo effudit se in lacrymas. tum ablutus, et dolo-
rem rationi subiiciens, ad hospites epulo excipiendo re-
uertitur, reddito quem retinuerat obside. adfuerunt et
alii cõuiuæ, optimates Aegyptiorum. Tractatio fuit iux-
ta morem cuiusq; patriæ, quod durum uideretur disce-
dere à consuetis moribus, præsertim in cõuiuiis, ubi ma-
ximè hilaritati prospicitur. Iussi deinde sedere iuxta eta-
tis ordinem (nondum enim discumbendi mos receptus
erat) mirabantur quòd Aegyptij non aliter quàm He-
bræi rationem ætatis haberent in honorandis homini-
bus, sic cogitantes: fortasse hic magistratus pro sua prou-
dentia non solum serijs et magnis rebus ad pacis belliq;
recta munia spectantibus induxit decorum ordinem, ue-
rum etiam honestatem in istis leuiorib. et penè ludicris,
quam Aegyptij hactenus rudiores nesciuerant. nam in
cõuiuiis semota gravitate leticia queritur. Interim cibi
non ualde lauti apponuntur, quod conuiuatori non libe-
ret uti delicijs in publica penuria: et hoc ipsum homi-
nes prudentes in laudem uertebant, uitari luxum intem-
pestiuum et inuidiosum: probantes consilium memoris
quid

quid uel præsentē læticiam, uel publicum statum deceat,
& utriq; se accommodantis tempori. atq; ita opportunus
& minimè inuidiosus apparatus fuit. quod deerat
supplebatur hospitali comitate, propinationibus, faustis
ominationibus, ad hilaritatem hortationibus, & id ge=
nus iucundis alloquijs, quæ ingenuis ac liberaliter edu=
catis gratiora sunt quàm cibi potusue lauticiæ, non in=
agnificiendæ nisi apud istos epulones luxus ostentatores.
Postera die sub lucem accitum dispensatorē domesticum
iubet saccos quotquot allati fuerant frumento replere,
ac rursum in cuiusq; ore precium cum crumena repone=
re: in minimi autem saccum indere argenteum poculum
omnium pulcherrimū, ex quo ipse solebat bibere. Hæc
iussa ille diligenter exsecutus est, semotis omnibus arbi=
tris & testibus. Discedūt hospites ignari doli, atq; etiam
lati insperatis successibus. expectauerant enim subitu=
ros se interceptæ furto pecuniæ calumniam, recepturos
fratrem obsidem, fortasse ne minimum quidem fratrum,
ui detentum ab eo qui tam accuratè illum adduci ius=
serat. at illis omnia supra uotum euenerant, non so=
lum nullam passis calumniam, uerum etiam ad salem
mensamq;, quo præcipuum habetur pignus amicitiae,
adhibitis: receptus est & frater illæsus, idq; absq; ullo
deprecatore: alter natus minimus reducebatur ad paren=
tem incolumis: suspicionem explorationis euaserant, re=
uertebantur onusti cōmeatibus, bonam spem & in futu=
rum conceperant, etiam si sepius reditura esset penuria,
pollicentes sibi securum iter, non trepidum ut ante, sed
letum, ut ad familiarē & hospitē regionis eius summum
magistra=

magistratum. Sic affectis & sic cogitantibus repentinus inexpectatusq; pauor ingruit. Missus dispensator cum cohorte domestica, ut maneant manu significat, ipse cursum accelerat. mox anhelus: Cōfirmastis, inquit, & priora crimina, pro gratia referēdo bene meritis iniuriam, reuersi ad pristina maleficia. recepto per furtum frumēti precio maius addidistis facinus, impunitate augente, ut sit, malitiam. poculum herile pulcherrimum preciosissimumq; ex quo uobis præbuit, surripuistis homines grati pacatiq; qui ne nomen quidem nostis exploratorum, qui duplicatum attulistis frumenti precium, nimirum ut tali esca obiecta ex insidijs, maiorem prædam auferretis. sed non semper felix est malitia, interdum cum maxime se cælat, deprehēditur. Ad hæc cum illi præstare ne nutirent quidem, repente oppressi dolore metuq; duobus malis grauissimis, hærebant uerba in faucibus, ut solent inopinati casus uocem adimere. Tandem ne uiderentur silentio fateri conscientiam, Quomodo, inquit, causam dicemus, aut apud quem? nam tu contra nos exististi & iudex & accusator, qui etiam ab alijs accusatis nobis patrocinari debueras, quales finis expertus. Certè pecuniam prius in saccis inuentam, nemine arguente ut redderemus retulimus. num sic mutati sumus, ut hospiti per furtum damnum daremus pro gratia? nec factum est hoc, & absit ut unquam ulli nostrum in mentem ueniat. Quod si apud aliquem è fratribus poculum deprehensum fuerit, is luat capite. si uerè admisum est facinus, ipsi capitale iudicamus ob causam non simplicem. primum, quia concupiscere aliena est ini-

quisti-

quissimum. tum quia nefarium ducimus uelle nocere bene meritis. tertio, quia genus deductum ab illustribus maioribus ignominiosis factis dehonestare probum est turpissimum. quibus criminibus si quis nostrum est obnoxius, pereat dignus non uno supplicio. & cum dicto iumenta sarcinis exonerant, ultro ad scrutandum inuitando. Dispensator non ignarus latere id in sacco natu minimi, quod ipse clam abdiderat, tamen arte rem tegebat, initium à maximo natu faciens, & inquisitionem secundum ætates persequens, nemine tergiuersante, singulis inuuantibus, donec uentum est ad minimum, apud quem repertum est quod quærebatur, magno fratrum gemitu: qui scissis uestibus præmaturo luctu complorabant fratrem uiuentem etiam tunc, nec minus suam uicem & parētis miseri, præsagiorum eius memores, propter quæ fratrem cunctanter & inuitus commiserat itineri comitem. mœsti deinde turbatiq; retro in urbem redeunt eo casu attoniti, nō tam fratris cupiditatem suspectam habentes, quàm externas insidias. Tum ad regionis præfectum adducti, uerè fraternam pietatem profecerunt. accidentes enim uniuersi ad illius genua, quasi omnes furti cōiuncti, miserabile dictu, disfluebant lacrymis, supplicabant, seipsos offerebant, pollicentes seruitutem uoluntariam, illum herum appellando, se externa mancipia, empta precio, à nullis abstinendo seruilibus nominibus. qui magis etiam eos tentando, seuerè admodum respondit: Absit ut ob unius culpam in tam multos seuiam, aut durius aliquid statuam. Quid opus est pœnas ab insontib. exigeres qui solus peccauit, solus puniatur.

Audio

Audio iam ante à uobis prædamnatum quicumq; deprehensus fuerit. ego tamē æquitatis respectu mitigabo poenam remisso supplicio in seruitutem eum uindicās. Hac comminatione percussis cæteris, & exanimatis calumnia, quartus ætatis ordine, uir audax, & saluo pudore faciendus liberè: Precor, inquit, hec, ne iræ indulgeas, neuē fretus potestate regie proxima, contra inauditos infensosq; feras sententiā. Cum primum huc uenimus, percontanti tibi de patre fratreq; respondimus patrem consenuisse non tam ætate grauatū quā multis infortunijs, quibus more athletarum exercitatum, uitā exegisse in perpetuis miserijs atq; laboribus. fratrem adhuc puerum, patri ualde carum esse, ut prolem serotinam, & ex duobus eadem matre prognatis superstite. eum domirelictum solum, maiorem eius germanum uiolenta morte sublatum. cumq; iussisses eum huc adduci, malum minatus ni faceremus, ac ne reditum quidem ad te permittēs, moesti discessimus: & reuersi domum rem totā patri narrauimus. Ille diu reluctatus, quod uehementer puero metueret, tandem cogente penuria nobis redire ad frumentationem sine minimo fratre propter tuas minas non audentibus, ægrè persuasus hunc unā misit, ualde incusans quod indicassemus nos habere fratrem alium, & sortem suam miserans quod disiungeretur à puero charissimum. est enim pro ætate imperitus rerum omnium, non externarum tantum, sed & domesticarum patriarumq; ad affectum parentem quomodo reuertemur? hoc non reducto quibus eum intuebimur oculis? misera morte morietur, uel hoc solo audito quod puer nō reuertitur.

homicidæ patricidæq; audiemus ab inimicis infortunio nostro insultantibus. maxima criminis eius pars in me recidet. multa enim patri sum pollicitus ut pateretur ambire puerum, ultro pignus offerēdo, quod suo iure quandoq; libuerit posset à me repetere. quod ni tu propitiuss fias, reddere qui potero? Miserere senis obsecro, reputans quàm impotenter hanc calamitatem laturus sit, non recepto quem nobis inconsultè commisit filio. tu tamen pro iniuria quam uideris accepisse, pœnas sumito. en me uicarium. ex hac die seruorū tuorū numero ascribito. libēter censebor inter tuos nouitios, modo puerum digneris dimittere. id non tam puero dabitur, si condonabitur, quàm seni absenti, subleuando tot anxietatibus, atq; adeo ipsi parenti omnium. ad tuam enim dextram ceu ad aram, utinam non frustra, confugimus. Miserere senis per totam ætatem exerciti honestis laboribus: qui totius Syriæ ciuitates in uenerationem sui conuertit, quamuis alio ritu uiuens & alijs legibus, longè diuersis ab indigenarum moribus. Sed uicit uitæ honestas, & perpetuus dictorum factorumq; consensus, ut etiam à suis institutis alienos ad beneuolentiā flexerit. ei sic gratificaberis, ut nihil possit contingere gratius. quid enim potest esse gratius, quàm deploratum recipere? Verum hæc omnia tentamenta erāt, quemadmodum & priora, regionis præfecto explorāte horum erga fratrem suum uterinū beneuolentiā. Verebatur enim ne quod odium inter eos intercederet nouercale, ut solet in familijs prognatis è matribus diuersis, honore inter se paribus. ideò tanquā exploratores incusabat, sciscitādo quo nati essēt genere

genere, ut per eam occasionem de germano cognosce-
 ret, num superesset, an perisset insidijs. Nec dimisit nisi
 obside retēto, donec adduceretur quem desiderabat ma-
 ximē, ut liberaretur à molesta solitudine. quo in con-
 spectum adducto, nonnihil cura leuatus, omnes ad ho-
 spitalem mensam adhibuit, germanum honorans potio-
 ribus partibus, interim obseruans uultus singulorum,
 ex his iudicaturus numqua subesset inuidia. cumq; ui-
 disse omnes gaudere & fauere honori pueri, non con-
 tentus duobus argumentis fraternæ erga illum beneuo-
 lentie, tertium experimentum commentus est, intenta-
 to furti crimine. nam inde certissimē conijcere poterat
 de cuiusq; animo erga fratrem petitiū calumnia, atq;
 ita certo persuasus maternam familiam non impugnari
 seditione domestica, probabiliter de suo casu ratiocina-
 tus est, id accidisse non tam fratrum perfidia, quā pro-
 uidentia dei prospicientis in futurum, & immineā non
 minus cernentis quā presentia. tum ad reconciliatio-
 nem uersus ac fœdera succumbens charitati domesticæ,
 ne fratribus propter ueterem iniuriam obueneret ali-
 quod dedecus, noluit agnitioni primæ interesse quæ-
 quam Aegyptium: sed semoto uniuerso famulitio, repen-
 te profusis tanquam è fonte lacrymis, dextra ut propius
 accederent innuit, ne uel fortuito uerba eius exaudire
 posset quisquam alius: tum sic eos allocutus est: Rem lon-
 go tempore tectam & obliuioni mandatam ut putatis,
 nunc reuelaturus, solus solos appello. Fratrem quem in
 Aegyptum uendidistis, me ipsum presentem nunc cerni-
 tis. Ego sum. Hac insperata uoce percussis perterritisq;

et tãquam prae graui onere uultus ad terram demitten-
tibus, ac sine uoce stupentibus: Nolite triftari, inquit, ob-
liuionem omnium in me patratorum polliceor. nullo uo-
bis deprecatore opus est. mea sponte in gratiam uos re-
cipio, duabus de causis, propter pietatem erga patrẽ cui
plurimum debeo, et propter innatam humanitatẽ, qua
omnes praesertim sanguine coniunctos complector. ca-
terum hunc casum nõ uobis imputo sed deo, qui me suo-
rum beneficiorum difficillimis temporibus humano ge-
neri exhibendorum ministrum executoremq; esse uo-
luit: id uerum esse his quæ uidetis credite. Totius Aegy-
pti procuratio mihi comissa est: rex honorem mihi ha-
bet eximium, et ut parentem ueneratur quamuis etate
senior. color obseruorq; nõ tantum ab indigenis, uerum
etiam à plurimis gẽtibus uel provincialibus uel liberis.
nam omnes opus habet meo subsidio propter inopiam.
argentum aurumq; , et quod his maius est, commeatus
apud me solum reponuntur, distribuendi in singulos quan-
tum cuiq; ad necessarium usum satis est, ut nec ad deli-
cias supersit quicquã, nec desit ad satietatem. Quod non
iactanter dico, sed ut intelligatis neminem mortalem po-
tuisse seruo tantam conferre felicitatem, et quidem de-
truso in carcerem. nam et uinctus fui quondam passus
calumniam. Deus extremam calamitatem miseriamq;
in summam felicitatem uertit, qui solus est omnipotens.
id cum mihi sit persuasissimum, non est cur timeatis, de-
ponite omnem sollicitudinem, lætitiã recipite. nunc pro-
perandum est uobis ad patrem, ut à uobis potius quàm
à fama accipiat letum de me inuento nũcium: solet enim

illa præcurrere. Tum fratres certatim collaudabant hominem, alio aliam uirtutem deprædicante, clementiam, charitatem, prudentiam, pietatem uerò omnes uno ore laudabant, felicem euentum ad deum autorem referentis, & pristinos casus ferentis æquo animo: nec minus mirabantur insignem eius modestiam ac patientiam, qui neq; seruiens malè locutus est de fratribus, ut perfidis uenditoribus, neq; in carcerem trusus præ dolore ullum secretum effudit, neq; tam longo tempore inter uinctos degens, ut miseri solent, suum detexit infortunium, tanquam ignarus omnium suorum casuum: ac ne tum quidem cum uel eunuchis uel regi interpretaretur somnia, occasionem arripiens suam ingenuitatem aperuit, inò nec cum uicariam regis potestatem accepit Aegypto uniuersæ præfectus, ut saltem obscuritatis opinionè aboleret docens se natum honesto genere, non uernam, sed insidijs quorum minimè oportuit deuolutum in graues erunas ac misérias. ad has laudes accedebat etiam æquitatis eius mentio, dexteritatisq; in obeundis munij publicis. conferètes enim eum cum uulgata magistratum aliorum tam arrogantia quàm imperitia, mirabantur ostentationis pomparumq; contemptum in uiro tam egregio: & quòd alienus ab omni maleficio tragico, quamuis potuerit mox in prima profectione agniti oppressum, aut certè fame pereuntibus frumentum non præbere, adeò poenam ab eis abstinuit, ut tanquam bene meritis daret munera, reddito precio. In tantum enim perfidia patratumq; scelus latuit, ut optimates Aegypti præfecto gratularentur fratrum præsentiam, quasi tum
primum

primum uenissent. quibus hospitaliter exceptis, rem indicarunt suo regi properè, ita ut omnia plena essent gratulationibus & leticia publica, non aliter quàm si felici prouentu frugum fames mutata esset in abundantiam. Rex cognito patrem eius adhuc esse superstitem, & numerosam familiam, hortatus est ut uniuersi commigrarent, uberrimam Aegypti partem eis se donaturum pollicitus. moxq; multa carpenta & plaustra cum iumentis ad subuectionem donat fratribus, & honestum famulitium, ut patrem securè deducerent. illi uerò ad eum reuersi, & narrantes incredibilem insperatamq; felicitatem, non ualde senem mouebant, non quòd dubitaret de fide testium, sed propter rei magnitudinem assensum suspendebat. tandem conspecto apparatu copioso, non discrepante ab his quæ nunciabantur, confirmatus laudabat deum, qui suppleuisset quod in familia desideratum fuerat. sed hoc gaudium metu sollicitabatur, ne desererentur mores patrij. norat enim iuuentutis lubricum, & apud exteros peccandi licentiam, præsertim Aegyptijs circa uerum deum cæcutientibus, & cæcas creaturas consecrantibus atq; colentibus. sciebat etiam honores diuitiasq; insidiari parum cautis mentibus, ideò metuebat filio, quòd solus semotus à paterna familia uidebatur egere castigatore, qui ad uirtutem reuocans non fineret eum corrumpi tot prosperitatibus. Hæc cogitantem uidens qui solus inuisibilem animam introspicit, miseratus dormienti in somnis apparuit. Ne dubites, inquit, in Aegyptum proficisci. ipse itineris dux ero, secura tutaq; facturum omnia. restituiam tibi & desideratissimum

tiſſimum filium, qui iam aliquot annis deploratus pro-
 mortuo, non ſolum uiuit, ſed & maximæ regioni præſe-
 ctus eſt. ſic ſenex bona ſpe plenus, mane lætus ſe dedit in-
 uian. Hoc audito filius (nam ſpeculatores nunciosq; in
 itinere diſpoſuerat) propinquantibus circa regni fines oc-
 currit obuiam. cumq; conueniſſent circa Heroopolim
 ut uocant, effuderunt ſe in complexus mutuos, ubertim
 ueſtes rigando lacrymis, atq; ita hærentes aliquantisper
 explebant diutinum deſiderium, & tandem unâ conten-
 derunt ad regiam. Ibi rex conſpiciatus uenerandam ſe-
 nis faciẽ, non ut præſecti, ſed ut ſuum patrem excepiſ-
 honorifice: dein poſt ſolennia humanitatis officia, do-
 nauit ei agrum ubertatis præcipuæ: & quia huius filios
 audierat eſſe pecuarios, facultatesq; illorum conſtare pe-
 coribus, commiſit eorum curæ proprios greges ouium
 caprarumq; cum armentis regijs. Iuuenis autem tanta ſi-
 de uſus eſt in adminiſtrandis negocijs publicis, ut cum
 ratio temporum plurimas occaſiones ei præbuiſſet ad
 congerendam pecuniam, potuiſſetq; facile ditiffimus ſui
 ſeculi euadere, adulterinis diuitijs ueras prætulerit, &
 cæcis perſpicaces, totum argentum aurumq; è frumenti
 precio collectum referens in theſauros regios, ne drach-
 ma quidem ſubtracta, contentus donis quibus rex eum
 remunerabatur. nec aliter quàm Aegyptū cæterasq; re-
 gni eius prouincias, externas quoq; gentes fame preſſi-
 hic uir nunquā ſatis laudatus curauit, paterna prouide-
 tia diſtribuens alimenta, futuris etiā neceſſitatib. proſpi-
 ciens, non ſolū præſentibus. nam incunte anno egeſtatis
 ſeptimo, accitis agricolis (iam enim ubertatis ſpes afflu-
 gebat

gebat) dedit hordeum & triticum ad sementem, diligenter cauens ne quis hæc in alium usum uerteret, appositis custodijs ex optimatibus, qui sationem obseruarent. Post aliquot autem annos à finita fame defuncto patre, fratres nōdum à suspitione in totum liberi, ueriti ne ille ulcisceretur iniuriam ueterem, denuo cum uxoribus ac liberis supplices petierunt ueniam. Qui lacrymans respondit: Iam tempus ipsum hanc sollicitudinem exemisse uobis debuerat, nisi molesta esset conscientia. Obitus cōmunis patris renouat uobis metum ueterem, quasi ad tēpus data uenia, nequid ille contristaretur. Verū ego non mutor tempore, nec unquam uiolabo pacem semel redatam fratribus. non distuli uindictam in tempus opportunius, sed condonaui pœnam in solidum, partim in honorem patris, ne quid mentiar, partim propter fraternam necessitudinem. quamuis etiamsi patris solius respectus apud me ualuisset in hoc humanitatis officio, par est ut etiam illo defuncto ualeat. nam mea sententia nemo bonus moritur, sed uiuet in sempiternum expers senij, propter immortalem naturam animæ solutæ corporis necessitatibus. Cur autem geniti patris tantum meminitis? habemus alium ingentum, immortalem, eternū, inspectorem auditoremq; omnium etiam quæ fiunt per silentium, introspectientem intimos secessus animi: cum ego testem inuoco meæ conscientie, quòd bona fide uobiscum in gratiam rediui. nam ego (absit dicto inuidia) dei sum, qui in uestrum bonum uertit mala consilia. Deponite metum. posthac meliore conditione apud me futuri quàm ante parentis obitum. ita confirmatis fratri-

bus, facta cōuenientia dictis addidit, nihil omittēs quod
 pertineret ad eorum commoda. Insequitis autem fili-
 cioribus temporibus, & regione restituta in abundan-
 tiam pristinam cum magna incolarum letitia, honora-
 batur ab omnibus, gratiam referentibus pro acceptis be-
 neficijs in difficultate superiorum temporū. fama quoq;
 apud exterarum ciuitates celebrabat hominis uirtutes in-
 clytas. Vixit annos decem supra centum in senectute de-
 functus prospera, formosus admodum & prudens faci-
 dusq; testatur de eius corporis pulchritudine amor qui
 mulierem adegit ad insaniam: de prudentia uero æqua-
 nimitas perpetua in tantis circa fortunam eius mutati-
 nibus, illo casus omnes bene uertente, & coaptatē qua
 uix coaptari posse uidebantur. quantum autem rationi
 orationeq; polleret declarauit & somniorum interpre-
 tatio, & in fortuna uaria semper sui similis constansq;
 facundia, ad persuadendum efficacissima, ut omnes uo-
 lentes libentesq; non coacti iussa facerent. Ex hac ætas
 decem & septem annos usq; ad exitum adolescentiæ ui-
 xit in paternis ædibus: tredecim sequentibus impro-
 sos casus pertulit, insidijs petitus, uenditus, seruiens, ca-
 lumnias ferens & uincula. reliquos octuaginta exegit
 in principatu summaq; prosperitate, famis uber-
 tatisq; præses ac dispensator optimus,
 egregie prospiciens utri-
 que tempori.


TOMI PRIMI PHILONIS


Iudæi librorum Finis.

NO. 1 193

Episcopus







Handwritten text, possibly "Biblioteka Jagiellońska"

Biblioteka Jagiellońska



sidr0029661



10
Miss [unclear]
[unclear]